





# Holy Bible

*Aionian* Edition®

हरियाणवी बाइबिल

Haryanvi Bible

*Holy Bible Aionian Edition* ®

हरियाणवी बाइबिल  
Haryanvi Bible

CC Attribution ShareAlike 4.0, 2018-2024

Source text: eBible.org

Source version: 7/12/2024

Source copyright: CC Attribution ShareAlike 4.0  
The Love Fellowship, 2021

Formatted by Speedata Publisher 4.19.18 (Pro) on 7/19/2024

100% Free to Copy and Print

TOR Anonymously

[AionianBible.org](http://AionianBible.org)

Published by Nainoia Inc

<https://Nainoia-Inc.signedon.net>

We pray for a modern public domain translation in every language  
Report content and format concerns to Nainoia Inc  
Volunteer help is welcome and appreciated!

*Celebrate Jesus Christ's victory of grace!*



# Preface

हरियाणवी at [AionianBible.org/Preface](http://AionianBible.org/Preface)

The *Holy Bible Aionian Edition* ® is the world's first Bible *un-translation*! What is an *un-translation*? Bibles are translated into each of our languages from the original Hebrew, Aramaic, and Koine Greek. Occasionally, the best word translation cannot be found and these words are transliterated letter by letter. Four well known transliterations are *Christ*, *baptism*, *angel*, and *apostle*. The meaning is then preserved more accurately through context and a dictionary. The Aionian Bible un-translates and instead transliterates eleven additional Aionian Glossary words to help us better understand God's love for individuals and all mankind, and the nature of afterlife destinies.

The first three words are *aiōn*, *aiōnios*, and *aiōdios*, typically translated as *eternal* and also *world* or *eon*. The Aionian Bible is named after an alternative spelling of *aiōnios*. Consider that researchers question if *aiōn* and *aiōnios* actually mean *eternal*. Translating *aiōn* as *eternal* in Matthew 28:20 makes no sense, as all agree. The Greek word for *eternal* is *aiōdios*, used in Romans 1:20 about God and in Jude 6 about demon imprisonment. Yet what about *aiōnios* in John 3:16? Certainly we do not question whether salvation is eternal! However, *aiōnios* means something much more wonderful than infinite time! Ancient Greeks used *aiōn* to mean *eon* or *age*. They also used the adjective *aiōnios* to mean *entirety*, such as *complete* or even *consummate*, but never infinite time. Read Dr. Heleen Keizer and Ramelli and Konstan for proofs. So *aiōnios* is the perfect description of God's Word which has *everything* we need for life and godliness! And the *aiōnios* life promised in John 3:16 is not simply a ticket to eternal life in the future, but the invitation through faith to the *consummate* life beginning now!

The next seven words are *Sheol*, *Hadēs*, *Geenna*, *Tartaroō*, *Abyssos*, and *Limnē Pyr*. These words are often translated as *Hell*, the place of eternal punishment. However, *Hell* is ill-defined when compared with the Hebrew and Greek. For example, *Sheol* is the abode of deceased believers and unbelievers and should never be translated as *Hell*. *Hadēs* is a temporary place of punishment, Revelation 20:13-14. *Geenna* is the Valley of Hinnom, Jerusalem's refuse dump, a temporal judgment for sin. *Tartaroō* is a prison for demons, mentioned once in 2 Peter 2:4. *Abyssos* is a temporary prison for the Beast and Satan. Translators are also inconsistent because *Hell* is used by the King James Version 54 times, the New International Version 14 times, and the World English Bible zero times. Finally, *Limnē Pyr* is the Lake of Fire, yet Matthew 25:41 explains that these fires are prepared for the Devil and his angels. So there is reason to review our conclusions about the destinies of redeemed mankind and fallen angels.

The eleventh word, *eleēsē*, reveals the grand conclusion of grace in Romans 11:32. Take the time to understand these eleven words. The original translation is unaltered and a note is added to 64 Old Testament and 200 New Testament verses. To help parallel study and Strong's Concordance use, apocryphal text is removed and most variant verse numbering is mapped to the English standard. We thank our sources at [eBible.org](http://eBible.org), [Crosswire.org](http://Crosswire.org), [unbound.Biola.edu](http://unbound.Biola.edu), [Bible4u.net](http://Bible4u.net), and [NHEB.net](http://NHEB.net). The Aionian Bible is copyrighted with [creativecommons.org/licenses/by-nd/4.0](http://creativecommons.org/licenses/by-nd/4.0), allowing 100% freedom to copy and print, if respecting source copyrights. Check the Reader's Guide and read online at [AionianBible.org](http://AionianBible.org), with Android, and TOR network. Why purple? King Jesus' Word is royal... and purple is the color of royalty!

# History

हरियाणवी at [AionianBible.org/History](https://AionianBible.org/History)

- 04/15/85 - Aionian Bible conceived as B. and J. pray.
- 12/18/13 - Aionian Bible announced as J. and J. pray.
- 06/21/15 - Aionian Bible birthed as G. and J. pray.
- 01/11/16 - AionianBible.org domain registered.
- 06/21/16 - 30 translations available in 12 languages.
- 12/07/16 - Nainoia Inc established as non-profit corporation.
- 01/01/17 - Creative Commons Attribution No Derivatives 4.0 license added.
- 01/16/17 - Aionian Bible Google Play Store App published.
- 07/01/17 - 'The Purple Bible' nickname begins.
- 07/30/17 - 42 translations now available in 22 languages.
- 02/01/18 - Holy Bible Aionian Edition® trademark registered.
- 03/06/18 - Aionian Bibles available in print at Amazon.com.
- 10/20/18 - 70 translations now available in 33 languages.
- 11/17/18 - 104 translations now available in 57 languages.
- 03/24/19 - 135 translations now available in 67 languages.
- 10/28/19 - Aionian Bible nursed as J. and J. pray.
- 10/31/19 - 174 translations now available in 74 languages.
- 02/22/20 - Aionian Bibles available in print at Lulu.com.
- 05/25/20 - Illustrations by Gustave Doré, La Grande Bible de Tours, Felix Just.
- 08/29/20 - Aionian Bibles now available in ePub format.
- 12/01/20 - Right to left and Hindic languages now available in PDF format.
- 03/31/21 - 214 translations now available in 99 languages.
- 11/17/21 - Aionian Bible Branded Leather Bible Covers now available.
- 12/20/21 - Social media presence on Facebook, Twitter, LinkedIn, YouTube, etc.
- 01/01/22 - 216 translations now available in 99 languages.
- 01/09/22 - StudyPack resources for Bible translation study.
- 02/14/22 - Strong's Concordance from Open Scriptures and STEP Bible.
- 02/14/23 - Aionian Bible published on the TOR Network.
- 12/04/23 - Eleēsē added to the Aionian Glossary.
- 02/04/24 - 352 translations now available in 135 languages.
- 05/01/24 - 371 translations now available in 151 languages.

# Table of Contents

## NEW TESTAMENT

मत्ती .....	1
मरकुस .....	27
लूका .....	44
यूहन्ना .....	72
प्रेरितों के काम .....	94
रोमियों .....	121
1 कुरिन्थियों .....	135
2 कुरिन्थियों .....	149
गलातियों .....	157
इफिसियों .....	162
फिलिप्पियों .....	167
कुलुस्सियों .....	170
1 थिस्सलुनीकियों .....	173
2 थिस्सलुनीकियों .....	176
1 तीमुथियुस .....	178
2 तीमुथियुस .....	182
तीतुस .....	185
फिलेमोन .....	187
इब्रानियों .....	188
याकूब .....	198
1 पतरस .....	201
2 पतरस .....	205
1 यूहन्ना .....	208
2 यूहन्ना .....	212
3 यूहन्ना .....	213
यहूदा .....	214
प्रकाशित वाक्य .....	216

## APPENDIX

Reader's Guide

Glossary

Maps

Destiny

Illustrations, Doré



# NEW TESTAMENT



फेर यीशु नै कहा, “हे पिता इन्हनै माफ कर, क्यूँके ये नही जाणदे के ये के करै सै।”

अर उननै पचीं गेर के उसके लत्ते बांड लिए।

लूका 23:34

# मत्ती

1 ये यीशु मसीह के पूर्वजां के नाम सै। वो राजा दाऊद का वंशज था, अर राजा दाऊद अब्राहम का वंशज था। 2 अब्राहम का बेटा इसहाक था, अर इसहाक का बेटा याकूब था, फेर याकूब तै यहूदा अर उसके भाईयाँ का जन्म होया। 3 यहूदा के बेटे फिरिस अर जोरह थे। (फिरिस अर जोरह की माँ का नाम तामार था।) फिरिस का बेटा हिस्नोन था। हिस्नोन का बेटा एराम था, 4 एराम का बेटा अम्मिनादाब था। अम्मिनादाब तै नहशोन, अर नहशोन तै सलमोन का जन्म होया, 5 सलमोन का बेटा बोआज था। (बोआज की माँ का नाम राहाब था।) बोआज अर रुत तै ओबेद का जन्म होया, अर ओबेद का बेटा यिशै था। 6 अर यिशै का बेटा राजा दाऊद था। (राजा सुलैमान दाऊद का बेटा था।) जो उस बिरबान्नी तै जन्मा था जो पैहले उरियाह की घरआळी थी, 7 सुलैमान का बेटा रहबाम था। अर रहबाम का बेटा अबियाह था। अर अबियाह तै आसा का जन्म होया। 8 आसा का बेटा यहोशाफात था। फेर यहोशाफात तै योराम अर योराम तै उज्जियाह का जन्म होया। 9 उज्जियाह का बेटा योताम था अर योताम, आहाज का। फेर आहाज तै हिजकियाह का जन्म होया। 10 हिजकियाह तै मनशिशह का जन्म होया। मनशिशह का बेटा आमोन था, अर आमोन तै योशियाह का जन्म होया। 11 फेर इस्राएल के माणसां नै केदी बणाके बेबीलोन देश ले जाण के बखत योशियाह तै यकून्याह, अर उसके भाईयाँ का जन्म होया। 12 बेबीलोन देश म्ह पोहचाये जाये पाच्छे यकून्याह तै शालतियेल का जन्म होया, फेर शालतियेल तै जरुब्बाबिल का जन्म होया। 13 जरुब्बाबिल तै अबीहूद का जन्म होया, अबीहूद तै एलयाकीम का अर एलयाकीम तै अजोर का जन्म होया। 14 अजोर का बेटा सदोक था। सदोक तै अखीम अर अखीम तै इलीहूद का जन्म होया। 15 इलीहूद का बेटा इलियाजार था। अर इलियाजार मत्तान का। मत्तान का बेटा याकूब था। 16 अर याकूब तै यूसुफ का जन्म होया, जो मरियम का धणी था। अर मरियम तै यीशु जो मसीह कुहावै सै, पैदा होया। 17 इस तरियां अब्राहम तै दाऊद तक चौदहा पीढ़ी होई, अर दाऊद तै लेके इस्राएलियाँ नै केदी बणाके बेबीलोन देश भेज्जे जाण तक चौदहा पीढ़ी, अर इस्राएलियाँ केदी बणाके बेबीलोन देश म्ह भेज्जे जाण के बखत तै मसीह तक चौदहा पीढ़ी और होई। 18 यीशु मसीह का जन्म इस तरियां होया, कै जिब उसकी माँ मरियम की सगाई यूसुफ कै गैल होगी, तो उनका ब्याह होण तै पैहल्याए बेरा पाट्या के वा पवित्र आत्मा की शक्ति तै गर्भवती सै। 19 पर उसका धणी यूसुफ जो एक धर्मी माणस था, उसनै बदनाम न्ही करणा चाहवै था, इस खात्तर उस ताहीं चुपके तै छोड़ण का विचार करया। 20 जिब वो इन बातानं नै सोचवै ए था तो परमेसवर का सुर्गदूत उसनै सपनै म्ह आके कहण लाग्या, “हे यूसुफ! दाऊद

के वंशज, तू अपनी घरआळी मरियम नै अपने उरै ल्याण तै ना डरै, क्यूँके जो उसकी कोख म्ह सै, वो पवित्र आत्मा की ओड़ तै सै। 21 वो बेटा जाम्गैरी अर तू उसका नाम यीशु धरिये, क्यूँके वो अपने माणसां का उनके पापां तै उद्धार करैगा।” 22 वो सारा इस खात्तर होया के जो वचन प्रभु नै यशायाह नबी कै जरिये कहा था, वो पूरा हो 23 देख्खो एक कुँवारी गर्भवती होगी अर एक छोरा जण्येगी, अर उसका नाम इम्मानुएल धरया जावैगा, जिसका मतलब सै “परमेसवर म्हारै गैल सै।” 24 फेर यूसुफ नींद तै जाग कै परमेसवर कै सुर्गदूत के हुकम कै मुताबिक मरियम नै अपनी घरआळी बणाके अपने याड़े ले आया। 25 अर जिब ताहीं उसनै छोरा ना जणया जिब तक यूसुफ उसके धरै न्ही गया अर उसनै बाळक का नाम यीशु धरया।

2 हेरोदेस राजा जिब यहूदिया परदेस पै राज करण लागरया था, तो उस परदेस के बैतलहम नगर म्ह यीशु का जन्म होया। तो थोड़े बखत बाद कई विद्वान जो तारां का ज्ञान राख्खै थे, पूरब तै यरुशलेम नगर म्ह आये। 2 वो आके बुड़झण लागे, यहूदियां का राजा जिसका जन्म होया सै, वो कित्त सै? हमनै पूरब दिशा म्ह उसका तारा देख्खा सै, जो उसके जन्म के बारें म्ह बतावै सै, इस करके हम उसकी आराधना करण आये सां। 3 वो सुणके हेरोदेस राजा अर उसके गैल यरुशलेम नगर के सारे लोग चिन्ता करण लागै। 4 फेर उसनै माणसां के सारे प्रधान याजकां अर शास्त्रियाँ ताहीं कट्टा करके उनतै बुड़झया, के पवित्र ग्रन्थ के कहवै सै? “मसीह का जन्म कित्त होणा चाहिये?” 5 उननै उस ताहीं कहा, “यहूदिया परदेस के बैतलहम नगर म्ह,” क्यूँके नबियाँ कै जरिये योए पवित्र ग्रन्थ म्ह लिख्खा गया सै: 6 “हे बैतलहम नगर, तू जो यहूदा कै परदेस म्ह सै, तू किसे भी ढाळ तै यहूदा कै अधिकारियां म्ह सारा तै छोटा कोन्या। क्यूँके तेरे म्ह तै एक राजा लिकड़ैगा, जो मेरी प्रजा इस्राएल की रूखाळी करैगा।” 7 हेरोदेस जाणणा चाहवै था के उस बाळक की उग्र कितनी सै, इस करके उसनै तारां का ज्ञान राख्खण आळा ताहीं लुह्क्मा बुलाके उनतै बुड़झया के तारा ठीक किस बखत दिख्खा था। 8 अर राजा नै यो कहके उन ताहीं बैतलहम नगर भेज्जा, “जाओ, उस बाळक कै बारें म्ह ठीक-ठाक बेरा पाड़ो, अर जिब वो मिल ज्या तो मननै खबर द्यो, ताके मै भी आणके उसकी आराधना करूँ।” 9 वे राजा की बात सुणके चले गए, अर जो तारा उननै पूरब दिशा म्ह देख्खा था, वो उनके आगै-आगै चाल्या। अर जड़ै बाळक था, उस घर कै उप्पर जाके रुक गया। 10 उस तारे नै देखके वे घणे आनन्दित होए, जो उस घर के उप्पर रुक गया था। 11 उननै उस घर म्ह जाके उस बाळक ताहीं उसकी माँ मरियम कै गैल देख्खा, अर झुकके बाळक की आराधना करी, अर अपना-अपणा झोळा खोल के उस ताहीं सोन्ना, लोबान, अर गन्धरस की भेट चढ़ाई। 12 फेर सपनै म्ह परमेसवर नै या चेतावनी दी के हेरोदेस राजा कै धरै फेर ना जाइयो, वे राजा ताहीं बिना

बताये दुसरे राह तै अपने देश म्ह चले गये। 13 विद्वानां कै चले जाणके बाद परमेसवर के एक सुगर्दूत नै सपनै म्ह आके यूसुफ तै कह्या, “उठ! उस बाळक नै अर उसकी माँ नै लेके मिस देश म्ह भाग ज्या। अर जब ताहीं मै तेरे तै ना कहूँ, जब ताहीं ओड़ैए रहिये। क्यूँके हेरोदेस राजा इस बाळक नै टोहके उस ताहीं उसनै मरवाणा चाहवे सै।” 14 फेर वो रात नै ए उठके बाळक अर उसकी माँ नै लेके मिस देश नै चाल पड्या। 15 अर हेरोदेस राजा के मरण तक ओड़ैए रह्या। ताके वो वचन जो प्रभु नै होशे नबी के जरिये कह्या था वो पूरा हो “मन्ने अपने बेट्टै ताहीं मिस देश तै बुलाया।” 16 जब हेरोदेस राजा नै यो देखा, के विद्वानां नै उसके गैल धोक्खा करया सै, फेर वो छो म्ह भरग्या। उसनै सैनिकां ताहीं भेजके विद्वानां कै जरिये ठीक ठाक बताये होड़ बखत के मुताबिक बैतलहम नगर अर उसके लोवै-धोवै की जगहांया के सारे छोरयां ताहीं जो दो साल के या उसतै छोटे थे, वे सब मरवा दिए। 17 फेर जो वचन यिर्मयाह नबी के जरिये कह्या गया था, वो पूरा होया, 18 “रामाह नगर म्ह एक रोण की आवाज सुणाई देई, रोणा अर घणाए बिलाप। राहेल अपने बाळकां के खात्तर रोवै थी, अर चुप न्ही होणा चाहवै थी, क्यूँके वे इब मरगे थे।” 19 हेरोदेस राजा के मरण के पाछे, परमेसवर का सुगर्दूत मिस देश म्ह यूसुफ तै सपनै म्ह बोल्या, 20 “उठ, बाळक अर उसकी माँ नै लेके इस्राएल के देश म्ह चल्या ज्या, क्यूँके हेरोदेस राजा अर उसके माणस जो बाळक नै मारणा चाहवे थे, वे मर लिये सै।” 21 यूसुफ नींद तै जाजा, अर बाळक अर उसकी माँ नै गेल्या लेके इस्राएल देश म्ह बोहड़ आया। 22 पर या सुणके के अरखिलाउस अपने पिता हेरोदेस राजा की जगहां यहूदिया परदेस पै राज करै सै, ओड़ै जाण तै डरग्या। फेर सपनै म्ह परमेसवर की ओड़ तै चेतावनी पाके गलील परदेस म्ह चल्या गया। 23 अर नासरत नाम कै नगर म्ह जा बस्या, ताके वो वचन पूरा हो, जो नबियाँ कै जरिये यीशु के बारे कह्या गया था: “वो नासरी कुहावैगा।”

**3** उन दिनां म्ह यूहन्ना बपतिस्मा देण आळा आके यहूदिया परदेस के जंगल-बियाबान म्ह यो प्रचार करण लाग्या: 2 “पाप करणा छोड़ दो, क्यूँके सुर्ग का राज्य धोरे आ लिया सै।” 3 यो वोए सै, जिसका जिक्र यशायाह नबी के जरिये करया गया: “जंगल-बियाबान म्ह तै ए कोए रुक्का देवै सै, के प्रभु का राह तैयार करो अर उसकी सड़क सीध्धी करो।” 4 यूहन्ना ऊँट के रुपे के लत्ते पहरणीया अर अपनी कड़ म्ह चमड़े की पेट्टी-बाँधे रहवै था। उसका खाणपान टिट्टियाँ अर शहद था। 5 फेर यरुशलेम नगर अर सारे यहूदिया परदेस अर यरदन नदी के लोवै-धोवै की सारी जगहां के माणस उसके धोरे आ गये। 6 उन सारया नै अपने-अपणे पापां नै मानके यरदन नदी म्ह उसतै बपतिस्मा लिया। 7 जब उसनै घणे सारे फरीसियाँ अर सदूकियाँ ताहीं अपने धोरे बपतिस्मा लेण खात्तर आन्दे देख्या, तो बोल्या, “हे साँप के सप्पोलों जिसे माणसों, थम नरक की

सजा तै किस ढाळ बचोगे? (questioned) 8 इस खात्तर जै थमनै सच म्ह पाप करणा छोड़ दिया सै तो यो दिखाण खात्तर भले काम तो करो। 9 अर अपने-अपणे मन म्ह न्यू मतना सोचो के म्हारा पिता अब्राहम सै। क्यूँके मै थमनै कहूँ सूं के परमेसवर इन पत्थरां तै अब्राहम कै खात्तर ऊलाद पैदा कर सकै सै। 10 इब कुहाड़ा दरखतां की जड़ पै धरया सै, इस करके जो-जो दरखत बढ़िया फळ न्ही ल्यांदा, वो काट्या अर आग म्ह झोक्या जावैगा। इसका मतलब यो सै परमेसवर उन सारया नै दण्ड देवेगा जो पाप करणा न्ही छोड़ते। 11 “मै तो थमनै पाणी तै, पापां ताहीं छोड़ण का बपतिस्मा देऊ सूं, पर जो मेरे पाछे आवैगा, वो मेरे तै भी शक्तिशाली सै। मै उसकी जूत्ती ठाण जोग्गा भी कोनी। वो थमनै पवित्र आत्मा अर आग तै बपतिस्मा देवेगा। 12 उसका छाज उसके हाथ म्ह सै, अर वो अपना खलिहाण अच्छी तरियां साफ करैगा, अर अपने नाज नै अपने कोठार (गोदाम) म्ह कड़ा करैगा, पर भुरळी ताहीं उस आग म्ह जळावैगा जो कदे बुझे कोनी।” 13 उस बखत यीशु गलील परदेस तै यरदन नदी के कन्ठारे यूहन्ना कै धोरे उसतै बपतिस्मा लेण आया। 14 पर या कहके यूहन्ना उसनै रोककण लाग्या, “के मन्ने तो तेरे हाथ तै बपतिस्मा लेण की जरूरत सै, अर तू मेरे धोरे आया सै?” 15 यीशु नै उसतै जवाब दिया, “के इब तो योए होण दे, क्यूँके हमनै इरसे तरियां तै सारी धार्मिकता पूरी करणा ठीक सै।” फेर उसनै उसकी बात मान ली। 16 अर यीशु बपतिस्मा लेके जब पाणी तै उप्पर आया, अर अकास खुलग्या, अर उसनै परमेसवर की पवित्र आत्मा ताहीं कबूतर की तरियां उतरते अर अपने उप्पर आन्दे देख्या। 17 अर देखो, परमेसवर सुर्ग म्ह तै बोल्या, “के यो मेरा प्यारा बेटा सै, जिसतै मै भोत घणा राज्जी सूं।”

**4** बपतिस्मे के बाद पवित्र आत्मा यीशु नै जंगल-बियाबान म्ह लेग्या, ताके शैतान उस ताहीं परखै। 2 वो चाळीस दिन अर चाळीस रात, बिना खाए पिए रह्या, फेर उसनै भूख लागी। 3 फेर शैतान नै धोरे आणके उसतै कह्या, “जै तू परमेसवर का बेटा सै, तो कहके साबित करदे, के ये पत्थर रोटी बन जावै, ताके तू इननै खा सकै।” 4 यीशु नै जवाब दिया: “पवित्र ग्रन्थ म्ह लिख्या सै, ‘माणस सिर्फ रोटी तै ए न्ही, पर परमेसवर के हरेक वचन तै जो उसनै मान्ने सै, जिन्दा रहैगा।’” 5 फेर शैतान उसनै पवित्र नगर यरुशलेम म्ह लेग्या अर मन्दर की चोटी पै खड्या कर दिया। 6 अर उसतै बोल्या, “जै तू परमेसवर का बेटा सै, तो अपने-आपने तळे गेर के साबित कर। क्यूँके पवित्र ग्रन्थ म्ह लिख्या सै: वो तेरे बाबत अपने सुगर्दूतां नै हुकम देगा, अर वे तन्ने हाथो हाथ उठा लेवैगें कदे इसा ना हो के तेरे पायां म्ह पत्थर तै ठेस लागै।” 7 यीशु नै उसतै कह्या, “यो भी पवित्र ग्रन्थ म्ह लिख्या सै, के ‘तू अपने प्रभु परमेसवर नै ना परखै।’” 8 फेर शैतान उसनै घणे ऊँच्चे पहाड़ पै लेग्या अर सारी दुनिया का राजपाट अर उसकी शानो-शोकत दिखाके, 9

उसतै बोल्या, “जै तू झुककै मेरी भगति करै, तो मै सारा किमे तन्नै दे दियूंगा।” 10 फेर यीशु उसतै बोल्या, “हे शैतान दूर हो ज्या, पवित्र ग्रन्थ म्ह लिख्या सै: तू प्रभु अपने परमेसवर की भगति कर, अर सिर्फ उससे की सेवा करया कर।” 11 फेर शैतान उसके धोरै तै चल्या गया, अर देख्ये, सुर्गदूत आणकै उसकी सेवा करण लागे। 12 जिब उसनै न्यू सुण्या के यूहन्ना कैदी बना लिया सै, तो वो यहूदिया परदेस तै लिकड़के गलील परदेस म्ह चल्या गया। 13 अर फेर वो गलील परदेस के नासरत नगर नै छोड़के कफरनहूम नगर म्ह, जो गलील समुन्दर कै किनारे था, कफरनहूम उस क्षेत्र म्ह गलील के समुन्दरी तट पै था, जइ जबूलन अर नप्ताली के गोत्र के माणस रहवै थे। 14 ताके जो यशायाह नबी कै जरिये कहा गया था, वो पूरा हो 15 “जबूलन अर नप्ताली जाति कै परदेस, गलील समुन्दर कै किनारे यरदन नदी के पार, गलील परदेस म्ह रहण आळे गैर यहूदी माणस” 16 “जो माणस अन्धकार म्ह जीण लागरे थे, उननै तेज चान्दणा देख्या। वे उस जगहां म्ह जीण लागरे थे, जित हर घड़ी मौत का खतरा था, उनपै चान्दणा चमक्या।” 17 उस बखत तै यीशु नै प्रचार करण अर कहणा शरु करया, “पाप करण छोड़ घो, क्यूँके सुर्ग का राज्य धोरै आया सै।” 18 गलील परदेस म्ह गलील समुन्दर कै किनारे घूमदे होए उसनै दो भाईयाँ ताहीं शमीन जो पतरस कुहावै सै, अर उसके भाई अन्द्रियास ताहीं समुन्दर म्ह जाळ गेरेते देख्या, क्यूँके वे मछवारे थे। 19 यीशु नै उनतै कहा, “मेरे पाछै आओ, मै थमनै माणसां ताहीं कठे करण आळे बणाऊंगा ताके वो मेरे चेल्ले बणे।” 20 वे जिब्बे जाळां नै छोड़के उसके चेल्ले बणण खात्तर उसके पाछै हो लिये। 21 ओड़ तै आगै चालकै, यीशु नै दो और भाईयाँ ताहीं यानी जब्दी के बेटे याकूब अर उसके भाई यूहन्ना ताहीं देख्या। वे अपने पिता जब्दी कै गैल किस्ती पै अपने जाळां ताहीं ठीक करै थे। यीशु नै उन ताहीं भी बुला लिया। 22 वे जिब्बे किस्ती अर अपने पिता नै छोड़के उसके चेल्ले बणण खात्तर उसके पाछै हो लिये। 23 यीशु सारे गलील परदेस म्ह फिरता होया उनके आराधनालयों म्ह उपदेश सुणान्दा, अर राज्य का सुसमाचार सुणान्दा अर माणसां की हरेक ढाळ की बीमारी अर कमजोरियाँ नै दूर करदा रह्या। 24 अर सारे सीरिया परदेस म्ह उसका यश फैलया, अर माणस सारे बिमारां नै, जो कई ढाळ की बिमारियाँ अर दुखां तै जकड़े होए थे, जिन म्ह भुंडी आत्मा थी, अर मिर्धी आळे अर लकवे के रोगी नै उसके धोरै ल्याए उसनै उन ताहीं ठीक करया। 25 अर गलील परदेस, दिकापुलिस नगर, यरुशलेम नगर, यहूदिया परदेस अर यरदन नदी के पार तै भीड़ की भीड़ उसके पाछै हो ली

**5** यीशु उस भीड़ नै देखके पहाड़ पै चला गया, अर जब बैठग्या तो उसके चेल्ले उसके धोरै आए। 2 अर वो अपनी ऊँची आवाज म्ह उननै या शिक्षा देण लाग्या: 3 “धन्य सै वे, जो या जाणे सै के उननै परमेसवर की जरूरत सै, क्यूँके सुर्ग का राज्य उननै का सै। 4 धन्य सै वे, जो शोक करै सै, क्यूँके वे परमेसवर तै शांति पावेंगे। 5 धन्य सै वे, जो नम्र सै, क्यूँके वे परमेसवर के जरिये धरती के हकदार होंगे। 6 धन्य सै वे, जो धार्मिकता का जीवन जीण खात्तर भूखे अर तिसाए सै, क्यूँके वे परमेसवर के जरिये छिकाए जावेंगे। 7 धन्य सै वे, जो दया करण आळे सै, क्यूँके परमेसवर भी उनपै दया करेगा। 8 धन्य सै वे, जिनके मन शुद्ध सै, क्यूँके वे परमेसवर नै देखेंगे। 9 धन्य सै वे, जो मेल करण आळे सै, क्यूँके वे परमेसवर के बेट्टा-बेटी कुहावेंगे। 10 धन्य सै वे, जो धार्मिकता के कारण सताए जावै सै, क्यूँके सुर्ग का राज्य उन्हे का सै।” 11 “धन्य सों थम, जिब माणस मेरे कारण थारी बुराई करै सतावै अर झूठ बोल-बोलके थारे बिरोध म्ह सारी तरियां की बुरी बात फैलावै, क्यूँके थम मेरे चेल्ले सों। 12 फेर खुश अर मग्न होइयो, क्यूँके थारे खात्तर सुर्ग म्ह बड़ड़ा ईनाम सै। इस करके के उननै उन नबियाँ ताहीं भी इस्से ढाळ सताया था, जो थारे तै भी भोत पैहल्या थे।” 13 “थम धरती पै लोग्गां खात्तर नूण की तरियां सों, पर जै नूण का सुवाद जान्दा रहवै, तो वो किस चीज तै नमकीन करया जावेगा? फेर वो किसे काम का न्ही, सिर्फ इसके के बाहर फेक्या ज्या अर माणसां के पैरां तळे चिकल्या ज्या।” 14 “थम दुनिया के लोग्गां खात्तर चाँदणा की तरियां सों। जो नगर पहाड़ पै बस रह्या सै वो लुत्क न्ही सकदा। 15 अर माणस दीवा जळा कै बरतन कै तळे न्ही ज्या सै। 16 उससे तरियां थारा चान्दणा माणसां के स्याम्ही चमके के वे थारे भले काम्मां नै देखके थारे पिता की, जो सुर्ग म्ह सै बड़ाई करै।” 17 “या ना समझो, के मै मूसा के नियम-कायदा या नबियाँ के लेख नै मिटाण आया सूं, मिटाण न्ही, पर पूरा करण आया सूं। 18 क्यूँके मै थमनै सच कहूँ सूं, के जब ताहीं धरती अर अकास सै, जद ताहीं नियम-कायदा म्ह लिखी हरेक छोटी तै छोटी बात पूरी होए बिना न्ही रहवेगी। 19 इस करके जो कोए इन छोटे तै छोटे हुकम म्ह तै किसे एक नै भी न्ही मानता, अर दुसरे माणसां नै भी उसाए सिखावै, वो सुर्ग के राज्य म्ह सारा तै छोटा कुहावेगा, पर जो कोए उन सारे हुकमां पै चाल्लेगा अर उननै सिखावेगा, वोए सुर्ग राज्य म्ह महान् कुहावेगा। 20 क्यूँके मै थमनै कहूँ सूं, के जै थारा आत्मिक जीवन शास्त्रियाँ अर फरीसियाँ के आत्मिक जीवन तै बढ़के न्ही हो, तो थम सुर्ग के राज्य म्ह कदे बड़ न्ही पाओगे।” 21 “थमनै सुण्या होगा, के थारे पूर्वजां तै कहा, गया था के ‘खून ना करियो’, अर ‘जो कोए खून करेगा वो कचेह्दी म्ह दण्ड के लायक होगा।’ 22 पर मै थमनै या कहूँ सूं, के जो कोए अपने भाई पै गुस्सा करेगा, वो कचेह्दी म्ह दण्ड के लायक होगा, अर जो कोए अपने भाई नै निकम्मा कहवेगा वो बड़ी सभा म्ह दण्ड के लायक होगा, अर जो कोए कहवै ‘अरे बेकूफ’ वो नरक की आग के दण्ड के लायक होगा।” (Geenna g1067) 23 “इस करके जै तू अपना चढ़ावा मन्दर म्ह वेदी पै चढ़ावै, अर ओड़ै तू

याद करे, के तेरे भाई के मन म्ह तेरे खात्तर किमे बिरोध से, 24 तो तू अपना चढ़ावा ओड़ैए वेदी के धौरे छोड़दे, अर ज्याके अपणे भाई तै मेळ-मिलाप कर अर फेर आके अपना चढ़ावा चढ़ा।” 25 “जिब तक तू अपणे बैरी के गेल्या राह म्ह सै, तो उसतै जिब्बे मेळ-मिलाप करले, कदे इसा ना हो के बैरी तन्नै न्यायाधीश के हवालै, अर न्यायाधीश तन्नै सिपाही के हवालै करदे, अर तू जेळ म्ह गेर दिया जावै। 26 मै तन्नै सच कहूँ सूँ के जिब ताहीं तू पाई-पाई न्ही भरदे जद ताहीं जेळ तै छुटण न्ही पावैगा।” 27 “थमनै परमेसवर का हुकम सुण्या होगा के कह्या गया था, ‘जारी ना करियो।’ 28 पर मै थमनै न्यू कहूँ सूँ के जो कोए किसे बिरबान्नी पै भुंडी निगांह गैरे वो अपणे मन म्ह उसतै जारी करग्या। 29 जै तेरी सोळी आँख तेरे तै पाप करवावे सै, तो उसनै लिकाड़ के फेंक दे, क्यूँके तेरे खात्तर योए ठीक सै के तेरे अंगा म्ह तै एक नाश हो ज्या अर तेरी सारी देह नरक म्ह ना गेरी जावै। (Geenna g1067) 30 जै तेरा सोळा हाथ तेरे तै पाप करवावे सै, तो उसनै काट के फेंक दे, क्यूँके तेरे खात्तर योए आच्छा सै के तेरे बाक्की अंगा म्ह तै एक नाश हो जावै अर तेरी सारी देह नरक म्ह न्ही गेरी जावै।” (Geenna g1067) 31 “यो भी कह्या गया था, ‘जो कोए अपणी घरआळी नै तलाक देणा चाहवै, तो उसनै तलाकनामा दे।’ 32 पर मै थमनै यो कहूँ सूँ के जो कोए अपणी घरआळी नै जारी कै सिवा किसे और कारण तै तलाक दे, तो वो उसतै जारी करवावे सै। अर जो कोए उस छोड़ी होई तै ब्याह करै, वो जारी करै सै।” 33 “फेर थमनै सुण्या होगा के थारे पूर्वजां तै कह्या गया था, ‘झुठी कसम ना खाईयो, पर प्रभु के खात्तर अपणी कसम नै पूरी करियो।’ 34 पर मै थमनै या कहूँ सूँ के कदे कसम ना खाईयो, ना तो सुर्ग की, क्यूँके वो परमेसवर का सिंहासन सै। 35 ना धरती की, क्यूँके वा उसके पैरां की पिठ्ठी सै, ना यरुशलेम नगर की, क्यूँके वो महाराजा का नगर सै। 36 अपणे सिर की भी कसम ना खाईयो क्यूँके तू एक बाळ नै भी ना तो धोळा, अर ना काळा कर सके सै। 37 पर थारी बात ‘हाँ’ की हाँ, या ‘ना’ की ना हो, क्यूँके जो किमे इसतै घणा होवै सै वो शैतान की ओड़ तै होवै सै।” 38 “थमनै नियम-कायदा म्ह सुण्या होगा के कह्या था, आँख कै बदले आँख, अर दाँत कै बदले दाँत। 39 पर मै थमनै कहूँ सूँ के बुरे माणस तै झगड़ा मोल ना लियो, पर जो कोए तेरे सोळे गाल पै थपड़ मारै उस कान्ही दुसरा भी फेर दे। 40 जै कोए तेरे पै दाब देके तेरा कुड़ता लेणा चाहवै, तो उसनै अंगोच्छा भी दे दे। 41 जै कोए अधिकारी तन्नै एक कोस मुफ्त म्ह ले जावै, तो उसके गेल्या दो कोस चल्या ज्या। 42 जो कोए तेरे तै माँगै, उसनै दे, अर जो कोए तेरे तै उधार लेणा चाहवै, उसतै मुँह ना मोड़।” 43 “थमनै नियम-कायदा म्ह सुण्या होगा के कह्या गया था, अपणे पड़ोसी तै प्यार राखिये, अर अपणे बैरी तै बेर। 44 पर मै थमनै कहूँ सूँ के अपणे बैरियोँ तै प्यार राक्खों अर अपणे सतावण आळे के खात्तर प्रार्थना करो, 45 जिसतै थम अपणे सुर्गीय पिता की

सिध्द ऊलाद मान्ने जाओगे। क्यूँके वो भले अर बुरे लोगां पै अपना सूरज उगाया करै सै, अर धर्मी अर अधर्मी लोगां पै मिह बरसावे सै। 46 क्यूँके जै थम अपणे प्यार करण आळा तै ए प्यार करो सों, तो कौण सा बड़ा काम करो सों? के चुंगी लेण आळे भी इसाए न्ही करदे? 47 जै थम अपणे भाईयोँ नै ए नमस्कार करो, तो कौणसा बड़ा काम करो सों? के गैर यहूदी भी इसाए न्ही करदे? 48 इस करके जरूरी सै के थम भी सिध्द बणो, जिसा थारा सुर्गीय पिता सिध्द सै।”

**6** “चौक्कस रहो! थम माणसां नै दिखाण के खात्तर धर्म के काम ना करो, न्ही तो अपणे सुर्गीय पिता तै कुछ भी ईनाम न्ही पाओगे।” 2 “इस करके जिब तू दान करै, तो अपणे आगै ढिंडोरा ना पिटवाईये, जिसा कपटी, आराधनालयाँ अर गळियाँ म्ह करै सै, ताके माणस उनकी बड़ाई करै। मै थारे ताहीं साच्ची कहूँ सूँ के उननै अपना ईनाम माणसां की बड़ाई के रूप म्ह पा लिया। 3 पर जिब तू दान करै, तो उसका किसे और नै बेरा न्ही पाटणा चाहिए। 4 ताके तेरा दान छिप्या रहवै, अर जिब तेरा पिता जो गुप्त म्ह देखवै सै, तन्नै ईनाम देवैगा।” 5 “जिब तू प्रार्थना करै, तो कपटियाँ के तरियां ना हो, क्यूँके माणसां नै दिखाण खात्तर आराधनालयाँ म्ह अर सड़कां के मोड़ां पै खड़े होके प्रार्थना करणा उननै आच्छा लागै सै। मै थमनै साच्ची कहूँ सूँ के उननै अपना ईनाम माणसां की बड़ाई के रूप म्ह पा लिया। 6 पर जिब तू प्रार्थना करै, तो अपणी कोठड़ी म्ह जा, अर किवाड़ बन्द करके अपणे पिता तै, जो गुप्त म्ह सै उसतै प्रार्थना कर। जद तेरा पिता, जो तेरे लुक्क के करे होए काम्मां नै देखवै सै, तो तन्नै उनका ईनाम देवैगा। 7 प्रार्थना करदे बखत दुसरी जात्तां की तरियां बडबडाइये ना, क्यूँके वे समझै सै के उनके एक बात के बार-बार बोल्लण तै उनकी सुणी जावैगी। 8 इस करके थम उनकी तरियां ना बणो, क्यूँके थारा पिता थारे माँगण तै पैहल्याए जाणै सै के थारी के-के जरूरत सै। 9 इस करके थम इस तरियां तै प्रार्थना करया करो ‘हे म्हारे पिता, तू जो सुर्ग म्ह सै, तेरा नाम पवित्र मान्या जावै।’ 10 ‘तेरा राज्य आवै। तेरी इच्छा जिसी सुर्ग म्ह पूरी होवै सै, उसी धरती पै भी हो।’ 11 ‘म्हारे दिन भर की रोटी आज हमनै दे।’ 12 ‘अर जिस तरियां हमनै अपणे कसूरवारां ताहीं माफ करया सै, उससे तरियां तू भी म्हारे कसूरं नै माफ करदे।’ 13 ‘अर म्हारे ताहीं परखै ना, पर बुराई तै बचा, (क्यूँके राज्य, वीरता अर महिमा सदा तेरे ए सै।’ आमीन।) 14 “इस करके जै थम माणसां के कसूर माफ करोगे, तो थारा सुर्गीय पिता भी थमनै माफ करैगा। 15 अर जै थम माणसां के कसूरं नै माफ न्ही करोगे, तो थारा पिता भी थारे कसूर माफ न्ही करैगा।” 16 “जिब थम ब्रत करो, तो कपटियाँ की तरियां थारे मुँह पै उदासी छाई ना रहवै, क्यूँके वे अपना मुँह बणाई राक्खे सै, ताके माणस उननै ब्रती जाणै। मै थमनै साच्ची कहूँ सूँ के वे अपना ईनाम माणसां की बड़ाई के रूप म्ह पा चुके। 17 पर जिब तू ब्रत करे तो अपणे सिर पै तेल लगा अर

मूँह धो, 18 ताके माणस नही पर तेरा पिता तन्नै ब्रती जाणो। तेरा पिता जो तेरे उस गुप्त म्ह करे होए ब्रत नै देखखै सै, तो तन्नै उनका ईनाम देगा।” 19 “अपणे खात्तर धरती पै धन कठ्ठा ना करो, जड़ै कीड़ा अर काई नाश करै सै, अर जड़ै चोर सेंध लगावै अर चोरै सै। 20 पर अपणे खात्तर सुर्ग म्ह धन कठ्ठा करो, जड़ै ना तो कीड़ा अर ना काई नाश करै सै, अर जड़ै चोर ना सेंध लगावै अर ना चोरै सै। 21 क्यूँके जड़ै तेरा धन सै उडै तेरा मन भी लाग्या रहवैगा।” 22 “देह का दीवा आँख सै इस करके जै तेरी नजर सही सै तो तेरी सारी देह भी चाँदणे म्ह सै। 23 पर जै तेरी नजर खराब सै तो तेरी सारी देह भी अन्धेरे म्ह सै, इस कारण जो तू सोच्यै सै के मै चाँदणे म्ह सूं, पर वो अन्धेरा हो, तो सोचके देख वो अन्धेरा कितना बड़ड़ा होगा!” 24 “कोए माणस दो मालिकां की सेवा एक बखत पै नही कर सकदा, क्यूँके वो एक तै बैर अर दुसरे तै प्यार राकखैगा, या एक तै मिल्या रहवैगा अर दुसरे नै छोटा जाणैगा। थम परमेसवर अर धन दोनुआ की सेवा नही कर सकदे। 25 “इस करके मै थमनै कहूँ सूं के अपणे जीवन के खात्तर या चिंता ना करियो के हम के खावांगें अर के पीवांगें, अर ना अपणी देह के खात्तर के पैहरांगें। के जीवन खाणे तै, के देह लत्यां तै बढ़के कोन्या? 26 अकास के पंछियाँ नै देखखीं! वे ना बोवै सै, ना काटै सै, अर ना कुठले (गोदाम) म्ह कठ्ठा करै सै, फेर भी थारा सुर्गीय पिता उन ताहीं खुवावै सै। के थम पंछियाँ तै घणे कीमती कोनी? 27 थारे म्ह कौण सै, जो चिंता करके अपणी उग्र म्ह एक पल भी बढ़ा सकै सै?” 28 “अर लत्यां के खात्तर क्यूँ चिंता करो सों? जंगळी फूल्लां पै ध्यान करो के वे किस तरियां बढ़ै सै, वे ना तो मेहनत करै सै, ना लतें बणावै सै। 29 तोभी मै थारे तै कहूँ सूं के राजा सुलैमान भी, अपणे सारे शानों-शोकत म्ह उन म्ह तै किसे के समान लत्ते पैहरे होए कोनी था। 30 इस करके जिब परमेसवर मैदान की घास नै इसी सुन्दरता देवै सै, जो आज सै अर काल बाड़ म्ह झोककी जावैगी, तो हे बिश्वास म्ह कमजोर माणसों, वो थारी चिन्ता क्यूँ नही करैगा?” 31 “इस करके थम चिंता करके न्यू ना कहियो के हम के खावांगें, या के पीवांगें, या के पैहरांगें? 32 क्यूँके गैर यहूदी इन सारी चिज्जां की तोह म्ह रहवै सै, पर थारा सुर्गीय पिता जाणै सै के थमनै इन सारी चिज्जां की जरूरत सै, इस करके चिन्ता ना करो। 33 इस करके पैहल्या थम परमेसवर के राज्य की खोज करो अर पवित्र जीवन जिओ, तो ये सारी चीज भी थमनै अपणे-आप मिल ज्यागीं। 34 इस करके काल की चिंता ना करो, क्यूँके काल का दिन अपणी चिंता आप कर लेवैगा, आज के खात्तर आज का ए दुख भतेरा सै।”

**7** “दुसरयां पै दोष ना लाओ नही तो लोग थारे पै भी दोष लगावेंगे। 2 क्यूँके जिस तरियां थम दुसरयां पै दोष लगाओ सों, उससे तरियां परमेसवर भी थारे पै दोष लगावैगा, जिस तरियां तै थम दुसरयां का न्याय करो सों, उससे तरियां थारा भी न्याय करया जावैगा।” 3 “तू क्यूँ अपणे भाई की आँख के

तिन्के जिसी छोट्टी सी बुराई नै देखखै सै, अर अपणी आँख म्ह लठ जिसी बड़ी बुराई तन्नै कोनी दिखदी?” 4 जिब तेरी-ए आँख म्ह लठ सै, तो तू अपणे भाई तै किस तरियां कहवै सै, “ल्या मै तेरी आँख तै तिन्का लिकाड़ घु।” 5 इस करके हे कपटी, पैहल्या अपणे जीवन की बड़ी बुराई नै दूर कर फेर तू अपणे भाई नै आच्छी दाऊँ बुराई तै बचा सकैगा। 6 “उन माणसां ताहीं परमेसवर का वचन ना सुणाओ जो उस ताहीं सुणणा नही चाहन्दे। जै तू इसा करै सै तो पवित्र चीज कुत्याँ के आगै अर मोती सूअरां के आगै फैक्कण की ढाळ होगा, इसा नही हो के वे उननै पैरां तळै चिकलै अर उल्टके थमनै पाड़ले।” 7 “परमेसवर तै माँगो, तो वो थमनै देवैगा, टोक्हों तो थम पाओगे, खटखटाओ, तो थारे खात्तर खोल्या जावैगा। 8 क्यूँके जो कोए माँगै सै, उसनै मिले सै, अर जो टोहें सै, वो पावे सै, अर जो खटखटावै सै, उसके खात्तर खोल्या जावैगा।” 9 “थारे म्ह तै इसा कौण माणस सै, के जै उसका बेट्टा रोटी माँगै, तो वो उसनै पत्थर देवै? 10 या मच्छी माँगै, तो उसनै साँप देवै? 11 इस करके जिब थम बुरे होकै, अपणे बाळकां नै आच्छी चीज देणा जाणो सों, तो थारा सुर्गीय पिता अपणे माँगण आळा नै आच्छी चीज क्यूँ नही देवैगा? 12 इस कारण जो किमे थम चाहो सों के माणस थारे गेल्या करै, थम भी उनके गेल्या उसाए करो, क्यूँके नियम-कायदे अर नबियाँ की शिक्षा याए सै।” 13 “थम परमेसवर के राज्य म्ह भीड़ै फाटक तै ए दाखल हो सको सों, क्यूँके चौड़ा सै वो फाटक अर सीध्या सै वो रास्ता जो नाश नै पोहच्यै सै, अर घणेए सै जो उस म्ह दाखल होवै सै। 14 क्यूँके भीड़ा सै वो फाटक अर मुश्किल सै वो राह जो अनन्त जीवन की ओड़ पुह्चावै सै, अर भोत थोड़े सै वे लोग जो उसनै पावै सै।” 15 “झूठे नबियाँ तै चौक्कस रहो, जो भेड्डां के भेष म्ह थारे थारे आवै सै, पर भित्तर तै वे पाडण आळे भेड़िये सै। 16 उनके काम्मां तै ए थम उन ताहीं पिच्छाण ल्योगे। के माणस झाड़ियाँ तै अंगूर, या झाड़ बोझड़े तै अंजीर तोड़ै सै? 17 इस तरियां हरेक आच्छा दरखत आच्छा फळ ल्यावै सै अर निकम्मा दरखत बुरा फळ ल्यावै सै। 18 आच्छा दरखत बुरा फळ नही ल्या सकदा, अर ना निकम्मा दरखत आच्छा फळ ल्या सकै सै। 19 जो-जो दरखत आच्छा फळ नही ल्यान्दा, वो काट्या अर आग म्ह गेरया ज्या सै, उससे तरियां झूठे नबियाँ कै गैल भी इसाए होवैगा। 20 झूठे नबियाँ नै उनके काम्मां तै थम उन ताहीं पिच्छाण ल्योगे।” 21 “जो मैरे तै, ‘हे प्रभु! हे प्रभु!’ कहवै सै, उन म्ह तै हर एक सुर्ग के राज्य म्ह दाखल नही होगा, पर वोए दाखल होगा जो मैरे सुर्गीय पिता की मर्जी पै चाल्लै सै। 22 न्याय के दिन घणखरे-ए माणस मैरे तै कहवेंगे, ‘हे प्रभु, हे प्रभु, के हमनै तेरे नाम तै भविष्यवाणी नही करी, के हमनै तेरे नाम तै ओपरी आत्मायाँ ताहीं नही लिकाड्या, अर तेरे नाम तै घणेए अचम्भे के काम नही करे?’ 23 फेर मै उनतै खुलके कह दिवुंगा, मनै थारे ताहीं कदे नही अपणाया। हे भुन्डे काम करण आळो, मैरे धोरै तै चले

जाओ।” 24 “इस करके जो कोए मेरी इन बातों ने सुणके उननै मान्ने सै, वो उस अकलमंद माणस की ढाळ होगा जिसनै अपणे घर की नीम चट्टान पै धरी। 25 अर मिह बरसया, बाढ़ आयी, आँधी आई, अर उस घर तै टकराई, फेर भी वो कोनी गिरया, क्यूँके उसकी नीम चट्टान पै धरी गयी थी। 26 पर जो कोए मेरी ये बात सुणे सै अर उनपे न्ही चाल्दा, वो उस बेकूफ माणस की ढाळ सै, जिसनै अपणे घर की नीम बाळूरेत पै धरी। 27 अर मिह बरसया, बाढ़ आयी, आँधी चाल्ली, अर उस घर तै टकराई अर पड़के उसका सत्यानाश होग्या।” 28 ज़िब यीशु नै ये बात कह ली, तो इसा होया के भीड़ उसके उपदेश तै हैरान होगी, 29 क्यूँके वो उन ताहीं शास्त्रियाँ की तरियां न्ही पर अधिकार कै गैल उननै उपदेश देवे था।

**8** ज़िब यीशु उस पहाड़ तै उतरा, तो एक बट्टी भीड़ उसके पाछै हो ली। 2 अर, एक कोढ़ी नै धोरै आकै उस ताहीं नमस्कार करया अर कह्या, “हे प्रभु, जै तू चाहवै, तो मन्ने ठीक कर सकै सै।” 3 यीशु नै हाथ बढ़ाके उस ताहीं छुआ, अर कह्या, “मै चाहूँ सूँ, के तू इस बीमारी तै ठीक हो ज्या।” अर वो जिब्बे कोढ़ तै ठीक होग्या। 4 यीशु नै उसतै कह्या, “देख किसे तै ना कहिये, पर जाके अपणे-आपनै याजक ताहीं दिखा अर अपणे कोढ़ तै ठीक होण कै बारै म्ह जो कुछ मूसा नबी नै जो पवित्र ग्रन्थ म्ह चढ़ावा बताया सै उसनै चढ़ा, के माणसां खातर या गवाही हो, के तू ठीक होग्या सै।” 5 ज़िब यीशु कफरनहूम नगर म्ह आया तो एक सूबेदार नै धोरै आकै उसतै बिनती करी, 6 “हे प्रभु, मेरा नौक्कर लकवे के रोग तै घणा दुखी होरया सै।” 7 यीशु नै उस ताहीं कह्या, “मै आकै उसनै ठीक करूँगा।” 8 सूबेदार नै जवाब दिया, “हे प्रभु, मै इस लायक कोनी के तू मेरे घरां आवै, पर सिर्फ मुँह तै कह दे तो मेरा नौक्कर ठीक हो ज्यागा। 9 क्यूँके मै जाणु सूँ, के मै भी किसी के आदेशां का पालन करूँ सूँ, अर सिपाही मेरै आदेशां का पालन करै सै। ज़िब मै एक तै कहूँ सूँ, जा, तो वो जावे सै, अर दुसरे तै कहूँ, आ, तो वो आवै सै, अर अपणे नौक्कर तै कहूँ सूँ, यो कर, तो वो करै सै।” 10 यो सुणके यीशु के अचम्भा होया, अर जो लोग उसके पाछै आवै थे उनतै कह्या, “मै थमनै साचची कहूँ सूँ के मन्ने इस्राएल देश म्ह भी इसा बिश्वास न्ही देख्या, जिसा इस सूबेदार का सै। 11 अर मै थमनै कहूँ सूँ के पूरब अर पच्छिम तै घणेए गैर यहूदी आवैगें अर भोज म्ह अब्राहम अर इसहाक अर याकूब के गेल्या सुर्ग के राज्य म्ह बैठैगें। 12 पर राज्य की ऊलाद (यहूदी लोग) बाहर अन्धेरे म्ह गेर दिये जावैगे उड़ै रोणा अर दाँत पिषणा होगा।” 13 ज़िब यीशु नै सूबेदार तै कह्या, “घर चला जा, जिसा तेरा बिश्वास सै, उसाए तेरे खातर होगा।” अर उसका नौक्कर उस्से बखत ठीक होग्या। 14 यीशु ज़िब पतरस के घरां आया, तो उसनै उसकी सास्सू ताहीं बुखार म्ह पड्या देख्या। 15 उसनै उसका हाथ पकड्या अर उसका बुखार उतर गया, अर वा उठके उसकी सेवा-पाणी करण लागगी। 16 ज़िब

साँझ होई फेर माणस उसके धोरै घणेए माणसां नै ल्याए जिन म्ह ओपरी आत्मा थी अर यीशु नै उन आत्मायाँ ताहीं अपणे वचन तै लिकाड़ दिया, अर सारे बिमारां ताहीं ठीक कर दिया। 17 ताके जो वचन यशायाह नबी के जरिये कह्या गया था वो पूरा हो “उसनै खुद ए म्हारी कमजोरी ले ली अर म्हारी बीमारी उठा ली।” 18 यीशु नै ज़िब अपणे चौगरदू एक भीड़ देखखी तो अपणे चेल्यां ताहीं गलील समुन्दर के परली ओड़ जाण का हुकम दिया। 19 यीशु अर उसके चेल्लें किस्ती की ओड़ जाण लागरे थे, तो एक शास्त्री नै धोरै आकै उसतै कह्या, “हे गुरु, जड़ै किते तू जावैगा, मै तेरे पाछै हो ल्यूँगा, क्यूँके मै तेरा चेल्ला बणणा चाहूँ सूँ।” 20 यीशु नै उसतै कह्या, “लोमड़ियां की घुरखाण अर अकास के पछियाँ के बसेरे हो सै, पर मुझ माणस के बेट्टे खातर सिर छिपाण की भी जगहां कोनी सै।” 21 एक और चेल्लै नै उसतै कह्या, “हे प्रभु, पैहले मन्ने घर जाणदे, मै अपणे पिता के मरण कै बाद उस ताहीं दफना के आऊँगा, फेर तेरा चेल्ला बणुगाँ।” 22 यीशु नै उसतै कह्या, “तू मेरै पाछै हो ले, अर मेरा चेल्ला बण जा अर जो आत्मिक रूप तै मर चुके सै, उननै मुदें दफणाण दे।” 23 ज़िब यीशु किस्ती पै चढ्या, तो उसके चेल्लें उसके पाछै हो लिए। 24 अर देखखो, समुन्दर म्ह एक इसा बड़ड़ा अन्धोड़ उठ्या के किस्ती झाल्लां तै ढक्ण लागी, अर वो सोण लाग रह्या था। 25 फेर चेल्यां नै धोरै आकै उस ताहीं जगाया अर कह्या, “हे प्रभु, हमनै बचा, हम डूबके मरण आळे सां।” 26 यीशु नै उनतै कह्या, “हे बिश्वास म्ह कमजोर माणसाँ, क्यूँ डरो सो?” फेर उसनै उठके आँधी अर पाणी ताहीं धमकाया, अर सब शान्त होग्या। 27 अर वे अचम्भा करके कहण लाग्ये, “यो किसा माणस सै के आँधी अर पाणी भी उसका हुकम मान्ने सै।” 28 ज़िब यीशु गलील समुन्दर कै परली ओड़ गदरेनियां के देश म्ह पुँच्या, तो दो माणस जिन म्ह ओपरी आत्मा थी कब्रिस्तान म्ह तै लिकड़के उसनै मिले। वे इतने डरावणे थे के कोए उस रास्ते तै जा न्ही सकै था। 29 दोन्नु माणसां नै किल्की मारके कह्या, “हे परमेसवर के बेट्टे, म्हारा तेरे तै के काम? के तू बखत तै पैहल्या हमनै दुख देण आड़ै आया सै?” 30 उनतै थोड़ी सी दूर पै घणेए सूअरां का टोळ चरै था। 31 ओपरी आत्मायाँ नै उसतै या कहके बिनती करी के, “जै तू हमनै लिकाड़ै सै, तो सूअरां के टोळ म्ह भेजदे।” 32 उसनै उन ताहीं कह्या, “जाओ!” अर वे ज्या के सूअरां म्ह बैठगी अर देखखो, सारा टोळ ढळान पै तै झपटके पाणी म्ह ज्या पड्या, अर डूब मरया। 33 उनके पाळी भाज्ये, अर नगर म्ह जाके ये सारी बात अर जिन म्ह ओपरी आत्मा थी उनका सारा हाल कह सुणाया। 34 फेर सारे नगर के माणस यीशु तै फेटण नै लिक्ड़ाए, अर उस ताहीं देख के बिनती करी के म्हारी सीमा तै बाहर चल्या ज्या।

**9** फेर यीशु किस्ती म्ह चढ़के उस पार गया, अर बोहड़के अपणे नगर म्ह आया। 2 अर देखखो, कई माणस लकवे के एक मरीज नै खाट पै लिटा के उसके धोरै ल्याए। यीशु नै उनका

बिश्वास देखकै, उस लकवे के मरीज तै कह्या, “हे बेट्टे, धीर बाँध, मन्नै तेरे पाप माफ कर दियो।” 3 इसपै कई शास्त्रियाँ नै सोच्या, “यो तो परमेसवर की बुराई करै सै” 4 यीशु नै उनके मन की बात जानकै कह्या, “थम माणस अपणे-अपणे मन म्ह बुरा विचार क्यूँ आण देओ सों? 5 आसान के सै? यो कहणा, ‘तेरे पाप माफ होए’, या यो कहणा, ‘उठ अर हाँड-फिर।’ 6 पर इस करकै के थम जाण ल्यो के मुझ माणस के बेट्टे नै धरती पै पाप माफ करण का हक सै।” फेर उसनै लकवे के मरीज तै कह्या, “उठ, अपणे बिस्तर ठाकै, अपणे घरां चल्या जा।” 7 वो उठकै अपणे घरां चल्या गया। 8 माणस यो देखकै डरगे अर परमेसवर की बड़ाई करण लाग्ये जिसनै माणस ताहीं इसा हक दिया सै। 9 ओड़े तै आगरे बढ़ के यीशु नै मत्ती नाम के एक आदमी ताहीं चुंगी की चौकी पै बेठ्या देख्या, अर उसतै कह्या, “मेरा चेल्ला बणण खात्तर मेरै पाछै हो ले।” अर वो उठकै उसके पाछै हो लिया। 10 जिव वो अर उसके चेल्ले मत्ती के घर म्ह खाणा खाण खात्तर बेठे तो भोत-से चुंगी लेण आळे अर जिननै लोग पापी कहवै सै वे आकै उनकै गेल्या खाणा खाण जिननै लोग पापी कहवै सै वे आकै उनकै गेल्या खाणा खाण बेठे। 11 या देखकै फरीसियाँ नै उसके चेल्यां ताहीं कह्या, “थारा गुरु चुंगी लेण आळे अर पापी माणसां गेल्या क्यूँ खावै-पीवै सै?” 12 या सुणकै यीशु नै उनतै कह्या, “वैद आच्छे-बिच्छयां खात्तर कोनी पर बिमारां खात्तर जरूरी सै। 13 इस करकै थम जाओ अर समझ ल्यो के पवित्र ग्रन्थ के इस वचन का मतलब के सै: ‘मै बलिदान न्ही पर दया चाहूँ सू।’ क्यूँके जो अपणे-आपनै धर्मा कहवै मै उननै न्ही, पर जो अपणे-आपनै पापी कहवै सै उननै बुलाण आया सू।” 14 फेर बपतिस्मा देण आळे यूहन्ना के चेल्यां नै धोरै आणकै कह्या, “के कारण सै के हम अर फरीसी इतने ब्रत करा सां, पर तेरे चेल्ले ब्रत न्ही करदे?” 15 यीशु नै उनतै कह्या, “के बराती, जिव ताहीं बन्दडा उसके गेल्या सै, शोक मना सकै सै? पर वे दिन आवैगें जिव बन्दडा उनतै न्यारा करया जावैगा, उस बखत वे ब्रत करैगें।” 16 “नये लत्यां की थेंगळी पुराणे लत्यां पै कोए न्ही लगान्दा, क्यूँके वा थेंगळी लत्ते तै और भी लत्ता खुस्का दे सै, अर वो और भी घणा पाट ज्या सै। 17 अर माणस नया अंगूर का रस पुराणी मशक म्ह न्ही भरदे, क्यूँके इसा करण तै मशक पाट ज्या सै, अर अंगूर का रस खिंड ज्या सै, अर मशक फूट ज्या सै, पर नया अंगूर का रस नई मशकां म्ह भरा जावै सै तब वे दोनु बचे रहवै सै।” 18 वो उनतै ये बात कहण ए लागरया था, के जिब्बे आराधनालयाँ के सरदारां म्ह तै एक याईर नाम के आदमी नै आकै उस ताहीं नमस्कार करया अर कह्या, “मेरी बेट्टी इब्बे मरी सै, पर तू चाल के अपणा हाथ उसपै धरै, तो वा जिन्दा हो ज्यागी।” 19 यीशु उठकै अपणे चेल्यां समेत उसके पाछै हो लिया। 20 अर देख्खो, एक बिरबान्नी नै जिसके बारहां साल तै लहू बहण की बीमारी थी, पाछै तै आकै उसके लत्ते के कोणे ताहीं छू लिया। 21 क्यूँके वा अपणे मन म्ह कहवै थी, “जै मै उसके लत्ते नै छू

ल्यूँगी तो ठीक हो जाऊँगी।” 22 यीशु नै घूमके उस ताहीं देख्या अर कह्या, “बेटी धीरज राख, तेरे बिश्वास नै तेरे ताहीं ठीक करया सै।” अर वा बिरबान्नी उससे बखत ठीक होगी। 23 जिव यीशु याईर के घर म्ह पुँत्वा अर बाँसली बजाण आळे अर भीड़ नै रोळा मचांदे देख्या, 24 फेर कह्या, “हट जाओ, छोरी मरी कोनी, पर सोवै सै।” इसपै वे उसका मजाक उड़ाण लाग्ये। 25 पर जिव भीड़ लिकाड़ दी, तो उसनै भित्तर ज्या के उस छोरी का हाथ पकड्या, अर वा जी उठी। 26 अर इस बात का जिक्क सारे देश म्ह फैलग्या। 27 जिव यीशु ओड़े तै आगरे बढ़ा, तो दो आन्धे उसके पाछै या कहन्दे होए चाल्ले, “हे दाऊद की ऊलाद, म्हारै पै दया कर।” 28 जिव वो घर म्ह पुँत्वा, तो वे आन्धे उसके धोरै आये, अर यीशु नै उनतै कह्या, “के थमने बिश्वास सै के मै थमने चंगा कर सकूँ सू?” उननै उसतै कह्या, “हाँ प्रभु।” 29 फेर उसनै उनकी आँखां कै हाथ लगाकै कह्या, “थारे बिश्वास के मुताबिक थम चंगे होजाओ।” 30 अर वे जिब्बे देख्खण लाग्ये। यीशु नै उनतै समझां के कह्या, “सावधान, किसे ताहीं या बात ना बताइयो, के मन्नै थारे खात्तर के करया सै।” 31 पर उननै मिलकै सारे देश म्ह उसका नाम फैला दिया। 32 जिव वे दोन्नु आन्धे बारणे जाण लागरे थे, तो देख्खो, कई माणस एक गूँगे नै उसके धोरै ल्याए जिसम्ह ओपरी आत्मा थी, जो उसनै बोल्लण कोनी देवै थी। 33 अर जिव यीशु नै ओपरी आत्मा लिकाड़ दी, तो गूँगा बोलण लाग्या। इसपै भीड़ नै अचम्भा करकै कह्या, “इसाएल म्ह इसा कदे न्ही देख्या गया।” 34 पर फरीसियाँ नै कह्या, “ओपरी आत्मायाँ के सरदार इस ताहीं शक्ति देवै सै, इस करके यो ओपरी आत्मायाँ नै लिकाड़े सै।” 35 यीशु अर उसके चेल्ले सारे नगरां अर गाम्मां म्ह फिरता होया अर उनके आराधनालयाँ म्ह उपदेश सुणान्दा, अर परमेसवर के राज्य का सुसमाचार सुणादा, अर हरेक ढाळ की बीमारी अर कमजोरियाँ नै दूर करदा रह्या। 36 जिव उसनै भीड़ देखी तो उसनै माणसां पै तरस आया, क्यूँके वे उन भेड्या की तरियां थे, जिनका कोए पाळी ना हो, वे बेचैन अर भटके होए से थे। 37 फेर उसनै अपणे चेल्यां तै कह्या, “पके होए खेत्तां की तरियां लोग तो भोत सै जो परमेसवर के वचन नै सुणणा चाहवै सै, पर फसल काटण आळे की तरियां लोग कम सै जो जाके परमेसवर का वचन सुणावै। 38 इस करके खेत के माल्लिक यानी परमेसवर तै बिनती करो, के वो और लोग्गां नै भेज्जै, ताके परमेसवर का वचन भोत सारे लोग्गां ताहीं सुणावै।”

**10** फेर यीशु नै अपणे बारहां चेल्यां ताहीं धोरै बुलाकै, उन ताहीं ओपरी आत्मायाँ पै हक दिया के उननै लिकाड़े अर सारी ढाळ की बिमारियाँ अर सारी ढाळ की कमजोरियाँ नै ठीक करै। 2 इन बारहां प्रेरितां के नाम ये सै: पैहलिया शमौन, जो पतरस कुहावै सै, अर उसका भाई अन्द्रियास, जब्दी का बेट्टा याकूब, अर उसका भाई यूहन्ना, 3 फिलिप्पुस, अर बरतुलमै, थोमा, अर चुंगी लेण आळा मत्ती, हलफई का बेट्टा याकूब, अर

तद्दे, 4 शमौन जेलोतेस, अर यहूदा इस्करियोती जिसनै वो पकड़वा भी दिया। 5 इन बारहां चेल्यां ताहीं यीशु नै यो हुकम देकै भेज्या: “गैर यहूदी लोगां कान्ही ना ज्याइयो, अर सामरियाँ के किसे नगर म्ह दाखल ना होइये। 6 पर इस्राएल के कुण्बे की ए खुई होडी भेड्डां के धारे जाईये। 7 अर चालते-चालते यो प्रचार करो: सुर्ग का राज्य धारे आ गया। 8 बिमारां नै ठीक करो, मरै होए नै जीवाओ, कोढ़ियाँ नै शुद्ध करो, ओपरी आत्मायाँ नै लिकाड़ो। थमनै मुफ्त लिया सै मुफ्त द्यो।” 9 “अपणे अंगोच्छां म्ह ना तो सोन्ना, ना चाँदी, अर ना ताम्बे के सिक्के राखियो। 10 रास्ते खात्तर ना झोळी लियो, ना दो कुड़ते, ना जूते अर ना लाठी लियो, क्यूँके मजदूर नै उसका खाणा मिलणा चाहिए। 11 जिस किसे नगर या गाम म्ह जाओ, तो बेरा पाड़ो के कुण लायक सै। अर जिब ताहीं उड़ै तै ना लिकड़ो, उससे के गेल्या रहों। 12 घर म्ह बढ़ते आणी उसनै आशीर्वाद दिए। 13 जै उस घर के माणस लायक होंगे तो थारा आशीर्वाद उनपै पुहँचगा, पर जै वे लायक ना हों तो थारा आशीर्वाद थारे धारे उल्टा ए आ ज्यागा। 14 जो कोए थमनै न्ही अपणावे अर थारी बात ना सुणे, उस घर या उस नगर तै लिकड़दे आणी अपणे पैरां की धूळ झाड़ लियो। 15 मै थमनै सच्ची कहुँ सूं के न्याय के दिन उस नगर की हालत तै सदोम अर अमोरा के नगर की हालत घणी सहण जोगी होवैगी।” 16 “देखवो, मै थमनै भेड्डां की तरियां भेड्डियाँ के बिचाल्ये भेज्जू सूं, इस करके साँपां की तरियां अकलमंद अर कबूतरां की तरियां भोळे बणो। 17 पर माणसां तै चौक्कस रहों, क्यूँके वे थमनै बड़े आराधनालयॉ म्ह सौपैगें, अर अपणी सभा म्ह थारे कोड़े मारैगें। 18 थम मेरै खात्तर राज्यपालों अर राजयां के स्याम्ही अर गैर यहूदी लोगां म्ह भेज्जे जाओगें। ताके थम मेरे बारें म्ह गवाही दे सको 19 जिब वे थमनै पकड़वावैगें तो या फिर्र ना करियो के हम किस तरियां तै या के कहवागें, क्यूँके जो किमे थारे ताहीं कहणा होगा, वो उससे बखत थारे ताहीं बता दिया जावैगा। 20 क्यूँके बोलण आळे थम न्ही सों, पर थारे सुर्गीय पिता का आत्मा थारे म्ह बोल्लै सै। 21 भाई, भाई नै अर पिता बेट्टे नै, मारण खात्तर सौप देंगें, अर बाळक अपणे माँ बाप के बिरोध म्ह खड़े होकै उन ताहीं मरवा देवैगें। 22 मेरै नाम के कारण सारे माणस थारे तै बैर करैगें, पर जो अन्त ताहीं धीरज धरैगा उससे का उद्धार होगा। 23 जिब वे थमनै नगर म्ह सतावै, तो दुसरे म्ह भाग ज्याइयो। मै थमनै सच कहुँ सूं, थम इस्राएल के सारे नगरां म्ह न्ही घूम सकोगें के मै माणस का बेट्टा आ जाऊँगा।” 24 “चेल्ला अपणे गुरु तै बड़ड़ा न्ही होंदा, अर ना नौक्कर अपणे माल्लिक तै। 25 चेल्लै का गुरु के, अर नौक्कर का माल्लिक के बराबर होणा ए भोत सै। जिब उननै घर के माल्लिक तै शैतान कह्वा तो उसके घरआळां नै के कुछ न्ही कहवैगें!” 26 “इस करके माणसां तै ना उरो, क्यूँके कुछ ढक्या कोनी, जो उजागर न्ही करया जावैगा, अर ना कुछ लुहक्या सै जिसका बेरा न्ही पटै। 27 जो मै थारे तै अन्धरे म्ह कहुँ सूं, उसनै

थम चाँदणे म्ह कहो, अर जो कान्नी-कान सुणो सों, उसनै छात्तां पै चढ़ के प्रचार करो। 28 जो देह नै घात करै सै, पर आत्मा नै घात न्ही कर सकदे, उनतै ना डरियो, पर उस परमेसवर तै डरो जो आत्मा अर देह दोनुआ नै नरक म्ह गेरकै नाश कर सकै सै। (Geenna g1067) 29 छोटी चिडियाँ दो पिस्या की बिकै सै, जो ना के बराबर सै तोभी जै वो धरती पै पड़के मरै सै तो पिता परमेसवर नै उसका भी बेरा सै क्यूँके पिता परमेसवर सब कुछ जाणण आळा सै। 30 थारे सिर के बाळ भी सारे गिणे होइे सै। 31 इस करके डरो मतना, थम घणी गौरैयाँ (एक छोटी चिडियाँ) तै बढ़के सो।” 32 “जो कोए माणसां के स्याम्ही मन्ने मान लेवैगा, उसनै मै भी अपणे सुर्गीय पिता के स्याम्ही मान ल्यूँगा। 33 पर जो माणसां के स्याम्ही मेरे बारे म्ह इन्कार करैगा, उसनै मै भी अपणे सुर्गीय पिता के स्याम्ही इन्कार करहँगा।” 34 “यो ना समझो के मै धरती पै माणसां का मिलाप करवाण आया सूं, मै मिलाप करवाण न्ही, पर न्यारे करण आया सूं। 35 मै तो आया सूं, ताके माणस नै उसके पिता तै, अर बेट्टी नै उसकी माँ तै, अर बहू नै उसकी सास तै न्यारा कर द्यु।” 36 “माणस के बेरी उसके घर के ए लोग होंगे।” 37 “जो अपणे माँ-बाप नै मेरै तै घणा प्यारा मानै सै, वो मेरा चेल्ला बणण के लायक कोनी, अर जो बेट्टा या बेट्टी नै मेरै तै घणा प्यारा मानै सै, वो मेरै लायक कोनी। 38 अर जो अपणा दुखां का क्रूस लेके मेरै पाछे न्ही चाल्लै वो मेरै लायक कोनी। 39 जो अपणी जान बचावै सै, वो उसनै खोवैगा, अर जो मेरै कारण अपणी जान खोवैगा, वो उसनै पावैगा।” 40 “जो थमनै अपणावे सै, वो मन्ने अपणावे सै, अर जो मन्ने अपणावे सै, वो उस परमेसवर नै अपणावे सै, जिसनै मेरे ताहीं भेज्या सै। 41 जो नबियाँ नै नबी जाण के अपणावे, वो नबियाँ के जिसा फळ पावैगा, जिसा नबी नै मिलै सै, अर जो धर्मी नै धर्मी जाण के अपणावे, वो धर्मी के जिसा फळ पावैगा। 42 जो कोए मेरे इन चेल्यां म्ह तै एक नै भी मेरा चेल्यां जाण के सिर्फ एक कटोरा ठंडा पाणी पियावैगा, मै थमनै सच कहुँ सूं, वो किसे तरियां भी अपणा फळ न्ही खोवैगा।”

**11** अपणे बारहां चेल्यां ताहीं इस तरियां समझण के बाद यीशु ओड़ै तै चाल पड्या, अर गलील परदेस के नगरां म्ह उपदेश अर प्रचार करदा घूमता रह्वा। 2 यूहन्ना नै जेळ म्ह मसीह के काम्मां की खबर सुणी अर अपणे चेल्यां ताहीं यीशु तै न्यु बुइझण भेज्या, 3 अर उसतै कह्वा, “के आण आळा वो मसीहा जिसका वादा परमेसवर नै करया था, तू ए सै, या हम किसे और की बाट देखवां?” 4 यीशु नै जवाब दिया, “जो कुछ थम सुणो सो अर देखवो सो, यो सारा जाकै यूहन्ना ताहीं कह द्यो, 5 के आन्धे देखखें सै अर लंगड़े चाल्लै-फिरै सै, कोढ़ी ठीक करे जावै सै अर बहरे सुणै सै, मुर्दे जिन्दे करे जावै सै, अर कंगालां ताहीं सुसमाचार सुणाया जावै सै। 6 अर धन्य सै वे, जो मेरै पै शक न्ही करते, अर बिश्वास करणा न्ही छोड़ते।” 7 जिब यूहन्ना के चेल्लें ओड़ै तै जाण लागरे थे तो यीशु भीड़ म्ह

माणसां तै यूहन्ना कै बारै म्ह कहण लागग्या, “थम जंगल-बियाबान म्ह के देखण गये थे? के हवा म्ह हाल्दे होए सरकंड्या नै? 8 तो फेर थम के देखण गये थे? के सुथरे लत्ते पहरे होड़ माणस ताहीं? देखो, जो सुथरे लत्ते पहरे सै, वे राजघरां म्ह रहवैं सै। 9 तो फेर क्यांतै गये थे? के किसे नबी नै देखण ताहीं? हॉ, मै थमनै कहूँ सूँ, बल्के नबी तै भी बड़े नै।” 10 यूहन्ना वोए सै जिसकै बारै म्ह पवित्र ग्रन्थ म्ह लिख्या सै: के “देख, मै अपणे दूत ताहीं तेरे आगै भेज्जू सूँ जो तेरे आगै तेरा रास्ता त्यार करेगा।” 11 मै थमनै कहूँ सूँ के जो बिरबानियाँ तै जणे सै, उन म्ह तै यूहन्ना बपतिस्मा देणआळे तै बड़्झा कोए न्ही होया, पर जो सुर्ग कै राज्य म्ह छोटे तै भी छोटा सै वो उसतै बड़्झा सै। 12 यूहन्ना बपतिस्मा देण आळे के दिनां तै इब ताहीं सुर्ग का राज्य बलपूर्वक बढ़ण लाग रहया सै, अर बिरोधी लोग उसनै रोकण की कोशिश करण लागरे सै। 13 यूहन्ना के आण तक सारे नबी अर मूसा के नियम-कायदा म्ह, सुर्ग के राज्य की भविष्यवाणी करी गई। 14 जै थम सच म्ह भविष्यवाणीयाँ पै बिश्वास करो सों, तो सुणो यूहन्ना ए वो एलिय्याह सै जो दोबारा आण आळा था। 15 जिसके कान हों, वो ध्यान तै सुण ले। 16 “मै आज की पीढ़ी के माणसां की बराबरी किसतै करूँ? वे उन बाळकां की ढाल सै, जो बजारां म्ह बेठे होए एक-दुसरे तै रुक्के मारके शिकायत करै सै:” 17 “हमनै थारे खात्तर बाँसली बजाई, अर थम कोनी नाच्चे, हमनै बिलाप करया, अर थमनै छात्ती कोनी पीट्टी।” 18 “इस्से तरियां यूहन्ना बपतिस्मा देण आळा ना रोटी खाया करदा अर ना अंगूर का रस पिया करदा, अर थम कहो सो, ‘उस म्ह ओपरी आत्मा सै।’ 19 मुझ माणस के बेट्टे का खाण-पान और माणसां की तरियां साद्दा ए सै, लखाओ, थमनै मेरे ताहीं पेट्टे अर पियक्कड़ माणस, चुंगी लेणिये का अर पापियाँ का साथी घोषित कर दिया! पर ज्ञान अपणे काम्मां म्ह सच्चा ठहराया गया सै।” 20 फेर यीशु उन नगरां ताहीं उल्लाणा देण लागया, जिन म्ह उसनै घणे सामर्थ के काम करे थे, क्यूँके उननै पाप करणा न्ही छोड़्या अर ना ए परमेसवर के राह पै चाल्लै। 21 “धिक्कार सै थारे पै खुराजिन नगर के माणसों! धिक्कार सै थारे पै बैतसैदा नगर के माणसों! जो सामर्थ के काम थारे म्ह करे गये, जै वे सूर अर सैदा नगरां म्ह करे जान्दे, तो टाट ओढ़ कै, अर राख म्ह बैठके वे कदे के पाप करणा छोड़ देन्दे। 22 पर मै थमनै कहूँ सूँ के न्याय के दिन थारी हालत तै सूर अर सैदा नगरां की हालत घणी सहण जोगी होवैगी। 23 हे कफरनहूम नगर के माणसों, थम के सोचवों सों, के थम सुर्ग ताहीं ऊँचे करे जाओगें? थम तो अधोलोक तक नीच्चे जाओगें, जो सामर्थ के काम थारे म्ह करे गये सै, जै सदोम नगर म्ह करे जान्दे, तो वो आज ताहीं बण्या रहन्दा। (Hadēs g86) 24 पर मै थमनै कहूँ सूँ के न्याय के दिन तेरी हालत तै सदोम नगर की हालत घणी सहण जोगी होवैगी।” 25 उस्से बखत यीशु नै कहा, “हे पिता, सुर्ग अर धरती के प्रभु, मै तेरा शुक्रियादा

करूँ सूँ के तन्नै इन बात्तां ताहीं ज्ञानियाँ अर समझदार माणसां तै ल्कोए राख्या, अर बाळकां ताहीं दिखा दिया सै। 26 हॉ, हे पिता, क्यूँके तन्नै योए भाया।” 27 “मेरे पिता नै मेरे ताहीं सब कुछ सौप्या सै, अर कोए बेट्टे ताहीं कोनी जाण्दा, सिर्फ पिता के अलावा, अर कोए पिता ताहीं कोनी जाण्दा, सिर्फ बेट्टे के अलावा, अर हरेक वो माणस जो परम पिता नै जाणे सै, जिसके खात्तर बेट्टे नै उस ताहीं जाहिर करणा चाह्या सै।” 28 “हे सारे मेहनत करण आळो अर बोझ तै दबे होड़े माणसों, मेरे धोरे आओ, मै थमनै सुख-चैन दियुँगा। 29 मेरा जूआ अपणे उप्पर ठा ल्यो, अर मेरे तै सीखो, क्यूँके मै नरम अर मन का दीन सूँ: अर थम अपणे मन म्ह सुख-चैन पाओगे। 30 क्यूँके मेरा जूआ सोखा अर मेरा बोझ हल्का सै”

**12** तकरीबन उस्से बखत आराम कै दिन यीशु चेल्यां कै गैल खेत्तां म्ह तै होकै जाण लागरया था, अर उसके चेल्यां नै भूख लागगी तो वे गेहूँ की बालें तोड़-तोड़के खाण लागे। 2 फरीसियाँ नै न्यू देखके उसतै बोल्ले, “देख, तेरे चेल्लें वो काम करै सै, जो नियम-कायदा के मुताबिक आराम कै दिन करणा ठीक कोनी।” 3 यीशु नै उनतै कहा, “के थमनै पवित्र ग्रन्थ म्ह यो न्ही पढ़्या, के दाऊद अर उसके साथियाँ नै जिब वे भूक्खे होए तो के करया था? 4 वो किस तरियां परमेसवर कै घर म्ह गया, अर भेंट की रोटी खाई, जिनका खाणा ना तो उस ताहीं अर ना उसके साथियाँ ताहीं पर सिर्फ याजकां ताहीं सही था? 5 यो थमनै नियम-कायदा म्ह न्ही पढ़्या के आराम कै दिन मन्दर के याजक ए आराम कै दिन की विधि ताहीं तोड़े सै फेर भी उन ताहीं कोए कुछ न्ही कहन्दा? 6 पर मै थमनै कहूँ सूँ के उरै वो सै जो मन्दर तै भी बड़्झा सै। 7 जै थम पवित्र ग्रन्थ म्ह जो लिख्या सै, उसका मतलब जाणदे के, ‘मै बलिदान न्ही पर दया चाहूँ सूँ।’ तो थम बेकसूर ताहीं कसूरवार कोनी ठहरान्दे। 8 मै माणस का बेट्टा तो आराम कै दिन का भी प्रभु सूँ।” 9 ओड़ै तै चालके वो उनके आराधनालय म्ह आया। 10 ओड़ै एक माणस था, जिसका हाथ सूखरया था। फरीसी लोगां नै यीशु पै दोष लाण खात्तर उसतै बुझ्या, “मूसा के नियम-कायदा के मुताबिक आराम कै दिन ठीक करणा सही सै?” 11 यीशु नै उनतै कहा, “थारे म्ह तै इसा कौण सै जिसकी एक ए भेड़ हो, अर वा आराम कै दिन खडहे म्ह पड़ जावै, तो वो उस ताहीं पकड़के न्ही काडै? 12 फेर माणस तो भेड़ तै भोत घणे खास सै! ज्यांतै आराम कै दिन भलाई करणा ठीक सै, जिसा के माणसां नै चंगा करणा।” 13 फेर यीशु नै उस माणस तै कहा, “अपणा हाथ बढ़ा।” उसनै बढ़ाया, अर वो दुसरे हाथ की तरियां ठीक होगया। 14 फेर फरीसियाँ नै बाहरणै जाके उसके बिरोध म्ह सलाह करी के उसका नाश किस तरियां करया जावै। 15 न्यू जाणके यीशु ओड़ै तै चल्या गया। अर घणे माणस उसके पाच्छे हो लिए, अर उसनै सारया ताहीं ठीक करया, 16 अर उन ताहीं चेतावनी दी, के मेरे बारै म्ह किसे तै ना कहियो के मै कौण सूँ।

17 ताके जो वचन यशयाह नबी कै जरिये कह्ला गया था, वो पूरा हो 18 “देखो, यो मेरा सेवक सै, जिस ताहीं मन्ने चुण्या सै, मेरा प्यारा, जिसतै मेरा मन राज्जी सै, मै अपना आत्मा उसपै तारुगाँ, अर योए दुसरी जातां नै न्याय की खबर देवैगा। 19 “वो ना माणसां के गैल झगड़ा करैगा, अर ना किल्की मारैगा, ना बजारां म्ह उसका कोए शब्द सुणैगा। 20 “वो कुचले होए सरकण्डे की समान कमजोर माणसां ताहीं कोनी लताड़ैगा, अर बुझते होए दीवे के समान, माणस मरता हो तो वो उसनै न्ही मारैगा, वो जिब ताहीं डटया रहैगा जिब ताहीं न्याय ना दुवा दे। 21 “अर दुसरी जात उसकै नाम पै आस राक्खैगी।” 22 फेर माणस एक आन्धे-गूँगे नै जिसमह ओपरी आत्मा थी, जो उसनै देखण अर बोल्लण कोनी देवे थी, उसकै धोरै ल्याए, अर उसनै उस ताहीं ठीक करया, अर वो गूँगा बोलण अर देखण लागया। 23 इसपै सारे माणस अचम्भा करके कहण लागे, “यो के दाऊद की उलाद सै!” 24 पर फरीसियाँ नै न्यू सुणके कह्या, “यो तो ओपरी आत्मायाँ के सरदार शैतान की मदद तै ओपरी आत्मायाँ नै लिकाड़े सै।” 25 उसनै उनकै मन की बात जाणके उनतै कह्या, “जिस किसे राज म्ह फूट होवै सै, वो उजड़ जावै सै, अर कोए नगर या घराना जिसमह फूट होवै सै, बण्या कोनी रहवैगा। 26 अर जै शैतान ए शैतान नै काड्डै, तो वो अपना ए बिरोधी बणया, फेर उसका राज किस तरियां बणया रहवैगा? 27 भला, जै मै शैतान की मदद तै ओपरी आत्मायाँ नै काड्डै सूँ, तो थारी पीढी किसकी मदद तै काड्डै सै? इस करके वैए थारा न्याय करैगें। 28 पर जै मै परमेसवर के आत्मा की मदद तै ओपरी आत्मायाँ नै काड्डै सूँ, तो परमेसवर का राज्य थारे धोरै आण पोंहच्या सै।” 29 “या किस तरियां कोए माणस किसे ठाड्डे माणस के घर म्ह बड़के उसका माळ लूट सके सै जिब ताहीं के पैहल्या उस ठाड्डे ताहीं ना जुड़ ले? जिब वो उसका घर लूट लेवैगा।” 30 “जो मेरै गेल्या न्ही वो मेरै बिरोध म्ह सै, अर जो मेरै गेल्या न्ही कड़ा करदा, वो खिंडावे सै। 31 ज्यातै मै थारे तै कहुँ सूँ के माणस का सारे ढाळ का पाप अर बुराई माफ करी जावैगी, पर पवित्र आत्मा की बुराई माफ कोनी करी जावैगी। 32 जो कोए माणस के बेट्टे के बिरोध म्ह कोए बात कहवैगा, उसका यो कसूर माफ करया जावैगा, पर जो कोए पवित्र आत्मा के बिरोध म्ह कुछ कहवैगा, उसका कसूर ना तो इस लोक म्ह अर ना परलोक म्ह माफ करया जावैगा।” (aiōn g165) 33 “दरखत अपने फळ तै ए पिच्छाणा जावै सै, जै दरखत नै बढ़िया कहो, तो उसकै फळ नै भी बढ़िया कहो, या दरखत नै निकम्मा कहो, तो उसकै फळ नै भी निकम्मा कहो। 34 हे साँप के सपपोलों जिसे माणसों, थम भुन्डे होकै किस तरियां बढ़िया बात कह सको सो? क्यूँके जो मन म्ह भरया सै, वोए मुँह पै आवै सै। 35 भला माणस अपने मन के भले भण्डार तै भली बात लिकाड़े सै, अर बुरा माणस अपने मन के बुरे भण्डार तै बुराई की बात काडै सै। 36 अर मै थारे तै

कहुँ सूँ के जो-जो निकम्मी बात माणस कहवैगें, न्याय कै दिन वे हरेक उस बात का लेखा देवैगें। 37 क्यूँके तू अपनी बातां के कारण बेकसूर, अर अपनी बातां ए के कारण कसूरवार ठहराया जावैगा।” 38 इसपै कुछ शास्त्रियाँ अर फरीसियाँ नै उसतै कह्या, “हे गुरु, हम तेरे तै एक चिन्ह-चमत्कार देखणा चाहवां सा।” 39 उसने उन ताहीं जवाब दिया, “इस युग के बुरे अर जार माणस निशान्नी टोहें सै, पर योना नबी की निशान्नी नै छोड़ कोए और निशान्नी उन ताहीं कोनी दी जावैगी। 40 जिस तरियां योना नबी तीन रात अर तीन दिन बड़ी मछली कै पेट म्ह रहया, उससे तरियां ए मै माणस का बेट्टा तीन रात अर तीन दिन धरती कै भीत्तर रहूँगा। 41 निनवे नगर के माणस न्याय कै दिन इस युग के माणसां के गेल्या उठके उन ताहीं कसूरवार ठहरावैगें, क्यूँके उननै योना नबी का प्रचार सुणके अपने पापां ताहीं स्वीकार किया, अर देखो, उरै वो सै जो योना नबी तै भी बड़ड़ा सै। 42 दक्षिण देश की राणी न्याय कै दिन इस युग के माणसां के गेल्या उठके उन ताहीं कसूरवार ठहरावैगी, क्यूँके वा राजा सुलैमान का ज्ञान सुणण कै खातर धरती कै दुसरे सिरे तै आई, अर देखो, उरै वो सै जो सुलैमान तै भी बड़ड़ा सै।” 43 “जिब ओपरी आत्मा माणस म्ह तै लिकड़के जावै सै, तो सूक्खी जगहां म्ह आराम टोह्दी पिरे सै, अर पांटी कोनी। 44 फेर कहवै सै, ‘मै उससे माणस म्ह जड़ै तै लिकड़ी थी बोहड़ जाऊँगी।’ अर आकै उस माणस नै घर जिसा झाड़ा-बुहारा अर सजा-धज्या पावै सै। 45 फेर वा ओपरी आत्मा जाकै अपने तै और भुंडी सात आत्मायाँ नै अपने गेल्या ले आवै सै, अर वे उस माणस म्ह बड़के ओड़े वास करै सै, अर उस माणस की पाच्छली हालत पैहल्या तै भी भुंडी हो जावै सै। इस युग के बुरे माणसां की हालत भी इसीए होवैगी।” 46 जिब वो भीड़ तै बात करण ए लागरया था, तब उसकी माँ अर उसके भाई बाहरणै खड़े थे अर उसतै बात करणा चाहवै थे। 47 किसे नै उसतै कह्या, “देख, तेरी माँ अर तेरे भाई बाहरणै खड़े सै, अर तेरे तै बात करणा चाहवै सै।” 48 या सुणके यीशु नै कहण आळे ताहीं जवाब दिया, “कौण सै मेरी माँ? अर कौण सै मेरे भाई?” 49 अर अपने चेल्यां कान्ही अपना हाथ बढ़ाके कह्या, “देखो, मेरी माँ अर मेरे भाई ये सै। 50 क्यूँके जो कोए मेरे सुर्गिया पिता की इच्छा पै चाल्लै वोए मेरा भाई, मेरी बेब्बे अर मेरी माँ सै।”

**13** उससे दिन यीशु घर तै लिकड़के गलील समुन्दर कै किनारे जा बैठ्या। 2 अर उसके धोरै इसी भीड़ कट्टी होई के वो किस्ती पै चढ़ग्या, अर सारी भीड़ किनारे पै खड़ी रही। 3 अर उसने उनतै उदाहरणां म्ह घणीए बात कही “एक किसान बीज बोण लिकड़या। 4 बोदे बखत कुछ बीज राही कै किनारे पड़े अर पंछियाँ नै आकै उन ताहीं चुग लिया। 5 कुछ बीज पथरीली धरती पै पड़े, जड़ै उनताही घणी माट्टी ना मिली अर डून्धी माट्टी ना मिलण कै कारण वे तोळाए जामगे। 6 पर सूरज लिकड़णै पै वे जळगे, अर जड़ ना पकड़ण कै कारण सुखगे। 7 कुछ बीज

झाड़ियाँ मह पड़े, अर झाड़ियाँ नै बढ़के उन ताहीं दाब लिया। 8 पौधे कठ्ठे करदे हाण थम उनके गेल्या गेहूँ नै भी पाड़ ल्यो। 30 पर कुछ बीज आच्छी धरती पै पड़े, कोए सौ गुणा, कोए साठ गुणा, अर कोए तीस गुणा फळ ल्याए। 9 जिसके कान हों, वो ध्यान तै सुण ले।” 10 चेल्यां नै धोरै आकै उसतै कह्या, “तू पौधे कठ्ठे करके बाळण खात्तर उनके भरोटे जुड़ ल्यो, अर गेहूँ माणसां तै उदाहरणां मह क्यांतै बात करै सै?” 11 उसनै जवाब उदाहरण दिया: “थारे ताहीं सुर्ग के राज्य के भेद की समझ दे राक्खी सै, पर उन ताहीं न्ही। 12 क्यँके जिसके धोरै सै, उसतै और दिया जावैगा, अर उसके धोरै घणा हो जावैगा, पर जिसके धोरै कुछ न्ही सै, उसतै जो कुछ उसके धोरै सै, वो भी ले लिया जावैगा। 13 मै उनतै उदाहरणां मह ज्यांतै बात करूँ सूँ, के वे देखदे होए कोनी देखदे अर सुणदे होए कोनी सुणदे, अर न्ही समझदे।” 14 “उन्के बाबत यशायाह नबी की या भविष्यवाणी पूरी होवे सै: “थम सुणोगे, पर समझोगे कोनी, अर देखोगे, पर थमनै कोनी सूझैगा।” 15 “क्यँके इन माणसां का मन मोट्टा होग्या सै, अर वे कान्ना तै ऊँच्चा सुणै सै, अर उननै अपना आँख मूंद ली सै, कदे इसा ना हो के वे आँखां तै देखवै, अर कान्ना तै सुणै अर मन तै समझै, अर पलट जावै, अर मै उननै ठीक करूँ।” 16 पर धन्य सै थारी आँख, क्यँके वे देखवै सै, अर थारे कान क्यँके वे सुणै सै। 17 मै थमनै साच्ची कहेँ सूँ के घणखरे नबियाँ नै अर धर्मियाँ नै चाह्या के जो बात थम देखो सो, देखवै, पर न्ही देख पाए, अर जो बात थम सुणो सो, सुणै, पर न्ही सुण पाए। 18 “इब थम बोण आळे के उदाहरण का मतलब सुणो 19 जो कोए राज्य का वचन सुणकै कोनी समझदा, यो वोए सै जो राही कै किनारे बोया गया था, उस ताहीं दुष्ट आकै खोस ले जावै सै। 20 अर जो पथरीली धरती पै बोया गया सै, यो वो माणस सै, जो वचन सुणकै जिब्बे खुशी कै गेल्या मान लेवै सै। 21 पर अपने मह जड़ न्ही पकड़ण के कारण वो माड़े से दिन का सै, अर जब वचन कै कारण कळेथ या संकट आवै सै, तो जिब्बे ठोक्कर खावै सै। 22 जो झाड़ियाँ मह बोया गया, यो वो सै, जो वचन ताहीं सुणै सै, पर इस दुनिया की फिक्र अर धन का धोक्खा वचन नै दाबै सै, अर वो फळ कोनी ल्यांदा। (aiōn g165) 23 जो आच्छी धरती पै बोया गया, यो वो सै, जो वचन ताहीं सुणकै समझै सै, अर फळ ल्यावै सै, कोए सौ गुणा, कोए साठ गुणा, अर कोए तीस गुणा।” 24 यीशु नै उन ताहीं एक और उदाहरण दिया: “सुर्ग का राज उस किसान जिंसा सै जिसनै अपने खेत मै बढ़िया बीज बोया। 25 पर जब माणस सोवै थै तो उसका बैरी आकै गेहूँ के बिचाळे जंगली बीज बोके चल्या गया। 26 जब अंकुर निकड़े अर बाल लागीं, तो जंगली दाण्या के पौधे भी दिखण लागे।” 27 “इसपै घरेलू नौकरां नै आकै उसतै कह्या, ‘हे मालिक, के तन्नै अपने खेत मह बढ़िया बीज कोनी बोया था? फेर जंगली दाण्या के पौधे उस मह कित्त तै आए?’” 28 “उसनै उनतै कह्या, ‘यो किसे बैरी का काम सै।’ नौकरां नै कह्या, ‘के तेरी मर्जी सै के हम जाके उन जंगली पौधां नै कठ्ठे करा?’” 29 “उसनै कह्या, ‘ना, इसा ना हो के जंगली दाण्या के

बासणा म्ह कठी करी अर बेकार बगा दी। 49 दुनिया के अन्त म्ह इस तरियां ए होवेगा। सुर्गदूत आकै दुष्ट लोगगां नै धर्मियाँ तै न्यारे करैगें, (aiōn g165) 50 अर सुर्गदूत, दुष्ट लोगगां नै आग के कुण्ड म्ह गैरें। जड़ै रोणा, अर दाँत पिसणा होवेगा। 51 “के थमनै ये सारी बात समझी?” उननै उसतै कह्या, “हाँ।” 52 यीशु नै उनतै कह्या, “इस करके हरेक शास्त्री जो सुर्ग के राज्य का चेल्ला बण्या सै, उस घरवासे की तरियां सै जो अपने भण्डार तै नयी अर पुराणी चीज काट्टै सै।” 53 जिव यीशु नै ये सारे उदाहरण कह लिये, तो ओड़ै तै चल्या गया। 54 अर अपने नगर नासरत म्ह आके उनके आराधनालय म्ह उननै इसा उपदेश देण लागग्या के वे हैरान होके कहण लाग्ये, “इसनै यो ज्ञान अर सामर्थ के काम कित्त तै मिले? 55 के यो खात्ती का छोरा कोनी? अर के इसकी माँ का नाम मरियम अर इसके भाईयाँ का नाम याकूब, यूसुफ, शमौन अर यहूदा कोनी? 56 अर के इसकी सारी बेब्बे म्हारै बिचाळै कोनी रहन्दी? फेर इसनै यो सारा कित्त तै मिल्या?” 57 इस तरियां उननै उसके कारण ठोक्कर खाई, पर यीशु नै उनतै कह्या, “नबी का अपने गाम अर घर नै छोड़ और किते निरादर कोनी होन्दा।” 58 अर उसनै ओड़ै उनके अबिश्वास के कारण घणे चमत्कार के काम न्ही करै।

**14** उस बखत चौथाई देश के गलील परदेस के राजा हेरोदेस नै यीशु का जिक्र सुणया, 2 अर उसनै अपने नौकरां तै कह्या, “यो यूहन्ना बपतिस्मा देण आळा सै! वो मेरे होया म्ह तै जिन्दा उठ्या सै, इस्से करके उसतै ये सामर्थ के काम दिक्खै सै।” 3 यूहन्ना ताहीं पकड़के बाँधया अर जेळ म्ह गेर दिया था। क्यूँके हेरोदेस नै अपने भाई फिलिप्पुस के जिन्दा रहन्दे उसकी घरआळी हेरोदियास ताहीं अपने धोरै राखली थी, 4 क्यूँके यूहन्ना नै उसतै कह्या था के इस ताहीं राखणा मूसा के नियम-कायदा के मुताबिक तेरे खात्तर ठीक कोनी। 5 ज्यांतै वो उसनै मारणा चाहवै था, पर माणसां तै डरै था क्यूँके वे यूहन्ना नै नबी मान्ने थे। 6 पर जिव हेरोदेस का जन्म दिन आया, तो हेरोदियास की बेटी नै त्योहार म्ह नाच दिखाके हेरोदेस ताहीं राज्जी करया। 7 इसपै उसनै कसम खाके वचन भर लिया, “जो कुछ तू माँगगी, मै तन्नै दिगुँगा।” 8 वा अपनी माँ के उकसाण तै बोल्ली, “यूहन्ना बपतिस्मा देण आळे का सिर थाळ म्ह उरै मन्नै माँगवा दे।” 9 राजा घणा दुखी होया, पर अपनी कसम, अर गेल्या बैठण आळा के कारण, हुकम दिया के दे दिया जावै। 10 अर उसनै जेळ म्ह सैनिकां ताहीं भेजके यूहन्ना का सिर कटवा दिया। 11 अर उसका सिर थाळ म्ह ल्याया गया अर छोरी ताहीं दिया गया, जिस ताहीं वा अपनी माँ धोरै लेगी। 12 फेर यूहन्ना के चेल्लें आप अर उसकी लाश ताहीं ले जाके गाड़ दिया, अर जाके यीशु ताहीं खबर दी। 13 जिव यीशु नै सुणया, तो वो किस्ती पै चढ़के ओड़ै तै किसे सुनसान जगहां ताहीं, एकान्त म्ह चल्या गया। माणस न्यू सुणके नगर-नगर तै पाँ-पाँ उसके पाच्छे हो लिये। 14 यीशु किनारे पै पुहुचा तो एक बड़ी

भीड़ देखी अर उनपै तरस खाया, अर उनके बिमारां ताहीं ठीक करया। 15 जिव साँझ होई तो उसके चेल्यां नै उसके धोरै आके कह्या, “या सुनसान जगहां सै, अर वार होरी सै, माणसां ताहीं बिदा करया जावै के वे बस्तियाँ म्ह जाके अपने खात्तर खाणा मोल लियावै।” 16 पर यीशु नै उनतै कह्या, “उनका जाणा जरूरी कोनी! थमे इन्ने खाण नै द्यो।” 17 उननै यीशु तै कह्या, “उरै म्हारे धोरै पाँच रोटी अर दो मच्छियाँ नै छोड़के और कुछ कोनी सै।” 18 यीशु बोल्या, “उन ताहीं उरै मेरे धोरै लियाओ।” 19 फेर यीशु नै माणसां ताहीं घास पै बैठण खात्तर कह्या, अर उन पाँच रोटी अर दो मच्छियाँ ताहीं लिया; सुर्ग कान्ही लखाके खाणे खात्तर परमेसवर का धन्यवाद करया अर रोटी तोड़-तोड़के चेल्यां ताहीं दी, अर चेल्यां नै माणसां ताहीं। 20 जिव सारे खाके छिकगे, तो चेल्यां नै बचे होए टुकड्या तै भरी होई बारहां टोकरि ठाई। 21 अर खाण आळे लुगाईयाँ अर बाळकां नै छोड़के, पाँच हजार माणसां के करीबन थे। 22 फेर उसनै जिब्बे अपने चेल्यां ताहीं किस्ती पै चढ़ण के खात्तर मजबूर करया के वे उसतै पैहल्या पार चले जावै, जिव ताहीं वो अपने माणसां ताहीं बिदा करै। 23 वो माणसां ताहीं बिदा करके, प्रार्थना करण खात्तर उनतै अलग होके पहाड़ पै चल्या गया; अर साँझ ताहीं वो ओड़ै एक्ला था। 24 तब तक किस्ती समुन्दर के किनारे तै भोत दूर जा ली थी अर झाल्लां तै थपेड़े खाके डगमगाण लागरी थी, क्यूँके हवा स्याम्ही की थी। 25 यीशु सबेरै तीन बजे के लोवै-धोवै यीशु समुन्दर पै चाल्दे होए उनके धोरै आया। 26 चेल्लें उस ताहीं समुन्दर पै चाल्दे होए देखके घबरागे। अर बोल्ले, “यो भूत सै!” अर भय के मारे किल्ली मारणा लागगे। 27 फेर यीशु नै जिब्बे उनतै बात करी अर बोल्या, “होसला राक्खो! मै सूं, डरो मतना!” 28 पतरस नै उसतै जवाब दिया, “हे प्रभु, जै तू ए सै, तो मन्नै अपने धोरै पाणी पै चालके आण का हुकम दे।” 29 यीशु बोल्या, “आ!” फेर पतरस किस्ती पै तै उतरके यीशु के धोरै जाण ताहीं पाणी पै चाल्लण लागया। 30 पर हवा नै देखके डरग्या, अर जिव डूबण लागया तो किल्ली मारके बोल्या, “हे प्रभु, मन्नै बचा!” 31 यीशु नै जिब्बे हाथ बढ़ाके थाम लिया अर उसतै बोल्या, “हे अल्पबिश्वासी, तन्नै क्यांतै शक करया?” 32 जिव वे किस्ती पै चढ़गे, तो हवा थमगी। 33 इस घटना नै देखके उसके चेल्यां नै जो किस्ती पै थे, उसकी बड़ाई करके कह्या, “साच्च्यए, तू परमेसवर का बेटा सै।” 34 वे गलील समुन्दर पार करके गन्नेसरत परदेस म्ह पोहवै। 35 ओड़ै के माणसां नै उस ताहीं पिच्छाण लिया अर लोवै-धोवै के सारे देश म्ह खबर भेज दी, अर सारे बिमारां नै उसके धोरै ल्याए। 36 अर उसतै बिनती करण लाग्गै के वे उननै अपने लते के पल्ले तै ए छू लेण दे अर जितन्या नै उस ताहीं छुआ वे ठीक होगे।

**15** फेर यरुशलेम नगर तै कुछ फरीसी अर शास्त्री यीशु के धोरै आके बोल्ले, 2 “तेरे चेल्लें बुजुर्गा के रीति-रिवाजां ताहीं क्यांतै टाळै सै, क्यूँ बिना हाथ धोए रोटी खावै सै?” 3

उसने उन तार्हीं जवाब दिया, “थम भी अपणी रीति-रिवाज के कारण क्यातै परमेसवर का हुकम टाळौ सो? 4 क्यूँके परमेसवर नै कह्या, ‘अपणे माँ-बाप की इज्जत कर, अर जो कोए माँ-बाप नै भुंदा बोल्लै, वो मार दिया जावै।’ 5 पर थम कहो सो के जै कोए अपणे माँ-बाप तै कहवै, ‘जो कुछ मनै थारे तार्हीं अपणी सम्पत्ति म्ह तै देणा था, वो मनै परमेसवर तार्हीं अर्पण तार्हीं कर दिया’, 6 तो वो पिता का आदर ना करै, इस तरियां थमनै अपणी रीत-रिवाज के कारण परमेसवर का वचन टाळ दिया। 7 हे कपटियों, यशायाह नबी नै थारे बारै म्ह या भविष्यवाणी ठीक करी सै” 8 ये माणस होठुं तै तो मेरा आदर करै सै, पर उनका मन मेरै तै दूर रहवै सै। 9 “अर वे खाम-खा मेरी भगति करै सै, क्यूँके माणसां के तरीक्यां नै धर्म उपदेश करके सिखावै सै।” 10 फेर उसनै माणसां तार्हीं अपणे धोरै बुलाके उनतै कह्या, “सुणो, अर समझो 11 जो मुँह म्ह जावै सै, वो माणस नै अशुद्ध कोनी करदा, पर जो मुँह तै लिकड़ै सै, वोए माणस नै अशुद्ध करै सै।” 12 फेर चेल्यां नै आके उसतै कह्या, “के तन्ने बेरा सै के फरीसियाँ नै यो वचन सुणके ठोक्कर खाई?” 13 उसनै जवाब दिया, “हरेक पौधा जो मेरै सुर्गीय पिता नै न्ही लगाया, उखाड़ा जावैगा। 14 उन तार्हीं जाण घो; वे आन्धे राह बताणीये सै अर आन्धा जै आन्धे नै राह दिखावै, तो दोन्नु ए खुट्टे म्ह गिरैगें।” 15 न्यू सुणके पतरस नै उसतै कह्या, “यो उदाहरण म्हारै तार्हीं समझा दे।” 16 यीशु नै उनतै कह्या, “के थम भी इब तार्हीं नासमझ सो? 17 के थमनै न्ही बेरा के जो कुछ मुँह म्ह जावै वो पेट म्ह पड़े सै, अर संडास के जरिये लिकड़ जावै सै? 18 पर जो कुछ मुँह तै लिकड़ै सै, वो मन तै लिकड़ै सै, अर वोए माणस तार्हीं अशुद्ध करै सै। 19 क्यूँके भुन्दे विचार, हत्या, जारी, बिगानी बिरबानी धोरै जाणा, चोरी, झूठी गवाही अर बुराई मन तै ए लिकड़ै सै। 20 येए सै जो माणस नै अशुद्ध करै सै, पर हाथ बिना धोए रोटी खाणा माणस नै अशुद्ध कोनी करदा।” 21 यीशु ओड़ै तै लिकड़के, सूर अर सैदा के परदेसां कान्ही चल्या गया। 22 उस परदेस तै एक कनानी बिरबानी लिकड़ी, अर किल्की मारके कहण लागगी, “हे प्रभु! दाऊद की ऊलाद, मेरै पै दया कर! मेरी बेटी तार्हीं ओपरी आत्मा घणी सतावै सै।” 23 पर यीशु नै उसतै कुछ जवाब कोनी दिया। फेर उसके चेल्यां नै आके उसतै बिनती करी, “इस तार्हीं बिदा करो, क्यूँके वा म्हारै पाच्छे रुक्के मारदी आवण लागरी सै।” 24 यीशु नै जवाब दिया, “इस्राएल के कुण्बे की खोई होड़ भेडुं नै छोड़ मै किसे के धोरै कोनी भेज्या गया।” 25 पर वा आई, अर यीशु तार्हीं प्रणाम करके कहण लागगी, “हे प्रभु, मेरी मदद कर।” 26 यीशु नै जवाब दिया, “छोरयां की रोटी लैके कुत्त्या के आगै गेरणा ठीक कोनी।” 27 उसनै कह्या, “साच्ची सै प्रभु, पर कुत्ते भी तो मेज के तळे बाळकां की रोटी के टुकड़े खा लेवें सै।” 28 इसपै यीशु नै उस तार्हीं जवाब दिया, “हे नारी, तेरा विश्वास पक्का सै। जिसा तू चाहवै सै, तेरे खात्तर उसाए हो।”

अर उसकी बेटी उससे घड़ी तै चंगी होगी। 29 यीशु ओड़ै तै गलील समुन्दर के धोरै आया, अर पहाड़ पै चढ़के बैठग्या। 30 फेर भीड़ की भीड़ उसके धोरै आई। वे अपणे गेल्या लंगड़ा नै, आन्धा नै, टुंडयॉ नै, गूंग्या नै अर दुसरे घणेए माणसां नै उसके धोरै ल्याए, अर उन तार्हीं उसके पायां म्ह गेर दिया, अर उसनै उन तार्हीं ठीक करया। 31 जिब माणसां नै देख्या के गूंगे बोल्लै सै, अर टुंडे चंगे होवै सै, अर लंगड़े चाल्लै सै, अर आन्धे देखे सै तो हेरान होके इस्राएल के परमेसवर की बड़ाई करी। 32 यीशु नै अपणे चेल्यां तार्हीं बुलाया अर कह्या, “मनै इस भीड़ पै तरस आवै सै, क्यूँके वे तीन दिनां तै मेरै गेल्या सै अर उनके धोरै कुछ खाण नै भी कोनी। मै उननै भूक्खा बिदा करणा न्ही चाहन्दा, कदे इसा ना हो राह म्ह थक हार के बेहोस हो जावै।” 33 चेल्यां नै उसतै कह्या, “हमनै इस बण म्ह किचत तै इतनी रोटी मिलैगी के हम इतनी बड्डी भीड़ तार्हीं छिकावा?” 34 यीशु नै उनतै बुझ्झया, “थारे धोरै कितनी रोटी सै?” उननै कह्या, “सात, अर माड़ी-सी छोट्टी मच्छी।” 35 फेर उसनै माणसां तार्हीं धरती पै बैठण का हुकम दिया। 36 अर उन सात रोटी अर मच्छियाँ तार्हीं लिया, परमेसवर का धन्यवाद करके तोड्या, अर अपणे चेल्यां तार्हीं देन्दा गया, चेल्लें माणसां तार्हीं। 37 इस तरियां सारे खाके छिकगे अर चेल्यां नै बचे होड़ टुकड्या तै सात टोकरे ठाए। 38 खाण आळे बिरबानियाँ अर बाळकां नै छोड़के चार हजार माणस थे। 39 जिब वो भीड़ नै बिदया करके किस्ती म्ह चढ़ग्या अर मगदन देश की सीमा म्ह आया।

**16** फरीसियाँ अर सदूकियाँ नै धोरै आके उस तार्हीं परखण के खात्तर उसतै कह्या, “हमनै सुर्ग की कोए निशानी दिखा।” 2 उसनै उन तार्हीं जवाब दिया, “साँझ नै थम कहो सो, ‘मौसम खुला रहवैगा, क्यातैके अकास लाल सै’, 3 अर तड़केए नै कहो सो, ‘आज आँधी आवैगी, क्यूँके अकास लाल अर धूळ-भरया सै।’ थम अकास के लछण देखके उसका भेद बता सको सो, पर आज के बखत म्ह जो होण लाग रहवै सै उसनै देखके भेद क्यूँ न्ही बता सकदे? 4 इस युग के बुरे अर जार माणस चिन्ह-चमत्कार टोहें सै, पर योना नबी के चिन्ह-चमत्कार नै छोड़ उन तार्हीं और कोए चिन्ह-चमत्कार कोनी दिया जावैगा।” अर वो उननै छोड़के चल्या गया। 5 चेल्लें समुन्दर के परली ओड़ पोहचे, पर वे रोटी लेणा भूलगे थे। 6 यीशु नै उनकी कपट रूपी शिक्षा के बारे म्ह उनतै कह्या, “देखो, फरीसियाँ अर सदूकियाँ के खमीर तै चौकन्ने रहियो।” 7 वे आप्पस म्ह विचार करण लागे, “हम रोटी कोनी ल्याए ज्यातै वो इस तरियां कहवै सै।” 8 न्यू जाणके यीशु नै उनतै कह्या, “हे अल्प विश्वासियों, थम क्यातै विचार करो सो के म्हारै धोरै रोटी कोनी सै? 9 के थम इब तार्हीं न्ही समझो? के थमनै उन पाँच हजार की पाँच रोटी याद कोनी, अर ना यो के थमनै कितनी टोकरियाँ ठाई थी? 10 अर उन चार हजार की सात रोटी, अर ना यो के थमनै कितने टोकरे ठाए थे? 11 थम क्यातै न्ही समझदे के मनै थारे तै रोटियाँ के

बाबत नही कह्या, पर यो के फरीसियाँ अर सदूकियाँ के खमीर तै चौकन्ने रहियो।” 12 फेर उनके समझ म्हा आया के उसने रोटी के खमीर तै नही, पर फरीसियाँ अर सदूकियाँ की शिक्षा तै चौकन्ने रहण नै कह्या था। 13 यीशु कैसरिया फिलिप्पी के परदेस म्हा आया, अर अपने चेल्यां तै बुझ्झण लाग्या, “लोग मुझ माणस के बेटे नै के कहवै सै?” 14 वे बोल्ले, “कुछ तो यूहन्ना बपतिस्मा देण आळा कहवै सै, अर कुछ एलियाहा, अर कुछ यिर्मयाह या नबियाँ म्हा तै कोए एक कहवै सै।” 15 उसने उनतै कह्या, “पर थम मन्ने के कहो सो?” 16 शमौन पतरस नै जवाब दिया, “तू जिन्दे परमेसवर का बेटा मसीह सै।” 17 यीशु नै उस ताहीं जवाब दिया, “हे शमौन, योना के बेटे, तू धन्य सै; क्यूँके माँस अर लहू नै नही, पर मेरे पिता नै जो सुर्ग म्हा सै, या बात तेरे पै जाहिर करी सै। 18 अर मै भी तेरे तै कहूँ सूँ के तू पतरस सै, अर मै इस पत्थर पै अपनी कलीसिया बणाऊँगा, अर अधोलोक के फाटक उसपै हावी कोनी होवैगें। (Hades g86) 19 मै तन्नै सुर्ग के राज्य की ताळी दियुँगा जो कुछ तू धरती पै बाँधैगा, वो सुर्ग म्हा बँधैगा; अर जो तू धरती पै खोलैगा, वो सुर्ग म्हा खुलैगा।” 20 फेर उसने चेल्यां ताहीं चिताया के किसे तै ना कहियो के मै मसीह सूँ। 21 उस बखत तै यीशु अपने चेल्यां तै बताण लाग्या, “जरूरी सै के मै यरुशलेम म्हा जाऊँ अर यहूदी अगुवें, प्रधान याजकां, शास्त्रियाँ के हाथ्यां तै घणा दुख ठाऊँ, अर मार दिया जाऊँ; अर तीसरे दिन जी उठूँ।” 22 इसपै पतरस उसनै न्यारा ले जाके झिड़कण लाग्या, “हे प्रभु, परमेसवर इसा ना करे! तेरे गेल्या इसा कदे ना होवैगा।” 23 उसनै पलटके पतरस तै कह्या, “हे शैतान, मेरे स्याम्ही तै दूर हो! तू मेरे खातर ठोक्कर का कारण सै; क्यांतैके तू परमेसवर की बात्तां पै नही, पर माणसां की बात्तां पै मन लगावै सै।” 24 फेर यीशु नै अपने चेल्यां तै कह्या, “जो कोए मेरा चेल्ला बणणा चाहवै, वो अपनी ए इच्छा पूरी ना करे बल्के अपने दुखां का क्रूस ठाके, मेरे पाच्छे हो लेवै। 25 क्यूँके जो अपनी जान बचाणा चाहवैगा, वो उसने खोवैगा; अर जो कोए मेरे खातर जान खोवैगा, वो उसने पावैगा। 26 जै माणस सारी दुनिया नै पा लेवै, अर अपनी जान का नुकसान ठावै, तो उसने के फायदा होगा? या माणस अपनी जान कै बदले के देवैगा? 27 मै माणस का बेटा अपने सुर्गदूतां के गेल्या अपने पिता की महिमा म्हा आऊँगा, अर उस बखत मै हरेक नै उसके काम्मां के मुताबिक प्रतिफळ देऊँगा।” 28 “मै थारे तै साच्वी कहूँ सूँ जो आड़े खड़े सै उन म्हा तै कुछ इसे सै के जिब तक वे मुझ माणस के बेटे नै उसके राज्य म्हा आन्दे होए ना देख लेगें तब ताहीं मौत उननै छू भी नही पावैगी।”

**17** छः दिनां पाच्छे यीशु नै पतरस अर याकूब अर उसके भाई यूहन्ना ताहीं गेल्या लिया, अर उन ताहीं एक्ले म्हा किसे ऊँच्चे पहाड़ पै लेग्या। 2 ओड़े उनके स्याम्ही उसका रूप म्हा बदलाव होया, अर उसका मुँह सूरज की ढाळ चमक्या अर उसके लते चाँदणे की ढाळ धोळे होग्ये। 3 अर मूसा नबी अर

एलियाहा उसके गेल्या बात करदे होइ दिक्खे। 4 इसपै पतरस नै यीशु तै कह्या, “हे प्रभु, म्हारा उरै रहणा ठीक सै। जै तेरी मर्जी हो तो मै उरै तीन मण्डप बणाऊँ, एक तेरे खातर, एक मूसा नबी खातर, एक एलियाहा नबी खातर।” 5 वो बोल्लणए लागरया था के एक चमकदा होया बादळ उनपै छाग्या, अर उस बादळ म्हा तै या वाणी लिकड़ी, “यो मेरा प्यारा बेटा सै, जिसतै मै राज्जी सूँ: इसकी सुणो।” 6 चेल्लें न्यू सुणके मुँह के बळ गिरगे अर घणे डरगे। 7 यीशु नै धोरै आके उन ताहीं छुया, अर बोल्या, “उठो, डरो मतना।” 8 फेर उननै अपनी निगांहर करी अर यीशु नै छोड़ और किसे ताहीं कोनी देख्या। 9 जिब वे पहाड़ पै तै उतरण लागरे थे, तो यीशु नै उनतै यो हुकम दिया, “जिब ताहीं मै माणस का बेटा मरे होया म्हा तै जिन्दा नही हो जाऊँगा, तब ताहीं जो कुछ थमने देख्या सै किसे तै ना कहियो।” 10 इसपै उसके चेल्यां नै उसतै बुझ्झ्या, “फेर शास्त्री क्यांतै कहवै सै के एलियाहा का पैहल्या आणा जरूरी सै।” 11 उसनै जवाब दिया, “एलियाहा जरूर आवैगा, अर सारा कुछ सुधरैगा। 12 पर मै थमने कहूँ सूँ के एलियाहा आ लिया, अर माणसां नै उस ताहीं नही पिच्छाणा, पर जिसा चाह्या उसाए उसके गेल्या करया। इस तरियां तै मै माणस का बेटा भी उनके हाथ्यां तै दुख ठाऊँगा।” 13 फेर चेल्यां नै समझ्या के उसनै म्हारै तै यूहन्ना बपतिस्मा देणीये के बाबत कह्या सै। 14 जिब वो भीड़ के धोरै पोहचे, तो एक माणस उसके धोरै आया, अर गोठ्ठे टेक के कहण लाग्या, 15 “हे प्रभु, मेरे बेटे पै दया कर! क्यूँके उस ताहीं मिर्घी आवे सै, अर वो घणा दुख ठावै सै; अर बार-बार आग म्हा अर बार-बार पाणी म्हा पड़ ज्या सै। 16 अर मै उसनै तेरे चेल्यां धोरै ल्याया था, पर वे उसनै ठीक कोनी कर सके।” 17 यीशु नै जवाब दिया, “हे अबिश्वासि अर जिद्दी माणसों, मै कद ताहीं थारे गेल्या रहूँगा? कद ताहीं थारी सहूँगा? उसनै उरै मेरे धोरै ल्याओ।” 18 फेर यीशु नै ओपरी आत्मा ताहीं धमकाया, वा उस म्हा तै लिकड़ग्यी अर छोरा उससे बखत ठीक होग्या। 19 फेर चेल्यां नै एक्ले म्हा यीशु के धोरै आके कह्या, “हम उसने क्यांतै नही काढ सके?” 20 उसनै उनतै कह्या, “अपणे विश्वास की कमी के कारण, क्यूँके मै थमने साच्वी कहूँ सूँ, जै थारा विश्वास राई के दाणे के बराबर भी हो, तो इस पहाड़ तै कह सकोगे, ‘उरै तै सरकके ओड़े चल्या जा’, तो वो चल्या जावैगा, अर कोए बात थारे खातर मुश्किल कोनी होवैगी।” 21 (पर या जात बिना प्रार्थना अर ब्रत के कोनी लिकड़दी।) 22 जिब वे गलील परदेस म्हा थे, तो यीशु नै उनतै कह्या, “मै माणस का बेटा माणसां के हाथ्यां म्हा पकड़वाया जाऊँगा। 23 वे मन्ने मार देवैगें, अर मै तीसरे दिन जिन्दा हो जाऊँगा।” इसपै वे घणे उदास होए। 24 जिब वे कफरनहूम पोहचे, तो मन्दर का कर लेण आळा नै पतरस के धोरै आणके बुझ्झ्या, “के थारा गुरु, मन्दर का कर कोनी देँदा?” 25 उसनै कह्या, “हाँ, देवै सै।” जिब वो घरां आया, तो यीशु नै उसके बुझ्झण तै पैहल्याए उसतै

कह्या, “हे शमीन, तू के सोच्ये सै? धरती के राजा चुंगी किन तै लैवे सै? अपणे बेट्याँ तै या बिगान्याँ तै?” 26 पतरस नै उसतै कह्या “बिगान्याँ तै।” यीशु नै उसतै कह्या “तो बेट्टे बचगे। 27 तोभी इस खात्तर के हम उननै ठोक्कर ना खुवावा, तू झील कै किनारे जाके कांडा गेर, अर जो मच्छी पैहले निकड़े, उसनै ले, उसका मुँह खोल्लण पै तेरे ताहीं एक सिकका (जिसकी किम्मत चार दिन की मजदूरी के बराबर हो सै) मिलैगा, उससे नै लेके मेरे अर अपणे बदले म्ह दे दिये।”

**18** उस घड़ी चेल्लें यीशु कै धारे आके बुझ्झण लागे, “सुर्ग के राज्य म्ह बड़ड़ा कौण सै?” 2 इसपै उसनै एक बाळक ताहीं धारे बुलाके उनके बिचाळे खड्या करया, 3 अर कह्या, “मै थमनै सच कहूँ सूँ के जिब ताहीं थम न्ही बदलो अर बाळकां की ढाळ नग्र न्ही बणो, थम सुर्ग के राज्य म्ह बड़ न्ही सकदे। 4 जो कोए अपणे-आपनै इस बाळक की ढाळ छोट्टा करैगा, वो सुर्ग के राज्य म्ह बड़ड़ा होवैगा। 5 अर जो कोए मेरे नाम तै एक इसे बाळक ताहीं अपणावे सै वो मन्ने अपणावे सै।” 6 पर जो कोए इन छोट्ट्या बाळकां समान जो मेरे पै बिश्वास करै सै, किसे तै भी पाप करवावे, तो उसके खात्तर भला योए सै के एक बड्डी चाक्की का पाट उसके गळ म्ह लटकाया जावे, अर वो डून्हा समुन्दर म्ह डबोया जान्दा। 7 ठोकरां के कारण दुनिया पै हाय! ठोकरां का लागणा जरूरी सै; पर धिक्कार सै उस माणस पै जिसके जरिये ठोक्कर लागै सै। 8 जै तेरा हाथ या तेरा पैर तेरे तै पाप करवावे सै, तो उसनै काटके बगा दे, टुंडा या लंगड़ा होके जीवन म्ह दाखल होणा इसतै भला सै के दो हाथ या दो पैर रहंदे होए तू अनन्त आग म्ह गेरया जावे। (aiōnios g166) 9 जै तेरी आँख तेरे तै पाप करवावे सै, तो उस ताहीं लिकाड़के फेक दे, काणा होके अनन्त जीवन म्ह बड़णा तेरे खात्तर भला सै, ना के दो आँख रहंदे होए तू नरक की आग म्ह गेरया जावे। (Geenna g1067) 10 देख्खो, थम इन छोट्ट्या म्ह तै किसे नै तुच्छ ना जाणीयो, क्यूँके मै थमनै कहूँ सूँ के सुर्ग म्ह उनके सुर्गदूत मेरे सुर्गीय पिता की मौजूदगी म्ह सदा रहवै सै। 11 (क्यूँके मै माणस का बेट्टा खोये होया नै बचाण आया सूँ।) 12 थारा इसके बारे म्ह के विचार सै? जै किसे माणस की सौ भेड़ हों, अर उन म्ह तै एक भटक जावे, तो के वो निन्यानवे ताहीं छोड़के, अर पहाड़ां पै जाके, उस भटकी होई नै कोनी टोहवैगा? 13 अर जै इसा हो के उसनै पावे, तो मै थमनै साच्यी कहूँ सूँ, के वो उन निन्यानवे भेट्टां के खात्तर जो भटकी कोनी थी, इतणा आनन्द कोनी करैगा जितना के इस भेड़ के खात्तर करैगा। 14 इससे ढाळ थारे पिता की जो सुर्ग म्ह सै या मर्जी कोनी के इन छोट्ट्यां म्ह तै एक भी नाश हो। 15 “जै तेरा बिश्वासी भाई तेरे खिलाफ कसूर करै, तो जा अर एक्ले म्ह बतळा के उसनै समझा, जै वो तेरी सुणके पछतावे तो तन्नै अपणे भाई ताहीं पा लिया। 16 जै वो तेरी न्ही सुणै, तो एक या दो जन नै अपणे गेल्या और ले जा, क्यूँके मूसा नबी के नियम-कायदा के मुताबिक ‘हरेक बात दो

या तीन तै ज्यादा गवाह के स्याम्ही सच साबित हो जावे।’ 17 जै वो उनकी भी न्ही मान्ने, तो कलीसिया तै कह दे, पर जै वो कलीसिया की भी कोनी मान्ने तो तू यो समझ ले के वो गैर यहूदी अर चुंगी लेण आळे जिसा सै।” 18 “मै थमनै साच्यी कहूँ सूँ, जो कुछ थम धरती पै बांधगे, वो सुर्ग म्ह बंधैगा अर जो कुछ थम धरती पै खोल्लगे, वो सुर्ग म्ह खुलैगा।” 19 “फेर मै थमनै कहूँ सूँ, जै थारे म्ह तै दो जणे धरती पै किसे बात कै खात्तर एक मन होके बिनती करै, तो वा मेरे पिता की ओड़ तै जो सुर्ग म्ह सै, उनके खात्तर हो जावैगी। 20 क्यूँके जड़ै दो या तीन मेरे नाम पै कट्टे होवै सै, ओड़ै मै उनके बिचाळे म्ह होऊँ सूँ।” 21 जिब पतरस नै धारे आके उसतै कह्या, “हे प्रभु, जै मेरा भाई कसूर करदा रहवै, तो मै कितनी बार उस ताहीं माफ करूँ? के सात बार?” 22 यीशु नै उसतै कह्या, “मै तेरे तै यो न्ही कहन्दा के सात बार, बल्के सात बार के सत्तर गुणा तक माफ करिये।” 23 “इस करके सुर्ग के राज्य की तुलना इस उदाहरण तै करी जा सकै सै, किसे राजा नै अपणे नौकरां का लेक्खा (ब्यौरा) लेणा चाह्हा। 24 जिब वो लेक्खा लेण लाग्या, तो एक जणा उसके स्याम्ही ल्याया गया जो दस हजार तोड़े का कर्जवान था। 25 जिब के चुकता करण नै उसके धारे कुछ कोनी था, तो उसके मालिक नै कह्या, ‘यो अर इसकी घरआळी अर बाळ-बच्चे अर जो कुछ इसका सै सारा बेच्या जावै, अर कर्ज चुकता करया जावै।’” 26 “इसपै उस नौक्कर नै उसके पायां म्ह पड़के उस ताहीं कह्या, ‘हे राजा धीरज धर, मै सारा कुछ भर दियुँगा।’ 27 इसपै राजा नै तरस खाके उस नौक्कर ताहीं छोड़ दिया, अर उसका कर्जा भी माफ कर दिया।” 28 “पर जिब वो नौक्कर बाहरणै निकड़्या, तो उसके साथ के नौकरां म्ह तै एक उसतै मिल्या जो उसके सौ दीनार (100 दिन की मजदूरी) का कर्जदार था; उसनै पकड़के उसका गळा घोट्ट्या अर कह्या, ‘जो कुछ मेरा तेरे पै कर्ज सै भर दे।’” 29 “इसपै उसका साथ का नौक्कर पायां म्ह पड़के उसतै बिनती करण लाग्या, ‘धीरज धर, मै सारा कुछ भर दियुँगा।’” 30 वो न्ही मान्या, पर जाके उस ताहीं जेळ म्ह गेर दिया के जिब ताहीं कर्जा ना भर दे, तब तक ओड़ैए रहवै। 31 उसके गेल्या के नौक्कर यो जो होया था देखके घणे उदास होए, अर जाके अपणे राजा ताहीं पूरा हाल बता दिया। 32 “फेर राजा नै उस ताहीं बुलाके उसतै कह्या, ‘हे दुष्ट नौक्कर, तन्नै जो मेरे तै बिनती करी, तो मन्ने तेरा वो सारा कर्जा माफ कर दिया। 33 ज्यांतै जिस ढाळ मन्ने तेरे पै दया करी, उससे तरियां के तन्नै भी अपणे साथ के नौक्कर पै दया न्ही करणी चाहिये थी?’ 34 अर उसके मालिक नै छो म्ह आके उस ताहीं दण्ड देणआळे के हाथ्यां म्ह सौप दिया, के जिब ताहीं वो सारा कर्जा भर न्ही देवै, तब तक उनके हाथ्यां म्ह रहवै। 35 “इससे ढाळ जै थारे म्ह तै अपणे भाई नै ना माफ करे तो मेरा पिता जो सुर्ग म्ह सै थारे तै उसाए करैगा।”

**19** जब यीशु ने ये बात कह ली, तो गलील परदेस तै चल्या गया; अर यरदन नदी के परली ओड़ यहूदिया परदेस म्ह आया। 2 फेर बड़ी भीड़ उसके पाछे हो ली, अर उसनै ओड़ै उन ताहीं चंगा करया। 3 फेर फरीसी उसनै परखण खात्तर धारे आकै बोल्ले, “के किसे भी कारण तै अपणी घरआळी ताहीं छोड़णा ठीक सै?” 4 उसनै जबाब दिया, “के थमनै नही पढ़्या के जिसनै उन ताहीं बणाया, उसनै शरुआत तै नर अर नारी बणाकै कहा, 5 इस कारण माणस अपणे माँ-बाप तै न्यारा होकै अपणी घरआळी के गेल्या रहवैगा अर वे दोन्नु एकए तन होवैगें? 6 इस करकै इब वे दो नही, पर एक तन सै। इस करकै जिन ताहीं परमेसवर नै जोड़या सै, उन ताहीं माणस न्यारा ना करै।” 7 उननै उसतै कहा, “फेर मूसा नबी नै यो क्यातै ठहराया के तलाक देकै उस ताहीं छोड़दे?” 8 उसनै उनतै कहा, “मूसा नबी नै थारे मन की कठोरता के कारण थारे तै अपणी-अपणी घरआळी ताहीं छोड़ देण का हुकम दिया, पर शरुआत म्ह इसा कोनी था। 9 अर मै थमनै कहुँ सूं, के जो कोए जारी नै छोड़कै और किसे कारण तै अपणी घरआळी नै छोड़कै दुसरा ब्याह करै, वो जारी करै सै, जो उस छोड़ी होई तै ब्याह करै, वो भी जारी करै सै।” 10 चेल्यां नै यीशु तै कहा, “जै माणस का बिरबानी के गेल्या इसा सम्बन्ध सै, तो ब्याह करणा आच्छा कोनी।” 11 यीशु नै उनतै कहा, “हरेक कोए इन उपदेशां पै चाल नही सकदे, सिर्फ वे जिन ताहीं या शक्ति देई गई सै। 12 क्यूँके कुछ नपुंसक इसे सै, जो माँ के पेट या गर्भ ए तै इसे जन्मे; अर कुछ नपुंसक इसे सै, जिन ताहीं माणस नै नपुंसक बणाया; अर कुछ नपुंसक इसे सै, जिन नै सुर्ग के राज्य कै खात्तर खुद ताहीं नपुंसक बणाया सै। जो इस बात ताहीं समझ सकै सै, वे समझ ले।” 13 फेर माणस बाळकां नै उसके धारे ल्याए, के वो उनकै उप्पर हाथ धरै अर प्रार्थना करै; पर चेल्यां नै उन ताहीं धमकाया। 14 यीशु नै कहा, “बाळकां नै मेरै धारे आण द्यो, अर उन ताहीं मना मतना करो, क्यूँके सुर्ग का राज्य इसाए का सै।” 15 अर वो उनपै हाथ धरकै ओड़ै तै चल्या गया। 16 एक माणस यीशु के धारे आया अर उसतै कहा, “हे गुरु, मै कौण सा भला काम करूँ के अनन्त जीवन पाऊँ?” (aiōnios g166) 17 यीशु नै उसतै कहा, “तू मेरै तै भलाई के बाबत क्यातै बुझै सै? भला तो एकैए सै, पर जै तू जीवन म्ह दाखल होणा चाहवै सै, तो हुकमां नै मान्या कर।” 18 उसनै यीशु तै कहा, “कौण-से हुकम?” यीशु बोल्या, “खून ना करियो, जारी ना करियो, चोरी ना करियो, झूठी गवाही ना दियो, 19 अपणे माँ-बाप का आदर करियो, अर अपणे पडौसी तै अपणे जिंसा प्यार राखियो।” 20 उस जवान नै उसतै कहा, “इन सारया ताहीं तो मननै मान्या सै, इब मननै किस बात की कमी सै?” 21 यीशु नै उसतै कहा, “जै तू सिध्द होणा चाहवै सै तो जा, अपणा सारा माळ बेचके कंगालां ताहीं दे, अर तन्नै सुर्ग म्ह धन मिलैगा; अर आकै मेरा चेल्ला बणण खात्तर मेरै पाछे हो ले।” 22 पर वो

जवान या बात सुणकै उदास होकै चल्या गया, क्यूँके वो घणा साहूकार था। 23 फेर यीशु नै अपणे चेल्यां तै कहा, “मै थमनै साच्ची कहुँ सूं के साहूकार का सुर्ग के राज्य म्ह बड़णा ओक्खा सै। 24 थारे ताहीं फेर कहुँ सूं के जिस तरियां तै ऊँट का सूई के मोरै म्ह तै लिंकड़णा आसान हो सकै सै। पर परमेसवर के राज्य म्ह साहूकार का बड़णा भोत मुश्किल सै।” 25 न्यू सुणकै चेल्यां नै हैरान होकै कहा, “फेर किसका उद्धार हो सकै सै।” 26 यीशु नै उनकी ओड़ लखाकै कहा, “माणसां तै तो यो कोनी हो सकदा, पर परमेसवर तै सारा कुछ हो सकै सै।” 27 इसपै पतरस नै उसतै कहा, “देख, हम तो सारा कुछ छोड़के तेरे पाछे हो लिए सा: तो हमनै के मिलैगा?” 28 यीशु नै उनतै कहा, “मै थमनै साच्ची कहुँ सूं के नयी सृष्टि म्ह जबि माणस का बेट्टा अपणी महिमा के सिंहासन पै बैठैगा, तो थम भी जो मेरै पाछे हो लिए सो, बारहां सिंहासनां पै बैठके इस्राएल के बारहां गोत्रां का न्याय करोगे। 29 अर जिस किसे नै घर, या भाई-भाण, या माँ-बाप, या बाळ-बच्चे, या खेतां ताहीं मेरै नाम कै खात्तर छोड़ दिया सै, उस ताहीं सौ गुणा मिलैगा, अर वो अनन्त जीवन का हकदार होवैगा। (aiōnios g166) 30 पर भोत-से जो पैहले सै, पाछले होंगे; अर जो पाछले सै, पैहले होंगे।”

**20** यीशु नै अपणे चेल्यां ताहीं सिखाण खात्तर एक और उदाहरण दिया, “सुर्ग का राज्य किसे घर के माल्लिक की ढाळ सै, जो तड़कैए लिंकड़या के अपणे अंगूर के बाग म्ह मजदूरों नै लावै। 2 वो मजदूरों नै एक दीनार (एक दिन की मजदूरी) रोज की दिहाड़ी पै ल्याया अर उननै अपणे अंगूर के बाग म्ह भेज्या।” 3 “फेर सबेरै के नौ बजे पाछे उसनै लिंकड़के और माणसां ताहीं बजार म्ह खड़े देख्या, 4 अर उसनै कहा, ‘थम भी अंगूर के बाग म्ह जाओ, अर मै एक दिन की जो भी मजदूरी थारी बणै सै वा थमनै दियुँगा।’ अर वे भी काम पै चले गये। 5 फेर उसनै बारहां बजे अर तीन बजे कै लोवै लिंकड़के उससे तरियां करया। 6 तकरीबन पाँच बजे फेर वो अपणे घर तै गया अर उसनै फेर कई माणसां ताहीं ओड़ै खड़े देख्या, अर उसनै कहा, ‘थम क्यातै सारे दिन उरै बेकार खड़े रहों सों?’ उननै उसतै कहा, ‘ज्यातै के किसे नै म्हारै ताहीं मजदूरी पै कोनी लगाया।’” 7 “उसनै उनतै कहा, ‘थम भी मेरे अंगूर के बाग म्ह काम करण खात्तर जाओ।’” 8 “साँझ नै अंगूर के बाग के माल्लिक नै अपणे भण्डारी तै कहा, ‘मजदूरों ताहीं बुलाके पाछल्यां तै लेके पैहल्या ताहीं उननै मजदूरी दे-दे।’” 9 “जो पाँच बजे लगाये थे, उन ताहीं एक-एक दीनार (एक दिन की मजदूरी) मिल्या। 10 जो पैहल्या आये उननै यो सोच्या के म्हारै ताहीं घणा मिलैगा, पर उननै भी एक-एक दीनार (एक दिन की मजदूरी) ए मिल्या। 11 मजदूरी तो उननै ले ली पर वे अंगूर के बाग के माल्लिक पै बिरड़ाके कहण लागे, 12 ‘जो पाछे लागे थे, उननै बस एक घंटा काम करया, अर तन्नै म्हारै ताहीं भी उतनाए दिया जितना उन ताहीं, जबि के हमनै दिन-

भर बोझ ठाया अर घाम सहया?" 13 "बाग के माल्लिक नै उन म्ह तै एक ताहीं जवाब दिया, 'हे दोस्त, मन्नै तेरे गैल कोए अन्याय कोनी करया। के तन्नै ए मेरै तै एक दीनार (एक दिन की मजदूरी) कोनी तय करया था? 14 जो तेरा सै, ठा ले अर चल्या जा; मेरी मर्जी, के जितना तन्नै दियुँ उतनाए इस पाच्छले ताहीं भी दियुँ। 15 के यो ठीक कोनी के मै अपणे धन का जो चाहुँ वो करुँ? के मेरे भले होण के कारण तू कड़वी नजर तै देखखै सै?" 16 "इस तरियां तै जो पाच्छले सै, वे पैहले होंगे, जो पैहले सै, पाच्छले होवैगें।" 17 जब यीशु अपणे बारहां चेल्यां गैल यरुशलम नगर म्ह जाण लागरया था तो उन ताहीं एकान्त म्ह लेगया, अर राह म्ह चालते-चालते उनतै बोल्या, 18 "देखवो, हम यरुशलम नगर म्ह जावां सा; अर मै माणस का बेट्टा प्रधान याजकां अर शास्त्रियाँ के हाथ्यां पकड़वाया जाऊंगा, वे मेरे खात्तर मौत की सजा तय करैगें। 19 अर मेरे ताहीं गैर यहूदियाँ के हाथ्यां म्ह सौपैगें, वे मेरा मजाक उड़ावैगें, कोड़े मारैगें, क्रूस पै चढ़ावैगें, अर मै तीसरे दिन जिन्दा हो जाऊंगा।" 20 फेर जब्दी के बेट्याँ की माँ नै, अपणे बेट्याँ के गेल्या यीशु के धोरे आके प्रणाम करया, अर उसतै कुछ माँगण लागगी। 21 यीशु नै उसतै कह्या, "तू के चाहवे सै?" वा यीशु तै बोल्ली, "मन्नै वचन दे, के मेरे ये दो बेट्टे तेरे राज्य म्ह एक तेरे सोळे अर दुसरा तेरे ओळै कान्ही बेट्टे।" 22 यीशु नै जवाब दिया, "थमनै न्ही बेरा के थम के माँगो सों। जो दुख का कटोरा मै पीण पै सूँ, के थम वो दुख का कटोरा पी सको सो?" उननै उस ताहीं कह्या, "पी सकां सा।" 23 उसनै उनतै कह्या, "थम मेरे दुख का कटोरा तो पी ल्योगे, पर अपणे सोळे अर ओळै कान्ही किसे ताहीं बिठाणा मेरा काम कोनी, पर जिनके खात्तर मेरे पिता की ओड़ तै तयार करया गया, उननै ए खात्तर सै।" 24 न्यू सुणके दसो चेल्लें उन दोन्नु भाईयाँ पै छो करण लागगे। 25 यीशु नै उन ताहीं धोरे बुलाके कह्या, "थम जाणो सो के गैर यहूदियाँ के हाकिम उनपै राज करै सै; अर जो बड़े सै, वे उनपै हक जमावै सै। 26 पर थारे म्ह इसा कोनी होवैगा; जो कोए थारे म्ह बड़ड़ा होणा चाहवै, वो थारा सेवक बणै, 27 अर जो थारे म्ह प्रधान होणा चाहवै, वो दास बणै, 28 जिसा के मै माणस का बेट्टा, ज्यांतै कोनी आया के मेरी सेवा-पाणी करी जावै, पर ज्यांतै आया के खुद सेवा-पाणी करुँ, अर घणखरयां के छुटकारै के खात्तर अपणी जान देऊँ।" 29 जिब वे यरीहो नगर तै लिंकडै थे, तो एक बड़ी भीड़ यीशु के पाच्छे हो ली। 30 अर दो आन्धे, जो सड़क के किनारे बेट्टे थे, न्यू सुणके के यीशु जाण लागरया सै, रुक्का मारके कहण लागगे, "हे प्रभु, हे दाऊद की ऊलाद, म्हारै पै दया कर।" 31 माणसां नै उन ताहीं धमकाया के बोल-बाल्ले रहवै; पर वे और भी रुक्के मारके बोल्ले, "हे प्रभु, दाऊद की ऊलाद, म्हारै पै दया कर।" 32 फेर यीशु नै खड़े होके, उन ताहीं बुलाया अर कह्या, "थम के चाहवो सो के मै थारे खात्तर करुँ?" 33 उननै उसतै कह्या, "हे प्रभु, योए के हम देखखण लाग जावां।" 34

यीशु नै तरस खाके उनकी आँखां पै हाथ लगाया, अर वे जिब्बे देखखण लागगे; अर उसके पाच्छे हो लिये।

**21** जिब वे यरुशलम नगर के लोवै पोहचे अर जैतून पहाड़ पै बैतफगे गाम के धोरे आये, तो यीशु नै दो चेल्यां ताहीं न्यू कहके भेज्या, 2 "स्याम्ही के गाम म्ह जाओ। ओड़े पोहोचदये एक गधी बंधी होई, अर उसके गेल्या बच्चा थमनै मिलेगा। उननै खोल के मेरे धोरे ल्याओ। 3 जै थारे तै कोए कुछ कहवै, तो कहियो के प्रभु नै इसकी जरूरत सै, अर वो तोळा उसनै भेज देवैगा।" 4 यो ज्यांतै होया के जो वचन नबी के जरिये कह्या गया था, वो पूरा हो 5 "यरुशलम के लोगां तै कहे, 'देख, थारा राजा थारे धोरे आवै सै; वो नम्र सै, अर गधे पै बेट्ठा सै; बल्के गधी के बच्चे पै।" 6 चेल्यां नै जाके, जिसा यीशु नै उनतै कह्या था, उससे तरियां करया। 7 अर गधी अर बच्चे ताहीं ल्याके, उसपै अपणे लत्ते गेरे, अर वो उसपै बैठग्या। 8 फेर घणखरे माणसां नै अपणे लत्ते राह म्ह बिछाये, अर माणसां नै दरखतां तै डाळियाँ काटके राह म्ह बिछाई। 9 जो भीड़ आगै-आगै अर पाच्छे-पाच्छे चाल्ली आवै थी, रुक्के मार-मारके कहवै थी, "दाऊद की ऊलाद ताहीं होशाना, धन्य सै वो जो प्रभु के नाम तै आवै सै, अकास म्ह होशाना।" 10 जिब वो यरुशलम म्ह बड़या, तो सारे नगर म्ह खलबलली माचगी, अर माणस कहण लागगे, "यो कौण सै?" 11 माणसां नै कह्या, "यो गलील परदेस के नासरत नगर का नबी यीशु सै।" 12 यीशु नै परमेसवर के मन्दर म्ह जाके उन सारया ताहीं, जो मन्दर म्ह लेण-देण कररे थे, काढ दिया, अर सर्राफां (पर्ईसा का लेण देण करण आळे) के पीढ़े अर कबूतर बेचणीयाँ की चौकिर्याँ उल्ट दी; 13 अर उनतै कह्या, "लिख्या सै, 'मेरा घर प्रार्थना का घर कुहावैगा'; पर थम उसनै डाकुवां की गुफा बणाओ सो।" 14 फेर आन्धे अर लंगड़े, मन्दर म्ह उसके धोरे आये, अर उसनै उन ताहीं ठीक करया। 15 पर जिब प्रधान याजकां अर शास्त्रियाँ नै इन अनोक्खे काम्मां ताहीं, जो उसनै करे, अर छोरयां ताहीं मन्दर म्ह दाऊद की ऊलाद ताहीं होशाना रुक्के मारदे देख्या, तो वे छो म्ह भरगे, 16 अर उसतै कहण लागगे, "के तू सुणे सै के ये के कहवै सै?" यीशु नै उनतै कह्या, "हाँ; के थमनै यो कदे कोनी पढ्या: 'बाळकां अर दूध पीन्दे बच्चां के मुँह तै तन्नै घणी जै-जै कार कराई?' 17 फेर वो उननै छोड़के नगर के बाहरणै आके बैतनिय्याह गाम म्ह गया अर ओड़े रात बिताई। 18 तड़केए जिब वो नगर नै बोहड़ण लागरया था तो उसनै भूख लागगी। 19 सड़क के किनारे अंजीर का एक दरखत देखके वो उसके धोरे गया, अर पत्त्या नै छोड़ उस म्ह और कुछ ना पाके उसतै कह्या, "इब तै तेरे म्ह फेर कदे फळ कोनी लाग्गे।" अर अंजीर का दरखत जिब्बे सूखग्या। (αἰὼν 9:165) 20 न्यू देखके चेल्यां नै हैरानी होई अर उननै कह्या, "यो अंजीर का दरखत जिब्बे किस तरियां सूखग्या?" 21 यीशु नै उन ताहीं जवाब दिया, "मै थमनै साच्ची कहूँ सूँ, जै थम बिश्वास राक्खो अर शक ना करो, तो ना केवल यो करोगे जो इस अंजीर

के दरखत गेल्या करया गया सै, पर जै इस पहाड़ नै कहोगे, ताहीं पकड़या अर अंगूर के बाग तै बाहरणै काढकै मार दिया।  
 ‘उखड़ जा, अर समुन्दर म्ह जा पड़’, तो यो भी हो जावैगा। 22 अर जो कुछ थम प्रार्थना म्ह बिश्वास तै माँगोगे वो सारा थमनै मिलैगा।” 23 वो मन्दर जाकै उपदेश देवै था, तो प्रधान याजकां अर यहूदी अगुवां नै उसके धोरै आकै बुझया, “तू ये काम किसके हक तै करै सै? अर तेरे ताहीं यो हक किसने दिया सै?” 24 यीशु नै उनतै जवाब दिया, “मै भी थारे तै एक बात बुझ्यु सूं; जै वो मन्नै बताओगे, तो मै भी थमनै बताऊंगा के ये काम किस हक तै करूँ सूं। 25 यूहन्ना का बपतिस्मा किंत तै था? सुर्ग की ओड़ तै या माणसां की ओड़ तै?” फेर वे आप्पस म्ह बहस करण लाग्गे, “जै हम कहां ‘सुर्ग की ओड़ तै’ तो वो म्हारै तै कहवैगा, ‘फेर थमनै उसका बिश्वास क्यांतै न्ही करया?’ 26 अर जै कहां ‘माणसां की ओड़ तै’ तो हमनै भीड़ का डर सै, क्यूँके वे सारे यूहन्ना ताहीं नबी मान्ने सै।” 27 फेर उननै यीशु ताहीं जवाब दिया, “हमनै न्ही बेरा।” यीशु नै भी उनतै कह्या, “तो मै भी थमनै कोनी बतान्दा के ये काम किस हक तै करूँ सूं।” 28 “आच्छा बताओ थम इस बारें म्ह के कहो सो? के किसे माणस के दो बेटे थे; उसनै पैहले के धोरै जाके कह्या, ‘हे बेटे, आज अंगूर के बाग म्ह काम कर।’” 29 “पर बेटे नै जवाब दिया, ‘मै कोनी जान्दा’, पर कुछ बखत के बाद अपणे दिए होए जवाब पै उसनै भोत पछतावा होया अर वो चल्या गया।” 30 “फेर पिता नै दुसरे कै धोरै जाकै न्यूप कह्या, उसनै जवाब दिया, ‘जी हाँ जाऊँ सूं, पर कोनी गया।’” 31 “इन दोनुवां म्ह तै किसनै पिता की मर्जी पूरी करी?” उननै कह्या, “पैहले नै।” यीशु नै उनतै कह्या, “मै थारे तै साच्ची कहूँ सूं के चुंगी लेण आळे अर बेश्याँ थारे तै पैहल्या परमेसवर के राज्य म्ह दाखल हो जावैगे। 32 यो मै इस खात्तर कहूँ सूं क्यूँके यूहन्ना बपतिस्मा देण आळा धर्म की राह दिखान्दे होए थारे धोरै आया, अर थमनै उसका बिश्वास कोनी करया; पर चुंगी लेण आळे अर बेश्यायाँ नै उसका बिश्वास करया अर थमनै न्यू देखके भी पाप करणा कोनी छोड्या अर ना ए उसका बिश्वास करया।” 33 एक और उदाहरण सुणो एक घर का मालिक था, जिसनै अंगूर का बाग लगाया, अर उसके चौगरदे नै बाड़ा बाँधया, अर रस का कुण्ड खोद्या, अर रुखाळ खात्तर एक मचान बणाया; अर किसानां ताहीं उसका ठेक्का देकै परदेस चल्या गया। 34 जिब फळ का बखत लोवै आया, तो उसनै अपणे नौकरां ताहीं उसका फळां का हिस्सा लेण नै किसानां धोरै भेज्या। 35 पर किसानां नै उसके नौकरां ताहीं पकड़कै, किसे ताहीं छेत्या, अर किसे ताहीं मार दिया, अर किसे पै पत्थर बरसाए। 36 फेर उसनै पैहल्या तै घणे और नौकरां ताहीं भेज्या, अर उननै भी उससे तरियां करया। 37 आखर म्ह उसनै अपणे बेटे ताहीं उनकै धोरै न्यू सोचके भेज्या के वे मेरे बेटे की इज्जत करेगे 38 “पर किसानां नै बेटे ताहीं देखके आप्पस म्ह कह्या, ‘यो तो वारिस सै, आओ, इसनै मार देवा अर इसकी विरासत ले लेवां।’” 39 अर उननै उस

ताहीं पकड़या अर अंगूर के बाग तै बाहरणै काढकै मार दिया।  
 40 “इस करके जिब अंगूर के बाग का मालिक आवैगा, तो उन किसानां कै गेल्या के करैगा?” 41 उननै उसतै कह्या, “वो उन भुन्डे माणसां का भुंडी ढाळ नाश करैगा; अर अंगूर के बाग का ठेका दुसरे किसानां ताहीं देवैगा, जो बखत पै उस ताहीं फळ दिया करेगे।” 42 यीशु नै उनतै कह्या, “के थमनै कदे भी पवित्र ग्रन्थ म्ह यो कोनी पढ्या: ‘जिस पत्थर ताहीं राजमिस्त्रियाँ नै बेकार ठहराया था, वोए कुणे के सिरे का पत्थर होगया? यो प्रभु की ओड़ तै होया, अर म्हारी निगांह म्ह अनोक्खा सै।” 43 “ज्यांतै मै थमनै कहूँ सूं के परमेसवर का राज्य थारे तै ले लिया जावैगा अर इसी जात ताहीं दिया जावैगा, जो उसका आच्छा फळ ल्यावै सै। 44 जो इस पत्थर पै पड़ेगा, वो चकणाचूर हो जावैगा; अर जिसपै वो पड़ेगा, उसनै पिस देवैगा।” 45 प्रधान याजक अर फरीसी उसके उदाहरणां नै सुणके समझगे, के वो उनकै बाबत कहवै सै। 46 अर उननै उस ताहीं पकड़णा चाह्या, पर माणसां तै डरगे क्यूँके वे उसनै नबी मान्ने थे।

**22** इसपै यीशु फेर उनतै उदाहरणां म्ह कहण लाग्या, 2 “सुर्ग का राज्य उस राजा की ढाळ सै, जिसनै अपणे बेटे का ब्याह करया। 3 अर उसनै अपणे नौकरां ताहीं भेज्या, के न्योदे होड़ माणसां ताहीं ब्याह के जिमणे म्ह बुलावै; पर उननै आणा न्ही चाह्या।” 4 “फेर उसनै और नौकरां ताहीं न्यू कहके भेज्या, ‘न्योदे होड़ माणसां ताहीं कहो देख्खो, मन्नै भोज त्यार कर लिया सै, अर मेरे बळध अर पळे होड़ डान्गर काट लिये सै: सारा कुछ त्यार सै; ब्याह के जिमणे म्ह आओ।” 5 पर वे बेपरवाह होकै चले गये, कोए अपणे खेतां म्ह, कोए अपणे धन्धे पै। 6 और कई माणसां नै तो राजा के नौकरां ताहीं पकड़के उनकी बेजती करी अर उन ताहीं मार दिया। 7 जिब राजा नै यो सुणया तो छो म्ह भरग्या, अर अपणी पलटन भेजके उन हत्यारा का नाश करया, अर उनके नगर फूँक दिए। 8 फेर राजा नै अपणे नौकरां तै कह्या, ब्याह का भोज तो त्यार सै, पर के न्योदे होड़ माणस इस जोग्गे कोनी ठहरे। 9 इस करके चौराहयाँ पै जाओ, अर जितने माणस थमनै मिलै, सारया ताहीं ब्याह कै भोज म्ह बुला ल्याओ। 10 इस तरियां उसके नौकरां नै सड़कां पै जाकै के भुन्डे, के आच्छे, जितने मिले सारया ताहीं कठ्ठा करया; ब्याह का घर मेहमानां तै भरग्या। 11 जिब राजा मेहमानां नै देखण भीत्तर आया, तो उसनै ओड़ै एक माणस ताहीं देख्या, जो ब्याह आळे लत्ते कोनी पहररया था। 12 उसनै उसतै बुझया, हे दोस्त, तू ब्याह म्ह पैहरे जाण आळे लत्ते पहेरे बिना उरै क्यातै आ गया। उसका मुँह बन्द होग्या। 13 फेर राजा नै नौकरां तै कह्या, इसके हाथ-पैर जुड़के उस ताहीं बाहरणै अन्धरे म्ह गेर घो, ओड़ै रोणा, अर दाँत पिसणा होवैगा। 14 “क्यूँके बुलाये होड़ तो घणे सै पर चुणे होए कम सै।” 15 फेर फरीसियाँ नै आकै आप्पस म्ह विचार करया, के उसनै किस ढाळ बातां म्ह फसावा। 16 इस तरियां उननै अपणे चेल्यां ताहीं

हेरोदेस राजा के समर्थकों के गेल्या उसके धोरे न्यू कहण नै भेज्या, “हे गुरु, हमनै बेरा सै, के तू साच्चा सै, अर परमेसवर की राह सच्चाई तै सिखावै सै; अर किसे की परवाह कोनी करदा, क्यूँके तू माणसां का मुँह देखकै बात कोनी करदा। 17 इस करकै हमनै बता तन्नै के समझ आवै सै? कैसर तै चुंगी देणा ठीक सै के न्ही।” 18 यीशु नै उनका कपट जाणकै कह्या, “हे कपटियों, मन्नै क्यांतै परखो सो? 19 कर का सिक्का मेरे ताहीं दिखाओ।” फेर उसके धोरे एक दीनार (एक दिन की मजदूरी) लियाये। 20 उसनै उनतै कह्या, “या छाप अर नाम किसका सै?” 21 उननै उसतै कह्या, “कैसर का।” फेर उसनै उनतै कह्या, “जो कैसर का सै, वो कैसर ताहीं; अर जो परमेसवर का सै, वो परमेसवर ताहीं ह्यो।” 22 न्यू सुणकै उननै हैरानी होई, उस ताहीं छोड़कै चले गये। 23 उस्से दिन सदूकी जो कहवै सै के मेरे होया का दुबारा जिन्दा उठणा सै ए कोनी, उसके धोरे आये अर उसतै बुझ्या, 24 “हे गुरु, मूसा नबी नै कह्या था के जै कोए माणस बेऊलादा मर जावै, तो उसका भाई उसकी घरआळी तै ब्याह करकै अपने भाई के खात्तर पीढ़ी पैदा करै। 25 इब म्हारै उरै सात भाई थे; पैहलड़ा ब्याह करके मरया, अर ऊलाद ना होण के कारण अपनी घरआळी अपने भाई के खात्तर छोड़ गया। 26 इस्से तरियां दुसरे अर तीसरे नै भी करया, अर सातुवां तक योए होया। 27 सारया पाच्छे वा बिरबान्नी भी मरगी। 28 आखर म्ह जिन्दा होण पै वा सातुवां म्ह तै किसकी घरआळी होवैगी? क्यूँके वा सारया की घरआळी बण ली थी।” 29 यीशु नै उनतै जवाब दिया, “थारी गलती या सै के थम पवित्र ग्रन्थ अर परमेसवर की सामर्थ नै न्ही जाणते। 30 क्यूँके मरकै जिन्दा हो जाणकै बाद ब्याह शादी कोनी होन्दी, पर सुर्ग म्ह परमेसवर के सुर्गदूतां की ढाळ होवैगें। 31 पर मरकै जिन्दा हो जाणकै बाबत के थमनै यो वचन कोनी पढ़या जो परमेसवर नै थारे तै कह्या 32 ‘मै अब्राहम का परमेसवर, अर इसहाक का परमेसवर, याकूब का परमेसवर सूँ?’ वो मेरे होया का न्ही, पर जिन्दा का परमेसवर सै।” 33 न्यू सुणकै माणस उसके उपदेश तै हैरान होए। 34 जिब फरीसियाँ नै सुणया के यीशु नै सदूकियाँ का मुँह बन्द कर दिया, तो वे कठ्ठे होए। 35 शास्त्री समाज के माणसां म्ह तै एक नै उस ताहीं परखण के खात्तर उसतै बुझ्या, 36 “हे गुरु, नियम-कायदा म्ह कौण सा हुकम बड़ड़ा सै?” 37 यीशु नै उसतै कह्या, “तू परमेसवर अपने प्रभु तै अपने पूरे मन अर अपने सारे प्राण अर अपनी सारी बुद्धि के साथ प्यार राख। 38 पैहला अर बड़ड़ा हुकम तो योए सै। 39 अर उस्से जिसा यो दुसरा भी सै के तू अपने पड़ोसी तै अपने जिसा प्यार राख। 40 ये दो हुकम सारे नियम-कायदे अर नबियाँ का निचोड़ (आधार) सै।” 41 जिब फरीसी कठ्ठे थे, तो यीशु नै उनतै बुझ्या, 42 “मसीह के बारे म्ह थम के सोच्यो सो? वो किसका बेटा सै?” उननै यीशु तै कह्या, “दाऊद का।” 43 यीशु नै उनतै बुझ्या, “तो दाऊद आत्मा म्ह होकै उसनै प्रभु

क्यांतै कहवै सै?” 44 “प्रभु नै, मेरे प्रभु तै कह्या, मेरे सोळे कान्ही बैठ, जिब ताहीं के मै तेरे बैरियाँ ताहीं तेरे पायां म्ह ना झुका दिवुँ।” 45 “भला, जिब दाऊद उसनै प्रभु कहवै सै, तो वो उसका बेटा किस ढाळ होया?” 46 उसके जवाब म्ह कोए भी एक बात न्ही कह सकया। पर उस दिन तै दुबारे उसतै कीमे और बुझण की हिम्मत कोनी करी।

**23** फेर यीशु नै भीड़ तै अर अपने चेल्यां ताहीं कह्या, 2 “शास्त्री अर फरीसी माणसां नै मूसा नबी के नियम-कायदे सिखाण का हक सै; 3 ज्यांतै वे थारे तै जो कुछ कहवै वो करियो अर मानियो, पर उन जिसे काम ना करियो; क्यूँके वे सिखावै तो सै पर खुद करदे कोनी। 4 वे थारे पै कई नियम लागू करै सै जिसका पालन करणा ओक्खा सै, वे माणसां नै उनपै चाल्लण खात्तर मजबूर करै सै; पर वे खुद अपने नियमां नै कोनी मानते।” 5 वे अपने सारे काम माणसां ताहीं दिखाण के खात्तर करै सै: वे अपने ताबिजां नै चौड़ा करै सै जिनपै वे पवित्र ग्रंथ के वचन लिखकै शरीर पै बाँधले सै, अर अपने लत्यां की झाल्लर बधावै सै, ताके लोग उननै धर्मी समझै। 6 भोज म्ह खास-खास जगहां, अर आराधनालयों के खास-खास जगहां बैठणा, 7 बजारां म्ह नमस्कार, अर माणसां म्ह गुरु कुहाणा उननै भावै सै। 8 पर थम गुरु ना कुहाणा, क्यूँके थारा एके गुरु सै, अर थम सारे भाई-भाण के समान सों। 9 धरती पै किसे नै अपना पिता ना कहियो, क्यूँके थारा एके आत्मिक पिता सै, जो सुर्ग म्ह सै। 10 अर स्वामी भी ना कुहाणा, क्यूँके थारा एके माल्लिक सै, यानिके मसीह। 11 जो थारे म्ह बड़ड़ा हो, वो थारा सेवक या नौककर बणै। 12 जो कोए अपने-आपनै बड़ड़ा बणावैगा, वो छोटा करया जावैगा: अर जो कोए अपने-आपनै छोटा बणावैगा, वो बड़ड़ा करया जावैगा। 13 हे कपटी शास्त्रियो अर फरीसियो, थारे पै धिक्कार सै! थम माणसां के खात्तर सुर्ग राज्य का बारणा बन्द करो सो, ना तो थम खुद उस म्ह दाखल होवो सो अर ना उस म्ह दाखल होण आळा नै दाखल होण ह्यो सो। 14 (हे कपटी शास्त्रियो अर फरीसियो, थारे पै धिक्कार सै! थम बिधवा के घरां नै खा जाओ सो, अर अपने-आपनै धर्मी दिखाण खात्तर घणी वार ताहीं प्रार्थना करदे रहो सो: ज्यांतै थारे ताहीं परमेसवर की ओड़ तै घणा दण्ड मिलेगा।) 15 हे कपटी शास्त्रियो अर फरीसियो, थारे पै धिक्कार सै! थम एक माणस ताहीं अपने पंथ म्ह ल्याण के खात्तर दूर-दूर ताहीं हान्डो सो, अर जिब वो पंथ म्ह आ जावै सै, तो खुद तो नरक म्ह जाओ सों पर दुसरयां नै अपने तै दुगणा नरक जाण का भागी बणा ह्यो सो। (Geenna g1067) 16 हे आन्धे अगुवों, थारे पै धिक्कार सै! थम जो या शिक्षा ह्यो सो, के जै कोए मन्दर की सूह खावै तो किमे न्ही, पर जै कोए मन्दर के सोन्ने की सूह खावै तो उसतै बन्द जावैगा। 17 हे बेअक्लो अर आंध्यो, कौण बड़ड़ा सै; मन्दर का सोन्ना या वो मन्दर जिसनै उस सोन्ने ताहीं पवित्र बणाया सै? 18 थम यो भी सिखाओ सो के जै कोए वेदी की सूह खावै

तो किमे न्ही, पर जो भेंट उसपै सै, जै कोए उसकी कसम खावै तो बन्द जावेगा। 19 हे आंध्यो, कौण बड़ड़ा सै; भेंट या वेदी जिसमह भेंट पवित्र होवै सै? 20 इस करके जो वेदी की कसम खावै सै, वो उसकी अर जो कुछ उसपै सै, उसकी भी कसम खावै सै। 21 जो मन्दर की कसम खावै सै, वो परमेसवर जो उस म्ह रहवै सै, उसकी भी कसम खावै सै। 22 जो सुर्ग की कसम खावै सै, वो परमेसवर के सिंहासन की अर उसपै बैठण आळे की भी कसम खावै सै। 23 हे कपटी शास्त्रियो अर फरीसियो, थारे पै धिक्कार सै! थम पुदीने, सौफ, जीरे का दसमां हिस्सा तो द्यो सो, पर थमनै नियम-कायदा की गहरी बाततां ताहीं यानिके न्याय, दया, अर वफादारी का तिरस्कार करो सों; थमनै दसमां हिस्सा भी देणा चाहिये पर उन खास बाततां नै भी नजरअंदाज ना करो। 24 हे आन्धे अगुवों, थम छोट्टे-छोट्टे नियमां का पालन करण का तो भोत ध्यान राक्खों सों, जिस तरियां पाणी म्ह तै माच्छर ताहीं तो छाण ल्यो सो, पर परमेसवर के खास हुकम का पालन कोनी करते, जो ऊँट नै निगळ जाणकै समान सै। 25 हे कपटी शास्त्रियो अर फरीसियो, थारे पै धिक्कार सै! क्यूँके थम लालची अर स्वार्थी सों, पर थम अपणे-आपनै पवित्र राक्खण का ढोंग करो सों, इस खातर थम उन कटोरे अर थाळी के समान सों जो उप्पर तै तो साफ सै पर भित्तर तै वे गन्दे सै। 26 हे आन्धे फरीसियो, पैहल्या माणस नै लूटणा बन्द करो जिब्बे थम धर्म के काम का पालन कर पाओगे अर फेर थम उस कटोरे अर थाळी के समान होवैगें जो भीत्तर बाहर तै भी साफ हों सै। 27 हे कपटी शास्त्रियो अर फरीसियो, थारे पै धिक्कार सै! थम चुन्ने फिरी होई कब्रां के जिसे सो जो उप्पर तै तो सुथरी दिक्खे सै, पर भीत्तर मुर्दा की हाड्डियाँ अर सारे ढाळ की गन्दगी तै ठुकी होई सै। 28 इस्से तरियां तै थम भी उप्पर तै माणसां ताहीं धर्मी दिक्खो सो, पर भीत्तर अधर्म अर कपट तै भरे सो। 29 हे कपटी शास्त्रियो अर फरीसियो, थारे पै धिक्कार सै! थम उन नबियाँ की कब्र समारो सो अर धर्मियाँ की कब्र सजाओ सो, जिन ताहीं थारे पूर्वजां नै मारा था। 30 “अर कहो सो, ‘जै हम अपणे बाप-दाद्यां के दिनां म्ह होन्दे तो नबियाँ की हत्या म्ह उनके साइड़ी कोनी होन्दे।’ 31 इसतै तो थम अपणे आप ए या गवाही द्यो सो के थम नबियाँ के हत्यारां के वंशज सो। 32 ठीक सै थम अपणे पूर्वजां के पाप का घड़ा भरते जाओ।” 33 हे साँप के सप्पोलों जिसे माणसां, थम नरक की सजा तै किस ढाळ बचोगे? (Geenna g1067) 34 इस करके देखो, मै थारे धोरै नबियाँ अर समझदार अर शास्त्रियाँ ताहीं भेज्जू सूँ, अर थम उन म्ह तै कुहां नै मार द्योगे अर क्रूस पै चढ़ावोगे, अर कुहां नै अपणे आराधनालयाँ म्ह कोड़े मारोगे अर एक नगर तै दुसरे नगर ताहीं भजादे फिरोगे। 35 जिसतै धर्मी हाबिल तै लेके बिरिक्याह के बेट्टे जकर्याह तक, जिस ताहीं थमनै मन्दर अर वेदी के बिचाळे मार दिया था, जितने भी धर्मी माणसां ताहीं मारया सै, वो सारा दण्ड थारे सिर पै पड़ेगा। 36

मै थमनै सच कहूँ सूँ, ये सब का दण्ड इस पीढ़ी के माणसां नै भुगतणा पड़ेगा। 37 “हे यरुशलम नगर के लोगों, हे यरुशलम नगर के लोगों! थम नबियाँ नै मार देओ सो, अर जो थारे धोरै भेज्जे गए, उनपै पत्थर बरसाओ सो। कितनी ए बर मन्ने चाह्या के जिस ढाळ मुर्गी अपणे बच्चां ताहीं अपणे पाक्खां कै तळै छुपा ले सै, उस्से तरियां ए मै भी थारे बाळकां नै कठा कर ल्यूँ, पर थमनै कोनी चाह्या। 38 देखो, थारा घर थारे खातर उजाड़ छोड़्या जावै सै। 39 क्यूँके मै थमनै साच्ची कहूँ सूँ के इब तै जिब ताहीं थम न्ही कहोगे, ‘धन्य सै वो, जो प्रभु के नाम तै आवै सै’ तब तक थम मन्ने फेर दुबारे कदे कोनी देखखोगे।”

**24** जिब यीशु मन्दर तै लिकड़के जाण लागरया था, तो उसके चेल्लें उस ताहीं मन्दर की बणावट दिखाण कै खातर उसके धोरै आये। 2 यीशु नै उनतै कहा, “के थम ये सारी इमारत न्ही देखते? मै थमनै साच्ची कहूँ सूँ, उरे पत्थर पै पत्थर भी कोनी रहवैगा, जो गेरया ना जावेगा।” 3 जिब यीशु जैतून कै पहाड़ पै बेठ्या था, तो चेल्यां नै एकले म्ह उसके धोरै आकै कहा, “हमनै बता, ये बात कद होवैगी? तेरे आण का अर दुनिया कै अन्त की के निशानी होवैगी?” (aion g165) 4 यीशु नै उन ताहीं जवाब दिया, “चौकन्ने रहियो! कोए थमनै भकाण न्ही पावै, 5 क्यूँके घणखरे इसे होवैगें जो मेरै नाम तै आकै कहवैगें, मै मसीह सूँ, अर घणाए ताहीं भकावैगें। 6 थम रोळे अर लड़ाईया का जिक्र सुणोगे, तो घबराईयो ना क्यूँके इनका होणा जरूरी सै, पर उस बखत खात्मा कोनी होवैगा। 7 क्यूँके जात पै जात, अर राज्य पै राज्य चढ़ाई करैगा, अर जगहां-जगहां अकाळ पड़ेंगें, अर हाल्लण आवैगें। 8 ये सारी बात दुखां की शरुआत होवैगी।” 9 फेर माणस क्लेश देण कै खातर थमनै पकड़वावैगें, अर थमनै मार देवैगें, अर मेरै नाम के कारण सारी जात्तां के माणस थारे तै बैर राक्खैगें, क्यूँके थम मेरे पै बिश्वास करो सों। 10 फेर घणखरे मेरे पै बिश्वास करणा छोड़ देंगें, अर एक-दुसरे नै पकड़वावैगें, अर एक-दुसरे तै बैर राक्खैगें। 11 घणखरे झूठे नबी आवैगें, अर घणाए ताहीं भकावैगें। 12 अधर्म कै बढ़ण तै वे एक-दुसरे तै प्यार करणा छोड़ देंगें, 13 पर जो अन्त ताहीं मेरे पै बिश्वास राक्खैगा, उस्से ताहीं बचाया जावेगा। 14 अर परमेसवर के राज्य का यो सुसमाचार सारी दुनिया म्ह प्रचार करया जावेगा, ताके सारी जात्तां नै इस ताहीं स्वीकार करण का मौक्का मिलै, ताके थम मेरे गवाह होओ, फेर दुनिया का अन्त आ जावेगा। 15 इस करके जिब थम उस उजाड़ण आळी घृणित चीज ताहीं जिसका जिक्र दानियेल नबी कै जरिये होया था, पवित्र जगहां पै खड़े देखखो (जो पढ़ै, वो समझै), 16 फेर जो यहूदिया परदेस म्ह हो, वे पहाड़ां पै भाज जावै। 17 जो छत पै हो, वो अपणे घर म्ह तै समान लेण नै तळै न्ही उतरै, 18 अर जो खेत म्ह हो, वो अपना लत्ता लेण नै पाच्छै न्ही बोहड़ै। 19 उन दिनां म्ह जो गर्भवती अर दूध पिलान्दी बिरबान्नी होवैगी, उनके खातर भागणा भी मुश्किल होगा! 20 प्रार्थना करया

करो के थमनै जाड़े म्ह या आराम कै दिन भाजणा ना पड़े। 21 क्यूँके उस बखत इसा भारया क्लेश होवेगा, जिसा दुनिया की शरुआत तै ना इब तार्हीं होया ना कदे होवेगा। 22 “अर जै वे दिन घटाए न्ही जान्दे तो कोए प्राणी कोनी बचदा, पर छॉट होया कै कारण वे दिन घटाए जावेंगे। 23 उस बखत जै कोए थमनै कहवै, ‘देक्खो, मसीह उरै सै!’ या ‘ओड़े सै!’ तो बिश्वास ना” करियो। 24 क्यूँके झूठे मसीह अर झूठे नबी उठ खड़े होवेंगे, अर बड़े-बड़े चमत्कार, अर अनोक्खे काम दिखावेंगे के जै हो सकया तो छॉट होया तार्हीं भी भका देवेंगे। 25 देक्खो, मननै पैहल्याए थारे तै यो सारा कुछ कह दिया सै। 26 “इस करके जै वे थारे तै कहवै, ‘देक्खो, वो बण म्ह सै’, तो बाहरणै ना लिकड़यो; या ‘देक्खो, वो कोठड़ी म्ह सै’, तो बिश्वास ना करियो। 27 क्यूँके जिस तरियां बिजली पूरब तै लिकड़के पश्चिम तार्हीं चमके सै, उस्से तरियां मुझ माणस के बेटे का भी आणा होवेगा। 28 जड़ै लाश हो, उड़ैए चील कठ्ठे होवेंगे।” 29 उन दिनां के क्लेश कै पाछे जिब्बे सूरज अन्धेरे म्ह हो जावेगा, चाँद का चाँदणा जान्दा रहवेगा, अर तारे अकास तै तळै पड़ेंगे, अर अकास की शक्तियाँ हलाई जावेंगी। 30 फेर माणस के बेटे का निशान अकास म्ह दिखेगा, अर फेर धरती के सारे खानदाना के माणस छाल्ती पिटेगें; अर माणस के बेटे तार्हीं बड़ी सामर्थ अर महिमा कै गेल्या अकास के बादळां पै आन्दे देखेगें। 31 वो तुरही की तेज आवाज कै गेल्या अपणे सुर्गदूतां नै खन्दावेगा, अर वे अकास के इस सिरे तै उस सिरे तार्हीं, च्यारु दिशायां तै उसके चुणे होया नै कठ्ठे करेगें। 32 अंजीर के दरखत तै यो उदाहरण सीक्खो: जिब उसकी डाळी कोमल हो जावे अर पत्ते लिकड़ण लाग ज्या सै, तो थम जाण ल्यो के गर्मी का बखत लोवै सै। 33 इस्से तरियां तै जिब थम इन सारी बात्तां नै देखेको, तो जाण ल्यो के वो लोवै सै, बल्के दरबाजे पै सै। 34 मै थमनै साच्ची कहुँ सूं के जिब तार्हीं ये सारी बात पूरी ना हो लैवे, जद तार्हीं इस पीढ़ी का अन्त कोनी होवेगा। 35 धरती अर अकास टळ जावेंगे, पर मेरी बात कदे न्ही टळैगी। 36 “उस दिन अर उस बखत कै बारे म्ह कोए न्ही जाणदा, ना सुर्गदूत अर ना बेटा, पर सिर्फ पिता। 37 जिसा पूर्वज नूह के दिनां होया था, उस्से तरियां ए माणस के बेटे का आणा होगा। 38 क्यूँके जिस तरियां बाढ़ तै पैहले के दिनां म्ह, जिस दिन तार्हीं नूह जहाज पै न्ही चढ़या, उस दिन तार्हीं माणस खावे-पीवे थे, अर उन म्ह ब्याह होवे थे। 39 अर जिब तार्हीं बाढ़ आके उन सारया तार्हीं बहा न्ही लेग्या, जद तार्हीं उननै किमे बेरा न्ही पाट्या; इस्से तरियां ए मुझ माणस के बेटे का आणा भी होगा। 40 उस बखत दो जणे खेत म्ह होंगे, एक ठाया जावेगा अर दुसरा छोड़ दिया जावेगा। 41 दो बिरबान्नी एक साथ चाक्की पीसदी होवेगी, एक ठा ली जावेगी अर दुसरी छोड़ दी जावेगी।” 42 इस करके जागदे रहो, क्यूँके थमनै न्ही बेरा के थारा प्रभु किस दिन आवेगा। 43 पर न्यू जाण ल्यो के जै घर का माल्लिक नै बेरा हो के चोर किस घड़ी आवेगा

तो जागदा रहन्दा, अर अपणे घर म्ह सेंध लागण न्ही देन्दा। 44 ज्यांतै थम भी त्यार रहो, क्यूँके जिस घड़ी कै बारे म्ह थम सोचदे भी कोनी, उस्से घड़ी मै माणस का बेटा आ जाऊँगा। 45 “आखर म्ह वो बिश्वास जोगगा अर अकलमंद दास कौण सै, जिस तार्हीं माल्लिक नै अपणे नौक्कर-चाकरां पर सरदार ठहराया के बखत पै उनने खाणा देवे? 46 धन्य सै वो नौक्कर, जिस तार्हीं उसका माल्लिक आके इसाए करदा पावे। 47 मै थमनै साच्ची कहुँ सूं, वो उसनै अपणी सारी धन-सम्पत्ति का माल्लिक बणावेगा। 48 पर जै वो दुष्ट दास सोच्यण लागै के मैरे माल्लिक कै आण म्ह वार सै, 49 अर अपणे साथी नौकरां नै पिट्टण लागै, अर शराबियां कै गेल्या खावे-पीवै। 50 तो उस नौक्कर का माल्लिक उस दिन बोहड़ेगा, जिब वो उसकी बाट ना देख्दा हो, अर इसे बखत म्ह आवेगा जिसका उसनै ना बेरा हो, 51 जिब वो उसनै भारी सजा देगा उसकी गिणती कपटियां कै म्ह गिणी जावेगी: ओड़े रोणा अर दाँत पिसणा होगा।”

**25** यीशु नै अपणे चेल्यां तार्हीं एक और उदाहरण देके कह्या, “सुर्ग का राज्य उन दस कुँवारियां के जिसा होगा जो अपणी मशाल लेके बन्दड़े तै फेटण लिकड़ी। 2 उन म्ह पाँच बेअक्ल अर पाँच समझदार थी। 3 बेअक्ली कुवारियां नै अपणी मशाल तो ली, पर अपणे गेल्या फालतू तेल न्ही लिया; 4 पर समझदारां नै अपणी मशालां कै गेल्या अपणी कुप्पियां म्ह तेल भी भर लिया। 5 जिब बन्दड़े के आण म्ह वार होई, तो वे सारी ऊँघण लागी अर सोगी।” 6 “आध्दी रात नै धूम माच्ची: ‘देक्खो, बन्दड़ा आण लागरया सै! उसतै फेटण नै चाल्लो।” 7 “फेर वे सारी कुँवारियां उठके अपणी मशाल ठीक करण लागी। 8 अर बेअक्लियां नै समझदारां तै कह्या, ‘अपणे तेल म्ह तै कुछ हमनै भी द्यो, क्यूँके म्हारी मशाल बुझण लागरी सै।” 9 “पर समझदारां नै जवाब दिया, ‘कदे यो म्हारे अर थारे खात्तर पूरा ना पड़े; भला तो योए सै के थम बेचणीयां कै धारे जाके अपणे खात्तर मोल लियाओ।” 10 जिब वे मोल लेण नै जावै थी तो बन्दड़ा आण पोंहच्या, अर जो त्यार थी, वे उसके गेल्या ब्याह कै घर म्ह चली गई अर बारणा मूंद दिया गया। 11 “इसके पाछे वे दुसरी कुँवारियां भी बोहड़के आई अर बन्दड़े तै कहण लागी, ‘हे माल्लिक, हे माल्लिक, म्हारे खात्तर किवाड़ खोल दे।” 12 “उसनै जवाब दिया, ‘मै थारे तार्हीं साच्ची कहुँ सूं, मै थमनै कोनी जाण्दा।” 13 इस करके चोक्कने रहो, क्यूँके मेरे आण के उस दिन नै थम कोनी जाणते, ना उस घड़ी नै जिस दिन म्ह आऊँगा। 14 सुर्ग का राज्य उस माणस के उदाहरण के समान भी सै, जिसनै परदेस जान्दे बखत अपणे नौकरां तार्हीं बुलाके अपणी कुछ सम्पत्ति उन तार्हीं सौप दी, ताके वे व्यापर करके घणा धन जोड़ ले। 15 उसनै एक तै पाँच तोड़े (1 तोड़ा 15 साल की मजदूरी के बराबर सै), दुसरे तार्हीं दो, अर तीसरे तार्हीं एक; यानिके हरेक नै उसकी काबिलियत कै मुताबिक दिया, अर फेर परदेस चल्या गया। 16 फेर, जिस तार्हीं पाँच

तोड़े मिले थे, उसने जिब्बे जाके उनते लेण-देण करया, अर पाँच थमने मेरै ताहीं पाणी पिलाया; मै परदेशी था, तो थमने मेरै ताहीं अपणे घरां ठहराया; 36 मै उघाड़ा था, तो थमने मेरै ताहीं लत्ते पिहराए; मै बीमार था, तो थमने मेरा बेरा लिया, मै जेळ म्ह था, तो थम मेरै तै मिलण आये।” 37 “फेर धर्मी उस ताहीं जवाब देवेंगं, ‘हे प्रभु, हमनै कद तेरे ताहीं भूक्खा देख्या अर खुवाया? या कद तिसाया देख्या अर पाणी पिलाया? 38 हमनै कद तेरे ताहीं परदेशी देख्या अर अपणे घरां ठहराया? या उघाड़ा देख्या अर लत्ते पिहराये? 39 हमनै कद तेरे ताहीं बीमार या जेळ म्ह देख्या अर तेरा बेरा लेण आये?’” 40 “फेर मै राजा उननै जवाब देऊंगा, ‘मै थमने साच्ची कहुँ सूं के थमने जो मेरै इन छोट्या तै छोट्टे बिश्वासी भाईयाँ म्ह तै किसे एक कै गेल्या करया, वो मेरै ए गेल्या करया।” 41 “फेर मै ओळे कान्ही आळा ताहीं कहुँगा, ‘हे श्रापित माणसाँ, मेरै स्याम्ही तै उस अनन्त आग म्ह चले जाओ, जो परमेसवर नै शैतान अर उसके दूगां खातर त्यार करी सै। (aiōnios g166) 42 क्यूँके मै जिब भूक्खा था, तो थमने मेरै ताहीं खाण नै कोनी दिया; मै तिसाया था, तो थमने मेरै ताहीं पाणी कोनी पियाया; मै जिब परदेशी था, तो थमने मेरै ताहीं अपणे घरां कोनी ठहराया; 43 मै नंगा था, तो थमने मेरै ताहीं लत्ते कोनी पिहराए; मै जिब बीमार था, तो थमने मेरा बेरा कोनी लिया, मै जेळ म्ह था, तो थम मेरै तै मिलण कोनी आये।” 44 “फेर वे जवाब देवेंगं, ‘हे प्रभु, हमनै तेरे ताहीं कद भूक्खा, या तिसाया, या परदेशी, या उघाड़ा, या बीमार, या जेळ म्ह देख्या, अर तेरी सेवा-पाणी न्ही करी?’” 45 “फेर मै उननै जवाब देऊंगा, ‘मै थमने साच्ची कहुँ सूं के थमने जो मेरै इन छोट्या तै छोट्या म्ह तै किसे एक कै गेल्या न्ही करया, वो मेरै गेल्या भी न्ही करया।” 46 “अर अधर्मी जन अनन्त दण्ड भोगेंगें पर धर्मी जन अनन्त जीवन म्ह दाखल होंगे।” (aiōnios g166)

तोड़े मिले थे, उसने जिब्बे जाके उनते लेण-देण करया, अर पाँच थमने मेरै ताहीं पाणी पिलाया; मै परदेशी था, तो थमने मेरै ताहीं अपणे घरां ठहराया; 36 मै उघाड़ा था, तो थमने मेरै ताहीं लत्ते पिहराए; मै बीमार था, तो थमने मेरा बेरा लिया, मै जेळ म्ह था, तो थम मेरै तै मिलण आये।” 37 “फेर धर्मी उस ताहीं जवाब देवेंगं, ‘हे प्रभु, हमनै कद तेरे ताहीं भूक्खा देख्या अर खुवाया? या कद तिसाया देख्या अर पाणी पिलाया? 38 हमनै कद तेरे ताहीं परदेशी देख्या अर अपणे घरां ठहराया? या उघाड़ा देख्या अर लत्ते पिहराये? 39 हमनै कद तेरे ताहीं बीमार या जेळ म्ह देख्या अर तेरा बेरा लेण आये?’” 40 “फेर मै राजा उननै जवाब देऊंगा, ‘मै थमने साच्ची कहुँ सूं के थमने जो मेरै इन छोट्या तै छोट्टे बिश्वासी भाईयाँ म्ह तै किसे एक कै गेल्या करया, वो मेरै ए गेल्या करया।” 41 “फेर मै ओळे कान्ही आळा ताहीं कहुँगा, ‘हे श्रापित माणसाँ, मेरै स्याम्ही तै उस अनन्त आग म्ह चले जाओ, जो परमेसवर नै शैतान अर उसके दूगां खातर त्यार करी सै। (aiōnios g166) 42 क्यूँके मै जिब भूक्खा था, तो थमने मेरै ताहीं खाण नै कोनी दिया; मै तिसाया था, तो थमने मेरै ताहीं पाणी कोनी पियाया; मै जिब परदेशी था, तो थमने मेरै ताहीं अपणे घरां कोनी ठहराया; 43 मै नंगा था, तो थमने मेरै ताहीं लत्ते कोनी पिहराए; मै जिब बीमार था, तो थमने मेरा बेरा कोनी लिया, मै जेळ म्ह था, तो थम मेरै तै मिलण कोनी आये।” 44 “फेर वे जवाब देवेंगं, ‘हे प्रभु, हमनै तेरे ताहीं कद भूक्खा, या तिसाया, या परदेशी, या उघाड़ा, या बीमार, या जेळ म्ह देख्या, अर तेरी सेवा-पाणी न्ही करी?’” 45 “फेर मै उननै जवाब देऊंगा, ‘मै थमने साच्ची कहुँ सूं के थमने जो मेरै इन छोट्या तै छोट्या म्ह तै किसे एक कै गेल्या न्ही करया, वो मेरै गेल्या भी न्ही करया।” 46 “अर अधर्मी जन अनन्त दण्ड भोगेंगें पर धर्मी जन अनन्त जीवन म्ह दाखल होंगे।” (aiōnios g166)

**26** जिब यीशु नै ये सारी बात कह ली तो अपणे चेल्यां तै कहण लाग्या, 2 “थमनै बेरा सै के दो दिनां पाच्छे फसह का त्यौहार सै, अर मै माणस का बेट्टा क्रूस पै चढ़ाण कै खातर पकड़वाया जाऊंगा।” 3 फेर प्रधान याजक अर प्रजा के यहूदी अगुवें, काइफा नामक महायाजक के आँगण म्ह कट्टे होए, 4 अर आप्पस म्ह विचार करण लागे के यीशु ताहीं धोक्खे तै पकड़के मार देवा। 5 पर वे कहवै थे, “त्यौहार कै बखत न्ही, कदे इसा ना हो के माणसां म्ह रोळा माच ज्या।” 6 जिब यीशु बैतनिय्याह गाम म्ह शमौन कोडी के घरां था, 7 तो एक बिरबान्नी संगमरमर कै बरतन म्ह महँगा खसबूदार तेल लेके उसके धोरै आई, अर जिब वो खाणा खाण नै बेठ्या था तो उसके सिर पै उंडेल दिया। 8 न्यू देखके उसके चेल्लें खीजके अर कहण लागे, “इसका क्यांतै नाश करया गया? 9 इस ताहीं तो बढ़िया दाम्मां पै बेचके कंगालां म्ह बांडया जा सकै था।” 10 न्यू जाणके यीशु नै उनतै कह्या, “बिरबान्नी नै क्यांतै सताओ सो? उसनै मेरै गेल्या भलाई करी सै। 11 कंगाल तो थारे गेल्या सारी हाण रहवै सै, पर मै थारे गेल्या सारी हाण

कोनी रहूँगा। 12 उसने मेरी देह पै जो यो महँगा खसबूदार तेल उंडेला सै, वो मेरे गाड़े जाणके खात्तर करया सै। 13 मै थमनै साच्ची कहूँ सूँ, के सारे दुनिया म्ह जित्त किते भी यो सुसमाचार प्रचार करया जावैगा, ओड़े उसके इस काम का जिक्क भी उसकी याद म्ह करया जावैगा।” 14 फेर यहूदा इस्करियोती नै, जो बारहां चेल्यां म्ह तै एक था, प्रधान याजकां के धोरे जाके कहा, 15 “जै मै यीशु नै थारे हाथ्यां म्ह पकड़वा दिवूँ, तो मन्ने के द्योगे?” उननै तीस चाँदी के सिक्के तौलके दे दिये। 16 अर वो उस्से बखत तै यीशु नै पकड़वाण का मौक्का टोह्ल लागया। 17 अखमीरी रोटी के त्योंहार के पैहलुडे दिन, चेल्लें यीशु के धोरे आके बुझ्ण लागगे, “तू कित्त चाहवै सै के हम तेरे खात्तर फसह खाण की तयारी करा?” 18 यीशु बोल्या, “नगर म्ह फलाणा माणस नै जाके उसतै कहो, ‘गुरु कहवै सै के मेरा बखत लोवै सै। मै अपणे चेल्यां के गेल्या तेरे उरै फसह का त्योंहार बणाऊँगा।’” 19 आखर चेल्यां नै यीशु का हुकम मान्या अर फसह का भोज तयार करया। 20 जिब साँझ होई तो यीशु बारहां चेल्यां के गेल्या खाणा खाण के खात्तर बेठ्या। 21 जिब वे खाण लागरे थे तो यीशु नै कहा, “मै थमनै साच्ची कहूँ सूँ, के थारे म्ह तै एक मन्ने धोक्खा देके पकड़वावैगा।” 22 इसपै चेल्लें घणे उदास होए, अर हरेक उसतै बुझ्ण लागया, “हे गुरु, के वो मै सूँ?” 23 यीशु नै जवाब दिया, “जिसनै मेरै गेल्या थाळी म्ह हाथ घाल्या सै, वोए मन्ने पकड़वावैगा। 24 मै माणस का बेट्टा तो जिसा मेरे बारै म्ह लिख्या सै, अर जावै ए सै; पर उस माणस पै थिक्कार सै जिसके जरिये मै माणस का बेट्टा पकड़वाया जाऊँगा: जै उस माणस का जन्म ए न्ही होंदा, तो उसके खात्तर भला होंदा।” 25 फेर यीशु के पकड़वाण आळे यहूदा नै कहा, “हे गुरु, के वो मै सूँ?” यीशु उसतै बोल्या, “तन्नै कह लिया।” 26 जिब वे फसह खाण लागरे थे, तो यीशु नै रोटी ली, अर आशीष माँगके तोड़ी, अर चेल्यां ताहीं देके कहा, “ल्यो, खाओ; या मेरी देह सै।” 27 फेर यीशु नै अपना कटोरा लेके परमेसवर का धन्यवाद करया, अर उन ताहीं देके कहा, “थम सारे इस म्ह तै पियो, 28 क्यूँके यो करार का मेरा वो लहू सै, जो घणखरयां के खात्तर पापां की माफी के खात्तर बहाया जावै सै। 29 मै थमनै साच्ची कहूँ सूँ के अंगूर का यो रस उस दिन ताहीं कदे न्ही पिऊँगा, जिब थारे गेल्या अपणे पिता के राज्य म्ह नया न्ही पीऊँ।” 30 फेर वे भजन गाके जैतून के पहाड़ पै गए। 31 फेर यीशु नै उनतै कहा, “थम आज ए रात नै मेरै बाबत ठोक्कर खाओगे, क्यूँके लिख्या सै: ‘मै पाळी नै माहँगा, अर अर टोळ की भेड़ तित्तर-बितर हो जावैगी।’” 32 “पर मै अपणे जिन्दा उठण के बाद थारे तै पैहल्या गलील परदेस म्ह मिलूँगा।” 33 इसपै पतरस नै उसतै कहा, “जै सारे छोड़े तो छोड़े, पर मै तेरा साथ कदे न्ही छोड़ूँगा।” 34 यीशु नै उसतै कहा, “मै तेरे तै सच कहूँ सूँ के आज ए रात नै मुर्गे के बाँग देण तै पैहल्या, तू तीन बार मेरै बारै म्ह मुकरैगा।” 35 पतरस नै उसतै कहा, “जै मन्ने तेरे गेल्या मरणा भी पड़े, तोभी मै तेरा इन्कार कदे कोनी करूँगा।” इस्से तरियां और सारे चेल्यां नै भी न्यूप कहा। 36 फेर यीशु अपणे चेल्यां के गेल्या गतसमनी नामक एक जगहां म्ह आया अर अपणे चेल्यां तै कहण लागया, “उरैए बेठे रहियो, जिब ताहीं मै ओड़े प्रार्थना करूँ।” 37 वो पतरस अर जब्दी के दोन्नु बेट्टा नै गेल्या लेग्या, अर उदास अर कांल होण लागया। 38 फेर उसनै उनतै कहा, “मेरा मन घणा उदास सै, उरै ताहीं के मेरा जी लिकड़ण नै होरया सै। थम उरै ठहरो अर जागदे रहो।” 39 फेर वो माड़ा और आगै सरक के मुँह के बळ गिरया, अर या प्रार्थना करण लागया, “हे मेरे पिता, जै हो सके तो यो दुख का कटोरा मेरै तै टळ जावै, तोभी जिसा मै चाहूँ सूँ इसा न्ही, पर जिसा तू चाहवै सै उस्से तरियां ए होवै।” 40 फेर उसनै चेल्यां के धोरे आके उन ताहीं सोन्दे पाया अर पतरस तै कहा, “के थम मेरै गेल्या एक घड़ी भी कोनी जाग सके? 41 जागदे रहो, अर प्रार्थना करदे रहो के थम परखे ना जाओ, आत्मा तो तयार सै पर देह कमजोर सै।” 42 फेर उसनै दुसरी बार जाके या प्रार्थना करी, “हे मेरे पिता, जै यो मेरै पिए बिना न्ही हट सकदा, तो तेरी मर्जी पूरी हो।” 43 फेर उसनै आके उन ताहीं फेर सोन्दे पाया, क्यूँके उनकी आँखां म्ह नींद भरी थी। 44 उननै छोड़के वो फेर चल्या गया, अर उन्हे शब्दां म्ह फेर तीसरी बार प्रार्थना करी। 45 फेर उसनै चेल्यां के धोरे आके उनतै कहा, “इब सोन्दे रहो, अर आराम करो: देख्यो, बखत आण पोंहच्या सै, अर मै माणस का बेट्टा पापियाँ के हाथ्यां पकड़वाया जाऊँगा। 46 उठो, चाल्लां; देख्यो, मेरा पकड़ण आळा धोरे आण पोंहच्या सै।” 47 वो न्यूप कहण ए लागरया था के यहूदा जो बारहां चेल्यां म्ह तै एक था आया, अर उसके गेल्या प्रधान याजकां अर यहूदी अगुवां की ओड़ तै बट्टी भीड़, तलवार अर लाठी लिये होए, आई। 48 यीशु के पकड़वाण आळे यहूदा नै उन ताहीं यो इशारा दिया था: “जिस ताहीं मै चूम ल्यूँ वोए सै; उस ताहीं पकड़ लियो।” 49 अर जिब्बे यीशु के धोरे आके कहा, “हे गुरु, नमस्कार!” अर उस ताहीं घणा चुम्या। 50 यीशु नै उसतै कहा, “हे दोस्त, जिस काम के खात्तर तू आया सै, उसनै करले।” फेर उननै धोरे आके यीशु पै हाथ गेरया अर उस ताहीं पकड़ लिया। 51 यीशु के साथियाँ म्ह तै एक नै हाथ बढ़ाके अपणी तलवार खींच ली अर महायाजक के नौक्कर पै चलाके उसका कान उड़ा दिया। 52 फेर यीशु नै उसतै कहा, “अपणी तलवार म्यान म्ह धर ले क्यूँके जो तलवार चलावै सै वे सारे तलवार तै नाश करे जावेंगे। 53 के तन्नै न्ही बेरा के मै अपणे पिता तै बिनती कर सकूँ सूँ, अर वो सुर्गदूतां की बारहां पलटन तै घणे मेरै धोरे इब्बे हाजर कर देवैगा? 54 पर पवित्र ग्रन्थ की ये बात के इसाए होणा जरूरी सै, किस ढाळ पूरी होवैगी?” 55 उस बखत यीशु नै भीड़ तै कहा, “के थम तलवार अर लाठी लेके मन्ने डाकू की ढाळ पकड़ण के खात्तर लिक्के सो? मै हरेक दिन मन्दर म्ह बैठके उपदेश दिया करूँ था, अर थमनै मेरै ताहीं कोनी पकड़्या। 56 पर यो सारा

ज्याते होया सै के नबियाँ के वचन पूरे होवै।” फेर सारे चेल्ले उसनै छोड़के भाजगे। 57 फेर यीशु के पकड़ण आळे उस ताहीं काइफा नामक महायाजक के धौरै लेगे, जित्त शास्त्री अर यहुदी अगुवें कठ्ठे होए थे। 58 पतरस दूर ए दूर उसके पाच्छै-पाच्छै महायाजक के आँगण ताहीं गया, अर भीत्तर जाके अन्त देखण नै सिपाहियाँ के गेल्या बैठया। 59 सारे प्रधान याजक अर यहुदी अगुवां की सभा यीशु नै मारण के खात्तर उसके बिरोध म्ह झूठी गवाही की टोह म्ह थे, 60 पर घणखरे झूठे गवाह के आण पै भी कोनी पाई। आखर म्ह दो जणे आये, 61 अर बोल्ले, “इसनै कह्या सै के मै परमेसवर के मन्दर नै गेर सकूँ सू अर उस ताहीं तीन दिन म्ह बणा सकूँ सू।” 62 फेर महायाजक नै खड़े होके यीशु तै कह्या, “के तू कोए जवाब न्ही देंदा? ये माणस तेरे बिरोध म्ह के गवाही देवै सै?” 63 पर यीशु बोल-बाल्ला रहया। फेर महायाजक नै उसतै कह्या, “मै तन्नै जिन्दे परमेसवर की कसम दियुँ सू के जै तू परमेसवर का बेट्टा मसीह सै, तो म्हारै ताहीं कह दे।” 64 यीशु नै उसतै कह्या, “तन्नै आप ए कह दिया; बल्के मै तेरे तै यो भी कहूँ सू के इब तै थम मुझ माणस के बेट्टे नै सब तै सर्वशक्तिमान की सोळी ओड़ बेट्टे, अर अकास के बादळां पै आन्दे देखोगे।” 65 फेर महायाजक नै अपने लते पाड़के कह्या, “इसनै परमेसवर की बुराई करी सै, इब हमनै गवाह की के जरूरत? देखखो, थमनै इब्के या बुराई सुणी सै! 66 थम के सोचो सो?” उननै जवाब दिया, “यो मारण जोगा सै।” 67 फेर उननै उसके मुँह पै थुक्या अर उसके घुस्से मारे, दुसरयां नै थपड़ मारके कह्या, 68 “हे मसीह, म्हारै तै भविष्यवाणी करके कह के किसनै तेरे ताहीं मारया?” 69 पतरस बाहरणै आँगण म्ह बैठया था के एक नौकराणी उसके धोरै आई अर बोल्ली, “तू भी तो गलीलवासी यीशु के गेल्या था।” 70 उसनै सारया के स्याम्ही यो कहके नाट्या, “मन्नै न्ही बेरा तू के कहवै सै।” 71 जिव वो बाहरणै देहळियाँ म्ह गया, तो दुसरी नौकराणी उसनै देखके उनते जो ओड़े थे कह्या, “यो भी तो यीशु नासरी के गेल्या था।” 72 वो कसम खाके फेर नाट्या: “मै उस माणस नै कोनी जाणदा।” 73 माड़ी बार पाच्छै माणसां नै जो ओड़े खड़े थे, पतरस के धोरै आके उसतै कह्या, “साच्चए तू भी उन म्ह तै एक सै, क्यूँके तेरी बोल्ली तेरा भेद खोल्लै सै।” 74 फेर वो धिक्कारण अर कसम खाण लाग्या: “मै उस माणस नै कोनी जाणदा।” जिब्के मुर्गे नै बाँग देई। 75 जिव पतरस नै यीशु की कही होई बात याद आई “मुर्गे के बाँग देण तै पैहल्या तीन बर तू मेरा इन्कार करैगा।” अर वो बारणै ज्याके फूट-फूटके रोण लाग्या।

**27** तड़के ए तड़के सारे प्रधान याजकां अर यहुदी अगुवां नै यीशु ताहीं मारण की सलाह करी। 2 उननै यीशु ताहीं बाँधया अर ले जाके पिलातुस राज्यपाल के हाथ्यां म्ह सोप दिया। 3 जिव उसके पकड़वाण आळे यहूदा नै अहसास होया के यीशु ताहीं मौत की सजा सुणाई गई सै तो वो पसताया

अर वे तीस चाँदी के सिक्के प्रधान याजकां अर यहूदी अगुवां ताहीं बोहड़ाया 4 अर कह्या, “मन्नै बेकसूर माणस ताहीं मारण के खात्तर पकड़वाके पाप करया सै।” उननै कह्या, “हमनै के मतलब? तू ए जाणै।” 5 फेर वो उन सिक्का नै मन्दर के आँगण म्ह बगाके बाहरणै चल्या गया, अर जाके अपने-आप ताहीं फाँसी लगा ली। 6 प्रधान याजकां नै उन सिक्का ताहीं लेके कह्या, “म्हारे नियम-कायदे इस बात की इजाजत कोनी देंदा के हम इन सिक्कयां नै मन्दर के खजाने म्ह धरा, क्यूँके इसका इस्तमाल किसे ताहीं मारवाण खात्तर करया गया सै, या लहू की किम्मत सै।” 7 आखर म्ह उननै सलाह करके उन सिक्कयां तै परदेशियाँ के गाड़े जाणके खात्तर कुम्हार का खेत मोल ले लिया। 8 इस कारण वो खेत आज ताहीं लहू का खेत कुहावै सै। 9 ताके जो वचन यिर्मयाह नबी के जरिये कह्या गया था वो पूरा होया: “उननै वे तीस सिक्के यानिके उस ठहराए होए मोल ताहीं (जिस ताहीं इस्राएल की ऊलाद म्ह तै कितन्याँ नै ठहराया था) ले लिया, 10 अर जिस तरियां प्रभु नै मेरै ताहीं हुकम दिया था, उससे तरियां ए उननै कुम्हार के खेत नै खरीदण खात्तर उसका इस्तमाल करया।” 11 जिव यीशु राज्यपाल के स्याम्ही खड्या था तो राज्यपाल नै उसतै बुड़झया, “के तू यहूदियाँ का राजा सै?” यीशु नै उसतै कह्या, “तू आप ए कहण लागरया सै।” 12 जिव प्रधान याजक अर यहूदी अगुवें उसपै इल्जाम लावै थे, तो उसनै कुछ जवाब कोनी दिया। 13 इसपै पिलातुस नै उसतै कह्या, “के तू न्ही सुणदा के ये तेरे बिरोध म्ह कितनी गवाही देवै सै?” 14 पर उसनै उस ताहीं एक बात का भी जवाब कोनी दिया, उरै ताहीं के राज्यपाल ताहीं घणी हैरानी होई। 15 राज्यपाल का यो रिवाज था के उस त्योहार म्ह माणसां के खात्तर किसे एक कैदी नै जिसनै वे चाहवै थे, रिहा कर देवै था। 16 उस बखत उनके उरै बरअब्बा नाम का एक मान्या होड़ कैदी था। 17 आखर जिव वो कठ्ठे होए, तो पिलातुस नै उनतै कह्या, “थम किसनै चाहो सो के मै थारे खात्तर रिहा करूँ? बरअब्बा ताहीं, या यीशु ताहीं जो मसीह कुहावै सै।” 18 क्यूँके उसनै बेरा था के उननै उस ताहीं जळण तै पकड़वाया था। 19 जिव वो न्याय की गद्दी पै बैठया होया था तो उसकी घरआळी नै उस ताहीं कुहवां भेज्या, “तू उस धर्मी के मामलै म्ह हाथ ना गेरिये, क्यूँके मन्नै आज सपने म्ह उसके कारण घणा दुख ठाया सै।” 20 प्रधान याजकां अर यहूदी अगुवां नै माणसां ताहीं उकसाया के वे बरअब्बा नै माँग ले, अर यीशु का नाश करावै। 21 राज्यपाल नै उसतै बुड़झया, “इन दोनुआ म्ह तै किसनै चाहो सो के मै थारे खात्तर छोड़ दियुँ?” उननै कह्या, “बरअब्बा ताहीं।” 22 पिलातुस नै उनतै कह्या, “फेर यीशु ताहीं, जो मसीह कुहावै सै, के करूँ?” सारया नै उसतै कह्या, “यीशु कूस पै चढ़ाया जावै!” 23 हाकिम नै कह्या, “क्याते, उसनै के बुरा करया सै?” पर वे और भी रुक्के मारण लागे, “वो कूस पै चढ़ाया जावै।” 24 जिव पिलातुस नै देख्या के

किमे न्ही बण पडरया पर उल्टा दंगा बढदा जावै सै, तो उसने पाणी लेकै भीड़ के स्याम्ही अपणे हाथ धोए अर कहा, “मै इस धर्मी के लहू तै बेकसूर सूं: थमे जाणो।” 25 सारे माणसां नै जवाब दिया, “इसकी मौत के जिम्मेदार हम अर म्हारी उलाद दुकड़े होगया अर धरती काम्बगी चट्टान तड़कगी, 52 अर कब्रे होवांगे!” 26 इसपै उसनै बरअब्बा ताहीं उनकै खातर रिहा कर दिया, अर यीशु के कोड़े लगवाकै सोप दिया, के क्रूस पै चढ़ाया जावै। 27 फेर राज्यपाल के सिपाहियाँ नै यीशु ताहीं किले म्ह ले जाकै सारी पलटन उसके चौगरदे नै कठी करी, 28 अर उसके लत्ते तारके उस ताहीं लाल रंग का चोगगा पिहराया, 29 अर काण्डयाँ का ताज गुन्दके उसके सिर पै धरया, अर उसके सोठे हाथ्यां म्ह सरकण्डा दिया अर उसके आगै गोड्डे टेक कै उसका मखौल उड़ण लागे अर कहा, “हे यहूदिया परदेस के राजा, नमस्कार!” 30 अर उसपै थुक्या; अर वोए सरकण्डा लेकै उसके सिर पै मारण लागे। 31 जिब उननै उसका मखौल कर लिया, तो वो चोगगा उसपै तै तारके फेर उरस्से के लत्ते उस ताहीं पिहराए, अर क्रूस पै चढ़ाण कै खातर ले चाल्ले। 32 बाहरणै जान्दे होए, उन ताहीं शमीन नाम का एक कुरेनी माणस मिल्या। उननै उस ताहीं बेकार म्ह पकड्या के उसका क्रूस ठाके ले चाल्ले। 33 उस जगहां पै पोहवे जो “खोपड़ी” यानी इब्रानी भाषा म्ह “गुलगुता” कुहावै सै। 34 उननै सिरका मिल्या होड़ अंगूर का रस उस ताहीं पीण नै दिया, पर उसनै चाखके पीणा न्ही चाहा। 35 फेर उननै उस ताहीं क्रूस पै चढ़ाया, अर पर्ची गेर के उसके लत्ते बांड लिये, 36 अर ओड़ै बैठके उसका पैहरा देण लागे। 37 अर उसका दोषपत्र लिखके उसके सिर पै लगाया, के, “यो यहूदियाँ का राजा यीशु सै।” 38 फेर उसके गेल्या दो डाकू एक सोळी ओड़ अर एक ओळी ओड़, क्रूस पै चढ़ाए गए। 39 राह म्ह आण-जाण आठे सिर हला-हलाके उसकी बेजती करे थे, 40 अर वे कहवै थे, “हे मन्दर नै ढाण आठे अर तीन दिनां म्ह बणाण आठे, अपणे-आपनै तो बचा! जै तू परमेसवर का बेटा सै, तो क्रूस पै तै उतर आ।” 41 इस्से तरियां तै प्रधान याजक भी शास्त्रियाँ अर यहूदी अगुवां सुधा मजाक करके कहवै थे, 42 “इसनै औरां ताहीं बचाया, अर अपणे-आपनै न्ही बचा सकदा। यो तो ‘इसाएल का राजा’ सै। इब क्रूस पै तै उतर आवै तो हम उसपै बिश्वास करां। 43 उसनै परमेसवर पै भरोस्सा राख्या सै; जै वो इसनै चाहवै सै, तो इब इसनै छुड़ा लेवै, क्यूँके इसनै कहा था, ‘मै परमेसवर का बेटा सूं।’” 44 इस्से ढाळ डाकू भी जो उसके गेल्या क्रूस पै चढ़ाए गए थे, उसकी बेजती करे थे। 45 दोफारी तै लेकै तीन बजे ताहीं उस सारे देश म्ह अँधेरा छाया रहया। 46 तीसरे पहर कै लोवै यीशु नै जोर तै बोल्या, “एली, एली, लमा शबक्तनी?” यानिके “हे मेरे परमेसवर, हे मेरे परमेसवर, तन्नै मेरे ताहीं क्यातै छोड़ दिया?” 47 जो उड़ै खड़े थे, कितन्याँ नै न्यू सुणके कहा, “वो तो एलिय्याह ताहीं बुलावै सै।” 48 उन म्ह तै एक जिब्बे भाज्या, अर स्पंज (फोम) लेकै सिरके म्ह डबोया, अर सरकण्डे पै धरके उस ताहीं चुसाया। 49 औरां नै कहा, “रहज्या, देखो एलिय्याह उसनै बचाण आवै सै के न्ही।” 50 फेर यीशु नै जोर तै किल्की मारके जी दे दिया। 51 अर देखो, मन्दर का पड़दा उप्पर तै तळै ताहीं पाटके दो टुकड़े होगया अर धरती काम्बगी चट्टान तड़कगी, 52 अर कब्रे खुलगी, अर मेरे होड़ भोत-से पवित्र माणस जो पैहले मुर्दे थे वे जिन्दा होगये, 53 अर उसके जिन्दा होण के पाछे वे कब्रां म्ह तै लिंकड़के पवित्र नगर म्ह गए अर घणाए ताहीं दिक्खे। 54 फेर सूबेदार अर जो उसके गेल्या पैहरा दे रे थे, हाल्लण अर जो कुछ होया था उस ताहीं देखके घणे डरगे अर कहा, “साच्य ए यो परमेसवर का बेटा था।” 55 ओड़ै घणखरी बिरबानी जो गलील परदेस तै यीशु की सेवा कर दी होई उसके गेल्या आई थी, दूर तै देखवै थी। 56 उन म्ह मरियम मगदलीनी, अर याकूब अर योसेस की माँ मरियम, अर जब्दी के बेट्याँ की माँ थी। 57 जिब साँझ होई तो यूसुफ नामका अरिमतिया गाम का एक साहूकार माणस, जो खुदे यीशु का चेल्ला था। 58 उसनै पिलातुस धौरै जाके यीशु की लाश माँगी। इस करके पिलातुस नै यीशु की लाश देण का हुकम दिया। 59 यूसुफ नै यीशु की लाश ली, उस ताहीं धोळी चादर म्ह लपेट्या, 60 अर उस ताहीं अपनी नई कब्र म्ह धरया, जो उसनै चट्टान म्ह खुदवाई थी, अर कब्र के बारणै पै एक बड़ड़ा पत्थर गिरड़ा कै चल्या गया। 61 मरियम मगदलीनी अर दुसरी मरियम ओड़ेए कब्र के स्याम्ही बेट्ठी थी। 62 आगला दिन आराम का दिन था, उस दिन प्रधान याजकां अर फरीसियाँ नै पिलातुस के धौरै कठ्ठे होके कहा, 63 “हे महाराज, म्हारै ताहीं याद सै के उस धोक्खेबाज नै जिब वो जिन्दा था, तो उसनै न्यू कहा था, ‘मै मरण के तीन दिन पाछे जिन्दा हो जाऊँगा।’ 64 इस करके हुकम दे के तीसरे दिन ताहीं कब्र की रुखाळी सावधानी तै करी जावै, इसा ना हो के उसके चेल्लें आके उसकी लाश नै चुरा ले जावै, अर माणसां तै कहण लागै, ‘वो मेरे होया म्ह तै जिन्दा होगया सै।’ फेर पाच्छला धोक्खा पैहलड़े तै भी बड़ड़ा होगा।” (पैहला धोक्खा के वो खुद नै परमेसवर का बेटा बतावै सै, दुसरा यो के इब वो तीसरे दिन मेरे होया मै तै जी उठुँगा) 65 “पिलातुस नै उनतै कहा, ‘थारे धौरै पहरेदार तो सै जाओ, अपनी समझके मुताबिक कब्र की रुखाळी करो।’ 66 आखर वे पैहरेदारां नै गैल लेकै गये, अर कब्र के पत्थर पै मोंहर लगाके कब्र की रुखाळी करी।”

**28** आराम के दुसरे दिन पाछे, हप्तै के पैहलड़े दिन, तड़के ए तड़के मगदला कस्बे की मरियम अर दुसरी मरियम कब्र नै देखण आई। 2 अर देखो, एक बड़ड़ा हाल्लण आया, क्यूँके प्रभु का सुर्गदूत सुर्ग तै उतरया अर धौरै आके उसनै पत्थर ताहीं गिरड़या दिया, अर उसपै बैठगया। 3 उसका रूप बिजळी बरगा था अर उसके लत्ते पाळे की ढाळ धोळे थे। 4 उसके डर तै पहरेदार काम्बगे, अर मुर्दे की ढाळ होगये। 5 सुर्गदूत नै बिरबानियाँ ताहीं कहा, “मतना डरो, मन्नै बेरा सै के थम यीशु नै जो क्रूस पै चढ़ाया गया था, तोहो सो। 6 वो उरै न्ही सै, पर

अपणे वचन कै मुताबिक जिन्दा होग्या सै। आओ, या जगहां देक्खो, जित्त प्रभु राख्या गया था, 7 अर तावळे जाकै उसके चेल्यां ताहीं कहो के वो मरे होया म्ह तै जिन्दा होग्या सै, अर वो थारे तै पैहल्या गलील परदेस म्ह जावै सै, उड़ै उसका दर्शन पाओगे! देक्खो, मन्नै थारे तै कह दिया।” 8 वे भय अर घणी खुशी कै गेल्या कब्र तै तावळी बोहड़के उसके चेल्यां ताहीं खबर देण नै भाज्जी गई। 9 फेर यीशु उन ताहीं मिल्या। अर कह्या, “सुखी रहो।” उननै धोरै आकै अर उसके पाँ पकड़के उस ताहीं प्रणाम करया। 10 फेर यीशु नै उनतै कह्या, “मतना डरो; मेरे चेल्यां तै जाकै कहो के गलील परदेस म्ह चले जावै, उड़ै वो मन्नै देखेंगे।” 11 जिव वे चेल्यां ताहीं या खबर देण जाण लागरी थी। तो पैहरेदारां म्ह तै, जो कब्र की रुखाळी करे थे, उन म्ह तै कईयाँ नै नगर म्ह आकै सारा हाल प्रधान याजकां तै कह सुणाय्या। 12 फेर उननै यहूदी अगुवां कै गेल्या कट्टे होकै सलाह करी अर सिपाहियाँ ताहीं घणाए धन देकै हुकम दिया, 13 “के माणसां तै न्यू कहियो के जिव हम रात नै सोण लागरे थे, तो उसके चेल्ले आकै उसकी लाश नै चुरा लेगे। 14 जै थारे सोण की खबर राज्यपाल कै कान्नां ताहीं पोहोचैगी, तो हम उसनै समझा लेवेंगे अर थमनै जोखिम तै बचा लेवांगें।” 15 आखर उननै रपिये लेकै जिसे सिखाए गये थे, उस्से तरियां ए करया। या बात आज ताहीं यहूदी माणसां म्ह मान्नी जावै सै। 16 ग्यारहां चेल्ले गलील परदेस म्ह उस पहाड़ पै गये, जिस ताहीं यीशु नै उन ताहीं बताया था। 17 उननै उसका दर्शन पाकै उस ताहीं प्रणाम करया, पर कईयाँ नै शक होया के यीशु जिन्दा होग्या सै। 18 यीशु नै उनकै धोरै आकै कह्या, “सुर्ग अर धरती का सारा हक मेरै ताहीं दिया गया सै। 19 इस करके थम जाओ, सारी जात्तां के माणसां ताहीं चेल्ला बणाओ; अर उननै पिता, पुत्र अर पवित्र आत्मा कै नाम तै बपतिस्मा द्यो, 20 अर उननै सारी बात जो मन्नै थारे ताहीं हुकम दिया सै, मानना सिखाओ: अर देक्खो मै दुनिया के अंत तक सदा थारे गैल रहूंगा।” (aiōn g165)

# मरकुस

1 यो सुसमाचार यीशु मसीह के बारे में है। जो परमेसवर का बेटा है। अर इसकी शुरुआत इस तरियां होई 2 जिसा के यशायाह नबी की किताब म्ह परमेसवर नै अपने बेटे ताहीं कह्या सै: “देख, मै अपने दूत नै तेरे आगै भेज्जूं सूं, जो तेरे खात्तर लोगां नै तैयार करैगा। 3 जंगल-बियाबान म्ह एक रुक्का मारणीये का बोल सुणाई देवै सै के प्रभु के आण खात्तर अपने-आपनै तैयार करो।” 4 वो दूत यूहन्ना था, जो जंगल-बियाबान म्ह कहवै था, “पाप करणा छोड़ दो अर बपतिस्मा ल्यो परमेसवर थारे पाप माफ कर देगा।” 5 सारे यहूदिया परदेस के, अर यरुशलम नगर के सारे बासिन्दे लिकड़के उसके धोरे गए, अर अपने पापां नै मानके यरदन नदी म्ह उसतै बपतिस्मा लिया। 6 यूहन्ना ऊँट के रूप के लत्ते पहरे, अर अपनी कड़ म्ह चमड़े की पेट्टी बाँधे रहवै था, अर टिट्टियाँ अर शहद खया करै था। 7 अर न्यू प्रचार करै था, “मेरे पाछे वो आण आळा सै, जो मेरे तै शक्तिशाली सै, मै इस लायक कोनी के झुकके उसके जूत्यों के फित्ते खोल्लूँ। 8 मन्ने तो थारे ताहीं पाणी तै बपतिस्मा दिया सै पर वो थमनै पवित्र आत्मा तै बपतिस्मा देवैगा।” 9 उन दिनां म्ह यीशु नै गलील परदेस के नासरत नगर तै होके, यरदन नदी म्ह यूहन्ना तै बपतिस्मा लिया। 10 अर जिब वो पाणी म्ह तै लिकड़के उप्पर आया, तो जिबे उसनै अकास ताहीं खुल्दे अर पवित्र आत्मा ताहीं कबूतर की तरियां अपने उप्पर आन्दे देख्या। 11 अर परमेसवर सुर्ग म्ह तै बोल्या, “तू मेरा प्यारा बेटा सै, तेरे तै मै राज्जी सूँ।” 12 फेर पवित्र आत्मा नै जिबे उस ताहीं जंगल-बियाबान कान्ही भेज्या। 13 जंगल-बियाबान म्ह चाळीस दिन ताहीं शैतान उस ताहीं परखता रहया, अर वो जंगल-बियाबान म्ह पशुआं के गेल्या रह्या, अर सुर्गदूत उसकी सेवा करदे रहे। 14 यूहन्ना के पकड़े जाणके कुछ बखत पाछे, यीशु नै गलील परदेस म्ह आके परमेसवर के राज्य का सुसमाचार प्रचार करया, 15 अर कह्या, “बखत पूरा होया सै, अर परमेसवर का राज्य धोरे आरया सै; पाप करणा छोड़ दो, अर परमेसवर के सुसमाचार पै बिश्वास करो।” 16 गलील परदेस म्ह गलील समुन्दर के किनारे जान्दे होइ, उसनै शमौन अर उसके भाई अन्द्रियास ताहीं समुन्दर म्ह जाळ गेर दे देख्या; क्यूँके वे मछवारे थे। 17 यीशु नै उनतै कह्या, “मेरे पाछे आओ, मै थमनै माणसां ताहीं कठ्ठे करण आळे बणाऊंगा ताके वो मेरे चेल्ले बणे।” 18 वे जिबे जाळां नै छोड़के उसके चेल्ले बणण खात्तर उसके पाछे हो लिये। 19 थोड़ा आगै चालके, उसनै जब्दी के बेटे याकूब अर उसके भाई यूहन्ना ताहीं, किस्ती पै जाळां ताहीं ठीक करदे देख्या। 20 उसनै जिबे उन ताहीं बुलाया; अर वे अपने पिता जब्दी ताहीं मजदूरां के गेल्या किस्ती पै छोड़के, उसके चेल्ले बणण खात्तर उसके पाछे हो लिये। 21 जिब यीशु अर उसके चेल्ले कफरनहूम

नगर म्ह आए, अर वो जिबे आराम के दिन आराधनालय म्ह जाके उपदेश देण लाग्या। 22 अर माणस उसके उपदेश तै हैरान होगे; क्यूँके वो उननै शास्त्रियाँ की ढाळ न्ही, पर अधिकार तै उपदेश देवै था। 23 उरसे बखत, उनके आराधनालय म्ह एक माणस था, जिसम्ह ओपरी आत्मा थी। 24 उसनै रुक्का मारके कह्या, “हे नासरत के यीशु, हमनै तेरे तै के काम? के तू म्हारा नाश करण नै आया सै? मै तन्नै जाणू सूँ, तू कौण सै? तू परमेसवर की ओड़ तै भेज्या होया पवित्र मसीह सै।” 25 यीशु नै उसतै धमकाके कह्या, “चुपचाप रहै, अर इस माणस म्ह तै लिकड़ जा।” 26 फेर ओपरी आत्मा ऊँची आवाज म्ह किल्की मारके उस म्ह तै लिकड़गी। 27 इस बात पै सारे माणस अचम्भा करदे होए आप्स म्ह बहस करण लागे, “था के बात सै? यो तो कोए नया-ए उपदेश सै! वो हक के गेल्या ओपरी आत्मायाँ नै भी हुकम देवै सै, अर वे उसका हुकम मान्ने सै।” 28 अर उसका नाम जिबे गलील के पूरे परदेस म्ह हरेक जगहां फैलग्या। 29 यीशु अर उसके सारे चेल्ले जिबे आराधनालय म्ह तै लिकड़के, याकूब अर यूहन्ना के गेल्या शमौन अर अन्द्रियास के घरां आये। 30 शमौन की सास्सू के बुखार चढ़रया था, अर उसके चेल्यां नै जिबे उसके बाबत यीशु ताहीं बताया। 31 फेर यीशु नै धोरे जाके उसका हाथ पकड़के उस ताहीं ठाया, अर उसका बुखार उतर गया, अर वा उनकी सेवा-पाणी करण लागी। 32 साँझ के बखत जिब सूरज डूबग्या तो माणस सारे बिमारां ताहीं अर उननै, जिनम्ह ओपरी आत्मा थी, यीशु के धोरे ल्याए। 33 अर साब्ला नगर दरबाजे पै कठ्ठा होया। 34 उसनै घणखरयां ताहीं जो कई ढाळ की बिमारियाँ तै दुखी थे, ठीक करया, घणखरी ओपरी आत्मायाँ ताहीं काढ्या, अर ओपरी आत्मायाँ ताहीं बोल्लण कोनी दिया, क्यूँके वे उसनै पिच्छाणै थी, के यीशु परमेसवर की ओड़ तै भेज्या होया मसीह सै। 35 तड़केए दिन लिकड़ण तै पैहल्या, यीशु शमौन के घर तै उठके लिकड़या, अर एक बियाबान जगहां म्ह गया अर उड़े प्रार्थना करण लागग्या। 36 फेर शमौन अर उसके साथी उसकी टोह म्ह गए। 37 जिब वो मिल्या, तो उस ताहीं कह्या, “सारे नगर के माणस तन्नै टोहवै सै।” 38 उसनै उनतै कह्या, “आओ; हम और किते लोवै-धोवै की बस्तियां म्ह जावां, के मै उड़े भी प्रचार करूँ, क्यूँके मै इसे खात्तर आया सूँ।” 39 अर वो सारे गलील परदेस म्ह उनके आराधनालयाँ म्ह जा-जाके उन ताहीं उपदेश सुणान्दा अर ओपरी आत्मायाँ ताहीं लिकाड़दा रह्या। 40 एक कोढ़ी उसके धोरे आया, उसतै बिनती करी, अर उसके आगै गोठ्ठे टेकके उस ताहीं कह्या, “जै तू चाहवै तो मन्ने ठीक कर सकै सै।” 41 उसनै उसपै तरस खाके हाथ बढ़ाके, अर उस ताहीं छू के कह्या, “मै चाहूँ सूँ, के तू इस बीमारी तै ठीक हो ज्या।” 42 अर जिबे उसका कोढ़ जान्दा रह्या, अर वो ठीक होग्या। 43 फेर उसनै उस ताहीं चेतावनी देके जिबे बिदा करया, 44 अर उसतै कह्या, “लखा, किसे तै कुछ मतना कहिये, पर

जाकै अपणे-आपनै याजक ताहीं दिखा, अर अपणे कोढ़ तै वैद की जरूरत कोनी, पर बिमारां नै सै: जो अपणे-आपनै ठीक होण के बारे म्ह जो कुछ मूसा नबी नै जो पवित्र ग्रन्थ म्ह चढ़ावा बताया सै उसनै चढ़ा, के माणसां खात्तर या गवाही हो, के तू ठीक होग्या सै।” 45 पर वो बाहरणै जाकै इस बात का घणा प्रचार करण अर याड़े ताहीं फैलाण लागग्या के यीशु दुबारे सरैआम नगर म्ह कोनी जा सक्या, पर बाहरणै सुनसान स्थानां म्ह रह्या, अर चौगरदे तै माणस उसके धोरै आन्दे रहे।

**2** थोड़े दिनां पाच्छै यीशु फेर कफरनहूम नगर म्ह आया, अर माणसां नै सुणया के वो घर म्ह सै। 2 फेर इतने माणस कठ्ठे होए के दरबाजे धोरै भी जगहां कोनी थी, अर वो उननै परमेसवर के वचन सुणाण लागरया था। 3 अर चार माणस एक लकवे के मरीज ताहीं बिस्तर पै लिटाके उसके धोरै ल्याए। 4 पर जब वे भीड़ के कारण उसके धोरै कोनी पोहच सके, तो उननै उस छत ताहीं जिसके तळै यीशु था, खोल दिया; तो उस बिस्तर समेत जिसपै वो लकवे का मरीज लेट्या था, नीचै उतार दिया। 5 यीशु नै उनका बिश्वास देखके उस लकवे के मरीज ताहीं कह्या, “हे बेट्टे, मन्नै तेरे पाप माफ कर दिये।” 6 फेर घणे शास्त्री जो उड़े बेट्टे थे, अपणे-अपणे मन म्ह सोचवण लागगे, 7 “यो माणस न्यू क्यांतै कहवै सै? यो तो परमेसवर की बुराई करै सै! परमेसवर नै छोड़के और कौण पाप माफ कर सकै सै?” 8 यीशु नै जिब्बे अपणे मन म्ह जाण लिया के वे अपणे-अपणे मन म्ह इसा विचार क्यांतै करण लागरे सै? अर उनतै कह्या, “थम अपणे-अपणे मन म्ह यो विचार क्यूँ करण लागरे सो? 9 आसान के सै? के लकवे के मरीज ताहीं यो कहणा के तेरे पाप माफ होए, या फेर यो कहणा के उठ अपना बिस्तर ठाके हाँड-फिर? 10 पर जिसतै थम जाण ल्यो के मुझ माणस के बेट्टे नै धरती पै पाप माफ करण का भी हक सै।” उसनै उस लकवे के मरीज ताहीं कह्या, 11 “मे तेरे तै कहूँ सूँ, उठ, अपणे बिस्तर ठाके अपणे घरां चल्या जा।” 12 वो उठ्या अर जिब्बे बिस्तर ठाके उसके स्याम्ही तै लिंकड़ग्या; इसपै सारे हैरान होगे, अर परमेसवर की बड़ाई करके कहण लागगे, “हमनै इसा पैहल्या कदे कोनी देख्या।” 13 यीशु दुबारा लिंकड़के गलील समुन्दर के किनारे गया, अर सारी भीड़ उसके धोरै आई, अर वो उननै उपदेश देण लाग्या। 14 जान्दे होए उसनै हलफई के बेट्टे लेवी जिसका नाम मत्ती था, चुंगी की चौकी पै बेट्टे देख्या, अर उसतै कह्या, “मेरा चेल्ला बणण खात्तर मेरे पाच्छै हो ले।” अर वो उठके उसके पाच्छै हो लिया। 15 जब वो मत्ती के घर म्ह खाणा खाण बैठ्या, तो घणेए चुंगी लेण आळे अर जिननै लोग पापी कहवै थे, यीशु अर उसके चेल्या गेल्या खाणा खाण बेट्टे; क्यूँके वे घणे सारे थे, अर उसके साथ हो लिए थे। 16 शास्त्रियां अर फरीसियां नै न्यू देखके के वो तो पापी अर चुंगी लेण आळा गेल्या खाणा खावै सै, उसके चेल्यां ताहीं कह्या, “वो तो चुंगी लेण आळे अर जिननै लोग पापी कहवै सै, उनके गेल्या खावै-पीवै सै।” 17 यीशु नै या सुणके उनतै कह्या, “आच्छे-बिच्छयां

नै वैद की जरूरत कोनी, पर बिमारां नै सै: जो अपणे-आपनै धर्मी कहवै सै, मै उननै न्ही, पर जो अपणे-आपनै पापी कहवै सै उननै बुलाण आया सूँ।” 18 यूहन्ना के चेल्लें, अर फरीसी ब्रत करया करै थे, तो उननै आके उसतै कह्या, “यूहन्ना के चेल्लें अर फरीसियां के चेल्लें ब्रत क्यांतै करै सै, पर तेरे चेल्लें ब्रत न्ही राखदे?” 19 यीशु नै उनतै कह्या, “जिब ताहीं बन्दड़ा बरातियां कै गेल्या सै, के वे ब्रत राख सके सै? आखर जिब ताहीं बन्दड़ा उनके गेल्या सै, जद ताहीं वे ब्रत कोनी कर सकदे। 20 पर वे दिन भी आवैगें जिब बन्दड़ा उनतै न्यारा करया जावैगा; उस बखत वे ब्रत करैगें। 21 “नये लत्यां की थेगळी पुराणे लत्यां पै कोए न्ही लगान्दा, न्ही तो वा थेगळी उस म्ह तै खुस्का लेवैगी, यानिके नया, पुराणे तै, अर वो पैहल्या तै घणा पाट जावैगा। 22 नये अंगूर के रस ताहीं पुराणी मशकां म्ह कोए कोनी राखदा, न्ही तो अंगूर का रस मशकां नै पाड़ देवैगा, अर अंगूर का रस अर मशक दोनुआ का नाश हो जावैगा, पर नया अंगूर का रस नई मशकां म्ह भरया जावै सै।” 23 न्यू होया के आराम कै दिन यीशु चेल्यां कै गैल खेतां म्ह तै होके जाण लागरया था, अर उसके चेल्लें चाल्दे होए गेहूँ की बाल तोड़ण लागगे। 24 तो फरीसियां नै उस ताहीं कह्या, “देख, ये आराम कै दिन वो काम क्यांतै करै सै? जो नियम-कायदा के खिलाफ सै।” 25 यीशु नै उनतै कह्या, “के थमनै पवित्र ग्रन्थ म्ह यो न्ही पढ़या के जिब म्हारे पूर्वज दाऊद नै जरूरत होई, अर जिब वो अर उसके साथी भूक्खे होए, फेर उसनै के करया था? 26 उसनै किस ढाळ अबियातार महायाजक के बखत, परमेसवर के घर म्ह जाके भेंट की रोटी खाई, जिनका खाणा याजकां नै छोड़ और किसे के खात्तर खाणा ठीक कोनी, अर अपणे साथियां ताहीं भी दी?” 27 फेर उसनै उन ताहीं कह्या, “आराम का दिन माणस खात्तर बणाया गया सै, ना के माणस आराम कै दिन के खात्तर। 28 इस करके मै माणस का बेट्टा आराम कै दिन का भी माल्लिक सूँ।”

**3** यीशु फेर आराम कै दिन आराधनालय म्ह गया; उड़े एक माणस था जिसका हाथ सूखरया था, 2 अर फरीसी यीशु पै दोष लाण खात्तर उसकी टाह म्ह थे के देख्खे, वो आराम कै दिन उसनै ठीक करै सै के न्ही। 3 उसनै सूखे हाथ आळे माणस तै कह्या, “बीच म्ह खड्या होज्या” 4 अर उनतै कह्या, “के मूसा के नियम-कायदा कै मुताबिक आराम कै दिन भला करणा ठीक सै या बुरा करणा, जान बचाणा या मारणा?” पर वे बोल-बाल्ले रहे। 5 फेर उसनै उनके मन की कठोरता तै काल होके, उन ताहीं छो तै चोगरदेनै देख्या, अर उस माणस ताहीं कह्या, “अपणा हाथ बढ़ा।” उसनै बढ़ाया, अर उसका हाथ ठीक हो गया। 6 फेर फरीसी बाहरणै जाके जिब्बे हेरोदेस राजा के समर्थकां कै गेल्या उसके बिरोध म्ह सलाह करण लागगे के उसका नाश किस तरियां करया जावै। 7 यीशु अपणे चेल्यां गेल्या गलील समुन्दर कान्ही चल्या गया: अर गलील तै एक बड्डी भीड़ उसके

पाच्छे हो ली; 8 अर यहूदिया नगर, अर यरुशलेम नगर, अर इद्रूमिया परदेस, अर यरदन नदी के परली ओड़, अर सूर अर सैदा नगर के लोवै-धोवै तै एक बड्ठी भीड़ न्यू सुणकै के वो किसे अचम्भे आळे काम करै सै, उसनै देक्खण आई। 9 यीशु नै अपणे चेल्यां तै कह्या, “भीड़ की बजह तै एक छोटी किस्ती मैरे खात्तर त्यार राखियो ताके वे मन्ने दाब नही सकै।” 10 क्यूँके उसनै घणखरयां ताहीं ठीक करया था, इस करके जितने माणस बीमार थे, उस ताहीं छूण खात्तर उसपै पड़ण लागरे थे। 11 जिन म्ह ओपरी आत्मा भी जिब उस ताहीं देक्खै थी, तो उसकै स्याम्ही गिर ज्या थी, अर किल्की मारकै कहवै थी, तू परमेसवर का बेटा सै। 12 अर उसनै ओपरी आत्मायां ताहीं चेतावनी देके कह्या के मैरे बारे म्ह किसे तै ना कहियो के मै कौण सू। 13 फेर यीशु पहाड़ पै चढ़ग्या, अर जिन नै वो चाहवै था उन ताहीं अपणे धोरै बुलाया; अर वे उसकै धोरै आए। 14 फेर उसनै उन म्ह तै बारहा चेल्यां ताहीं नियुक्त करया के वे उसकै गेल्या-गेल्या रहवै, अर वो उननै भेज्जै के वे प्रचार करै, 15 अर ओपरी आत्मा ताहीं काढ़ण का हक राक्खै। 16 वे बारहा चेल्लें ये सै: “शमोन जिसका नाम उसनै पतरस धरया, 17 अर जब्दी का बेटा याकूब अर याकूब का भाई यूहन्ना, जिसका नाम उसनै बुअनरगिस यानिके ‘गरजण का बेटा’ धरया।” 18 अर अन्द्रियास, अर फिलिप्पुस, अर बरतुलमै, अर मत्ती, अर थोमा, अर हलफई का बेटा याकूब, अर तद्वै, अर शमोन कनानी, 19 अर यहूदा इस्करियोती जिसनै उस ताहीं पकड़वा भी दिया था। 20 फेर यीशु घरां आया; अर इसी भीड़ कठ्ठी होई, के यीशु अर उसके चेल्यां पै रोटी भी कोनी खाई गई। 21 जिब उसके कुण्बा आळा न्यू सुणया, तो वे उस ताहीं घरां ले जाण खात्तर लिकड़े; क्यूँके वे कहवै थे, “के उसका दिमाग ठिकाणै कोनी सै?” 22 शास्त्री भी जो यरुशलेम नगर तै आये थे, वे कहवै थे, “उस म्ह शैतान सै,” अर न्यू भी के “वो ओपरी आत्मायां के सरदार शैतान की मदद तै ओपरी आत्मायां नै लिकाड़े सै।” 23 ज्यातै यीशु उननै धोरै बुलाकै उदाहरणां म्ह कहण लागया, “शैतान क्यूँकर ओपरी आत्मायां नै काढ सकै सै?” 24 जै किसे राज्य म्ह फूट पड़ै, तो वो राज्य किस तरियां टिक्या रह सकै सै? 25 अर जै किसे घर म्ह फूट पड़ै, तो वो घर क्यूँकर डटया रह सकैगा? 26 इस करके जै शैतान खुद का ए बिरोधी होकै अपणे म्ह फूट गेरै, तो वो किस तरियां बणया रहै सकै सै? उसका तो नाश हो जावै सै। 27 “पर कोए माणस किसे ठाड्डे माणस के घर म्ह बड़कै उसका माळ कोनी लूट सकदा, जिब तक के पैहल्या उस ठाड्डे माणस ताहीं ना जुड़ ले; जिब वो उसके घर नै लूट लेवैगा। 28 मै थमनै साच्ची-साच कहुँ सूँ के माणसां के सारे पाप अर बुराई जो वे करै सै, माफ करे जावेंगे, 29 पर जो कोए पवित्र आत्मा के बिरोध म्ह बुराई करै सै, वो कदे माफ कोनी करया जावैगा: बल्के वो अनन्त पाप का कसूरवार बण ज्यागा।” (aiōn g165, aiōnios g166) 30 क्यूँके वे न्यू कहवै थे के

उस म्ह ओपरी आत्मा सै। 31 फेर यीशु की माँ अर उसके भाई आए, अर बाहरणै खड़े होकै उस ताहीं बुलावा भेज्या। 32 भीड़ उसकै लोवै-धोवै बेठ्ठी थी, अर उननै उसतै कह्या, “देख, तेरी माँ अर तेरे भाई बाहरणै तन्नै तोहवै सै।” 33 यीशु नै उनतै जवाब दिया, “मेरी माँ अर मेरे भाई कौण सै?” 34 अर जो उसकै लोवै-धोवै बेठ्ठे थे, उनपै निगाह करके कह्या, “देक्खो, मेरी माँ अर मेरे भाई ये सै। 35 क्यूँके जो कोए परमेसवर की इच्छा पै चाल्लै, वोए मेरा भाई, मेरी बेब्बे, अर मेरी माँ सै।”

**4** यीशु फेर गलील समुन्दर कै किनारे उपदेश देण लागग्या: अर इसी बड्ठी भीड़ उसकै धोरै कठ्ठी होगी के वो समुन्दर म्ह एक किस्ती पै चढ़कै बैठग्या, अर सारी भीड़ जमीन पै समुन्दर कै किनारे खड़ी रही। 2 अर वो उननै उदाहरणां म्ह घणीए बात सिखाण लागग्या, अर अपणे उपदेश म्ह उन ताहीं कह्या, 3 “सुणो! एक किसान बीज बोण लिकड़या। 4 बोदे बखत कुछ राही कै किनारे पड़े, अर पछियां नै आके उन ताहीं चुग लिया। 5 कुछ पथरीली धरती पै पड़े जड़ै उसनै घणी माट्टी ना मिली, अर ढुंघी माट्टी ना मिलण कै कारण तोळाए उग्या, 6 अर जिब सूरज लिकड़या तो जळगे, अर जड़ ना पकड़ण कै कारण सुखगे। 7 कुछ झाड़ियां म्ह पड़े, अर झाड़ियां नै आग्नै बड़कै उन ताहीं दाब दिया, अर वो फळ कोनी ल्याये। 8 पर कुछ आच्छी धरती पै पड़े, अर वो उग्या अर बड़कै फळ ल्याये; अर कोए तीस गुणा, कोए साठ गुणा अर कोए सौ गुणा फळ ल्याया।” 9 फेर उसनै कह्या, “जिसके कान हों, वो ध्यान तै सुण ले।” 10 जिब यीशु एक्ला रहग्या, तो उसके साथियां नै उन बारहां चेल्यां सुधा उसतै इन उदाहरणां कै बारे म्ह बुझझया। 11 उसनै उनतै कह्या, “धारे ताहीं तो परमेसवर कै राज्य के भेद की समझ दे राक्खी सै, पर बाहर आळा खात्तर सारी बात उदाहरणां म्ह होवै सै।” 12 इस करके के “वे देखदे होए देक्खै पर उननै दिखाई ना देवे अर सुणदे होए सुणै भी पर ना समझै; इसा ना हो के वे पाप करणा छोड़दे, अर वे माफ करे जावै।” 13 फेर यीशु नै उनतै कह्या, “के थम यो उदाहरण कोनी समझो? तो फेर और सारे उदाहरणां नै किस तरियां समझोगे? 14 किसान जो बीज बोण आळा सै वो वचन बोण आळे कै समान सै। 15 राही कै किनारे गिरे बीज उन माणसां की तरियां सै जो वचन सुणै सै, तो शैतान जिब्बे आके वचन नै जो उन म्ह बोया गया था, ठा ले जावै सै। 16 उस्से तरियां-ए जो पथरीली धरती पै बीज गिरे सै, ये वे सै जो वचन सुणकै जिब्बे खुश होके अपना लेवें सै। 17 पर उनके भीत्तर जड़ नही पकड़ण कै कारण थोड़े-से दिनां कै खात्तर रहै सै; इसकै बाद जिब वचन कै कारण उनपै कळश या संकट आवै सै, तो वे जिब्बे ठोककर खा जावै सै। 18 जो झाड़ियां म्ह बीज गिरे ये वे सै जिन नै वचन सुणया, 19 अर दुनिया की फिक्र, अर धन का धोक्खा, अर दुसरी चिज्जां का लालच म्ह पड़कै वचन नै दाब देवै सै अर वो फळदा कोनी। (aiōn g165) 20 अर जो आच्छी धरती पै बीज गिरे, ये वे सै जो वचन सुणकै अपना लेवें सै अर

फळ ल्यावै सै, कोए तीस गुणा, कोए साठ गुणा अर कोए सौ गुणा।” 21 यीशु नै उनतै एक और उदाहरण दिया, “के दीवै नै इस खात्तर कोनी जळान्दे, के उसनै बरतन या खाट कै तळे धर देवां? पर इस खात्तर के टांडी पै धरया जावै? 22 इसा कुछ भी नही जो लुक्या हो, अर खोल्या नही जावैगा अर ना कुछ गुप्त सै, जिसके बारे में बेरा ना लागै। 23 जै किसके के कान हों, तो ध्यान तै सुण ले।” 24 फेर उसनै उनतै कह्या, “चौक्कस रहियो की के सुणो सो। जिस नाप तै थम नाप्पो सों उससे नाप तै थारे खात्तर भी नाप्पा जावैगा। अर थारे ताहीं घणा दिया जावैगा। 25 क्यूँके जिसके धोरै सै, उस ताहीं दिया जावैगा, अर जिसके धोरै नही सै, उसतै वो भी जो उसके धोरै सै, ले लिया जावैगा।” 26 फेर यीशु नै उन ताहीं एक और उदाहरण दिया, “परमेसवर का राज्य इसा सै, जिसा कोए माणस धरती पै बीज छिडके सै, 27 अर रात नै सोग्या अर सबेरै जाग गया, अर वो बीज इसा उगे अर बधै सै के उसनै बेराए कोनी लाग्या। 28 धरती खुद-बै-खुद फळ लावै सै, पैहल्या अंकुर, फेर बाल, अर फेर बाल मह त्यार दाणा। 29 पर जिब दाणा पक जावै सै, फेर वो जिब्बे दांती लावै सै, क्यूँके लामणी का बखत आण पोहवा सै।” 30 फेर यीशु नै उन ताहीं एक और उदाहरण दिया, “हम परमेसवर के राज्य की बराबरी किसतै करां अर किस उदाहरण तै उसका खुलास्सा करां? 31 वो राई कै दाणै की ढाळ सै: जिब धरती मह बोया जावै सै तो धरती के सारे बीजजां तै छोटा होवै सै, 32 पर जिब बोया गया, तो जामकै सारे सागपात तै बड़्हा हो जावै सै, अर उसकी इतनी बड्डी ढाळी लिक्डे सै के अकास के पंछी उसकी छाया तळे बसेरा कर सके सै।” 33 यीशु उन ताहीं इस तरियां के घणे उदाहरण दे-देके उनकी समझके मुताबिक वचन सुणावै था, 34 अर इस तरियां की शिक्षा देण खात्तर वो उदाहरणां का ए इस्तमाल करया करदा; पर एक्ले मह वो अपणे चेल्यां ताहीं सारी बातां का मतलब बतावै था। 35 उससे दिन जिब साँझ होई, तो यीशु नै चेल्यां तै कह्या, “आओ, हम समुन्दर के परली ओड़ चाल्लां।” 36 अर वे भीड़ नै छोड़के जिसा वो था, उसाए उस ताहीं किस्ती पै गेल्या ले चाल्ले; अर उसके गेल्या और भी किस्ती थी। 37 फेर बड़ीए आँधी आई, अर पाणी की झाल किस्ती कै उरै ताहीं लागी के वा पाणी तै भरण नै होगी। 38 पर यीशु पाच्छले हिस्से मह गद्दी लगाई सोण लाग रह्या था। फेर उननै उस ताहीं जगाके उसतै कह्या, “हे गुरु, के तन्नै चिन्ता कोनी के हम डूबके मरण आळे सां?” 39 फेर उसनै उठके आँधी ताहीं धमकाया, अर पाणी की झाल तै कह्या, “शांत रहै, थम ज्या।” अर आँधी थमगी अर पूरी तरियां शान्ति छागी। 40 उसनै उनतै कह्या, “थम क्यूँ डरो सों? के थमनै इब ताहीं बिश्वास कोनी?” 41 वे घणे डरगे, अर आप्स मह बोल्ले, “यो कौण सै के आँधी अर पाणी की झाल भी उसका हुकम मान्नै सै?”

**5** यीशु अर उसके चेल्लें गलील समुन्दर कै परली ओड़ गिरासेनियों कै परदेस मह पोहचे, 2 जिब यीशु किस्ती पै

तै उतरया तो जिब्बे एक माणस जिसमह ओपरी आत्मा थी, कब्रिस्तान मह तै लिक्डके उसतै मिल्या। 3 वो कब्रिस्तान मह रह्या करै था अर कोए उस ताहीं बेल्लां तै भी कोनी जुड सके था, 4 क्यूँके वो घणीए बर बेड़ियाँ अर बेल्लां तै जुड्यां गया था, पर उसनै बेल्लां ताहीं तोड़ दिया था अर बेड़ियाँ के टुकड़े-टुकड़े कर दिये थे, अर कोए उस ताहीं बस मह कोनी कर सके था। 5 वो सारीहाण रात-दिन कब्रिस्तानां अर पहाड़ां मह किल्की मारदा अर खुद नै पत्थरां तै जख्मी करै था। 6 वो यीशु नै दूर तै ए देखके भाजके आया, उसके पायां मह पड़के घुटने टेक दिए, 7 अर जोर तै किल्की मारके कह्या, “हे यीशु, परमप्रधान नही सै, उसतै वो भी जो उसके धोरै सै, ले लिया जावैगा।” 8 परमेसवर के बेटे, मन्नै तेरे तै के काम? मै तन्नै परमेसवर की कसम दियुँ सूँ के मन्नै काल ना करै।” 8 क्यूँके उसनै उसतै कह्या था, “हे ओपरी आत्मा, इस माणस मह तै लिक्ड आ।” 9 यीशु नै उसतै बुझया, “तेरा के नाम सै?” उसनै उस ताहीं कह्या, “मेरा नाम सेना सै, क्यूँके हम घणे सां।” 10 अर उसनै यीशु तै घणी बिनती करी, “के हमनै इस परदेस तै बाहरणै ना खन्दावै।” 11 उदै पहाड़ पै सूअरां का एक बड़्हा टोळ चरै था। 12 ओपरी आत्मायाँ नै यीशु तै बिनती करके कह्या, “हमनै उन सूअरां मह भेजदे के हम उनके भीत्तर समा जावां।” 13 यीशु नै उन ताहीं हुकम दिया अर ओपरी आत्मा लिक्डके सूअरां कै भीत्तर समागी अर टोळ, जो कोए दो हजार का था, ढळान पै तै झपटके गलील समुन्दर मह पड़के डूब मरया। 14 उनके पाळीयाँ नै जो डरे होए थे, भाजके कस्बे अर गाम्मां मह खबर सुणाई, अर जो होया था, माणस उस ताहीं देखण आए। 15 अर यीशु कै धोरै आके वे उस ताहीं जिसमह ओपरी आत्मा थी, यानिके जिस मह सेना बड़री थी, लत्ते पठरे अर सोध्दी मह बेट्टे देख्या। 16 अर देखण आळा नै उसका, जिसमह ओपरी आत्मा थी, अर सूअरां का पूरा किस्सा उन ताहीं कह सुणाया। 17 फेर वे उसतै बिनती करके कहण लागगे के म्हारी सीमा तै लिक्डज्या। 18 जिब यीशु किस्ती पै चढ़ण लागग्या, तो वो जिस मह पैहल्या ओपरी आत्मा थी, उसतै बिनती करण लाग्या, के “मन्नै अपणे गेल्या रहण दे।” 19 पर यीशु नै उस ताहीं मंजूरी कोनी देई, अर उसतै बोल्या, “अपणे घरां जाके अपणे माणसां नै बता, के तेरे पै दया करके प्रभु नै तेरे खात्तर किसे बड़े-बड़े काम करे सै।” 20 वो जाके दिकापुलिस नगर मह इस बात का प्रचार करण लाग्या, के यीशु नै मेरै खात्तर किस ढाळ के बड़े काम करे; अर जिसनै भी यो सुणया वे सारे अचम्भा करण लागगे। 21 जिब यीशु किस्ती तै दुसरे किनारे पै गया, तो एक बड्डी भीड़ उसके धोरै कट्टी होगी; वो गलील समुन्दर का किनारा था। 22 आराधनालयों कै सरदारां मह तै एक याईर नाम का आदमी आया, अर उसनै देखके उसके पायां के मह पड़ग्या, 23 अर न्यू कहके उस ताहीं बिनती करी, “मेरी छोटी छोरी मरण नै होरी सै: तू आके उसपै हाथ धरदे, तो वा ठीक होके जिन्दा हो जावै।” 24 फेर वो उसके गेल्या चाल्या; अर बड्डी भीड़ उसके पाच्छे हो ली,

याड़े तारीं के माणस उसपै पड़ण लागरे थे। 25 एक बिरबानी थी, जिसके बारहा साल तै लहू बहण की बीमारी थी। 26 उसनै घणे डाक्टरां तै ईलाज करवा कै भी बड़ा दुख ठाया, अर उसनै अपना सारा रपियाँ खर्च कै भी कोए फायदा कोनी होया, पर उसकी बीमारी और भी घणी बढ़गी थी। 27 वा बिरबानी यो सुणकै, यीशु माणसां नै ठीक करे सै भीड़ म्ह उसके पाच्छे तै आई अर उसके लत्ते तारीं छू लिया, 28 अर वा या भी कहवै थी, “जै मै उसके लत्ते नै छू ल्युंगी, तो ठीक हो जाऊंगी।” 29 अर जिब्बे उसका लहू बहणा बन्द हो गया, अर उसनै अपने देह म्ह बेरा लागग्या के मै उस बीमारी तै चंगी होगी सूं। 30 यीशु नै जिब्बे खुद तै बेरा पाटग्या के मेरे म्ह तै सामर्थ लिकड़ी सै, अर भीड़ कै पाच्छे फिरके बुझ्या, “मेरे लत्ते किसनै छुए?” 31 उसके चेल्यां नै उसतै कहा, “तू देखवै सै के भीड़ तेरपै गिरण-पड़ण लागरी सै, अर तू पाच्छे सै के किसनै मेरे तारीं छुया?” 32 फेर उसनै उस तारीं देखण खात्तर जिसनै यो काम करया था, चोगरदेनै निगांह घुमाई। 33 फेर वा बिरबानी न्यू जाणकै के मेरी किसी भलाई होई सै, डरगी अर काम्बदी होई आई, अर उसके पायां म्ह पड़के उस तारीं सारा हाल सच-सच कह दिया। 34 यीशु नै उसतै कहा, “बेट्टी, तेरे बिश्वास नै तेरे तारीं ठीक करया सै, खुशी-खुशी जा, अर अपनी इस बीमारी तै ठीक रह।” 35 यीशु न्यू कहवै था के आराधनालय कै सरदार यार्डर कै घर तै माणसां नै आकै कहा, “तेरी छोरी तो मर ली सै, इब गुरु नै क्यातै काल करै सै?” 36 जो बात वे कहरे थे, उस तारीं यीशु नै बेगौरी करके, आराधनालय कै सरदार तै कहा, “मतना डरै, सिर्फ बिश्वास राख।” 37 अर उसनै पतरस अर याकूब अर उसके भाई यूहन्ना नै छोड़, किसे दुसरे तारीं अपने गेल्या आण ना दिया। 38 आराधनालय कै सरदार कै घर म्ह पोहचकै, उसनै माणसां तारीं घणे रोन्दे अर किलकी मारदे देख्या। 39 फेर उसनै भीत्तर जाकै उनतै कहा, “थम क्यातै रोळा मचाओ अर रोओ सो, छोरी मरी कोनी, पर सोवै सै।” 40 वे उसका मजाक उड़ाण लागे, पर उसनै सारया तारीं बाहर लिकाड़कै छोरी कै माँ-बाप अर अपने चेल्यां कै गेल्या भीत्तर गया, जित्त छोरी पड़ी थी। 41 अर छोरी का हाथ पकड़कै उसतै कहा, “तलिता कूमी।” जिसका मतलब सै, “हे छोरी, मै तेरे तै कहूँ सूँ, उठ।” 42 अर वा छोरी जो बारहा साल की थी, जिब्बे उठके चाल्लण-फिरण लागगी; अर इसपै माणस घणे हैरान होगे। 43 फेर उसनै उन तारीं चेतावनी देकै हुकम दिया के इस बात का किसे नै भी बेरा ना पाटण दियो अर कहा, “इसनै कुछ खाण नै द्यो।”

**6** कफरनहम नगर तै लिकड़कै यीशु अपने नासरत नगर म्ह आया, अर उसके चेल्लें भी उसके पाच्छे गए। 2 आराम कै दिन वो आराधनालय म्ह उपदेश देण लागग्या, अर घणखरे माणसां नै सुणकै अचम्भा करया अर कहण लागे, “इसनै इतनी बात कइ तै आगी?” यो कौण सा ज्ञान सै जो उस तारीं दिया होया सै? किस ढाळ के सामर्थ के काम उसके हाथ्यां तै

दिक्खै सै? 3 के यो वोए खात्ती कोनी, जो मरियम का छोरा, अर याकूब, योसेस, यहूदा, अर शमीन का भाई सै? के उसकी सारी बेब्बे याड़े म्हारे बिचाळे कोनी रहन्दी? इस करके उननै उसका बिश्वास कोनी करा। 4 यीशु नै उनतै कहा, “नबी का अपने गाम, अपने कुणबे, अर अपने घर नै छोड़कै और किते भी निरादर कोनी होन्दा।” 5 वो उड़े कोए चमत्कार के काम नही कर सक्या, सिर्फ थोड़े-से बिमारां पै हाथ धरके उन तारीं ठीक करया। 6 अर यीशु नै उनके अबिश्वास पै हैरानी होई अर चोगरदे के गाम्मां म्ह उपदेश सुणान्दा हांडया। 7 यीशु नै बारहां चेल्यां तारीं अपने धौरे बुलाया अर उननै ओपरी आत्मायाँ पै हक दिया अर उननै दो-दो करके भेजण लागग्या; 8 उसनै चेल्यां तारीं हुकम दिया, “रास्ते खात्तर लाठी नै छोड़ और कुछ ना लियो, ना तो रोटी, ना झोळी, ना बटुए म्ह पईसे, 9 जूत्ते तो पैहरियो पर पैहरण खात्तर दो कुड़ते ना लियो।” 10 अर यीशु नै चेल्यां तारीं कहा, “जित्त किते थम जिस घर म्ह जाओ, तो जिब तारीं उड़े तै बिदा ना होइयो तब तक उससे घर म्ह ठहरे रहो। 11 जिस जगहां के माणस थमनै नही अपनावै अर थारी नही सुणै, उड़े तै चाल्दे-ए अपने ताल्वां की धूळ झाड़ दियो के या उनके बिरुध्द गवाही होवै।” 12 फेर चेल्यां नै जाके प्रचार करया के पाप करणा छोड़ द्यो, 13 अर घणीए ओपरी आत्मा तारीं काढ्या, अर घणे बिमारां पै तेल मळ के उन तारीं ठीक करया। 14 राजा हेरोदेस नै भी यीशु का जिक्र सुणया, क्यूँके उसका नाम फैलग्या था, अर उसनै कहा, के “यूहन्ना बपतिस्मा देण आळा मरया होया म्ह तै जिन्दा होया सै, इस्से करके उसतै ये सामर्थ के काम होवै सै।” 15 दुसरे माणसां नै कहा, “यो एलियाह सै।” पर कुछ दुसरयां नै कहा, “वो एक नबी सै पुराणे नबियाँ म्ह तै किसे कै बरगा।” 16 हेरोदेस नै न्यू सुणके कहा, “जिस यूहन्ना का सिर मन्ने कटवाया था, वोए जिन्दा होया सै।” 17 हेरोदेस नै अपने भाई फिलिप्पुस की घरआळी हेरोदियास कै कारण, जिसतै उसनै ब्याह कर लिया था, माणसां तारीं भेजके यूहन्ना तारीं पकड़वाके जेळ म्ह गेर दिया था। 18 क्यूँके यूहन्ना नै हेरोदेस तै कहा था, “अपणे भाई की घरआळी तारीं राखणा मूसा के नियम-कायदा कै मुताबिक तेरे खात्तर ठीक कोनी।” 19 इस करके हेरोदियास यूहन्ना तै बैर राख्या करै थी अर वा चाहवै थी के उसनै मरवा देवै, पर इसा हो नही सक्या, 20 क्यूँके हेरोदेस यूहन्ना नै धर्मी अर पवित्र माणस जाणके उसतै डरे था, अर उसका बचाव करै था, अर उसकी बात सुणके घणा घबरावै था, फेर भी उसकी बातां नै आनन्द तै सुणै था। 21 आखिरकार एक इसा मौक्का आया, जिब हेरोदेस नै अपने जन्म दिन पै अपने प्रधानां, सेनापतियाँ, अर गलील कै बड़े माणसां कै खात्तर जीमणा करया। 22 तो हेरोदियास की बेट्टी भीत्तर आई, अर नाचके हेरोदेस तारीं अर उसके गेल्या बैठण आळा तारीं राज्जी करया। फेर राजा नै छोरी तै कहा, “तू जो चाहवै मैरे तै माँ ले, मै तन्नै वोए दिगुंगा।” 23 हेरोदेस नै कसम

खाई, “मै अपना आधा राज्य तक जो कुछ तू मेरे तै माँगगी मै तन्नै दियुँगा।” 24 उसनै बाहरणै जाके अपनी माँ तै बुझया, “मै के माँगू?” वा बोल्ली, “यूहन्ना बपतिस्मा देण आळे का सिर।” 25 वा जिब्बे राजा धोरै भीत्तर आई अर उसतै बिनती करी, “मै चाहूँ सूँ के तू इब्बे यूहन्ना बपतिस्मा देण आळे का सिर एक थाळ म्ह मन्नै माँगवा दे।” 26 फेर राजा घणा दुखी होया, पर अपनी कसम के कारण अर गेल्या बैठण आळा के कारण उस ताहीं टाळणा कोनी चाह्या। 27 आखर म्ह राजा नै जिब्बे एक सिपाही ताहीं हुकम देके भेज्या के उसका सिर काट ल्यावै। 28 उसनै जेळखान्ने म्ह जाके उसका सिर काट्या, अर एक थाळ म्ह धरके ल्याया अर छोरी ताहीं दिया, अर छोरी नै अपनी माँ तै दिया। 29 न्यू सुणके यूहन्ना के चेल्लें आए, अर उसकी लाश नै लेगे अर कन्न म्ह धर दी। 30 चेल्लें बोहड़के यीशु के धोरै आये, जो कुछ उननै करया अर सिखाया था, सब कुछ उस ताहीं बता दिया। 31 यीशु नै चेल्यां तै कह्या, “आओ हम किसे एकान्त जगहां म्ह चालके माड़ा आराम करां।” क्यूँके घणे माणस आवै-जावै थे, अर उननै खाण का मौक्का भी कोनी मिलै था। 32 ज्यातै वे किस्ती पै चढ़के सुनसान जगहां म्ह न्यारे चले गए। 33 घणा नै यीशु अर उसके चेल्यां ताहीं जान्दे देखके पिछाण लिया, अर सारे नगरां तै कट्टे होके उड़ै पांए-पाँ भाज लिए अर उनतै पैहल्या जा पोहचे। 34 उसनै उतरके बड़ी भीड़ देखी, अर उनपै तरस खाया, क्यूँके वे उन भेड्या की तरियां थे, जिनका कोए रुखाळा ना हो; अर वो उननै घणीए बात सिखाण लागया। 35 जिब दिन घणा ढळग्या, तो उसके चेल्लें उसके धोरै आके कहण लागगे, “या सुनसान जगहां सै, अर दिन घणा ढळग्या सै। 36 उननै बिदा करके चौगरदेके गाम्मां अर बस्तिरां म्ह जाके, अपने खाण खात्तर कुछ मोल लियावै।” 37 यीशु नै जवाब दिया, “थमे उननै खाण नै द्यो।” चेल्यां नै उस ताहीं कह्या, “के हम दो सौ दीनार (200 दिन की मजदूरी) की रोटी मोल ल्यावां, अर उननै खुआवां?” 38 यीशु नै उन ताहीं कह्या, “जाके देखो थारे धोरै कितनी रोटी सै?” उननै कह्या, “पाँच रोटी अर दो मच्छी भी।” 39 फेर यीशु नै उन ताहीं हुकम दिया के सारया नै हरी घास पै टोळ म्ह बिठा द्यो। 40 वे सौ-सौ अर पचास-पचास करके टोळ म्ह बैठगे। 41 यीशु नै उन पाँच रोटी अर दो मच्छियाँ ताहीं लिया, अर सुर्ग के कान्ही लखाके परमेसवर का धन्यवाद करया, अर रोटी तोड़-तोड़के चेल्यां ताहीं देन्दा गया के वे माणसां ताहीं बाँडे, अर वे दो मच्छियाँ भी उन सारया म्ह बांड दी। 42 सारे खाके धापगे, 43 अर उननै टुकड्या अर मच्छियाँ तै भरी होई बारहा टोकरियाँ ठाई। 44 जिन नै रोटी खाई, वे पाँच हजार आदमी थे। 45 फेर यीशु नै जिब्बे अपने चेल्यां ताहीं किस्ती पै चढ़ण के खात्तर मजबूर करया, ताके वे उसतै पैहल्या उस पार बैतसैदा नगर म्ह चले जावै, जिब तक के वो माणसां ताहीं बिदा करे। 46 चेल्यां नै बिदा करके यीशु पहाड़ पै प्रार्थना करण खात्तर गया। 47 जिब साँझ होई, तो किस्ती

समुन्दर के बिचाळे थी, अर यीशु एक्ला किनारे पै था। 48 जिब उसनै देख्या के वे किस्ती चलाणा म्ह घणी मेहनत करण लागरे सै, क्यूँके हवा उनके स्याम्ही की थी, तो सबेरे तीन बजे के लोवै-धोवै यीशु समुन्दर पै चाल्दे होए उनके धोरै आया; अर उनतै आगै लिकड़ जाणा चाहवै था। 49 पर चेल्यां नै उस ताहीं समुन्दर पै चाल्दे देखके समझ्या के भूत सै, अर किल्की मारण लागगे; 50 क्यूँके सारे उसनै देखके घबरारगे थे। पर उसनै जिब्बे उनतै बात करी अर कह्या, “होसला राक्खो, मै सूँ; डरो मतना!” 51 फेर वो उनके धोरै किस्ती पै आया, अर हवा थमगी: अर वे घणा अचम्भा करण लागगे। 52 चेल्लें उस रोटी की घटना के बारे म्ह कोनी समझै थे, क्यूँके उनके दिल कठोर होरे थे। 53 वे गलील समुन्दर पार करके गन्नेसरत परदेस म्ह पोहचे, अर किस्ती घाट पै लाई। 54 जिब यीशु किस्ती पै तै उतरया तो माणसां नै उस ताहीं पिछाण लिया, 55 लोवै-धोवै के सारे नगर म्ह भाज्जे-भाज्जे, अर बिमारां नै खाट्टां पै लादके, जित्त-जित्त खबर मिली के यीशु ओड़ै सै, उड़ै-उड़ै लिए हान्डे। 56 अर जित्त किते भी वो गाम्मां, नगरां, या बस्तिरां म्ह जावै था, माणस बिमारां नै बजारां म्ह धरके उसतै बिनती करै थे के वो उननै अपने लत्ते के पल्ले तै ए छू लेण दे: अर जितने उसनै छुवै थे, सारे ठीक हो जावै थे।

**7** एक दिन कुछ फरीसी अर शास्त्री जो यरुशलेम नगर तै आए थे, यीशु के धोरै कट्टे होए, 2 अर उननै उसके कुछ चेल्यां ताहीं बिना सुचे होए यानिके बिना हाथ धोए रोटी खांदे देख्या। 3 क्यूँके फरीसी अर सारे यहूदी, बड़े बुजुर्गा के रीति-रिवाजां पै चाल्लै सै अर जिब ताहीं ठीक ढाळ हाथ न्ही धो लेंदे जद ताहीं कोनी खान्दे। 4 अर बजार तै आके, जिब तक के अपने हाथ न्ही धो लेते, जद ताहीं रोटी कोनी खान्दे; और घणीए बात सै, जो उनके रीति-रिवाजां का हिस्सा सै, जिस तरियां कटोरे, अर लोट्टे, अर ताम्बे के बरतनां ताहीं धोणा मान्जणा। 5 इस करके उन फरीसियाँ अर शास्त्रियाँ नै यीशु तै बुझइया, “तरे चेल्लें क्यातै बड़े बुजुर्गा के रीति-रिवाजां पै कोनी चाल्दे, अर बिना हाथ धोए रोटी खावै सै?” 6 यीशु नै फरीसियाँ अर शास्त्रियाँ ताहीं कह्या, “यशायाह नबी नै थम कपटियाँ के बारे म्ह घणी ठीक भविष्यवाणी करी; जिसा लिख्या सै: ‘ये माणस होट्टां तै तो मेरा आदर करै सै पर उनका मन मेरे तै दूर रहवै सै। 7 वे खामखा मेरी पूजा करै सै, क्यूँके माणसां के हुकमां नै धर्म का उपदेश करके सिखावै सै।’” 8 “क्यूँके थम परमेसवर के हुकम नै टाळके माणसां के रिवाजां ताहीं मान्ने सो।” 9 उसनै उन ताहीं कह्या, “थम अपने रिवाजां नै मानण के खात्तर परमेसवर का हुकम कितनी बढ़िया ढाळ टाळ द्यो सो। 10 क्यूँके मूसा नबी नै कह्या सै, ‘अपणे माँ-बाप की इज्जत कर’ अर ‘जो कोए अपने माँ-बाप नै भुंडा बोल्लै, वो जरूर मारया जावै।’ 11 पर थम कहो सो के जै कोए अपने माँ-बाप तै कहवै, ‘जो कुछ मन्नै थारे ताहीं अपनी सम्पत्ति म्ह तै देणा था, वो मन्नै परमेसवर

ताहीं अर्पण कर दिया।' 12 तो थम उननै उसके माँ बाप की कुछ भी सेवा करण नही देन्दे। 13 इस तरियां थम अपनी रीत-रिवाजां तै, जिन ताहीं थमनै ठहराया सै, परमेसवर का वचन टाळ द्यो सो; अर इसे-इसे घणखरे काम करो सो।" 14 फेर यीशु नै माणसां ताहीं अपने धोरे बुलाकै कह्या, "थम सारे मेरी सुणो, अर समझो। 15 इसी कोए चीज कोनी जो माणस म्ह बाहर तै बड़कै उस ताहीं अशुद्ध करै; पर जो चीज माणस कै भीत्तर तै लिकड़ै सै, वैए उस ताहीं अशुद्ध करै सै। 16 (जै किसे के कान हो तो वो ध्यान तै सुण ले।)" 17 जिव यीशु भीड़ नै छोड़कै घरां आया, तो उसके चेल्यां नै इस उदाहरण के बारे म्ह उसतै बुझया। 18 यीशु नै उनतै कह्या, "के थम भी इसे नासमझ सो? के थमनै नही बेरा के जो चीज बाहर तै माणस कै भीत्तर जावै सै वा उसनै अशुद्ध कोनी कर सकदी? 19 क्यूँके वा उसकै मन म्ह नही, पर पेट म्ह जावै सै, अर संडास म्ह लिकड़ जावै सै?" न्यू कहकै उसनै सारी खाणे की चिज्जां ताहीं शुद्ध ठहराया। 20 फेर उसनै कह्या, "जो माणस म्ह तै लिकड़ै सै, वोए माणस नै अशुद्ध करै सै। 21 क्यूँके भीत्तर तै, यानिके माणस के मन तै, भुन्दे-भुन्दे ख्याल, जारी, चोरी, हत्या, बिगानी बिरबानी कै धोरे जाणा, 22 लोभ, दुष्टता, छळ, लुचपण, जलन, बुराई, घमण्ड, अर बेअक्ली लिकड़ै सै। 23 ये सारी भुंड़ी बात भीत्तर तै ए लिकड़ै सै अर माणस नै अशुद्ध करै सै।" 24 फेर यीशु ओड़ै तै उठकै सूर अर सैदा के परदेस म्ह आया; जित्त एक घर म्ह गया अर वो चाहवै था ताके किसे नै उनके बारे म्ह बेरा नही लाग्गे, पर वो लुहक नही सक्या। 25 अर जिब्बे एक बिरबानी जिसकी छोटी छोरी म्ह ओपरी आत्मा थी, उसका जिन्न सुणकै आई, अर उसकै पायां म्ह पड़गी। 26 वा सुरुफिनिकी परदेस के यूनानी जात की थी। बिरबानी नै उसतै बिनती करी के मेरी छोरी म्ह तै ओपरी आत्मा लिकाड़ दे। 27 उसनै उसतै कह्या, "पैहल्या मेरे बच्चें जो यहूदी सै उननै खा लेण दे, क्यूँके बाळकां की रोटी लेकै कुत्यां के आग्रे गेरणा ठीक कोनी।" (यहूदी दुसरी जात के माणसां नै कुत्यां के समान समझै थे) 28 उसनै उस ताहीं जवाब दिया, "साच्ची सै प्रभु; पर कुत्ते भी तो मेज कै तळै बाळकां की रोटी के टुकड़े खा लेवें सै।" 29 यीशु नै उसतै कह्या, "तेरी बात सुणकै तेरे बिश्वास का बेरा पाट्टै सै इस कारण चली जा; ओपरी आत्मा तेरी छोरी म्ह तै लिकड़यी सै।" 30 उसनै अपने घरां आके देख्या के छोरी खाट पै पड़ी सै, अर ओपरी आत्मा लिकड़यी सै। 31 फेर यीशु सूर अर सैदा के परदेसां तै लिकड़कै दिकापुलिस नगर तै होंदा होड़ गलील समुन्दर पै पोंहच्या। 32 तो आदमियाँ नै एक बैहरे ताहीं जो हाकळा भी था, उसकै धोरे आकै उसतै बिनती करी के अपना हाथ उसपै धरै। 33 फेर यीशु उसनै भीड़ तै न्यारा लेग्या, अपनी आन्गळी उसके कान्ना म्ह घाल्ली, अर अपनी आन्गळी पै थूकके उसकी जीभ ताहीं छुया; 34 अर सुर्ग कान्ही देखकै आह भरी, अर उसतै कह्या, "इप्फत्तह!" यानिके "खुल ज्या!"

35 वो सही तरियां सुणण, अर वो सुथरी-ढाळ बोल्लण लाग्या। 36 फेर उसनै उन ताहीं चिताया कह्या के किसे तै ना कहियो; पर जितना यीशु नै उन ताहीं बताया उतनाए वे और प्रचार करण लाग्गे। 37 वे घणे हैरान होकै कहण लाग्गे, "उसनै जो कुछ करया सारा ठीक करया सै; वो बैहरया नै सुणण की, गूंगा नै बोल्लण की ताकत देवै सै।"

**8** एक दिन जिव भीड़ कट्टी होई, अर उनकै धोरे इब कुछ खाण नै कोनी बचा था, तो यीशु नै अपने चेल्यां ताहीं धोरे बुलाकै उनतै कह्या, 2 "मन्नै इस भीड़ पै तरस आवै सै, क्यूँके ये तीन दिनां तै बराबर मेरे गेल्या सै, अर इब उनके धोरे कुछ खाण नै भी कोनी बचा। 3 जै मै उननै भूख्या घरां भेज द्यु, तो राह म्ह थक हार कै बेहोस हो ज्यांगे; क्यूँके इन म्ह तै कई लोग दूर तै आरे सै।" 4 उसकै चेल्यां नै जवाब दिया, "उरै जंगल-बियाबान म्ह इतनी रोटी कोए कित्त तै ल्यावै के वे छिक्क ज्या?" 5 यीशु नै उनतै बुझया, "थारे धोरे कितनी रोटी सै?" उननै कह्या, "सात।" 6 फेर उसनै माणसां ताहीं धरती पै बैठण का हुकम दिया, अर वे सात रोटी लीं अर परमेसवर का धन्यवाद करकै तोड़ी, अर अपने चेल्यां नै देन्दा गया, अर उननै वे रोटी माणसां के आग्रे परोस दी। 7 उनके धोरे माड़ी-सी छोटी मच्छियाँ भी थी; उसनै परमेसवर का धन्यवाद करकै उन ताहीं माणसां के आग्रे धरण का हुकम दिया। 8 वे खाकै छिकगे अर चेल्यां नै बचे होड़ टुकड्या के सात टोकरे भरकै ठापे। 9 अर सारे लोग चार हजार कै करीबन थे; फेर यीशु नै उन ताहीं भेज दिया, 10 अर वो जिब्बे अपने चेल्यां कै गेल्या किस्ती म्ह चढ़कै दलमनूता परदेस नै चल्या गया। 11 जब फरीसियाँ नै देख्या कै यीशु दलमनूता परदेस म्ह आ गया तो वे उसतै बहस करण लाग्गे, अर यो परखण खात्तर के परमेसवर नै यीशु ताहीं भेज्या सै, उसतै कोए सुर्गीय चिन्ह-चमत्कार की माँग करी। 12 यीशु नै अपनी आत्मा म्ह आह भरकै कह्या, "इस बखत के माणस क्यातै चिन्ह-चमत्कार तोहें सै? मै थमनै साच्ची-साच कहूँ सूँ, के इस बखत के माणसां नै कोए चिन्ह-चमत्कार कोनी दिया जावैगा।" 13 अर वो उननै छोड़कै फेर किस्ती पै चढ़ग्या अर गलील समुन्दर के परली ओड़ चल्या गया। 14 चेल्लें रोटी लेणा भूलगे थे, पर किस्ती म्ह उनके धोरे सिर्फ एक-ए रोटी थी। 15 यीशु नै उनकी कपट रूपी शिक्षा के बारे म्ह चिताया, "लखाओ, फरीसियाँ अर हेरोदेस के खमीर तै चौकन्ने रहो।" 16 वे आप्पस म्ह विचार करकै कहण लाग्गे, "म्हारै धोरे तो रोटी सै कोनी।" 17 न्यू जाणकै यीशु नै उनतै कह्या, "थम क्यातै आप्पस म्ह यो विचार कररे सो के म्हारै धोरे रोटी कोनी? के इब ताहीं थम नही जाणे अर नही समझे? के थारा मन कठोर होग्या सै? 18 के आँख होते होए भी कोनी देखदे, अर कान होते होए भी कोनी सुणदे? के थारे याद कोनी। 19 के जिव मन्नै पाँच हजार माणसां के खात्तर पाँच रोटी तोड़ी थी तो थमनै बचे होड़ टुकड्या के कितने टोकरे भरकै ठापे थे, उननै

उसते कह्या, बारहा टोकरे।” 20 “अर जिब चार हजार माणसां के खात्तर सात रोटी थी तो थमनै बचे होइ टुकड्या के कितने टोकरे भरकै ठापे थे?” उननै उसतै कह्या, “सात टोकरे।” 21 उसनै उनतै कह्या, “के थम इब तार्हीं न्ही समझदे?” 22 यीशु अर उसके चेल्लें बैतसैदा कस्बे म्ह आप; अर आदमी एक आन्धे नै उसके धोरे लियाये अर उसतै बिनती करी के उसनै छुवे। 23 वो उस आन्धे का हाथ पकड़के गाम तै बाहरणै लेग्या, अर अपणी आंगळी पै थूकके उसकी आँखां पै हाथ धरते होए उसतै बुझ्या, “के तू कुछ देखखै सै?” 24 उसनै निगांह ठाके कह्या, “मै माणसां नै देखखूँ सू; वे मन्नै चाल्दे होए दरखां की ढाळ दिक्खै सै।” 25 फेर उसनै दुबारा उसकी आँखां पै हाथ धरे, अर आन्धे नै ध्यान तै देख्या। वो ठीक होग्या, अर सारा कुछ सुथरी-ढाळ देखण लाग्या। 26 उसनै उस तार्हीं न्यू कहकै घरां भेज्या, “इस गाम म्ह भी ना जाईये।” 27 यीशु अर उसके चेल्लें कैसरिया फिलिप्पी परदेस के गाम्मां म्ह चले गये। राह म्ह उसनै अपणे चेल्यां तै बुझ्या, “माणस मन्नै के कहवै सै?” 28 उननै जवाब दिया, “यूहन्ना बपतिस्मा देण आळा, पर कोए एलियाह अर कोए-कोए तो उसनै पुराणे नबियाँ म्ह तै एक सै भी कहवै सै।” 29 उसनै उनतै बुझ्या, “पर थम मन्नै के कहो सो?” पतरस नै जवाब दिया, “तू मसीह सै।” 30 फेर उसनै उन तार्हीं समझाके कह्या के मेरे बारे म्ह यो किसे तै ना कहियो। 31 फेर यीशु चेल्यां नै सिखाण लाग्या के माणस के बेटे (उसनै अपणे बारे म्ह कह्या था) खात्तर जरूरी सै के वो घणा दुख ठावै, यहूदी अगुवें, प्रधान याजकां, अर शास्त्री उसनै तुच्छ समझके मार देवें, अर वो तीसरे दिन म्ह जिन्दा हो जावैगा। 32 उसनै या बात उनतै साफ-साफ कह दी। इसपै पतरस उसनै न्यारा ले जाके झिड़कण लाग्या, क्यूँके उसनै सोच्या के मसीह मर न्ही सकदा। 33 पर यीशु नै पलटके अपणे चेल्यां कान्ही देख्या, अर पतरस तै झिड़कके कह्या, “हे शैतान, मेरे स्याम्ही तै दूर हो; क्यूँके तू परमेसवर की बात्तां पै न्ही, पर माणसां की बात्तां पै मन लगावै सै।” 34 यीशु नै भीड़ तार्हीं अपणे चेल्यां सुधा बुलाके कह्या, “जो कोए मेरा चेल्ला बणणा चाहवै, वो अपणी ए इच्छा पूरी ना करै बल्के अपणे दुखां का क्रूस ठाके, मेरे पाच्छे हो लेवै। 35 क्यूँके जो कोए अपणी जान बचाणा चाहवै वो अनन्त काल खात्तर गवावैगा, पर जो कोए मेरे अर सुसमाचार खात्तर अपणी जान गवावैगा, वो उसनै अनन्त काल खात्तर बचावैगा। 36 जे माणस सारी दुनिया की चिज्जां नै पा लेवै अर फेर भी अनन्त जीवन नै न्ही पा सकै, तो उसतै के फैयदा होगा? 37 कोए भी माणस अनन्त जीवन की तुलना दुनिया की किसी भी चीज तै न्ही कर सकता? 38 जो कोए इस जार अर पापी युग के बिचाळै मेरे तै अर मेरे वचन तै इन्कार करैगा, तो मै माणस का बेटा भी जिब पवित्र सुर्मूत्तां के गेल्या अपणे पिता की महिमा सुधा आऊँगा, तो मै भी उसतै इन्कार करूँगा।”

9 यीशु नै उनतै कह्या, “मै थारे तै साच्ची कहुँ सू के जो उरे खड़े सै, उन म्ह तै कइं इसे माणस सै, के जिब तार्हीं परमेसवर के राज्य नै सामर्थ सुधा आन्दा होया न्ही देख लेवैगे, जद तक न्ही मरैगे।” 2 छः दिनां पाच्छे यीशु नै पतरस अर याकूब अर यूहन्ना तार्हीं गेल्या लिया, अर एकान्त म्ह किसे ऊँच्चे पहाड़ पै लेग्या। ओड़े उनके स्याम्ही उसका रूप बदल ग्या, 3 अर उसके लत्ते इसे चमकण लागे उरे तार्हीं जमा धोळाधप होया, के धरती पै कोए धोळी भी उसा धोळा न्ही लिकाड़ सकदा। 4 अर उननै मूसा नबी के गेल्या एलियाह नबी दिख्या; वे यीशु के गेल्या बात करै थे। 5 इसपै पतरस नै यीशु तै कह्या, “हे गुरु, म्हारा उरे रहणा ठीक सै: इस करके हम तीन मण्डप बणावा; एक तेरे खात्तर, एक मूसा नबी खात्तर, एक एलियाह नबी खात्तर।” 6 क्यूँके उसनै कोनी बेरा था, के वो के जवाब देवै, ज्यांतै के वे घणे डरगे थे। 7 फेर एक बादळ उनपै छाग्या, अर उस बादळ म्ह तै परमेसवर नै कह्या, “यो मेरा प्यारा बेटा सै, इसकी सुणो।” 8 फेर उननै चाणचक चौगरदेके निगांह घुमाई, अर यीशु नै छोड़ अपणे गेल्या और किसे तार्हीं कोनी देख्या। 9 पहाड़ तै उतरदी आणी यीशु नै उन तार्हीं हुकम दिया के जिब तार्हीं मै माणस का बेटा मरे होया म्ह तै जिन्दा न्ही हो जाऊँगा, तब तक जो कुछ थमनै देख्या सै वो किसे तै ना कहियो। 10 चेल्यां नै या बात अपणे मन म्ह ए राक्खी, अर आप्स म्ह बहस करण लागे, के “मरे होया म्ह तै जी उठण का के मतलब हो सकै सै?” 11 अर उननै उसतै बुझ्या, “शास्त्री क्यातै कहवै सै के एलियाह नबी का पैहल्या आणा जरूरी सै?” 12 यीशु नै उन तार्हीं जवाब दिया, “यो सच सै एलियाह नबी पैहल्या आके सारा कुछ सुधारैगा, पर मेरे बारे म्ह पवित्र ग्रन्थ म्ह यो क्यातै लिख्या सै के वो घणा दुख ठावैगा, अर तुच्छ गिण्या जावैगा? 13 पर मै थमनै कहुँ सू के एलियाह नबी तो (जो यूहन्ना सै) आ लिया, अर जिसा के उसके बारे म्ह पवित्र ग्रन्थ म्ह लिख्या सै, उननै जो कुछ चाह्या उसके गेल्या करया।” 14 यीशु अर उसके तीन चेल्लें दुसरयां चेल्यां के धोरे आये, तो देख्या के उनके चौगरदे नै घणी भीड़ लागरी सै अर शास्त्री उनके गेल्या बहस करे सै। 15 यीशु तार्हीं देखदे ए सारे घणे हैरान होण लागे, अर उननै यीशु कान्ही भाजके उसतै नमस्कार करया। 16 यीशु नै उनतै बुझ्या, “थम इनतै के बहस करे सो?” 17 भीड़ म्ह तै एक नै उसतै जवाब दिया, “हे गुरु, मै अपणे बेटे तार्हीं जिसम्ह ओपरी आत्मा सै, जो उसनै बोल्लण कोनी देती। मै उस तार्हीं तेरे धोरे ल्याया था। 18 जित्त किते ओपरी आत्मा उसनै पकड़ै सै, उडैए पटक देवै सै: अर वो मुँह म्ह तै झाग भर लावै सै, अर दाँत पिसदा, अर सुखदा जावै सै। मन्नै तेरे चेल्यां तै कह्या के वे ओपरी आत्मा नै काढ देवै, पर वे काढ न्ही सके।” 19 न्यू सुणके यीशु नै उनतै जवाब देके कह्या, “हे अबिश्वासी माणसां, मै कद तार्हीं थारे गेल्या रहुँगा? अर कद तार्हीं थारी सहुँगा? बाळक नै मेरे धोरे ल्याओ।” 20 फेर वे बाळक नै यीशु के धोरे

लियाये: अर जिब ओपरी आत्मा नै यीशु ताहीं देख्या, तो उस ओपरी आत्मा नै जिब्बे उस ताहीं मरोड्या, अर वो धरती पै पड़ग्या, अर मुँह तै झाग बगान्दे होए लोट्टण लाग्या। 21 यीशु नै उसके पिता तै बुड़झ्या, “इसकी या हालत कद तै सै?” उसनै कह्या, “बाळकपण तै। 22 उसनै इस ताहीं नाश करण खातर कदे आग अर कदे पाणी म्ह गेरया, पर जै तू कुछ कर सकै, तो म्हारै पै तरस खाकै म्हारा भला कर।” 23 यीशु नै उसतै कह्या, “या के बात होई! जै तू कर सकै सै? बिश्वास करण आळा खातर सारा कुछ हो सकै सै।” 24 बाळक के पिता नै जिब्बे जोर तै कह्या, “हे प्रभु, मै बिश्वास करूँ सूँ, मेरै अबिश्वास का उपाय कर।” 25 जिब यीशु नै देख्या के माणस भाजकै भीड़ लावै सै, तो उस ओपरी आत्मा ताहीं न्यू कहकै धमकाया, “हे गूँगी अर बैहरी करण आळी ओपरी आत्मा, मै तन्नै हुकम दिखुँ सूँ, उस म्ह तै लिकड़ आ, अर उस म्ह फेर कदे ना बड़ीये।” 26 फेर वा किल्की मारकै अर उस ताहीं घणा मरोड़कै, लिकड़ आई; अर बाळक मरया होया-सा होग्या, उरै ताहीं के घणे आदमी कहण लागे के वो मरग्या। 27 पर यीशु नै उसका हाथ पकड़कै उस ताहीं ठाया, अर वो खड्या होग्या। 28 जिब वो घरां आया, तो उसके चेल्यां नै एकले म्ह उसतै बुड़झ्या, “हम उस ताहीं क्यातै न्ही काढ सकै?” 29 उसनै उनतै कह्या, “या जात, बिना प्रार्थना किसे और उपाय तै कोनी लिकड़ सकदी।” 30 फेर यीशु अर उसके चेल्यां नै ओड़ै तै लिकड़कै, गलील परदेस का राह लिया। यीशु न्ही चाहवै था के कोए उननै जाणै, क्यूँके वो अपने चेल्यां ताहीं सिखाणा चाहवै था 31 यीशु उपदेश देन्दा अर अपने बारे म्ह चेल्यां तै कहवै था, मै “माणस का बेट्टा माणसां के हाथ्यां म्ह पकड़वाया जाऊँगा, अर वे मन्नै मार देवैगें, अर मै मरण कै तीसरे दिन जिन्दा हो जाऊँगा।” 32 पर या बात उनकी समझ म्ह कोनी आई, अर वे उसतै बुड़झण तै डरै थे। 33 यीशु अर उसके चेल्लें कफरनहूम कस्बे म्ह आये; अर घर म्ह आकै उसनै चेल्यां तै बुड़झ्या, “राह म्ह थम किस बात पै बहस कररे थे?” 34 वे बोल-बाल्ले रहे, क्यूँके राह म्ह उननै आप्पस म्ह या बहस करी थी के म्हारै म्ह तै बड़ड़ा कौण सै। 35 फेर यीशु नै बैठकै बारहा चेल्यां ताहीं बुलाया अर उनतै कह्या, “जै कोए बड़ड़ा होणा चाहवै, तो सारया तै छोटा अर सारया का सेवक बणै।” 36 अर उसनै एक बाळक लेकै उनकै बिचाळै खड्या करया अर उस ताहीं गोद्दी म्ह लेकै उन ताहीं कह्या, 37 “जो कोए मेरै नाम तै इसे बाळकां म्ह तै किसे एक नै भी अपणावै सै, वो मन्नै अपणावै सै; अर जो कोए मन्नै अपणावै सै, वो मन्नै न्ही, बल्के मेरै भेजण आळे नै अपणावै सै।” 38 यूहन्ना नै यीशु ताहीं कह्या, “हे गुरु, हमनै एक माणस ताहीं तेरे नाम तै ओपरी आत्मा नै लिकाड़दे देख्या अर हम उसनै मना करण लागे, क्यूँके वो म्हारी तरियां तेरा चेल्ला न्ही था।” 39 उसनै कह्या, “उस ताहीं मना मत करो; क्यूँके इसा कोए न्ही जो मेरै नाम तै अद्भुत काम करै, अर दुसरे पल मेरी बुराई करै 40 क्यूँके

जो म्हारै बिरोध म्ह न्ही, वो म्हारै कान्ही सै। 41 जै कोए एक कटोरा पाणी भी थमनै ज्यांतै प्यावै के थम मसीह के सो तो मै थमनै सच कहुँ सूँ के वो अपना ईनाम किसे तरियां भी न्ही खोवैगा।” 42 पर जो कोए इन छोटे बाळकां के समान जो मेरै पै बिश्वास करै सै, किसे तै भी पाप करवावै तो उसके खातर भला योए सै के एक बड़्डी चाक्की का पाट उसके गळ म्ह लटकया जावै अर वो समुंदर म्ह गेरया जावै। 43 जै तेरा हाथ तेरे तै पाप करवावै तो उसनै काट दे। टुंडा होकै अनन्त जीवन म्ह बड़णा तेरे खातर भला सै इसके बजाये के दो हाथ रहंदे होए नरक की आग म्ह गेरया जावै जो कदे न्ही बुड़ै। (Geenna g1067) 44 (जड़ै उनका कीड़ा कोनी मरदा अर आग कोनी बुड़दी।) 45 जै तेरा पैर तेरे तै पाप करवावै तो उसनै काट दे। लंगड़ा होकै अनन्त जीवन म्ह बड़णा तेरे खातर भला सै इसके बजाये के दो पैर रहंदे होए नरक की आग म्ह गेरया जावै। (Geenna g1067) 46 (जड़ै उनका कीड़ा कोनी मरदा अर आग कोनी बुड़दी।) 47 जै तेरी आँख तेरे तै पाप करवावै तो उसनै लिकाड़ दे। काणा होकै परमेसवर कै राज्य म्ह बड़णा तेरे खातर भला सै के दो आँख रहंदे होए तू नरक म्ह गेरया जावै। (Geenna g1067) 48 “जड़ै उनका कीड़ा कोनी मरदा अर आग कोनी बुड़दी।” 49 हरेक माणस आग तै शुद्ध करया जावैगा, जिस तरियां बलिदान नूण तै शुद्ध करया जावैगा। 50 “नूण एक जरूरत की चीज सै, पर जै नूण का सुवाद जान्दा रहवै तो उसनै किस तरियां नमकीन करोगे? अपने म्ह नूण जिसा गुण राख्खो, अर आप्पस म्ह मेळ-मिलाप तै रहो।”

**10** यीशु ओड़ै तै उठकै यहूदिया नगर की सीमा नै पार करकै, यरदन नदी कै परली ओड़ आया। भीड़ उसकै धोरै कठी होगी, अर अपनी रीत कै मुताबिक उननै दुबारे उपदेश देण लाग्या। 2 फेर फरीसियां नै यीशु के धोरै आकै उस ताहीं परखण खातर उसतै बुड़झ्या, “के यो ठीक सै के माणस अपनी घरआळी नै छोड़ै?” 3 यीशु नै उनतै पूछ्या, “मूसा नबी नै थारे ताहीं के हुकम दिया सै?” 4 उननै कह्या, “मूसा नबी नै तो तलाकनामा देकै अर छोड़ण का हुकम दिया सै।” 5 यीशु नै उनतै कह्या, “थारे मन की कठोरता कै कारण उसनै थारे खातर यो हुकम लिख्या।” 6 “पर सृष्टि की शरूआत तै परमेसवर नै नर अर नारी करकै उन ताहीं बणाया सै। 7 इस कारण माणस अपने माँ-बाप तै न्यारा होकै अपनी घरआळी गेल्या रहवैगा, 8 अर वे दोन्नु कठ्ठे रहवैगें; ज्यांतै के वे इब दो न्ही पर एक तन सै। 9 इस करकै जिस ताहीं परमेसवर नै जोड़या सै उस ताहीं माणस न्यारा ना करै।” 10 जब वे दोबारा घरां आये, तो चेल्यां नै तलाक कै बारे म्ह उसतै फेर बुड़झ्या। 11 यीशु नै उनतै कह्या, “जो कोए अपनी घरआळी नै छोड़कै दुसरी तै ब्याह करे तो वो उस पैहल्डी कै बिरोध म्ह जारी करै सै; 12 अर जै घरआळी अपने धणी नै छोड़कै दुसरे तै ब्याह करे तो वा जारी करै सै।” 13 फेर माणस अपने बाळकां नै उसकै धोरै ल्याण लागे के वो

उनपै हाथ धरै, पर चेल्यां नै उन ताहीं धमकाया। 14 यीशु नै बात कहू लाग्या, जो उसके गेल्या होण आळा था, 33 “देक्खो, न्यू देख छो म्ह होकै कहा, “बाळकां नै मेरै धोरै आण घो अर उननै मना मतना करो, क्यूँके परमेसवर का राज्य बाळकां के समान सै। 15 मै थमनै सच कहूँ सूँ के जो कोए परमेसवर के राज्य नै बाळक की तरियां नही अपणावै, वो उस म्ह कदे नही बड़ण पावेगा।” 16 अर उसनै उन ताहीं गोद्दी म्ह लिया, अर उनपै हाथ धरकै उन ताहीं आशीर्वाद दिया। 17 जिब यीशु अर उसके चेल्लें यरुशलेम की ओड़ जाण लागरे थे, तो एक माणस उसके धोरै भाज्दा होया आया, अर उसके आगै घुटेन टेक के उसतै बुड्झया, “हे उत्तम गुरु, अनन्त जीवन का हकदार होण खातर मै के करूँ?” (aiōnios g166) 18 यीशु नै उसतै कहा, “तू मन्नै उत्तम क्यांतै कहवै सै? परमेसवर नै छोड़के कोए उत्तम कोनी। 19 तन्नै हुकमां का तो बेराए सै: ‘खून नही करणा, जारी नही करणा, चोरी नही करणा, झूठी गवाही नही देणा, छळ नही करणा, अपणे माँ-बाप का आदर करणा।” 20 उसनै यीशु तै कहा, “हे गुरु, इन सारया नै मै बाळकपण तै मानता आऊँ सूँ।” 21 यीशु नै उसपै निगांह करके उसतै प्यार करया, अर उसतै कहा, “तेरे म्ह एक बात की कमी सै। जा, जो कुछ तेरा सै उसनै बेचके कंगालां ताहीं दे, अर तन्नै सुर्ग म्ह धन मिलैगा, अर आकै मेरा चेल्ला बणण खातर मेरै पाच्छै हो ले।” 22 इस बात तै उसके मुँह पै उदासी छाग्यी, अर वो दुखी होंदा होया चल्या गया, क्यूँके वो घणा साहूकार था। 23 यीशु नै चौगरदेकै देखके अपणे चेल्यां तै कहा, “साहूकारां का परमेसवर के राज्य म्ह दाखल होणा कितना ओक्खा सै।” 24 चेल्लें उसकी बात तै हैरान होए। इसपै यीशु नै उनतै दुबारै कहा, “हे बाळकां, जो धन पै भरोस्सा राक्खै सै, उनके खातर परमेसवर के राज्य म्ह बड़णा कितना ओक्खा सै! 25 ऊँट का सूई कै छेद म्ह तै लिकड़णा आसान हो सकै सै। पर परमेसवर के राज्य म्ह साहूकार का बड़णा भोत मुशिकल सै।” 26 वे घणेए हैरान होके आप्पस म्ह कहण लागे, “तो फेर किसका उद्धार हो सकै सै?” 27 यीशु नै उनकी ओड़ देखके कहा, “माणसां तै तो यो नही हो सकदा, पर परमेसवर तै हो सकै सै; क्यूँके परमेसवर खातर कुछ भी मुशिकल कोनी।” 28 पतरस उसतै कहण लाग्या, “देख, हम तो सब कुछ छोड़के तेरे चेल्लें बणगे सा।” 29 यीशु नै कहा, “मै थमनै साच्ची-साच कहूँ सूँ के इसा कोए कोनी, जिसनै मेरै अर मेरै सुसमाचार के खातर घर, भाण-भाई, माँ-बाप, बाळ-बच्चे या जमीन-जायदाद ताहीं छोड़ दिया हो, 30 अर इब इस युग म्ह सताव के बदले म्ह घर, भाण-भाई, माँ-बाप या बाळ-बच्चे अर जमीन-जायदाद का सौ गुणा पर आण आळे बखत म्ह अनन्त जीवन पावेगा। (aiōn g165, aiōnios g166) 31 पर घणखरे जो पैहले सै, पाच्छले होंगे; अर जो पाच्छले सै, वे पैहले होंगे।” 32 वे यरुशलेम नगर म्ह जान्दे होए राह म्ह थे, अर यीशु उनके आगै-आगै जाण लाग रहया था: चेल्लें हैरान थे अर जो चेल्यां कै गैल-गैल चाल्ले थे, वे डररे थे। फेर वो उन बारहां चेल्यां नै न्यारा ले ज्याकै उनतै ये

बात कहू लाग्या, जो उसके गेल्या होण आळा था, 33 “देक्खो, हम यरुशलेम नगर म्ह जावां सा, अर मै माणस का बेट्टा प्रधान याजकां अर शास्त्रियाँ कै हाथ्यां पकड़वाया जाऊँगा, अर वे मन्नै मारण खातर गैर यहूदियाँ कै हाथ्यां म्ह सौपैंगे। 34 वे मेरा मजाक उड़वैंगे, मेरै पै थूकैंगे, मेरै कोरड़े मारैंगे अर मन्नै मार देवैंगे, अर तीसरे दिन मै जिन्दा हो जाऊँगा।” 35 कुछ दिनां बाद जब्दी के दोन्नु बेट्टे याकूब अर यूहन्ना नै यीशु कै धोरै आके कहा, “हे गुरु, हम चाहवां सां के जो कुछ हम तेरे तै माँगा, वो तू म्हारै खातर करै।” 36 यीशु नै उनतै कहा, “थम के चाहो सो के थारे खातर करूँ?” 37 उननै यीशु तै कहा, “हमनै यो हक दे के तेरी महिमा म्ह म्हारै म्ह तै एक तेरे सोळे अर दुसरा तेरे ओळे कान्ही बेट्टे।” 38 यीशु नै उनतै कहा, “थम नही जाणदे के थम के माँगो सो? अर जो दुख का कटोरा मै पीण पै सूँ के थम पी सको सो? अर जो मौत का बपतिस्मा मै लेण पै सूँ के थम ले सको सो?” 39 उननै यीशु तै कहा, “हम कर सका सां।” यीशु नै उनतै कहा, “जो दुख का कटोरा मै पीण पै सूँ, थम पी ल्योगे; अर जो बपतिस्मा मै लेण पै सूँ, उसनै ले भी ल्योगे। 40 पर जिन खातर वा जगहां त्यार करी गई सै, उन ताहीं छोड़ और किसे नै अपणी सोळी अर अपणी ओळी ओड़ बिठाणा मेरा काम कोनी।” 41 न्यू सुणकै बाकी दस चेल्लें याकूब अर यूहन्ना तै चिड़गे। 42 तो यीशु नै उन ताहीं धोरै बुलाके उनतै कहा, “थमनै बेरा सै के जो गैर यहूदियाँ के हाकिम समझे जावै सै, वे उनपै राज करै सै; अर उन म्ह जो बड़े सै, उनपै हक जमावै सै। 43 पर थारे म्ह इसा नही होणा चाहिये, बल्के जो कोए थारे म्ह बड़ड़ा होणा चाहवै वो थारा सेवक बणे; 44 अर जो थारे म्ह प्रधान होणा चाहवै, वो सारया का दास बणै। 45 क्यूँके मै माणस का बेट्टा ज्यांतै कोनी आया के अपणी सेवा-पाणी करवाऊँ, पर ज्यांतै आया के खुद सेवा-पाणी करूँ, अर घणखरयां के छुटकारै कै खातर अपणी जान देऊँ।” 46 यीशु अर उसके चेल्लें यरुशलेम नगर जाते बखत यरीहो नगर म्ह आये, अर जिब वो अर उसके चेल्लें, अर एक बड्डी भीड़ यरीहो नगर तै लिकड़ै जाण लागरी थी, तो सड़क कै किनारे एक आन्धा भिखारी बेठ्या था, जो तिमार्ई का बेट्टा भरतिमार्ई था, 47 उसनै न्यू सुणकै के नासरत का यीशु उरै सै, रुक्के मार-मारकै कहण लाग्या, “हे दाऊद की ऊलाद, यीशु मेरै पै दया कर!” 48 घणाए नै उस ताहीं धमकाया के बोल-बाल्ला रह, पर वो और भी रुक्के मारण लाग्या, “हे दाऊद की ऊलाद, मेरै पै दया कर!” 49 फेर यीशु नै ठहरके कहा, “उस ताहीं बुलाओ।” अर आदमियाँ नै उस आन्धे ताहीं बुलाके उसतै कहा, “धीरज धर! उठ! यीशु तन्नै बुलावै सै।” 50 वो अपणा चोगा बगाकै तोळा उठ्या, अर यीशु कै धोरै आया। 51 इसपै यीशु नै उसतै कहा, “तू के चाहवै सै के मै तेरे खातर करूँ?” आन्धे नै उसतै कहा, “हे गुरु, योए के मै देक्खण लागू।” 52 यीशु नै उसतै कहा,

“चल्या जा, तेरे बिश्वास न तेरे ताहीं ठीक करया सै।” वो जिब्बे देखण लाग्या, अर राह म्ह उसके पाच्छे हो लिया।

**11** जिब यीशु अर उसके चेल्लें यरुशलेम नगर कै लोवै, जैतून पहाड़ पै बैतफगे अर बैतनिय्याह गाम कै धोरै आये तो उसनै अपणे चेल्यां म्ह तै दोग्यां ताहीं न्यू कहकै भेज्या, 2 “स्याम्ही कै गाम म्ह जाओ, अर उस म्ह पोहचदे एक गधी का बच्चा, बन्ध्या होया थमनै मिलेगा। जिसकी सवारी किसे नै इब ताहीं न्ही करी सै, उसनै खोल ल्याओ। 3 जै थारे ते कोए बुड़्झै, यो के करो सो? तो कहियो, ‘प्रभु नै इसकी जरूरत सै, अर वो तोळा उसनै भेज देवैगा।’” 4 चेल्यां नै जाके उस गधी के बच्चे ताहीं बाहरणै दरबाजे के धोरै आँगण म्ह बन्ध्या होया पाया, अर खोल्लण लाग्गे। 5 उन म्ह तै जो ओड़ै खड़े थे, कई कहण लाग्गे, “यो के करो सो, गधी कै बच्चे नै क्यातै खोल्लो सो?” 6 जिसा यीशु नै कह्या था, उससे तरियां उननै कह दिया; फेर माणसां नै उन ताहीं जाण दिया। 7 चेल्यां नै गधी कै बच्चे ताहीं यीशु के धोरै ल्याके उसपै अपणे लत्ते बिछाये अर वो उसपै बैठग्या। 8 फेर घणखरे माणसां नै अपणे लत्ते राह म्ह बिछाये अर ओंरां नै खेतां म्ह तै डालियाँ काटके फैला दी। 9 जो उसके आगै-आगै अर पाच्छे-पाच्छे चाल्लै थे, रुक्के मार-मारके कहन्दे जावे थे, “होशाना!” “धन्य सै वो जो प्रभु कै नाम तै आवै सै!” 10 म्हारै पिता दाऊद का राज्य जो आवै सै; “धन्य सै! अकास म्ह होशाना!” 11 यीशु यरुशलेम नगर पोहचके मन्दर म्ह आया, अर चौगरदे की सारी चिज्जां नै देखके बारहां चेल्यां कै गेल्या बैतनिय्याह गाम म्ह गया, क्यूँके साँझ होग्यी थी। 12 आगले दिन सबेरै जिब यीशु अर उसके चेल्लें बैतनिय्याह गाम तै लिक्डे तो यीशु नै भूख लाग्गी। 13 यीशु दूर तै अंजीर का हरा दरखत देखके उसके धोरै गया के, के बेरा उस म्ह कुछ पा ज्या: पर पत्त्या नै छोड़के उस म्ह कुछ न्ही पाया; क्यूँके फळ लाग्गण का बखत कोनी था। 14 यीशु नै उस दरखत ताहीं देखके उस ताहीं कह्या, “आज कै पाच्छे कोए तेरा फळ न्ही खावैगा!” अर उसके चेल्लें सुणण लागरे थे। (aiōn g165) 15 फेर यीशु अर उसके चेल्लें यरुशलेम म्ह आये, अर वो मन्दर म्ह गया; अर ओड़ै जो व्यापार करै थे उननै बाहरणै लिकाड़ण लाग्या, सर्राफां (पर्दिसा का लेण देण करण आळे) के पीढ़े अर कबूतर बेचणीयाँ की चौकियाँ उल्ट दी, 16 अर मन्दर म्ह किसे ताहीं भी व्यापार करण खात्तर आण-जाण कोनी दिया। 17 अर उपदेश देके उनतै कह्या, “के पवित्र ग्रन्थ म्ह यो न्ही लिख्या सै, के मेरा घर सारी जातां कै खात्तर प्रार्थना का घर कुहावैगा? पर थमनै इस ताहीं डाकुआं की गुफा बणा दी सै।” 18 या घटना सुणके सारे प्रधान याजक अर शास्त्री लोग उसनै मारण का मौक्का तोह लाग्गे; पर वे भीड़ तै डरै थे, क्यूँके सारे माणस उसके उपदेश तै भोत परभावित होवै थे। 19 अर उस दिन साँझ होन्दे यीशु अर उसके चेल्लें रात काट्टण खात्तर यरुशलेम नगर तै बाहरणै चले गये। 20 फेर तड़केए नै जिब

यीशु अर उसके चेल्लें ओड़ै कै जावे थे तो उननै उस अंजीर कै दरखत ताहीं जड़ तै ए सूख्या होया देख्या। 21 पतरस नै वा बात याद आई, अर उसनै उसतै कह्या, “हे गुरु, देख! यो अंजीर का दरखत जिस ताहीं तन्नै श्राप दिया था, वो सूख ग्या सै।” 22 यीशु नै उस ताहीं जवाब दिया, “परमेसवर पै बिश्वास राक्खो। 23 मै थमनै साच्ची कहूँ सूँ के जो कोए इस पहाड़ नै कहवै, ‘तू उखड़ जा, अर समुन्दर म्ह जा पड़,’ अर अपणे मन म्ह शक ना करै, बल्के बिश्वास करै के जो कहूँ सूँ वो हो जावैगा, तो उसके खात्तर वोए होवैगा। 24 ज्यातै मै थमनै कहूँ सूँ के जो कुछ थम प्रार्थना करके माँगो, तो बिश्वास कर ल्यो के थमनै मिलग्या, अर थारे खात्तर हो जावैगा। 25 अर जिब कदे थम प्रार्थना खात्तर खड़े होओ, तो जै थारे मन म्ह किसे के बिरोध म्ह कुछ हो, तो उसनै माफ करो: ज्यातै के थारा सुर्गीय पिता भी थारे अपराध माफ करै। 26 अर जै थम माफ ना करो तो थारा पिता भी जो सुर्गा म्ह सै, थारा कसूर माफ कोनी करैगा।” 27 यीशु अर उसके चेल्लें फेर यरुशलेम म्ह आये, अर जिब वो मन्दर म्ह टहलरया था तो सारे प्रधान याजक अर शास्त्री अर यहूदी अगुवें उसके धोरै आके बुड़्झण लाग्गे, 28 “तू ये काम किस हक तै करै सै? अर यो हक तेरे ताहीं किसनै दिया सै के तू ये काम करै?” 29 यीशु नै उनतै कह्या, “मै भी थारे तै एक बात बुड़्झु सूँ: मन्नै जवाब दियो तो मै थमनै बताऊँगा के ये काम किस हक तै करूँ सूँ। 30 यूहन्ना ताहीं बपतिस्मा देण का हक परमेसवर की ओड़ तै था या माणसां की ओड़ तै था? मन्नै जवाब द्यो।” 31 फेर वे आप्पस म्ह बहस करण लाग्गे के जै हम कहां, परमेसवर की ओड़ तै, तो वो कहवैगा, फेर थमनै बिश्वास क्यातै न्ही करया? 32 अर जै हम कहां, माणसां की ओड़ तै, तो माणसां की भीड़ का डर सै, क्यूँके सारे जाणै सै के यूहन्ना साच्चीये नबी था। 33 उननै यीशु ताहीं जवाब दिया, “हमनै न्ही बेरा।” यीशु नै उनतै कह्या, “मै भी थारे तै कोनी बतान्दा के ये काम किस हक तै करूँ सूँ।”

**12** यीशु उदाहरणां म्ह उनतै बात करण लाग्या: “किसे माणस नै अंगूर का बाग लगाया, अर उसके चौगरदे नै बाड़ा बाँधया, अर रस का कुण्ड खोद्या, अर रूखाळ खात्तर एक मचान बणाया; अर किसानां ताहीं उसका ठेक्का देके परदेस चल्या गया। 2 फेर फळ तोड़ण का बखत लोवै आया, तो बाग के माल्लिक नै अपणे नौक्कर ताहीं उसका फळ लेण नै किसानां धोरै भेज्या के किसानां तै अंगूर के बाग के फळां का हिस्सा लेवै। 3 पर किसानां नै उस नौक्कर ताहीं पकड़के छेल्या अर खाल्ली हाथ भेज दिया। 4 फेर उसनै एक और नौक्कर ताहीं उनके धोरै भेज्या; उननै उसकी बेजती करी उसका सिर फोड़ दिया अर। 5 फेर उस माल्लिक नै एक और ताहीं भेज्या; उननै उस नौक्कर ताहीं भी मार दिया। फेर उसनै और घणाए ताहीं भेज्या; उन म्ह तै उननै कुछ तो छेते अर कुछ मार दियो।” 6 “इब माल्लिक कै धोरै एकैए आदमी रहग्या जो उसका प्यारा

बेटा था; आखर मह उसनै अपने बेटे ताहीं भी उनकै धोरे न्यू का सोचकै भेज्या के वे मेरे बेटे की इज्जत तो जरूर करैगें।” 7 परमेसवर सूं? 27 परमेसवर मरे होया का न्ही बल्के जिन्द्यां उन किसानां नै आप्पस मह कहा, “योए तो वारिस सै; आओ, का परमेसवर सै; थम बड्डी भूल मह पड़े सो।” 28 शास्त्री समाज हम इसनै मार द्या, फेर यो अंगूर का बाग म्हारा हो जावैगा।” 8 के माणसां मह तै एक नै आकै उन ताहीं बहस करदे सुण्या, अर उननै उस ताहीं पकड़कै मार दिया, अर अंगूर के बाग तै न्यू जाणकै उसनै उन ताहीं ठीक ढाळ तै जवाब दिया, अर उसतै बाहरणै बगा दिया। 9 इस करके अंगूर के बाग का मालिक के बड़झया, “सारया तै खास हुकम कोण सा सै?” 29 यीशु नै करैगा? वो आकै उन किसानां का नाश करैगा, अर अंगूर के बाग का ठेक्का दुसरे किसानां नै दे देवैगा। 10 के थमनै पवित्र इस्राएल के माणसां सुणो! प्रभु म्हारा परमेसवर सिर्फ एक ही ग्रन्थ मह यो वचन कोनी पढ्या: जिस पत्थर ताहीं राजमिस्त्रियाँ प्रभु सै, 30 अर तू प्रभु अपने परमेसवर तै अपने सारे मन तै, नै बेकार बताया था, वोए कोणे का खास पत्थर होगया; 11 यो अर अपने सारे प्राण तै, अर अपनी सारी समझ तै, अर अपनी प्रभु की ओड़ तै होया, अर यो म्हारे खात्तर अनोकखा सै! 12 सारी शक्ति तै प्यार राखणा।’ 31 अर दुसरा यो सै, “तू अपने फेर यहूदियाँ के प्रधान नै उस ताहीं पकड़णा चाह्या; क्यूँके वे पड़ोसी तै अपने जिया प्यार राखणा।’ इसतै बड़डा और कोए समझगे थे, के उसनै म्हारे बिरोध मह यो उदाहरण कहा सै: पर तन्ने साच्ची कही के परमेसवर एक-ए सै, अर उस ताहीं छोड़के वे माणसां तै डरगे, अर उसनै छोड़के चले गये। 13 फेर यहूदियाँ और कोए कोनी। 33 अर उसतै सारे मन तै, अर सारे प्राण अर हेरोदेस राजा के समर्थकां ताहीं उसकै धोरे भेज्या। 14 उननै तै, अर सारी समझ तै, अर सारी शक्ति तै प्यार राखणा; अर आकै यीशु तै कहा, “हे गुरु, हमनै बेरा सै, के तू साच्चा सै, अर पड़ोसी तै अपने जिया प्यार राखणा, ये दोन्नु हुकम होमबलियाँ किसे की परवाह न्ही करदा, क्यूँके तू माणसां का मुँह देखके अर बलिदानां तै बाध सै।” 34 जिय यीशु नै देख्या के उसनै बात कोनी करदा, पर परमेसवर की बातें सच्चाई तै सिखावे सै। समझदारी तै जवाब दिया, तो उसतै कहा, “तू परमेसवर कै तो के कैसर ताहीं कर देणा ठीक सै या कोनी? 15 हम देवां, राज्य तै दूर कोनी।” अर किसे नै फेर उसतै बुझण की हिम्मत या न्ही देवां?” उसनै उनका कपट जाणकै उनतै कहा, “मन्नै कोनी होई। 35 फेर यीशु नै मन्दर मह उपदेश देन्दे होए न्यू कहा, क्यातै परखो सो? एक दीनार (एक दिन की मजदूरी) मेरे धोरे “शास्त्री क्यूँ कहवै सै के मसीह दाऊद का बेटा सै? 36 क्यूँके ल्याओ, के मै उसनै देखूँ।” 16 वे लियाए, अर उसनै उनतै दाऊद नै खुद ए पवित्र आत्मा मह होकै कहा सै, “परमेसवर कहा, “या छाप अर नाम किसका सै?” उननै कहा, “कैसर योहोवा नै मेरे प्रभु तै कहा, “मेरे सोली ओड़ बैठ, जिय ताहीं के का।” 17 यीशु नै उनतै कहा, “जो कैसर का सै वो कैसर ताहीं, मै तेरे बैरियाँ नै हरा कै, तेरे पायां की चौककी न्ही बणा दिवूँ।” अर जो परमेसवर का सै परमेसवर ताहीं द्यो।” फेर वे उसपै घणे 37 “दाऊद तो खुद ए उसनै प्रभु कहवै सै, फेर वो उसका बेटा हैरान होण लागे। 18 फेर सदूकी लोग भी, जो कहवै सै के मेरे किस ढाळ होया?” अर भीड़ के माणस उसकी राज्जी होकै होए जिन्दा होए न्ही सकदे; उसकै धोरे आकै उसतै बुझया, 19 सुणै थे। 38 यीशु नै अपने उपदेश मह उनतै कहा, “शास्त्रियाँ तै “हे गुरु, मूसा नबी नै म्हारे खात्तर पवित्र ग्रन्थ मह लिख्या सै के चौकन्ने रहियो, जो लाम्बे-लाम्बे चोगे पहेरे होड़ हाँडे अर बजारां जै किसे का भाई बेऊलादा मर जावे अर उसकी घरआळी रह मह नमस्कार चाहवें सै, 39 अर आराधनालयाँ मह खास-खास जावै, तो उसका भाई उसकी घरआळी तै ब्याह कर लेवे अर जगहां बैठणा, जिम्मण मह खास-खास जगहां भी चाहवें सै। 40 अपने भाई खात्तर पीढ़ी पैदा करै। 20 उदाहरण के तौर पै सात वे बिधवायाँ के घर खा जावै सै अर दिखाण खात्तर घणी वार भाई थे। पैहलडा भाई ब्याह करके बेऊलादा मरगया। 21 फेर ताहीं प्रार्थना करदे रहवै सै। ये घणा दण्ड पावैगें।” 41 यीशु दुसरे भाई नै उसकी बिरबानी तै ब्याह कर लिया अर वो भी मन्दर कै भण्डार के स्याम्ही बैठके देखखै था के आदमी मन्दर कै बेऊलादा मरगया; अर उससे तरियां तीसरे नै भी करया। 22 दानपात्र मह किस तरियां पईसे घालें सै; अर घणखरे साहूकारां नै घणाए कुछ घाल्या। 42 इतनै मह एक कंगाल बिधवा नै आकै दो दमड़ी घाल्लीं। (जो एक धेले के बराबर होवै सै) 43 फेर उसनै अपने चेल्यां ताहीं धोरे बुलाकै कहा, “मै थमनै सच कहुँ 24 यीशु नै उनतै कहा, “थारी गलती या सै के थम पवित्र ग्रन्थ सूं के मन्दर कै दानपात्र मह घाल्लण आळा मह तै इस कंगाल अर परमेसवर की सामर्थ नै न्ही जाणते। 25 क्यूँके जी उठण बिधवा नै सारया तै बाध घाल्या सै; 44 क्यूँके सारया नै अपने के बाद ब्याह शादी कोनी होन्दी, पर सुर्ग मह वो परमेसवर के धन की बढ़दी मह तै घाल्या सै, पर इसनै अपनी घटदी मह तै जो सुर्गदूतां की ढाळ होवैगें। 26 मेरे होया कै जिन्दा होण के बारे उसके धोरे जीवन चलाण खात्तर था, वो सारा घाल दिया।”

**13** जिय यीशु मन्दर तै लिकडै था, तो उसकै चेल्यां मह तै एक नै उसतै कहा, “हे गुरु, लखा, किसे बड़े-बड़े पत्थरां

तै बणाये होए किसे सुधरे भवन सै!” 2 यीशु नै उनतै कह्या, उस क्लेश कै पाछै सूरज अन्धरा हो जावैगा, अर चाँद चाँदणा “के थम ये बड़े-बड़े पत्थरां के भवन देखखो सो: पर उरै एक कोनी देवैगा; 25 अर अकास के तारे पड़ण लागैगें; अर अकास की शक्तियाँ हलाई जावैगी।” 3 जिन यीशु कोनी देवैगा; 26 फेर मुझ माणस के बेटे नै बड्डी मन्दर कै स्याम्ही जैतून कै पहाड़ पै बैठ्या था, तो पतरस, सामर्थ अर महिमा कै गेल्या सब लोग बादळां पै आन्दे देखखेंगे। याकूब, यूहन्ना अर अन्द्रियास नै न्यारे जाकै उसतै बुझइया, 4 27 उस बखत मै अपणे सुगंदूतां नै भेजकै, धरती कै इस सिरे तै “हमने बता के ये बात कद होवैगी? अर जब ये सारी बात पूरी अकास के उस सिरे ताहीं, च्यारु दिशायां तै अपणे चुणे होए होण पै होवैगी उस बखत की के निशान्नी होवैगी?” 5 यीशु माणसां नै कठा करुंगा। 28 अंजीर के दरखत तै यो उदाहरण उनतै कहण लाग्या, “चौकन्ने रहियो के कोए थमनै भकावै न्ही। सीकखो: जिन उसकी डाळी कोमल हो जावै, अर पत्ते लिकड़ण 6 क्यूँके घणखरे मेरै नाम तै आकै कहवैगें, ‘मै मसीह सूं!’ अर लागें सै; तो थम जाण ल्यो सो के गर्मी का बखत लोवै सै। 29 घणाए नै भकावैगें। 7 जिन थम रोळे, अर लड़ाईया का जिक्र इस्से तरियां जिन थम इन बाततां नै होन्दे देखखो, तो जाण ल्यो सुणो, तो घबराईयो ना; क्यूँके इनका होणा जरूरी सै, पर उस के वो भोत तावळा आण आळा सै। 30 मै थमनै साच्ची कहूँ सूं बखत खात्मा कोनी होवैगा। 8 क्यूँके जात पै जात, राज्य पै के जिन ताहीं ये बात न्ही हो लेन्दी, जद ताहीं ये पीढ़ी खतम न्ही राज्य चढ़ाई करैगा। भोत सारी जगहां पै हाल्लण आवैगें, अर होवैगी। 31 धरती अर अकास टळ जावेंगे, पर मेरी बात कदे अकाळ पड़ेंगे, ये तो दुखां की शरुआत ए होवैगी।” 9 “पर थम न्ही टळेगी। 32 “उस दिन या उस बखत कै बारै म्ह कोए न्ही अपणे बारै म्ह चौकन्ने रहो; क्यूँके माणस थारे ताहीं बड्डी सभा जाण्दा, ना सुगंदूत अर ना बेट्ठा; पर सिर्फ पिता जाणै सै। 33 म्ह सौपैगें अर थम आराधनालयों म्ह छितोगे, अर मेरै कारण लखाओ, जागदे अर प्रार्थना करदे रहो; क्यूँके थमनै न्ही बेरा के हाकिमां अर राजां के आगै खड़े करे जाओगे, ताके थम मेरै बारें वो बखत कद आवैगा। 34 मेरै आण का बखत उस माणस के म्ह गवाही दे सको। 10 पर जरूरी सै के पैहल्या सुसमाचार सारी समान सै, जो परदेस जान्दे बखत अपना घर छोड़ जावै, अर जानतां म्ह प्रचार करया जावै। 11 जिन वे थमनै ले जाकै सौपैगें, अपणे नौकरां ताहीं हक देवै, अर हरेक नै उसका काम बता तो पैहल्या तै फिक्र ना करियो इब हम के कहवागें; पर मेरी देवै, अर पहरेदार ताहीं जागदे रहण का हुकम देवै। 35 “इस कुछ थमनै उस बखत बताया जावै वोए कहियो; क्यूँके बोल्लण करके जागदे रहो, क्यूँके थमनै न्ही बेरा के घर का मालिक कद आळे थम कोनी सो, पर पवित्र आत्मा सै।” 12 “भाई नै भाई, बखत या तड़कै ए तड़कै नै। 36 इसा ना हो के वो चाणचक पिता नै बेट्ठा मारण खात्तर सौप देंगें, अर बाळक माँ-बाप कै आकै थमनै सोंदे पावै। 37 अर जो मै थमनै कहूँ सूं वोए सारया बिरोध म्ह खड़े होके उन ताहीं मरवा देवैगें। 37 अर जो मै थमनै कहूँ सूं जागदे रहो!” नै कहूँ सूं जागदे रहो!”

**14** दो दिनां पाछै फसह अर अखमीरी रोटी का त्यौहार होण आळा था। प्रधान याजक अर शास्त्री इस बात की टाह आळा था। प्रधान याजक अर शास्त्री इस बात की टाह म्ह थे के यीशु ताहीं किस ढाळ कपट तै पकड़के मार देवै; 2 पर वे कहवै थे, “त्यौहार के दिन न्ही, कदे इसा ना हो के माणसां म्ह रोळा माच्चै।” 3 जिन यीशु बैतनिय्याह नगर म्ह आया, ओड़ै यीशु शमौन नाम के माणस जो कोढ़ तै ठीक होया था, उसके घरां खाणा खाण बैठ्या, तो एक बिरबान्नी संगमरमर कै बरतन म्ह जटामांसी का शुद्ध महंगा खसबूदार तेल लेकै आई, अर बरतन तोड़के महंगा खसबूदार तेल उसके सिर पे उडेल दिया। 4 पर उन म्ह तै कई माणस अपणे मन म्ह बड़बड़ाने लागे, “इस महंगा खसबूदार तेल का क्यातै सत्यानाश कर दिया? 5 क्यूँके यो महंगा खसबूदार तेल तो तीन सौ दीनार (तीन सौ दिन की मजदूरी) तै भी घणी किम्मत पै बेचके कंगालां म्ह बांडया जा सकै था।” अर उस बिरबान्नी ताहीं झिड़कण लागे। 6 यीशु नै कह्या, “उस ताहीं छोड़ धो; उसने क्यातै सताओ सो? उसने मेरै गेल्या भलाई करी सै। 7 कंगाल थारे गेल्या सारी हाण रहवै सै, अर थम जिन चाहो जद उनतै भलाई कर सको सो; पर मै थारे गेल्या सारी हाण कोनी रहुंगा। 8 जो कुछ वा कर सकी, उसनै करया; उसनै मेरै गाडु जाण की तयारी म्ह पैहला ए महंगा

खसबूदार तेल मेरी देह पै उंडेला सै। 9 मै थमनै साच्ची कहूँ सूँ के सारे दुनिया म्ह जित्त किते भी सुसमाचार प्रचार करया जावैगा, जो उसनै करया वो सदा याद करया जावैगा।” 10 फेर यहूदा इस्करियोती जो बारहा चेल्यां म्ह तै एक था, प्रधान याजकां के धारे गया के यीशु ताहीं उनके हाथ पकड़वा देवै। 11 वे न्यू सुणके राज्जी होगे, अर उस ताहीं रपिये देण खात्तर मानगे; अर वो मौक्का टोह्ण लाग्या के उस ताहीं किसे ढाळ पकड़वाया जावै। 12 अखमीरी रोटी के त्योंहार के पैहलड़े दिन, जिसम्ह वे फसह खात्तर मेन्ने का बलिदान करै थे, उसके चेल्यां नै उसतै बुझइया, “तू कित्त जाणा चाहवै सै के हम जाकै तेरे खात्तर फसह भोज की त्यारी करा?” 13 उसनै अपने चेल्यां म्ह तै दो ताहीं न्यू कहकै भज्या, “यरुशलम नगर म्ह जाओ, अर एक माणस पाणी का पेंढा ठाप होए थमनै मिलैगा, उसके पाच्छे हो लियो; 14 अर वो जिस घर म्ह जावै, उस घर के मालिक ताहीं कहियो, ‘गुरु कहवै सै के बैठक कित्त सै? जिसम्ह मै अपने चेल्यां गेल्या फसह भोज खाऊँ।’ 15 वो थमनै एक सजी-सजाई, अर त्यार करी होइ बड़ी अटारी दिखा देवैगा, ओइ म्हारै खात्तर त्यारी करो।” 16 चेल्लें लिक्ड़के नगर म्ह आये, अर जिसा यीशु नै उनतै कहा था, उससे तरियां पाया; अर फसह का भोज त्यार करया। 17 जिब साँझ होई, तो यीशु बारहा चेल्यां के गेल्या आया। 18 जिब वे बेट्टे खाणा खावै थे, तो यीशु नै कहा, “मै थमनै साच्ची कहूँ सूँ के थारे म्ह तै एक, जो मेरे गेल्या खाणा खाण लागरया सै, वो मन्ने धोक्खा देकै पकड़वावैगा।” 19 उनपै उदासी छग्यी अर वे एक-एक करके उसतै कहण लागगे, “के वो मै सूँ?” 20 उसनै उनतै कहा, “वो बारहां चेल्यां म्ह तै एक सै, जो मेरे गेल्या थाळी म्ह हाथ घाले सै। 21 क्यूँके मै माणस का बेट्टा तो, जिसा मेरे बारै म्ह पवित्र ग्रन्थ म्ह लिख्या सै; मेरा मर जाणा तो पक्का सै, पर उस माणस पै थिक्कार सै जिसके जरिये मै माणस का बेट्टा पकड़वाया जाऊँगा! जै उस माणस का जन्म ए न्ही होंदा, तो उसके खात्तर भला होंदा।” 22 जिब वे खाण ए लागरे थे, उसनै रोटी लेकै परमेसवर का धन्यवाद करया, अर आशीष माँगके तोड़ी, अर उन ताहीं दी, अर कहा, “ल्यो, या मेरी देह सै।” 23 फेर यीशु नै अंगूर के रस का कटोरा लेकै परमेसवर का धन्यवाद करया, अर उन ताहीं दिया; अर उन सारया नै उस म्ह तै पिया। 24 अर उसनै उनतै कहा, “यो अंगूर का रस मेरे लहू नै दशवि सै, जिसका करार परमेसवर नै लोगां तै करया जो घणाए खात्तर बहाया जावै सै।” 25 “थमनै साच्ची कहूँ सूँ, के अंगूर के रस नै मै इब तै इसनै उस दिन तक न्ही पिऊँगा, जिब ताहीं परमेसवर के राज्ज म्ह थारे गेल्या नया रस न्ही पीऊँ।” 26 फेर वे भजन गाके बाहरणै जैतून के पहाड़ पै गए। 27 जिब यीशु अर उसके चेल्लें राह म्ह थे, तो उसनै उनतै कहा, “थम सारे मेरा साथ छोड़के चले जाओगे,” “क्यूँके पवित्र ग्रन्थ म्ह लिख्या सै:” मै रखाळे नै मारूँगा, अर झुण्ड की सारी भेड़ तित्तर-बितर हो जावैगी। 28 पर मै अपने जी उठण के

बाद थारे तै पैहल्या गलील परदेस म्ह मिलूँगा। 29 पतरस नै उसतै कहा, “जै सारे छोड़ै तो छोड़ै, पर मै तेरा साथ कदे न्ही छोड़ूँगा।” 30 यीशु नै उसतै कहा, “मै तेरे तै सच कहूँ सूँ आज ए इससे रात नै मुर्गे के दो बर बाँग देण तै पैहल्या, तू तीन बर मेरे बारै म्ह मुकरैगा।” 31 पर उसनै और भी पक्के बिश्वास तै कहा, “जै मन्ने तेरे गेल्या मरणा भी पड़ै, तोभी मै तेरा इन्कार कदे कोनी करूँगा।” इससे तरियां और सारया चेल्यां नै भी कहा। 32 फेर यीशु अर उसके चेल्लें गतसमनी नामक बाग म्ह एक जगहां म्ह आए, अर उसनै अपने चेल्यां तै कहा, “उरै बेट्टे रहो, जिब ताहीं मै प्रार्थना करूँ।” 33 अर वो पतरस, याकूब अर यूहन्ना ताहीं अपने गेल्या लेग्या; अर घणाए काल अर दुखी होण लाग्या, 34 अर उनतै कहा, “मेरा मन घणा उदास सै, उरै ताहीं के मै मरण पै सूँ; थम उरै ठहरो, अर जागदे रहो।” 35 फेर वो माड़ा आगै सरक्या अर धरती पै पड़के प्रार्थना करण लाग्या के जै हो सकै तो या मुसीबत की घड़ी मेरे पै तै टळ जावै, 36 अर कहा, “हे अब्बा, हे पिता, तू सारा कुछ कर सकै सै; इस दुख का कटोरे ताहीं मेरे धारे तै हटा ले: तोभी जिसा मै चाहूँ सूँ उसा न्ही, पर जो तू चाहवै सै वोए हो।” 37 फेर यीशु आया अर चेल्यां ताहीं सोन्दे पाके पतरस तै कहा, “हे शमौन, तू सोवै सै? के तू एक घड़ी भी कोनी जाग सक्या? 38 जागदे रहो अर प्रार्थना करदे रहो के थम इम्तिहान म्ह ना पड़ो। इस म्ह कोए शक कोनी के आत्मा तो त्यार सै, पर देह कमजोर सै।” 39 अर यीशु फेर चल्या गया अर दोबारा भी वाए प्रार्थना करी। 40 फेर आके उन ताहीं सोन्दे पाया, क्यूँके चेल्यां की आँख नींद तै भरी थी; अर न्ही जाणै थे, के उसनै के जवाब देवै। 41 फेर तीसरी बर आके उनतै कहा, “थम इब भी सोण लागरे सोण सों? बखत आ लिया; देख्यो, मै माणस का बेट्टा पापियाँ के हाथ्यां पकड़वाया जाऊँ सूँ। 42 उठो, चाल्लां! लखाओ, मेरा पकड़वाण आळा लोवै आण पोंहच्या सै।” 43 यीशु न्यू कहण ए लागरया था के यहूदा जो बारहा चेल्यां म्ह तै एक था, अपने गेल्या प्रधान याजकां अर शास्त्रियाँ अर यहूदी अगुवां की ओड़ तै एक बड़ी भीड़ लेकै जिब्बे आण पोंहच्या, जो तलवार अर लाठी लेरे थे। 44 यीशु के पकड़वाण आळे नै उन ताहीं यो इशारा दिया था के जिस ताहीं मै चुमूँ वोए यीशु होगा, उस ताहीं पकड़के सावधानी तै ले जाईयो। 45 वो आया, अर जिब्बे उसके धारे जाके बोल्या, “हे गुरु!” अर उस ताहीं चुम्या। 46 फेर उननै उसपै हाथ गेर के उस ताहीं पकड़ लिया। 47 उन बारहा चेल्यां म्ह जो धारे खड़े थे, एक नै तलवार खिंचके महायाजक के नौक्कर पै चलाई, अर उसका कान उड़ा दिया। 48 यीशु नै उनतै कहा, “के थम डाकू जाणके मन्ने पकड़ण के खात्तर तलवार अर लाठी लेकै लिक्ड़े सो? 49 मै तो हरेक दिन मन्दर म्ह थारे गेल्या रहके उपदेश दिया करूँ था, अर जिब थमनै मेरे ताहीं कोनी पकड़्या: पर न्यू ज्यांते होया सै के पवित्र ग्रन्थ म्ह लिखी बात पूरी होवै।” 50 यो सब देखके सारे चेल्लें उसनै छोड़के भाजगे। 51 एक जवान

अपणी उघाड़ी देह पै चादर ओढ़े होड़ उसकै पाच्छे हो लिया, 15 सबेरा होन्दे जिब्बे सारे प्रधान याजकां, यहूदी अगुवां अर आमाणसां नै उस ताहीं पकड्या। 52 पर वो चादर छोड़के उघाड़ा भाजग्या। 53 फेर वे यीशु ताहीं महायाजक कै धोरै लेगे, अर सारे प्रधान याजक, यहूदी अगुवें अर शास्त्री उसकै ओड़ै कठ्ठे होगे। 54 पतरस दूर ए दूर उसकै पाच्छे-पाच्छे महायाजक कै आँगण कै भीत्तर ताहीं गया, अर सिपाहियाँ कै गेल्या बैठके आग पै सीकण लाग्या। 55 प्रधान याजक अर यहूदी अगुवां की सभा यीशु ताहीं मारण कै खात्तर उसकै बिरोध म्ह गवाही की टोह म्ह थे, पर कोन्या मिली। 56 क्यूँके घणखरे उसकै बिरोध म्ह झूठी गवाही देवै थे, पर उनकी गवाही एक सी कोनी थी। 57 फेर कुछ माणसां नै उठके यीशु कै बिरोध म्ह या झूठी गवाही दी, 58 “हमनै इस ताहीं कहन्दे सुणया सै, ‘मै इस हाथ कै बणाए होड़ मन्दर नै गेर दियुंगा, अर तीन दिन म्ह दुसरा बणाऊंगा, जो हाथ्यां तै न्ही बणया हो।’” 59 इस बात म्ह भी उनकी गवाही एक सी कोनी लिक्डी। 60 फेर महायाजक नै बिचाळे खड़े होके यीशु तै बुझ्या, “तू कोए जवाब न्ही देँदा? ये माणस तेरे बिरोध म्ह के गवाही देवै सै?” 61 पर वो बोल-बाल्ला रहया, अर कुछ जवाब न्ही दिया। महायाजक नै उसतै दुबारा बुझ्या, “के तू ए परम धन्य परमेसवर का बेटा मसीह सै?” 62 यीशु नै कह्या, “हाँ मै ए सूं: अर थम मुझ माणस के बेटे ताहीं सर्वशक्तिमान परमेसवर की सोळी ओड़ बेटे, अर अकास के बादळां कै गेल्या आन्दे देखोगे।” 63 फेर महायाजक नै अपणे लत्ते पाड़के कह्या, “इब हमनै गवाह की और के जरूरत सै?” 64 थमनै या बुराई सुणी। थारी के राय सै? उन सारया नै कह्या के यो मारण कै जोगमा सै। 65 फेर कई तो उसपै थूकते, अर कई उसका मुँह ढक्ते होए, कई उसकै घुस्से मारते होए उसतै कहण लागे, जै तू नबी सै, “तो भविष्यवाणी कर।” के तेरे कौण मारै सै, अर सिपाहियाँ नै उस ताहीं पकड़के थप्पड़ मारे। 66 जिब पतरस तळै आँगण म्ह था, तो महायाजक की नौकराणियाँ म्ह तै एक उड़ै आई, 67 अर पतरस ताहीं आग सिक्दे देखके उस ताहीं गौर तै देख्या अर कहण लागी, “तू भी तो उस नासरत के यीशु कै गेल्या था।” 68 पतरस मुकरग्या, अर बोल्या, “मै ना ए जाण्दा अर ना ए समझू सूं के तू के कहवै सै।” फेर वो बाहरणै देहळीया म्ह गया; अर मुर्गे नै बाँग दी। 69 वा नौकराणी उसनै ओड़ै देखके उनतै जो धोरै खड़े थे, दुबारा कहण लागी, “यो उन म्ह तै एक सै।” 70 पर वो फेर मुकरग्या। माड़ी बार पाच्छे उननै जो धोरै खड़े थे फेर पतरस ताहीं कह्या, “पक्का तू उन म्ह तै एक सै, क्यूँके तू गलीली भी सै।” 71 फेर वो धिक्कारण अर कसम खाण लाग्या, “मै उस माणस नै, जिसका थम जिक्क करो सो, कोनी जाण्दा।” 72 फेर जिब्बे दुसरी बार मुर्गे नै बाँग देई। पतरस ताहीं वाए बात जो यीशु नै उसतै कही थी याद आई “मुर्गे के दो बर बाँग देण तै पैहल्या तू तीन बार मेरा इन्कार करैगा।” अर वो इस बात नै सोचके फूट-फूटके रोण लाग्या।

चढ़ाया अर उसके लत्यां पै पर्चीं गेर कै, के किसनै के मिलै, उननै बांड लिये। 25 अर सबैरे के नौ बजे थे, जिब उननै यीशु ताहीं क्रूस पै चढ़ाया। 26 अर उसका दोषपत्र लिखके क्रूस के उप्पर लगा दिया के “यहूदियाँ का राजा।” 27 उननै उसके गेल्या दो डाकू, एक उसकी सोळी अर एक उसकी ओळी ओड़ क्रूस पै चढ़ा दिये। 28 (तब पवित्र ग्रन्थ का वो वचन के वो अपराधियाँ गेल्या गिणया गया, पूरा होया।) 29 अर राह म्ह जाण आळे सिर हला-हल्लाके अर न्यू कहके उसकी बेजती करै थे, “वाह! मन्दर के गेरण आळे, अर तीन दिन म्ह बणाण आळे! 30 क्रूस पै तै उतरके अपणे-आपनै बचाले।” 31 इस्से तरियाँ तै प्रधान याजक भी, शास्त्रियाँ सुधा, आप्पस म्ह मजाक करके कहवै थे, “इसनै औराँ ताहीं बचाया, पर अपणे-आपनै न्ही बचा सकदा। 32 इस्राएल का राजा, मसीह, इब क्रूस पै तै उतर आ, के हम देखके बिश्वास करया।” अर जो डाकू उसके गेल्या क्रूस पै चढ़ाए गए थे, वे भी उसकी बेजती करै थे। 33 दोफारी होण पै सारे देश म्ह अँधेरा छाग्या, अर तीन बजे ताहीं रहया। 34 तीन बजे यीशु नै बड़े जोर तै रुक्के मारके कह्या, “इलोई, इलोई, लमा शबक्तनी?” जिसका मतलब यो सै, “हे मेरे परमेसवर, हे मेरे परमेसवर, तन्नै मेरे ताहीं क्यातै छोड़ दिया?” 35 जो धोरे खड़े थे, उन म्ह तै कितन्याँ नै न्यू सुणके कह्या, “लखाओ, वो एलियाह ताहीं बुलावै सै।” 36 अर एक नै भाजके फोम ताहीं सिरके म्ह डूबोया, अर सरकण्डे पै धरके उस ताहीं चुसाया अर कह्या, “ठैहर जाओ, देख्वाँ, एलियाह उस ताहीं उतारण खात्तर आवे सै के न्ही।” 37 फेर यीशु नै बड़े जोर तै किल्की मारके जी दे दिया। 38 अर मन्दर का पड़दा उप्पर तै तळै ताहीं पाटके दो टुकड़े होग्या। 39 जो सूबेदार उसके स्याम्ही खड्या था, जिब उस ताहीं इस ढाल किल्की मारके जी देन्दे देख्या, तो उसनै कह्या, “साच्चए यो माणस, परमेसवर का बेटा था!” 40 कई बिरबान्नी भी दूर तै देखवै थी: उन म्ह मरियम मगदलीनी, छोटे याकूब अर योसेस की माँ मरियम, अर सलोमी थी। 41 जिब यीशु गलील परदेस म्ह था, तो ये जनानियाँ जो यीशु की चेल्ली थी, वो उसकी सेवा-पाणी करया करै थी; अर घणखरी बिरबान्नी भी थी, जो उसके गेल्या यरुशलेम नगर तै आई थी। 42 यो आराम के दिन का एक दिन पैहले की तैयारी का दिन था, अर इब साँझ हो गयी थी। 43 अरिमतिया गाम का बासिन्दा यूसुफ आया, जो बड़ी सभा का खास माणस था अर खुद भी परमेसवर के राज्य की बाट देखवै था। वो हिम्मत करके पिलातुस के धोरे गया अर यीशु की लाश माँगी। 44 पिलातुस नै हैरानी होई के वो इतनी तावळी मरग्या, उसनै सूबेदार ताहीं बुलाके बुझ्झया, “के उस ताहीं मेरे होए वार होई सै?” 45 जिब उसनै सूबेदार के जरिये हालत जाण ली, तो लाश यूसुफ ताहीं दुवा दी। 46 फेर उसनै मलमल की एक चादर मोल ली, अर लाश ताहीं उतारके उस चादर म्ह लपेटा, अर एक कन्न म्ह जो चट्टान म्ह खोद राक्खी थी धरया, अर कन्न के बारणै पै एक

पत्थर गिरड़ा दिया। 47 मरियम मगदलीनी अर योसेस की माँ मरियम देखवै थी के वो कित धरया गया सै।

**16** जिब आराम का दिन बीतग्या, तो मरियम मगदलीनी, अर याकूब की माँ मरियम, अर सलोमी नै खसबूदार चीज मोल ली, ताके आके यीशु की लाश पै मळै। 2 हफ्तै के पैहल्ले दिन तड़के ए तड़के सूरज लिकड़ाए था, वे कन्न पै आई, 3 अर आप्पस म्ह कहवै थी, “म्हारै खात्तर कन्न के दरबाजे पै तै पत्थर कौण गिरड़ावैगा?” 4 जिब उननै कन्न की ओड़ निगांह करी, तो देख्या के पत्थर गिरड़या होया सै! यो घणाए बड़ड़ा था। 5 कन्न के भीत्तर जाके उननै एक जवान ताहीं धोळे लते पहेरे होड़ सोळी ओड़ बेठे देख्या, अर उननै घणी हैरान होई। 6 उसनै उनतै कह्या, “हैरान मतना होवो, थम यीशु नासरी नै टोहो सो, जो क्रूस पै चढ़ाया गया था, वो जिन्दा होग्या सै, अर उरै कोनी; लखाओ, याए वा जगहां सै, जित्त उननै यीशु की लाश ताहीं धरया था। 7 पर थम जाओ, अर उसके चेल्याँ अर पतरस ताहीं कहो के वो थारे तै पैहल्या गलील परदेस म्ह जावैगा। जिसा के उसनै थारे तै कह्या था, थम ओड़ैए उसनै देख्खोगे।” 8 अर वे लिकड़के कन्न तै बाहर भाजग्या; क्यूँके वे काम्बगी अर उनकै घबराट होगी थी; अर उननै किसे तै कुछ न्ही कह्या, क्यूँके वे डरै थी। 9 (note: The most reliable and earliest manuscripts do not include Mark 16:9-20.) हफ्तै के पैहल्ले दिन सबेर होन्दे यीशु जिन्दा होके पैहलम-पैहल्या मरियम मगदलीनी ताहीं जिसम्ह तै उसनै सात ओपरी आत्मा काड्डी थी, दिख्या। 10 उसनै जाके यीशु के साथियाँ ताहीं खबर दी, जो दुख म्ह डूबरे थे, अर रोवै थे। 11 उननै न्यू सुणके के वो जिन्दा सै, अर मरियम मगदलीनी नै उस ताहीं देख्या सै, उसकी बात का बिश्वास कोनी करा। 12 इसके बाद यीशु दुसरे रूप म्ह उन म्ह तै दो चेल्याँ ताहीं दिख्या, जिब वे गाम कान्ही जावै थे। 13 उननै भी यरुशलेम नगर तै बोहड़के दुसरयाँ ताहीं इस बारे म्ह खबर दी, पर उननै उनका भी बिश्वास कोनी करया। 14 पाच्छै यीशु उन ग्यारहां चेल्याँ ताहीं भी दिख्या, जिब वे खाणा खाण बेठे थे, अर उनके अबिश्वास अर मन की कठोरता पै उल्हाणा दिया, क्यूँके जिन नै उसके जिन्दा होण के पाच्छै उस ताहीं देख्या था, चेल्याँ नै उनका भी बिश्वास कोनी करया था। 15 अर यीशु नै उनतै कह्या, “थम सारी दुनिया म्ह जाके सारी सृष्टि के माणसां ताहीं सुसमाचार प्रचार करो। 16 जो बिश्वास करै अर बपतिस्मा लेवै उससे का उद्धार होवैगा, पर जो बिश्वास कोनी करैगा वो कसूरवार ठहरया जावैगा; 17 बिश्वास करण आळा म्ह या निशान्नी होवैगी के वे मेरे नाम तै ओपरी आत्मयाँ नै काड्ढेगें, नई-नई भाषा बोल्लैगें, 18 साँप नै हाथ्यां म्ह ठा लेवैगें, अर जै वे गलती तै जहर भी पी जावै तोभी उनका कुछ न्ही बिगडैगा; वे बिमाराँ पै हाथ धरैगें, अर वे चंगे हो जावैगें।” 19 फेर प्रभु यीशु उनतै बात करण के पाच्छै सुर्ग पै ठा लिया गया, अर परमेसवर के सोळी ओड़ बैठग्या। 20 अर उननै लिकड़के हरेक जगहां प्रचार करया, अर

प्रभु उनकै गेल्या काम करदा रहया, अर उन निशान्नी कै जरिये  
जो गैल-गैल होवै थै, अर साबित करदा रहया के वचन सच्चा  
सै। आमीन।

# लूका

1 हे जनाब थियुफिलुस, घणखरयां माणसां नै म्हारे बिचाळै घटी बात्तां का ब्यौरा लिखण की कोशिश करी सै। 2 शरुआत तै ए जो यीशु मसीह की सेवकाई म्ह साथ थे अर वे बाद म्ह वचन के सेवक बणगे, उननै ए आँखां देक्खी बात म्हारे ताहीं बताई। 3 इस करके हे जनाब थियुफिलुस, मन्ने भी यो ठीक लाग्या के उन सारी बात्तां का सारा हाल शरु तै आच्छी दाहू परख कै, उननै तेरे खात्तर क्रमानुसार लिखूँ 4 के तू या जाण ले के वो बात जिनकी तन्नै शिक्षा पाई सै, वो सच्ची सै। 5 यहूदिया परदेस के राजा हेरोदेस के बखत म्ह अबिय्याह के टोळ म्ह जकरयाह नाम का एक याजक था, अर उसकी घरआळी का नाम एलीशिबा था, अर दोन्नु हारुन की पीढ़ी के थे। 6 वे दोन्नु परमेसवर के स्याम्ही धर्मी थे, अर प्रभु के सारे हुकम अर नियमां पै बेखोट चालण आळे थे। 7 पर उनके कोए भी ऊलाद कोनी थी, क्यूँके एलीशिबा बाँझ थी, अर वे दोन्नु ए बूढ़े थे। 8 एक दिन मन्दर म्ह जिब याजक के काम की बारी जकरयाह के टोळ की आई, तो वो परमेसवर के स्याम्ही पूजा करण खात्तर ओड़े मौजूद था, 9 तो याजकां की रीत के मुताबिक उसके नाम की चिट्ठी लिंकडी के प्रभु के मन्दर म्ह जाके धूप जळावै। 10 धूप जळाण कै बखत माणसां की भीड़ बाहरणै आँगण म्ह प्रार्थना करै थी। 11 उस बखत प्रभु का एक सुर्गदूत धूप की वेदी के सोळी ओड़ खड्या दिख्या। 12 जकरयाह देखके घबराग्या अर घणा डरग्या। 13 पर सुर्गदूत उसतै बोल्या, “हे जकरयाह, डरे ना, क्यूँके परमेसवर नै तेरी प्रार्थना सुणली सै, अर तेरी घरआळी एलीशिबा तेरे खात्तर एक बेटा जाम्मैगी, अर तू उसका नाम यूहन्ना धरिये। 14 वो तेरे ताहीं तो आनन्द अर खुशी देवैगा, साथ म्ह भोत-से माणस भी उसकै जन्म तै राज्जी होवैगें। 15 क्यूँके वो प्रभु के स्याम्ही घणा महान् होगा, अर उस ताहीं कदे भी मदिरा, नशीली चीज न्ही पीणी सै, अर अपणी माँ की कोख तै ए पवित्र आत्मा तै भर ज्यागा। 16 अर इस्राएल के भोत-से माणसां के मन प्रभु परमेसवर की ओड़ मोड़ देवैगा। 17 यूहन्ना एलिय्याह नबी की आत्मा अर सामर्थ म्ह भरा होगा, अर वो परमेसवर के राह नै तैयार करैगा, वो माँ-बाप का मन बाळकां की ओड़ मोड़ देवैगा। हुकम ना मानण आळे अधर्मियाँ की सोच नै धर्मियाँ की सोच म्ह बदल देवैगा।” 18 जकरयाह नै सुर्गदूत तै बुझ्या, “इस बात का मै किस तरियां बिश्वास करूँ? के यो म्हारे गैल होवैगा, क्यूँके मै तो बूढ़ा सूं, अर मेरी घरआळी भी बूढ़ी होरी सै।” 19 सुर्गदूत नै उसतै जवाब दिया, “मै जिब्राईल सूं, जो परमेसवर के आगै खड्या रहूं सूं, अर मै तेरे तै बात करण अर सुसमाचार देण खात्तर भेज्या सूं। 20 अर देख जिब ताहीं ये बात पूरी ना हो लेंगी, तू गूँगा रहवैगा अर बोल न्ही पावैगा क्यूँके तन्नै मेरी बात्तां का बिश्वास न्ही करया, जो अपणे बखत पै पूरी होंगी।” 21 बाहर जकरयाह की

बाट देक्खण आळे माणस अचम्भे म्ह पड़गे, कै उसनै मन्दर म्ह इतनी वार क्यूँ लागगी। 22 जिब वो बाहर आया, तो उन ताहीं बोल न्ही पाया आखर वो जाणगे के उसनै मन्दर म्ह कोए दर्शन पाया सै, अर वो उन ताहीं इशारे करदा रहा, अर गूँगा होग्या। 23 जिब उसकी याजकीय सेवा कै दिन पूरे होए, तो वो यरुशलेम नगर नै छोड़ अपणे घरां चल्या गया। 24 कई दिनां पाच्छे उसकी घरआळी एलीशिबा गर्भवती होग्यी, अर पाँच महिन्ने तैई अपणे-आप ताहीं ल्हकोए राख्या, 25 उसनै अपणे-आप तै कह्या, प्रभु नै इन दिनां म्ह दया की मेहर करके मेरै खात्तर इसा करया सै, “के माणसां के बीच म्ह मेरा अपमान दूर हो।” 26 एलीशिबा के छठा महिन्ना चढ़ रहा था, परमेसवर की ओड़ तै जिब्राईल सुर्गदूत, गलील परदेस के नासरत नगर म्ह, 27 एक कुँवारी के धोरे भेज्या जिसकी सगाई यूसुफ नाम के दाऊद के घराने के एक माणस तै होई थी, उस कुँवारी का नाम मरियम था। 28 जिब्राईल सुर्गदूत नै उसके धोरे आके कह्या, “आनन्द अर जयजयकार तेरी हो तेरे पै ईश्वर का अनुग्रह होया सै! प्रभु तेरे गेल्या सै!” 29 मरियम या बात सुणकै भोत घबरा ग्यी, अर सोच म्ह पड़गी के इन बात्तां का के मतलब हो सकै सै? 30 सुर्गदूत नै उसतै कह्या, “हे मरियम, डरे ना, क्यूँके परमेसवर का अनुग्रह तेरे पै होया सै। 31 अर देख, तू गर्भवती होगी, अर तेरे एक छोरा पैदा होगा, तू उसका नाम यीशु धरिये। 32 वो महान् होगा अर परमप्रधान का बेटा कुह्नावैगा, अर प्रभु परमेसवर उसके पूर्वज दाऊद का सिंहासन उसनै देवैगा, 33 अर वो इस्राएल के घराने पै सदा राज करैगा, अर उसके राज्य का अंत न्ही होगा।” (aiōn g165) 34 मरियम नै सुर्गदूत तै कह्या, “यो किस तरियां होगा। मै तो कुँवारी सूं।” 35 सुर्गदूत नै उस ताहीं जवाब दिया, “पवित्र आत्मा तेरे पै आवैगा अर परमप्रधान की सामर्थ तेरे पै छाया करैगी, इस खात्तर वो जो बाळक पैदा होण आळा सै, पवित्र अर परमेसवर का बेटा कुह्नावैगा। 36 अर सुण, तेरी रिस्तेदार जो एलीशिबा सै उसके भी बुढ़ापे म्ह बेटा होण आळा सै, जो बाँझ कुह्नावै थी यो उसका, छठा महिन्ना सै। 37 क्यूँके परमेसवर खात्तर कुछ भी मुशिकल कोनी सै।” 38 मरियम नै कह्या, “देख, मै प्रभु की दास्सी सूं, मेरै तै तेरे कहैए वचन के मुताबिक हो।” फेर सुर्गदूत उसके धोरे तै चल्या गया। 39 कई दिनां बाद मरियम ताव्ली तैयार होके पहाड़ी परदेस के यहूदा नगर म्ह ग्यी, 40 अर जकरयाह के घर म्ह जाके एलीशिबा ताहीं नमस्कार करया। 41 ज्योए एलीशिबा नै मरियम का नमस्कार सुणया, त्योए बाळक उसके पेट म्ह उछळ्या, अर एलीशिबा पवित्र आत्मा तै भरगी। 42 अर उसनै ऊँच्ची आवाज म्ह बोलकै कह्या, “तू बिरबानियाँ म्ह धन्य सै, अर तेरी कोख का फळ धन्य सै! 43 मै खुशानसीब सूं जो प्रभु की माँ मेरै धोरे मिलण खात्तर आई? 44 देख, ज्योए तेरे नमस्कार का बोल मेरे कान्ना म्ह पड्या, त्योए बाळक मेरै पेट म्ह खुशी तै उछळ पड्या। 45 धन्य सै तू क्यूँके तन्नै बिश्वास करया कै जो बात

प्रभु ने तेरे तारीं कही, वे पूरी होई!” 46 फेर मरियम नै कह्या, “मेरा जी प्रभु की बड़ाई करै सै 47 अर मेरी आत्मा मेरै उद्धार करण आळे परमेसवर तै खुश होई,” 48 “क्यूँके उसनै अपणी दास्सी की लाचारी पै निगांह करी सै, इस खात्तर देखखो, इब तै सारे युग-युग कै माणस मन्ने धन्य कहवैगें,” 49 “क्यूँके उस शक्तिशाली नै मेरै खात्तर बड़े-बड़े काम करै सै। उसका नाम पवित्र सै,” 50 “अर उसकी दया उनपै, जो उसतै डरै सै, पीढ़ी तै पीढ़ी बणी रहवें सै।” 51 “उसनै अपणी शक्ति तै बड़े-बड़े काम करै सै, अर जो अपणे-आप म्ह घमण्ड करै थे, उन तारीं तित्तर-बितर कर दिया।” 52 “उसनै शासकां तारीं उनके सिंहासनां पै तै गिरा दिया, अर नम्र लोग्गां तारीं ऊँच्चा उठा दिया।” 53 “उसनै भूख्या तारीं बढ़िया चिज्जां तै छिकाया सै, अर साहूकारां तारीं खाल्ली हाथ भेज दिया।” 54 “उसनै अपणे सेवक इस्राएल तारीं सम्भाल लिया, ताके अपणी उस दया नै याद करै,” 55 “जो उसनै अब्राहम अर उसकी पीढ़ी पै सदा खात्तर दया करण का वादा करया सै।” (aiōn g165) 56 मरियम करीब तीन महिन्ने उसके गेल्या रहकै उल्टी अपणे घरां चली गयी। 57 फेर एलीशिबा कै दिन पूरे होए अर उसनै बेटा जाभ्या। 58 उसके पड़ोसी अर रिश्तेदारां नै या सुणकै के प्रभु नै उसपै बड़ी दया करी सै, उसके गेल्या खुशी मनाई, 59 आठवे दिन वे बाळक का खतना करण तारीं आये, अर उसका नाम उसके पिता के नाम पै जकरयाह धरणा चाहवै थे। 60 इस पर उसकी माँ एलीशिबा नै जवाब दिया, “ना, इसका नाम यूहन्ना धरो।” 61 उननै उस तारीं कह्या, “तेरे रिश्तेदारा म्ह किसे का यो नाम न्ही सै!” 62 फेर उसके पिता तै इशारा करकै पूछ्या के तू उसका नाम कै धरणा चाहवै सै? 63 उसनै लिखण की पट्टी पै लिख दिया, “उसका नाम यूहन्ना सै,” अर सारा नै अचम्भा होया। 64 फेर उसकी आवाज बोहड़ आई, अर वो बोल्लण अर परमेसवर का धन्यवाद करण लाया। 65 उसके लौवै-धोरै कै सब रहण आळे डरगे, अर उन सारी बात्तां की चर्चा यहूदिया परदेस कै सारे पहाड़ी देश म्ह फैलगी, 66 अर सब सुणण आळा नै अपणे-अपणे मन म्ह विचार करकै कह्या, “यो बाळक किसा होगा?” क्यूँके प्रभु की शक्ति उसके साथ सै। 67 उसका पिता जकरयाह पवित्र आत्मा तै भरग्या, अर भविष्यवाणी करण लाया: 68 “प्रभु इस्राएल का परमेसवर धन्य सै, क्यूँके उसनै अपणे माणसां पै निगांह करी अर उनका उद्धार करया सै, 69 अर अपणे दास दाऊद कै घराने म्ह म्हारै खात्तर एक शक्तिशाली उद्धारकर्ता तारीं भेज्या सै, 70 (भोत पैहले प्रभु नै अपणे पवित्र नबियाँ के जरिये यो कह्या था) (aiōn g165) 71 के वो हमनै दुश्मनां तै बचावैगा अर मेरे तै नफरत करण आळे की ताकत तै भी हमनै बचावैगा। 72 उसनै कह्या, के वो म्हारै पूर्वजां पै दया करैगा अर अपणे पवित्र करार नै याद राक्खेगा, 73 अर वो करार जो उसनै म्हारै पूर्वज अब्राहम तै करया था, 74 उसनै वादा करया सै, के वो म्हारै दुश्मनां कै हाथ तै हमनै छुड़ावैगा, 75

ताके जिन्दगी भर उसके आगै पवित्रता अर धार्मिकता तै बिना डरें उसकी सेवा कर सकां। 76 हे मेरे बेटे, तू परमप्रधान का नबी कुहावैगा, क्यूँके तू प्रभु का रास्ता त्यार करण के खात्तर आगै-आगै चाल्लैगा, 77 तू उसके माणसां नै उद्धार का ज्ञान देगा, जो पापां की माफी तै मिले सै। 78 यो म्हारे परमेसवर की उस बड़ी दया तै होगा। जिस तरियां सूरज चमके सै, उसी तरियां मसीहा भी सुर्ग तै म्हारे धोरै आवैगा 79 ताके अन्धेरे अर मौत की छाया म्ह बैठण आळा नै रोशनी दे, वा रोशनी सही राह पै चाल्लण म्ह म्हारी मदद करैगी।” 80 अर बाळक यूहन्ना देह अर आत्मा म्ह मजबूत होन्दा गया, अर इस्राएल के माणसां पै जाहिर होण तै पैहले वो जंगल-बियाबान म्ह रहा।

**2** उन दिनां म्ह औगुस्तुस कैसर की कान्ही तै हुकम लिक्कइया के, सारे रोमी साम्राज्य के माणसां की जनगणना करकै उनके नाम लिक्खे जावै। 2 (या पैहली नाम लिखाई उस बखत होई, जब क्विरिनियुस सीरिया परदेस कै इलाके का राज्यपाल था।) 3 सारे माणस नाम लिखाण कै खात्तर अपणे-अपणे पुश्तैनी नगर म्ह गए। 4 आखर यूसुफ भी इस करके के वो भी दाऊद कै कुण्बे अर पीढ़ी का था, गलील परदेस कै नासरत नगर तै गया, यहूदिया परदेस म्ह दाऊद कै बैतलहम नगर म्ह आया, 5 ताके अपणी मंगेतर मरियम कै गेल्या जो गर्भवती थी, उस जनगणना म्ह नाम लिखवावै। 6 उनकै बैतलहम नगर रहन्दे होए उसके जाम्मण के दिन पूरे होए, 7 अर मरियम नै अपणा जेट्टा छोरा जाभ्या अर उस तारीं लत्ते म्ह लपेटकै खोर म्ह धरया, क्यूँके उनकै खात्तर सराये म्ह जगहां कोनी थी। 8 अर उस देश म्ह कई पाळी थे, जो रात नै मदानां म्ह रहकै अपणी भेङ्गां के टोळ की रुखाळ करै थे। 9 अर उससे रात नै प्रभु का एक सुर्गदूत उनकै धोरै आण खड्या होया, अर प्रभु का प्रताप उसके उपर चमक्या, अर वे घणे डरगे। 10 सुर्गदूत नै उनतै कह्या, “मतना डरो, क्यूँके देखखो, मैं थमनै घणी खुशी की खबर सुणाऊँ सूँ जो सारे माणसां खात्तर होगी, 11 आज दाऊद के नगर बैतलहम म्ह थारे खात्तर एक उद्धारकर्ता जाभ्या सै, अर योए मसीह प्रभु सै। 12 अर उसकी थारे खात्तर या निशान्नी होगी के थम एक बाळक नै लत्ते म्ह लिपट्या होइ अर खोर म्ह लेट्या होइ पाओगे।” 13 फेर चाणचक उस सुर्गदूत गेल्या सुर्गदूतां का एक टोळ परमेसवर की भगति करदे होए अर न्यू कहन्दे दिख्या, 14 “अकास म्ह परमेसवर की महिमा अर धरती पै उन माणसां म्ह जिनतै वो राज्जी सै, शान्ति हो।” 15 जब सुर्गदूत उसके धोरै तै सुर्ग म्ह चले गए, तो पाळीयाँ नै आप्पस म्ह कह्या, “आओ, हम बैतलहम नगर जाकै या बात जो होई सै, अर जो प्रभु नै म्हारै तारीं बताई सै, देख्खो।” 16 अर उननै जिब्बे जाकै मरियम अर यूसुफ तारीं अर खोर म्ह उस बाळक तारीं लेट्या देख्या। 17 जब पाळीयाँ नै बाळक तारीं देख्या तो उननै वे सारी बात जो सुर्गदूत नै इस बाळक के बाबत उनतै कही थी, यूसुफ अर मरियम तारीं बताई। 18 अर पाळीयाँ की ये बात

सुणकै सारे सुणण आळा नै अचम्भा करया। 19 पर मरियम ये बात अपने मन म्ह धरकै सोचदी रई। 20 अर जिसा पाळीयाँ ताहीं सुर्गदूतां नै कह्या था, सब कुछ उसाए सुणकै अर देखकै, वे परमेसवर की महिमा अर जय-जयकार करदे होए बोहड़गे। 21 जिब आठ दिन पूरे होए अर उसके खतने का बखत आया, तो उसका नाम यीशु धरया गया, अर यो नाम सुर्गदूत के जरिये, मरियम के गर्भ म्ह आण तै पैहल्या बताया गया था। 22 जिब मूसा नबी कै नियम-कायदा कै मुताबिक मरियम अर यूसुफ कै सूंचे होण के दिन पूरे होए, तो वे दोन्नु यीशु नै यरुशलेम नगर के मन्दर म्ह लेगे के प्रभु कै स्याम्ही ल्याए, 23 (जिसा के प्रभु के नियम-कायदा म्ह लिख्या होइ सै: हरेक जेठ्ठा बेट्टा प्रभु कै खात्तर पवित्र ठहरैगा।) 24 अर प्रभु के नियम-कायदा के वचन के मुताबिक “एक कबूतर या मोड़ी कै दो बच्चे ल्याके बलि करै।” 25 उस बखत यरुशलेम नगर म्ह शमौन नाम का एक माणस था। वो धर्मी अर परमेसवर का भगत था, अर वो मसीह की बात देखण लागरया था, ताके इस्राएल के माणसां नै शान्ति मिलै अर पवित्र आत्मा उसपै था। 26 अर पवित्र आत्मा के जरिये उसपै जाहिर होया था के जिब तक वो प्रभु के मसीह नै देख न्ही लेगा, जद ताहीं मौत नै कोनी देखेगा। 27 शमौन आत्मा की अगुवाई तै मन्दर म्ह आया, अर जिब माँ-बाप उस बाळक यीशु ताहीं भीत्तर ल्याए, ताके उसके खात्तर नियम-कायदा के रिवाज के मुताबिक करै, 28 फेर उसनै बाळक यीशु ताहीं अपणी गोदी म्ह लिया अर परमेसवर का धन्यवाद करकै कह्या 29 “हे प्रभु माल्लिक, इब तू अपने दास नै अपने वचन के मुताबिक शान्ति तै इब मर जाणदे, 30 क्यूँके मेरी आँखां नै उद्धारकर्ता ताहीं देख लिया सै, 31 जिस ताहीं तन्नै सारे देशां के माणसां कै स्याम्ही भेज्या सै, 32 ताके वो गैर यहूदियाँ ताहीं चाँदणा देण कै खात्तर उजाळा, अर तेरे अपने माणस इस्राएल की महिमा हो।” 33 यीशु के माँ-बाप इन बाततां तै, जो शमौन नै यीशु के बारे म्ह कही थी, सुणकै अचम्भा करै थे। 34 फेर शमौन नै उन ताहीं आशीर्वाद देकै, उसकी माँ मरियम तै कह्या, “देख, यो बाळक इस्राएल म्ह भोत-से माणसां के पतन अर उत्थान का कारण बणैगा, अर या निशानी के रूप म्ह परमेसवर की ओड़ तै भेज्या होया सै, अर भोत सारे लोग उसके बिरुध बोल्लैगें। 35 इसका नतिज्जा यो होगा के भोत सारे मनां के विचार जाहिर हो जावेंगे, अर एक भोत बड़ा दुख तेरे पै आवैगा।” 36 अशेर कै गोत म्ह तै हन्नाह नामक फनूएल की बेट्टी एक नबी थी। वा घणी बूढ़ी थी, अर ब्याह होण के सात साल पाच्छै उसका धणी गुजर गया। 37 वा चौरासी साल तै विधवा थी: अर मन्दर म्ह जाणा कोनी छोड्या करै थी, पर ब्रत अर प्रार्थना कर-करकै रात-दिन भगति करया करै थी। 38 जिब यूसुफ, मरियम अर बाळक यीशु, मन्दर म्ह थे, तो हन्नाह उनके धोरै आई अर परमेसवर का धन्यवाद करण लागगी, अर उसनै उन सारया ताहीं इस बाळक यीशु के बारे म्ह बताया, जो यरुशलेम कै

छुटकारै की बात देखकै थे। 39 यहूदी नियम-कायदा नै पूरा करण कै बाद यूसुफ अर मरियम गलील परदेस के नासरत नगर म्ह अपने घरां बोहड़ आये। 40 अर बाळक यीशु बढ़दा, अर मजबूत होन्दा, अर बुद्धि तै भरपूर होँदा गया, अर परमेसवर का अनुग्रह उसपै था। 41 यीशु के माँ-बाप हरेक साल फसह कै त्यौहार म्ह यरुशलेम जाया करै थे। 42 जिब यीशु बारहां साल का होया, तो वे त्यौहार की रीति कै मुताबिक यरुशलेम नगर म्ह गए। 43 जिब यीशु के माँ-बाप त्यौहार मनाकै अपने घरां बोहड़ण लागरे थे, तो बाळक यीशु यरुशलेम म्ह रहगया, अर इसका उसके माँ-बाप नै कोनी बेरा था। 44 वे न्यू समझकै के वो दुसरे मुसाफिरां कै गेल्या होगा, एक दिन का सफर पार करगे: अर उस ताहीं अपने कुणबे आळा म्ह अर जाण-पिच्छण आळा म्ह टोह्ल लागगे। 45 पर जिब कोनी मिल्या, टोन्दे-टोन्दे यरुशलेम म्ह दुबारे बोहड़गे, 46 अर तीन दिन के पाच्छै उननै वो मन्दर के आँगण म्ह उपदेशकां कै बिचाळै बेट्टे, उनकी सुणदे अर उनतै सवाल बुझते पाया। 47 जितने उसकी सुणै थे, वे सारे उसकी समझ अर उसके जवाब तै हैरान थे। 48 फेर उसके माँ-बाप उस ताहीं देखके हैरान होए अर उसकी माँ नै उसतै कह्या, “हे बेट्टे, तन्नै म्हारै गेल्या इसा बरताव क्यातै करया? देख, तेरा बाप अर मै तन्नै ढूँढ़-ढूँढ़के परेशान होरे थे?” 49 उसनै उनतै कह्या, “थम मन्नै क्यातै तोहो सो? के बेरा कोनी मन्नै मेरे पिता कै घरां होणा जरूरी सै?” 50 पर जो बात उसनै उनतै कही, उननै कोनी समझया। 51 फेर वो उनकै गेल्या गया, अर नासरत म्ह आया, अर उनके बस म्ह रह्या, अर उसकी माँ नै ये सारी बात अपने मन म्ह राक्खी। 52 अर यीशु समझ अर कद-काट्टी म्ह, अर परमेसवर अर माणसां कै अनुग्रह म्ह बढ़दा गया।

**3** जिब रोम साम्राज्य म्ह तिबिरियुस कैसर राजा बणया तो उसके पंद्रहवें साल म्ह जिब चौथाई देश म्ह पुन्तियुस पिलातुस यहूदिया परदेस का राज्यपाल था, अर हेरोदेस गलील परदेस म्ह इतूरैया अर त्रखोनितिस परदेस म्ह उसका भाई फिलिप्पुस राज करै था, अर अबिलेने परदेस म्ह लिसानियास राज करै था 2 अर जिब हन्ना अर कैफा महायाजक थे, उस बखत परमेसवर का वचन जंगल-बियाबान म्ह जकरयाह के बेट्टे यूहन्ना के धोरै पोंहच्या। 3 यूहन्ना यरदन नदी कै लोवै-धोवै के साब्ले परदेस म्ह जाकै, पापां की माफी का प्रचार करण लागग्या, के पाप करणा छोड़्यो अर बपतिस्मा ल्यो। 4 जिसा यशायाह नबी के कहे होए वचनां की किताब म्ह लिख्या सै: “जंगल-बियाबान म्ह एक रुक्के मारणीये का वचन होरया सै के, प्रभु की राही त्यार करो, उसकी सड़क सीध्धी बणाओ। 5 हरेक घाटी भर दी जावैगी, अर हरेक पहाड़ अर टिल्ला तळै करया जावैगा, अर जो टेढ़ा सै सीध्धा, अर जो ऊँच्या नीच्चा सै वो बरोब्बर राह बणैगा। 6 अर हरेक माणस परमेसवर के उद्धार नै देखकैगा।” 7 जो भीड़ की भीड़ उसतै बपतिस्मा लेण नै लिकड़ के आवै थी, उनतै यूहन्ना कहवै था, “हे साँप के

सप्योलों जिसे माणसों, थारे तै कौण बताग्या के परमेसवर के आण आळे छो तै भागगो। 8 इस खातर जै थमनै सच म्ह पाप करणा छोड़ दिया सै तो यो दिखाण खातर भले काम तो करो, अर अपणे-अपणे मन म्ह न्यू मतना सोचो के हम अब्राहम के वंश तै सां, क्यूँके मै थमनै कहूँ सूँ के परमेसवर इन पत्थरां तै भी अब्राहम कै खातर ऊलाद पैदा कर सकै सै। 9 इब कुहाड़ा दरखतां की जड़ पै धरया सै, इस करके जो-जो दरखत बढ़िया फळ नही ल्यांदा, वो काट्या अर आग म्ह झोक्या जावैगा।” इसका मतलब यो सै परमेसवर उन सारया नै दण्ड देवैगा जो पाप करणा नही छोड़ते। 10 फेर माणसां नै उसतै बुझया, “तो हम परमेसवर के दण्ड तै बचण खातर के करा?” 11 उसनै जवाब दिया, “जिसके धोरै दो कुड़ते हों, वो उसके गेल्या जिसके धोरै नही सै उसके गैल बांड ल्यो अर जिसके धोरै खाणा हो, वो भी न्यूप करै।” 12 चुंगी लेण आळे भी बपतिस्मा लेण आए, अर उसतै बुझया, “हे गुरु, हम के करा?” 13 उसनै उनतै कहा, “ईमानदार रहों अर जितना रोमी सरकार नै कर तय करया सै, उसतै ज्यादा ना लियो।” 14 कुछ सिपाहियाँ नै भी उसतै बुझया, “हम के करा?” उसनै उनतै कहा, “किसे पै जुल्म करके पईसे ना लियो, अर ना झुटा इल्जाम लाइयो, अर अपणी तन्खा पै संतोष करियो।” 15 जिब माणस मसीहा की आस लगाये होए थे, अर सारे अपणे-अपणे मन म्ह यूहन्ना के बाबत विचार कररे थे, के योए मसीह तो नही सै। 16 तो यूहन्ना नै उन सारया तै कहा, “मै तो थमनै पाणी तै बपतिस्मा दियुँ सूँ, पर वो आण आळा सै, जो मैरे तै घणा शक्तिशाली सै, मै तो इस लायक भी कोनी के उसके जूय्याँ के फित्ते खोल सकूँ, वो थमनै पवित्र आत्मा अर आग तै बपतिस्मा देवैगा। 17 उसका छाज, उसके हाथ म्ह सै, अर वो अपना खलिहाण आच्छी तरियां साफ करैगा, अर नाज नै अपने कोठार (गोदाम) म्ह कट्टा करैगा, पर भुरळी ताहीं उस आग म्ह जळावैगा जो कदे बुझै कोनी।” 18 आखर वो घणीए शिक्षा दे-देके माणसां तै सुसमाचार सुणान्दा रह्या। 19 पर जिब उसनै चौथाई देश म्ह गलील परदेस के राजा हेरोदेस तै उसके भाई फिलिप्पुस की घरआळी हेरोदियास कै बाबत अर सारे बुरे काम्मां कै बाबत जो उसनै करे थे, उल्हाणा दिया, 20 तो हेरोदेस नै उन सारया तै बढ़के यो बुरा काम भी करया के यूहन्ना ताहीं जेळ म्ह गेर दिया। 21 जिब सारे माणसां नै बपतिस्मा लिया अर यीशु भी बपतिस्मा लेके प्रार्थना कर रह्या था, तो अकास खुलग्या, 22 अर पवित्र आत्मा शारीरिक रूप म्ह कबूतर की तरियां उसपै उतरया, अर परमेसवर सुर्ग म्ह तै बोल्या “तू मेरा प्यारा बेटा सै, मै तेरतै राज्जी सूँ।” 23 जिब यीशु खुद उपदेश देण लागग्या, तो करीबन तीस साल की उम्र का था अर (जिसा समझा जावै सै) यीशु यूसुफ का बेटा था, अर यूसुफ एली का बेटा था, 24 अर एली मत्तात का बेटा था, अर मत्तात लेवी का बेटा था, अर लेवी मलकी का बेटा था, अर मलकी यन्ना का बेटा था, अर यन्ना यूसुफ का बेटा था, 25 अर

यूसुफ मत्तित्याह का बेटा था, अर मत्तित्याह आमोस का बेटा था, अर आमोस नहूम का बेटा था, अर नहूम असल्याह का बेटा था, अर असल्याह नोगह का बेटा था, 26 अर नोगह मात का बेटा था, अर मात मत्तित्याह का बेटा था, अर मत्तित्याह शिमी का बेटा था, अर शिमी योसेख का बेटा था, अर योसेख योदाह का बेटा था, 27 अर योदाह यूहन्ना का बेटा था, अर यूहन्ना रेसा का बेटा था, अर रेसा जरुब्बाबिल का बेटा था, अर जरुब्बाबिल शालतियेल का बेटा था, अर शालतियेल नेरी का बेटा था, 28 अर नेरी मलकी का बेटा था, अर मलकी अदी का बेटा था, अर अदी कोसाम का बेटा था, अर कोसाम इलमोदाम का बेटा था, 29 अर एर येशू का बेटा था, अर येशू इलाजार का बेटा था, अर इलाजार योरीम का बेटा था, अर योरीम मत्तात का बेटा था, अर मत्तात लेवी का बेटा था, 30 अर लेवी शमौन का बेटा था, अर शमौन यहूदा का बेटा था, अर यहूदा यूसुफ का बेटा था, अर यूसुफ योनान का बेटा था, अर योनान इलयाकीम का बेटा था, 31 अर इलयाकीम मलेआह का बेटा था, अर मलेआह मिन्नाह का बेटा था, अर मिन्नाह मत्तात का बेटा था, अर मत्तात नातान का बेटा था, अर नातान दाऊद का बेटा था, 32 अर दाऊद यिंशै का बेटा था, अर यिंशै ओबेद का बेटा था, अर ओबेद बोआज का बेटा था, अर बोआज सलमोन का बेटा था, अर सलमोन नहशोन का बेटा था, 33 अर नहशोन अम्मिनादाब का बेटा था, अर अम्मिनादाब अरनी का बेटा था, अर अरनी हिस्त्रोन का बेटा था, अर हिस्त्रोन फिरिस का बेटा था, अर फिरिस यहूदा का बेटा था, 34 अर यहूदा याकूब का बेटा था, अर याकूब इसहाक का बेटा था, अर इसहाक अब्राहम का बेटा था, अर अब्राहम तिरह का बेटा था, अर तिरह नाहोर का बेटा था, 35 अर नाहोर सरूग का बेटा था, अर सरूग रऊ का बेटा था, अर रऊ फिलिग का बेटा था, अर फिलिग एबिर का बेटा था, अर एबिर शिलह का बेटा था, 36 अर शिलह केनान का बेटा था, अर केनान अरफक्षद का बेटा था, अर अरफक्षद शेम का बेटा था, अर शेम नूह का बेटा था, अर नूह लिमिक का बेटा था, 37 अर लिमिक मथूशिलह का बेटा था, अर मथूशिलह हनोक का बेटा था, अर हनोक यिरिद का बेटा था, अर यिरिद महललेल का बेटा था, अर महललेल केनान का बेटा था, 38 अर केनान एनोश का बेटा था, अर एनोश शेत का बेटा था, अर शेत आदम का बेटा था, अर आदम परमेसवर का बेटा था।

**4** फेर यीशु पवित्र आत्मा तै भरया होया, यरदन नदी तै बोहड़या, अर चाळीस दिन ताहीं पवित्र आत्मा कै सिखाण तै जंगल-बियाबान म्ह हाण्डदा रहया, 2 उन चाळीस दिनां म्ह शैतान उस ताहीं परखता रहया। उन दिनां म्ह उसनै कुछ नही खाया, अर जिब वे दिन पूरे होए, तो उसनै भूख लाग्गी। 3 फेर शैतान नै उसतै कहा, “जै तू परमेसवर का बेटा सै, तो साबित करदे, अर इस पत्थर तै कह, के रोटी बण जावै, ताके तू इननै खा सकै।” 4 यीशु नै उस ताहीं जवाब दिया, “पवित्र ग्रन्थ म्ह

लिख्या सै: 'माणस सिर्फ रोटी तै जिन्दा कोनी रहन्दा।' 5 फेर शैतान उसनै घणे ऊँच्चे पहाड़ पै लेग्या अर उस ताहीं माड़ी वार म्ह दुनिया के राज्य दिखाए, 6 अर उसतै बोल्या, "मै यो सारा हक, अर उसकी शानों-शोकत तन्नै दियुंगा, क्यूँके वो मेरैतै साँप्या गया सै: अर जिसनै चाहूँ उसनै दे दियुं सू। 7 इस करके जै तू मेरी भगति करै, तो यो सब कुछ तेरा हो ज्यागा।" 8 यीशु नै उस ताहीं जवाब दिया, "लिख्या सै: 'तू प्रभु अपने परमेसवर की भगति कर, अर सिर्फ उससे की भगति कर।'" 9 फेर उसनै उस ताहीं पवित्र नगर यरुशलेम म्ह ले जाके मन्दर की चोट्टी पै खड्या करया अर उसतै बोल्या, "जै तू परमेसवर का बेट्टा सै, तो अपने-आपनै उरै तै तळै गेर दे अर अपने-आपनै साबित करदे।" 10 "क्यूँके पवित्र ग्रन्थ म्ह लिख्या सै: 'वो तेरे बाबत अपने सुगंदूतां नै हुकम देवैगा, के वे तेरी रुखाळी करै,'" 11 "अर वे तन्नै हाथों-हाथ उठा लेवैगें, इसा ना हो के तेरे पायां म्ह पत्थर तै ठेस लागै।" 12 यीशु नै उस ताहीं जवाब दिया, "पवित्र ग्रन्थ म्ह यो भी लिख्या सै: 'तू प्रभु अपने परमेसवर नै ना परखै।'" 13 जब शैतान उस ताहीं परख कै हार लिया, तो कुछ बखत खात्तर उसके धोरै तै चल्या गया। 14 फेर यीशु पवित्र आत्मा की सामर्थ तै भरया होइ गलील परदेस बोहड़या, अर उसकी चर्चा लोवै-धोवै के सारे देशां म्ह फैलगी। 15 वो उनके आराधनालयों म्ह उपदेश सुणान्दा रह्या, अर सारे उसकी बड़ाई करै थे। 16 फेर यीशु नासरत नगर म्ह आया, जइँ पाळा-पोस्या गया था, अर अपनी रीति कै मुताबिक आराम कै दिन आराधनालय म्ह जाके पवित्रग्रन्थ पढ़ण के खात्तर खड्या होया। 17 यशायाह नबी की किताब उस ताहीं दी गई, अर उसनै किताब खोल कै, वा जगहां लिकाड़ी जइँ लिख्या था: 18 "प्रभु का आत्मा मेरे पै सै, इस करके के उसनै कंगालां ताहीं सुसमाचार सुणाण के खात्तर मेरा अभिषेक करया सै, अर मेरे ताहीं इस करके भेज्या सै के कैदियाँ नै छुड़ाण का अर आंध्याँ नै देखण जोग्गा बणाण की खुशी की खबर का प्रचार करूँ अर कुचले होया नै छुड़ाऊँ, 19 अर प्रभु के राज्जी रहण के साल का प्रचार करूँ।" 20 फेर यीशु नै किताब बन्द करके सेवक के हाथ्यां म्ह दे दी अर बैठग्या, अर आराधनालय के सारे माणसां की निगांह उसपै थी। 21 फेर वो उनतै कहण लागग्या, "आज ए यो पवित्र ग्रन्थ म्ह लिख्या होइ वचन थारे स्याम्ही पूरा होया।" 22 सारया नै उस ताहीं सराहया, अर जो अनुग्रह की बात उसके मुँह तै लिकड़ै थी, उनतै हैरान होए, अर कहण लागे, "के यो यूसुफ का छोरा कोनी?" 23 उसनै उनतै कह्या, "थम मेरे पै या कहावत जरूर कहोगे के 'हे वैद्य, खुद नै ठीक कर! जो कुछ हमनै सुण्या के कफरनहूम नगर म्ह करया गया सै, उसनै उरै खुद कै नगर म्ह भी कर।'" 24 अर उसनै कह्या, "मै थमनै सच-सच कहूँ सू कोए नबी अपने गाम म्ह आदर-मान कोनी पान्दा। 25 मेरी सुणो, के एलियाह नबी के दिनां म्ह जब साढ़े तीन साल ताहीं अकास तै बारिस न्ही होई, उरै ताहीं के सारे देश म्ह बड़ड़ा

अकाळ पड्या, तो इस्राएल देश म्ह घणीए बिधवा थी। 26 पर एलियाह उन म्ह तै किसे कै धोरै कोनी भेज्या गया, सिर्फ सैदा परदेस के सारफत नगर म्ह एक बिधवा कै धोरै। 27 अर एलीशा नबी कै बखत इस्राएल देश म्ह घणे कोढ़ी थे, पर सीरिया परदेस का सेनापति नामान नामक कोढ़ी नै छोड़के उन म्ह तै कोए शुद्ध कोनी करया गया।" 28 ये बात सुणद-ए जितने आराधनालय म्ह थे, सारया के छो उठग्या, 29 अर उठके उस ताहीं नगर तै बाहरणै लिकाड़या, अर जिस पहाड़ पै उनका नगर बसरया था, उसकी चोट्टी पै ले चाल्ले, ताके उसनै उड़ै तै तळै गेरके मार दें। 30 पर यीशु उनके बिचाळै तै लिकड़के चल्या गया। 31 फेर वो गलील परदेस कै कफरनहूम नगर म्ह गया, अर आराम कै दिन माणसां ताहीं उपदेश देवे था। 32 वे उसके उपदेश तै हैरान होगे क्यूँके उसका वचन हक सुधां था। 33 आराधनालय म्ह एक माणस था, जिस म्ह ओपरी आत्मा थी, उसनै जोर तै किल्की मारी, 34 "हे नासरत के यीशु, हमनै तेरे तै के काम? के तू म्हारा नाश करण नै आया सै? मै तन्नै जाणुं सू, तू कौण सै? तू परमेसवर की ओड़ तै भेज्या होया पवित्र मसीह सै!" 35 यीशु नै उसतै धमकाके कह्या, "चुपचाप रहै, अर इस माणस म्ह तै लिकड़ जा!" फेर ओपरी आत्मा उसनै बिचाळै पटकके बिना नुकसान करे उस म्ह तै लिकड़गी 36 इसपै सारे हैरान होए, अर वे आप्स म्ह बतळाण लागे, "यो किसा वचन सै? क्यूँके वो हक अर सामर्थ कै गेल्या ओपरी आत्मायाँ नै हुकम देवै सै, अर वे लिकड़ जावै सै।" 37 इस करके चौगरदे नै हरेक जगहां उसका जिक्र होण लाग्या। 38 यीशु आराधनालय म्ह तै उठके शमौन कै घरां गया। शमौन की सास्सू कै बुखार चढ़रया था, अर उननै उस खात्तर उसतै बिनती करी। 39 उसनै उसके धोरै खड्या होके बुखार ताहीं धमकाया अर बुखार उतर गया, अर वो जिब्बे उठके उनकी सेवा-पाणी करण लागगी। 40 सूरज डूबदे बखत, जिन-जिनके उरै माणस कई ढाळ की बिमारियाँ म्ह पड़े होए थे, वे सारे उननै उसके धोरै ल्याए, अर उसनै एक-एक पै हाथ धरके उन ताहीं ठीक करया। 41 अर ओपरी आत्मा भी किल्की मारदी अर न्यू कहन्दी होई के, "तू परमेसवर का बेट्टा सै" घणखरया म्ह तै लिकड़गी। पर वो उननै धमकांदा अर बोल्लण न्ही देवै था, क्यूँके वे जाणै थी के यीशु ए परमेसवर की ओड़ तै भेज्या होया मसीह सै। 42 जब सबेरै होई तो यीशु लिकड़के एक बियाबान जगहां म्ह गया, अर भीड़ की भीड़ उसनै टोह्न्दी होई उसके धोरै आई, अर उसनै रोकण लागगी के वो उनके धोरै तै न्ही जावै। 43 पर उसनै उनतै कह्या, "मन्नै दुसरे नगरां म्ह भी परमेसवर कै राज्य का सुसमाचार सुणाणा जरूरी सै, क्यूँके मै इसे खात्तर भेज्या गया सू।" 44 अर वो गलील परदेस के आराधनालयाँ म्ह उपदेश सुणान्दा रह्या।

5 जब यीशु गन्नेसरत की झील कै किनारे पै खड्या था, तो भीड़ परमेसवर का वचन सुणण कै खात्तर उस ताहीं घेरै खड़ी थी, तो इसा होया 2 के उसनै झील कै किनारे दो किस्ती

लागगी होइ देक्खी, अर मछुआरे उनपै तै उतरकै मच्छियाँ के जाळ नै धोवे थे। 3 उन किस्तियाँ म्ह तै एक पै, जो शमीन की थी, चढ़कै यीशु नै उसतै बिनती करी के किनारे तै माड़ा सा डिगा ले चाल्लै। फेर वो किस्ती पै बैठकै माणसां नै उपदेश देण लागग्या। 4 जिब यीशु नै माणसां तै ये बात कर ली, तो शमीन तै बोल्या, “डुंछे म्ह ले चाल, अर मच्छी पकड़ण खात्तर अपना जाळ गेर।” 5 शमीन नै उसतै जवाब दिया, “हे गुरु, हमनै सारी रात मेहनत करी अर कुछ न्ही मिल्या, फेरभी तेरे कहण तै जाळ गेरूंगा।” 6 जिब पतरस अर उसके साथियाँ नै इसा करया, तो घणी मच्छी घेर ल्याए, अर उनके जाळ पाटण नै होण लागगे। 7 इस करकै उननै दुसरी किस्ती म्ह बेट्टे अपने साथियाँ ताहीं भी इशारा करके मदद खात्तर बुलाया, वे आ ग्ये अर उननै आकै दोन्नु किस्ती उरै ताहीं भर ली के डूबण लागगी। 8 न्यू देखकै शमीन पतरस यीशु के पायां म्ह पड़ग्या, अर बोल्या, “हे प्रभु, मेरे धौरे तै जा, क्यूँके मै पापी माणस सूँ!” 9 क्यूँके इतनी मच्छियाँ के पकड़े जाण तै उसनै अर उसके साथियाँ नै घणा अचम्भा होया, 10 अर उससे तरियां जब्दी के बेट्टे याकूब अर यूहन्ना नै भी, जो शमीन के दुसरे साथी थे, अचम्भा होया। फेर यीशु नै शमीन तै कह्या, “मतना डरो, इब तै मै थमनै माणसां ताहीं कट्टे करण आळे बणाऊंगा ताके वो मेरे चेल्लें बणे।” 11 अर वे किस्तियाँ नै किनारे पै लियाए अर वे जिब्बे सब कुछ छोड़कै उसके चेल्लें बणण खात्तर उसके पाच्छे हो लिये। 12 जिब वो किसे नगर म्ह था, तो उड़ै कोढ़ तै भरया होया एक माणस आया, अर उसनै यीशु ताहीं देखके अर मोध्या पड़कै बिनती करी, “हे प्रभु, जै तू चाहवै तो मन्ने ठीक कर सकै सै।” 13 उसनै हाथ बढ़ाके उस ताहीं छुया अर बोल्या, “मै चाहूँ सूँ, तू इस बीमारी तै ठीक हो ज्या।” अर उसका कोढ़ जिब्बे जान्दा रह्या। 14 फेर उसनै उस ताहीं समझाकै कह्या, “किसे तै ना कहिए, पर जाकै अपने-आपनै याजक ताहीं दिखा, अर अपने कोढ़ तै ठीक होण के बारे म्ह जो कुछ मूसा नबी नै जो पवित्र ग्रन्थ म्ह चढ़ावा बताया सै उसनै चढ़ा, के माणसां खात्तर या गवाही हो, के तू ठीक होग्या सै।” 15 पर यीशु का जिक्क हरेक जगहां फेल्दा गया, अर भीड़ की भीड़ उसकी सुणण के खात्तर अर अपनी बिमारियाँ तै ठीक होण के खात्तर कट्टी होई। 16 पर वो सुनसान जगहां म्ह न्यारा जाकै प्रार्थना करया करै था। 17 एक दिन इसा होया के यीशु उपदेश देण लागरया था अर ठीक करण खात्तर प्रभु की सामर्थ उसके गेल्या थी, अर फरीसी अर शास्त्री उड़ै बेट्टे थे, जो गलील अर यहूदिया परदेस के हरेक गाम अर यरुशलम नगर तै आए थे। 18 उस बखत कई माणस एक माणस नै जो लकवे का बीमार था, खात पै ल्याए, अर वे उसनै भीत्तर ले जाण अर यीशु के स्याम्ही धरण का जुगाड़ टोह्न लागरे थे। 19 पर जिब भीड़ के कारण उसनै भीत्तर कोनी ले जा सके तो उननै छात पै चढ़कै अर टाट्टी हटाकै, उस ताहीं बिस्तर समेत बिचाळे यीशु के स्याम्ही उतार दिया। 20 उसनै

उनका बिश्वास देखकै उसतै बोल्या, “हे भाई, मन्ने तेरे पाप माफ कर दियो।” 21 फेर शास्त्री अर फरीसी बहस करण लागगे, “यो कौण सै जो परमेसवर की बुराई करै सै? परमेसवर नै छोड़ और कौण पाप माफ कर सकै सै?” 22 यीशु नै उनकै मन की बात जाणकै, उनतै कह्या, “थम अपने मन म्ह क्यूँ विवाद करण लागरे सो की मै परमेसवर की बुराई करूँ सूँ? 23 आसान के सै? के यो कहणा के ‘तेरे पाप माफ होए’, या यो कहणा के ‘उठ अर हाँड-फिर’? 24 पर इस करके के थम जाणो, के मुझ माणस के बेट्टे नै धरती पै पाप माफ करण का भी हक सै।” उसनै उस लकवे के मरीज तै कह्या, “मै तेरे तै कहूँ सूँ के अपने बिस्तर ठाकै अपने घरां चल्या जा।” 25 वो जिब्बे उनकै स्याम्ही उठ्या, अर जिस खात पै पड्या था उसनै ठाकै, परमेसवर की बड़ाई करदा होया अपने घरां चल्या गया। 26 फेर सारे हैरान होए अर परमेसवर की बड़ाई करण लागगे अर घणे डरके बोल्ले, “आज हमनै अनोक्खी बात देक्खी सै।” 27 इसकै बाद यीशु बाहरणै गया अर लेवी नाम के एक चुंगी लेण आळे ताहीं चौकी पै बेट्टे देखा, अर उसतै बोल्या, “मेरा चेल्ला बणण खात्तर मेरे पाच्छे हो ले।” 28 फेर वो सारा कुछ छोड़कै उसके पाच्छे हो लिया। 29 फेर लेवी नै अपने घरां उसके खात्तर बड़ड़ा जिम्मण का न्योदा दिया, अर चुंगी लेण आळे अर दुसरे माणसां की जो उसके गेल्या खाणा खाण नै बेट्टे थे, एक बट्टी भीड़ थी। 30 इसपै फरीसी अर उनके शास्त्री उसके चेल्यां तै न्यू कहकै बिरड़ाण लागगे, “थम चुंगी लेण आळे अर जिननै लोग पापी कहवै सै, उनके गेल्या खाओ-पीओ सो?” 31 यीशु नै उनतै जवाब दिया, “वेद आच्छे-बिच्छयां खात्तर कोनी, पर बिमारां खात्तर जरूरी सै। 32 मै धर्मियाँ नै न्ही, पर पापियाँ नै मन पलटन के खात्तर बुलाण आया सूँ।” 33 उननै उसतै कह्या, “यूहन्ना के चेल्लें तो बराबर ब्रत अर प्रार्थना करया करै सै अर उससे तरियां फरीसियाँ के चेल्लें भी, पर तेरे चेल्लें तो खावै-पीवै सै।” 34 यीशु नै उनतै कह्या, “के थम बरातियाँ तै, जिब्बताहीं बन्दड़ा उनकै गेल्या रहवें, ब्रत करा सकी सो?” 35 “पर वे दिन भी आवैगें, जिब बन्दड़ा न्यारा करया जावैगा, फेर वे उन दिनां म्ह ब्रत करैगें।” 36 यीशु नै एक और उदाहरण दिया, “कोए माणस नये लत्यां म्ह तै पाड़कै पुराणे लत्यां पै थैगळी न्ही लगान्दा, न्ही तो नया पाट ज्यागा अर वा थैगळी पुराणे पै मेळ भी न्ही खावैगी। 37 अर कोए नया अंगूर का रस पुराणी मशक म्ह न्ही भरदा, न्ही तो नया अंगूर का रस पुराणी मशकां नै पाड़कै बह ज्यागा, अर मशक फूट ज्या सै। 38 पर नया अंगूर का रस नई मशकां म्ह भरणा चाहिए। 39 कोए माणस पुराणा अंगूर का रस पीकै नया अंगूर का रस कोनी चाहन्दा क्यूँके वो कहवै सै, के पुराणा-ए बढ़िया सै।”

**6** फेर आराम के दिन यीशु चेल्यां के गैल खेत्तां म्ह तै होकै जाण लागरया था, अर उसके चेल्लें गेहूँ की बालें तोड़-तोड़कै अर हाथ्यां तै मसळ-मसळ के खाण लागरे थे। 2 फेर

फरीसियों म्ह तै कुछ कहण लागे, “थम यो काम क्यातै करो देवें। 23 उस दिन आनन्द तै उछळियो, क्यूँके लखाओ, थारे सो जो आराम कै दिन करणा ठीक कोनी?” 3 यीशु नै उनतै खात्तर सुर्ग म्ह बड़ड़ा ईनाम सै, उनके पूर्वजां नै भी नबियाँ कै जवाब दिया, “के थमने पवित्र ग्रन्थ म्ह यो न्ही पढ़्या के दाऊद गेल्या भी इसाए करया करै थे। 24 पर धिक्कार सै थारे पै! जो साहूकार सो, क्यूँके थमने अपने सारे सुख भोग चुके सों। जो थिक्कार सै थारे पै! जो छिकरे सो, क्यूँके भूखे होओगे। जिनका खाणा याजकां नै छोड़ और किसे खात्तर ठीक कोनी, धिक्कार सै थारे पै! जो इब हॉस्सो सो, क्यूँके थम बिलख-अर अपने साथियाँ तारीं भी दी?” 5 अर उसने उनतै कह्या, बिलख कै रोओगे। 26 “धिक्कार सै थारे पै! जिब सारे माणस “मै माणस का बेटा आराम कै दिन का भी प्रभु सूं।” 6 इसा थारे तारीं आच्छा कहवै, क्यूँके थारे पूर्वज भी झूठे नबियाँ कै होया के किसे और आराम कै दिन वो आराधनालय म्ह जाके गेल्या भी इसाए करै थे।” 27 “पर मै थम सुणण आळा तै कहुँ उपदेश देण लाग्या, अर उड़ै एक माणस था जिसका सोळा सूं, के अपने बैरियाँ तै प्यार राख्खो, जो थारे तै बैर करै, उनका हाथ सूखरया था। 7 शास्त्री अर फरीसी यीशु पै दोष लाण के भला करो। 28 जो थमनै प्राप देवै, उननै आशीष दो, जो थारी मौकके की टाह म्ह थे के देख्खे वो आराम कै दिन ठीक करै बेजती करै, उनके खात्तर प्रार्थना करो। 29 जो तेरे एक गाल पै सै के न्ही। 8 पर वो उनकी सोच जाणै था, इस करके उसने थप्पड़ मारै उसकी ओड़ दुसरा भी फेर दे, अर जो तेरी धोत्ती खूखे हाथ आळे माणस कह्या, “उठ, बिचाळै खड्या होज्या।” खोस ले, उसने कुड़ता लेण तै भी मना मत करो। 30 जो कोए वो उठ खड्या होया। 9 यीशु नै उनतै कह्या, “मै थारे तै बुझ्खु तेरे तै माँगै, उसने दे, अर जो तेरी चीज खोस ले, उसतै माँगै सूं के मूसा के नियम-कायदा कै मुताबिक आराम कै दिन के ना। 31 जिसा थम चाहो सो के माणस थारे गेल्या करै, थम ठीक सै, भला करणा या बुरा करणा, जान बचाणा या नाश भी उनकै गेल्या उसाए करो।” 32 “जै थम अपने प्यार करण करणा?” 10 फेर उसने चोगरदेनै उन सारया कान्ही देखके आळा तै ए प्यार करो, तो उसका के फायदा? क्यूँके पापी भी उस सूखे हाथ आळे माणस तै बोल्या, “अपणा हाथ बढ़ा।” अपने प्यार करण आळा कै गेल्या प्यार करै सै। 33 जै थम उसने न्यूप करया, अर उसका हाथ दुबारा ठीक होज्या। 11 जै थम अपने भलाई करण आळा ए गेल्या भलाई करो सों, तो थारी वे फरीसी अर शास्त्री आप्पे तै बाहर होके आप्पस म्ह बहस के बड़ाई? क्यूँके पापी भी इसाए करै सै। 34 जै थम उननै ए करण लागे के हम यीशु कै गैल के करा? 12 उन दिनां म्ह यीशु उधार घो सो जिनतै थमनै दुबारे मिल जाण की आस हो सै, तो पहाड़ पै प्रार्थना करण लागग्या, अर परमेसवर तै प्रार्थना करण कौण सी बड़ी बात सै? क्यूँके पापी, पापियाँ नै उधार देवै सै, के म्ह सारी रात बिताई। 13 जिब दिन लिकड़या तो उसने अपने उतनाए दुबारे पावै। 35 बल्के अपने बैरी तै प्यार करो, अर चेल्यां तारीं बुलाके उन म्ह तै बारहां छोट लिए, अर उन तारीं भलाई करो, अर दुबारे मिलण की उम्मीद राखके उधार ना घो, प्रेरित कह्या, 14 अर वे ये सै: शमौन जिसका नाम उसने पतरस तो थारे खात्तर बड़ड़ा ईनाम होवेगा, अर थम परमप्रधान की भी धरया, अर उसका भाई अन्द्रियास, अर याकूब, अर यूहन्ना, उलाद मान्ने जाओगे, क्यूँके परमेसवर का धन्यवाद ना करण अर फिलिप्पुस, अर बरतुल्वै, 15 अर मत्ती, अर थोमा, अर आळा अर बुरे माणस पै भी दया करै सै। 36 जिसा थारा पिता हलफई का बेटा याकूब, अर शमौन जो जेलोतेस कुहवै सै, 16 दयालु सै, उससे ए ढाळ थम भी दयालु बणो।” 37 “दोष ना अर याकूब का बेटा यहूदा, अर यहूदा इस्करियोती जो उसका लाओ, तो थारे पै भी दोष न्ही लगाया जावेगा। कसूरवार ना पकड़वाण आळा बणया। 17 फेर यीशु उनकै गेल्या उतरके ठहराओ, तो थमनै भी कोए कसूरवार कोनी ठहरावेगा। माफ कर घो, तो थम भी माफ करे जाओगे। 38 दिया करो तो थारे चौरस जगहां म्ह खड्या होया, अर उसके चेल्यां की बट्टी भीड़, तारीं भी दिया जावेगा। माणस पूरा नाप दबा दबाके अर हला-अर सारे यहूदिया परदेस अर यरुशलैम नगर, सूर अर सैदा नगर हलाके अर उभरदा होया थारी गोद्वी म्ह घाल्लैगें, क्यूँके जिस के समुन्दर कै किनारे तै घणे माणस, 18 जो उसकी सुणण अर नाप तै थम नाप्यो सों, उससे नाप तै थारे खात्तर भी नाप्या अपनी बिमारियाँ तै चंगे होण खात्तर उसकै धोरे आए थे, उड़ै जावेगा।” 39 फेर उसने उनतै एक उदाहरण कह्या, “के आन्था, थे, अर ओपरी आत्मा तै सताए होए भी ठीक करे जावे थे। 19 आन्थे नै राह बता सके सै? के दोन्नु खड्डे म्ह कोनी गिरेंगें?” 40 सारे उसने छूणा चाहवै थे, क्यूँके उस म्ह तै सामर्थ लिकड़के चेल्ला अपने गुरु तै बड़ड़ा न्ही, पर जो कोए आच्छा सीखा देखके कह्या, “धन्य सो थम जो दीन सो, क्यूँके परमेसवर का होगा, वो अपने गुरु के ढाळ होगा। 41 “तू क्यूँ अपने भाई की राज्य थारा सै।” 21 धन्य सो थम जो इब भूखे सो, क्यूँके आँख के तिन्के जिसे छोटी सी बुराई नै देख्खे सै, अर अपनी थम परमेसवर के जरिये छिकाए जाओगे। धन्य सो थम जो इब आँख म्ह लठ जिसे बड़ी बुराई तन्ने कोनी दिखदी?” 42 जिब रोओ सो, क्यूँके हांसोगे। 22 धन्य सो थम जिब मुझ माणस तू अपनी ए आँख का लठ कोनी देख्खे, तो अपने भाई तै किस के बेटे कै बाबत माणस थारे तै बैर करैगें, अर थमनै लिकाड़ तरियां कह सके सै, “हे भाई, आ मै तेरी आँख म्ह तै तिन्का देवें, अर थारी बुराई करैगें, अर थारा नाम बुरा जाणके काट लिकाड़ यु?” हे कपटी, पैहल्या अपनी जीवन की बुराई दूर कर

फेर तू अपने भाई ने अच्छी दाऊँ बुराई तै बचा सकैगा। 43 “कोए आच्छा दरखत कोनी जो बेकार फळ ल्यावै, अर ना तो कोए बेकार दरखत सै जो आच्छा फळ ल्यावै। 44 हरेक दरखत अपने फळ तै पिच्छाणा जावै सै, क्यूँके माणस झाड़ियाँ तै अंजीर कोनी तोड़दे अर ना बड़बेरी तै अंगूर। 45 भला माणस अपने मन के भले भण्डार तै भली बात लिकाड़े सै, अर बुरा माणस अपने मन के बुरे भण्डार तै बुराई की बात लिकाड़े सै, क्यूँके जो मन म्ह भरया सै वोए उसकी जुबान पै आवै सै।” 46 “जिब थम मेरा कहणा न्ही मान्दे तो क्यातै मन्ने ‘हे प्रभु, हे प्रभु’ कहो सो? 47 जो कोए मेरे धोरे आवै सै अर मेरी बातनां नै सुणकै उननै मान्ने सै, मै थमनै बताऊँ सूँ के वो किसकी तरियां सै: 48 वो उस माणस की ढाळ सै, जिसनै घर बणादें बखत धरती डून्धी खोदके चट्टान पर नीम बणाई, अर जिब बाढ़ आई तो धारा उस घर पै लागी पर उसनै हला न्ही सकी, क्यूँके वो पक्का बणरया था। 49 पर जो सुणकै कोनी मान्दा वो उस माणस की ढाळ सै, जिसनै माट्टी पै बिना नीम घर बणाया, जिब उसपै धारा लागी तो वो जिबे पड़ग्या अर पड़के उसका सत्यानाश होग्या।”

**7** जिब उसनै माणसां तै ये सारी बात कह दी, तो कफरनहूम नगर म्ह आया। 2 उड़ै किसे सूबेदार का एक नौक्कर जो उसका प्यारा था, बीमारी तै मरण पै था। 3 उसनै यीशु का जिक्क सुणकै यहूदिया परदेस के कई यहूदी अगुवां ताहीं उसतै या बिनती करण नै उसके धोरे भेज्या के आकै मेरे नौक्कर नै ठीक करै। 4 वे यीशु के धोरे आए, अर उसतै घणी बिनती करके कहण लागे, “वो इस जोग्गा सै के तू उसके खात्तर न्यू करै, 5 क्यूँके वो म्हारी जात तै प्यार राक्खै सै, अर उससे नै म्हारे आराधनालय ताहीं बणवाया सै।” 6 यीशु उनके गेल्या गया, पर जिब वो घर तै माड़ी-सी दूर था, तो सूबेदार नै उसके धोरे कई साथियाँ तै न्यू कहवां भेज्या, “हे प्रभु, काल ना होवै, क्यूँके मै इस लायक कोनी के तू मेरी छात के तळै आवै। 7 इसे करके मन्ने खुद ताहीं इस लायक भी कोनी समझा के तेरे धोरे आऊँ, पर सिर्फ मुँह तै कह दे तो मेरा नौक्कर ठीक हो ज्यागा। 8 क्यूँके मै जाणू सूँ, के मै भी किसी के आदेशां का पालन करूँ सूँ, अर सिपाही मेरे आदेशां का पालन करै सै। जिब मै एक तै कहूँ सूँ, जा, तो वो जावै सै, अर दुसरे तै, आ, तो वो आवै सै, अर अपने नौक्कर तै कहूँ सूँ, यो कर, तो वो करै सै।” 9 यो सुणकै यीशु के अचम्भा होया अर उसनै मुँह फेरके उस भीड़ तै जो उसके गेल्या आवै थी, कहा, “मै थमनै कहूँ सूँ के मन्ने इस्राएल म्ह भी इसा बिश्वास न्ही देख्या।” 10 फेर भेज्जे होए वे माणस जिब घरां बोहड़े तो उननै उस नौक्कर ताहीं निरोगी पाया। 11 थोड़े दिनां पाच्छे यीशु नाईन नाम के एक नगर म्ह गया, अर उसके चेल्लें अर बड़ी भीड़ उसके गेल्या जाण लागरी थी। 12 जिब वो नगर के फाटक के धोरे पोंहच्या, तो लखाओ, माणस एक मुरदे नै बाहरणै लेकै जावै थे, जो अपनी माँ का एक्ला बेटा था, अर वा बिधवा थी, अर नगर के घणखरे माणस

उसके गेल्या थे। 13 बिधवा ताहीं देखकै प्रभु नै उसपै तरस आया, अर उसतै कहा, “मतना रोवै।” 14 फेर यीशु नै धोरे आके अर्थी ताहीं छुया, अर अर्थी ठाण आळे ठैहरगे। फेर यीशु नै कहा, “हे जवान, मै तन्नै कहूँ सूँ, उठ।” 15 फेर वो मुदा उठ बेठ्या, बोल्लण लाग्या। उसनै उस ताहीं उसकी माँ तै सोंप दिया। 16 इस घटना तै सारे डरगे, अर वे परमेसवर की बड़ाई करके कहण लागे, “म्हारे बिचाळे एक बड़ड़ा नबी आया सै, अर परमेसवर नै अपने माणसां पै दया की निगांह करी सै।” 17 अर उसके बारे म्ह या बात सारे यहूदिया परदेस अर लोवै-धोवे के सारे परदेसां म्ह फैलगी। 18 यूहन्ना ताहीं उसके चेल्यां नै इन बातों की खबर दी। 19 फेर यूहन्ना नै अपने चेल्यां म्ह तै दोग्यां ताहीं बुलाके प्रभु के धोरे न्यू बुझ्झण खात्तर भेज्या, “के आण आळा तूए सै, या हम किसे और की बात देखखां?” 20 उननै उसके धोरे आके कहा, “यूहन्ना बपतिस्मा देणआळे नै म्हारे ताहीं तेरे धोरे न्यू बुझ्झण नै भेज्या सै, के आण आळा वो मसीहा जिसका वादा परमेसवर नै करया था, तू ए सै, या हम किसे और की बात देखखां?” 21 उससे बखत उसनै घणाए ताहीं बिमारियाँ, अर काल्ली, अर ओपरी आत्मायाँ तै छुटाया, अर घणाए की आँख खोल दी, 22 अर उसनै उनतै कहा, “जो कुछ थमनै देख्या अर सुणया सै, जाके यूहन्ना ताहीं कह घो, के आन्धे देखखें सै, लंगड़े चाल्लै-फिरे सै, कोढ़ी शुद्ध करे जावै सै, बहरे सुणे सै, मुर्दे जिन्दे करे जावै सै, अर कंगालां ताहीं सुसमाचार सुणया जावै सै। 23 धन्य सै वे जो मेरे पै शक न्ही करते, अर बिश्वास करणा न्ही छोड़दे।” 24 जिब यूहन्ना के भेज्जे होड़ माणस चले गये तो यीशु यूहन्ना के बारे म्ह माणसां तै कहण लाग्या, “थम जंगल-बियाबान म्ह के देखण गये थे? के हवा म्ह हाल्दे होए सरकंडे नै?” 25 तो फेर थम बण म्ह के देखण गये थे? के कोमल लत्ते पहरे होए माणस नै? लखाओ, जो चमकदे लत्ते पहरे अर असो-आराम म्ह रहवें सै, वे राजघरां म्ह रहवें सै। 26 तो फेर थम बण म्ह के देखण गये थे? के किसे नबी नै? हाँ, मै थमनै कहूँ सूँ, बल्के नबी तै भी बड़े नै। 27 यो वोए सै, जिसके बारे म्ह लिख्या सै: लखा, “मै अपने दूत नै तेरे आगै-आगै भेज्जू सूँ, जो तेरे आगै तेरी राही सीध्धी करैगा।” 28 “मै थमनै कहूँ सूँ के जो बिरबानियाँ तै जणे सै, उन म्ह तै यूहन्ना बपतिस्मा देणआळे तै बड़ड़ा कोए न्ही पर जो परमेसवर के राज्य म्ह छोटे तै छोटा सै, वो उसतै भी बड़ड़ा सै।” 29 फेर हरेक किसे नै, उरे ताहीं के चुंगी लेण आळे माणसां नै भी यूहन्ना की बात सुणकै उसतै बपतिस्मा लेकै यो मान लिया के परमेसवर ए धर्मी सै। 30 पर फरीसियाँ अर शास्त्रियाँ नै यूहन्ना तै बपतिस्मा कोनी लेकै परमेसवर के मनसां ताहीं अपने बारे म्ह टाळ दिया। 31 “पर मै इस युग के माणसां की बराबरी किसतै करे के वे किसकी ढाळ सै?” 32 वे उन बाळकां की ढाळ सै जो बजारां म्ह बेठे होए एक-दुसरे तै रुक्के मारके शिकायत करै सै, हमनै थारे खात्तर बाँसली

बजाई, अर थम कोनी नाच्चे, हमनै बिलाप करया, अर थम कोनी रोए! 33 क्यूँके यूहन्ना बपतिस्मा देण आळा ना रोटी खाया होया करदा अर ना अंगूर का रस पिया होया करदा, अर थम कहो सो, उस म्ह ओपरी आत्मा सै। 34 मुझ माणस के बेटे का खाण-पान और माणसां की तरियां साहा ए सै, लखाओ, थमनै मेरे ताहीं पेट्टू अर पियक्कड़ माणस, चुगी लेणिये का अर पापियाँ का साथी घोषित कर दिया। 35 पर ज्ञान अपणे काम्मां म्ह सच्चा ठहराया गया सै। 36 फेर किसे फरीसी नै उसतै बिनती करी के वो उसके गेल्या खाणा खावै, आखर वो उस फरीसी कै घरां जाकै खाणा खाण बेठ्या। 37 उस नगर की एक पापण बिरबान्नी न्यू जाणकै के यीशु फरीसी कै घर म्ह खाणा खाण बेठ्या सै, संगमरमर कै बरतन म्ह महँगा खसबूदार तेल ल्याई, 38 अर उसके पायां कै धोरे, पाच्छे खड़ी होके, रोँदी होई उसके पायां नै आसूँत अँ ते भेण लागी अर अपणे सिर कै बाळां तै पूंझण लागी, अर उसके पायां नै बार-बार चूमके उनपै महँगा खसबूदार तेल मळ्या। 39 न्यू देखकै शमौन फरीसी जिसनै यीशु ताहीं बुलाया था, अपणे मन म्ह सोच्वण लागग्या, “जै यो नबी होन्दा तो जाण जान्दा के या जो उसनै छूण लागरी सै, वा कौण अर किसी बिरबान्नी सै, क्यूँके वा तो पापण सै।” 40 यीशु नै उसके मन के विचार जाणके उस ताहीं उदाहरण म्ह कह्या, “हे शमौन, मननै तेरे तै कुछ कहणा सै।” वो बोल्या, “हे गुरु, कह।” 41 यीशु नै एक और उदाहरण दिया, “किसे साहूकार के दो देणदार थे, एक पाँच सौ अर दुसरा पचास दीनार (50 दिन की मजदूरी) का देणदार था। 42 जिब उनकै धोरे चुकाण नै कुछ न्ही रह्या तो उसनै दोनुआ का कर्ज माफ कर दिया। इस करके उन दोन्नु माणसां म्ह तै कौण उसतै घणा प्यार राक्खैगा?” 43 शमौन नै जवाब दिया, “मेरी समझ म्ह वो माणस, जिसका घणा कर्जा माफ होया।” यीशु नै उसतै कह्या, “तन्नै ठीक कह्या सै।” 44 अर उस बिरबान्नी कान्ही पलटके उसनै शमौन तै कह्या, “तन्नै देख्या सै के इस बिरबान्नी नै के करया सै? मै तेरे घरां आया पर तन्नै मेरे पैर धोण नै पाणी भी कोनी दिया, पर इसनै मेरे पैर आँसूँत तै भेये अर अपणे बाळां तै पूंजे। 45 तन्नै मेरे ताहीं चुम्या न्ही, पर जिब तै मै आया सूं जिब्बे तै इसनै मेरे पायां ताहीं चुमना न्ही छोड्या। 46 तन्नै मेरे सिर पै तेल कोनी मळ्या, पर इसनै मेरे पायां पै इत्र मळ्या सै। 47 इस करके मै तन्नै कहूँ सूं के इसनै कई पाप करे थे, जो माफ होगे, क्यूँके इसनै मेरे तै घणा प्यार करया सै, पर जिसका पाप कम माफ होया सै, वो कम प्यार करै था।” 48 अर उसनै बिरबान्नी तै कह्या, “तेरे पाप माफ होए।” 49 फेर जो माणस उसकै गेल्या खाणा खाण नै बेठ्ठे थे, वे अपणे-अपणे मन म्ह सोच्वण लागे, “यो के परमेसवर सै, जो पापां नै भी माफ कर सके सै?” 50 पर उसनै उस बिरबान्नी ताहीं कह्या, “परमेसवर नै तेरे ताहीं बचाया सै, क्यूँके तन्नै मेरे पै विश्वास करया सै, खुश होके चली जा।”

8 इसके बाद यीशु नगर-नगर अर गाम-गाम्मां म्ह प्रचार करदा होया, अर परमेसवर कै राज्य का सुसमाचार सुणादा होया हांडण लाग्या, अर वे बारहां चेल्लें उसकै गेल्या थे, 2 अर कुछ बिरबान्नी भी थी जो ओपरी आत्मायाँ तै अर बिमारियाँ तै छुटाई गई थी, अर वे ये सै: मरियम जो मगदलीनी कुहावे थी, जिसम्ह तै सात ओपरी आत्मा लिक्की थी, 3 अर हेरोदेस राजा के भण्डारी खुजा की घरआळी योअन्ना, अर सूंसन्नाह, अर घणखरी दुसरी बिरबान्नी। ये अपणे धन तै यीशु अर उसके चेल्यां की सेवा-पाणी करै थी। 4 जिब बड़ी भीड़ कट्टी होई अर नगर-नगर के माणस उसकै धोरे चालकै आवे थे, तो उसनै उदाहरण म्ह कह्या 5 “एक किसान बीज बोण लिक्क्या। बोदे होए कुछ बीज राही कै किनारे पड़े, अर रोंद्या गया, अर अकास के पंछियाँ नै उस ताहीं चुग लिया। 6 कुछ बीज चट्टान पै पड्या, अर जामग्या, पर नमी ना मिलण कै कारण सूख ग्या। 7 कुछ झाडियाँ कै बिचाळे पड्या, अर झाडियाँ नै गेलै-गेलै बढके उस ताहीं दबा लिया। 8 कुछ आच्छी धरती पै पड्या, अर उगकै सौ गुणा फळ ल्याया।” न्यू कहकै वो जोर तै बोल्या, “जिसके कान हो वो ध्यान तै सुण ले।” 9 उसके चेल्यां नै उसतै बुझ्या के इस उदाहरण का के मतलब सै? 10 उसनै कह्या, “थारे ताहीं परमेसवर कै राज्य के भेद की समझ दे राक्खी सै, पर औरां नै उदाहरणां म्ह सुणाया जावै सै, इस करके के ‘वे देखे होए भी कोनी देखवै, अर सुणदे होए भी कोनी समझै।” 11 उदाहरण का मतलब यो सै: बीज परमेसवर का वचन सै 12 राही कै किनारे के वे सै, जिन नै सुणया, फेर शैतान आकै उनकै मन म्ह तै वचन ठा ले जावै सै के कदे इसा ना हो के वे विश्वास करके उद्धार पावै। 13 चट्टान पै के वे सै, के जिब सुणै सै, तो खुश होके वचन नै अपणावै सै, पर जड़ कोनी पकड़दे वे माड़ी वार ताहीं विश्वास राक्खै सै अर मुसीबत कै बखत बहक जावै सै। 14 जो झाडियाँ म्ह पड्या, यो वे सै जो सुणै सै, पर आगे जाकै फिक्र, अर धन, अर जिन्दगी के ऐसो-आराम म्ह फँस जावै सै अर उनका फळ कोनी पकदा। 15 पर आच्छी धरती के वे सै, जो वचन सुणके भले अर आच्छे मन तै साम्ये राक्खै सै, अर धीरज तै फळ ल्यावै सै। 16 “कोए दीवा जळा के बरतन तै कोनी ढकदा, अर ना खाट तळै धरै सै, पर टांडी पै धरै सै ताके भीत्तर आण आळे नै चाँदणा मिलै। 17 कुछ लुहक्या कोनी जो दिखाया कोनी जावै, अर ना किमै लुहक्या सै जिसका बेरा न्ही पटै। 18 ज्यांतै चौक्कस रहो के थम किस तरियां सुणो सो? क्यूँके जिसकै धोरे सै उसतै दिया जावैगा, अर जिसकै धोरै न्ही सै उसतै वो भी ले लिया जावैगा, जिसनै वो अपणा समझै सै।” 19 यीशु की माँ अर उसके भाई उसकै धोरे आए, पर भीड़ कै कारण उसतै मिल न्ही सके 20 उसतै कह्या गया, “तेरी माँ अर तेरे भाई बाहरणै खड़े होए, तेरे तै मिलणा चाहवें सै।” 21 यीशु नै इसके जवाब म्ह उनतै कह्या, “मेरी माँ अर मेरे भाई येए सै, जो परमेसवर का वचन सुणै अर मान्नै सै।” 22

फेर एक दिन वो अर उसके चेल्लें किस्ती पै चढ़े, अर उसने उनतै कहा, “आओ, समुन्दर के परली ओड़ चाल्लां।” आखर उननै किस्ती खोल दी। 23 पर जब किस्ती चालरी थी, तो वो सोग्या अर समुन्दर पै आँधी आगी, अर किस्ती पाणी तै भरण लागी अर वे खतरे म्ह थे। 24 फेर उननै धोरै आकै उस ताहीं जगाया, अर कहा, “हे माल्लिक! हे माल्लिक! हम डूबके मरण आळे सां।” फेर उसने उठके आँधी ताहीं अर पाणी की झाल्लां ताहीं धमकाया अर वे थमगे अर शान्ति होई। 25 फेर उसने उनतै कहा, “थारा बिश्वास कित्त था?” पर वे डरगे अर हैरान होके आप्पस म्ह कहण लागगे, “यो कौण सै जो आँधी अर पाणी नै भी हुकम देवै सै, अर वे उसकी मान्नै सै?” 26 फेर वे गिरासेनियों के देश म्ह पोहचे, जो उस पार गलील समुन्दर कै स्याम्ही सै। 27 जब वो किनारे पै उतरया तो उस नगर का एक माणस उसतै मिल्या जिसम्ह ओपरी आत्मा थी। वो घणे दिनां तै उघाड़ा था अर ना घरां रहवै था बल्के कब्रिस्तान म्ह रह्या करै था। 28 वो यीशु नै देखके जोर तै किल्ली मारकै उसके स्याम्ही पड़के जोर तै बोल्या, “हे परमप्रधान परमेसवर के बेट्टे यीशु! मन्ने तेरे तै के काम? मै तेरे तै बिनती करूँ सूँ, मन्ने काल ना करै।” 29 क्यूँके वो उस ओपरी आत्मा ताहीं उस माणस म्ह तै लिकड़ण का हुकम देवै था, इस करके के वो उसपै बार-बार हावी होवै थी। ऊतो माणस उसनै साँकळां अर बेलां तै जुड़ै थे फेरभी वो बन्धनां नै तोड़ देवै था, अर ओपरी आत्मा उसनै बण म्ह भजाए फिरै थी। 30 यीशु नै उसतै बुझ्या, “तेरा के नाम सै?” उसनै कहा, “सेना,” क्यूँके घणीए ओपरी आत्मा उस म्ह रहवै थी। 31 उननै यीशु बिनती करी के हमने अथाह कुण्ड म्ह जाण का हुकम ना देवै। (Abyssos g12) 32 उड़ै पहाड़ पै सूअरां का एक बड़ड़ा टोळ चरै था, इस करके उननै उसतै बिनती करी के हमने उन म्ह बैठणे दे। उसने उन ताहीं जाण दिया। 33 फेर ओपरी आत्मा उस माणस म्ह तै लिकड़के सूअरां म्ह जा पड़ी अर वो टोळ ढळान पे तै झपटके गलील समुन्दर म्ह जा पड्या अर डूब मरया। 34 पाळी यो जो होया था देखके भाज्ये, अर नगर म्ह अर गाम्मां म्ह जाके उसकी खबर दी। 35 माणस जो होया था उसनै देखण नै लिकड़े, अर यीशु कै धोरै आकै जिस माणस तै ओपरी आत्मा लिकड़ी थी, उसनै यीशु के पायां कै धोरै लते पहरै अर सोध्दी म्ह बेट्टे देखके डरगे, 36 अर देखण आळा नै उन ताहीं बताया के वो ओपरी आत्मयाँ का काल करया होड़ माणस किस तरियां ठीक होया। 37 फेर गिरासेनियों कै लोवै-धोवै के सारे माणसां नै यीशु तै बिनती करी के म्हारे उरै तै चलया जा, क्यूँके वे घणे डरगे थे। आखर म्ह वो किस्ती पै चढ़के बोहड़ आया। 38 जिस माणस म्ह ओपरी आत्मा लिकड़ी थी वो उसतै बिनती करण लाग्या के मन्ने अपणे गेल्या रहण दे, पर यीशु नै उस ताहीं बिदा करके कहा, 39 “अपणे घरां बोहड़ जा अर माणसां तै बता के परमेसवर नै तेरे खात्तर किसे बड़े-बड़े काम करे सै।” वो जाके सारे नगर म्ह प्रचार करण

लाग्या के यीशु नै मेरे खात्तर किसे बड़े-बड़े काम करे। 40 जब यीशु बोहड़या तो माणस उसतै राज्जी होके मिले, क्यूँके वे सारे उसकी बाट देखवै थे। 41 इतने म्ह याईर नाम का एक माणस आया, जो आराधनालय का सरदार था, अर यीशु कै पायां म्ह पड़के उसतै बिनती करण लागग्या के मेरे घरां चाल, 42 क्यूँके उसकी बारहां साल की एकलौती बेट्टी थी, अर वा मरण नै होरी थी। जब वो जाण लागरया था, जद माणस उसपै पड़ण लागरे थे। 43 एक बिरबान्नी नै जिसके बारहां साल तै लहू बहण की बीमारी थी, अर जो अपणी सारी कमाई डाक्टरां के पाच्छे बरतगी थी, फेरभी किसे कै हाथ तै चंगी कोनी हो सकी थी, 44 पाच्छे तै आके उसके लते ताहीं छुया, अर जिब्बे उसका लहू बहणा बन्द होगा। 45 इसपै यीशु नै कहा, “मेरेताहीं किसनै छुया?” जब सारे नाटृण लागगे, तो पतरस अर उसके साथियाँ नै कहा, “हे माल्लिक, तन्ने तो भीड़ दबाण लागरी सै अर तेरे पै पड़ण लागरी सै।” 46 पर यीशु नै कहा, “किसे नै मेरे ताहीं छुआ सै, क्यूँके मन्ने बेरा पाटग्या के मेरे म्ह तै सामर्थ लिकड़ी सै।” 47 जब बिरबान्नी नै देख्या के मै लुहक कोनी सकदी, फेर काम्बदी होई आई अर उसके पायां पै पड़के सारे माणसां के स्याम्ही बताया के उसनै किस कारण उस ताहीं छुया, अर किस तरियां जिब्बे चंगी होई। 48 उसने उसतै कहा, “बेट्टी, तेरे बिश्वास नै तेरे ताहीं ठीक करया सै, खुशी-खुशी चली जा।” 49 वो न्यू कहवै था के किसे नै आराधनालय के सरदार याईर कै उरै तै आके कहा, “तेरी छोरी मर ली सै: गुरु नै काल ना करै।” 50 यीशु नै न्यू सुणके उसतै जवाब दिया, “मतना डरै, सिर्फ बिश्वास राख, तो वा बच जावैगी।” 51 घर म्ह आके उसने पतरस, यूहन्ना, याकूब, अर छोरी के माँ-बाप नै छोड़ दुसरे किसे नै अपणे गेल्या भीत्तर कोनी आण दिया। 52 सारे उसके बाबत रोण-पिटृण लागरे थे, पर उसनै कहा, “रोओ मतना, वा मरी कोनी पर सोवै सै।” 53 वे न्यू जाणके के वा मरगी सै उसका मजाक उड़ाण लाग्ये। 54 पर उसनै उसका हाथ पकड्या, अर रुक्का मारके कहा, “हे छोरी, उठ।” 55 फेर उसका जी बोहड़ आया अर वा जिब्बे उठ बेट्टी। फेर उसनै हुकम दिया के उसनै कुछ खाण नै द्यो। 56 उसके माँ-बाप हैरान होए, पर उसनै उन ताहीं चिताया के यो जो होया सै किसे तै ना कहियो।

**9** फेर उसने अपणे बारहां चेल्यां ताहीं बुलाके उननै सारी ओपरी आत्मयाँ अर बिमारियाँ ताहीं दूर करण की सामर्थ अर हक दिया, 2 अर उननै परमेसवर कै राज्य का प्रचार करण अर बिमारां ताहीं आच्छा करण खात्तर भेज्या। 3 उसनै उनतै कहा, “राह खात्तर कुछ ना लियो, ना तो लाट्टी, ना झोळी, ना रोटी, ना रपिये अर ना दो-दो कुड़ते। 4 जिस किसे घर म्ह उतरो, उड़ेए रहो, अर उड़ेए तै बिदा होइयो। 5 जो कोए थमने न्ही अपणावै, उस नगर तै जान्दे होए अपणे पायां की धूळ झाड़ दियो के उनपै गवाही होवै।” 6 आखर म्ह वे लिकड़के गाम-गाम सुसमाचार सुणान्दे, अर हरेक माणसां नै ठीक करदे होए हांडदे

रहे। 7 चौथाई देश के गलील परदेस का राजा हेरोदेस यो सारा सुणके घबरागया, क्यूँके कईयाँ नै कह्या, के यूहन्ना मरे होया म्ह तै जिन्दा होया सै, 8 अर कईयाँ नै न्यू कह्या के एलिय्याह दिख्या सै, अर औरां नै न्यू के पुराणे नबियाँ म्ह तै कोए जिन्दा होया सै। 9 पर हेरोदेस नै कह्या, “यूहन्ना का तो मन्ने सिर कटवाया, इब यो कौण सै जिसके बाबत इसी बात सुणु सूँ?” अर उसने उस ताहीं देखण की चाहन्ना करी। 10 फेर प्रेरितां नै बोहड़के जो कुछ उननै करया था, उस ताहीं बता दिया, अर वो उननै न्यारे करके बैतसैदा नामक नगर म्ह लेग्या। 11 न्यू जाणके भीड़ उसके पाछै हो ली, अर वो राज्जी होके उनतै मिल्या, अर उनतै परमेसवर के राज्य की बात करण लाग्या, अर जो चंगे होणा चाहवै थे उन ताहीं ठीक करया। 12 जिव दिन छिपण लाग्या तो बारहां नै आके उसतै कह्या, “भीड़ नै जाणदे के चौगरदे के गाम्मां अर बस्तियाँ म्ह जाके ठहरै अर खाणे का जुगाड़ करै, क्यूँके हम उरै बियाबान जगहां म्ह सां।” 13 यीशु नै उनतै कह्या, “थमे उननै खाण नै द्यो।” उननै कह्या, “म्हारै धोरै पाँच रोटी अर दो मच्छियाँ नै छोड़के और कुछ कोनी, पर हाँ, जै हम जाके इन सारया खात्तर खाणा मोल ल्यावां, फेर हो सके सै।” वे माणस तो पाँच हजार माणसां के करीबन थे। 14 फेर उसनै अपणे चेल्यां तै कह्या, “उननै पचास-पचास करके लैणपतार म्ह बिठा द्यो।” 15 उननै न्यूए करया, अर सारया ताहीं बिठा दिया। 16 फेर यीशु नै वे पाँच रोटी अर दो मच्छियाँ ली, सुर्ग कान्ही लखाके परमेसवर का धन्यवाद करया, अर रोटी तोड़-तोड़के चेल्यां ताहीं देंदा गया के माणसां ताहीं बाँडे। 17 फेर सारे खाके छिकगे, अर चेल्यां नै बचे होड़ टुकड्या तै भरी होई बारहां टोकरी ठाई। 18 जिव वो एकले म्ह प्रार्थना करै था अर चेल्लें उसके गेल्या थे, तो उसनै उनतै बुड़झया, “माणस मन्ने के कहवै सै?” 19 उननै जवाब दिया, “यूहन्ना बपतिस्मा देण आळा, अर कोए एलिय्याह, अर कोए यो के पुराणे नबियाँ म्ह तै कोए जिन्दा होया सै।” 20 उसने उनतै बुड़झया, “पर थम मन्ने के कही सो?” पतरस नै जवाब दिया, “परमेसवर का मसीह।” 21 फेर उसनै उनतै चिताके कह्या के यो किसे तै ना कहियो। 22 फेर उसनै कह्या, “मुझ माणस के बेटे खात्तर जरूरी सै के मै घणा दुख ठाऊँ, अर यहूदी अगुवें, प्रधान याजक अर शास्त्री मन्ने तुछ समझके मार देवै, अर मै तीसरे दिन जिन्दा हो जाऊँगा।” 23 उसने सारया तै कह्या, “जो कोए मेरै मेरा चेल्ला बणणा चाहवै, वो अपणी ए इच्छा पूरी ना करै बल्के हरेक दिन अपणे दुखां का क्रूस ठाके, मेरै पाछै हो लेवै। 24 क्यूँके जो कोए अपणी जान बचाणा चाहवैगा वो उसनै खोवैगा, पर जो कोए मेरी खात्तर अपणी जान खोवैगा वोए उसनै बचावैगा। 25 जै माणस सारी दुनिया नै पा लेवै अर अपणी जान खो दे या उसका नुकसान ठावे, तो उसनै के फायदा? 26 जो कोए मेरै तै अर मेरी बात्तां तै सरमावैगा, मै माणस का बेटा भी, जिव अपणी अर अपणे पिता की अर पवित्र सुर्मादूतां की महिमा

सुधां आऊँगा, तो उसतै सरमावैगा। 27 “मै थमनै साच्ची कहुँ सूँ, के जो याडै खड़े सै, उन म्ह तै कुछ इसे सै के जिव ताहीं परमेसवर का राज्य ना देख लेवें, जद ताहीं मौत उननै कदे छू भी न्ही पावैगी।” 28 इन बात्तां के कोए आठ दिनां पाछै वो पतरस, यूहन्ना अर याकूब नै गेल्या लैके प्रार्थना करण खात्तर पहाड़ पै गया। 29 जिव वो प्रार्थना करै था, तो उसके मुँह का रूप बदल गया, अर उसके लत्ते धोळे होके चमकण लागे। 30 अर लखाओ, मूसा नबी अर एलिय्याह नबी ये दो माणस उसके गेल्या बतलावै थे। 31 ये महिमा सुधां दिक्खे अर यीशु के मरण का जिक्र करै थे, जो यरूशलेम म्ह होण आळा था। 32 पतरस अर उसके साथी नींद म्ह होरे थे, अर जिव ठीक तरियां सोध्दी म्ह आए, तो उसकी महिमा अर उन दो माणसां नै, जो उसके गेल्या खड़े थे, देख्या। 33 जिव वे उसके धोरै तै जाण लागे, तो पतरस नै यीशु तै कह्या, “हे माल्लिक, म्हारा उरै रहणा भला सै: आखर म्ह हम तीन मण्डप बणावा, एक तेरे खात्तर, एक मूसा नबी खात्तर, एक एलिय्याह नबी के खात्तर।” उसनै बेरा कोनी था के कह के रह्या सै। 34 वो न्यू कहवैए था के एक बादळ आके उनपै छाग्या, अर जिव वे उस बादळ तै घिरण लागे तो वे डरगे। 35 फेर उस बादळ म्ह तै या वाणी लिकड़ी, “यो मेरा बेटा अर मेरा चुण्या होया सै, इसकी सुणो।” 36 या आवाज होन्दे यीशु एकला होग्या, अर वे बोल-बाल्ले रहे, अर जो कुछ देख्या था उसकी कोए बात उन दिनां म्ह किसे तै न्ही कही। 37 दुसरे दिन जिव वो पहाड़ तै उतरया तो एक बड्डी भीड़ उसतै आ मिली। 38 अर लखाओ, भीड़ म्ह तै एक माणस नै किल्की मारके कह्या, “हे गुरु, मै तेरे तै बिनती कहुँ सूँ के मेरे बेटे पै दया की निगांह फेर दे, क्यूँके वो मेरा एकला बेटा सै। 39 अर दे, एक भुंड़ी ओपरी आत्मा उसनै पकड़ै थी, अर वो चाणचक किल्की मारे था, अर वा उसनै इसा मरोड़ै थी के वो मुँह म्ह तै झाग भर लावै सै, उसनै रोंदके घणी मुश्किल तै छोड़ै थी। 40 मन्ने तेरे चेल्यां तै बिनती करी के उसनै लिकाड़े, पर वे कोनी काढ सके।” 41 यीशु नै जवाब दिया, “हे अबिश्वासी अर जिद्दी माणसाँ, मै कद ताहीं थारे गेल्या रहुँगा अर थारी सहुँगा? अपणे बेटे नै उरै लिया।” 42 जिव वो आवै था तो ओपरी आत्मा नै उस ताहीं पटकके मरोड्या, पर यीशु नै उस ओपरी आत्मा ताहीं धमकाया अर छोरे ताहीं ठीक करके पिता तै थमा दिया। 43 फेर सारे माणस परमेसवर के घणे सामर्थ तै हैरान होए। पर जिव सारे माणस उन सारे काम्मां तै जो वो करै था, हक्के-बक्के थे, तो उसनै अपणे चेल्यां तै कह्या, 44 “थम इन बात्तां पै गौर करो, क्यूँके मै माणस का बेटा माणसां के हाथ्यां म्ह पकड़वाया जाण पै सूँ।” 45 पर वे इस बात नै कोनी समझै थे, अर या बात उनतै लुक्ही रही के उननै उसका बेरा न्ही पाट्टै, अर वे इस बात के बारे म्ह उसतै बुड़झण तै डरे थे। 46 फेर उन म्ह या बहस होण लाग्गी के म्हारे तै बड़ड़ा कोण सै। 47 पर यीशु नै उनके मन के विचारां ताहीं पढ़ लिया, अर एक बाळक नै लैके अपणे धोरै खड्या

करया, 48 अर उनतै कह्या, “जो कोए मैरे नाम तै इस बाळक नै जाओ, पैहले कही, इस घर का कल्याण हो। 6 जै उड़ै कोए अपणावै सै, वो मन्नै अपणावै सै, अर जो कोए मन्नै अपणावै सै, वो मैरे भेजण आळे नै भी अपणावै सै, क्यूँके जो थारे म्ह सारया म्ह छोट्टे तै छोट्टा सै, वोए बड़ड़ा सै।” 49 फेर यूहन्ना नै कह्या, “हे स्वामी, हमनै एक माणस ताहीं तेरे नाम तै ओपरी आत्मा लिकाड़दे देख्या, अर हमनै उसतै मना करया, क्यूँके वो म्हारी तरियां तेरा चेल्ला न्ही था।” 50 यीशु नै उसतै कह्या, “उसनै नाट्टो ना, क्यूँके जो थारे बिरोध म्ह न्ही, वो थारे कान्ही सै।” 51 जिव उसके उप्पर ठाए जाण के दिन पूरे होण पै थे, तो उसनै यरुशलेम जाण का विचार पक्का करया। 52 उसनै अपणे आगै दूत भेज्जै। वे सामरियाँ के एक गाम म्ह गए ताके उसकै खात्तर जगहां त्यार करै। 53 पर उन माणसां नै उस ताहीं उतरण कोनी दिया, क्यूँके वो यरुशलेम जावे था। 54 न्यू देखके उसके चेल्लें याकूब अर यूहन्ना नै कह्या, “हे प्रभु, तू के चाहवै सै के हम हुकम देवां, के अकास तै आग गिरके उननै भस्म करदे?” 55 पर उसनै बोहड़के उन ताहीं धमकाया (अर कह्या, “थम न्ही जाणदे के थम किसी आत्मा के सो। क्यूँके माणस का बेट्टा लोगां नै जान तै मारण कोनी आया, बल्के उननै बचाण आया सै।”) 56 अर वे किसे दुसरे गाम म्ह चले गये। 57 जिव वे राह म्ह जावै थे, तो किसे नै उसतै कह्या, “जित्त-जित्त तू जावैगा, मै तेरे पाच्छे हो ल्युँगा।” 58 यीशु नै उसतै कह्या, “लोमड़ियां की घुरखाण अर अकास के पंछियाँ के बसेरे हो सै, पर माणस के बेट्टे खात्तर सिर छिपाण की भी जगहां कोनी।” 59 उसनै दुसरे तै कह्या, “मैरे पाच्छे हो ले।” उसनै कह्या, “हे प्रभु, पैहले मन्नै घर जाणदे, मै अपणे पिता के मरण के बाद उस ताहीं दफना के आऊँगा, फेर तेरा चेल्ला बणुगाँ।” 60 उसनै उसतै कह्या, “जो आत्मिक रूप तै मर चुके सै, उननै मुँदे दफणाण दे। पर तू जाके परमेसवर के राज्य की कथा सुणा।” 61 एक और नै भी कह्या, “हे प्रभु, मै तेरे पाच्छे हो लुँगा, पर पैहल्या मन्नै जाणदे के अपणे घर के माणसां तै बिदा ले आऊँ।” 62 यीशु नै उसतै कह्या, “जो कोए अपणा हाथ हळ पै धरके पाच्छे देख्खे सै, वो परमेसवर के राज्य के जोग्गा कोनी।”

**10** इन बातां के बाद प्रभु यीशु नै सत्तर और चेल्लें तैयार करे, अर जिस-जिस गाम अर जगहां पै वो खुद जाण आळा था, उड़ै उननै दो-दो करके अपणे आगै भेज्या। 2 उसनै अपणे चेल्यां तै कह्या, “पके होए खेतां की तरियां लोग तो भोत सै जो परमेसवर के वचन नै सुणाण अर समझणा चाहवै सै। पर फसल काटण आळे थोड़े लोग सै, जो उन ताहीं जाके परमेसवर का वचन सुणा अर समझा सकै। इस करके खेत के माल्लिक यानी परमेसवर तै बिनती करो, के वो और लोगां नै भेज्जै, ताके परमेसवर का वचन सारे लोगां तक पोहच सकै सै।” 3 जाओ, देख्खों, मै थमनै भेड्ठां की तरियां भेड्ठियाँ के बिचाल्ये भेज्जू सूं। 4 इस करके ना बटुआ, ना झोळी, ना जूते ल्यो, अर ना राह म्ह किसे तै नमस्कार करो। 5 जिस किसे घर म्ह

पर नही देखी, अर जो बात थम सुणो सो, सुणो पर नही सुणी।” 25 एक दिन यीशु माणसां नै उपदेश देण लागरया था, तो एक शास्त्री उठ्या अर न्यू कहकै उस ताहीं परखण लाग्या, “हे गुरु, अनन्त जीवन का वारिस होण खात्तर मै के करूँ?” (aiōnios g166) 26 यीशु नै उसतै कहा, “नियम-कायदा म्ह के लिख्या से? अर तू उसनै किस तरियां समझै से?” 27 उसनै जवाब दिया, “तू प्रभु, अपणे परमेसवर तै अपणे सारे मन, अपणे पूरे प्राण अर अपणे सारी शक्ति अर अपणी सारी बुद्धि कै गेल्या प्यार राख, अर अपणे पड़ोसी तै अपणे जिसा प्यार राख।” 28 यीशु नै उसतै कहा, “तन्नै ठीक कहा, न्यूए करिये जिब्बे तू अनन्त जीवन पावैगा।” 29 पर उसनै खुद ताहीं धर्मी जाहिर करण की इच्छा तै यीशु तै बुझ्या, “तो मेरा पड़ोसी कौण सै?” 30 यीशु नै एक कहानी बताकै जवाब दिया, “एक माणस यरुशलेम नगर तै यरीहो नगर म्ह जावै था, के डाकुआं नै घेर कै, उसका सब कुछ खोस कै, उस ताहीं गंगा कर दिया, अर पिट-छेतकै उस ताहीं अधमरा छोड़कै चले गये। 31 अर इसा होया के उससे राही तै एक यहूदी याजक जावै था, पर उसनै उस ताहीं देखकै उसकी मदद कोनी करी अर चल्या गया। 32 इस्से ढाळ एक लेवी उस जगहां पै आया, उसनै भी उसकी मदद कोनी करी, अर वो चल्या गया। 33 फेर सामरी गाम का एक राहगीर ओड़ै तै लिंकड्या, अर उस माणस ताहीं देखकै उसपै तरस खाया। 34 उसनै उसके धोरे आकै उसके घायां पै तेल अर अंगूर का रस गेर कै पट्टी बाँधी, अर अपणे गधे पै चढ़ाकै सराय म्ह लेग्या, अर उसकी सेवा-पाणी करी। 35 दुसरे दिन उसनै दो दीनार (दो दिन की मजदूरी) काढ कै सराय कै माल्लिक तै दिये, अर कहा, इसकी सेवा-पाणी करिये, अर जो कुछ तेरा और लागैगा, वो मै बोहड़दा होया भर घुगां।” 36 यीशु नै उस ताहीं कहा, “इब यो बता तेरी समझ तै जिस माणस ताहीं डाकुआं नै घायल करा था, उन तीनां म्ह तै उस माणस का सच्चा पड़ोसी कौण था?” 37 उसनै कहा, “वोए जिसनै उसपै दया करी।” यीशु नै उसतै कहा, “जा, तू भी न्यूए करया कर।” 38 जिन यीशु अर उसके चेल्लें जावै थे तो वो एक गाम म्ह गया, अर मार्था नाम की एक बिरबान्नी नै बड़ी उदारता तै उसका आदर-सत्कार करया। 39 मरियम नाम की उसकी एक बेब्बे थी। वा प्रभु कै पायां म्ह बैठकै उसका वचन सुणै थी। 40 पर मार्था सेवा-पाणी करदे-करदे परेशान होगी, अर उसके धोरे आकै कहण लागी, “हे प्रभु, के तन्नै कुछ भी फिक्र कोनी के मेरी बेब्बे नै सारा काम का बोझ मेरे पै गेर दिया सै? इस करकै उसतै कह के मेरी मदद करै।” 41 प्रभु यीशु मसीह नै मार्था तै जवाब दिया, “मार्था, हे मार्था, तू घणी बातां खात्तर फिक्र करै, अर परेशान हो ज्या सै। 42 पर एक बात जरूर सै, अर उस बढ़िया हिस्से ताहीं मरियम नै छौट लिया सै जो उसतै खोस्या कोनी जावैगा।”

**11** यीशु किसे जगहां प्रार्थना करण लागरया था। जिन उसनै प्रार्थना कर ली, तो उसके चेल्यां म्ह तै एक नै उसतै कहा, “हे प्रभु, जिस तरियां यूहन्ना नै अपणे चेल्यां ताहीं प्रार्थना करणी सिखाई उससे तरियां ए तू भी हमनै सीखा दे।” 2 उसनै उनतै कहा, “जिन थम प्रार्थना करा, तो कहो, ‘हे पिता, तेरा नाम पवित्र मान्या जावै, तेरा राज्य आवै, 3 म्हारी दिन भर की रोटी हरेक दिन हमनै दिया कर, 4 अर म्हारे पापां नै माफ कर, क्यूँके हम भी अपणे हरेक कसूरवार ताहीं माफ करां सां, अर म्हारे ताहीं परखै ना।” 5 फेर यीशु नै चेल्यां तै कहा, “मान ल्यो थारा एक दोस्त सै, अर थम आध्दी रात नै उसके धोरे ज्याकै उसतै बिनती करो, ‘हे दोस्त, मन्नै तीन रोटी दे। 6 क्यूँके मेरा एक दोस्त सफर करकै मेरे धोरे आया सै, अर उस ताहीं खुआण खात्तर मेरे धोरे कुछ भी कोनी।” 7 अर वो भीत्तर तै थमनै जवाब देवै सै, मन्नै दुखी ना करै, इब तो मन्नै कुवाड़ मुंद राक्खे सै अर मेरे बाळक मेरे धोरे बिछाणा पै सै, इस करकै मै उठकै तन्नै कुछ भी नही दे सकदा? 8 मै थमनै कहूँ सूँ, हालाकि वो माणस उस ताहीं रोटी ना भी देणा चाहवै, तोभी दोस्त होण के नाते वो जरूर उठेगा, अर दोस्त के बार-बार बिनती करण पै, उसकी जरूरत के मुताबिक उस ताहीं जरूर देवैगा।” 9 अर मै थारैतै कहूँ सूँ, के माँगो तो थमनै दिया जावैगा, टोहोनों, तो थम पाओगे, खटखटाओ, तो थारे खात्तर खोल्या जावैगा। 10 क्यूँके जो कोए माँगै सै, उसनै मिले सै, अर जो टोहें सै, वो पावै सै, अर खटखटावै सै, उसकै खात्तर खोल्या जावैगा। 11 थारे म्ह तै इसा कौण पिता होगा, के जिन उसका बेटा रोटी माँगै, तो उसनै पत्थर देवै, या मच्छी माँगै, तो बदले म्ह उसनै साँप देवै? 12 या अंडा माँगै तो उसनै बिच्छु दे? 13 इस करकै जिन थम बुरे होकै, अपणे बाळकां नै आच्छी चीज देणा जाणो सां, तो थारा सुगीय पिता अपणे माँगण आळा नै पवित्र आत्मा क्यूँ नही देवैगा। 14 फेर यीशु नै एक गूंगा माणस म्ह तै ओपरी आत्मा ताहीं लिकाड्या। जिन ओपरी आत्मा लिंकडगी तो गूंगा बोलण लागरया, अर माणसां कै अचम्भा होया। 15 पर उन म्ह तै कुछ नै कहा, “यो तो ओपरी आत्मायाँ के प्रधान शैतान की मदद तै ओपरी आत्मायाँ नै लिकाडै सै।” 16 औरां नै उस ताहीं परखण कै खात्तर उसतै अकास की एक निशान्नी माँगी। 17 पर उसनै उनकै मन की बात जाणकै, उनतै कहा, “जिस-जिस राज्य म्ह फूट आवै सै, वो राज्य उजड़ जावै सै, अर जिस घर म्ह फूट होवै सै, वो नाश हो जावै सै।” 18 जै शैतान खुद का बिरोधी हो जावै, तो उसका राज्य किस तरियां बणया रहवैगा? क्यूँके थम मेरे बाबत कहो सो के यो शैतान की मदद तै ओपरी आत्मायाँ नै काडै सै। 19 भला जै मै शैतान की मदद तै ओपरी आत्मायाँ नै काडूँ सूँ, तो थारी ऊलाद किसकी मदद तै काडै सै? इस करकै वैए थारा न्याय करैगें। 20 पर जै मै परमेसवर के सामर्थ तै ओपरी आत्मायाँ नै काडूँ सूँ, तो परमेसवर का राज्य थारे धोरे आण पौहच्या सै। 21 जिन ठाड़ा माणस हथियार लिये होए

अपणे घर की रुखाळी करै सै, तो उसका धन बचा रहवैगा। 22 पर जब उसतै बाध कोए और ठाड्डा धावा बोलकै उसनै जीत लेवै सै, तो उसके वे राख जिनपै उसका बिश्वास था, खोस लेवै सै अर उसका धन लूटकै बांड देवै सै। 23 जो मेरै गेल्या न्ही वो मेरै बिरोध म्ह सै, अर जो मेरै गेल्या न्ही कट्टा करता, वो खिंडावै सै। 24 “जिब ओपरी आत्मा माणस म्ह तै लिकड़कै जावै सै, तो सूख्खी जगहां म्ह आराम टोह्न्दी फिरै सै, अर वा पांटी कोनी। फेर वा कहवै सै, ‘मै उससे माणस म्ह जड़ै तै लिकड़ी थी बोहड़ जाऊंगी।’ अर आकै उस माणस नै घर जिसा झाड़ा-बुहारा अर सजा-धज्या पावै सै। 25 अर आकै उसनै झाड़ा-बुहारा अर सजा-धज्या पावै सै। 26 फेर वा ओपरी आत्मा जाकै अपणे तै भुंडी सात और आत्मायाँ नै अपणे गेल्या ले आवे सै, अर वे उस म्ह बड़कै वास करै सै, अर उस माणस की पाच्छली हालत पैहल्या तै भी भुंडी हो जावै सै।” 27 जिब यीशु ये बात कहवै था तो भीड़ म्ह तै किसे बिरबानी नै जोर तै बोलकै कह्या, “धन्य सै वो बिरबानी जिस तू जन्मा अर उसका तन्नै दूध पिया।” 28 उसनै कह्या, “हाँ, पर धन्य वे सै, जो परमेसवर का वचन सुणै अर मान्ने सै।” 29 जिब बड्डी भीड़ कट्टी होंदी जावै थी तो वो कहण लाग्या, “इस युग के माणस बुरे सै, वे चिन्ह-चमत्कार तोहँ सै, पर योना नबी के चिन्ह-चमत्कार नै छोड़कै उन ताहीं कोए और चिन्ह-चमत्कार कोनी दिया जावैगा। 30 जिसा योना नबी निनवे के आदमियाँ खातर निशानी ठहरी, उससे तरियाँ मै माणस का बेट्टा भी इस युग के आदमियाँ कै खातर ठहरँगा। 31 दक्षिण देश की राणी न्याय कै दिन इस बखत के माणसां कै गेल्या उठकै उन ताहीं कसूरवार ठैहरावैगी, क्यूँकि वा राजा सुलैमान का ज्ञान सुणण खातर धरती कै सिरे तै आई, अर देख्खों, उरै वो सै जो राजा सुलैमान तै भी बड़ड़ा सै। 32 निनवे नगर के माणस न्याय कै दिन इस युग कै माणसां कै गेल्या उठकै, उन ताहीं कसूरवार ठैहरावैगें, क्यूँके उननै योना नबी का प्रचार सुणकै अपणे पापां ताहीं स्वीकार करया, अर देख्खो, उरै वो सै जो योना नबी तै भी बड़ड़ा सै। 33 “कोए माणस दीवा जळा कै बरतन कै तळै न्ही धरदा, पर टांडी पै थरै सै के भीत्तर आण आळा नै चाँदणा मिलै। 34 देह का दीवा आँख सै, इस करकै जिब तेरी निगांह आच्छी सै तो तेरी सारी देह भी उजाळा होगा। पर जिब तेरी आँख ठीक कोनी सै तो तेरी सारी देह भी अँधेरे म्ह सै। 35 इस करकै चौकन्ने रहो के जो चाँदणा थारे म्ह सै वो अँधेरा ना हो जावै। 36 इस करकै जै तेरी देह म्ह चाँदणा हो अर उसका कोए हिस्सा अन्धेरे म्ह ना रहवै तो सारा का सारा इसा चाँदणा होगा, जिसा उस बखत होवै सै जिब दीवा अपणी चमक तै थारे ताहीं चाँदणा देवै सै।” 37 जिब वो बात करै था तो किसे फरीसी नै उसतै बिनती करी के मेरै उरै आकै खाणा खाईयाँ। वो भीत्तर जाके खाणा खाण नै बेठ्या। 38 फरीसी नै न्यू देखकै हैरानी होई के उसनै खाणा खाण तै पैहल्या हाथ कोनी धोए। 39 प्रभु नै उसके मन के

विचारां ताहीं पढ़कै उसतै कह्या, “हे फरीसियों, थम कटोरे अर थाळी नै उप्पर-उप्पर तै तो माँजो सो, पर थारे भीत्तर अन्धे अर बुराई भरी सै। 40 हे बेअक्लो! जिसनै बाहरणै का हिस्सा बणाया, के उसनै भीत्तर का हिस्सा कोनी बणाया? 41 पर हाँ, भीत्तर आळी चिज्जां नै दान कर घो, तो देख्खो, सारा कुछ थारे खातर पवित्र हो जावैगा।” 42 पर हे फरीसियों, थारे पै धिक्कार सै! थम पुदीने अर सुदाब का अर कई तरियां के साग-पात का दसमां हिस्सा घो सो, पर न्याय ताहीं अर परमेसवर के प्यार ताहीं टाळ घो सो, आच्छा तो था के इन्ने भी करदे रहन्दे अर उननै भी कोनी छोड़दे। 43 हे फरीसियों, थारे पै धिक्कार सै! थम आराधनालयॉं म्ह खास-खास आसन नै चाहो सो अर बजारां म्ह नमस्कार चाहो सो। 44 “धिक्कार सै थारे पै! क्यूँके थम उन लुकही होई कब्रॉ की तरियां सो, जिनपै माणस चाल्लै सै पर कोनी जाणदे।” 45 फेर एक शास्त्री नै उसतै जवाब दिया, “हे गुरु, इन बातां नै कहकै तू म्हारी बुराई करै सै।” 46 पर यीशु नै जवाब दिया, “हे शास्त्रियों थारे पै धिक्कार सै! थम नियम-कायदा का इसा बोझ जिनका ठाणा ओकखा सै, माणसां पै लादो सो, पर थम खुद उनकी मदद खातर उस बोझ नै अपणी आनळी तै भी कोनी छुन्दे।” 47 “धिक्कार सै थारे पै! थम उन नबियाँ की कब्र बणाओ सो, जिन ताहीं थारे पूर्वजां नै मार दिया था।” 48 आखर म्ह थम गवाह सो, अर अपणे पूर्वजां के काम्मां तै रजामंद सो, क्यूँके उननै उन ताहीं मार दिया अर थम उनकी कब्र बणाओ सो। 49 इस करकै परमेसवर की समझ नै भी कह्या सै, “के मे उनके धोरे नबियाँ अर प्रेरितां नै भेज्जुंगी, अर वे उन म्ह तै कईयाँ नै मार देंगे, अर कईयाँ नै दुखी करैगें।” 50 ताके जित्त नबियाँ का लहू दुनिया की शरुआत तै बहाया गया सै, सारया का ब्यौरा इस युग के माणसां तै लिया जावै, 51 हाबिल की हत्या तै लेकै जकर्याह की हत्या ताहीं, जो वेदी अर मन्दर कै बिचाळै मारया गया। मै थारे तै सच कहूँ सूँ, इन सारया का ब्यौरा इस्से बखत के माणसां तै लिया जावैगा। 52 “धिक्कार सै थम शास्त्रियाँ पै! थमनै ज्ञान की ताळी तो ले ली, पर थम खुद कोनी दाखल होए, अर दाखल होण आळै ताहीं भी रोक घो सो।” 53 जिब वो उड़ै तै लिकड़या, तो शास्त्री अर फरीसी भुण्डी तरियां उसकै पाच्छै पड़गे अर छेड़ण लागगे के वो घणखरी बातां का जिक्क करै, 54 अर ताक म्ह लागगे रहे के उसके मुँह तै कही होई कोए बात पकड़ै।

**12** इतनै म्ह जिब हजारों की भीड़ लाग्गी, उरै ताहीं के वे एक-दुसरे पै पड़ण लागगे थे, तो यीशु नै सारया तै पैहल्या अपणे चेल्यां तै यो कह्या, “फरीसियों कै कपट रूपी खमीर तै चौकन्ने रहो। 2 कुछ ढक्या कोनी, जो उघाड़या न्ही जावैगा, ना कुछ लुहक्या सै, जिसका बेरा न्ही पटै। 3 इस करकै जो कुछ थमनै अन्धेरे म्ह कह्या सै, वो उजाळै म्ह सुणया जावैगा, अर जो थमनै कोठड़ियाँ म्ह चुपके-चुपके कह्या सै, वो छात पै तै प्रचार करया जावैगा। 4 “मै थारे तै जो मेरे साथी सो कहूँ

सूँ के जो देह नै घात करै सै पर उसतै ज्यादा और कुछ नही कौण सै, जो चिंता करण तै अपनी उम्र का एक पल भी बढ़ा कर सकदे, उनतै ना डरियो। 5 मै थमनै समझाऊँ सूँ के थमनै सकै सै? 26 इस करके जै थम अपनी जिन्दगी म्ह छोटे-छोटे किसतै डरणा चाहिये, घात करण के बाद, जिस ताहीं नरक म्ह काम भी नही कर सकदे, तो जिन्दगी की बड़ी-बड़ी बातों खातर गेरण का हक सै, उससे तै डरियो। हॉ, मै थारे तै कहूँ सूँ उससे तै क्यातै फिक्र करो सो? 27 “जंगली फूल्लों पै ध्यान करो, के वे किस तरियां बढै सै, वे मेहनत करके अपने खातर लतें कोनी डरियो। (Geenna g1067) 6 के दो पिस्या की पाँच गौरैयाँ (एक बणाते। तोभी मै थारे तै कहूँ सूँ के राजा सुलेमान भी, अपने छोटी चिड़ियाँ) नही बिकदी? फेरभी परमेसवर उन म्ह तै एक सारे शानों-शोकत म्ह, उन म्ह तै, किसे के समान लते पैहरे होए नै भी कोनी भुल्दा। 7 थारे सिर के एक-एक बाळ भी गिणे कोनी था। 28 इस करके जै परमेसवर मैदान की घास नै, जो होड़े सै, इस करके डरो मतना, थम घणी गौरैयाँ तै बढ़के सो।” आज सै अर काल बाड़ म्ह झोक्की जावैगी, इसे लतें पहारावै सै, 8 “मै थारे तै कहूँ सूँ जो कोए माणसां के स्याम्ही मन्ने मान तो हे विश्वास म्ह कमजोर माणसां, वो थारी चिन्ता क्यूँ नही लेवैगा, उसनै मै माणस का बेट्टा भी परमेसवर के सुर्गदूतां के करैगा? 29 अर थम इस बात की तोह म्ह ना रहो के, के खावांगें स्याम्ही मान लेऊँगा। 9 पर जो माणसां के स्याम्ही मेरा इन्कार अर के पीवांगें, अर शक ना करो। 30 क्यूँके परमेसवर ताहीं ना करया जावैगा।” 10 जो कोए मुझ माणस के बेट्टे के विरोध जाणण आळे लोग, इन सारी चिज्जां की तोह म्ह रहवै सै: पर म्ह कोए बात कहवै, उसका वो कसूर माफ कर दिया जावैगा, थारा सुर्गीय पिता जाणै सै, के थमने इन चिज्जां की जरूरत सै। पर जो पवित्र आत्मा की बुराई करै, उसका वो कसूर माफ 31 पर परमेसवर के राज्य की खोज करो तो ये चीज भी थमनै कोनी करया जावैगा। 11 जिब माणस थमनै आराधनालयों अर मिल ज्यागीं।” 32 “हे छोटे टोळ, मतना डरै, क्यूँके थारे सुर्गीय हाकिमां अर अधिकारियां के स्याम्ही ल्यावै, तो फिक्र ना करियो पिता नै न्यू भाया सै, के थमनै अपना राज्य देवै। 33 अपना के हम किस तरियां तै, या के जवाब देवां, या के कहवांगें। धन बेचके दान कर द्यो, अर अपने खातर इसे बटुए बणाओ, 12 क्यूँके पवित्र आत्मा उससे बखत थमनै सीखा देगा के, जो पुराणे कोनी होन्दे, यानिके परमेसवर नै खुश करण आळे कहणा चाहिये। 13 फेर भीड़ म्ह तै एक नै यीशु तै कह्या, “हे भले काम करके सुर्ग म्ह इसा धन कट्टा करो जो खतम कोनी गुरु, मेरे भाई तै कह के बाप के जमीन-जायदाद नै मेरे गेल्या होन्दा, अर जिसके धोरे चोर कोनी जान्दा, अर कीड़ा कोनी बांड लेवै।” 14 उसनै उसतै कह्या, “हे भले माणस, किसनै मेरे बिगाड़दा। 34 क्यूँके जडै थारा धन सै, उडै थारा मन भी लागया ताहीं थारा जमीन-जायदाद बटवारा करण आळा न्यायी बणा रहवैगा।” 35 “हमेशा परमेसवर के काम्मां खातर तैयार रहों, दिया सै?” 15 अर यीशु नै उनतै कह्या, “चौकन्ने रहो, अर सारी अर थम प्रभु के आण खातर, दीवे जळा के तैयार रहों, 36 तरियां के लोभ-लालच तै खुद नै बचाके राखो, क्यूँके किस अर थम उन माणसां के बरगे बणो, जो अपने माल्लिक की का जीवन उसके घणी जमीन-जायदाद तै कोनी होंदा।” 16 बाट देखते रहवै सै, के वो ब्याह तै कद बोहडैगा, ताके जिब यीशु नै उनतै एक उदाहरण देके कह्या, “किसे साहूकार की आके दरबाजा खटखटावै, तो जिब्बे उसके खातर खोल द्यो। 37 धरती म्ह घणी पैदावार होई।” 17 फेर वो अपने मन म्ह विचार धन्य सै वे नौक्कर जो माल्लिक के बोहड़ण की बाट देखते करण लाग्या, मै के करे? क्यूँके मेरे धोरे जगहां कोनी जित्त होए तैयार रहवै सै, मै थमनै साच्ची कहूँ सूँ, के माल्लिक भी अपनी उपज वेग्रा धरें। 18 अर उसनै कह्या, मै न्यू करूँगा मै खुद एक नौक्कर की तरियां उन ताहीं खाणा खुआण खातर अपने नाज के गोदाम नै तोड़के, उनतै नाज के और बड़े गोदाम बिठावैगा, अर खुद उनकी सेवा-पाणी करैगा। 38 जै वो आध्धी बणाऊँगा, अर उड़े अपना सारा नाज अर धन धरूँगा, 19 अर रात नै या उसके बाद आके उन ताहीं तैयार पावै, तो वे नौक्कर अपने-आप तै कहूँगा, के तेरे धोरे घणे साल खातर घणा धन धन्य सै। 39 पर न्यू जाण ल्यो, के जै घर का माल्लिक नै बेरा धरया सै, चैन कर, खा, पी, मौज कर। 20 पर परमेसवर नै हो, के चोर ठीक किस घड़ी आवैगा तो वो तैयार रहन्दा, अर उसतै कह्या, हे बेकूफ, तू इससे रात मर जावैगा, फेर जो कुछ अपने घर म्ह चोरी नही होण देन्दा। 40 थम भी मेरे बोहड़ के तन्ने कट्टा करया सै, वो किसका होगा? 21 “इससे तरियां वो आण खातर तैयार रहो, क्यूँके जिस घड़ी के बारे म्ह थम सोचदे माणस भी सै, जो अपने खातर धन कट्टा करे सै, पर परमेसवर भी कोनी, उससे घड़ी मै माणस का बेट्टा सुर्ग तै आ जाऊँगा।” 41 फेर पतरस बोल्या, “हे प्रभु, के यो उदाहरण तन्ने म्हारै खातर दिया से या सारया खातर दिया सै।” 42 प्रभु नै जवाब दिया, “वो विश्वास जोगगा अर अकलमंद भण्डारी कौण सै, जिसका माल्लिक उस ताहीं नौक्कर-चाकरां पै सरदार ठैरारवै, के उननै बखत पै खाणा देवै।” 43 धन्य सै वो नौक्कर, जिस ताहीं उसका माल्लिक आके इसाए करदा पावै। 44 मै थमनै पाळे सै। थारी किम्मत पंछियाँ तै बाध सै।” 25 थारे म्ह तै इसा साच्ची कहूँ सूँ, वो उस ताहीं अपनी सारी धन-सम्पत्ति का

माल्लिक बनावेगा। 45 पर जै वो नौक्कर सोच्यण लाग्गे के मेरा माल्लिक आण म्ह वार कर रह्या सै, उसके साथ के नौक्कर नौकराणियाँ ताहीं मारण लाग्जा अर खाण-पीण अर दारूबाज होण लाग्गे। 46 तो उस नौक्कर का माल्लिक इसे दिन आवैगा, जिब वो उसकी बाट देख्दा ना हो, अर इसे बखत म्ह आवैगा जिसका उसनै ना बेरा हो, अर उसनै भारी सजा देके उसकी गिणती बिश्वास लायक माणसां म्ह कोनी करी जावैगी। 47 वो नौक्कर घणा छितैगा, जो अपणे माल्लिक की मर्जी जाणै था, अर तैयार न्ही रह्या अर ना उसकी मर्जी कै मुताबिक चाल्या। 48 पर हरेक वो नौक्कर जो अपणे माल्लिक की मर्जी नै कोनी जाणै, फेर इसा काम करै सै जो मार खाण के लायक सै, वो कम छितैगा। इस करके जिस ताहीं घणा दिया गया सै, उसतै घणा माँग्या जावैगा, अर जिस ताहीं घणा सौप्या सै, उसतै घणा लिया जावैगा। 49 “मै धरती पै आग लाण नै आया सूं, अर कितना आच्छा होन्दा, के या इस्से बखत सुलग जान्दी! 50 मन्ने तो एक बड़ी भारी बिपदा का बपतिस्मा लेणा सै, अर जिब ताहीं वो ना हो ले जद ताहीं मै इस्से बिपदा म्ह रहूँगा! 51 के थम समझो सो के मै धरती पै मिलाप करवाण आया सूं? मै थमनै कहूँ सूं, ना, बल्के न्यारे करण आया सूं। 52 क्यूँके इब तै एक घर म्ह पाँच माणस आप्पस म्ह बिरोध राक्खैगें, तीन जन जो मेरे पै बिश्वास न्ही करते, वो उन दो जन का बिरोध करैगें जो मेरे पै बिश्वास राक्खै सै। 53 पिता बेट्टे तै, अर बेट्टा बाप तै बिरोध राक्खैगा, माँ बेट्टी तै, अर बेट्टी माँ तै, सास्सू बहू तै, अर बहू सास्सू तै बिरोध राक्खैगी।” 54 यीशु नै भीड़ तै कह्या, “जिब थम बाह्द नै पश्चिम तै उठदे देख्खो सो, तो जिब्बे कहो सो के मिह आवैगा, अर न्यूप होवै सै, 55 अर जिब दक्षिणी हवा चाल्दी देख्खो सो, तो कहो सो के बड़ी गर्मी पडैगी, अर न्यूप हो सै। 56 हे कपटियों! थम धरती अर अकास कै रूप-रंग म्ह भेद जाण सको सो, पर परमेसवर जो इस युग म्ह करण लागरया सै उसका भेद क्यातै न्ही जाणदे? 57 “थम खुद फैसला क्यातै कोनी कर लेंदे के ठीक सै?” 58 जिब तू अपणे बैरी कै गेल्या हाकिम कै धोरे जावै सै, तो राही म्ह उसतै छुटण की कोशिश करले, इसा ना हो के वो तन्नै न्यायाधीश कै धोरे घसीट कै ले जावै, अर न्यायाधीश तन्नै सिपाही के हवालै करदे अर सिपाही तन्नै जेळ म्ह गेर दे। 59 मै तेरे तै कहूँ सूं के जिब ताहीं तू पाई-पाई न्ही भर देवैगा, तब तक जेळ तै छुटण न्ही पावैगा।

**13** उस बखत कुछ माणस आण पोहचे, अर यीशु तै उन गलीली माणसां का जिक्र करण लाग्गे, जिन ताहीं पिलातुस नै मन्दर म्ह बलिदान करते बखत मार दिया था, अर उनका ए लहू बलिदान की भेट तै मिला दिया था। 2 न्यूप सुणकै उसनै उनतै जवाब म्ह कह्या, “के थम समझो सो के ये गलीली माणस और बाकी सारे गलीलवासियाँ तै घणे पापी थे के उनपै इसी बिपदा आण पड़ी? 3 मै थमनै कहूँ सूं के ना, पर जै थम पाप करणा न्ही छोड़ोगे तो थम भी इस्से तरियां नाश होओगे।

4 अर थम के सोच्यों सों, के उन अठारह माणसां के बारे म्ह जिनपै शीलोह का गुम्मत पड्या, अर वे दब के मरगे: यरुशलम के दुसरे सारे बासिनन्द्यां तै घणे अपराधी थे? 5 मै थमनै कहूँ सूं, के जै थम पाप करणा न्ही छोड़ोगे तो थम भी इस्से तरियां नाश होओगे।” 6 फेर यीशु नै वो उदाहरण भी देकै कह्या, “किसे अंगूर के बाग म्ह अंजीर का दरखत लागरया था। वो उस म्ह फळ टोह्ण आया, पर कोनी मिलाया। 7 फेर उसनै बाग कै रुखाळे तै कह्या, लख्वा, तीन साल तै म्ह इस अंजीर कै दरखत पै फळ टोह्ण आऊँ सूं, पर कोनी पान्दा। इसनै काट बगा के ये धरती नै भी क्यूँ रूँधै।” 8 उसनै उसतै जवाब दिया, “हे माल्लिक, इस साल और रहण दे के मै इसकै चौगरदेकै माट्टी खोदकै खाद गरे। 9 जै आगले साल इसकै फळ आ ग्या तो ठीक, न्ही तो इसनै कटवा दियो।” 10 आराम कै दिन यीशु एक आराधनालय म्ह उपदेश देवे था। 11 उडै एक बिरबान्नी थी जिसम्ह अठारह साल तै एक कमजोर करण आळी ओपरी आत्मा थी, अर वा कुबड़ी होगी थी अर किसे तरियां भी सीध्ही कोनी हो सके थी। 12 यीशु नै उस ताहीं देखके बुलाया अर कह्या, “हे नारी, तू अपणे इस रोग तै मुक्त होगी सै।” 13 फेर उसनै उसपै हाथ धरया, अर वा जिब्बे सीध्ही होगी अर परमेसवर की बड़ाई करण लाग्गी। 14 इस करके के यीशु नै आराम कै दिन उस ताहीं ठीक करया था, आराधनालय का सरदार चिड़ कै माणसां तै कहण लाग्या, “काम करण के छः दिन सै, उन ए दिनां म्ह आकै अपणे रोग ठीक कराओ, पर आराम कै दिन न्ही।” 15 न्यूप सुणकै प्रभु यीशु नै जवाब दिया, “हे कपटियों, के आराम कै दिन थारे म्ह तै हरेक अपणे बळ्थ या गधे नै थान म्ह तै खोल के पाणी पियाण कोनी ले जान्दा? 16 तो के या बिरबान्नी जो अब्राहम की पीढ़ी सै, जिस ताहीं शैतान नै अठारह साल तै जुड़ राख्या था, के इस ताहीं आराम कै दिन इसके बन्धन तै मुक्त करणा न्ही चाहिये था?” 17 जिब यीशु नै ये बात कही, तो उसके सारे बिरोधी शर्मिन्दा होगे, अर साब्तो भीड़ उन महान् काम्मां तै जो वो करै था, राज्जी होई। 18 फेर यीशु नै कह्या, “परमेसवर का राज्य किस जिसा सै? अर मै उसका उदाहरण किसतै द्यु? 19 वो राई कै दाणे की ढाळ सै, जिस ताहीं किसे माणस नै लेकै अपणे बाग म्ह बोया: अर वो बढ़के दरखत बणग्या, अर अकास के पंछियाँ नै उसकी डाळियाँ पै बसेरा करया।” 20 यीशु नै दुबारे कह्या, “मै परमेसवर के राज्य का उदाहरण किसतै द्यु? 21 वो खमीर की ढाळ सै, जिस ताहीं किसे बिरबान्नी नै लेकै तीन पसेरी (पन्द्रह किलो) चून म्ह रळया, अर होन्दे-होन्दे सारा चून खमीर बणग्या।” 22 यीशु अर उसके चेल्लें नगर-नगर, अर गाम-गाम होकै उपदेश देन्दे होए यरुशलम नगर की ओड़ जावै थे, 23 तो किसे नै उसतै बुझ्झया, “हे प्रभु, के थोड़े ए माणसां का उद्धार होगा?” यीशु नै उनतै कह्या, 24 “भीड़ै दरबाजे तै बड़ण की कोशिश करो, क्यूँके मै थमनै कहूँ सूं के घणखरे उस म्ह बड़णा चाहवैगें, अर कोनी बड़ सकैगें। 25 क्यूँके परमेसवर जो घर का

माल्लिक से उठकै दरबाजा भेड़ देगा, अर थम बाहरणै खड़े होए खटखटाकै कहण लागो, हे प्रभु, म्हारै खात्तर दरबाजा खोल दे, अर वो जवाब देवै, मै थमनै कोनी जाणदा, थम कित्त के सो?" 26 फेर थम कहण लागोगे, हमनै तेरे स्याम्ही खाया-पिया अर तन्नै म्हारे बजारां म्ह उपदेश दिया। 27 पर वो कहवैगा, मै थमनै कहुँ चुक्या सूँ, मै कोनी जाणदा, थम कित्त के सो। हे भुन्दे काम करण आळो, थम सारे मेरे तै दूर रहो। 28 जिब अब्राहम अर इसहाक अर याकूब अर सारे नबियाँ ताहीं परमेसवर राज्य म्ह बेठे, अर खुद नै बाहरणै लिकाड़े होए देखखोगे, "उड़े रोणा अर दाँत पिसणा होगा। 29 पूरी दुनिया के माणस आकै परमेसवर के राज्य के भोज म्ह शामिल होवेंगे। 30 अर सच्चाई या सै के जो पाच्छले सै वे पैहले होंगे, अर जो पैहले सै वे पाच्छले होंगे।" 31 उरसे बखत कुछ फरीसियाँ नै आके यीशु तै कहा, "उरै तै लिकइज्या, क्यूँके हेरोदेस तन्नै मार देणा चाहवै सै।" 32 यीशु नै उनतै कहा, "जाकै उस लोमड़ी तै कह घो के लखा, मै आज अर काल ओपरी आत्मायाँ नै काढूँ सूँ अर बिमारां नै ठीक करूँ सूँ, अर तीसरे दिन अपणा काम पूरा करूँगा। 33 फेर भी यो जरूरी सै के मै आज, काल अर परसो सफर करूँ, क्यूँके हो न्ही सकदा के कोए नबी यरुशलम नगर के बाहरणै मारया जावै। 34 "हे यरुशलम के माणसों! हे यरुशलम के माणसों! तन्नै भोत-से नबियाँ ताहीं मारया सै, जो भोत पैहले रहवै थे, अर उन माणसां ताहीं भी पत्थरां तै मार दिया जिन ताहीं थारे धौरे भेज्जे थे। कितनी ए बर मन्नै न्यू चाह्या के जिस ढाळ मुर्गी अपणे बच्चां नै अपणे पाक्खां तळै कठ्ठे करे सै, उरसे तरियां ए मै भी तेरे बाळकां नै कठ्ठा करूँ, पर थमनै न्यू न्ही चाह्या। 35 देखखो, थारा घर थारे खात्तर उजाड़ छोड्या जावै सै, मै थमनै कहुँ सूँ: जिब ताहीं थम न्ही कहोगे, "धन्य सै वो, जो प्रभु के नाम तै आवै सै," जद ताहीं थम मन्नै दुबारे कदे न्ही देखखोगे।"

**14** एक खास मौकके पै जिब मसीह आराम के दिन फरीसियाँ के सरदारां म्ह तै किसे के घरां रोटी खाण नै गया, अर वे सारे उननै घणी उत्सुकता तै देखण लागरे थे। 2 उड़े एक माणस था, जिसम्ह जलोदर की बीमारी थी। 3 इसपै यीशु नै शास्त्रियाँ अर फरीसियाँ तै कहा, "के नियम-कायदा के मुताबिक आराम के दिन आच्छा करणा ठीक सै या न्ही?" 4 पर वे बोल-बाल्ले रहे। फेर यीशु नै उस रोगी पै हाथ धरके उस ताहीं ठीक करके, उस ताहीं बिदा कर दिया। 5 अर उनतै कहा, "थारे म्ह तै इसा कौण सै, के जै थारा बेटा या बळध कुएँ म्ह आराम के दिन पड़ज्या अर वो उसनै जिब्बे बाहरणै कोनी लिकड़े?" 6 वे इन बातां का कुछ जवाब कोनी दे पाए। 7 जिब यीशु नै देख्या के न्योदे होए माणस किस तरियां खास-खास जगहां छॉट लेवें सै तो एक उदाहरण देकै कहा, 8 "जिब कोए तन्नै ब्याह म्ह बुलावै, तो खास माणसां की जगहां पै न्ही बैठणा, कदे इसा ना हो के उसनै तेरे तै भी बड़े ताहीं न्योद राख्या हो, 9 अर जिसनै तेरे ताहीं अर उस ताहीं दोनुआ ताहीं न्योदा दिया सै, आकै

कहवै, 'इसनै जगहां दे,' अर फेर तन्नै शर्मिन्दा होके सारया तै पाच्छै बैठणा पड़े। 10 पर जिब तू न्योदा जावै तो सारया तै पाच्छली जगहां बैठ के जिब वो, जिसनै तेरे ताहीं न्योदा सै आवै, तन्नै कहवै, 'हे दोस्त, आगगे बढ़कै बैठ,' फेर तेरे गेल्या बैठण आळा कै स्याम्ही तेरी बड़ाई होवैगी। 11 क्यूँके जो कोए अपणे-आपनै बड़ड़ा बणावैगा, वो छोट्टा करया जावैगा, अर जो कोए अपणे-आपनै छोट्टा बणावैगा, वो बड़ड़ा करया जावैगा।" 12 फेर यीशु नै फिरीसी तै जिसनै उसका न्योदा दिया था उसतै कहा, "जिब तू दिन का या रात का भोज करै, तो अपणे साथियाँ या भाईयाँ या कुणबे या साहूकार पड़ोसियाँ नै ना न्योद, कदे इसा ना हो के वे भी तन्नै न्योदा देवै, अर तेरा बदला हो जावै। 13 पर जिब तू भोज करै तो कंगाल, टुंटे, लंगड़े अर आंध्याँ नै न्योद। 14 तब तू धन्य होवैगा, क्यूँके उन माणसां कै धौरे बदले म्ह देण खात्तर कुछ कोनी, परमेसवर तन्नै उस काम का बदला धर्मियाँ कै जिन्दा होण के बाद देवैगा।" 15 यीशु कै गेल्या खाणा खाण आळा म्ह तै एक नै ये बात सुणके उसतै कहा, "धन्य सै वो जो परमेसवर के राज्य म्ह भोज खावैगा।" 16 यीशु नै उसतै कहा, "किसे माणस नै बड़ड़ा भोज करया अर घणा ताहीं न्योदा। 17 जिब खाणा त्यार होग्या तो उसनै अपणे नौक्कर कै हाथ न्योदे होए माणसां ताहीं कहां भेज्या, 'आओ, इब खाणा त्यार सै।'" 18 "पर वे सारे के सारे माफी माँगण लागगे। पैहल्ले नै उसतै कहा, 'मन्नै खेत मोल लिया सै, अर जरूरी सै के उसनै देखखूँ, मै तेरे तै बिनती करूँ सूँ मन्नै माफ करदे।'" 19 दुसरे नै कहा, "मन्नै पाँच जोड़े बळध मोल लिए सै, उननै परखण जाऊँ सूँ, मै तेरे तै बिनती करूँ सूँ, मन्नै माफ करदे।" 20 एक और नै कहा, "मन्नै ब्याह करया सै, इस करके मै न्ही आ सकदा।" 21 उस नौक्कर नै आके अपणे माल्लिक ताहीं ये बात कह सुणाई। फेर घर कै माल्लिक नै खुन्दक म्ह आकै, अपणे नौक्कर तै कहा, "नगर के बजारां अर गळियाँ म्ह इब्बे जाके कन्गालाँ नै, टुंड्यां नै, लंगड्यां नै, अर आंध्याँ नै उरै लेके आओ।" 22 नौक्कर नै दुबारे कहा, "हे माल्लिक, जिस ढाळ तन्नै कहा था, उरसे तरियां ए करया गया सै, अर फेर भी जगहां सै।" 23 माल्लिक नै नौक्कर तै कहा, "सड़कां पै अर बाड्या की कान्ही जा अर माणसां नै मजबूर करके लिया ताके मेरा घर भरज्या। 24 क्यूँके मै थमनै कहुँ सूँ के उन पैहले बुलाए होड़ माणसां म्ह तै कोए मेरै खाणे नै कोनी चाखेगा।" 25 जिब बड्डी भीड़ यीशु कै गेल्या जावै थी, तो उसनै बोहड़कै उनतै कहा, 26 जै कोए मेरा चेल्ला बणणा चाहवै सै, अर अपणे माँ-बाप अर घरआळी अर बाळकां नै अर भाईयाँ नै अर भाणां नै बल्के अपणे जीवन नै भी मेरे तै ज्यादा प्यार करै सै, तो वो मेरा चेल्ला न्ही हो सकदा। 27 अर जो कोए अपणे दुखां का क्रूस ना ठावै, अर मेरै पाच्छै न्ही आवै, वो भी मेरा चेल्ला कोनी हो सकदा। 28 उदाहरण के तौर पै "थारे म्ह तै कौण सै जो घर बणाणा चाहन्दा हो, अर पैहल्या बैठके खर्चा न्ही फैळावै के पूरा करण की गुंजास मेरै धौरे सै

के नही? 29 जै वो आस ना होया करदा हो, तो जिब वो नीम धर ले पर काम पूरा ना कर पावै, तो सारे देक्खण आळे न्यू कहकै उसका मखौल उड़ावैगे, 30 'के यो माणस बणाण तो लाग्या पर पूरा कोनी कर पाया?' 31 या कौण इसा राजा सै जो दुसरे राजा तै युध्द करण जान्दा हो, अर जो विचार करले के जो बीस हजार सैनिक लेके मेरे पै चढ़या आवे सै, के मै दस हजार सैनिक लेके उसका सामना कर सकूँ सूँ के नही? 32 नही तो उसके दूर रहन्दे होए वो दूतां नै भेजकै उसतै मिलाप करणा चाहवैगा। 33 इस्से ढाळ थारे म्ह तै कोए अपणा सारा कुछ त्याग नही देवै, वो मेरा चेल्ला कोनी हो सकदा। 34 "नूण तो बढ़िया सै, पर जै नूण का सुवाद जान्दा रहवै, तो वो किस चीज तै नमकीन करया जावैगा। 35 वो ना तो धरती के अर ना खाद के खात्तर काम म्ह आवे सै: उसनै तो माणस बाहरणै बगा देवै सै। जिसके कान हों वो ध्यान तै सुण ले।"

**15** सारे चुंगी लेण आळे अर पापी माणस, यीशु के धारे आया करै थे ताके उसकी सुणै। 2 पर फरीसी अर शास्त्री बरड़ाके कहण लाग्गे, "यो तो पापियाँ तै मिले सै अर उनके गेल्या खावै भी सै।" 3 फेर उसनै उनतै यो उदाहरण कह्या 4 "थारे म्ह तै कौण सै जिसकी सौ भेड़ हों, अर उन म्ह तै एक खुज्या, तो निन्यानमै नै बण म्ह छोड़के, उस खुई होइ नै जिब ताहीं पा नही लेन्दी तोह्न्दी ना रहवै? 5 अर जिब पा ज्या सै, फेर वो घणा राज्जी होकै उस ताहीं कंधे पै ठा लेवै सै, 6 अर अपणे घरां आके साथियाँ अर पड़ोसियाँ नै कड़ा करके कहवै सै, 'मेरै गेल्या खुशी मनाओ, क्यूँके मेरी खुई होइ भेड़ पागी सै।' 7 मै थमने कहूँ सूँ के इस्से तरियां तै पापां नै छोड़ण आळे एक पापी खात्तर उन निन्यानबे धर्मियाँ की तुलना म्ह सुर्ग म्ह इसतै भी घणा आनन्द मनाया जावै सै, जिननै पापां की माफी माँगण की जरूरत कोनी।" 8 यीशु नै एक और उदाहरण दिया "के कौण इसी बिरबान्नी होगी जिसके धारे दस सिक्के हों, अर उन म्ह तै एक खुज्या, तो वा दीवा बाळ के अर घर झाड़-बुहारके, जिब ताहीं पा नही जावै जी लाके तोह्न्दी ना रहवै? 9 अर जिब पा ज्या सै, तो वा अपणी सहेलियाँ अर पड़ोसणां नै कड़ा करके कहवै सै, 'मेरै गेल्या खुशी मनाओ, क्यूँके मेरा खुया होया सिक्का पाग्या सै।' 10 मै थमनै कहूँ सूँ के इस्से ढाळ जिब कोए माणस अपणे पापां नै छोड़के परमेसवर की राह पै चाल्लणा शरु करै सै तो उसके खात्तर भी, परमेसवर के सुर्गदूतां के स्याम्ही उतणा ए आनन्द मनाया जावै सै।" 11 फेर यीशु नै एक और उदाहरण देके कह्या, "किसे माणस के दो बेटे थे। 12 उन म्ह तै छोट्टे नै पिता तै कह्या, हे पिता, सम्पत्ति म्ह तै जो मेरा बांडे आवे सै वो मन्ने इब्बे दे घो। इस करके पिता नै उन ताहीं अपणी सम्पत्ति का बंडवारा कर दिया। 13 घणे दिन कोनी बीते थे के छोटा बेटा सारा कुछ कड़ा करके दूर देश म्ह चल्या गया, अर उडै बुरे काम्मां म्ह अपणा धन उड़ा दिया। 14 जिब वो सारा कुछ खर्च कर गया, तो उस देश म्ह भारया अकाळ

पड्या, अर वो कंगाल होग्या, अर उसकै धारे खाण नै कुछ भी नही रह्या। 15 इस करके वो उस देश के बाशिंदां म्ह तै एक के धारे काम करण खात्तर, अर उसनै उस ताहीं अपणे खेत्तां म्ह सूअर चराण खात्तर भेज्या। 16 वो भोत भूक्खा था अर वो चाहवै था के उन फळियाँ म्ह तै जिन नै सूअर खावै थे, अपना पेट भरै, अर उस ताहीं कोए कुछ कोनी देवै था। 17 जिब छोट्टे बेटे के होश ठिकाणै आये अर अपणे-आप तै कहण लाग्या, मेरे पिता के धारे इसे भोत मजदूर सै जिनके खाणा खाण के बाद भी घणाए बच जावै सै, पर मै उरै भूक्खा मरण लाग रह्या सूँ। 18 इस करके मै इब उठके अपणे पिता धारे जाऊँगा अर उसतै कहूँगा के पिता जी, मन्ने परमेसवर जो सुर्ग म्ह सै, उसके अर तेरे बिरोध म्ह पाप करया सै। 19 इब इस जोग्गा कोनी रह्या के तेरा बेटा कुह्लाऊँ, मन्ने अपणे एक मजदूर की ढाळ राख ले।" 20 "पर वो उस देश नै छोड़ के अपणे बाप के घर की ओड़ चाल्या, वो इब्बे कुछ ए दूर था के उसकै बाप नै उस ताहीं देख्या उसपै तरस आया, अर भाजके अपणे बेटे ताहीं छात्ती के लगाके, उस ताहीं चुम्ता रह्या। 21 बेटे नै उसतै कह्या, पिता जी, मन्ने परमेसवर जो सुर्ग म्ह सै, उसके अर तेरे बिरोध म्ह पाप करया सै, अर इब इस जोग्गा कोनी रह्या के तेरा बेटा कुह्लाऊँ। 22 पर बाप नै अपणे नौकरां तै कह्या, 'ताळ करके सुथरे-सुथरे लते लिकाड़के उसनै पिहराओ, अर उसके हाथ्यां म्ह गूठी, अर पायां म्ह जूती पहराओ, 23 अर बढ़िया भोज तैयार करो ताके हम खावां अर खुशी मनावां। 24 क्यूँके मेरा यो बेटा मरग्या था, दुबारे जीग्या सै: खुग्या था अर इब पाग्या सै।' अर वे खुशी मनाण लाग्गे। 25 पर उसका जेट्टा बेटा खेत म्ह काम करण लागरया था। जिब वो आन्दे होए घर के धारे पोंहच्या, तो उसनै गाण-बजाण अर नाचण का बोल सुण्या। 26 आखर म्ह उसनै एक नौक्कर बुलाके बुझ्याया, यो के होण लाग रह्या सै? 27 उसनै उस ताहीं कह्या, तेरा भाई बोहड़ आया सै, अर तेरे बाप नै बढ़िया भोज तैयार करवाया सै, इस करके के वो ठीक-ठाक घरा आ गया सै। 28 न्यू सुणके वो छी तै भरग्या अर भीत्तर जाणा कोनी चाह्या, पर उसका बाप बाहरणै आके उसनै मनाण लाग्या। 29 उसनै बाप तै कह्या, 'देख, मै इतने साल तै तेरी सेवा-पाणी कर रह्या सूँ, अर कदे भी तेरा हुकम कोनी टाळ्या, फेर भी तन्ने मेरै ताहीं कदे भी कोए बढ़िया चीज कोनी दी, ताके मै अपणे साथियाँ गेल्या आनन्द कर सकूँ। 30 पर जिब तेरा यो बेटा आया, जिसनै तेरी सम्पत्ति अयाशियाँ म्ह उड़ा दी सै, तो उसकै खात्तर तन्ने बढ़िया भोज तैयार करया।' 31 उसकै बाप नै उसतै कह्या, मेरे बेटे, तू सारी हाण मेरै गेल्या सै, अर जो कुछ मेरा सै वो सारा तेराए सै। 32 पर इब आनन्द अर मगन होणा चाहिये क्यूँके यो तेरा भाई जो मेरे होए माणसां की तरियां था दुबारा जी गया सै, खुग्या था, इब पाग्या सै।"

**16** फेर यीशु नै चेल्यां ताहीं एक और उदाहरण देके कह्या, "किसे साहूकार का एक भण्डारी था, अर लोग्गां नै

उसके स्याम्ही उसपै यो इल्जाम लाया के वो तेरा सारा धन उड़ा देवै सै। 2 आखर म्ह उसनै अपणे भण्डारी ताहीं बुलाके कह्या, 'यो के सै मै तेरे बाबत के सुणु सूं?' अपणे भण्डारीपण का हिसाब दे, क्यूँके तू आगै तै भण्डारी कोनी रह सकदा।' 3 फेर भण्डारी सोचवण लाग्या, इब मै के करूँ? क्यूँके मेरा माल्लिक इब भण्डारी का काम मेरै तै खोस्सै सै। माट्टी खोदण का काम मेरै तै होवै कोनी, अर भीख माँगदे होए मन्नै शर्म आवैगी। 4 मै जाण गया के मै के करूँ, ताके मै जिब भण्डारी के काम तै हटाया जाऊँ तो माणस मन्नै अपणे घरां म्ह ले लेवै। 5 फेर उसनै अपणे माल्लिक के देणदारां ताहीं एक-एक करके बुलाया अर पैहल्या तै बुझ्या, "तेरे उप्पर मेरै माल्लिक का कितना कर्जा सै?" 6 उसनै कह्या, "सौ मण तेल," फेर उसनै उसतै कह्या, "अपणा खात्ता अर बही ले अर बैठके तावळा पचास लिख दे।" 7 फेर उसनै दुसरे तै बुझ्या, "तेरे पै कितना कर्जा सै?" दुसरे नै कह्या, सौ मण गेहूँ, फेर उसनै उसतै कह्या, "अपणा खात्ता अर बही लेके अर बैठके अस्सी लिख दे।" 8 माल्लिक नै उस अधर्मा भण्डारी ताहीं सराहया के उसनै कितनी चतुराई तै काम करया सै। क्यूँके इस दुनिया के माणस अपणे बखत के माणसां के गेल्या व्यवहार म्ह चाँदणे के माणसां तै घणे चलाक सै। (aiōn g165) 9 अर मै थमनै कहूँ सूं के दुनिया की धन-दौलत तै भले काम करके अपणे खात्तर साथी बणा ल्यो, ताके जिब वो धन दौलत नही रहवें तो अनन्त काल के घर म्ह थारे स्वागत हो। (aiōnios g166) 10 वे लोग जो थोड़े-तै भी थोड़े म्ह भी बिश्वास जोगे सै, वे घणे म्ह भी बिश्वास जोगे होंगे, जो थोड़े-तै भी थोड़े म्ह बेईमान सै, वो घणा म्ह भी बेईमान होंगे। 11 इस करके जिब थम संसारिक धन म्ह बिश्वास जोगा नही ठहरे, तो साच्चा धन थमनै कौण देवैगा? 12 अर जै थम संसारिक धन-दौलत न इस्तमाल करण म्ह भरोस्सेमंद नही ठहरे, तो परमेसवर थमनै सुर्गिय धन क्यूँ देवैगा? 13 "कोए नौक्कर दो मालिकां की सेवा एक बखत पै नही कर सकदा, क्यूँके वो एक तै बैर अर दुसरे तै प्यार राक्खेगा, या एक तै मिल्या रहवैगा अर दुसरे नै छोटा जाणैगा। थम परमेसवर अर धन दोनुआ की सेवा नही कर सकदे।" 14 फरीसी जो लोभभी थे, ये सारी बात सुणके, मखौल करण लागे। 15 यीशु नै उनतै कह्या, "थम तो माणसां के स्याम्ही खुद नै धर्मा ठहराओ सो, पर परमेसवर थारे मन नै जाणै सै, क्यूँके जो चीज माणसां की निगांह म्ह महानु सै, वा परमेसवर के लोवै घृणित सै।" 16 जब तक यूहन्ना आया, जिब ताहीं मूसा के नियम-कायदे अर नबी का प्रभाव माणसां पै रह्या। उस बखत तै परमेसवर के राज्य का सुसमाचार सुणाया जाण लागरया सै, अर हरेक उस म्ह तेज्जी तै इसकी ओड़ खिचे आण लागरे सै। 17 अकास अर धरती का टळ जाणा आसान सै, पर नियम-कायदा की हर छोटी बात भी पूरी होके रहवैगी। 18 उदाहरण के तौर पै "जो कोए अपनी घरआळी नै छोड़के दुसरी तै ब्याह करै सै, वो जारी करै सै, अर

जो कोए इसी छोटी होई बिरबान्नी तै ब्याह करै सै, वो भी जारी करै सै।" 19 फेर यीशु नै कह्या, "एक साहूकार माणस था जो बैजनी अर मलमल के मंहगे लत्ते पहरदा अर हरेक दिन ऐसो-आराम तै अर मौज तै रहवै था। 20 लाजर नाम का एक कंगाल जिसके घा: होरे थे उसकी देहळी पै छोड़ दिया जावै था। 21 अर वो चाहवै था, के साहूकार के मेज की जूठण तै अपना पेट भरे, उरै ताहीं के कुत्ते भी आवे उसके घा: नै चाट्या करै थे।" 22 इसा होया के वो कंगाल मरग्या, अर सुर्गदूतां नै उस ताहीं लेके अब्राहम की गोद म्ह पोंहच्या। वो साहूकार भी मारया अर गाड्या गया, 23 साहूकार नरक म्ह गेरया गया, अर नरक की ताड़ना तै दर्द म्ह पड़े होए अपनी निगांह ठाई, दूर तै ए अब्राहम के साथ लाजर ताहीं देख्या। (Hadēs g86) 24 फेर उसनै रुक्का मारके कह्या, हे पिता अब्राहम, मेरै पै दया करके लाजर नै भेजदे, ताके वो अपनी आनाळी का कुणा पाणी म्ह डबोकै मेरी जीभ नै शीळी करै, क्यूँके मै इस आग तै तड़फूं सूं। 25 "पर अब्राहम बोल्या, 'हे बेटे, याद कर, के तन्नै अपनी जिन्दगी म्ह बढ़िया तै बढ़िया चीज ले ली सै', अर उससे तरियां लाजर नै तुच्छ चीज, पर इब वो उरै सुख अर शान्ति पा रह्या सै, अर तू तड़फ रह्या सै। 26 इन सबके अलावा म्हारे अर तेरे बिचाळे एक बड़ी खाई ठहराई गई सै, के जो उरै तै तेरी ओड़ आणा चाहवै, वे ना जा सकै, अर ना कोए उड़े इस पाससे म्हारे धौरे आ सकै।" 27 साहूकार बोल्या, तो हे पिता, मै तेरे तै बिनती करूं सूं, के उस ताहीं मेरै बाप कै घरां भेज, 28 क्यूँके मेरे पाँच भाई सै, वो उनके स्याम्ही इन बातों की गवाही दे, इसा ना हो के वे भी दुख की जगहां म्ह आवे। 29 अब्राहम नै उसतै कह्या, उनके धौरे तो मूसा के नियम-कायदे, नबी अर नबियाँ की किताब सै, वे उनकी सुणै। 30 साहूकार बोल्या, "न्ही, पिता अब्राहम, पर जै कोए मरे होया म्ह तै उनके धौरे जावै, तो वे पाप करणा छोड़ देंगे।" 31 अब्राहम नै उसतै कह्या, "जिब वे मूसा नबी अर नबियाँ की नही सुणदे, तो जै मरे होया म्ह तै कोए जी भी जा, तोभी उसकी कोनी मानेंगे।"

**17** फेर यीशु नै अपणे चेल्यां तै कह्या, "हो नही सकदा के ठोक्कर ना लागै, पर धिक्कार सै, उस माणस पै जिसके बाबत ठोक्कर लागै सै। 2 पर जो कोए इन छोट्या बाळकां समान जो मेरे पै बिश्वास करै सै, किसे तै भी पाप करवावै तो उसके खात्तर भला योए सै के एक बड्डी चाक्की का पाट उसके गळ म्ह लटकाया जावै अर वो समुंदर म्ह गेरया जावै।" 3 सावधान रहों, "जै तेरा बिश्वासी भाई पाप करै तो उसनै समझा, अर जै पछतावै तो उसनै माफ करदे। 4 जै हरेक दिन वो तेरे बिरुध्द म्ह सात बार भी पाप करै, अर सातु बार तेरे धौरे आवे कहवै, मै पछताऊँ सूं, तो उसनै माफ करदे।" 5 फेर प्रेरितां नै प्रभु यीशु तै बिनती करी, "के म्हारे बिश्वास नै बढ़ा।" 6 प्रभु बोल्या, "जै थमनै राई के दाणे बराबर भी बिश्वास होन्दा, तो थम इस शहतूत कै दरखत नै कहन्दे के जड़ तै उखड़के समुन्दर

मह जा लाग, तो वो थारी मान लेन्दा।” 7 फेर यीशु नै कह्या, “मान ल्यो थारे मह तै किसे के धोरे एक नौक्कर सै जो नौक्कर हळ चलान्दा या भेड़ चरान्दा हो, अर जब वो खेत तै बोहड़ आवै, तो के थम उसतै कहोंगे, ‘आकै मेरे गैल खाणा खाण बैठ ज्या?’ 8 पर इसके बजाये के वो अपने नौक्कर न्यू कोनी कहवैगा, ‘मेरे खात्तर खाणा त्यार कर, अर मेरे ताहीं खाणा परोसण खात्तर तैयार हो ज्या, जब ताहीं मै खाऊँ पीऊँ तब ताहीं मेरी सेवा-पाणी कर, इसके पाछै तू भी खा-पी लिये?’ 9 के वो उस नौक्कर का श्यान मान्नेगा के उसनै वैए काम करे जिसका हुकम दिया सै? 10 इससे तरियां तै थम भी जब उन सारे काम्मां नै कर ल्यो जिसका हुकम थारे ताहीं दिया गया सै, तो उस ताहीं कर लेण के बाद थमनै कहणा चाहिये, ‘हम नौक्कर सां, हम किसे बड़ाई के हकदार कोनी हमने तो बस अपना फर्ज निभाया सै।’” 11 फेर जब यीशु यरुशलम जाण लागरया था तो सामरिया अर गलील परदेस के बिचाळै की सीमा तै होन्दा होया लिक्ड्या। 12 तो गाम मह बड़दे बखत उसनै दस कोढ़ी मिले वे दूर खड़े थे। 13 वे जोर तै रुक्का मारकै बोल्ले, “हे यीशु, हे माल्लिक, म्हारे पै दया कर!” 14 यीशु नै उन कान्ही लखाकै कह्या, “यरुशलम के मन्दर मह जाओ, अर खुद नै याजकां ताहीं दिखाओ, ताके वो भी देखकै के थम ठीक होए सों के न्ही।” अर जान्दे ए जान्दे वे कोढ़ तै मुक्त होग्ये। 15 फेर उन मह तै एक न्यू देखकै के मै ठीक होग्या सूं, जोर-जोर तै परमेसवर की बड़ाई करदा होया यीशु के धोरे बोहड़या, 16 अर यीशु के पायां पै मुँह के बळ पड़के उसका धन्यवाद करण लाग्या, अर वो सामरी था। 17 इसपै यीशु नै कह्या, “के दस कोढ़ी चंगे न्ही होए, तो फेर नौ कित्त सै? 18 के गैर यहूदी नै छोड़ कोए और न्ही लिक्ड्या जो परमेसवर की बड़ाई करदा?” 19 फेर उसनै उस ताहीं कह्या, “उठकै चल्या जा, तन्नै बिश्वास करया इस खात्तर तू ठीक होग्या सै।” 20 फेर फरीसियां नै यीशु तै बुड़झया के परमेसवर का राज्य कद आवैगा, तो उसनै उनतै जवाब दिया, “परमेसवर का राज्य इस ढाळ आवैगा के थम उसनै अपनी आँखां तै न्ही देख सकदे। 21 अर ना ए माणस इसके बारे मह न्यू कह सकैगे, देखकों यो सै परमेसवर का राज्य। क्यूँके परमेसवर का राज्य थारे बिचाळै सै।” 22 फेर यीशु नै चेल्यां तै कह्या, “वो दिन आवैगा, जब थम उस दिन नै देखणा चाहोंगे जब मै माणस का बेट्टा बोहड़ के आऊँगा पर थम उस दिन नै देख न्ही पाओगे।” 23 माणस थारे तै कहवेंगे, लखाओ, “मसीहा उड़ै सै!” या लखाओ, “वो आड़ै सै!” पर थम यो सुणकै चले ना जाइयो, अर ना उनके पाछै लागियो। 24 क्यूँके जिस तरियां बिजळी अकास के एक छोर तै कोंध के अकास के दुसरे छोर ताहीं चमके सै, उससे तरियां मै माणस का बेट्टा भी अपने दिनां मह जाहिर होऊँगा। 25 पर पैहल्या जरूरी सै के मै घणा दुख ठावै, अर इस युग के माणस मेरे ताहीं नकार देंगे। 26 जिसा पूर्वज नूह के दिनां मह होया था, उससे तरियां मुझ माणस

के बेट्टे के दिनां मह भी होवैगा। 27 जिस दिन तक नूह जहाज मह न्ही चढ़या, उस दिन तक माणस खावै-पीवै थे, अर उन मह ब्याह होवै थे। फेर बाढ़ नै उन सारया का नाश करया। 28 ठीक याए हालात लूत के दिनां मह होई थी, जब वो सदोम नगर मह रहवै था। माणस खावै-पीवै, लेणा-देणा करदे, दरखत लगान्दे अर घर चिणें थे, 29 पर जिस दिन लूत सदोम तै लिक्ड्या, उस दिन आग अर गन्धक अकास तै बरसी सारे नगर के माणसां ताहीं नाश कर दिया। 30 यो उस दिन की तरियां होगा जब मै माणस का बेट्टा बिना बताये आ जाऊँगा। 31 “उस दिन जो छत पै हो, अर उसका समान घर मह हो, अर वो उसनै लेण खात्तर तळै न्ही उतरें, अर उससे तरियां जो खेतां मह हो, वो पाछै न्ही बोहड़ें। 32 याद राखियों लूत की घरआळी के गैल के होया था! 33 जो कोए अपनी जान बचाणा चाहवै, वो उसनै खोवैगा, अर जो कोए उसनै खोवै वो उसनै जिन्दा राक्खैगा। 34 मै थमनै कहूँ सूं, उस रात नै दो माणस एक खाट पै होंगे, एक ठाया जावैगा अर दुसरा छोड़ दिया जावैगा। 35 दो बिरबान्नी एक साथ चाक्की पीसदी होवैगी, एक ठा ली जावैगी अर दुसरी छोड़ दी जावैगी। 36 (दो जणे खेत मह होंगे, एक ठाया जावैगा अर दुसरा छोड़या जावैगा।)” 37 न्यू सुण उननै उसतै बुड़झया, “हे प्रभु, यो कित्त होवैगा?” यीशु नै उनतै कह्या, “जड़ै लाश हो सै, उड़ैए चील कठ्ठे होवै सै, उससे तरियां यो हरेक कोए जाण लेवैगा के यो कित्त होगा।”

**18** फेर यीशु नै अपने चेल्यां तै इसके बाबत कह्या, के रोज प्रार्थना करणी चाहिये अर हिम्मत न्ही हारनी चाहिये, उनतै यो उदाहरण दिया, 2 “किसे नगर मह एक न्यायाधीश रहवें था, जो ना परमेसवर तै डरै था अर ना किसे माणस की परवाह करया करै था। 3 उससे नगर मह एक बिधवा भी रहवें थी, जो उसके धोरे आ-आकै कह्या करै थी, मेरा न्याय चुकाकै मन्ने बैरी तै बचा।” 4 कुछ बखत ताहीं तो वो कोनी मान्या पर आखर मह मन मह सोचकै बोल्या, “ऊँतो मै परमेसवर तै कोनी डरदा, अर ना माणसां की कुछ परवाह करूँ सूं, 5 फेरभी या बिधवा मन्ने कांल राक्खै सै, इस करके मै उसका न्याय चुकाऊँगा, कदे इसा ना हो के घड़ी-घड़ी आकै आखर मह मेरी नास्सा मह दम करदे।” 6 प्रभु यीशु नै कह्या, “सुणो, इस अधर्मी न्यायाधीश नै देख के सीखो। 7 के परमेसवर अपने चुणे होया का न्याय कोनी करैगा, जो दिन-रात उसके नाम की दुहाई देंदे रहवें सै? के वो उनकी मदद करण मह वार लगावैगा? 8 मै थमनै कहूँ सूं, वो जिब्बे उनका न्याय करैगा। फेर भी मै माणस का बेट्टा जब आऊँगा, तो के मै धरती पै मेरे पै बिश्वास करणीया नै पाऊँगा?” 9 यीशु नै उन माणसां तै यो उदाहरण दिया, जो अपने बारे मह यो सोचवै थे, के हम धर्मी सां, अर दुसरयां नै नकारे थे। 10 “दो माणस मन्दर मह प्रार्थना करण नै गए, एक फरीसी था अर दुसरा चुंगी लेण आळा, 11 फरीसी खड्या होकै अपने मन मह न्यू प्रार्थना करण लाग्या, हे परमेसवर, मै तेरा

धन्यवाद करूँ सूँ के मैं और माणसां की तरियां अन्धे करण आळा, जुल्मी, अर जार कोनी, अर ना इस चुंगी लेण आळे की तरियां सूँ। 12 मैं हफतै म्ह दो बर ब्रत राख्खूँ सूँ, मैं अपनी सारी आमदणी का दसमां हिस्सा भी तेरे ताहीं देऊँ यु सूँ।” 13 पर चुंगी लेण आळे नै दूर खड़े होके, सुर्ग के कान्ही निगाह ठाणा भी कोनी चाह्या, बल्के दुखी होके अपनी छात्ती पीट-पीटकै कह्या, “हे परमेसवर, मुझ पापी पै दया कर!” 14 “बिश्वास करो वास्तव म्ह योए चुंगी लेण आळा माणस (परमेसवर की ओड़ तै) धर्मी ठहराया जाके घरां गया, ना के वो फरीसी माणस। क्यूँके जो कोए अपने-आपनै बड़्हा बणावैगा, वो छोटा करया जावैगा, अर जो कोए अपने-आपनै छोटा बणावैगा, वो बड़्हा करया जावैगा।” 15 फेर माणस अपने बाळकां नै भी उसके धोरे ल्याण लागे के वो उनपै हाथ धरे, पर चेल्यां नै देख उन ताहीं धमकाया। 16 यीशु नै बाळकां ताहीं धोरे बुलाके कह्या, “बाळकां नै मेरे धोरे आण द्यो अर उननै रोक्को मतना: क्यूँके परमेसवर का राज्य इसाए का सै। 17 मैं थमनै सच कहुँ सूँ के जो कोए परमेसवर के राज्य नै बाळक की तरियां कोनी अपनावै वो उस म्ह कदे न्ही बड़ सकदा।” 18 किसे सरदार नै उसतै बुझ्झया, “हे उत्तम गुरु, अनन्त जीवन का हकदार होण खातर मैं के करूँ?” (aiōnios g166) 19 यीशु नै उसतै कह्या, “तू मन्नै उत्तम क्यातै कहवै सै? कोए उत्तम कोनी, सिर्फ एक, यानिके परमेसवर। 20 तन्नै हुकमां का तो बेराए सै: ‘जारी ना करिये, खून ना करिये, अर चोरी ना करिये, अर झूठी गवाही ना दियो, अपने माँ-बाप का आदर करियो।’” 21 उसनै कह्या, “मैं तो इन सारया नै बाळकपण तै ए मान्दा आऊँ सूँ।” 22 न्यू सुणके यीशु नै उसतै कह्या, “तेरे म्ह इब भी एक बात की कमी सै, अपना सब कुछ बेचके कंगालां ताहीं बांड दे, अर तन्नै सुर्ग म्ह धन मिलैगा, अर आके मेरा चेल्ला बणण खातर मेरे पाच्छे हो ले।” 23 वो न्यू सुणके घणा उदास होया, क्यूँके वो घणा साहूकार था। 24 यीशु नै उस ताहीं देखके कह्या, “साहूकारां का परमेसवर के राज्य म्ह बड़णा कितना ओक्खा सै। 25 जिस तरियां तै ऊँट का सूई के मोरै म्ह तै लिंकड़णा मुशिकल सै। उससे तरियां परमेसवर के राज्य साहूकार का बड़णा भी मुशिकल सै।” 26 इसपै सुणण आळा नै कह्या, “तो फेर किसका उद्धार हो सकै सै?” 27 उसनै कह्या, “जो माणसां तै न्ही हो सकदा वो परमेसवर तै हो सकै सै।” 28 पतरस नै कह्या, “लखा, हम तो घर-बार छोड़के तेरे पाच्छे हो लिये सां।” 29 उसनै उनतै कह्या, “मैं थमनै साच्ची-साच कहुँ सूँ के इसा कोए कोनी जिसनै परमेसवर के राज्य के खातर घर, या घरआळी, भाई, या माँ-बाप, या बाळ-बच्चे ताहीं छोड़ दिया हो, 30 अर इस बखत कई गुणा घणा न्ही पावै अर परलोक म्ह अनन्त जीवन।” (aiōn g165, aiōnios g166) 31 फेर उसनै बारहां चेल्यां ताहीं गैल लेके उनतै कह्या, “देख्यो, हम यरुशलेम नगर म्ह जावां सां, अर जितनी बात मुझ माणस के बेटे खातर नबियाँ नै लिक्खी होई सै, वे सारी पूरी होवैगी। 32

क्यूँके मैं गैर यहूदियाँ के हाथ्यां म्ह सौप्या जाऊँगा, अर मेरा मजाक उड़ावैगें, मेरी बेजती करौंगें, अर मेरे पै थूकेंगें, 33 अर मेरे कोड़े मारैगें, अर मन्नै छेतैगें अर मार देवैगें, अर मैं तीसरे दिन जिन्दा हो जाऊँगा।” 34 पर उननै इन बाततां म्ह तै कोए बात न्ही समझी, अर या बात उनतै लुक्की रही, अर जो कह्या गया था वो उनकी समझ कोनी आया। 35 जिन वो यरीहो नगर के लोवे पोहच्या, तो एक आन्धा सड़क के किनारे बेठ्या होया भीख माँगण लागरया था। 36 वो भीड़ के चाल्लण की आवाज सुणके बुझण लाग्या, “यो के होरया सै?” 37 उननै उसतै बताया, “यीशु नासरी जाण लागरया सै।” 38 फेर उसनै रुक्का मारके कह्या, “हे यीशु, दाऊद की ऊलाद, मेरे पै दया कर!” 39 जो आगै-आगै जाण लागरे थे, वे उसनै धमकाण लाग्ये के बोल-बाल्ला रहै, पर वो और भी रुक्का मारण लाग्या, “हे दाऊद की ऊलाद, मेरे पै दया कर!” 40 फेर यीशु नै खड़े होके हुकम दिया के उसनै मेरे धोरे ल्याओ, अर जिन वो धोरे आया तो उसनै उसतै बुझ्झया, 41 “तू के चाहवै सै के मैं तेरे खातर करूँ?” उसनै कह्या, “हे प्रभु, योए के मैं देखण लागू।” 42 यीशु नै उसतै कह्या, “देखण लाग, तेरे बिश्वास नै तेरे ताहीं ठीक करया सै।” 43 फेर वो जिब्बे देखण लाग्या अर परमेसवर की बड़ाई करदा होया उसके पाच्छे हो लिया, अर सारे आदमियाँ नै देखके परमेसवर की जै-जै कार करी।

**19** यीशु यरीहो नगर म्ह बड़ण लागरया था। 2 ओड़े जक्कई नाम का एक माणस था जो चुंगी लेण आळा का सरदार, अर साहूकार था। 3 वो यीशु नै देखणा चाहवै था के वो कोण सै। पर भीड़ के कारण देख न्ही सकै था, क्यूँके वो बोन्ना था। 4 फेर उस ताहीं देखण खातर वो आगै भाजके गुलर के दरखत पै चढ़्या, क्यूँके यीशु नासरी उससे राह तै जाण आळा था। 5 जिन यीशु नासरी उसके धोरे आया, तो उप्पर लखाके उसनै कह्या, “हे जक्कई, तोळा उतरया, क्यूँके आज मन्नै तेरे घरां जरुर रहणा सै।” 6 वो दरखत तै उतरके राज्जी होके यीशु नै अपने घरां लेग्या। 7 न्यू देखके सारे माणस बरड़ाण लागे, “वो तो एक पापी माणस के घरां रुकरया सै।” 8 जिन यीशु जक्कई के घर खाणा खाण लागरया था तो जक्कई नै खड़े होके प्रभु तै कह्या, “हे प्रभु यीशु, देख, मैं अपनी आध्धी सम्पत्ति कंगालां नै यु सूँ, अर किसे का कुछ भी जुल्म करके ले लिया सै तो उस ताहीं चौगुणा बोहड़ा यु सूँ।” 9 फेर यीशु नै उसतै कह्या, “आज इस घर के माणसां पै उद्धार आया सै, इस करके के यो भी अब्राहम के वंश तै सै। 10 मैं माणस का बेटा खोए होया नै तोह अर उनका उद्धार करण आया सूँ।” 11 जिन वे ये बात सुणै थे, तो यीशु नै एक उदाहरण देके कह्या, इस करके के वो यरुशलेम के धोरे था, अर वे समझै थे के परमेसवर का राज्य इब्बे जाहिर होण आळा सै। 12 आखर उसनै कह्या, “एक साहूकार माणस दूर देश तै चल्या के राजपद पाके बोहड़ै।” 13 उसनै अपने नौकरां म्ह तै दस ताहीं बुलाके उन ताहीं दस मोंहर दी अर उनतै

कह्या, “मैरै बोहड़ण तारीं लेण-देण करियो।” 14 पर उसकै नगर के बासिन्दे उसतै बैर राक्खै थे, अर उसकै पाच्छे दूतां तै कुह्ला भेज्या, “हम नही चाहन्दे के यो म्हारे पै राज करै।” 15 “जिब माल्लिक राजपद पाके बोहड़या, तो इसा होया के उसनै अपणे नौकरां तारीं जिन तारीं रपिये दिये थे, अपणे धोरै बुलाया ताके बेरा करै के उननै लेण-देण म्ह के-के कमाया।” 16 फेर पैहल्डे नै आके कह्या, “हे माल्लिक, तेरी मोंहर तै दस और मोंहर कमाई सै।” 17 उसनै उसतै कह्या, “शाबाश, हे आच्छे नौक्कर! तू घणेण थोड़े म्ह भरोसमंद लिकड़या इब दस नगरां का हक राख।” 18 दुसरे नौक्कर नै आके कह्या, “हे माल्लिक, तेरी मोंहर तै पाँच और मोंहर कमाई सै।” 19 माल्लिक नै उसतै कह्या, “तू भी पाँच नगरां पै हाकिम होज्या।” 20 तीसरे नौक्कर नै आके कह्या, “हे माल्लिक, देख, तेरी मोंहर या सै: जिस तारीं मन्ने अंगोच्छे म्ह जुड़ राक्खी थी। 21 क्यूँके मै तेरे तै डरूँ था, इस करके के तू कठोर माणस सै: जो तन्ने नही धरया उसनै ठा ले सै, अर जो तन्ने नही बोया, उस तारीं काट्टे सै।” 22 माल्लिक नै उसतै कह्या, “हे दुष्ट नौक्कर, मै तेरेए मुँह तै तन्ने कसूरवार ठहराऊँ सूँ। जिब तन्ने मेरा बेरा सै के करड़ा माणस सूँ, जो मन्ने नही धरया उसनै ठा ल्यु सूँ, अर जो मन्ने नही बोया, उस तारीं काट्टे सूँ, 23 तो तन्ने मेरे रपिये सर्राफां के धोरे क्यातै कोनी धरे के मै आके ब्याज सुधां ले लेन्दा?” 24 अर जो माणस धोरै खड़े थे, उसनै उनतै कह्या, “वा मोंहर उसतै ले ल्यो, अर जिसके धोरै दस मोंहर सै उसनै दे घो।” 25 उननै उसतै कह्या, “हे माल्लिक, उसके धोरे दस मोंहर तो सै।” 26 “मै थमने कहुँ सूँ के जिसके धोरे सै, उस तारीं दिया जावेगा, अर जिसके धोरे नही सै, उसतै वो भी जो उसके धोरे सै ले लिया जावेगा। 27 पर मेरे उन बैरियाँ तारीं जो नही चाहवें थे के मै उनपै राज करूँ, उन तारीं उरै ल्याके मेरे स्याम्ही घात करो।” 28 ये बात कहके यीशु यरुशलेम नगर के कान्ही चेल्यां के आगै-आगै चाल्या। 29 जिब वो जैतून नामक पहाड़ पै बैतफगे अर बैतनिय्याह गाम के धोरे पोंहच्या, तो उसनै अपणे चेल्यां म्ह तै दोगां तारीं न्यू कहके भेज्या, 30 “स्याम्ही के गाम म्ह जाओ, अर उस म्ह पोहोचदये एक गधी का बच्चा जिसपै कोए कदे नही बेठ्या हो, बन्धया होइ थमनै मिलेगा, उसनै खोल के लियाओ। 31 जै थारे तै कोए बुइझी के क्यातै खोल्लो सो, तो कहियो के प्रभु नै इसकी जरूरत सै।” 32 जो भेज्जै गए थे, उननै जाके जिसा यीशु नै कह्या था, उससे तरियां पाया। 33 जिब वे गधी के बच्चे नै खोल्ले रहे थे, तो उसके मालिकां नै उनतै बुइझया, “इस बच्चे नै क्यांतै खोल्लो सो?” 34 चेल्यां नै कह्या, “प्रभु नै इस तारीं काम म्ह ल्याणा सै।” 35 वे उसनै यीशु के धोरै लियाए, अर अपणे लत्ते उस गधी के बच्चे पै गेरके यीशु तारीं उसपै बिठा दिया। 36 जिब वो जाण लागरया था, तो वे अपणे लत्ते राह म्ह बिछान्दे जावे थे। 37 यरुशलेम नगर के धोरे आन्दे होए जिब यीशु जैतून पहाड़ की ढलाण पै पोंहच्या, तो चेल्यां का सारा टोळ उन सारे

सामर्थ के काम्मां के कारण जो उननै देखे थे, राज्जी होकै जोर तै परमेसवर की जय-जयकार करण लागे 38 “धन्य सै वो राजा, जो प्रभु के नाम तै आवै सै! सुर्ग म्ह शान्ति अर अकास मण्डप म्ह महिमा हो!” 39 फेर भीड़ म्ह तै कुछ फरीसी यीशु तै कहण लागे, “हे गुरु, इस बात के कारण अपणे चेल्यां नै धमका।” 40 उसनै जवाब दिया, “मै थमने कहुँ सूँ जै ये बोल-बाल्ले रहे तो स्तुति इन पत्थरां तै लिकड़ण लागेगी।” 41 जिब यीशु यरुशलेम नगर के धोरै आया तो नगर नै देखके माणसां खातर रोया 42 अर बोल्या, “कितना भला होन्दा के तू, हाँ, तू ए आज इतणाए समझ लेन्दा की परमेसवर के साथ शान्ति का के मतलब सै, पर यो तेरे तै लहको के राख्या गया सै। 43 क्यूँके वे दिन तेरे म्ह आवेगें के तेरे बैरी मोर्चा बाँधके तन्ने घेर लेवेगें, अर चौगरदे तै तन्ने दबावेंगे ताके थारा राह बन्द होज्या, 44 अर तेरा बैरी तन्ने अर तेरे बाळकां तारीं जो तेरे म्ह सै, माटी म्ह मिलावेंगे, अर तेरे म्ह पत्थर पै पत्थर भी कोनी रहवेगा, जो गेरया ना जावेगा, क्यूँके तन्ने उस मौक्के तारीं जिब तेरे पै दया की निगाह होई थी तो तन्ने कोनी पिच्छाणा।” 45 फेर वो मन्दर म्ह जाके समान बेचण आळा तारीं बाहरणे लिकाड़ण लाग्या, 46 अर उनतै कह्या, “पवित्र शास्त्र म्ह लिख्या सै, ‘मेरा घर प्रार्थना का घर होगा,’ पर थमनै इस तारीं डाकुआं की गुफा बना दिया।” 47 वो हरेक दिन मन्दर म्ह उपदेश दिया करै था, अर प्रधान याजक अर शास्त्री अर माणसां के मुखिया उसका नाश करण का मौक्का टोहें थे। 48 पर कोए जुगाड़ कोनी काढ सके थे, के यो किस तरियां करा, क्यूँके सारे माणस घणे चाह तै उसकी सुणे थे।

**20** एक दिन इसा होया के जिब यीशु मसीह मन्दर म्ह माणसां नै उपदेश देवै था अर सुसमाचार सुणावै था, तो प्रधान याजक अर शास्त्री, यहूदी अगुवां के गेल्या धोरे आके खड़े होए, 2 अर कहण लागे, “म्हारे तारीं बता, तू इन काम्मां नै किसके हक तै करै सै, अर वो कौण सै जिसनै तेरे तारीं यो हक दिया सै?” 3 उसनै उनतै कह्या, “मै भी थारे तै एक बात बुइझू सूँ, मन्ने बताओ। 4 यूहन्ना का बपतिस्मा सुर्ग की ओड़ था या माणसां की ओड़ तै था?” 5 फेर वे आप्पस म्ह कहण लागे, “जै हम कहां, ‘सुर्ग की ओड़,’ तो वो कहवेगा, ‘फेर थमनै उसका बिश्वास क्यांतै नही करया?’ 6 अर जै हम कहां, ‘माणसां की ओड़,’ तो सारे माणस म्हारे पै पत्थर बरसावेंगे, क्यूँके सारे जाणै सै के यूहन्ना साच्चीये नबी था।” 7 आखर उननै जवाब दिया, “हमनै नही बेरा के वो किस ओड़ तै था।” 8 यीशु नै उनतै कह्या, “तो मै भी कोनी बतान्दा के मै ये काम किस हक तै करूँ सूँ।” 9 फेर वो माणसां तै यो उदाहरण कहण लाग्या: “किसे माणस नै अंगूर का बाग लगाया, अर किसानां तै उसनै ठेक्का दे दिया अर घणे दिनां खातर परदेस चल्या गया। 10 जिब बखत आया तो उसनै किसानां के धोरै एक नौक्कर तारीं भेज्या के वे अंगूर के बाग के कुछ फळां का हिस्सा उसनै

देव, पर किसानानां नै उस ताहीं छेतकै रिस्ते हाथ्थां बोहड़ा दिया। 11 फेर उसनै एक और नौक्कर ताहीं भेज्या, अर उननै उस ताहीं भी छेतकै अर उसकी बेजती करकै रिस्ते हाथ्थां बोहड़ा दिया। 12 फेर उसनै तीसरा भेज्या, उननै उस ताहीं भी घायल करकै लिकाड़ दिया।” 13 फेर अंगूर के बाग कै माल्लिक नै कह्या, “मै के करहें? मै अपने प्यारे बेटे नै भेज्जूगा, हो सकै सै वे उसकी इज्जत करै।” 14 जिब किसानानां नै उस ताहीं देख्या तो आप्पस म्ह विचार करण लाग्गे, “यो तो वारिस सै, आओ, हम इसनै मार दया के विरासत म्हारी हो जावै।” 15 अर उननै उस ताहीं अंगूर के बाग ते बाहरणै लिकाड़कै मार दिया। इस करकै अंगूर के बाग का माल्लिक उनकै गेल्या के करैगा? 16 वो आकै उन किसानानां का नाश करैगा, अंगूर के बाग औरां नै सोपैगा। न्यू सुणकै उननै कह्या, “परमेसवर करै इसा ना हो।” 17 उसनै उनकी ओड़ देखकै कह्या, फेर यो के लिख्या सै: “जिस पत्थर नै राजमिस्त्रियाँ नै निकम्मा ठहराया था, वोए कोणे का सिरा होग्या। 18 “जो कोए उस पत्थर पै पड़ैगा वो चकणाचूर हो ज्यागा, अर जिसपै वो पड़ैगा, उसनै पिस देवैगा।” 19 उससे बखत शास्त्रियाँ अर प्रधान याजकां नै उस ताहीं पकड़णा चाह्या, क्यूँके वे समझ्गे थे के उसनै म्हारे पै यो उदाहरण कह्या, पर वे माणसां तै डरगे। 20 अर वे उसकी टाह म्ह लाग्गे अर भेदिए भेज्जै के धर्म का भेष धरकै उसकी कोए ना कोए बात पकड़ै, ताके उस ताहीं राज्यपाल कै हाथ अर अधिकार म्ह सौंप दें। 21 उननै उसतै न्यू बुझ्झया, “हे गुरु, हमनै बेरा सै के तू ठीक कहवै अर सिखावै भी सै, अर किसे की मेरे कोनी लेन्दा, बल्के परमेसवर की राह सच्चाई तै बतावै सै। 22 के म्हारा कैसर तै चुंगी देणा ठीक सै या कोनी?” 23 उसनै उनकी श्याणपत ताहीं ताड़कै उनतै कह्या, 24 “एक दीनार (एक दिन की मजदूरी) मनै दिखाओ। इसपै किसकी छाप अर नाम सै?” उननै कह्या, “कैसर का।” 25 उसनै उन ताहीं कह्या, “तो जो कैसर का सै, वो कैसर नै द्यो, अर जो परमेसवर का सै, वो परमेसवर नै द्यो।” 26 वे माणसां कै स्याम्ही इस बात म्ह उसनै पकड़ कोनी सके, बल्के उसके जवाब तै हैरान होकै बोल-बाल्ले रहगे। 27 फेर सद्दूकी जो कहवै सै के मेरे होया का जिन्दा होणा सै ए कोनी उन म्ह तै कुछ नै उसके धारे आकै बुझ्झया, 28 “हे गुरु, मूसा नबी नै म्हारे खात्तर यो लिख्या सै: जै किसे का भाई अपणी घरआळी के रहन्दे बेऊलादा मर जावै, तो उसका भाई उसकी घरआळी तै ब्याह करले, अर अपणे भाई कै खात्तर पीढ़ी पैदा करै। 29 सात भाई थे, पैहल्डा भाई ब्याह करकै बेऊलादा मरग्या। 30 फेर दुसरे 31 अर तीसरे नै भी उस बिरबान्नी तै ब्याह कर लिया। इस तरियां तै सातु बेऊलादे मरगे। 32 आखर म्ह वा बिरबान्नी भी मरगी। 33 आखर म्ह जिन्दा होण पै वा उन म्ह तै किसकी घरआळी होवैगी, क्यूँके वा सातुवां की घरआळी हो ली थी।” 34 यीशु नै उनतै कह्या, “इस युग की ऊलादां म्ह ब्याह होवै सै, (aiōn g165) 35 पर जो माणस इस जोगे ठहरैगें

के उस युग नै अर मरे होया म्ह तै जिन्दा उठुणके पद नै पा लवै, उन म्ह ब्याह शादी कोनी होन्दी। (aiōn g165) 36 वे दुबारै मरण के भी कोनी, क्यूँके वे सुगंदतां की ढाळ होवैगें, अर पुनरुत्थान की ऊलाद होणे तै परमेसवर की भी ऊलाद होवैगें। 37 पर इस बात ताहीं के मेरे होए जिन्दा होवै सै, मूसा नबी नै भी झाड़ी की कहानीं म्ह दिखाया सै के वो प्रभु ताहीं ‘अब्राहम का परमेसवर, अर इसहाक का परमेसवर अर याकूब का परमेसवर कहवै सै।’ 38 परमेसवर तो मुर्दा का कोनी पर जिन्दा का परमेसवर सै: क्यूँके उसके लोवै सारे जिन्दे सै।” 39 फेर न्यू सुणकै शास्त्रियाँ म्ह तै कुछ नै न्यू कह्या, “हे गुरु, तन्नै ठीक कह्या।” 40 अर उननै दुबारै उसतै कुछ और बुझ्झणा की हिम्मत कोनी करी। 41 फेर उसनै उनतै बुझ्झया, “मसीह नै दाऊद की ऊलाद किस तरियां कहवै सै?” 42 दाऊद खुदे भजन संहिता की किताब म्ह कहवै सै: 43 प्रभु नै मेरे प्रभु तै कह्या, “मेरे सोळे कान्ही बैठ, जिब ताहीं के मै तेरे बैरियाँ तेरे पायां म्ह न्ही झुका दिवुँ।” 44 दाऊद तो उसनै प्रभु कहवै सै, “तो फेर वो उसकी ऊलाद किस ढाळ होया?” 45 जिब सारे सुणे थे, तो उसनै अपने चेल्यां तै कह्या, 46 “शास्त्रियाँ तै चौकन्ने रहियो, जिनताहीं लाम्बे-लाम्बे चोगे पहरकै हांडणा आच्छा लाग्गे सै, अर जिन नै बजारां म्ह नमस्कार, अर आराधनालयों म्ह खास बैठणा अर जिम्मण म्ह खास जगहां प्यारी लाग्गे सै। 47 वे बिधवायाँ के घर खा जावै सै, अर दिखाण खात्तर घणी वार ताहीं प्रार्थना करदे रहवै सै: ये घणा दण्ड पावैगें।”

**21** फेर उसनै निगांह ठाके सहूकारां ताहीं अपणा-अपणा दान भण्डार म्ह घालदे देख्या। 2 उसनै एक कंगाल बिधवा ताहीं भी उस म्ह दो दमड़ी (जो एक धेले के बराबर होवै सै) घालदे देख्या। 3 फेर उसनै कह्या, “मै थमनै सच कहूँ सू के इस कंगाल बिधवा नै सारया तै बाध घाल्या सै। 4 क्यूँके उन सारया नै अपणी-अपणी बढदी म्ह तै दान म्ह कुछ घाल्या सै, पर इसनै अपणी घटी म्ह तै अपणी सारी कमाई घाल्ली सै।” 5 जिब घणखरे माणस मन्दर के बाबत कहरे थे के वो किसे सुथरे पत्थरां अर भेटां की चिज्जां तै समारया गया सै, तो उसनै कह्या, 6 “वे दिन आवैगें, जिन म्ह यो सारा जिन नै थम देख्खो सो, उन म्ह तै उरै किसे पत्थर पै पत्थर भी कोनी रहवैगा, जो गेरया न्ही जावैगा।” 7 उननै उसतै बुझ्झया, “हे गुरु, यो सारा कद होवैगा? अर ये बात जिब पूरी होण पै होवैगी, तो उस बखत की के निशान्नी होवैगी?” 8 उसनै कह्या, “चौकन्ने रहियो के भकाए ना जाओ, क्यूँके घणखरे मेरे नाम तै आकै कहवैगें, ‘मै वोए सूँ’ अर न्यू भी के, ‘बखत लोवै आण पोंहच्या सै।’ थम उनकै पाच्छै ना चले जाड्यो। 9 जिब थम रोळे अर झगड़े का जिक्र सुणो तो घबराईयो ना, क्यूँके इनका पैहल्या होणा जरूरी सै, पर उस बखत जिब्बे खात्मा कोनी होवैगा।” 10 फेर उसनै उनतै कह्या, “जात पै जात अर राज्य पै राज्य चढ़ाई करैगा, 11 अर बड़े-बड़े हाल्लण आवैगें, अर जगहां-जगहां

अकाळ अर महामारियाँ पड़ैगी, अर अकास म्ह खतरनाक बात अर बड़े-बड़े निशान जाहिर होवैगें।” 12 पर इन सारी बातों तै पैहल्या मेरै नाम कै बाबत थमनै पकड़ैगें, अर कांल करैगें, अर आराधनालयों म्ह सौपैगें, अर जेळ म्ह गिरवावैगें, राज्यपालों अर राजयां कै स्याम्ही ले जावैगें। 13 पर यो थारे खात्तर गवाही देण का मौक्का हो जावैगा। 14 इस करके अपणे-अपणे मन म्ह ठान ल्यो के हम पैहल्या तै जवाब देण की फिक्र कोनी करगें। 15 क्यूँके मै थारे ताहीं इसा बोल अर समझ दियुँगा के थारे सारे बिरोधी सामना या खण्डन कोनी कर सकैगें। 16 थारे माँ-बाप, अर भाई अर कुण्बा, अर साथी भी थमनै पकड़वावैगें, उरै ताहीं के थारे म्ह तै कर्डियाँ नै मरवा देवैगें। 17 मेरै नाम कै कारण सारे माणस थारे तै बैर राक्खेगें। 18 पर थारे सिर का एक बाळ भी बाँका कोनी होवैगा। 19 अपणे धीरज तै थम अपणी जान नै बचाए राक्खोगे। 20 “जिब थम यरुशलेम की पलटन तै घिरया होया देख्खो, तो जाण लियो के उसका उजड़ जाणा लोवै सै। 21 फेर जो यहूदिया परदेश म्ह हों पहाड़ों पै भाज जावै, अर जो यरुशलेम नगर कै भीत्तर हों वे बाहरणै लिकड़ जावै, अर जो गाम्मां म्ह हों वे उस म्ह नही जावै। 22 क्यूँके ये बदला लेण के इसे दिन होंगे, जिन म्ह लिक्खी होई सारी बात पूरी हो जावैगी। 23 उन दिनां म्ह जो गर्भवती अर दूध पिलान्दी बिरबान्नी होवैगी, उनके खात्तर भागणा भी मुशिकल होगा! क्यूँके देश म्ह बड़ड़ा क्लेश अर इन माणसां पै बड़ड़ा प्रकोप होवैगा। 24 वे तलवार की कौर हो जावैगें, अर सारे देश कै माणसां म्ह कैदी होकै पोहुचाये जावैगें, अर जिब ताहीं गैर यहूदी का बखत पूरा कोनी होवै, जद ताहीं यरुशलेम गेरजातां तै रोँघा जावैगा। 25 “सूरज, चाँद, अर तारां म्ह निशान्नी दिखैगी, अर धरती पै देश-देश के आदमियाँ पै संकट होगा, क्यूँके वे समुन्दर के गरजण अर लहरां के रोळें तै घबरां जावैगें। 26 भय कै कारण अर दुनिया पै आण आळी घटनायां की बात देखदे-देखदे माणसां कै जी म्ह जी कोनी रहवैगा, क्यूँके अकास की शक्तियाँ हलाई जावैगी। 27 फेर वे माणस के बेट्टे नै सामर्थ अर बड़ी महिमा कै गेल्या बादळां पै आन्दे देखैगें। 28 जिब ये बात होण लाग्गे, तो सीधे होकै अपणे सिर उप्पर ठाईयो, क्यूँके थारा छुटकारा लोवै होगा।” 29 यीशु नै उनतै एक उदाहरण देकै कह्या, “अंजीर के दरखत अर सारे दरखतां नै देख्खो। 30 ज्योए उन म्ह कोंपले लिकड़ै सै, तो थम खुद जाण ल्यो सो, के गर्मी का बखत लोवै सै। 31 इस तरियां तै जिब थम ये बात होन्दे देख्खो, तो जाण ल्यो के परमेसवर का राज्य लोवै सै।” 32 मै थमनै साच्ची कहुँ सूँ के जिब ताहीं ये सारी बात नही हो ले, जद तक इस पीढ़ी का कदे भी अन्त कोनी होवैगा। 33 धरती अर अकास टळ जावैगें, पर मेरी बात कदे नही टळैगी। 34 “इस करके चौकन्ने रहियो, इसा ना हो के थारा मन खुमार, अर मतवालेपण, अर इस जिन्दगी की फिक्र तै सुस्त हो जावै, अर वो दिन थारे पै फन्दे की ढाल चाणचक आण पड़े। 35 क्यूँके वो सारी धरती के सारे बासिन्दा पै इस तरियां आण

पड़ैगा। 36 इस करके जागदे रहो अर हर बखत प्रार्थना करदे रहो के थम इन सारी आण आळी घटनायां तै बचण अर माणस के बेट्टे कै स्याम्ही खड़े होण कै जोगे बण सको।” 37 वो दिन म्ह मन्दर म्ह उपदेश देवै था, अर रात नै बाहरणै जाकै जैतून नामक पहाड़ पै रह्या करै था, 38 अर सबेरै नै तड़के सारे माणस उसकी सुणण की खात्तर मन्दर म्ह उसके धारे आया करै थे।

**22** अखमीरी रोटी का त्यौहार जो फसह कुहावै सै, धारे था, 2 अर प्रधान याजक अर शास्त्री इस बात की टोह म्ह थे। के यीशु नै किस तरियां मारै, पर वे माणसां तै डरै थे। 3 फेर शैतान यहूदा म्ह बडग्या, जो इस्करियोती कुहावै अर बारहां चेल्यां म्ह गिणया जावै था। 4 उसनै जाकै प्रधान याजकां अर पहेरदार के सरदारां के गेल्या बातचीत करी के किस तरियां यीशु नै उनके हाथ पकड़वांवां। 5 वे राज्जी होए, अर उस ताहीं रुपिये देण का वादा किया। 6 वो मान गया अर मौक्का टोह लाग्या के जिब भीड़ नही हो तो उसनै उनके हाथ पकड़वा दे। 7 फेर अखमीरी रोटी कै त्यौहार का दिन आया, जिसम्ह फसह का मेम्ना बलि करणा जरूरी था। 8 यीशु नै पतरस अर यूहन्ना ताहीं यो कहकै भेज्या, “जाके म्हारे खाण खात्तर फसह त्यार करो।” 9 उननै यीशु तै बुझ्या, “तू किन्त चाहवै सै के हम उसनै त्यार करा?” 10 यीशु नै चेल्यां ताहीं कह्या, देख्खो, नगर म्ह बड़्टेए एक आदमी पाणी का पैंढा ठाए होए थमनै मिलैगा, जिस घर म्ह वो जावै थम उसके पाच्छे चले जाइयो, 11 अर उसके घर के माल्लिक तै कहियो, “गुरु तेरे तै बुझ्झै सै के वा बैठक किन्त सै जिस म्ह मै अपणे चेल्यां के गेल्या फसह खाऊँ?” 12 वो थमनै एक सजी-सजाई बड़ी अटारी दिखा देवैगा, ओड़ैए त्यारी करियो। 13 उननै जाकै, जिसा उसनै उनतै कह्या था, उरसे तरियां पाया अर फसह का भोज त्यार करया। 14 जद वा घड़ी आगी, के यीशु प्रेरितां गेल्या खाणा खाण बैठ्या। 15 अर उसनै उन ताहीं कह्या “मन्नै बड़ी लालसा थी के मरण तै पैहल्या यो फसह भोज थारे गेल्या खाऊँ। 16 क्यूँके मै थमनै सच कहुँ सूँ के मै इसनै जिब तक नही खाऊँगा जब तक यो परमेसवर के राज्य म्ह पूरा नही हो।” 17 फेर उसनै अंगूरां के रस का कटोरा लेकै परमेसवर का धन्यवाद करया अर कह्या, “इसनै ल्यो अर आप्पस म्ह बाँट ल्यो। 18 क्यूँके के मै थमनै कहुँ सूँ के जिब ताहीं परमेसवर का राज्य नही आवै तब तक मै अंगूर का रस इब तै कदे नही पिऊँगा।” 19 फेर यीशु नै रोटी ली अर परमेसवर का धन्यवाद करके तोड़ी, अर चेल्यां ताहीं या कहकै दी, “या मेरी देह सै जो थारे खात्तर दी जा सै: मेरी याद म्ह न्यूपे करया करो।” 20 इसे तरियां तै उसनै खाणे के पाच्छे कटोरा भी यो कन्हन्दे होए दिया, “यो कटोरा मेरै उस लहू म्ह जो थारे खात्तर बहाया जा सै नया करार सै। 21 पर देख्खो, जो मन्नै पकड़वावैगा वो म्हारे गेल्या इस भोज म्ह शामिल सै। 22 क्यूँके मै माणस का बेट्टा तो जिसा मेरे खात्तर तय करया गया सै, ठीक उरसे तरियां होण लागरया सै, पर धिक्कार सै उस माणस पै जिसकै जरिये मै

पकड़वाया जाऊँ सूँ!” 23 फेर वे आप्पस म्ह पूछताछ करण लाग्ये के म्हारे म्ह तै कौण सै, जो यो काम करेगा। 24 उन म्ह या बहस भी होगी के म्हारे मै तै कौण बड़ड़ा समझा जावै सै। 25 यीशु नै उन तार्हीं कह्या, “और गैर यहूदियों के राजा उनपै राज करै सै, अर जो उनपै हक जमावै सै वे भले कुह्वावै सै। 26 पर थम इसे ना होइयो, बल्के जो थारे म्ह बड़ड़ा सै वो छोट्टे के बरोब्बर अर जो प्रधान सै, वो सेवक के बरोब्बर बणै। 27 क्यूँके बड़ड़ा कौण सै, वो जो खाणो पै बेठ्या सै, या वो जो सेवा करै सै? के वो न्ही जो जिम्मण बेठ्या सै? पर मै थारे बिचाळै सेवक बरोब्बर सूँ। 28 थम वो सों, जो मेरी मुसीबतां म्ह लगातार मेरै गेल्या रहे, 29 अर जिस तरियां मेरै पिता नै मेरै खात्तर एक राज्य ठहराया सै, उससे तरियां मै भी थारे खात्तर ठहराऊँ सूँ। 30 ताके थम मेरै राज्य म्ह मेरी मेज पै खाओ-पीओ बल्के सिंहासनां पै बैठके इस्राएल के बारहां गोत्रां का न्याय करो।” 31 “शमौन, हे शमौन! देख शैतान नै परमेसवर तै हुकम ले लिया सै, के थारे तार्हीं परखै जिस तरियां किसान गहूँ नै भूसी तै न्यारा करै सै। 32 पर मन्ने तेरे खात्तर बिनती करी ताके थम मेरै पै बिश्वास करणा ना छोड़ दे, अर जब थम पाप करणा छोड़ दे, तो अपणे भाईयाँ नै भी इसाए करण खात्तर कहियो।” 33 उसनै उसतै कह्या, “हे प्रभु मै, तेरे गेल्या जेळ जाण, बल्के मरण नै भी त्यार सूँ।” 34 उसनै कह्या, “हे पतरस, मै तन्नै सच कहूँ सूँ, के आज मुर्गा बाँग न्ही देवैया जब तार्हीं तू तीन बर मेरै बारे म्ह मुकरैया जावैगा, के मै तन्नै न्ही जाण्दा।” 35 फेर यीशु नै चेल्यां तार्हीं कह्या, “जिब मन्ने थारे तार्हीं वचन सुणाण खात्तर बटुए, अर झोळी, अर जूत्तयाँ के बिना भेज्या था, तो के थमनै किसे चीज की कमी होई थी?” उननै कह्या, “किसे चीज की न्ही।” 36 उसनै चेल्यां तै कह्या, “पर इब जिसके धोरै बटुआ ना हो वो उसनै ले अर उससे तरियां जिसके धोरै तलवार न्ही हो तो वो अपणे लत्ते बेचके एक मोल लेवै। 37 क्यूँके मै थमनै कहूँ सूँ, यो जो पवित्र ग्रन्थ म्ह लिख्या सै, ‘वो गुन्हेगार गेल्या गिण्या गया,’ उसका मेरै म्ह पूरा होणा जरूरी सै, क्यूँके मेरै बारे म्ह लिखी सारी बाततां का होणा जरूरी सै।” 38 चेल्यां नै कह्या, “हे प्रभु याडै दो तलवार सै।” यीशु नै उन तार्हीं कह्या, “भतेरी सै।” 39 फेर यीशु बारणै लिकड़के अपणी रीत के मुताबिक जैतून के पहाड़ पै गया, अर चेल्लें उसके पाच्छे हो लिये। 40 उस जगहां पोहुच के उसनै चेल्यां तै कह्या, “प्रार्थना करो के थम परखे ना जाओ।” 41 अर आप उनतै न्यारा एक डळा फेकण के बराबर जितनी दूर गया, अर गोठ्ठे टेक के प्रार्थना करण लाग्या, 42 “हे पिता जै तू चाहवै तो इस दुख के कटोरे नै मेरै धोरै तै हटा ले, तोभी मेरी न्ही पर तेरी मर्जी पूरी हो।” 43 फेर सुर्ग तै एक सुर्गदूत उसनै दिख्या जो उसनै सामर्थ्य दिया करै था। 44 वो और घणे संकट म्ह काल होके और भी मन तै प्रार्थना करण लाग्या, अर उसका पसीन्ना मान्नी लहू की बट्टी-बट्टी बूँदां के जू धरती पै गिरे था। 45 फेर वो प्रार्थना तै उठ्या अर अपणे चेल्यां के धोरै

आके उन तार्हीं उदासी कै मारे सोन्दे पाया। 46 अर उनतै कह्या, “क्यूँ सोवों सों? उठो, प्रार्थना करो के थम परखे ना जाओ।” 47 यीशु न्यु कहण ए लागरया था, के एक भीड़ आई, अर उन बारहां चेल्यां म्ह तै एक जिसका नाम यहूदा था उसके आगै-आगै आण लाग रह्या था। वो यीशु कै धोरै आया के उसनै चूम ले। 48 यीशु नै उसतै कह्या, “हे यहूदा, के तू चुम्मा लेके माणस के बेट्टा नै पकड़वावै सै?” 49 उसके साथियाँ नै जद देख्या के, के होण आळा सै, तो कह्या “हे प्रभु, के हम तलवार चलावां?” 50 अर उन म्ह तै एक नै महायाजक के नौक्कर पै तलवार चलाके उसका सोळा कान उड़ा दिया। 51 इसपै यीशु नै कह्या, “इब बस करो।” अर उसका कान छू के उस तार्हीं ठीक करया। 52 फेर यीशु नै प्रधान याजकां अर मन्दर के पैहेरेदारां के सरदारां अर यहूदी अगुवां तै, जो उसपै चढ़ ग्ये थे, कह्या, “के थम मन्ने डाकू जाणके तलवार अर लाठी लेके लिकड़े सो? 53 जद मै मन्दर म्ह हरेक दिन थारे गेल्या था, तो थमनै मेरै हाथ भी कोनी लाया, पर यो थारा बखत सै, अर अन्धकार का हक सै।” 54 फेर वे यीशु नै पकड़के ले चाल्ले, अर महायाजक कै घर म्ह लाये, पतरस दूरे ए दूर उसके पाच्छे-पाच्छे चाल्ले था। 55 अर जद वे आँगाण म्ह आग सुलगाके कठ्ठे बेठ्ठे, तो पतरस भी उसके बिचाळै बैठग्या। 56 फेर एक नौकराणी उस तार्हीं आग के चाँदणे म्ह बेठ्या देखके अर उस कान्ही देखके कहण लागगी, “यो भी तो उसके गेल्या था।” 57 पर पतरस नै यो कहके मना कर दिया, के “हे, जनानी मै उसनै कोनी जाण्दा।” 58 थोड़ी हाण पाच्छे किसे और नै पतरस तार्हीं देखके कह्या, “तू भी तो उन म्ह तै ए सै।” उसनै कह्या, “हे भाई, मै वो कोनी।” 59 कोए एक घंटे के पाच्छे एक और माणस पक्के बिश्वास तै कहण लाग्या, “सही म्ह यो भी तो उसके गेल्या था, क्यूँके यो गलीलवासी सै।” 60 पतरस नै कह्या, “हे भाई, मै न्ही जाण्दा के तू के कहवै सै।” वो या कहवैए था के मुर्गे नै बाँग देई 61 फेर घूमके प्रभु नै पतरस की ओड़ देख्या अर पतरस नै प्रभु की बात याद आई जो उसनै कही थी: “आज मुर्गे के बाँग देण तै पैहल्या, तू तीन बर इन्कार करेगा।” 62 अर वो बारणै लिकड़के नै फूट-फूटके रोण लाग्या। 63 जो माणस यीशु नै पकड़े होए थे, वे उसका मजाक बणाके पीटण लाग्गे, 64 अर उसकी आँख ढँक के उसतै बुझ्या, “भविष्यवाणी करके बता के तेरे किसनै मारया!” 65 अर उननै घणीए बुराई की बात उसके बिरोध म्ह कही। 66 जिब दिन लिकड़या तो यहूदी अगुवें, प्रधान याजक अर शास्त्री कठ्ठे होए, अर उस तार्हीं अपणी बट्टी सभा म्ह ल्याके बुझया, 67 “जै तू मसीह सै, तो म्हारे तार्हीं कह दे।” उसनै उनतै कह्या, “जै मै थारे तै कहूँ, तो बिश्वास कोनी करोगे, 68 अर जै बुझ्हु, तो जवाब न्ही दोगे। 69 पर इब तै मै माणस का बेट्टा सर्वशक्तिमान परमेसवर के सोळी ओड़ बेठ्या रहूँगा।” 70 इसपै सब नै कह्या, “तो के तू परमेसवर का बेट्टा सै?” यीशु नै उन तार्हीं कह्या, “थम अपणे-आप्ये कहां सों,

क्यूँके मैं सूँ।” 71 फेर उननै कहा, “इब हमनै गवाह की के जरूरत सै, क्यूँके हमनै आप्णे उसके मुँह तै सुण लिया सै।”

**23** फेर सारी मंडळी उठके यीशु नै राज्यपाल पिलातुस कै धोरै लेगी। 2 वो ये कहके उसपै इल्जाम लगाण लागे, “हमनै इस ताहीं माणसां नै भकादे, अर केसर नै चुंगी देण तै मना करदे, अर खुद नै मसीह, राजा कहन्दे होए सुण्या सै।” 3 पिलातुस नै उसतै बुझाया, “के तू यहूदियाँ का राजा सै?” उसनै उस ताहीं जवाब दिया, “तू आप ए कहण लागरया सै।” 4 फेर पिलातुस नै प्रधान याजकां तै अर माणसां तै कहा, “मन्नै इस आदमी म्ह कोए खोट न्ही पाया।” 5 पर वे और भी बिश्वास के गेल्या कहण लागे, “यो गलील परदेस तै लेकै याड़े ताहीं, सारे यहूदिया परदेस के माणसां नै उपदेश देके दंगा करवावे सै।” 6 या सुणके पिलातुस नै बुझाया, “के यो आदमी गलीलवासी सै?” 7 अर या जाणके के वो हेरोदेस की रियासत का सै, उस ताहीं हेरोदेस के धोरै भेज दिया, क्यूँके उस बखत वो भी यरुशलेम म्ह था। 8 हेरोदेस यीशु नै देखके घणा राज्जी होया, क्यूँके वो घणे दिनां तै उसनै देखणा चाहै था, इस खात्तर के उसके बारे म्ह सुण्या था, अर उसतै किमे चमत्कार देखण की आस राक्खे था। 9 वो उसतै भोत-सी बात बुझता रहा, पर उसनै उस ताहीं कोए भी जवाब न्ही दिया। 10 प्रधान याजक अर शास्त्री खड़े होए तन मन तै उसपै इल्जाम लगान्दे रहे। 11 फेर हेरोदेस नै अपणे सिपाहियाँ के गेल्या उसकी बेजती करके मजाक उड़ाया, अर भड़कीले लते पिराह के उस ताहीं पिलातुस के धोरै भेज दिया। 12 उससे दिन पिलातुस अर हेरोदेस साथी बणगे, इसतै पैहल्या वे एक-दुसरे के दुश्मन थे। 13 पिलातुस नै प्रधान याजकां, सरदारां अर माणसां नै बुलाके उन ताहीं कहा, 14 “थम इस आदमी नै माणसां का भकाण आळा बताके मैरे धोरै ल्याए सों, अर देखो, मन्नै थारे स्याम्ही उसकी जाँच करी, पर जिन बातां का थम उसपै इल्जाम लगाओ सों उन बातां के बारे म्ह मन्नै इस म्ह कोए भी खोट कोनी पाया, 15 ना हेरोदेस नै दोषी पाया, क्यूँके उसनै इस ताहीं म्हारे धोरै भेज दिया सै: अर देखो, उसतै इसा कुछ कोनी होया के वो मौत की सजा के काबिल ठहराया जावै। 16 इस खात्तर मै इसनै छित्वा कै छोड़ुं सूँ।” 17 (पिलातुस त्वाहार के बखत उनकै खात्तर एक कैदी नै छोड़ण प मजबूर था।) 18 फेर सारे मिलके चिल्ला उठे, “इसका काम तमाम करदे, अर म्हारे खात्तर बरअब्बा नै छोड़दे!” 19 वो किसे बलवे के कारण जो नगर म्ह होया था, अर हत्या के कारण जेळ म्ह गरेया गया था 20 पर पिलातुस नै यीशु ताहीं छोड़ण की इच्छा तै माणसां ताहीं फेर समझाया, 21 आखर उननै रुक्के मारके कहा, “उसनै क्रूस पै चढ़ा, क्रूस पै!” 22 उसनै तीसरी बर उन ताहीं कहा, “क्यातै उसनै के बुरा करया सै? मन्नै उस म्ह मौत की सजा के काबिल कोए बात कोनी पाई। इस तरियां मै इसनै छित्वा कै छोड़ देऊं सूँ।” 23 पर वे रुक्के मार-मारके पाछै पड़ ग्ये के वो क्रूस पै चढ़ाया जावै, अर

उनका रुक्के मारणा तेज होगया। 24 आखर पिलातुस नै हुकम दिया के उनकी बिनती के मुताबिक करया जावै। 25 उसनै उस आदमी के जो बलवे अर हत्या के कारण जेळ म्ह गरेया गया था, अर जिसनै वो माँगै थे, छोड़ दिया, अर यीशु नै उनकी इच्छा के मुताबिक सौप दिया। 26 जिब वो यीशु नै लेकै जावै थे, तो उननै एक माणस जिसका नाम शमोन कुरेनी था, जो गाम म्ह तै आवै था, पकड़के उसपै क्रूस लाद दिया के उससे यीशु के पाछै-पाछै ले चाल्लै। 27 माणसां की भीड़ उसके पाछै-पाछै हो ली उन म्ह घणीए बिरबानी भी थी जो उसके खात्तर छात्ती पीटै अर रोवै धोवै थी। 28 यीशु नै उनकै कान्ही मुड़के कहा, “हे यरुशलेम की बेटियों, मैरे खात्तर ना रोओ, पर अपणे अर अपणे बाळकां के खात्तर रोओ 29 क्यूँके देखो, वे दिन आवै सै, जिन म्ह माणस कहवेंगे, “धन्य सै वे जो बिरबानी जो बाँझ सै अर वे गर्भ जिननै ऊलाद न्ही पैदा करी, अर वे स्तन जिन नै दूध न्ही पियाया।” 30 उस बखत ‘माणस पहाड़ां अर टीलां तै कहण लाग्ये के म्हारे पै आण पड़ो, अर हमनै ढँक ल्यो।” 31 क्यूँके वे जिब हरे रुखां गेल्या इसा करै सै, तो सूख्या कै गेल्या के किमे न्ही करया ज्यागा? 32 वे और दो माणसां नै भी जो बुरे काम करण आळे थे यीशु कै गेल्या मारण नै ले चाल्ले। 33 जद वे उस जगहां पै पोहवे जो “खोपड़ी” यानी इब्रानी भाषा म्ह “गुलगुता” कुहावे सै, तो उननै ओड़ै यीशु ताहीं अर बुरे काम करण आळे ताहीं भी, एक नै सोळी अर दुसरे नै ओळी ओड़ क्रूस पै चढ़ाए। 34 फेर यीशु नै कहा, “हे पिता इन्हनै माफ कर, क्यूँके ये न्ही जाणदे के ये के करै सै।” अर उननै पर्यीं गेर के उसके लते बांड लिए। 35 माणस खड़े-खड़े देख्खे थे, अर सरदार भी मजाक करके कहवै थे “इसनै औरां ताहीं बचाया, जै यो परमेसवर का मसीह सै, अर उसका छाट्या होए सै, तो अपणे-आपनै बचाले।” 36 सिपाही भी धोरै आके अर सिरका देके उसका मजाक बणा के कहवै थे, 37 “जै तू यहूदियाँ का राजा सै, तो अपणे-आपनै बचाले!” 38 अर उसके उप्पर एक दोषपत्र भी लगा दिया: “यो यहूदियाँ का राजा सै।” 39 जो बुरे काम करणीये ओड़ै लटकाए गए थे, उन म्ह तै एक नै उसकी बेजती करके कहा, “के तू मसीह कोनी? फेर अपणे-आपनै अर हमनै बचा!” 40 इसपै दुसरे नै उस ताहीं धमका के कहा, “के तू परमेसवर तै भी कोनी डरदा? तू भी तो वाए सजा पा रया सै, 41 हम तो न्याय के मुताबिक सजा पारे सां, क्यूँके हम अपणे काम्मां की ठीक सजा पारे सां, पर उसनै कोए गलत काम न्ही करया।” 42 फेर उसनै कहा, “हे यीशु, जद तू अपणे राज्य म्ह आवै, तो मेरी खियास करिये।” 43 उसनै उस ताहीं कहा, “मै तन्नै सच कहूँ सूँ के आजै तू मैरे गेल्या सुर्गलोक म्ह होगा।” 44 करीबन दोप्फारै तै तीन बजे ताहीं सारे देश म्ह अन्धेरा होया रहा, 45 अर सूरज का चाँदणा जान्दा रहा, अर मन्दर का पड़दा बिचाळै तै पाटग्या, 46 अर यीशु नै जोर तै किल्की मारके कहा, “हे पिता, मै अपणी आत्मा तेरे हाथ्यां म्ह सौंपू सूँ।” अर या

कह के जी दे दिया। 47 सूबेदार नै जो कुछ होया था देखकै परमेसवर की बड़ाई करी, अर कह्या, “पक्का यो माणस धर्मी था।” 48 अर भीड़ जो यो देखखण नै कट्टी होई थी, इस घटना नै देखकै दुख के मारे छात्ती पीटती होई बोहड़गी। 49 पर उसके सब जाण-पिच्छाण, अर जो बिरबान्नी गलील परदेस तै उसके गेल्या आई थी, दूर खड़ी यो सब देखखै थी। 50 ओड़ै यूसुफ नाम का यहूदी अगुवां की सभा का एक सदस्य था जो आच्छा अर धर्मी आदमी था 51 वो सभा के फैसले अर इस काम तै राज्जी कोनी था। वो यहूदिया परदेस के नगर अरिमतिया गाम का रहण आळा अर परमेसवर के राज्य की बाट देखण आळा था। 52 उसनै पिलातुस के धोरे जाकै यीशु की लाश माँगी, 53 अर उस ताहीं उतार के मलमल की चादर म्ह लपेट्या, अर एक कब्र म्ह धरया, जो पत्थरां म्ह खुदी होए थी, अर उस म्ह कोए कदे न्ही राख्या गया था। 54 वो त्यारी का दिन था, अर आराम का दिन शरु होण आळा था। 55 उन बिरबानियाँ नै जो उसके गेल्या गलील परदेस तै आई थी, पाच्छै-पाच्छै जाकै उस कब्र ताहीं देख्या, अर यो भी के उसकी लाश किस रीति तै राखी गयी सै। 56 फेर उननै घर बोहड़ के खुशबुदार चीज अर इत्र त्यार करया, अर आराम कै दिन उननै हुकम के मुताबिक आराम करया।

**24** पर हफतै कै पैहल्ले दिन तड़कै-तड़कै नै वे उन खुशबुदार चिज्जां नै जो उननै बणाई थी, लेकै यीशु की कब्र पै आई। 2 उननै पत्थर कब्र पै तै गिरइया होया पाया, 3 पर भीत्तर जाकै प्रभु यीशु की लाश कोनी पाई। 4 जब वे इस बात तै हैरान होरी थी तो देखखो दो माणस चमकदे होए लते पहरी होए उनकै धोरे आण खड़े होए। 5 जब वे डरगी अर धरती की ओड़ मुँह झुकाए रही तो उननै उन ताहीं कह्या, “थम जान्दे नै मरे होया म्ह क्यूँ टोहो सो? 6 वो उरै कोनी, पर जिन्दा होग्या सै। याद करो कै उसनै गलील परदेस म्ह रहंदे होए थारे तै कै कह्या था, 7 जरूरी सै कै मै माणस का बेट्टा पापियाँ कै हाथ्यां म्ह पकड़वाया जाऊँ, अर क्रूस पै चढ़ाया जाऊँ, अर तीसरे दिन जी उठु।” 8 फेर उसकी बात उनके याद आई, 9 अर कब्र तै उल्टे आकै उननै उन ग्यारहां नै अर, सारया ताहीं ये सब बात कह दी। 10 जिन नै प्रेरितां तै ये बात कही वे मरियम मगदलीनी अर योअन्ना अर याकूब की माँ मरियम अर उसके साथ की और भी बिरबान्नी थी। 11 पर उनकी बात उन ताहीं कहाँनी-सी लागी, अर उननै उसका बिश्वास कोनी करया। 12 फेर पतरस कब्र पै भाज्या गया, अर झुककै लत्यां की पट्टियाँ का ढेर पड़े देखखे, अर जो होया था उसतै अचम्भा होया करदा होया अपने घरां चल्या गया। 13 उससे दिन उन म्ह तै दो चेल्लें इम्माऊस नाम के गाम म्ह जाण लागरे थे, जो यरुशलेम तै कोए सात कौंस की दूरी पै था। 14 वे इन सब बातां पै जो होई थी, आप्पस म्ह बातचीत करदे जाण लागरे थे, 15 अर जद वे आप्पस म्ह बातचीत अर पूछताछ करै थे तो यीशु खुद धोरे आकै उनके गेल्या चाल्लण लाग्या। 16 पर परमेसवर नै उनकी आँख न्यू बन्द कर दी थी कै

यीशु ताहीं पिच्छाण ना सकै। 17 यीशु नै उनते बुझया, “ये कै बात सै, जो थम चाल्दे-चाल्दे आप्पस म्ह करो सों?” वे खड़े होगे अर उनका मुँह भोत उदास था। 18 या सुणकै चेल्यां म्ह तै क्लियुपास नाम के एक चेल्लें नै कह्या, “इसा लागै सै के तू यरुशलेम म्ह एकला परदेशी सै, जो न्ही जाण्दा के इन दिनां म्ह इस नगर म्ह के-के होया सै?” 19 यीशु नै उनते बुझया, “कोण सी बात? उननै उस ताहीं कह्या, यीशु नासरी जो नबी था उसकी बात, जो परमेसवर अर सारे माणसां के स्याम्ही काम अर वचन म्ह सामर्थी था। 20 अर प्रधान याजकां अर म्हारै सरदारान नै उस ताहीं पकड़वा दिया ताके उसतै मौत का हुकम दिया जावै, अर उस ताहीं क्रूस पै चढ़वाया। 21 पर हमनै उम्मीद थी के योए इस्राएल नै रोमी साम्राज्य तै छुटकारा देवगा। इन सारी बातां के सिवा इस घटना नै होए आज तीसरा दिन सै, 22 अर म्हारै म्ह तै कई बिरबानियाँ नै भी म्हारै ताहीं उळझन म्ह गेर दिया, जो आज सबेरै कब्र पै गयी थी, 23 अर जब उसकी लाश कोनी पाई तो वा या कहन्दी आई के हमनै सुर्गदूतां के दर्शन पाये, जिन नै कह्या के यीशु जिन्दा सै। 24 फेर म्हारै साथियाँ म्ह तै कई कब्र पै गये, अर जिसा बिरबानियाँ नै कह्या था उसाए पाया, पर वो कोनी देख्या।” 25 फेर यीशु नै उन दो चेल्यां तै कह्या, “हे सब बेकुफों अर नबियाँ की सारी बातां पै बिश्वास करण म्ह नासमझों! 26 कै जरूरी कोनी था कै मसीह ये दुख उठाकै अपणी महिमा म्ह दाखल हो?” 27 फेर उसनै मूसा नबी तै अर सारे नबियाँ तै शरु करकै सारे पवित्र ग्रन्थां म्ह तै अपने बारे म्ह लिखी बातां का मतलब, उन ताहीं समझा दिया। 28 इतनै म्ह वो उस गाम कै धोरे पोहचे जित वे जावे थे, अर उसके ढंग तै इसा लाग्या के वो आगै जाणा चाहवै सै। 29 पर उननै यो कहकै उस ताहीं रोक्या, “म्हारै गेल्या रह, क्यूँके साँझ होली सै अर दिन इब घणा ढळग्या सै।” फेर वो उनकै गेल्या रहण के खात्तर भीत्तर गया। 30 जद वो उनकै गेल्या खाणा खाण बेठ्या, तो उसनै रोटी लेके धन्यवाद करया अर उस ताहीं तोड़कै उननै देण लाग्या। 31 फेर उनकी आँख खुलगी, अर उननै उस ताहीं पिच्छाण लिया, अर वो उनकी आँखां तै ओन्झळ होग्या। 32 उननै आप्पस म्ह कह्या, “जद वो म्हारै तै रास्ते म्ह बात करै था अर पवित्र ग्रन्थ का मतलब हमनै समझावै था, तो कै म्हारै मन म्ह जोश न्ही आया?” 33 वो उससे बखत जिब्बे उठकै यरुशलेम नगर म्ह चले गये, अर उन ग्यारहां चेल्यां अर उनके साथियाँ ताहीं उननै कठ्ठे मिलगे। 34 वो कहवै थे, “प्रभु साचेए जी उठ्या, अर शमौन नै दिख्या।” 35 फेर उन दो चेल्यां नै भी राह म्ह होई घटना के बारे ब्यौरा सुणया अर किस तरियां खाणा खान्दे बखत उननै मसीह यीशु ताहीं पिच्छाणा लिया था। 36 वे ये बात करै ए थे के वो खुद ए उनके बिचाळै आण खड्या होया, अर उन ताहीं कह्या, “थमनै शान्ति मिले।” 37 पर वे घबरामे अर डरगे, अर समझे के हम किसे भूत नै देख्खां सां। 38 यीशु नै उनतै कह्या के, “क्यूँ घबराओ सों? अर थारे मन म्ह क्यूँ

बैहम हो सै? 39 मेरे हाथ-पायां नै देख्खो के मै वोए सूं। मन्नै छू के देख्खो, क्यूँके आत्मा के हाड-माँस कोनी होन्दे जिसा मेरे म्ह देख्खो सों।” 40 न्यू कहकै उसनै उन ताहीं अपणे हाथ पैर के घा दिखाए। 41 जद खुशी के मारै उननै बिश्वास कोनी होया, अर वो अचम्भा मान्नै थे, तो यीशु नै उन ताहीं बुझया, “के याडै थारे धोरे किमे खाण नै सै?” 42 चेल्यां नै उस ताहीं भुनी होई मच्छी का टुकड़ा दिया। 43 उसनै वो मच्छी का टुकड़ा लेकै उनकै आगै खाया। 44 फेर उसनै उन ताहीं कह्या, “ये मेरी वे बात सै, जो मन्नै थारे गेल्या रहंदे होए थारे तै कही थी के जरूरी सै जितनी बात मूसा नबी की नियम-कायदा अर नबियाँ अर भजनां की किताबां म्ह मेरे बारै म्ह लिक्खी सै, सारी पूरी हों।” 45 फेर उसनै पवित्र ग्रन्थ बुझण के खात्तर उनकी बुद्धि खोल दी, 46 अर उनतै कह्या, “यो पवित्र ग्रन्थ म्ह लिख्या सै के मसीह दुख ठावैगा, अर तीसरे दिन मरे होया म्ह तै जी उठैगा, 47 अर यरुशलेम तै लेकै सारी जात्तां म्ह पापां नै छोड़ण का अर पापां की माफी का प्रचार, उसकै-ए नाम तै करया जावैगा। 48 थम इन सारी बात्तां के गवाह सों। 49 अर देख्खो, मै थारे पै पवित्र आत्मा भेज्जूँगा जिसा मेरे पिता नै कह्या सै, जिब तैई पवित्र आत्मा थारे पै न्ही आवै, अर थम सुर्ग तै सामर्थ ना पाओ, जब ताहीं इसे नगर म्ह रुके रहो।” 50 फेर यीशु उननै बैतनिय्याह गाम ताहीं बाहर लेग्या, अर अपणे हाथ ठाकै उन ताहीं आशीर्वाद दिया, 51 अर उननै आशीष देदे होए वो उनतै न्यारा होग्या अर सुर्ग पै उठा लिया। 52 फेर वो उसनै नमस्कार करके बड़ी खुशी तै यरुशलेम चले गए, 53 अर वे लगातार मन्दर म्ह हाज्जर होकै परमेसवर की भगति करया करै थे।

# यूहन्ना

1 दुनिया बणण तै पैहल्या वचन था, अर वचन परमेसवर के गेल्या था, अर वचन परमेसवर था। 2 यो वचन ए शरुआत तै परमेसवर के गेल्या था। 3 दुनिया की हरेक चीज उससे के जरिये बणी सै, अर उसके बिना किसे भी चीज की रचना नही होई। 4 वो जीवन का जरिया था, अर वो जीवन मानव जाति के खातर चाँदणा था। 5 चाँदणा अन्धेरे म्ह चमके सै, अर अन्धेरा उस ताहीं बुझा नही सक्या। 6 परमेसवर के ओड़ तै भेज्जा होया एक माणस आया, जिसका नाम यूहन्ना था। 7 वो गवाही देण खातर आया के माणसां नै चाँदणे की गवाही देवे, के सारे माणस उसके जरिये चाँदणे पै बिश्वास करै। 8 वो खुद तै वो चाँदणा कोनी था, पर माणसां नै उससे चाँदणे की गवाही देण खातर आया था। 9 जो साच्चा चाँदणा था, हरेक माणस नै ज्ञान का चाँदणा देवै सै, वो धरती पै आण आळा था। 10 वो दुनिया म्ह था, अर दुनिया उसके जरिये बणी, अर दुनिया के माणसां नै उस ताहीं नही पिच्छाणया। 11 वो अपने यहूदी माणसां के धारे आया अर उसके अपने लोगां नै उस ताहीं कोन्या अपणाया। 12 पर जितन्या नै उस ताहीं अपणाया, उसनै उन ताहीं परमेसवर के ऊलाद होण कि हक दिया। 13 वे कुदरती तौर पै ना तो पूर्वजां तै, ना देह की मर्जी तै, ना माणसां की मर्जी तै, पर परमेसवर की मर्जी तै पैदा होए सै। 14 अर वचन देह धारण करके आया, अर अनुग्रह अर सच्चाई तै भरके म्हारे बिचाळे रहण लाग्या, अर हमनै उसकी इसी महिमा देखी, जिसे पिता के इकलौते बेटे की महिमा। 15 यूहन्ना नै उसके बारे म्ह गवाही दी, अर रुक्का मारके बोल्या, “यो वोए सै, जिसका मनै जिक्क करया के जो मेरे पाच्छे आण लागरया सै, वो मेरते घणा महान सै क्यूँके वो मेरते पैहल्या था।” 16 क्यूँके उसकी करुणा अर सच्चाई की भरपूरी म्ह तै हम सारया नै आशीष पै आशीष पाई। 17 इस खातर के नियम-कायदे तो मूसा नबी तै मिले, पर अनुग्रह अर सच्चाई यीशु मसीह के जरिये पोहची। 18 परमेसवर ताहीं किसे नै कदे कोन्या देख्या, पर परमेसवर के इकलौते बेटे नै, जो सदा परमपिता के गैल सै, उससे नै म्हारे ताहीं दिखया। 19 यूहन्ना की गवाही या सै, के जब यहूदी अगुवां नै यरुशलेम तै याजकां अर लेवियों नै उसते यो बुझ्झण नै भेज्या, के “तू कौण सै?” 20 फेर उसने नाट्या कोनी, पर मान लिया के “मै मसीह कोनी।” 21 फेर उननै यूहन्ना तै बुझ्झया, “तो फेर तू कौण सै? के तू एलियाह नबी सै?” उसनै साफ-साफ कह दिया के, “मै मसीह कोनी।” “तो के तू वो नबी सै?” उसनै जवाब दिया, “ना।” 22 फेर उननै यूहन्ना तै बुझ्झया, “फेर तू सै कौण? ताके हम अपने भेजण आळा ताहीं जवाब देवां। तू अपने बारे म्ह के कहवै सै?” 23 वो बोल्या, “जिसा यशायाह नबी नै बोल्या सै: ‘मै जंगल-बियाबान म्ह एक रुक्का देवण आळे का वचन सूँ, के थम प्रभु का रास्ता सीध्या करो।’” 24 वे

फरीसियों के कान्ही तै भेज्जै होड़ थे। 25 उननै उसतै यो सवाल बुझ्झया, “जै तू ना मसीह सै, अर ना एलियाह, अर ना वो नबी सै, तै फेर बपतिस्मा क्यांतै देवै सै?” 26 यूहन्ना नै उन ताहीं जवाब दिया, “मै तो थमनै पाणी तै बपतिस्मा देऊँ सूँ, पर थारे बीच म्ह एक माणस खड्या सै जिसनै थम कोनी जाणदे। 27 यानी मेरे पाच्छे आण आळा सै, जिसके जूयाँ के फिते भी मै खोल्लण जोगा कोनी।” 28 ये बात यरदन नदी तै परली ओड़ बैतनिय्याह गाम म्ह होई, जडै यूहन्ना माणसां ताहीं बपतिस्मा दिया करदा। 29 दुसरे दिन यूहन्ना नै यीशु ताहीं अपनी ओड़ आन्दे देखके बोल्या, “देख्यो, यो परमेसवर का मेम्ना सै जो दुनिया का पाप ठावै सै। 30 यो वोए सै जिसके बारे म्ह मनै कह्या था, एक माणस मेरे बाद आवै सै जो मेरते महान सै, ज्यातै वो मेरते पैहल्या था। 31 मै खुद तो उसने कोनी पिच्छाणु था, पर इस्से खातर मै पाणी तै बपतिस्मा देन्दा होया आया, ताके इस्राएल के माणस उसनै जान ले।” 32 अर यूहन्ना नै या गवाही दी: “मनै सुर्ग तै पवित्र आत्मा ताहीं कबूतर की तरियां अकास तै उतरदे अर उस ताहीं मसीह यीशु पै ठहरते देख्या सै।” 33 मै तो उसने पिच्छाणु कोनी था, पर जिसने मेरे ताहीं पाणी तै बपतिस्मा देण के खातर भेज्या, उससे नै मेरे ताहीं कह्या, “जिसपै तू आत्मा नै उतरदे अर ठहरदे देख्ये, वोए पवित्र आत्मा तै बपतिस्मा देणिया सै।” 34 “अर मनै देख्या, अर गवाही दी सै, के योए परमेसवर का बेटा सै।” 35 आगले दिन यूहन्ना अपने दो चेल्यां के गैल फेर ओड़ै खडे थे, 36 अर उसने यीशु ताहीं जो उसके धारे तै जाण लागरया था, उसकी ओड़ लखाके बोल्या, “देख्यो, यो परमेसवर का मेम्ना सै।” 37 जिब्बे वे दोन्नु चेल्लें उसकी या बात सुणके यीशु के गैल हो लिए। 38 यीशु नै मुडके उन ताहीं गैल आन्दे देख्या अर उनतै बोल्या, “थम के चाहो सो?” वे उसतै बोल्ले, “हे गुरु, तू कित्त रहवै सै?” 39 यीशु उनतै बोल्या, “चाल्लों, तो देख लियो।” फेर उननै उसके रहण की जगहां देख्यी, अर उस दिन उसके गेल्या रहे। क्यूँके साँझ के करीब चार बजगे थे। 40 उन दोनुआ म्ह तै, जो यूहन्ना की बात सुणके यीशु के गेल्या हो लिए थे, एक तो शमौन पतरस का भाई अन्द्रियास था। 41 उसनै पैहल्या अपने सगे भाई शमौन तै मिलके उसतै बोल्या, “हमनै ख्रिस्त यानी मसीह (परमेसवर का अभिषिक्त) मिलग्या।” 42 फेर अन्द्रियास शमौन नै यीशु के धारे ल्याया। यीशु नै उसकी ओड़ लखाके कह्या, “तू यूहन्ना का बेटा शमौन सै: तू कैफा यानिके पतरस कुआवैगा।” 43 आगले दिन यीशु नै गलील परदेस जाण का इरादा करया। वो फिलिप्पुस तै मिल्या अर बोल्या, “मेरे पाच्छे हो ले।” 44 फिलिप्पुस, अन्द्रियास अर पतरस के नगर बैतसैदा का रहणीया था। 45 फिलिप्पुस नतनएल तै मिल्या अर उसतै बोल्या, “जिसका जिक्क मूसा नबी नै नियम-कायदा म्ह अर नबियों नै करया सै, वो हमनै मिलग्या सै! वो यूसुफ का बेटा, यीशु नासरी सै।” 46 नतनएल नै उसतै बुझ्झया, “के

कोए उत्तम चीज भी नासरत तै लिकड़ सके सै?" फिलिप्पुस उसतै बोल्या, "चालकै देख ले।" 47 यीशु नै नतनएल ताहीं अपणी ओड़ आन्दे देखके उसके बारे म्ह कह्या, "देक्खो, यो साच्चए इस्राएली सै: इस म्ह कपट कोनी।" 48 नतनएल नै उसतै बुझइया, "तू मन्ने किस तरियां जाणै सै?" यीशु नै उस ताहीं जवाब दिया, "इसतै पैहल्या के फिलिप्पुस नै तेरे ताहीं बुलाया, तो मन्ने तेरे ताहीं देख्या था जिब तू अंजीर कै दरखत तळै था।" 49 नतनएल नै उस ताहीं जवाब दिया, "हे गुरु, तू इसनै तीन दिन म्ह बणा दियुंगा।" 20 यहूदी अगुवां नै कह्या, "इस मन्दर कै बणाण म्ह छियालिस साल लागे सै, अर के तू इसनै तीन दिन म्ह बणा देवैगा?" 21 पर यीशु नै उनतै अपणी अंजीर कै दरखत तळै देख्या, के तू इससे बात पै बिश्वास करै सै? तू इसतै भी बड़े-बड़े काम देखेगा।" 51 फेर उसनै कह्या, "मै तेरे तै सच-सच कहुँ सूँ, के थम सुर्ग नै खुल्या होड़ अर परमेसवर के सुर्गदूतां ताहीं मुझ माणस के बेटे के खातर नीचै उतरदे अर उप्पर जान्दे होए देखेगे।"

**2** फेर तीसरे दिन गलील परदेस के काना नगर म्ह किसे का ब्याह था, अर यीशु की माँ भी ओड़ै थी। 2 यीशु अर उसके चेल्लें भी उस ब्याह म्ह न्योद राक्खे थे। 3 जिब अंगूर का रस खतम होग्या, फेर यीशु की माँ उसतै बोल्ली, "उनकै धारे अंगूर का रस कोनी रहया।" 4 यीशु नै उसतै कह्या, "हे नारी, या बात तू मेरे तै क्यूँ कहवै सै? इब्बे मेरा बखत कोनी आया।" 5 पर उसकी माँ नै नौकरां तै कह्या, "जो कुछ यो थारे ताहीं कहवै, न्यूप करियो।" 6 यहूदी परम्परा के मुताबिक शुद्ध करण के खातर ओड़ै छ: पत्थर के पैण्डे धरे थे, जिन म्ह दो-दो, तीन-तीन मण पाणी आवै था। 7 यीशु नै उनतै कह्या, "पैढा म्ह पाणी भर द्यो।" अर उननै वे मुँह तक भर दिए। 8 फेर यीशु नै नौकरां ताहीं कह्या, "इब काढकै भोज के प्रधान धारै ले जाओ।" अर वे लेगे। 9 जिब भोज के प्रधान नै वो पाणी चाख्या, जो अंगूर का रस बणग्या था अर वे न्ही जाणै था के वो कड़ै तै आया सै पर जिन नौकरां नै पाणी काढ्या था वे जाणै थे फेर भोज के प्रधान नै बन्दड़े ताहीं बुलाके उसतै कह्या, 10 "हरेक माणस पैहल्या बढिया अंगूर का रस देवै सै, अर जिब माणस पीकै छिक्क जावै सै, फेर हल्का देवै सै, पर तन्नै बढिया अंगूर का रस इब ताहीं राख राख्या सै।" 11 यीशु नै गलील परदेस के काना नगर म्ह अपणा यो पैहला चिन्ह-चमत्कार दिखाके अपणी महिमा जाहिर कर दी अर जिसकी बजह तै उसके चेल्यां नै उसपै बिश्वास करया। 12 इसके बाद वो अर उसकी माँ अर उसके भाई अर उसके चेल्लें कफरनहूम नगर म्ह गए अर ओड़ै कुछ दिन रहे। 13 यहूदियाँ का फसह का त्यौहार लोवै था, अर यीशु यरुशलेम नगर म्ह गया। 14 उसनै मन्दर म्ह बळध, भेड़ अर कबूतर बेचण आळे अर सर्राफां (पर्इसा का लेण देण करण आळे) ताहीं बेट्टे होए पाया। 15 फेर उसनै जेवड़ियां का कोरड़ा बणाके, सारी भेड़ुं अर बळधां ताहीं मन्दर तै काढ दिया, अर सर्राफां के पर्इसे खिन्डा दिए अर उनके पीढ़े पलट दिए, 16 अर कबूतर

बेचण आळा ताहीं बोल्या, "इन्हनै उरै तै ले जाओ। मेरे पिता कै घर नै व्यापर का घर ना बणाओ।" 17 फेर उसके चेल्यां नै याद आया के पवित्र ग्रन्थ म्ह लिख्या होड़ सै, "तेरे घर की धुन मन्ने खा ज्यागी।" 18 इसपै यहूदी अगुवां नै यीशु तै कह्या, "तू म्हारै ताहीं कौण सा अदभुत निशान दिखा सके सै?" जो इस तरियां के काम तू करे सै, यो साबित हो सके, के तू उसका हक राक्खै सै। 19 यीशु नै उन ताहीं जवाब दिया, "इस मन्दर नै ढा दो, मै इसनै तीन दिन म्ह बणा दियुंगा।" 20 यहूदी अगुवां नै कह्या, "इस मन्दर कै बणाण म्ह छियालिस साल लागे सै, अर के तू इसनै तीन दिन म्ह बणा देवैगा?" 21 पर यीशु नै उनतै अपणी देह रूपी मन्दर कै बारे म्ह कह्या था। 22 आखर म्ह जिब वो मरे होया म्ह तै जिन्दा होया, जिब उसके चेल्यां नै याद आई, के उसनै यो कह्या था, अर उननै पवित्र ग्रन्थ के वचन जो यीशु के जिन्दा होण के बारे म्ह बतावै सै, अर उननै यीशु के जरिये कहे होए वचनां पै बिश्वास करया। 23 फसह के त्यौहार के दिन्नां म्ह जिब यीशु यरुशलेम नगर म्ह था, तो उसके जरिये करे गये चिन्ह-चमत्कार के काम्मां नै देखके घणे माणसां नै उसपै बिश्वास करया। 24 पर यीशु नै अपणे-आप ताहीं उनके भरोसे पै कोनी छोड्या, ज्यातै वो सारया नै जाणै था, 25 अर उसनै इस बात की जरूरत कोनी थी के कोए आके उसनै माणसां के बारे म्ह बतावै, क्यूँके वो खुदे जाणै था के माणस के मन म्ह के सै?

**3** फेरिसियाँ म्ह तै नीकुदेमुस नाम का एक माणस था, जो यहूदियाँ का प्रधान था। 2 उसनै रात नै यीशु के धारै आके उस ताहीं कह्या, "हे गुरु, हमनै बेरा सै के तू परमेसवर की ओड़ तै म्हारे ताहीं सिखाण खातर आया सै, ज्यातैए कोए इन चिन्ह-चमत्कारां नै जिननै तू दिखावै सै, जै परमेसवर उसके गेल्या ना हो, तो दिखा कोन्या सकदा।" 3 यीशु नै उस ताहीं जवाब दिया, "मै थारे ताहीं सच कहुँ सूँ, जै कोए नए सिरे तै ना जन्म ले तो परमेसवर का राज्य देख न्ही सकदा।" 4 नीकुदेमुस नै उस ताहीं कह्या, "माणस जिब बूढा होज्या, तो किस ढाळ जन्म ले सके सै? के वो अपणी माँ के गर्भ म्ह दुसरी बर भीत्तर बड़के जन्म ले सके सै।" 5 यीशु नै जवाब दिया, "मै तेरे तै सच कहुँ सूँ, जिब ताहीं कोए माणस पाणी अर आत्मा तै ना जन्मे तो वो परमेसवर के राज्य म्ह बड़ न्ही सकदा। 6 क्यूँके मानव देह म्ह जन्म सिर्फ देह का जन्म सै, जिब के आत्मा तै जन्म नया जन्म सै। 7 हैरान ना होवै, के मन्ने तेरे तै कह्या, के थारे ताहीं नए सिरे तै जन्म लेणा जरूरी सै। 8 हवा जितोड़ चाहवै सै उतोड़ चाल्लै सै, अर तू उसकी आवाज सुणै सै, पर जाणदा कोनी, के वा कड़ै तै आवै सै अर कितोड़ नै जावै सै? जो कोए पवित्र आत्मा तै जन्मा सै वो इसाए सै।" 9 नीकुदेमुस नै उस ताहीं जवाब दिया, के या बात किस ढाळ हो सके सै? 10 या सुणके यीशु नै उस ताहीं जवाब दिया, "तू इस्राएलियाँ का गुरु होके भी के इन बातानं नै कोनी समझदा?" 11 मै तेरे तै साच्ची-साच कहुँ सूँ के हम जो जाणां सां, वो कहां सां, अर जिस ताहीं हमनै देख्या

सै उसकी गवाही देवां सां, अर जो हम कहां सां, उसका थम विश्वास कोनी करदे। 12 जिब मन्ने थारैतै दुनिया की बात कही, अर थम विश्वास न्ही करदे, तो जै मै थमने सुर्ग की बात कहुँ, तो फेर किस ढाळ विश्वास करोगे? 13 अर कोए सुर्ग पै कोनी चढ़ा, सिर्फ वोए एक सै जो सुर्ग तै उतरा यानिके मै माणस का बेट्टा। 14 अर जिस ढाळ तै मूसा नबी नै जंगल-बियाबान म्ह कांस्सी का साँप बणाके उस ताहीं ऊँच्ये पै चढ़ाया, उससे ढाळ तै जरूरी सै के मै माणस का बेट्टा भी ऊँच्ये पै चढ़ाया जाऊँ। 15 ताके जो कोए मेरे पै विश्वास करै वो अनन्त जीवन पावै। (aiōnios g166) 16 क्यूँके परमेसवर नै दुनिया के माणसां तै इसा प्यार राख्या के उसने अपना इकलौता बेट्टा दे दिया, ताके जो कोए उसपै विश्वास करै, वो नाश कोनी होवै, पर अनन्त जीवन पावै। (aiōnios g166) 17 क्यूँके परमेसवर नै अपना बेट्टा दुनिया म्ह इस खात्तर न्ही भेज्या, के दुनिया पै दण्ड का हुकम देवै, पर इस खात्तर भेज्या के दुनिया उसके जरिये उद्धार पावै। 18 जो परमेसवर के बेट्टे पै विश्वास करै सै, उसपै दण्ड का हुकम कोन्या होन्दा, पर जो उसपै विश्वास न्ही करदा, वो कसूरवार बणैगा, ज्यांतै के उसने परमेसवर के इकलौते बेट्टे के नाम पै विश्वास कोनी करया। 19 अर दण्ड कै हुकम का कारण यो सै के चान्दणा दुनिया म्ह आया सै, अर माणसां नै अन्धेरै ताहीं चाँदणे तै घणा प्यारा जाणया क्यूँके उनके काम बुरे थे। 20 क्यूँके जो कोए पाप करै सै, वो चाँदणे तै बैर राख्ये सै, अर चाँदणे धोरै कोनी आन्दा, क्यूँके उसके पाप उजागर हो जावेंगे। 21 पर जो सच्चाई पै चाल्ले सै वो चाँदणे धोरै आवै सै, ताके ये साबित हो जावै के उसके काम परमेसवर की ओड़ तै कराये गये सै। 22 फेर यीशु अर उसके चेल्लें यहूदिया परदेस म्ह पोहचे, अर वो ओड़ै उनके गेल्या रहके माणसां ताहीं बपतिस्मा देण लाग्या। 23 यूहन्ना भी शालेम नगर कै धोरै ऐनोन नामक गाम म्ह बपतिस्मा देवै था, क्यूँके ओड़ै घणाए पाणी था, अर माणस आके बपतिस्मा लेवै थे। 24 यूहन्ना उस बखत ताहीं जेळखान्ने म्ह कैद न्ही करया था। 25 ओड़ै यूहन्ना के कुछ चेल्यां का किसे यहूदी गेल्या पाणी तै शुद्धिकरण कै बारे म्ह बहस होगी। 26 अर यूहन्ना कै चेल्यां नै आके उस ताहीं कह्या, “हे गुरु, जो माणस यरदन नदी कै परली ओड़ तेरी गेल्या था, अर जिसके बारें म्ह तन्नै कह्या सै, देख, वो यीशु बपतिस्मा देवै सै, अर सारे उसके धोरै आवै सै।” 27 यूहन्ना नै जवाब दिया, “माणस नै तब तक कुछ न्ही मिल सकता, जिब तक वो सुर्ग तै ना दिया जावै।” 28 थारे ताहीं तो पैहले मन्ने बताया था के “मै मसीह कोनी, पर उसतै पैहले भेज्या गया सूँ।” 29 बन्दड़ा बन्दड़ी तै ब्याह करै सै, पर बन्दड़े का साथी जो खड्या होया उसकी आवाज सुणै सै, बन्दड़े कै वचन तै घणा खुश होवै सै, अर मै भी खुश सूँ। 30 जरूरी सै के वो बधै अर मै घटूँ। 31 जो सुर्ग तै आवै सै, वो सारया म्ह सबतै महान् सै, जो धरती कान्ही तै आवै सै वो धरती का सै, अर धरतीए की बात कहवै सै: जो सुर्ग कान्ही तै

आवै सै, वो सारया तै उप्पर सै। 32 उसने जो कुछ देख्या अर सुणया सै, वो उससे की बात करै सै, पर उसकी गवाही कोए न्ही मानता। 33 जिसनै उसकी गवाही अपनाई उसने इस बात पै छाप लगा दी के परमेसवर साच्चा सै। 34 क्यूँके जिस ताहीं परमेसवर नै भेज्या सै, वो परमेसवर की बात कहवै सै, क्यूँके परमेसवर उनने बिना किसे माप के पवित्र आत्मा देवै सै। 35 पिता अपणे बेट्टे तै प्यार करै सै, अर उसने सारी चीज उसके हाथ्यां म्ह दे दी सै। 36 जो बेट्टे पै विश्वास करै सै, अनन्त जीवन उससे का सै, पर जो बेट्टे की बात कोनी मान्दा, उसने वो अनन्त जीवन कोनी मिलै, इसकी बजाये उसपै परमेसवर का छो बणया रहवैगा। (aiōnios g166)

**4** फेर जिब यीशु नै बेरा पाट्या के फरीसियां नै सुणया सै के यीशु यूहन्ना तै घणे चेल्लें बणावे सै अर उनने बपतिस्मा देवै सै। 2 (ऊतो यीशु खुद न्ही बल्कि उसके चेल्लें बपतिस्मा देवै थे) 3 फेर वो यहूदिया परदेस नै छोड़के दुबारे गलील परदेस म्ह चल्या गया, 4 इस बार उसनै सामरिया परदेस होके जाणा पड्या था। 5 इस करके वो सामरिया परदेस के सूखार नामक एक नगर म्ह आया, यो नगर उस जगहां के धोरै था जो याकूब नै अपणे बेट्टे यूसुफ ताहीं दिया था। 6 अर याकूब का कुआँ भी ओड़ैए था। यीशु सफर का थक्या होड़ उस कुएँ पै न्यूए बैठग्या। दोपहर का बखत होरया था। 7 इतने म्ह एक सामरी बिरबान्नी पाणी भरण आई। यीशु नै उस ताहीं कह्या, “मन्ने पाणी पिया।” 8 क्यूँके उसके चेल्लें नगर म्ह खाणा मोल लेण जारे थे। 9 उस सामरी बिरबान्नी नै उस ताहीं कह्या, “तू यहूदी होके मेरे तै सामरी बिरबान्नी तै पाणी क्यांतै माँगै सै?” (क्यूँके यहूदी सामरियाँ तै नफरत करै थे।) 10 यीशु नै जवाब दिया, “जै तू जाणदी के परमेसवर तन्नै के देणा चाहवै सै, अर वो कौण सै, जो तेरे तै कहवै सै, ‘मन्ने पाणी पिया,’ फेर तू उसतै माँगदी, अर वो तन्नै जीवन का पाणी देन्दा।” 11 बिरबान्नी नै उस ताहीं कह्या, “हे प्रभु, तेरे धोरै पाणी भरण नै तो किमे सै भी कोनी, अर कुआँ डून्या सै, तो फेर वो जीवन का पाणी तेरे धोरै कड़ै तै आया? 12 के तू म्हारै पूर्वज याकूब तै बड़ड़ा सै, जिसनै म्हारै ताहीं यो कुआँ दिया, अर खुद भी अपणे ऊलादां, अर अपणे डान्गरां सुधा इस म्ह तै पिया?” 13 यीशु नै उस ताहीं जवाब दिया, “जो कोए यो पाणी पीवैगा वो फेर तिसाया होगा, 14 पर जो कोए उस पाणी म्ह तै पीवैगा जो मै उस ताहीं दियुँगा वो फेर अनन्त काल ताहीं तिसाया कोनी होवैगा, बल्के जो पाणी मै उस ताहीं दियुँगा वो उस म्ह तै एक चोवा बण ज्यागा जो अनन्त जीवन खात्तर उमड़दा रहवैगा।” (aiōn g165, aiōnios g166) 15 बिरबान्नी नै उस ताहीं कह्या, “हे प्रभु, वो पाणी मन्ने दे ताके मै तिसाई ना होऊँ अर ना पाणी भरण नै इतनी दूर आऊँ।” 16 यीशु नै उस ताहीं कह्या, “जा अपणे धणी नै याड़े बुला ल्या।” 17 बिरबान्नी नै जवाब दिया, “मै बिना धणी की सूँ।” यीशु नै उस ताहीं कह्या, “तू ठीक कहवै सै, ‘मै बिना धणी की सूँ।’ 18

क्योंकि तन्ने पाँच धणी कर लिए सै, अर जिस माणस कै गेल्या तू इब से वो भी तेरा धणी कोनी। या तन्ने साच्ची-ए कही सै।” 19 बिरबानी नै उस ताहीं कह्या, “हे प्रभु, मन्ने लागे सै तू नबी सै। 20 म्हारै सामरी पूर्वजां नै इस्से पहाड़ पै भगति करी, अर यहूदी लोग कहवै सै, के वा जगहां जड़ै भगति करणी चाहिए यरुशलम नगर म्ह सै।” 21 यीशु नै उस ताहीं कह्या, “हे नारी,” मेरी बात का भरोस्सा कर, के वो बखत आवै सै, के थम ना तो इस पहाड़ पै पिता की भगति करोगे, ना यरुशलम म्ह। 22 थम जिसनै कोनी जाणदे, उसकी भगति करो सो, अर हम यहूदी लोग जिसनै जाणा सा उसकी भगति करा सां, क्यूँके उद्धार यहूदियाँ म्ह तै सै। 23 पर वो बखत आवै सै, बल्कि इब भी सै, जिसम्ह सच्चे भगत पिता की भगति आत्मा अर सच्चाई के बखत करे थे, उननै उन सारया ताहीं देख्या था, क्यूँके वे भी तै करैंगे, क्यूँके पिता अपणे खात्तर इसेए भगतां नै टोहवै सै। 24 परमेसवर आत्मा सै अर जरूरी सै के उसकी भगति करण आळे आत्मा अर सच्चाई तै उसकी भगति करै। 25 बिरबानी नै उस ताहीं कह्या, “मै जाणु सूं के मसीह” जो ख्रिस्त कुहवै सै, “आण आळा सै, जिब वो आवैगा, फेर म्हारै ताहीं सारी बात बता देवैगा।” 26 यीशु नै उस ताहीं कह्या, “मै जो तेरे तै बोल्लण लागरया सूं, मै वोए सूं।” 27 इतनै म्ह उसके चेल्लें आण पोहचे, अर हेरान होण लागगे के वो बिरबानी तै बतळावै था, फेर भी किसै नै कोनी बुझ्झया, “तू के चाहवै सै? या क्यातै उसतै बतळावै सै?” 28 फेर बिरबानी अपना पैदा छोड़के नगर म्ह चली गई, अर माणसां तै कहण लाग्गी, 29 “आओ एक माणस नै देख्खो, जिसनै सारा किमे जो मन्ने करया मेरै तै बता दिया। कदे योए तो मसीह न्ही सै?” 30 तब वे नगर के बासिन्दे गाम तै लिकड़के यीशु कै धोरै आण लागगे। 31 इस बिचाळै उसके चेल्यां नै यीशु तै या बिनती करी, “हे गुरु, किमे खा ले।” 32 पर उसनै उन ताहीं कह्या, “मेरै धोरै खाण खात्तर इसा खाणा सै जिसनै थम कोनी जाणदे।” 33 फेर चेल्यां नै आप्पस म्ह कह्या, “के कोए उसके खात्तर खाणा लेके आया सै?” 34 यीशु नै उनतै कह्या, “मेरा खाणा यो सै के अपणे भेजण आळे की मर्जी कै मुताबिक चाल्लुँ अर उसके काम नै पूरा करुँ जो उसनै कह्या सै। 35 के थम कोनी कहन्दे, ‘लामणीयां के इब्बै चार महिन्ने रहरे सै?’ अपणी आँखां तै देख्खो जितने माणस आण लागरे सै, वो उस खेत की तरियां सै जो काट्टण खात्तर तैयार सै। 36 पैहले तै मजदूर काम करण लागरया सै अर अपणी मजदूरी पाण लागरया सै, इसका मतलब यो सै के वो माणसां नै कठा करण लागरया सै जो अनन्त जीवन पागे। (aiōnios g166) 37 क्यूँके याड़ै या कहावत ठीक बेट्टे सै: बोणआळा और सै, अर काट्टण आळा और। 38 मन्ने थारे ताहीं वो खेत काट्टण खात्तर भेज्या जिसम्ह थमनै मेहनत कोन्या करी दुसरयां नै मेहनत करी अर थम उनकी मेहनत कै फळ म्ह हिस्सेदार होए।” 39 उस नगर के घणखरे सामरियाँ नै उस बिरबानी कै कहण तै यीशु पै विश्वास करया, क्यूँके उसनै कह्या था, के “उसनै सारा किमे जो मन्ने

करया सै, मेरै तै बता दिया।” 40 ज्यातै जिब सामरी उसकै धोरै आए, तो उसतै बिनती करण लागगे के म्हारै याड़ै रह। आखर म्ह वो ओड़ै दो दिन ताहीं रहया। 41 उसके वचन कै कारण और भी घणखरे माणसां नै विश्वास करया 42 अर उस बिरबानी तै कह्या, “इब हम तेरे कहण तैए विश्वास कोनी करदे, क्यूँके हमनै खुदे सुण लिया, अर जाणगे सा के योए साच्चए म्ह दुनिया का उद्धार करणीया सै।” 43 फेर दो दिनां कै पाच्छे वो ओड़ै तै लिकड़के गलील परदेस म्ह गया। 44 क्यूँके यीशु नै खुदे गवाही दी के नबी अपणे गाम म्ह आदर मान कोनी पान्दा। 45 जिब वो गलील परदेस म्ह आया, तो गलील परदेस के माणस राज्जी होके उसतै मिले, क्यूँके जितने काम उसनै यरुशलम म्ह त्योंहार त्योंहार म्ह जारे थे। 46 फेर वो दुबारे गलील परदेस कै काना नगर म्ह आया, जड़ै उसनै पाणी ताहीं अंगूर का रस बणाया था। ओड़ै राजा का एक कर्मचारी था जिसका बेट्टा कफरनहूम नगर म्ह बीमार था। 47 वो या सुणके के यीशु यहूदिया परदेस तै गलील परदेस म्ह आ रहया सै, उसके धोरै गया अर उसतै बिनती करण लागग्या के चालके मेरै बेट्टे नै ठीक कर दे: क्यूँके वो मरण आळा था। 48 यीशु नै उस ताहीं कह्या, “जिब ताहीं थम चमत्कार अर अचम्भे के काम कोनी देखदे जद ताहीं कदे भी विश्वास कोनी करोगे।” 49 राजा कै कर्मचारी नै उसतै कह्या, “हे प्रभु, मेरै बाळक की मौत होण तै पैहल्या चाल।” 50 यीशु नै उस ताहीं कह्या, “जा, तेरा बेट्टा जिन्दा सै।” उस माणस नै यीशु की कही होई बात का विश्वास करया अर चल्या गया। 51 वो रास्ते म्ह था के उसके नौक्कर उसतै आ मिले अर कहण लागगे, “तेरा छोरा जिन्दा सै।” 52 उसनै उसतै बुझ्झया, “किस बखत वो ठीक होण लागग्या?” उननै उस ताहीं कह्या, “काल दोफहरै एक बजे उसका बुखार उतर गया।” 53 फेर बाप जाण गया के यो उससे बखत होया जिस बखत यीशु नै उस ताहीं कह्या, “तेरा बेट्टा जिन्दा रहवैगा,” अर उसनै अर उसके सारे कुणबे नै विश्वास करया। 54 यो दुसरा अचम्भे का काम था जो यीशु नै यहूदिया परदेस तै गलील परदेस म्ह आके दिखाया।

**5** इन बातां कै पाच्छे यहूदियाँ का एक त्योंहार आया, अर यीशु यरुशलम नगर म्ह गया। 2 यरुशलम म्ह भेड़-फाटक के धोरै एक कुण्ड सै जो इब्रानी भाषा म्ह बैतहसदा कुहवै सै, उसके पाँच घाट सै। 3 इन म्ह घणखरे बीमार, आन्धे, लंगड़े अर सूखे अंगआळे (पाणी कै हाल्लण कै आस म्ह) पड़े रहवै थे। 4 (क्यूँके खास बखत पै परमेसवर के सुर्गदूत कुण्ड म्ह उतरके पाणी नै हलाया करै थे। पाणी हाल्दे जो कोए पैहल्या उतरदा वोए ठीक हो जान्दा चाहे उसके कोए बीमारी क्यूँ ना हो।) 5 उड़ै एक माणस था, जो अड़तीस साल तै बीमारी म्ह पड्या था। 6 यीशु नै उस ताहीं पड्या होया देखके अर न्यू जाणके के वो घणे दिनां तै इसी हाल्लत म्ह पड्या सै, उसतै बुझ्झया, “के तू ठीक होणा चाहवै सै?” 7 उस बीमार नै उस ताहीं जवाब दिया, “हे

प्रभु, मेरे धोरे कोए माणस कोनी के जिब पाणी हलाया जावै, तो मन्ने कुण्ड म्ह उतारै, पर मेरे पोंहोचदे-पोंहोचदे दुसरा मेरतै पैहल्या पाणी म्ह उतर जावै सै।” 8 यीशु नै उस ताहीं कह्या, “उठ, अपणे बिस्तर ठाकै, हाँड-फिर।” 9 वो माणस जिब्बे ठीक होग्या, अर अपणे बिस्तर ठाकै हाँडण-फिरण लागग्या। 10 वो आराम का दिन था। ज्यांतै यहूदी उस ताहीं जो ठीक होया था, कहण लागगे, “आज तो आराम का दिन सै, तेरा बिस्तर ठाणा नियम-कायदा के मुताबिक ठीक कोनी।” 11 उसनै उन ताहीं जवाब दिया, “जिसनै मेरै ताहीं ठीक करया, उस्से नै मेरै ताहीं कह्या, ‘अपणा बिस्तर ठा अर हाँड-फिर।’” 12 उननै उसतै बुझ्झया, “वो कौण माणस सै जिसनै तेरे तै कह्या, ‘बिस्तर ठा, अर हाँड-फिर?’” 13 पर जो ठीक होया था वो कोनी जाणै था के वो कौण सै, क्यूँके उस जगहाँ पै भीड़ होण के कारण यीशु ओड़ै तै चला गया था। 14 इन बात्तां के पाच्छे वो यीशु नै मन्दर म्ह मिल्या। यीशु नै उस ताहीं कह्या, “देख, तू ठीक होग्या सै: दुबारा पाप ना करिये, इसा ना हो के इसतै कोए भारी संकट तेरे पै आण पड़े।” 15 उस माणस नै जाकै यहूदियाँ तै कह दिया के जिसनै मेरै ताहीं ठीक करया वो यीशु सै। 16 इस कारण यहूदी अगुवें यीशु नै तंग करण लागगे, क्यूँके वो इसे काम आराम के दिन करया करदा। 17 इसपै यीशु नै उन ताहीं कह्या, “मेरा पिता सारी हाण काम करै सै, अर मेरे ताहीं भी करते रहणा सै।” 18 यीशु की बात के कारण यहूदी अगुवें और भी घणे उस ताहीं मारण खात्तर कोशिश करण लागगे, क्यूँके वो ना सिर्फ आराम के दिन का नियम तोड्या करदा, पर परमेसवर नै अपणा पिता कहके खुद ताहीं परमेसवर के बरोबर भी ठैहरावै था। 19 इसपै यीशु नै उस ताहीं कह्या, “मै थारेताहीं साच्ची-साच कहुँ सूँ, बेटा खुद तै किमे न्ही कर सकदा, सिर्फ वो जो पिता नै करदे देखै सै, क्यूँके जिन-जिन काम्मां नै वो करै सै उननै बेटा भी इस्से ढाळ करै सै। 20 क्यूँके पिता बेटै तै प्यार करै सै अर जो-जो काम वो खुद करै सै, वो सारे उसतै दिखावै सै: अर वो इसतै भी बड़े काम उस ताहीं दिखावैगा, ताके थम हैरान होओ। 21 जिसा पिता मरे होया नै ठावै अर जिवाँवै सै उस्से ढाळ बेटा भी जिननै चाहवै सै उननै जिवाँवै सै। 22 पिता किसे का न्याय कोनी करदा, पर न्याय करण का सारा काम बेटै ताहीं सोंप राख्या सै, 23 ताके सारे माणस जिस ढाळ पिता की इज्जत करै सै उस्से ढाळ बेटै की भी इज्जत करै। जो बेटै की इज्जत कोनी करदा, वो पिता की भी इज्जत कोनी करदा, जिसनै उस ताहीं भेज्या सै।” 24 मै थारैतै साच्ची-साच कहुँ सूँ, जो मेरा वचन सुणके उसपै बिश्वास करै सै, जिसनै मेरै ताहीं भेज्या सै, वो अनन्त जीवन पावै सै, अर उसपै दण्ड का हुकम कोनी होन्दा, पर वो मौत नै पार करके जीवन म्ह दाखल हो लिया सै। (aiōnios g166) 25 “मै थारैतै साच्ची-साच कहुँ सूँ, वो बखत आवै सै, अर इब सै, जिसमह मरे होड़ परमेसवर के बेटै का वचन सुणैगें, अर जो सुणैगें वे जिवैगें। 26 क्यूँके जिस ढाळ तै

पिता खुद म्ह जीवन राक्खै सै, उस्से ढाळ तै उसनै बेटै ताहीं भी यो अधिकार दिया सै के खुद जीवन राक्खै। 27 बल्के मेरे ताहीं माणसां के न्याय करण का भी अधिकार दिया सै, ज्यांतै के मै माणस का बेटा सूँ।” 28 इसतै हैरान मतना होओ: क्यूँके वो बखत आवै सै के जितने मरे होए लोग कब्रॉं म्ह सै वे मेरा वचन सुणके लिक्ड़ आवैगें। 29 जिन नै भले काम करे सै वे जीवन के पुनरुत्थान खात्तर जी जावैगें अर जिन नै बुरे काम करे सै वे दण्ड के पुनरुत्थान खात्तर जी जावैगें। 30 “मै खुद तो कुछ कोनी कर सकदा, जिसा सुणु सूँ, उस्से तरियां न्याय कहुँ सूँ, अर मेरा न्याय साच्चा सै, क्यूँके मै अपणी मर्जी कोनी पर अपणे भेजण आळे की मर्जी चाहूँ सूँ।” 31 जै मै खुदे अपणी गवाही घूँ, तो मेरी गवाही साच्ची कोनी। 32 एक और सै जो मेरा पिता सै, वो मेरी गवाही देवै सै, अर मै जाणु सूँ, के मेरी जो गवाही वो देवै सै, वा साच्ची सै। 33 थमनै यूहन्ना तै बुझ्झवाया अर उसनै सच्चाई की गवाही दी सै। 34 पर मै अपणे बारै म्ह माणसां की गवाही कोनी चाहन्दा, फेर भी मै ये बात ज्यांतै कहुँ सूँ के थारा उद्धार हो। 35 यूहन्ना तो बळदे अर चमकदे होए दीवै के समान था, अर थमनै किमे वार ताहीं उसके चाँदणे म्ह मगन होणा भाया। 36 पर मेरे धोरे जो गवाही सै वा यूहन्ना की गवाही तै बट्टी सै, क्यूँके जो काम पिता नै मेरै ताहीं निपटण नै सौप्या सै यानिके योए काम जो मै कहुँ सूँ, वे मेरे गवाह सै के पिता नै मेरै ताहीं भेज्या सै। 37 अर पिता जिसनै मेरै ताहीं भेज्या सै, उस्से नै मेरी गवाही दी सै। थमनै ना कदे उसका वचन सुणया, अर ना उसकी शक्ल देखखी सै, 38 अर उसके वचन ताहीं मन म्ह बणाए कोनी राखदे, क्यूँके जिस ताहीं उसनै भेज्या थम उसका बिश्वास कोनी करदे। 39 थम पवित्र ग्रन्थ म्ह टोक्को सो, क्यूँके समझों सो के उस म्ह अनन्त जीवन थारे ताहीं मिलै सै, अर यो वोए सै जो मेरी गवाही देवै सै, (aiōnios g166) 40 फेर भी थम अनन्त जीवन पाण खात्तर मेरै धोरे आणा कोनी चाहन्दे। 41 मै माणसां तै आदर कोनी चाहन्दा। 42 पर मै थमनै जाणु सूँ, के थारे म्ह परमेसवर खात्तर प्यार कोनी। 43 थम मेरे ताहीं पसन्द न्ही करते जिब के मै अपणे पिता के नाम तै आया सूँ, जै दुसरा कोए खुद के नाम तै आवै, तो उसनै थम अपणा लोगे। 44 थम मेरै पै किस तरियां बिश्वास कर सको सो? क्यूँके थम तो आप्स म्ह एक-दुसरे तै तारीफ सुणणा चाहो सो, अर उस तारीफ की ओड़ देखते भी कोनी जो एकमात्र परमेसवर तै आवै सै। 45 न्यू ना समझियों के मै पिता के स्याम्ही थारे म्ह खोट काहूँ सूँ, थारे म्ह खोट काढणिया तो मूसा नबी सै, जिसपै थमनै भरोस्सा करया सै। 46 क्यूँके जै थम मूसा नबी पै बिश्वास करदे, तो मेरा भी बिश्वास करदे, ज्यांतै के उसनै मेरै बारै म्ह लिख्या सै। 47 पर जै थम उसके पवित्र ग्रन्थ म्ह लिक्खी होई बात्तां पै बिश्वास कोनी करदे, तो मेरी बात्तां पै किस तरियां बिश्वास करोगे?

6 इन बातों के पाछे यीशु गलील समुन्दर यानिके तिबिरियास की झील के धारे गया। 2 अर एक बड़ी भीड़ उसके गेल्या हो ली क्यूँके जो अचम्भे के काम वो बिमारां पै दिखावै था वे उननै देख्या करै थे। 3 फेर यीशु पहाड़ पै चढ़के अपने चेल्यां के गेल्या बैठग्या। 4 यहूदियाँ के फसह का त्यौहार लोवै था। 5 जब यीशु नै अपना आँख ठाके एक बड़ी भीड़ ताहीं अपना कान्ही आन्दे देख्या, फेर फिलिप्पुस ताहीं कह्या, “हम इनके खाणे के खात्तर कड़े तै रोटी मोल ल्यावां?” 6 उसनै या बात उस ताहीं आजमाण ताहीं बोल्ली, क्यूँके वो खुदे जाणै था के वो के करेगा। 7 फिलिप्पुस नै उस ताहीं जवाब दिया, “दो सौ दीनार (200 दिन की मजदूरी) की रोटी भी उन खात्तर पूरी कोनी पड़े के उन म्ह तै हरेके नै माड़ी-माड़ी मिल जा।” 8 उसके चेल्यां म्ह तै शमौन पतरस का भाई अन्द्रियास नै उस ताहीं कह्या, 9 “याड़े एक छोरा सै जिसके धारे जौ की पाँच रोटी अर दो मच्छी सै, पर इतने माणसां खात्तर वे के सै?” 10 यीशु बोल्या, “माणसां नै बिठा द्यो।” उस जगहां घणी घास थी: फेर माणस जिन म्ह आदमियाँ की गिणती करीबन पाँच हजार की थी, बैठगे। 11 फेर यीशु नै रोटी ली अर परमेसवर का धन्यवाद करके बैठण आळा ताहीं बांड दी: अर उससे ढाळ मच्छियाँ म्ह तै जितनी वे चाहवै थे, बांड दी। 12 जब वे खाके छिकगे फेर वो चेल्यां तै बोल्या, “बचे होड़ टुकड़े कठ्ठे कर ल्यो के किमे बगायां नही जावै।” 13 आखर म्ह उननै कठ्ठा करया, अर जौ की पाँच रोटियाँ के टुकड्या तै जो खाण आळा तै बची होड़ थी, बारहा टोकरी भरी। 14 फेर जो अचम्भे के काम उसनै कर दिखाये उसनै वे माणस देखके कहण लागगे, “वो नबी जो दुनिया म्ह आण आळा था, पक्का योए सै।” 15 यीशु न्यू जाणके के वे मन्ने राजा बणाण खात्तर पकड़णा चाहवै सै, फेर पहाड़ पै एकला चल्या गया। 16 जब साँझ होई, तो उसके चेल्लें झील के किनारे गए, 17 अर किस्ती पै चढ़के झील के परली ओड़ कफरनहूम नगर म्ह जाण लागगे। उस बखत अन्धेरा होग्या था, अर यीशु इब ताहीं उनके धारे कोनी आया था। 18 अर आँधी के कारण समुन्दर म्ह झाल उठ्ठण लागगी। 19 जब वे खेते-खेते तीन-चार कोस के करीबन लिकड़गे, फेर उननै यीशु ताहीं समुन्दर पै चाल्दे अर किस्ती के धारे आन्दे देख्या, अर डरगे। 20 पर उसनै उनतै कह्या, “मै सूँ, डरो मतना।” 21 आखर म्ह वे उसनै किस्ती पै चढ़ाण नै राज्जी होए अर जिब्बे वा किस्ती उस जगहां पै जा पोहची जड़े वे जाण लागरे थे। 22 जो लोग गलील समुन्दर के उस पार रहगे थे, उननै दुसरे दिन देख्या के याड़े सिर्फ एक ए किस्ती थी, अर यीशु अपने चेल्यां गेल्या उस किस्ती पै कोनी चढ्या था, पर सिर्फ उसके चेल्लें एक्ले ए चले गए थे। 23 तिबिरियास नगर की कुछ किस्ती उस जगहां के धारे आके रुकी, जड़े प्रभु नै परमेसवर का धन्यवाद करके भीड़ ताहीं रोटी खुआई थी। 24 जब भीड़ नै देख्या के याड़े ना यीशु सै अर ना उसके चेल्लें, फेर वे भी छोटी-छोटी किस्तियाँ पै चढ़के यीशु नै टोन्दे होए कफरनहूम नगर पोहचे। 25 गलील समुन्दर के परली ओड़ जब वे उसतै मिले तो बोल्ले, “हे गुरु, तू याड़े कद आया?” 26 यीशु नै उन ताहीं जवाब दिया, “मै थारैताहीं साच्ची-साच कहुँ सूँ, थम मन्ने ज्यांतै कोनी टोक्लो सो के थमनै अचम्भे के काम देकखे, पर ज्यांतै के थमनै पेट भरके रोटी खाई थी।” 27 उस खाणे खात्तर मेहनत ना करो जो सड़ जावै सै, पर उस खाणे खात्तर जतन करो जो कदे खराब नही होँदा अर अनन्त जीवन देवै सै, मै माणस का बेटा यो खाणा थारे ताहीं देऊंगा, क्यूँके पिता परमेसवर नै मेरे ताहीं इसा करण का हक दिया सै। (aiōnios g166) 28 वे उसतै बोल्ले, “परमेसवर के काम करण खात्तर हम के करा?” 29 यीशु नै उन ताहीं जवाब दिया, “परमेसवर चाहवै सै, के थम उसपै बिश्वास करो, जिस ताहीं उसनै भेज्या सै।” 30 फेर वे उसतै बोल्ले, “फेर तू कौण सा निशान दिखावै सै के हम उसनै देखके तेरा बिश्वास करा? तू कौण सा काम दिखावै सै? 31 म्हारे पूर्वजां नै जंगल-बियाबान म्ह मन्ना खाया, जिसा पवित्र शास्त्र म्ह लिख्या सै, “परमेसवर नै उन ताहीं खाण खात्तर सुर्ग तै रोटी देई।” 32 यीशु नै उनतै कह्या, “मै थारे ताहीं साच्ची-साच कहुँ सूँ, के मूसा नबी नै थारे ताहीं वा रोटी सुर्ग तै कोनी दी, पर मेरा पिता थमनै सुर्ग तै असली रोटी देवै सै। 33 क्यूँके परमेसवर की रोटी वाए सै, जो सुर्ग तै उतरके दुनिया के माणसां ताहीं जिन्दगी देवै सै।” 34 फेर यो सुणके यीशु तै बिनती करी, “के हे प्रभु, वा रोटी हमनै सदा दिया कर।” 35 यीशु नै उनतै कह्या, “जीवन की रोटी मै सूँ: जो मेरे धारे आवेगा, वो कदे भूख्खा कोनी रहवेगा, अर जो कोए मेरे पै बिश्वास करेगा, वो कदे तिसाया कोनी होवेगा। 36 पर मन्ने थारे ताहीं पैहले तै कह्या था, के थमनै मेरेताहीं देख भी लिया सै, फेर भी बिश्वास कोनी करदे। 37 वे सारे जो पिता नै मेरे ताहीं दिये सै, वे मेरे धारे आवेंगे, अर हर एक जो कोए मेरे धारे आवेगा उसनै मै कदे भी कोनी छोडूंगा। 38 पर मै अपना मर्जी कोनी पर अपने भेजण आळे पिता की मर्जी पूरी करण खात्तर सुर्ग तै उतरया सूँ। 39 अर मेरे भेजण आळे की मर्जी या सै के जो किमे उसनै मेरे ताहीं दिया सै, उस म्ह तै मै किसे नै ना खोऊँ, पर उसनै आखर के दिनां म्ह दुबारे जिन्दा कर दूँ। 40 क्यूँके मेरे पिता की मर्जी या सै के जो कोए बेट्टे नै अपना के उसपै बिश्वास करै, वो अनन्त जीवन पावै, अर मै उसनै आखरी के दिनां म्ह दुबारे जिन्दा करूँगा।” (aiōnios g166) 41 इसपै यहूदी उसपै बिरड़ाण लागगे, क्यूँके उसनै कह्या था, “जो रोटी सुर्ग तै उतरी, वा मै सूँ।” 42 अर वे बोल्ले, “के यो यीशु सै, यूसुफ का बेटा, जिसके माँ-बाप नै हम जाणां सां? फेर वो किस ढाळ कह सके सै के मै सुर्ग तै उतरया सूँ?” 43 यीशु नै उन ताहीं जवाब दिया, “आप्स म्ह मतना बिरड़ाओ।” 44 कोए मेरे धारे कोनी आ सकदा जब ताहीं पिता, जिसनै मेरेताहीं भेज्या सै, उसनै खींच नही लेवै, अर मै उसनै आखर के दिनां म्ह फेर जिन्दा करूँगा। 45 नबियाँ के लेखां म्ह यो लिख्या सै: “वे सारे

परमेश्वर की ओड़ तै सिखाए होए होवैगें।” जिस किसे नै पिता तै सुणया अर सिख्या सै, वो मेरे धौरे आवै सै। 46 किसे नै पिता ताहीं कोनी देख्या, सिवाए उसके, जो परमेश्वर की ओड़ तै सै, सिर्फ उससे नै पिता ताहीं देख्या सै। 47 मै थारेताहीं साच्ची-साच कहुँ सूँ, के जो कोए बिश्वास करै सै, अनन्त जीवन उससे का सै। (aiōnios g166) 48 जीवन की रोटी मै सूँ। 49 थारे पूर्वजां नै जंगल-बियाबान म्ह मन्ना खाया अर मरगे। 50 या वा रोटी सै जो सुर्ग तै उतरी सै, ताके माणस उस म्ह तै खावै अर ना मरै। 51 जीवन की रोटी जो सुर्ग तै उतरी सै, मै सूँ। जै कोए इस रोटी म्ह तै खावै, तो सारी हाण जिन्दा रहवैगा, अर जो रोटी मै दुनिया के जीवन खात्तर दियुँगा, वो मेरा माँस सै। (aiōn g165) 52 इसपै यहूदी न्यू कहकै आप्पस म्ह बहस करण लागगे, “यो माणस किस ढाळ हमनै अपणा माँस खाण नै दे सकै सै?” 53 यीशु नै उन ताहीं कह्या, “मै थारेताहीं साच्ची-साच कहुँ सूँ, के जब ताहीं थम मुझ माणस के बेटे का माँस ना खाओ, अर मेरा लहू ना पियो, थारे म्ह जीवन कोनी। 54 जो मेरा माँस खावै अर मेरा लहू पीवै सै, अनन्त जीवन उससे का सै, अर आखरी के दिनां म्ह मै उसनै दुबारे जिन्दा कर दियुँगा। (aiōnios g166) 55 क्यूँके मेरा माँस सच म्ह खाण की चीज सै, अर मेरा लहू सच म्ह पीण की चीज सै। 56 जो मेरा माँस खावै अर मेरा लहू पीवै सै वो मेरे म्ह डटया रहवै सै, अर मै उस म्ह। 57 जिसा जिन्दे पिता नै मेरेताहीं भेज्या सै, अर मै पिता के कारण जिन्दा सूँ, उससे ढाळ वो भी जो मन्ने खावैगा मेरे कारण जिन्दा रहवैगा। 58 जो रोटी सुर्ग तै उतरी सै याए सै, उस रोटी बरगी कोनी जो पूर्वजां नै खाई अर मरगे, जो कोए या रोटी खावैगा, वो सदा ताहीं जिन्दा रहवैगा।” (aiōn g165) 59 ये बात उसनै कफरनहूम नगर के एक आराधनालय म्ह उपदेश देन्दे बखत कही। 60 उसके चेल्यां म्ह तै घणखरा नै या सुणकै कह्या, “या सख शिखा सै, इसनै कौण सुण सकै सै?” 61 यीशु नै अपणे मन म्ह न्यू जाणके के मेरे चेल्लें आप्पस म्ह इस बात पै बिरड़ावै सै, उन ताहीं बुझ्या, “के इस बात तै थारे ताहीं ठेस लागै सै?” 62 जै थम मुझ माणस के बेटे नै जड़ै मै पैहलया था, ओड़ैए उप्पर जान्दे देखखगे, तो के होगा? 63 आत्मा ए सै जो देह नै जीवन देवै सै, देह का कोए महत्व कोनी, जो वचन मन्ने थारैतै कह्ये सै, वे आत्मा सै, अर जीवन भी। 64 पर थारे म्ह तै किमे इसे सै जो बिश्वास कोनी करदे। क्यूँके यीशु पैहलया तै ए जाणे था के जो बिश्वास न्ही करदे, वे कौण सै, अर कौण मेरे ताहीं पकड़वावैगा। 65 अर वो बोल्या, “ज्यातै मन्ने थारे ताहीं कह्या था के जब ताहीं किसे नै पिता की ओड़ तै यो वरदान ना मिलै तब ताहीं वो मेरे धौरे कोनी आ सकदा।” 66 इसपै उसके चेल्यां म्ह तै घणखरे उल्टे हटगे अर उसके बाद उसके गेल्या कोनी चाल्ले। 67 फेर यीशु नै उन बारहां चेल्यां तै कह्या, “के थम भी चले जाणां चाहो सो?” 68 शमौन पतरस नै उस ताहीं जवाब दिया, “हे प्रभु, हम किसके धौरे जावां? अनन्त जीवन की बात तो तैरेए धौरे

सै, (aiōnios g166) 69 अर हमनै बिश्वास करया अर जाणगे सै के परमेश्वर का पवित्र जन तूए सै।” 70 यीशु नै उन ताहीं जवाब दिया, “के मन्ने थम बारहां चेल्यां ताहीं कोन्या छाट्या? फेरभी थारे म्ह तै एक जन शैतान सै।” 71 यो उसनै शमौन इस्करियोती के बेटे यहूदा के बारे म्ह कह्या था, क्यूँके वोए जो बारहां चेल्यां म्ह तै एक था, उस ताहीं पकड़वाण म्ह था।

**7** इन बातों के हो लेण के पाछै यीशु गलील परदेस म्ह सफर करण लाग्या, वो यहूदिया परदेस म्ह जाणा कोनी चाहवै था, क्यूँके यहूदी लोग उस ताहीं मारण की ताक म्ह थे। 2 यहूदियाँ का झोपड़ियाँ का त्यौहार लोवै था। 3 ज्यातै उसके भाईयाँ नै उस ताहीं कह्या, “याडै तै यहूदिया परदेस नै जा, ताके जो काम तू करै सै उननै तेरे चेल्लें ओड़ै भी देखवै। 4 क्यूँके इसा कोए न्ही होगा जो मशहुर होणा चाहवै, अर लुत्क के काम करै। जै तू यो काम करै सै, तो खुद नै दुनिया म्ह साबित कर।” 5 क्यूँके उसके भाई भी उसपै बिश्वास कोनी करै थे। 6 फेर यीशु नै उनतै कह्या, “मेरे खात्तर इब्बे सही बखत कोनी आया, पर थारे खात्तर सारा बखत सही सै। 7 दुनिया थारे तै बैर कोनी कर सकदी, पर वा मेरे तै बैर करै सै क्यूँके मै उसके बिरोध म्ह या गवाही दियुँ सूँ के उसके काम भुन्दे सै। 8 थम त्यौहार म्ह जाओ, मै इब्बे इस त्यौहार म्ह कोनी जान्दा, क्यूँके इब्बे मेरा सही बखत कोनी आया।” 9 वो उनतै ये बात कहकै गलील परदेस म्ह रहग्या। 10 पर जब उसके भाई त्यौहार म्ह जा लिए तो वो खुद भी, जाहिर म्ह न्ही पर मान्नी गुप्ती तै गया। 11 त्यौहार म्ह कुछ यहूदी लोग यीशु ताहीं टोहन्दे होए पूछताछ करण लागरे थे, “के वो कड़े सै?” 12 फेर भी यीशु के बारे म्ह बड़ी बहस होण लागरी थी, कई माणस कहवै थे, “के वो भला माणस सै।” अर कईयाँ का कहणा था, “के ना, वो माणसां नै बहकावै सै।” 13 फेर भी यहूदियाँ के डरके मारे कोए भी माणस यीशु के बारे म्ह खुलकै कोनी बोल्लै था। 14 जब त्यौहार के आध्धे दिन बीतगे, फेर यीशु मन्दर म्ह जाके उपदेश देण लागग्या। 15 फेर यहूदियाँ नै हैरान होके कह्या, “इसनै बिना पढ़े ज्ञान किस तरियां आ ग्या?” 16 यीशु नै उन ताहीं जवाब दिया, “जो उपदेश मै देऊँ सूँ, मेरा अपणा कोनी, पर उसतै आवै सै जिसनै मेरे ताहीं भेज्या सै। 17 जै कोए माणस उसकी मर्जी पै चाल्लण का प्रण करै, तो उस ताहीं यो बेरा लाग ज्यागा, के यो उपदेश परमेश्वर की ओड़ तै सै, या मै अपणी ओड़ तै देऊँ सूँ। 18 जो अपणी ओड़ तै कुछ कहवै सै, वो खुद की बड़ाई चाहवै सै, पर जो अपणे भेजण आळे की बड़ाई चाहवै सै वोए साच्चा सै, अर उस म्ह अधर्म कोनी। 19 के मूसा नबी नै थारैताहीं नियम-कायदे कोनी दिये? फेरभी थारैम्ह तै कोए नियम-कायदा पै कोनी चाल्ला। थम मन्ने क्यातै मारणा चाहो सो?” 20 माणसां नै जवाब दिया, “तेरे म्ह ओपरी आत्मा सै! कौण तन्ने मारणा चाहवै सै?” 21 यीशु नै उन ताहीं जवाब दिया, “मन्ने आराम के दिन एक चमत्कार करया, अर थम सारे छो म्ह होगे। 22 इससे खात्तर मूसा नबी नै

थारेताहीं खतने का नियम दिया था (यो नियम मूसा नबी का नही था बल्के या थारे पूर्वजां तै ए लाग लागरी सै) अर थम आराम कै दिन माणस का खतना करो सो। 23 जिब आराम कै दिन माणस का खतना करया जावै सै ताके मूसा नबी कै नियम-कायदा का हुकम नही टळै। फेर थम मेरै पै क्यांतै छो करो सो के मन्ने आराम कै दिन एक माणस ताहीं पूरी तरियां ठीक करया। 24 मुँह देख्या न्याय मतना करो, पर सही-सही न्याय करो। 25 फेर यरुशलेम म्ह रहण आळे माणसां म्ह तै कईयाँ नै कह्या, “के यो वोए कोनी जिस ताहीं यहूदी अगुवै मार देणा चाहवै सै?” 26 पर लखाओ, “वो तो सरैआम बात करै सै अर कोए उसतै किमे कोनी कहन्दा। के यो नही हो सकता के यहूदी अगुवां नै साच्ये बेरा पाटया सै, के योए मसीह सै? 27 इसके बारे म्ह हमनै बेरा सै यो कितका सै, पर मसीह जिब आवैगा तो कोए कोनी जाणै के वो कितका सै।” 28 फेर यीशु नै मन्दर म्ह उपदेश देन्दे होए रुक्का मारके कह्या, “थम मन्ने जाणो सो, अर न्यू भी जाणो सो के मै कित तै आया सूं। मै तो खुद कोनी आया, पर मेरा भेजण आळा साच्चा सै, उसनै थम कोनी जाणदे। 29 पर मै उसनै जाणु सूं, क्यूँके मै उसके कान्ही तै आया सूं, अर उससे नै मेरै ताहीं भेज्या सै।” 30 यो सुणके यहूदी अगुवां नै यीशु ताहीं पकड़णा चाहा, फेरभी किसे नै उसके हाथ कोनी लाया, क्यूँके उसके मरण का सही बखत इब्बै कोनी आया था। 31 फेर भी भीड़ म्ह तै घणखरे माणसां नै उसपै बिश्वास करया, अर बोल्ले, “मसीह जिब आवैगा तो के इस्तै घणे अचम्भे के काम दिखावैगा जो इसनै दिखाए?” 32 फरीसियाँ नै भीड़ म्ह माणस ताहीं यीशु के बारे म्ह चुपके-चुपके बात करते सुण्या, तो प्रधान याजक अर फरीसियाँ नै यीशु ताहीं पकड़ण खातर मन्दर के सिपाहियाँ ताहीं भेज्या। 33 मसीह यीशु बोल्या, “मै थोड़ी बार ताहीं थारे गेल्या सूं, फेर अपणे भेजण आळे धोरै उल्टा चलया जाऊंगा। 34 थम मन्ने टोहओगे, पर कोनी पाओगे, अर जडै मे सूं, ओडै थम कोनी आ सकदे।” 35 इसपै यहूदी अगुवां नै आप्पस म्ह कह्या, “यो कित जावैगा, के हम इसनै कोनी टोह सकदे? के यो जो यूनानी परदेशियाँ म्ह तो बसणा नही चाहन्दा, ताके यूनानियाँ ताहीं भी उपदेश दे? 36 इसकी इस बात का के मतलब सै? जो उसनै बोल्ली सै, के थम मन्ने टोहओगे, पर कोनी पाओगे, अर जडै मे सूं, ओडै थम नही आ सकदे।” 37 त्यौहार के आखरी दिन, जो खास दिन सै, यीशु खड्या होया अर रुक्का मारके कह्या, “जै कोए तिसाया हो तो मेरै धोरै आवै अर पीवै। 38 जो कोए मेरै पै बिश्वास करैगा, जिसा पवित्र ग्रन्थ म्ह लिख्या सै, ‘उसकी अंतरआत्मा म्ह तै जीवन कै जल की नदियाँ बह लिकड़ेंगी, जो अनन्त जिन्दगी देवै सै।’” 39 यीशु नै यो वचन पवित्र आत्मा कै बारे म्ह कह्या, जो बिश्वास करण आळा नै मिलण आळी थी, क्यूँके इब ताहीं पवित्र आत्मा कोनी उतरया था, क्यूँके यीशु इब ताहीं अपनी महिमा म्ह कोनी पोंहच्या था। 40 फेर भीड़ म्ह

तै कईयाँ नै या बात सुणके कह्या, “साच्ये योए वो नबी सै, जिसके आण की हम आस देख्वां थे।” 41 अर कईयाँ नै कह्या, “यो मसीह सै” पर कई बोल्ले, “मसीह गलील परदेस तै तो नही आवैगा?” 42 पवित्र ग्रन्थ यो कहवै सै, के मसीह दाऊद की पीढ़ी तै अर बैतलहम नगर तै आवैगा, जडै दाऊद रहवै था? 43 आखर म्ह उसके कारण माणसां म्ह फूट पड़ी। 44 उन म्ह तै कई उस ताहीं पकड़णा चाहवै थे, पर किसे नै उसके हाथ कोनी लाया। 45 फेर सिपाही, प्रधान याजकां अर फरीसियाँ के धोरै बोहड़ आए, उननै उन ताहीं कह्या, “थम उसनै क्यातै नही ल्याए?” 46 सिपाहियाँ नै जवाब दिया, “इसी बात बताण आळा माणस हमनै आज ताहीं कदे भी कोनी मिल्या।” 47 फरीसियाँ नै उन ताहीं जवाब दिया, “के थम भी भळोई म्ह आगै? 48 के सरदारां या फरीसियाँ म्ह तै किसे नै भी उसपै बिश्वास करया सै? 49 पर ये माणस जो मूसा नबी के नियम-कायदे कोनी जाणदे, परमेसवर की ओड़ तै सरापित सै।” 50 नीकुदेमुस जो उन म्ह तै एक था, वो मसीह यीशु तै पैहल्या मिल चुका था, उन ताहीं बोल्या, 51 “के म्हारे नियम-कायदे किसे माणस नै, जिब ताहीं पैहल्या उसकी सुणके जाण ना लेवै, के वो के करै सै, कसूरवार मान्ने सै?” 52 उननै नीकुदेमुस ताहीं जवाब दिया, “तू भी गलील परदेस का सै? पवित्र ग्रन्थ म्ह ढूँढ़ अर देख के गलील परदेस तै कोए नबी कोनी आवै।” 53 फेर सारे अपणे-अपणे घरां चले गए।

**8** यीशु अपणे चेल्यां के गैल जैतून के पहाड़ पै गया। 2 तड़कैए आगले दिन यीशु फेर मन्दर म्ह आया। भोत सारे माणस उसके धोरै आए अर वो बैठके उननै उपदेश देण लागया। 3 जिब वो बोलण लागरया था, तो जिब्बे शास्त्री अर फरीसी एक बिरबान्नी नै ल्याए, जो जारी करते होए रंगे हाथ पकड़ी गयी थी, अर उस ताहीं माणसां के स्याम्ही खड्या कर दिया, अर यीशु ताहीं कह्या, 4 “हे गुरु, या बिरबान्नी जारी कर दी रंगे हाथ पकड़ी गयी सै। 5 मूसा नबी के नियम-कायदा म्ह उसनै म्हारे ताहीं हुकम दिया सै, के इसी बिरबान्नी नै पत्थर बरसा के मार द्यो। पर तू इस बिरबान्नी के बारे म्ह के कहवै सै?” 6 उननै यीशु ताहीं परखण खातर या बात कही, ताके उस म्ह खोट लिकाड़ण का कोए सुराग मिलै जावै। पर यीशु कोड्डा होके आन्गळी तै धरती पै लिखण लागया। 7 जिब वे बार-बार उसतै सवाल करते रहे, तो फेर उसनै सीध्या होके उन ताहीं कह्या, “थारे म्ह जिसनै भी कोए पाप नही करया हो, वोए उसके सबतै पैहला पत्थर मारै।” 8 फेर यीशु कोड्डा होके आन्गळी तै धरती पै लिखण लागया। 9 जिब माणसां नै यो सुण्या तो सबतै पैहले बूढ़े माणस अर फेर एक-एक करके ओडै तै खिसकण लागे, क्यूँके वे सब जाणे थे, के हम सब पापी सां, अर सिर्फ यीशु अर वा बिरबान्नी ओडै रहगे। 10 यीशु खड्या होया अर उस बिरबान्नी ताहीं कह्या, “हे नारी, वे कित गए? के किस्से नै तेरे ताहीं दण्ड नही दिया?” 11 वा बोल्ली, “हे प्रभु, किसे नै नही।” यीशु बोल्या, “मै भी तेरे

ताहीं दण्ड न्ही देऊंगा, जा, अर दुबारा कदे पाप ना करिए।” 30 वो ये बात कहणे लागरया था, के घणखरयां नै उसपै 12 मन्दर म्ह अपणे उपदेश नै दुबारै शरु करदे होए यीशु नै बिश्वास करया। 31 फेर यीशु नै उन यहूदियाँ तै जिन नै उसपै माणसां तै कहा, “दुनिया का चाँदणा मै सूं, जो कोए मेरे पाछै चाल्लैगा, वो अन्धैरे म्ह कदे कोनी चाल्लैगा, पर वो चाँदणा पावैगा जो अनन्त जीवन देवै सै।” 13 फरीसियाँ नै उस ताहीं कहा, “तू अपणी गवाही खुद देवै सै, इस खात्तर तेरी गवाही साच्ची कोनी।” 14 यीशु नै उन ताहीं जवाब दिया, “भलाए मै अपणी गवाही खुद देऊँ सूं, फेर भी मेरी गवाही मान्नी जावैगी, क्यूँके मै जाणु सूं, के मै कित्त तै आया सूं, अर कितोड़ जाऊँ सूं? पर थम कोनी जाणदे के मै कित्त तै आऊँ सूं, या कितोड़ जाऊँ सूं। 15 थम मानवीय सोच तै, न्याय करो सो, मै किसे का न्याय कोनी करदा। 16 जै मै न्याय करूँ भी तो वो सही ए होगा, क्यूँके मै एक्ला कोनी, पर परम पिता, जिसनै मेरे ताहीं भेज्या सै, वो अर मै दोन्नु मिलके न्याय करा सां। 17 थारे मूसा नबी के नियम-कायदा म्ह भी लिख्या सै, के दो जणयां की गवाही सच के रूप म्ह मान्नी जा सकै सै। 18 एक तो मै खुद अपणी गवाही दियुँ सूं, अर दुसरा मेरा पिता मेरी गवाही देवै सै, जिसनै मेरेताहीं भेज्या।” 19 उननै उस ताहीं कहा, “तेरा पिता कित्त सै?” यीशु नै जवाब दिया, “ना थम मन्ने जाणो सो, ना मेरे पिता नै, जै मन्ने जाणदे तै मेरे पिता नै भी जाणदे।” 20 यीशु नै ये वचन मन्दर म्ह उपदेश देन्दे होए भण्डार घर म्ह बोल्लै, अर किसे नै उस ताहीं कोनी पकड्या, क्यूँके उसके दुख ठाण का अर मरण का बखत इब ताहीं कोनी आया था। 21 यीशु नै फेर उन ताहीं कहा, “मै जाऊँ सूं, अर थम मन्ने टोहओगे, अर अपणे पाप म्ह मरोगे। जड़ै मै जाऊँ सूं, ओड़ै थम न्ही आ सकदे।” 22 इसपै यहूदी अगुवां नै कहा, “के वो खुद नै मार देवैगा, जो कहवै सै, ‘जड़ै मै जाऊँ सूं, ओड़ै थम न्ही आ सकदे?’” 23 यीशु नै उन ताहीं कहा, “थम इस दुनिया म्ह पैदा होए साँ, अर मै सुर्ग तै आया सूं। थम इस दुनिया के सो, मै इस दुनिया का कोनी। 24 ज्यातै मन्ने थारे ताहीं कहा के थम अपणे पापां म्ह मरोगे, जै थारा मेरे म्ह बिश्वास कोनी के मै कौण सूं, तो थम मरोगे, अर थारे पाप माफ कोनी होंगे।” 25 यहूदी अगुवां नै यीशु ताहीं कहा, “के तू कौण सै?” वो उनतै बोल्या, जिब तै मन्ने प्रचार करणा शरु करया सै, तब तै मै थमनै कहन्दा आया सूं, “के मै कौण सूं?” 26 “थारे बारे म्ह कहण खात्तर अर फैसला करण खात्तर मेरे थारे भोत कुछ सै, पर सच्चाई याए सै के जिसनै मेरे ताहीं भेज्या सै, मै वोए कहुँ सूं, जो मन्ने उसतै सुणया सै, वोए दुनिया के माणसां तै कहुँ सूं।” 27 ये न्यू न्ही समझै के म्हारै तै, पिता कै बारे म्ह कहवै सै। 28 फेर यीशु बोल्या, “जिब थम मुझ माणस कै बेट्टै नै ऊँच्चे पै चढाओगे, जिब जाणोगे के मै वोए सूं। मै खुद तै किमे कोनी करदा, पर जिस तरियां मेरे पिता नै, मेरे ताहीं सिखाया सै, उरसे ढाळ ये बात कहुँ सूं। 29 मेरा भेजण आळा मेरे गेल्या सै, उसनै मेरेताहीं एक्ला कोनी छोड्या क्यूँके मै सारी हाण वैए काम करूँ सूं, जिसतै वो राज्जी होवै सै।” 30 वो ये बात कहणे लागरया था, के घणखरयां नै उसपै बिश्वास करया। 31 फेर यीशु नै उन यहूदियाँ तै जिन नै उसपै बिश्वास करया था, बोल्या, “जै थम मेरे वचन म्ह बणे रहोगे, तो साच-ए मेरे चेल्ले ठहरोगे।” 32 थम सच नै जाणोगे अर सच थमनै आजाद करैगा। 33 उननै उस ताहीं जवाब दिया, “हम तो अब्राहम के वंशज सा, कदे किसे के गुलाम कोनी बणे। फेर तू किस तरियां कहवै सै, के थम आजाद हो जाओगे?” 34 यीशु नै उन ताहीं जवाब दिया, “मै थारैतै साच्ची-साच कहुँ सूं, के जो कोए पाप करै सै, वो पाप का गुलाम सै। 35 गुलाम सारी हाण घर म्ह कोनी रहन्दा, बेट्टा सारी हाण घरां रहवै सै। (aiōn g165) 36 ज्यातै जै बेट्टा थमनै आजाद करैगा, तो साच्चे थम आजाद हो जाओगे। 37 मै जाणु सूं, के थम अब्राहम के वंश के सो, फेर भी थम मेरे वचनां नै कोनी मानते, ज्यातै थम मन्ने मारणा चाहो सो। 38 मै वोए कहुँ सूं, जो मेरे पिता नै मेरे ताहीं दिखाया सै, अर थम वोए करो साँ, जो थमनै अपणे पिता तै सुणया सै।” 39 उननै उस ताहीं जवाब दिया, “म्हारा पूर्वज तो अब्राहम सै।” यीशु उनतै बोल्या, “जै थम अब्राहम के वंशज होन्दे, तो अब्राहम जिसे काम करदे। 40 पर इब थम मेरे ताहीं मारणा चाहो सो, जिसनै थारे ताहीं वो साच्चा वचन बताया जो परमेसवर तै सुणया, इस तरियां तो अब्राहम नै कोनी करया था। 41 थम अपणे पिता कै जिसे काम करो सो।” उननै यीशु ताहीं कहा, “हम जारी तै कोनी जणे, म्हारा एक ए पिता सै यानिके परमेसवर।” 42 यीशु उनतै बोल्या, “जै परमेसवर थारा पिता होन्दा, तो थम मेरे तै प्यार करदे, क्यूँके मै परमेसवर की ओड़ तै आया सूं। मै खुद कोनी आया, पर उरसे नै मेरे ताहीं भेज्या। 43 थम मेरी बात क्यातै न्ही समझदे? ज्यातै के थम मेरे वचनां नै अपणादे कोनी। 44 थम अपणे पिता शैतान की ओड़ तै सो, अर अपणे पिता की मर्जी पूरी करणा चाहो सो। वो तो शरु तै ए खून्नी सै, अर सच पै टिक्या ए कोनी रहया, क्यूँके सच उस म्ह सै ए कोनी। जिब वो झूठ बोल्लै सै, तो अपणे सुभाव तै ए बोल्लै सै, क्यूँके वो झूठा सै बल्के झूठ का बाप सै। 45 पर मै जो सच बोल्लू सूं, इरसे करके थम मेरा बिश्वास कोनी करदे। 46 थारे म्ह तै कौण मन्ने पापी ठेहरावै सै? जै मै सच बोल्लू सूं, तो थम मेरा बिश्वास क्यातै न्ही करदे? 47 जो परमेसवर कान्ही तै होवै सै, वो परमेसवर की बात सुणे सै, अर थम ज्यातै कोनी सुणदे के परमेसवर की ओड़ तै कोनी सो।” 48 न्यू सुण यहूदियाँ नै उस ताहीं कहा, “के हम ठीक कोनी कहन्दे के तू सामरी सै, अर तेरे म्ह भुन्डी ओपरी आत्मा सै?” 49 यीशु नै जवाब दिया, “मेरे म्ह भुन्डी ओपरी आत्मा कोनी,” पर मै अपणे बाप की इज्जत करूँ सूं, अर थम मेरी बेजती करो सो। 50 पर मै अपणा मान-सम्मान कोनी चाहन्दा, हाँ, एक सै जो चाहवै सै, अर न्याय करण आळा सै। 51 मै थमनै साच्ची-साच कहुँ सूं, “के जै कोए माणस मेरे वचनां नै मान्नेगा, तो वो अनन्त काल ताहीं कोनी मरै।” (aiōn g165) 52 यहूदियाँ नै उस ताहीं

कह्या, “इब हम जाणगे के तेरे म्ह भुन्डी ओपरी आत्मा से। माट्टी लगाके उसकी आँख खोल्ली थी, वो आराम का दिन था। 15 फेर फरीसियाँ नै भी उनतै बुड़झया के उसकी आँखां की रोशनी किस ढाळ मिली। उसनै उन ताहीं कह्या, “उसनै मेरी आँखां पै माट्टी लाई, फेर मन्नै अपणा मुँह धो लिया, अर इब देखवूँ सू।” 16 इसपै कई फरीसी कहण लागगे, “यो माणस परमेसवर की ओड़ तै कोनी, क्यूँके वो आराम कै दिन नै कोनी मान्दा।” दुसरे बोल्ले, “पापी माणस इसे अचम्भे के काम किस ढाळ दिखा सके सै?” आखर म्ह उन म्ह फूट पड़गी। 17 उननै उस आँधे तै फेर कह्या, “जिस माणस नै तेरे ताहीं आँखां की रोशनी दी सै। तू उसके बारे म्ह के कहणा चाहवै सै?” उसनै कह्या, “वो नबी सै।” 18 पर यहूदी अगुवां नै विश्वास कोनी होया, के वो आन्धा था, अर इब वो देखखै सै, इस खात्तर उननै उसके माँ-बाप ताहीं बुलाया। 19 अर उनतै बुड़झया, “के यो थारा बेटा सै, जिसके बारे मैं थम कहों सों, के वो जन्म तै आन्धा था? फेर इब वो किस तरियां देखखै सै?” 20 उसके माँ-बाप नै जवाब दिया, “हाँ, या तो जाणा सा के यो म्हारा बेटा सै, अर या भी के यो आन्धा जन्मा था, 21 पर न्यू कोनी जाणदे, के इब यो किस तरियां देखखण लाया, अर ना न्यू जाणदे के किसनै इसकी आँखां की रोशनी दी सै। वो बाळक कोनी सै, उस्से तै बुड़ल्यो, वो अपणे बारै म्ह खुद ए बतावेगा।” 22 ये बात उसके माँ-बाप नै ज्यांतै कही क्यूँके वे यहूदी अगुवां तै डरै थे, क्यूँके यहूदी अगुवां नै एक्का कर लिया था, के जै कोए कहवै के वो मसीह सै, तो उस ताहीं आराधनालय म्ह तै लिकाड़ दिया जावेगा। 23 इस्से कारण उसके माँ-बाप नै कह्या, “वो बाळक कोनी, उस्से तै बुड़ल्यो।” 24 फेर यहूदी अगुवां नै उस माणस ताहीं जो आन्धा था, दुसरी बर बुलाके उसतै कह्या, “सच बता अर जो तू ठीक होया सै, तो तू सच बोलके परमेसवर की महिमा कर, हम जाणां सां के वो माणस पापी सै।” 25 उसनै जवाब दिया, “मै नही जाणदा, के वो पापी सै के नही, मै एक बात जाणु सूँ, के मै आन्धा था अर इब देखखूँ सू।” 26 उननै उस ताहीं फेर दुबारै कह्या, “उसनै तेरे गेल्या के करया? अर किस ढाळ तेरी आँखां की रोशनी आगी?” 27 उसनै उन ताहीं कह्या, “मन्नै तो थारे ताहीं पैहले भी बता दिया, पर थम उस बात नै सुणते कोनी, इब दुसरी बर क्यांतै सुणणा चाहवो सो? के थम भी उसके चेल्लें बणाणा चाहवो सो?” 28 फेर वे उसतै आच्छा-भुन्डा कहके बोल्ले, “तूए उसका चेल्ला सै, हम तो मूसा नबी के चेल्लें सां। 29 हम जाणा सां, के परमेसवर नै मूसा नबी तै बात करी, पर इस माणस नै कोनी जाणदे के कड़ै तै आया सै।” 30 उसनै उन ताहीं जवाब दिया, “या तो अचम्भे की बात सै, के थम नही जाणदे के वो कित्त का सै, फेर भी उसनै मेरी आँखां की रोशनी दे दी। 31 हम जाणां सां, के परमेसवर पापियाँ की कोनी सुणदा, पर जै कोए परमेसवर का भगत हो अर उसकी मर्जी पै चाल्दा हो, तो वो उसकी जरूर सुणै सै। 32 दुनिया कै शरुआत तै यो कदे सुणनै म्ह कोनी आया, के किसे नै जन्म

तै आन्धे की आँखां की रोशनी दी हो। (aiōn g165) 33 जै यो माणस परमेसवर कै कान्ही तै न्ही होन्दा, तो किमे भी कोनी कर सकदा।” 34 उननै उस ताहीं जवाब दिया, “तू तो जमाए पापां म्ह जन्मा सै, तू हमनै के सिखावै सै?” अर उननै उस ताहीं आराधनालय तै बाहरणै लिकाड़ दिया। 35 यीशु नै सुणया के उननै उस ताहीं बाहरणै लिकाड़ दिया सै, अर जिब उसतै मिल्या तो बोल्या, “के तू परमेसवर कै बेट्टे पै बिश्वास करै सै?” 36 उसनै जवाब दिया, “हे जनाब, परमेसवर का बेट्टा कौण सै, के मै उसपै बिश्वास करूँ?” 37 यीशु नै उस ताहीं कह्या, “तन्नै उस ताहीं देख्या भी सै, अर जो तेरे गेल्या बात करण लाग रह्या सै, वो मै ए सूं।” 38 उसनै कह्या, “हे प्रभु, मै तेरे पै बिश्वास करूँ सूं।” अर उस ताहीं मोध्या पड़के प्रणाम करया। 39 फेर यीशु बोल्या, “मै इस दुनिया म्ह न्याय खात्तर आया सूं, ताके जो आन्धे सै, वे देख्खे, अर जो देख्खे सै, वे आन्धे हो जावै।” 40 जो फरीसी उसकै गेल्या थे, उननै या बात सुणकै उस ताहीं कह्या, “के हम भी आन्धे सां?” 41 यीशु नै उन ताहीं कह्या, “जै थम आन्धे होन्दे तो पापी कोनी होते, पर इब जिसा के थम कहो सो, के थम देख्खो सों, तो सच म्ह थारा पाप माफ न्ही हो सकदा।”

**10** यीशु नै कह्या, “मै थारे ताहीं साच्ची-साच कहुँ सूं, के जो कोए भेड्या के बाड़े म्ह दरबाजे तै न्ही आन्दा, बल्के बाड़ा कूदके बड़े सै, वो चोर अर डाकू सै। 2 पर जो दरबाजे तै भीत्तर बड़े सै वो भेड्यां का पाळी सै। 3 उस खात्तर द्वारपाल दरबाजा खोल देवै सै, अर भेड़ उसका बोल सुणै सै, अर वो अपणी उन भेड्यां नै नाम ले-लेके बुलावै सै, अर बाड़ै तै बाहरणै ले जावै सै। 4 जिब वो अपणी सारी भेड्यां नै बाहरणै काढ लेवै सै, तो उनकै आगै-आगै चाल्ले सै, अर भेड़ उसकै गैल-गैल हो ले सै, क्यूँके वे उसका बोल पिच्छाणै सै। 5 पर भेड़ बिगान्ने कै गेल्या कोनी चाल्लै, पर उसतै भाज्जैगी, क्यूँके वे बिगान्ने का बोल कोनी पिच्छाणदी।” 6 यीशु नै उन ताहीं यो उदाहरण देकै कह्या, पर वे कोनी समझे के वो उनतै के समझणा चाहवै। 7 फेर यीशु नै उन ताहीं दुबारे कह्या, “मै थारेताहीं साच्ची-साच कहुँ सूं, भेड्यां का दरबाजा मै सूं। 8 जितने मेरै तै पैहल्या आए वे सारे चोर अर डाक्कू सै, पर मेरी भेड्यां नै उनकी एक न्ही सुणी। 9 दरबाजा मै सूं, जै कोए मेरै जरिये भीत्तर बड़े सै, तो वो उद्धार पावैगा, अर भीत्तर बाहर आण-जाण लाग ज्यागा अर खाण खात्तर खाणा पावैगा।” 10 चोर किसे और काम खात्तर कोनी पर सिर्फ चोरी करण अर घात करण अर नुकसान करण नै आवै सै, मै ज्यांतै आया के वे जिन्दगी पावै अर भोत-ए घणी पावै। 11 आच्छा पाळी मै सूं, आच्छा पाळी भेड्यां कै खात्तर अपणी मर्जी तै जान देवै सै। 12 मजदूर जो ना पाळी सै अर ना भेड्यां का मालिक सै, भेड़िये नै आन्दे देख्के भेड्यां नै छोड़के भाज जावै सै, अर भेड़िया उननै पकड़ै सै, अर उनपै हमला करै देवै सै। 13 वो ज्यांतै भाज जावै सै क्यूँके वो मजदूर सै, उसनै भेड्यां की फिर्क कोनी। 14 “काम्मल चरवाहा मै सूं, मै अपणी भेड्यां नै जाणुं सूं,

अर मेरी भेड़ मन्ने जाणै सै। 15 जिस ढाळ पिता मन्ने जाणै सै, अर मै पिता नै जाणुं सूं, अर मै अपणी भेड्यां खात्तर अपणी जान दिवुँ सूं। 16 मेरी और भी भेड़ सै, जो इस बाड़े की कोनी। मन्ने उन ताहीं भी ल्याणा जरूरी सै। वे मेरा बोल पिच्छाणैगी, फेर एकैए रेवड़ अर एकैए पाळी होगा। 17 पिता ज्यांतै मेरै तै प्यार करै सै, क्यूँके मै अपणी जान अपणी मर्जी तै दिवुँ सूं, के उसनै दुबारे ले लुँ। 18 कोए मेरी जान मेरै तै खोसदा कोनी, बल्के मै उसनै खुदे उसनै अपणी मर्जी तै दिवुँ सूं। मन्ने उसकै देण का भी हक सै, अर उस ताहीं दुबारा लेण का भी हक सै, यो हुकम मेरै पिता नै मेरै ताहीं दिया सै।” 19 इन बाततां कै कारण यहूदियाँ म्ह दुबारे फूट पड़ी। 20 उन म्ह तै घणखरे माणस कहण लागगे, “उस म्ह ओपरी आत्मा सै, अर वो बावळा सै, उसकी क्यांतै सुणो सो?” 21 दुसरे माणसां नै कह्या, “ये वचन इसे माणस की न्ही हो सकदे, जिसम्ह ओपरी आत्मा हो। के ओपरी आत्मा आन्धयां नै आँखां की रोशनी दे सकै सै?” 22 यरुशलेम नगर म्ह स्थापन का त्यौहार मनाया जायया था, अर जाड्यां का मौसम था। 23 यीशु मन्दर म्ह सुलैमान कै बराम्दा म्ह हान्डण लागरया था। 24 फेर यहूदियाँ नै उस ताहीं आ घेरया अर बुड़झया, “तू म्हारे मन नै कद ताहीं दुबिध्या म्ह गेरे राक्खैगा? जै तू मसीह सै, तो म्हारै तै साफ-साफ बता दे।” 25 यीशु नै उन ताहीं जवाब दिया, “मन्ने थारैतै कह दिया पर थम बिश्वास करदेए कोनी। जो काम मै अपणे पिता कै नाम तै कहुँ सूं, वैए मेरे गवाह सै, 26 पर थम ज्यांतै बिश्वास कोनी करदे क्यूँके थम मेरी भेड्यां म्ह तै कोनी सो। 27 मेरी भेड़ मेरा बोल पिच्छाणै सै, मै उननै जाणुं सूं, अर वे मेरे पाच्छे-पाच्छे चाल्ले सै 28 अर मै उन ताहीं अनन्त जीवन दिवुँ सूं। वे कदे नाश कोनी होवैगीं, अर कोए उननै मेरै हाथ तै खोस न्ही सकदा। (aiōn g165, aiōnios g166) 29 मेरा पिता, जिसनै उन ताहीं मेरै तै दिया सै, सारया तै बड़ड़ा सै, अर कोए उननै पिता कै हाथ्यां तै खोस कोनी सकदा। 30 मै अर पिता एक सां।” 31 यहूदियाँ नै यीशु पै मारण खात्तर दुबारा पत्थर ठा लिये। 32 इसपै यीशु नै उन ताहीं कह्या, “मन्ने थारे तै अपणे पिता की ओड़ तै घणे भले काम दिखाए सै, उन म्ह तै कौण सै काम खात्तर थम मेरै पै पत्थर मारणा चाहो सो?” 33 यहूदियाँ नै उस ताहीं जवाब दिया, “भले काम खात्तर हम तेरे पै पत्थर कोनी मारदे, पर परमेसवर की बुराई करण कै कारण, अर ज्यांतै के तू माणस होके खुद नै परमेसवर कहवै सै।” 34 यीशु नै उन ताहीं जवाब दिया, “के थारे मूसा नबी के नियम-कायदा म्ह कोनी लिख्या सै, ‘मन्ने कह्या, थम ईश्वर सो?’ 35 जै उसनै उन ताहीं ईश्वर कह्या, जिनकै धारे परमेसवर का वचन पोंहच्या (अर पवित्र ग्रन्थ की बात झूठ न्ही हो सकदी), 36 तो जिस ताहीं पिता नै पवित्र ठहराके दुनिया म्ह भेज्या सै, थम मेरे ताहीं कहो सो, ‘तू बुराई करै सै, ज्यांतै के मन्ने यो कह्या,’ ‘मै परमेसवर का बेट्टा सूं?’ 37 जै मै अपणे पिता के काम कोनी करदा, तो मेरा बिश्वास ना

करो। 38 पर जै मै कहूँ सूँ, तो चाहे मेरा विश्वास ना भी करो, पर उन काम्मां का तो विश्वास करो, ताके थम जाणो अर समझो के पिता मैरे म्ह सै अर मै पिता म्ह सूँ।” 39 फेर यहूदियाँ नै दुबारे उस ताहीं पकड़ण की कोशिश करी पर वो उनके हाथ्यां तै लिकड़ गया। 40 यीशु दुबारे यरदन नदी कै परली ओड़ै उस जगहां पै चल्या गया, जड़े यूहन्ना पैहल्या बपतिस्मा दिया करै था, अर वो ओड़ैए रहया। 41 घणखरे माणस उसके धोरे आकै कहवै थे, “यूहन्ना नै तो कोए चमत्कार कोनी दिखाया, पर जो किमे यूहन्ना नै इसकै बारे म्ह कह्या था, वो सारा कुछ साच्ची था।” 42 अर ओड़ै भोत-से माणसां नै यीशु पै विश्वास करया।

**11** लाजर नामका एक माणस बीमार था, जो बैतनिय्याह गाम का था, अर उसकी दो भाण थी मरियम अर मार्था। 2 या वाए मरियम थी जिसने बाद म्ह प्रभु पै खसबूदार तेल गेर कै उसके पायां ताहीं बाळां तै पुन्जयां था, लाजर इस्से का भाई था जो बीमार था। 3 इस करके उसकी भाणां नै यीशु ताहीं कुहवां भेज्या, “हे प्रभु, लखा, जिसतै तू प्यार करै सै, वो बीमार सै।” 4 न्यू सुणकै यीशु न्यू बोल्या, “या बीमारी मरण का कारण कोनी, पर परमेसवर की महिमा खात्तर सै, ताके उसके जरिये परमेसवर कै बेट्टे की महिमा होवै।” 5 मार्था उसकी बेब्बे अर लाजर तै यीशु प्यार करै था। 6 पर जिब उसने सुणया के लाजर बीमार सै, तो जिस जगहां पै वो था, ओड़ै दो दिन और रुक गया। 7 दो दिन बाद फेर उसने चेल्यां ताहीं कह्या, “आओ, हम फेर यहूदिया परदेस म्ह चाल्लां।” 8 चेल्यां नै उस ताहीं कह्या, “हे गुरु, कुछ दिन पैहल्या तो यहूदी तेरे पै पत्थर बरसा कै तन्ने मारणा चाहवै थे, अर के तू फेर भी उड़ैए जाणा चाहवै सै?” 9 यीशु नै जवाब दिया, “के दिन के बारहा घन्टे कोनी होन्दे? जै कोए दिन म्ह चाल्लै तो ठोक्कर कोनी खान्दा, क्यूँके वे इस दुनिया के उजाळै नै देखवै सै। 10 पर जै कोए रात म्ह चाल्लै तो ठोक्कर खावै सै, क्यूँके उस म्ह उजाळा कोनी।” 11 उसने ये बात कही, अर इसके बाद उन ताहीं कहण लाग्या, “के म्हारा साथी लाजर सो गया सै, पर मै उसने जगाण जाऊँ सूँ।” 12 फेर चेल्यां नै उस ताहीं कह्या, “हे प्रभु, जै वो सो गया सै तो वो ठीक हो ज्यागा।” 13 यीशु नै तो उसकी मौत कै बाबत कह्या था, पर उननै सोच्या के उसने नींद तै सोण कै बाबत कह्या सै। 14 फेर यीशु नै उन ताहीं साफ-साफ कह दिया, “लाजर मर लिया सै, 15 यो थारे ए हित म्ह सै, के मै उड़ै कोनी था, क्यूँके इब थम मैरे पै विश्वास कर सकोगे, आओ, हम उसके धोरे चाल्लां।” 16 फेर थोमा नै जो दिदुमुस कुहावै सै, अपणे गेल्या के चेल्यां ताहीं कह्या, “आओ, हम भी प्रभु कै गेल्या मरण नै चाल्लां।” 17 बैतनिय्याह गाम पोहचे पाछै यीशु नै न्यू बेरया पाट्या के लाजर नै कन्न म्ह धरे चार दिन हो लिए सै। 18 बैतनिय्याह गाम यरुशलैम कै धोरे कोए दो कोस की दूरी पै था, 19 घणखरे यहूदी माणस मार्था अर मरियम के धोरे उसके भाई की मौत कै बाबत दीलास्सा देण नै आरे थे। 20 जिब

मार्था नै यीशु कै आण की खबर सुणी, तो मार्था उसतै मिलण खात्तर गई, पर मरियम घरा ए बेठी रही। 21 मार्था नै यीशु ताहीं कह्या, “हे प्रभु, जै तू आड़ै होंदा, तो मेरा भाई कदे नही मरदा। 22 अर इब भी मन्ने बेरा सै, जो कुछ तू परमेसवर तै माँग्या, परमेसवर तन्ने देवैगा।” 23 यीशु नै उस ताहीं कह्या, “तेरा भाई जी ज्यागा।” 24 मार्था नै उस ताहीं कह्या, “मन्ने बेरा सै, के आखर के दिन म्ह पुनरुत्थान के बखत वो जी ज्यागा।” 25 यीशु नै मार्था तै कह्या, “पुनरुत्थान अर जीवन मै ए सूँ, जो कोए मैरे पै विश्वास करैगा, वो जै मर भी जावै फेर भी जिवैगा, 26 अर जो कोए जीवै सै, अर वो मैरे पै विश्वास करै सै, वो अनन्त काल ताहीं कोनी मरेगा। के तू इस बात पै विश्वास करै सै।” (aiōn g165) 27 मार्था नै यीशु तै कह्या, “हाँ, हे प्रभु, मै विश्वास करूँ सूँ, के परमेसवर का बेट्टा मसीह जो दुनिया म्ह आण आळा था, वो तू ए सै।” 28 न्यू कहके मार्था चली गयी, अर अपणी बेब्बे मरियम ताहीं एकले म्ह बुलाके चुपके तै कह्या, “गुरु याडैए सै अर तन्ने बुलावै सै।” 29 न्यू सुण तिए मरियम जिब्बे उठके उसके धोरे आई। 30 यीशु इब्बे गाम तै बाहरे था, पर उस्से जगहां था जड़े मार्था उसतै मिली थी। 31 फेर जो यहूदी माणस उसके गेल्या घर म्ह थे अर उस ताहीं दीलास्सा देवै थे, न्यू देखके के मरियम जिब्बे उठके बारणै चली गयी सै, न्यू समझे के वा कन्न पै रोण नै जावै सै, तो उसके पाछै हो लिये। 32 जिब मरियम उड़ै गई यीशु था, तो उसने देखके उसके पायां म्ह पड़के कह्या, “हे प्रभु, जै तू आड़ै होन्दा फेर मेरा भाई कोनी मरदा।” 33 जिब यीशु नै जो यहूदी माणस उसके गेल्या आये थे, रोन्दे होए देख्या, तो आत्मा म्ह घणाए दुखी अर उदास होग्या, 34 अर कह्या, “थमनै उसकी लाश किन्त धर राक्खी सै?” उननै उस ताहीं कह्या, “हे प्रभु, चालके देख ले।” 35 यीशु रोण लाग्या। 36 फेर यहूदी माणस कहण लागे, “लखाओ, वो लाजर तै कितना प्यार करै था।” 37 पर उन म्ह तै कईयाँ नै कह्या, “के यो जिसने आंथ्यां ताहीं रोशनी दे दी, के यो लाजर ताहीं मरण तै नही बचा सकै था?” 38 यीशु मन म्हाए फेर घणाए दुखी होके कन्न पै आया। वा एक गुफा थी अर एक पत्थर उसपै धरया था। 39 यीशु नै कह्या, “पत्थर हटादो।” लाजर की बेब्बे मार्था उसतै कहण लागी, “हे प्रभु, उस म्ह तै इब तो बदनू आवै सै, क्यूँके उसने मरे चार दिन हो लिए सै।” 40 यीशु नै उन ताहीं कह्या, “के मन्ने तेरे तै कोनी कह्या था के जै तू विश्वास करैगी, तो परमेसवर की महिमा नै देखखेगी।” 41 फेर उननै पत्थर ताहीं हटायो। यीशु नै सुर्ग कान्ही निगांठ ठाकै कह्या, “हे पिता, मै तेरा धन्यवाद करूँ सूँ, के तन्ने मेरी सुण ली सै। 42 अर मन्ने बेरा था के तू सारी हाण मेरी सुणै सै, पर जो भीड़ आसै-पासै खड़ी सै, उनके बाबत मन्ने कह्या, ताके वे विश्वास करै, के तन्ने मैरेताहीं भेज्या सै।” 43 न्यू कहके ठाडू आवाज म्ह रुक्का मारया, “हे लाजर, लिकड़ आ।” 44 जो मर लिया था उसके हाथ पैर पट्टियाँ तै बंधे हुए थे, अर उसके मुँह पै अंगोच्छा लिपटरया था। यीशु नै

उन तारीं कह्या, “उसनै खोलदो अर जाण घो।” 45 फेर जो यहूदी मरियम धोरै मिलण अरै थे, अर उसका यो चमत्कार देख्या था, उन म्ह तै घणखरयां नै उसपै विश्वास करया। 46 पर उन म्ह तै कईयाँ नै फरीसियाँ धोरै जाकै यीशु के काम्मां की खबर दी। 47 ज्यातै प्रधान याजकां अर फरीसियाँ नै यहूदी अगुवां की सभा करी, अर कह्या, “हमनै के करणा चाहिये? यो माणस तो घणे चमत्कार दिखावे सै। 48 जै हम उसनै न्यूप करण घा, तो फेर सारे उसपै विश्वास करैगें, अर रोमी सैनिक आकै म्हारे देश अर मन्दर दोनुवां पै कब्जा कर लेवैगें।” 49 फेर उन म्ह तै काइफा नामका एक माणस नै जो उस साल का महायाजक था, उन तारीं कह्या, “थम किमे न्ही जाणदे! 50 अर ना ए थमनै इस बात की समझ सै, के इस्से म्ह थारा फायदा सै, के बजाये इसके के सारे माणस ए नाश हो जावे, सब खात्तर एक आदमी नै मरणा होगा।” 51 पर या बात उसनै अपणी ओड़ तै कोन्या कही, पर उस साल का महायाजक होण के नाते या भविष्यवाणी करी, के यीशु उस जात खात्तर मरैगा। 52 अर ना सिर्फ यहूदी जात खात्तर बल्के ज्यातै के परमेसवर की खिंड-मिंड ऊलादां नै एक करदे। 53 इस तरियां उस्से दिन तै यहूदी अगुवें उस तारीं मारण खात्तर साजिस रचाण लागे। 54 ज्यातै यीशु उस बखत तै यहूदी लोगां म्ह घाट दिक्खण लागग्या, अर यरुशलेम नगर नै छोड़के वो जंगल-बियाबान के धोरै इफ्राईम नामक एक नगर कान्ही चल्या गया, अर अपणे चेल्यां गैल उड़ै रहण लाग्या। 55 यहूदियाँ का फसह का त्यौहार लोवे था, अर घणेए माणस फसह तै पैहल्या अपणे गाम्मां म्ह तै यरुशलेम नगर म्ह गए, के खुद नै पवित्र करै। 56 वे यीशु नै टोह लागे अर मन्दर म्ह खड़े होके आप्पस म्ह बतलाण लागे, “थम के सोचो सो? के वो त्यौहार म्ह कोनी आवैगा?” 57 अर प्रधान याजकां अर फरीसियाँ नै हुकम दे राख्या था, के जै कोए न्यूप जाणै सै, के यीशु कित्त सै तो बतावे, ताके वे उसनै पकड़ ले।

**12** फेर यीशु फसह का त्यौहार तै छः दिन पैहल्या बैतनिय्याह गाम म्ह आया जित्त लाजर था, जिस तारीं यीशु नै मरया होड़ म्ह तै जिन्दा करया था। 2 उड़ै उननै यीशु के खात्तर भोज तैयार करया, अर मार्था सेवा करण लागरी थी, अर लाजर भी उन म्ह तै एक था जो उसके गेल्या खाणा खाण बेट्टे थे। 3 फेर मरियम नै जटामांसी फूल का आध्वा सेर घणा महुंगा खसबूदार तेल लेके यीशु के पायां पै गेरया, अर अपणे बाळां तै उसके पैर पुन्झी, अर खसबूदार तेल की खस्बू तै घर खसबूदार होग्या। 4 पर उसके चेल्यां म्ह तै यहूदा इस्करियोती नामका एक चेल्ला जो उस तारीं पकड़वाणा चाहवै था, कहण लाग्या, 5 “यो महुंगा खसबूदार तेल तीन सौ दीनार (तीन सौ दिन की मजदूरी) म्ह बेचके कंगालां तारीं क्यातै कोनी दिया गया?” 6 उसनै या बात ज्यातै कोनी कही के उसनै कंगालां की फिर्क थी बल्के ज्यातै के वो चोर था, अर उसके धोरै पिस्व्या की थैल्ली रह्या करै थी अर उस म्ह जो कुछ गेरया जान्दा, वो काढ लेवे था। 7 यीशु नै

कह्या, “उस तारीं यो करण घो, यो मेरे गाड़े जाण की तैयारी के खात्तर सै। 8 क्यूँके कंगाल तो थारे गेल्या सारी हाण रहवैगे, पर मै थारे गेल्या सारी हाण कोनी रहूंगा।” 9 फसह का त्यौहार म्ह आई यहूदियाँ की एक बड़ीए भीड़ नै जिब बेरा लागग्या के वो बैतनिय्याह गाम म्ह सै, तो वे ना सिर्फ यीशु के बाबत आये पर ज्यातै भी के लाजर नै देख्खे, जिस तारीं यीशु मसीह नै मरया होड़ म्ह तै जिन्दा करया था। 10 फेर प्रधान याजकां नै लाजर तारीं भी मारण की सलाह करी। 11 क्यूँके उसके बाबत घणखरे यहूदी चले गये अर यीशु पै विश्वास करया। 12 दुसरे दिन घणखरे माणसां नै जो फसह के त्यौहार म्ह आरे थे न्यूप सुण्या, के यीशु यरुशलेम नगर म्ह आरया सै। 13 ज्यातै उननै खजूर की डाळी ली, अर उसतै फेटण नै लिकड़े, अर रुक्के मारण लागे, “होशाना! (मतलब जै-जै कार हो) धन्य इस्राएल का राजा, जो प्रभु के नाम तै आवै सै।” 14 जिब यीशु यरुशलेम नगर के धोरै आया, तो उसनै एक गधे का बच्चा मिल्या, फेर वो उसपै बैठग्या, 15 जिसा पवित्र शास्त्र म्ह लिख्या सै, “हे सिय्योन की बेटी, मतना डरै, लखा, तेरा राजा गधी के बच्चे पै चढ़ा होड़ चाल्या आवै सै।” 16 यीशु के चेल्लें ये बात पैहल्या कोनी समझे थे, पर जिब यीशु की महिमा दिक्खी फेर उनके याद आया के ये बात उसके बाबत लिक्खी होड़ थी, अर माणसां नै उसके गेल्या न्यूप बरताव करया था। 17 फेर उसके गैल जो भीड़ थी उननै या गवाही दी, जो उस बखत उसके गेल्या थे, जिब उसनै लाजर तारीं कब्र म्ह तै बुलाके मरया होया म्ह तै जिन्दा करया था। 18 ज्यातै माणस यीशु तै फेटण नै आरे थे क्यूँके उननै सुण्या था के उसनै यो अचम्भे का काम करया था। 19 फेर फरीसियाँ नै आप्पस म्ह कह्या, “सोचके तो देखो, के थारे तै कुछ भी कोनी बणदा। लखाओ, दुनिया उसके गैल हो ली सै।” 20 जो माणस उस फसह के त्यौहार म्ह भगत करण नै आये थे उन म्ह तै कुछ यूनानी थे। 21 उननै गलील परदेस के बैतसैदा नगर के बासिन्दा फिलिप्पुस के धोरै आके उसतै बिनती करी, “श्रीमान, हम यीशु तै फेटणा चाहवां सां।” 22 फिलिप्पुस नै आके अन्द्रियास तै कह्या, फेर अन्द्रियास अर फिलिप्पुस नै जाके यीशु तारीं कह्या। 23 इसपै यीशु नै उन तारीं कह्या, “वो बखत आ ग्या सै के मुझ माणस के बेट्टे की महिमा हो। 24 मै थारे तै साच्ची-साच कहूँ सूँ, के जिब तारीं गेहूँ का दाणा धरती म्ह पड़के मर न्ही जान्दा, वो एक्ला रहवै सै, पर जिब मर जावे सै, तो वो अनगणित दाण्या नै जन्म देवै सै। 25 जो अपणे जीवन नै प्यारा जाणै सै, वो उसनै खो देवै सै, अर जो इस दुनिया म्ह अपणे जीवन नै प्यारा कोनी जाणदा, वो अनन्त जीवन के खात्तर उसकी रुखाळी करैगा। (aiōnios g166) 26 जै कोए मेरी सेवा करै, तो वो मेरा चेल्ला बण जावै, अर जिब जड़ै मै सूँ, उड़ै मेरा सेवक भी होवेगा। जै कोए मेरी सेवा करै, तो पिता उसका आदर करैगा। 27 “इब मेरा जी भोत दुखी सै। ज्यातै इब मै के कहूँ? ‘हे पिता, मन्ने इस दुख की घड़ी तै

बचा?" पर मैं इससे खात्तर इस दुनिया म्ह आया सूं, ताके मैं दुख सहू। 28 हे पिता अपणे नाम की महिमा कर।" फेर या अकास वाणी होई, "मन्नै इसकी महिमा करी सै, अर फेर भी करूंगा।" 29 फेर जो माणस खड़े होए सुणरे थे, उननै कह्या के बाढ़ल गरजा। दुसरयां नै कह्या, "कोए सुगंदूत उसतै बोल्या।" 30 इसपै यीशु नै कह्या, "या आवाज मेरे खात्तर न्ही, पर थारे खात्तर आई सै। 31 इब इस दुनिया का न्याय होवै सै, इब इस दुनिया का अधिकारी काढ्या जावैगा। 32 अर मैं जै धरती पै तै ऊँचे पै चढ़ाया जाऊंगा, तो सारया नै अपणे कान्ही खिचुगाँ।" 33 न्यू कहकै उसनै यो बता दिया के वो किस ढाळ की मौत तै मरेगा। 34 इसपै माणसां नै यीशु तार्हीं कह्या, "हमनै मूसा नबी के नियम-कायदा की या बात सुणी सै के मसीह सदा जिन्दा रहवैगा, फेर तू क्यातै कहवै सै के माणस का बेट्टा ऊँचे पै चढ़ाया जाणा जरूरी सै? यो माणस का बेट्टा कौण सै?" (aiōn g165) 35 यीशु नै उन तार्हीं कह्या, "चाँदणा (यीशु नै अपणे-आप तै कह्या सै) इब थोड़ी देर तार्हीं थारे बिचाळै सै। जिब तार्हीं चाँदणा थारे गेल्या सै जद तार्हीं चाल्दे रहो, इसा ना हो के अँधेरा थारे तार्हीं घेर लेवै, जो अँधेरे म्ह चाल्ले सै वो कोनी जाणदा के कड़े जावै सै। 36 जिब तार्हीं चाँदणा थारे गेल्या सै, चाँदणे पै बिश्वास राक्खो ताके थम चाँदणे की ऊलाद बणो।" ये बात कहकै यीशु चल्या गया अर उनतै दूर रह्या। 37 यीशु मसीह नै उनकै स्याम्ही इतने चमत्कार दिखाए, फेर भी उननै उसपै बिश्वास कोनी करया, 38 ताके यशयाह नबी का वचन पूरा हो जो उसनै कह्या "हे प्रभु, म्हारे संदेश का किसनै बिश्वास करया सै? अर प्रभु की शक्ति किसपै जाहिर होई सै?" 39 इस बाबत वे बिश्वास कोनी कर सके, क्यूँके यशयाह नै न्यू भी कह्या सै: 40 "उसनै उनकी आँख आँधी, अर उनके मन कठोर कर दिए सै, कदे इसा ना हो के वे आँखां तै देक्खै, अर मन तै समझै, अर पलटै, अर मैं उननै ठीक करूँ।" 41 यशयाह नै ये बात ज्यांतै कही, के उसनै यीशु मसीह की महिमा देक्खी, अर उसनै उसके बारे म्ह बताया। 42 फेरभी यहूदी सरदारां म्ह तै घणाए नै उसपै बिश्वास करया, पर फरीसियाँ के कारण खुलकै कोनी मान्नै थे, क्यूँके उननै डर था कदे वे आराधनालय म्ह तै लिकाड़े ना जावै 43 क्यूँके माणसां की ओड़ तै करी जाण आळी बड़ाई उननै परमेसवर की ओड़ तै बड़ाई की बराबरी म्ह घणी प्यारी लागै थी। 44 यीशु नै रुक्का मारके कह्या, "जो मेरे पै बिश्वास करै सै, वो मेरे पै न्ही बल्के मेरे खन्दानआळै पै बिश्वास करै सै। 45 अर जो मन्नै देक्खै सै, वो मेरे खन्दानआळै नै देक्खै सै। 46 मैं दुनिया म्ह चाँदणा बणकै आया सूं, ताके जो कोए मेरे पै बिश्वास करै वो अँधेरे म्ह कोनी रहवै।" 47 "जै कोए मेरे वचन सुणकै भी उननै न्ही मानता, तोभी मैं उसनै कसूरवार कोनी ठहरान्दा, क्यूँके मैं दुनिया के माणसां तार्हीं कसूरवार ठहराण खात्तर कोनी, पर दुनिया के माणसां का उद्धार करण खात्तर आया सूं। 48 जो कोए मन्नै नकारै सै, अर मेरे सुसमाचार नै

कोनी अपणावै, उस तार्हीं कसूरवार ठहराण आळा तो एके सै, यानिके जो वचन मन्नै कह्या सै, वोए पाच्छले दिन म्ह उस तार्हीं कसूरवार ठहरावैगा। 49 क्यूँके मैं अपणी ओर तै बात न्ही कहन्दा, पर पिता जिसनै मेरे तार्हीं भेज्या सै, उसनै मेरे तार्हीं हुकम दिया सै के, के मैं कहूँ अर किस तरियां बोल्हूँ? 50 अर मन्नै बेरा सै के उसका हुकम अनन्त जीवन देवै सै। ज्यांतै मैं जो कुछ कहूँ सूं, ठीक उसाए कहूँ सूं, जिसा पिता नै मेरे तार्हीं कहण का हुकम दिया सै।" (aiōnios g166)

**13** फसह के त्योंहार तै पैहल्या, जिब यीशु नै बेरा लाग्या, के मेरा वो बखत आ लिया सै, के दुनिया छोड़के पिता के धोरे उल्टा जाऊँ, तो अपणे मानण आळा तै, जो दुनिया म्ह थे, जिसा प्यार वो करया करदा, आखर तार्हीं उसाए प्यार करदा रह्या। 2 यीशु अर उसके चेल्लें साँझ नै खाणा खाण लागरे थे। शमौन के बेटे यहूदा इस्करियोती के मन म्ह शेतान नै यो विचार घाल दिया था, के वो यीशु कै गेल्या धोकखा करे। 3 यीशु यो जाणै था, के पिता नै सब कुछ उसके हाथ म्ह सौप दिया सै, अर यो भी के वो परमेसवर की ओड़ तै आया सै, परमेसवर के धोरे ए उल्टा जाण लागरया सै। 4 इस खात्तर वो खाणा छोड़के खड्या होग्या, उसनै अपणे उपरले लत्ते उतार दिये, अंगोच्छा लेकै अपणी कमर म्ह बाँध लिया। 5 फेर बास्सन म्ह पाणी भरकै चेल्यां के पैर धोये, अर जो अंगोच्छा कमर पै बाँध राख्या था, उससे तै पूंझण लागग्या। 6 जिब वो शमौन पतरस के धोरे आया, फेर पतरस नै उस तार्हीं कह्या, "हे प्रभु, के तू मेरे पैर धोवैगा?" 7 यीशु नै उस तार्हीं जवाब दिया, "जो मैं करूँ सूं, तू उसका मतलब इब्बे न्ही समझ पावैगा, पर इसकै बाद समझैगा।" 8 पतरस नै उस तार्हीं कह्या, "मैं अपणे पैर तेरे तार्हीं कदे न्ही धोण दिवुँगा।" न्यू सुणकै यीशु नै उस तार्हीं कह्या, "जै मैं तेरे पैर ना धोऊँ, तो तू मेरा चेल्ला न्ही कुहावैगा।" (aiōn g165) 9 शमौन पतरस नै उस तार्हीं कह्या, "हे प्रभु, फेर मेरे पैर ए न्ही बल्के मेरे हाथ अर सिर भी धोदे।" 10 यीशु नै उस तार्हीं कह्या, "जो माणस न्हा लिया हो उस तार्हीं पैर कै सिवाय और कुछ धोण की जरूरत कोनी, पर वो पूरी तरियां साफ हो चुका सै, थम सारे साफ सो, पर एक नै छोड़ के।" 11 यीशु तो अपणे पकड़वाण आळे नै जाणै था, ज्यांतै उसनै कह्या, "थम सारे साफ सो, पर एक नै छोड़ के।" 12 जिब यीशु नै पैर धो लिये, अर अपणे लत्ते दुबारा पहरकै फेर बैठग्या, तो उन तार्हीं कहण लागग्या, "के थम समझे के मन्नै थारे गेल्या के करया?" 13 थम मन्नै गुरु अर प्रभु कहो सो, अर सही कहो सो, क्यूँके मैं वोए सूं। 14 जिब मन्नै गुरु अर प्रभु होके थारे पैर धोए, तो थमनै भी मेरी तरियां एक-दुसरे के पैर धोणे चाहिये। 15 क्यूँके मन्नै थारे तार्हीं नमूना दिखाया सै, के जिसा मन्नै थारे गेल्या करया सै, थम भी उसाए करया करो। 16 मैं थारे तै साच्ची-साच कहूँ सूं, नौक्कर अपणे माल्लिक तै बड़ड़ा कोनी, अर ना प्रेरित अपणे भेजण आळे तै। 17 इब थम ये बात जाणगे सों, जै

उनपै चाल्लों तो थम सुखी रहोगे। 18 मै थम सारया के बारें म्ह कोनी कहन्दा, मै उननै जाणुं सूं, जिनताहीं मन्ने छॉट लिया सै, (अर यो भी के यहूदा विश्वासघाती सै) क्यूँके मन्ने उस ताहीं इस खात्तर छाट्या सै, ताके पवित्र ग्रन्थ का यो वचन पूरा हो, “जो मेरी रोटी खावै सै, उसनै मेरे पै लात ठाई।” 19 “ये सब कुछ मन्ने थारे ताहीं पैहले ए बता दिया था, के जब न्यू हो जावै तो थम विश्वास करियो के मै वोए सूं। 20 मै थारे ताहीं साच्ची-साच कहूँ सूं, के जो मेरे भेज्जै होया नै अपणावै सै, वो मन्ने अपणावै सै, अर जो मन्ने अपणावै सै, वो मेरे भेजण आळे नै अपणावै सै।” 21 ये बात कहके यीशु आत्मा म्ह दुखी होया अर या गवाही दी, “मै थारे ताहीं साच्ची-साच कहूँ सूं, के थारे म्ह तै एक मन्ने थोक्खा देके पकड़वावैगा।” 22 चेल्लें यो शक करते होए के वो किसके बाबत कहवै सै, एक-दुसरे के कान्ही लखाण लागगे। 23 उसके चेल्यां म्ह तै यूहन्ना जिस ताहीं यीशु प्यार राख्वै था, यीशु के धोरै बेठ्या था। 24 शमौन पतरस नै यूहन्ना कान्ही इशारा करके उस ताहीं बुझ्झया, “बता तो, वो किसके बाबत कहवै सै?” 25 फेर उसनै उस्से ढाळ यीशु की छात्ती के कान्ही झुकके उस ताहीं बुझ्झया, “हे प्रभु, वो कौण सै?” 26 यीशु नै जवाब दिया, “जिस ताहीं मै यो रोटी का टुकड़ा डुबोके घुगां वोए सै।” अर उसनै टुकड़ा डुबोके शमौन के बेटे यहूदा इस्करियोती ताहीं दिया। 27 टुकड़ा खान्दे शैतान यहूदा इस्करियोती म्ह बड़ग्या। फेर यीशु नै उस ताहीं कह्या, “जो तू करै सै, तोळा कर।” 28 भोज पै बैठण आळे चेल्यां म्ह तै किसे नै भी यो कोनी बेरा लागण पाया के उसनै या बात उसतै किस मतलब तै कही। 29 कईयाँ नै सोच्या के रपियाँ की थैल्ली यहूदा के धोरै रहवै सै, ज्यांतै यीशु उस ताहीं कहवै सै के त्यौहार के खात्तर जरूरी समान मोल ले आओ या गरीबां नै कुछ देवै, इस खात्तर यहूदा नै रोटी का टुकड़ा लिया। 30 आखर म्ह वो टुकड़ा खाके जिब्बे बाहरणै लिकड़ग्या, अर रात का बखत था। 31 जिब यहूदा बाहरणै लिकड़ग्या तो यीशु नै कह्या, “इब मुझ माणस के बेटे की महिमा होई सै, अर परमेसवर की महिमा मेरे म्ह होई सै, 32 परमेसवर भी अपणे बेटे की महिमा करैगा, अर वो जिब्बे करैगा।” 33 हे बाळकों, मै थोड़ी सी वार और थारे धोरै सूं, फेर थम मन्ने टोहओगे, अर जिसा मन्ने यहूदियाँ ताहीं कह्या, “जडै मै जाऊँ सूं, उडै थम कोनी आ सकदे, न्यू इब मै थारे ताहीं भी कहूँ सूं।” 34 “मै थमनै नया हुकम युं सूं, के एक-दुसरे तै प्यार करो, जिसा मन्ने थारैतै प्यार करया सै, उस्से तरियां थम भी एक-दुसरे तै प्यार करो। 35 जै आप्पस म्ह प्यार राख्खोगे, तो इसतै सारया नै बेरा पाटैगा के थम मेरे चेल्लें सो।” 36 शमौन पतरस नै उस ताहीं कह्या, “हे प्रभु, तू कित्त जा सै?” यीशु नै जवाब दिया, “जडै मै जाऊँ सूं, उडै तू इब्बे मेरे पाच्छे न्ही आ सकदा, पर इसके बाद मेरे गेल्या आवैगा।” 37 पतरस नै उसतै कह्या, “हे प्रभु, इब्बे मै तेरे पाच्छे क्याते न्ही आ सकदा? मै तो तेरी खात्तर अपणी जान भी देण नै तैयार

सूं।” 38 यीशु नै जवाब दिया, “के तू मेरी खात्तर अपणी जान दे देवैगा? मै तेरे तै सच कहूँ सूं, के मुगें के बाँग देण तै पैहल्या तू तीन बार मेरे बारें म्ह मुकरैगा।

**14** “अपणे मन नै दुखी ना होण द्यो, थम परमेसवर पै विश्वास राख्खो सो, अर मेरे पै भी विश्वास राख्खो। 2 मेरे पिता के घर म्ह घणीए रहण की जगहां सै, जै न्ही होंदी तो मै थारे ताहीं कह देंदा, क्यूँके मै थारे खात्तर जगहां त्यार करण नै जाऊँ सूं। 3 अर जै मै जाके थारे खात्तर जगहां त्यार करूँ, तो फेर दुबारै आके थमनै अपणे उरै ले जाऊँगा के जडै मै रहूँ उडै थम भी रहो। 4 अर जित्त म्ह जाऊँ सूं, थम ओडै की राह जाणो सों।” 5 थोमा नै उसतै सवाल करया, “हे प्रभु, हमनै तेरे ठिकाणै का ए कोनी बेरा तो उसका राह किस तरियां जाण सका सां?” 6 यीशु नै उस ताहीं जवाब दिया, “मै ए वो राह अर सच अर अनन्त जीवन सूं, बिना मेरे जरिये कोए पिता धोरै कोनी पोहच सकदा। 7 जै थम सच म्ह ए मन्ने जाणदे होन्दे, तो मेरे पिता नै भी जाणदे, इसके बाद थमनै उस ताहीं जाण लिया सै, अर उस ताहीं देख भी लिया सै।” 8 फिलिप्पुस नै उस ताहीं कह्या, “हे प्रभु, तू म्हारे ताहीं पिता के दर्शन ए करा दे, योए म्हारे खात्तर भतेरा होगा।” 9 यीशु नै उस ताहीं कह्या, “हे फिलिप्पुस, मै इतने दिन तै थारे गेल्या सूं, के तू मन्ने कोनी जाणदा? जिसनै मेरेताहीं देख्या सै उसनै पिता ताहीं देख्या सै। फेर क्यातै कहवै सै के पिता नै म्हारेताहीं दिखा?” 10 के तन्नै विश्वास कोनी के मै पिता म्ह सूं, अर पिता मेरे म्ह सै? ये वचन जो मै थारे ताहीं बताऊँ सूं, अपणी ओड तै कोनी बतान्दा, पर मेरे भित्त बसा पिता ए सै, जो मेरे म्ह होके अपणे काम पूरा करण लागरया सै। 11 मेरा-ए विश्वास करो के मै पिता म्ह सूं, अर पिता मेरे म्ह सै, ना तो कामां के कारण मेरा विश्वास करो। 12 मै थारैतै साच्ची-साच कहूँ सूं, के जो मेरे पै विश्वास राख्वै सै, ये काम जो मै करूँ सूं, वो भी करैगा, बल्के इनतै भी बड़े-बड़े काम करैगा, क्यूँके मै इब पिता के धोरै जाऊँ सूं। 13 मेरे नाम तै थम जो कुछ माँगोगे, वोए मै करूँगा, जिसतै बेटे के जरिये पिता की महिमा हो। 14 जै थम मेरे तै मेरे नाम तै कुछ माँगोगे, तो मै उस ताहीं पूरा करूँगा। 15 “जै थम मेरे तै प्यार करो सो, तो मेरे हुकमां नै मान्णोगे। 16 मै पिता तै बिनती करूँगा, अर वो थारे ताहीं एक और मददगार देवैगा के वो सारीहाण थारे गेल्या रहवै। (aiōn g165) 17 यानिके सच का आत्मा, जिस ताहीं दुनिया कोनी अपणा सकदी, क्यूँके वो ना उसनै देख्वै सै, अर ना उस ताहीं जाणै सै, थम उसनै जाणो सो, क्यूँके आज वो थारे गेल्या सै, अर आण आळे बखत म्ह भी वो थारे म्ह बणा रहवैगा।” 18 “मै थारे ताहीं अनाथ कोनी छोडूँगा, मै थारे धोरै बोहड़ के आऊँगा। 19 थोड़ा ए बखत बाकी सै, जिब दुनिया मेरे ताहीं कोनी देख्वैगी, पर थम मन्ने देख्खोगे, ज्यांतै के मै जिन्दा सूं, थम भी जिन्दा रहोगे। 20 जिब मै बोहड़ के आऊँगा, उस दिन थमनै बेरा लागैगा, के मै अपणे पिता म्ह सूं, अर थम मेरे म्ह, मै थारे म्ह। 21 वो, जो मेरे हुकम

नै मान्ने सै अर उननै निभावै सै, वोए मेरतै प्यार करै सै, अर जो मेरतै प्यार करै सै, वोए मेरे पिता का प्रियजन होगा, मै उसतै प्यार करूँगा, अर अपणे-आप ताहीं उसपै जाहिर करूँगा।” 22 उस यहूदा नै (जो इस्करियोती कोनी था) यीशु ताहीं कह्या, “हे प्रभु, इसा के होया के तू अपणे-आप ताहीं म्हारै पै जाहिर करणा चाहवै सै, अर दुनिया के माणसां पै न्ही?” 23 यीशु नै उस ताहीं जवाब दिया, “जै कोए मेरै तै प्यार करै सै, तो वो मेरी शिक्षा का पालन करैगा, वो मेरे पिता का प्रियजन बणैगा, अर हम उसके धारे आके उसके गेल्या वास करगें।” 24 वो, जो मेरतै प्यार कोनी करदा, वो मेरे वचन नै कोनी मानता, अर जो वचन थम सुणो सो वो मेरे कोनी बल्के पिता के सै, जो मेरा भेजण आळा सै। 25 “ये बात मन्ने थारे गेल्या रहंदे होए थारैतै कही। 26 पर मददगार यानिके पवित्र आत्मा जिस ताहीं पिता मेरे नाम तै भेज्जैगा, वो थारे ताहीं इन सारी बाचां की शिक्षा देवैगा, अर जो कुछ मन्ने थारे तै कह्या सै, वो सारा कुछ थारे ताहीं याद दुआवैगा।” 27 मै थारे ताहीं शान्ति देकै जाऊँ सूँ, अपणी शान्ति थारे ताहीं दियुँ सूँ, जिसे दुनिया थारे ताहीं शान्ति देवे सै, मै थमनै उसी शान्ति कोनी देँदा अपणे मन नै दुखी ना होण द्यो अर ना डरियो। 28 थमनै सुण्या के मन्ने थारे ताहीं के कह्या, “मै जाऊँ सूँ, अर थारे धारे फेर आऊँगा।” जै थम मेरै तै प्यार करदे, तो यो जाणके राज्जी होन्दे, के मै पिता के धारे जाऊँ सूँ, जो मेरै तै घणा महानू सै। 29 यो सब होण तै पैहल्या मन्ने थारे ताहीं इसके बारे म्ह बता दिया सै, के जिब यो हो जावै, तो थम बिश्वास करो। 30 मै इब थारे तै घणा कुछ न्ही कहूँगा, क्यूँके इस दुनिया का शासक (शैतान) आवै सै। मेरै पै उसका कोए हक कोनी, 31 दुनिया यो समझ ले के मै पिता तै प्यार करूँ सूँ, योए कारण सै के मै उसके सारे हुकमां का पालन करूँ सूँ। उठो, हम याडै तै चाल्लां।

**15** यीशु नै कह्या, “मै सच्ची अंगूर की बेल की तरियां सूँ, अर मेरा पिता किसान की तरियां सै। 2 मेरे मै लाग्गी हरेक डाळी जो फळ न्ही देन्दी, उस ताहीं वो काट देवे सै, पर हरेक एक फळ देण आळी डाळी ताहीं छांगै सै ताके वा और घणा फळ ल्यावै। 3 थम तो उस वचन के कारण जो मन्ने थारैताहीं कह्या सै, शुद्ध होगे सो। 4 थम मेरै म्ह बणे रहो, अर मै थारे म्ह, जिस तरियां डाळी जै अंगूर की बेल म्ह बणी न्ही रहवै तो खुद तै कोनी फळ सकदी, उससे तरियां थम भी जै मेरे म्ह बणे न्ही रहो तो कोनी फळ सकदे।” 5 मै अंगूर की बेल की ढाळ सूँ अर थम डाळी सो। जो मेरै म्ह बण्या रहवै सै अर मै उस म्ह, वो घणाए फळ फळे सै, क्यूँके मेरै तै न्यारे पाटके थम कुछ न्ही कर सकदे। 6 जै कोए मेरै म्ह न्ही बण्या रहंदे, तो वो डाळी की तरियां बगा दिया जावैगा, अर सूख जावै सै, अर माणस उन ताहीं कट्टे करके आग म्ह झोक देवे सै, अर वे बळ जावै सै। 7 जै थम मेरै म्ह बणे रहो अर मेरे वचन थारे म्ह बणे रहवै, तो थारे माँगाण पै थारी इच्छा पूरी करी जावैगी। 8 थारे फळ की भरपूरी

म्ह मेरै पिता की महिमा अर थारा मेरे चेल्लें होण का सबूत सै। 9 जिसा पिता नै मेरै तै प्यार करया, उसाए मन्ने थारैतै प्यार करया, मेरै प्यार म्ह बणे रहो। 10 जै थम मेरे हुकमां नै मान्नेगे, तो मेरे प्यार म्ह बणे रहोगे, जिस ढाळ के मन्ने अपणे पिता का हुकम मान्या सै, अर उसके प्यार म्ह बणा रहूँ सूँ। 11 मन्ने ये बात थारे तै ज्यांतै कही, के जो आनन्द मेरे म्ह सै, वो थारे म्ह भी हो अर बढ़ता जावै। 12 “मै थमनै नया हुकम द्यु सूँ, के एक-दुसरे तै प्यार करियो, जिसा मन्ने थारैतै प्यार करया सै, उसाए थम भी एक-दुसरे तै प्यार करियो। 13 इसतै बड्डा प्यार किसे का कोनी के कोए अपणे दोस्तां के खातर अपणी जान दे। 14 जो हुकम मै थारे ताहीं दियुँ सूँ, जै थम उसपै चाल्लों सों तो थम मेरे साथी सो।” 15 मन्ने थारे ताहीं नौक्कर न्ही, पर साथी मान्या सै, क्यूँके नौक्कर माल्लिक के काममां तै अनजाण रहवै सै, मन्ने थारे ताहीं वे सारी बात बता दी सै, जो मन्ने पिता तै मिली सै। 16 थमनै मेरै ताहीं कोनी चुण्या पर मन्ने थारे ताहीं चुण्या सै अर थारैताहीं काम पै लाया सै, के थम जाके फळ ल्याओ अर थारा फळ बणा रहवै, के थम मेरे नाम तै जो कुछ पिता तै माँगो, वो थारे ताहीं दे दे। 17 मेरा हुकम यो सै के थम एक-दुसरे तै प्यार करो। 18 “जै दुनिया के माणस थारैतै बेर राख्खे सै, तो जाण ल्यो के उसनै थारैतै पैहल्या मेरे तै बेर राख्खा सै। 19 जै थम दुनिया के माणसां जिसे होन्दे, तो दुनिया थारे तै आपण्यां जिसा प्यार करदी, पर थम दुनिया के कोनी, बल्के मन्ने थारैताहीं दुनिया म्ह तै छॉट लिया सै, इस करके दुनिया के माणस थारे तै बेर राख्खे सै। 20 याद राख्खों मन्ने थारे तै के कह्या था, ‘नौक्कर अपणे माल्लिक तै बड्डा कोनी होंदा,’ जिब उननै मेरै ताहीं सताया, तो थारैताहीं भी सतावेंगे। जै उननै मेरी शिक्षा मान्नी, तो थारी भी माँनैगें। 21 पर यो सब कुछ माणस मेरै नाम के कारण थारे गेल्या करेगें, क्यूँके माणस मेरै भेजण आळे नै कोनी जाणदे। 22 जै मै न्ही आन्दा, अर उनतै बात न्ही करदा, फेर वे पापी कोनी ठहरदे, पर इब उननै उनके पाप खातर कोए बहान्ना कोनी। 23 जो मेरे तै बेर राख्खे सै, वो मेरे पिता तै भी बेर राख्खे सै। 24 जै मै उनके बीच म्ह वे काम न्ही करदा, जो और किसे नै कोनी करे, तो वे पापी कोनी ठहरदे, पर इब तो जो कुछ मन्ने करया सै उननै मेरै ताहीं देख लिया सै, उननै मेरै ताहीं अर मेरे पिता दोनुआ तै बेर करया। 25 पर यो इस करके होया के जो उनके नियम-कायदा म्ह लिख्या सै वो सच हो सकै, ‘उननै मेरै तै खामखां बेर करया।’” 26 पर जिब वो मददगार (सच का आत्मा जो पिता की ओड़ तै आवै सै) धारे आवैगा, जिसनै मै थारे धारे पिता की ओड़ तै भेज्जुँगा, तो वो मेरी गवाही देवैगा, 27 अर थम भी मेरे गवाह सो, क्यूँके थम शरु तै मेरै गेल्या रहे सो।

**16** “ये बात मन्ने थारैतै ज्यांतै बताई सै के थारा बिश्वास डगमगा न्ही जावै।” 2 वे थमनै आराधनालयों म्ह तै काढ देवेंगे, बल्के वो बखत आवै सै, के जो कोए थमनै मार देवैगा, वो

न्यू समझा का मे परमेसवर की सेवा करूँ सूँ। 3 इसा वे ज्यांते करैंगे के उननै ना पिता ताहीं जाणया सै, अर ना मन्नै जाणी सै। 4 पर ये बात मन्नै ज्यांतै थारैतै कही, के जिब इनका बखत आवै तो थमनै याद रहवै के मन्नै थारैतै पैहल्याए उसकै बारें म्ह बता दिया था। “मन्नै शरु म्ह थारैतै ये बात ज्यांतै कोनी कही क्यूँके मे थारे गेल्या था।” 5 पर इब मे अपणे भेजण आळे कै धोरै जाऊँ सूँ, अर थारे म्ह तै कोए मेरे तै कोनी बुझता, “तू कित्त जावै सै?” 6 पर मन्नै जो ये बात थारैतै कही सै, ज्यांतै थारा मन दुख तै भरगया सै। 7 फेरभी मै थारैतै साच्ची कहुँ सूँ, के मेरा जाणा थारे खात्तर ठीक सै, क्यूँके जै मै ना जाऊँ तो वो मददगार थारे धोरै कोनी आवैगा, पर जै मै जाऊँगा, तो उस ताहीं थारे धोरै भेज्जूँगा। 8 वो आके दुनिया के माणसां ताहीं पाप अर धार्मिकता अर न्याय कै बाबत बतावैगा। 9 पाप कै बारे म्ह ज्यांतै के वे मेरे पै बिश्वास कोनी करदे। 10 अर धार्मिकता कै बारे म्ह ज्यांतै के मै पिता कै धोरै जाऊँ सूँ, अर थम मन्नै दुबारै कोनी देखखोगे, 11 न्याय कै बारे म्ह ज्यांतै के दुनिया का शासक कसूरवार ठहराया जा चुक्या सै। 12 मन्नै थारे तै और भी घणीए बात कहणी सै, पर इब्बे थम उननै सह नही सकदे। 13 पर जिब वो यानिके सच का आत्मा आवैगा, तो थम सारया नै सच का रास्ता बतावैगा, क्यूँके वो अपणी ओड़ तै कोनी कहवैगा पर जो कुछ सुणैगा वोए कहवैगा, अर होण आळी बात थारे ताहीं बतावैगा। 14 वो मेरी महिमा करैगा, क्यूँके उस ताहीं मेरी ओड़ तै जो मिला सै, वो थारे ताहीं मेरी बात्तां म्ह तै लेके बतावैगा। 15 वो सब कुछ, जो पिता का सै, वो सारा मेरा सै, ज्यांतै मन्नै कह्या के वो मेरी बात्तां म्ह तै लेके थारे ताहीं बतावैगा। 16 “थोड़ी देर म्ह थम मन्नै कोनी देखखोगे, अर फेर थोड़ी देर म्ह मन्नै दुबारा देखखोगे।” 17 फेर उसके कुछ चेल्यां नै आप्पस म्ह कह्या, “उसका इस बात तै के मतलब सै जो वो म्हारै ताहीं कहवै सै, ‘थोड़ी देर म्ह थम मन्नै कोनी देखखोगे, अर फेर थोड़ी देर म्ह मन्नै दुबारा देखखोगे?’ अर यो ‘ज्यांतै के मै पिता कै धोरै जाऊँ सूँ?’” 18 फेर उननै कह्या, “यो ‘थोड़ी देर’ जो वो कहवै सै, या के बात सै? हम कोनी जाणदे के वो के कहवै सै।” 19 यीशु नै न्यू जाणके के वे मेरतै बुझणा चाहवै सै, उन ताहीं कह्या, “के थम आप्पस म्ह मेरी इस बात बाबत जाँच-पड़ताळ करो सो, ‘थोड़ी देर म्ह थम मन्नै कोनी देखखोगे, अर फेर थोड़ी देर म्ह मन्नै दुबारा देखखोगे?’” 20 मै थारे तै साच्ची-साच कहुँ सूँ, के जिब मै मरूँगा तो थम रोओगे अर बिलाप करोगे, पर दुनिया राज्जी होवैगी। थमनै दुख होगा, पर थारा दुख आनन्द म्ह बदल जावैगा। 21 जापूँ कै बखत बिरबानी नै दुख होवै सै, क्यूँके उसकै दुख का बखत आरया सै, पर जिब वा बाळक नै जन्म दे सै, तो इस खुशी तै, के दुनिया म्ह एक माणस पैदा होया, उस दुख नै फेर याद कोनी कर दी। 22 उससे तरियां थारे म्ह भी इब तो दुख सै, पर मै थारे तै दुबारा मिलूँगा अर थारे मन आनन्द तै भर जावैंगे, थारा आनन्द कोए थारे तै

खोस नही सकदा। 23 उस बखत थम मेरतै कुछ नही बुझ्झोगे। मै थारैतै सच कहुँ सूँ, जै थम पिता तै कुछ माँगोगे, तो वो मेरे नाम तै थमनै देवेगा। 24 इब ताहीं थमनै मेरे नाम तै पिता तै कुछ नही मांग्या, माँगो, तो पा ल्योगे ताके थारा आनन्द पूरा हो जावै। 25 “मन्नै ये बात थारैताहीं उदाहरणां म्ह कही सै, पर वो बखत आवै सै, जिब पिता के बारें म्ह मै उदाहरणां म्ह नही कहुँगा, पर साफ शब्दां म्ह थारे ताहीं बताऊँगा। 26 उस दिन थम मेरे नाम तै माँगोगे, अर मै थारैतै न्यू कोनी कहन्दा के मन्नै ए थारे खात्तर पिता तै बिनती करणी पड़ैगी, 27 क्यूँके मेरा पिता तो खुदे थारैतै प्यार करै सै, ज्यांतै के थमनै मेरतै प्यार करया सै अर यो बिश्वास करया सै के मै पिता की ओड़ तै भेज्या होड़ सूँ। 28 मै पिता की ओड़ तै दुनिया म्ह आया सूँ, अर इब दुनिया नै छोड़के पिता कै धोरै जाऊँ सूँ।” 29 उसके चेल्यां नै कह्या, “हाँ, इब तू उदाहरणां म्ह नही, बल्के साफ शब्दां म्ह समझाण लागरया सै। 30 इब हम समझगे सां, के तू सब कुछ जाणै सै, अर इब किसे नै तेरे तै कोए सवाल पूछण जरत कोनी, इस खात्तर हम बिश्वास करा सां के तू परमेसवर की ओड़ तै आया सै।” 31 न्यू सुणके यीशु नै उन ताहीं कह्या, “के थमनै इब बिश्वास होया सै?” 32 लखाओ, वो बखत आवै सै बल्के आण पहोंच्या सै के थम सारे खिंड-मिन्ड होके अपणे-अपणे घर बोहड़ जाओगे, अर मन्नै एकला छोड़ दोगे, फेरभी मै एकला कोनी क्यूँके पिता मेरे गेल्या सै। 33 “मन्नै ये बात थारैतै ज्यांतै कही सै, के थम मेरे म्ह शान्ति पाओ। दुनिया म्ह थारे पै कळेश होवै सै, पर हिम्मत राखियो, मन्नै दुनिया ताहीं जीत लिया सै।”

**17** यीशु नै ये बात कही अर अपणी नजर अकास कान्ही ठाके कह्या, “हे पिता, वो बखत आण पहोंच्या सै, अपणे बेटे की महिमा कर, के बेटा भी तेरी महिमा कर सकै, 2 क्यूँके तन्नै उस ताहीं सारी मानवजाति पै हक दिया, के वो सब नै अनन्त जीवन देवै जो तन्नै उस ताहीं सौप्या सै। (aiōnios g166) 3 अर अनन्त जीवन यो सै के वे तुझ, जो के एकमात्र सच्चे परमेसवर अर यीशु मसीह नै जिस ताहीं तन्नै भेज्या सै, जाणै। (aiōnios g166) 4 जो काम तन्नै मेरे ताहीं सौप्या था, उस ताहीं पूरा करके मन्नै धरती पै तेरी महिमा करी सै। 5 जो महिमा मेरी तेरे गैल दुनिया की सृष्टि तै पैहल्या थी, इब हे पिता, तू अपणे गेल्या मन्नै भी महिमावान कर।” 6 “मन्नै तेरा नाम उन माणसां पै जाहिर करया सै दुनिया म्ह तै जिनताहीं तन्नै छाटके मेरे ताहीं सौप्या था, वे तेरे थे पर तन्नै उन ताहीं मेरे ताहीं सौप्या सै, अर उननै तेरे वचन का पालन करया सै।” 7 इब जाणगे सै के जो कुछ तन्नै मेरे ताहीं दिया सै, वो सारा तेरी ओड़ तै सै, 8 क्यूँके जो बात तन्नै मेरे ताहीं बताई, मन्नै उन ताहीं उनके धोरै पहोंच्या दी सै, अर उननै उन ताहीं अपणालिया, अर सच म्ह ए जाण लिया सै के मै तेरी ओड़ तै आया सूँ, अर उननै बिश्वास भी कर लिया सै के तू ए मेरा भेजण आळा सै। 9 मै उन खात्तर बिनती करूँ सूँ, दुनिया के माणसां कै खात्तर बिनती कोनी करदा पर

उन्हे के खातर करूँ सूँ जिन ताहीं तन्नै मेरै ताहीं दिया सै, फूलां का बाग था, जिस म्ह वो अर उसके चेल्लें गए। 2 यीशु क्यूँके वे तेरे सै, 10 अर जो कुछ मेरा सै वो सारा तेरा सै, अर का पकड़ाण आळा यहूदा भी उस जगहां नै जाणै था, क्यूँके जो तेरा सै वो मेरा सै, अर मन्नै उनके जरिये महिमा पाई सै। 11 यीशु अपणे चेल्यां के गैल उडै जाया करै था। 3 फेर यहूदा, इब मै इस दुनिया म्ह कोनी रहूँगा, अर मै तेरे धोरे आऊँ सूँ, सिपाहियाँ के एक टोळ नै अर प्रधान याजकां अर फरीसियाँ की पर ये दुनिया म्ह रहवैंगे, हे पवित्र पिता, अपणे नाम की शक्ति ओड़ तै मन्दर के पैहरेदारां नै लेके, दीवे अर मशाल अर हथियारां तै उनकी रुखाळ कर, जो तन्नै मेरै ताहीं दिया सै, ताके जिस नै लेके उडै आया। 4 फेर यीशु, उन सारी बाततां नै जो उसपै तरियां मै अर तू एक सां, वे भी एक हो सकै। 12 जिन मै उनके बीत्तण आळी थी जाणके, लिकड़के उन ताहीं पूछा, “किसने गेल्या था, तो मन्नै उन ताहीं तेरे नाम म्ह, जो तन्नै मेरै ताहीं दोहो सो?” 5 उननै उस ताहीं जवाब दिया, “यीशु नासरी नै।” दिया था, उनकी रुखाळ करी, अर उन म्ह तै किसे का नाश यीशु नै उन ताहीं कह्या, “मैए सूँ।” यीशु नै पकड़वाण आळा कोनी होया, सिवाए उसके जिस ताहीं खोणा जरूरी था, वो भी यहूदा भी उनके गेल्या खड्या था। 6 जिन यीशु नै उनतै कह्या, ज्यांतै के पवित्र ग्रन्थ म्ह जो लिख्या होड़ सच हो। 13 पर इब मै “मै सूँ” वे पाच्छै हटकै धरती पै पड़गे। 7 फेर उसनै दुबारे तेरे धोरे आऊँ सूँ, अर ये बात दुनिया म्ह रहते होए कहुँ सूँ, ताके उन ताहीं बुड़झ्या, “थम किसने दोहो सो?” वे बोल्ले, “यीशु नासरी नै।” 8 यीशु नै जवाब दिया, “मन्नै तो थारे ताहीं कह वे अपणे मनां म्ह मेरे भरपूर आनन्द नै पा सकै। 14 मन्नै तेरा दिया सै के वो मै सूँ, जै थम मन्नै दोहो सो तो इन माणसां नै बर करया, क्यूँके जिस तरियां मै इस दुनिया का कोनी, उससे जाण दो।” 9 यो इस करके के खुद उसके जरिये कह्या गया यो तरियां वे भी इस दुनिया के कोनी। 15 मै या बिनती कोनी करदा वचन पूरा हो, “मन्नै उन म्ह तै एक भी न्ही खोया, जिन ताहीं के उननै तू दुनिया तै लिकाड़ ले, बल्के तू उननै उस शैतान तै तन्नै मेरतै सौप्या था।” 10 फेर शमौन पतरस नै तलवार, जो उसके धोरे थी, खींची अर महायाजक के नौक्कर पै चलाके बचाए राख। 16 जिस तरियां मै दुनिया का कोनी, उससे तरियां उसका सोळा कान उड़ा दिया, उस नौक्कर का नाम मलखुस वे भी दुनिया के कोनी। 17 तेरा वचन साच्चा सै, सच के जरिये था। 11 फेर यीशु नै पतरस तै कह्या, “अपणी तलवार म्यान म्ह तू उननै अलग करण खातर समर्पित कर। 18 जिस तरियां तन्नै धर। जो दुख का कटोरा पिता नै मेरै ताहीं दिया सै, के मै उसनै मेरै ताहीं दुनिया म्ह भेज्या, उससे तरियां मन्नै भी उन ताहीं न्ही पीऊँ?” 12 फेर रोमी सिपाहियाँ अर उनके सूबेदार अर समाप्त करूँ सूँ, ताके वे भी सच के खातर समर्पित हो जावै। यहुदिया परदेस के मन्दर के पैहरेदारां नै यीशु ताहीं पकड़के 20 “मै केवल इन्हे खातर बिनती कोनी करदा, पर उन माणसां बाँध लिया, 13 अर पैहल्या उस ताहीं हन्ना के धोरे ले गए, खातर भी जो इनके वचन के जरिये मेर पै बिश्वास करैंगे, क्यूँके वो उस साल के महायाजक काइफा का सुसरा था। 14 यो वोए काइफा था, जिसनै यहूदियाँ ताहीं सलाह दी थी के तेरे म्ह सूँ, उससे तरियां वे भी म्हारे म्ह एक हो, जिसतै दुनिया म्हारे माणसां खातर एक आदमी का मरणा ठीक सै। 15 शमौन पतरस अर एक और दुसरा चेल्ला भी यीशु के पाच्छै हो लिए। यो चेल्ला महायाजक का जाण-पिच्छाण का था, ज्यांतै वो यीशु के गेल्या महायाजक के आँगण म्ह गया, 16 पर पतरस बाहरणै दरबाजे पै खड्या रह्या। फेर दुसरा चेल्ला जो महायाजक की जाण-पिच्छाण का था, वो बाहरणै लिकड़्या अर पहरेदारणी तै कहुँके पतरस ताहीं भीत्तर लियाया। 17 उस नौकराणी नै, जो पहरेदारणी भी थी, पतरस तै कह्या, “कदे तू भी इस माणस के चेल्यां म्ह तै तो न्ही सै?” उसनै कह्या, “मै कोनी।” 18 नौक्कर अर मन्दर के पहरेदारां नै जाड्डे के कारण आग जळा राक्खी थी, अर खडे होके सेक्के थे, अर पतरस भी उनके गेल्या खड्या आग सेक्के था। 19 फेर महायाजक नै यीशु तै उसके चेल्यां के बाबत अर उसके उपदेशां के बाबत जाँच-पड़ताळ करी। 20 यीशु नै उस ताहीं जवाब दिया, “मन्नै हरेक माणस तै खुलके बात करी, मन्नै सभायां अर आराधनालयों म्ह, जडै सारे यहूदी कठ्ठे होया करै सै, सारी हाण उपदेश दिया अर लुक्क के कुछ कोनी कह्या। 21 तू क्यूँ मेरै तै सवाल बुड़झै सै? सवाल उनतै कर जिननै मेरै वचन सुणे सै, वे जाणे सै, के मन्नै उन ताहीं के-

**18** जिन यीशु नै प्रार्थना खतम कर ली, तो वो अपणे चेल्यां के गेल्या किद्रोन नाळे कि परली ओड़ गया। उडै एक

के कह्या।” 22 जब उसने न्यू कह्या, तो मन्दर के पैहरेदारां म्ह तै एक नै जो धोरे खड्या था, यीशु के थप्पड़ मारके कह्या, “के तन्ने महायाजक ताहीं इस तरियां जवाब देण की हिम्मत किसी करी?” 23 यीशु नै उसतै जवाब दिया, “जै मेरा कहणा गलत सै तो साबित करो पर मन्ने जो कह्या सै वो सही सै तो फेर थम मेरे क्यूँ मारण लागरे सों?” 24 इस खात्तर यीशु ताहीं जो इब भी बाँधे होए थे, हन्ना नै काइफा महायाजक के धोरे भेज दिया। 25 शमौन पतरस खड्या होया आग सेवकै था, फेर उननै उसतै कह्या, “कदे तू भी उसके चेल्यां म्ह तै तो नही सै?” उसनै नाट-के कह्या, “मै कोनी।” 26 महायाजक के नौकरां म्ह तै एक, जो उसके कुण्वे म्ह तै था, जिसका कान पतरस नै काट दिया था, बोल्या, “के मन्ने तेरे ताहीं यीशु के गेल्या फूलां के बाग म्ह कोनी देख्या था?” 27 पतरस फेर नाटग्या, अर जिब्बे मुर्गे नै बाँग देई। 28 फेर वे यीशु ताहीं काइफा के धोरे तै किले म्ह लेगे, अर तड़केए का बखत था, पर वे खुद किले के भीत्तर कोनी गए ताके वे फसह का भोज खाण तै पैहल्या अशुद्ध ना हों जावै। 29 फेर राज्यपाल पिलातुस उनके धोरे बाहरणै लिकड़के आया अर कह्या, “थम इस माणस पै किस बात का दोष लाओ सों?” 30 उननै उस ताहीं जवाब दिया, “जै वो बुरे काम करणीया नही होंदा तो हम इसनै तेरे धोरे कोनी ल्यान्दे।” 31 पिलातुस नै उनतै कह्या, “थमे इसनै ले जाके अपणे नियम-कायदा के मुताबिक इसका न्याय करो।” यहूदी अगुवां नै उसतै कह्या, “हमनै हक कोनी के किसे की जानलेवां।” 32 “यो इस करके होया, ताके यीशु की वा बात पूरी हो जो उसनै यो इशारा देदे होइ कही थी के उसकी मौत किस ढाळ होगी।” 33 फेर पिलातुस दुबारे किले के भीत्तर गया, यीशु ताहीं बुलाके उसनै बुझ्या, “के तू यहूदियाँ का राजा सै?” 34 यीशु नै जवाब दिया, “के तू या बात अपणी ओड़ तै कहवै सै या दुसरयां नै मेरे बाबत तेरे तै न्यू कह्या सै?” 35 पिलातुस नै जवाब दिया, “के मै यहूदी नही सूँ, तेरी-ए कोम अर प्रधान याजकां नै तेरे ताहीं मेरे हाथ म्ह सौँप्या सै। तन्ने के करया सै?” 36 यीशु नै जवाब दिया, “मेरा राज्य इस दुनिया का कोनी, जै मेरा राज्य इस दुनिया का होंदा, तो मेरे सेवादर लड़दे के मै यहूदी अगुवां के हाथ्यां सौँप्या कोनी जान्दा पर सच्चाई तो या सै के मेरा राज्य आड़े का सै ए कोनी।” 37 पिलातुस नै उसतै कह्या, “के तू राजा सै?” यीशु नै जवाब दिया, “तू कहवै सै के मै राजा सूँ। मन्ने ज्यांते जन्म लिया अर ज्यांते दुनिया म्ह आया सूँ, के सच की गवाही दिवुँ, जो कोए सच का सै, वो मेरा वचन सुणी सै।” 38 पिलातुस नै उसतै कह्या, “सच के सै?” न्यू कहके वो फेर यहूदी अगुवां के धोरे लिकड़ आया अर उन ताहीं कह्या, “मै तो उस म्ह कुछ खोट कोनी पांदा।” 39 पर थारे यो रिवाज सै के मै फसह पै थारे खात्तर एक माणस नै छोड़ दिवुँ। आखर के थम चाहो सो, “के मै थारे खात्तर यहूदियाँ के राजा नै छोड़ दिवुँ?” 40 फेर उननै रुक्के मारके कह्या, “इसनै नही, पर म्हारे खात्तर बरअब्बा नै छोड़दे।” जब के बरअब्बा बिद्रोही था।

19 फेर पिलातुस राज्यपाल नै यीशु के कोड़े लगवाण खात्तर सिपाहियाँ के हाथ सौप दिया। 2 सिपाहियाँ नै काण्डयाँ का मुकुट गूँथके उसके सिर पै धरया, अर उस ताहीं बैजनी लत्ते पिहराये, 3 अर उसके धोरे आ-आके कहण लाग्गे, “हे यहूदियाँ के राजा, प्रणाम!” अर उसके थप्पड़ भी मारे। 4 फेर पिलातुस नै दुबारे बाहरणै लिकड़के माणसां ताहीं कह्या, “लखाओ, मै उसनै थारे धोरे फेर ल्याया सूँ, ताके थमनै बेरा लाग्गे के मै उस म्ह कुछ भी खोट कोनी पान्दा।” 5 फेर यीशु ताहीं काण्डयाँ का मुकुट अर बैजनी लत्ते पहरे होइ बाहरणै लेग्या, अर पिलातुस नै उन ताहीं कह्या, “देख्योँ, इस माणस नै!” 6 जब प्रधान याजकां अर मन्दर के पैहरेदारां नै उस ताहीं देख्या, तो रुक्के मारके कह्या, “उस ताहीं क्रूस पै चढ़ा, क्रूस पै!” पिलातुस नै उनतै कह्या, “थमे उसनै ले जाके क्रूस पै चढ़ाओ, क्यूँके मै उस म्ह कोए खोट कोनी पान्दा।” 7 यहूदी अगुवां नै उस ताहीं जवाब दिया, “म्हारे नियम-कायदे सै अर उस नियम-कायदा के मुताबिक इस माणस नै मौत की सजा मिलणी चाहिये, क्यूँके इसनै खुद ताहीं परमेसवर का बेट्टा होण का दावा करया सै।” 8 जब पिलातुस नै या बात सुणी तो और भी घणा डरग्या, 9 अर दुबारे किले के भीत्तर गया अर यीशु तै कह्या, “तू कितका सै?” पर यीशु नै उसतै कुछ भी जवाब कोनी दिया। 10 इसपै पिलातुस नै उसतै कह्या, “मेरतै क्यातै नही बोल्दा? के तन्ने कोनी बेरा के तेरे ताहीं छोड़ देण का हक मेरे ताहीं सै, अर तेरे ताहीं क्रूस पै चढ़ाण का भी मेरे ताहीं हक सै।” 11 यीशु नै जवाब दिया, “जै तेरे ताहीं परमेसवर की ओड़ तै हक नही दिया जान्दा, तो तेरा मेरे पै कोए हक कोनी होंदा, ज्यांते जिसनै मेरे ताहीं तेरे हाथ पकड़ाया सै उसका पाप घणा सै।” 12 इस बात नै सुणके पिलातुस नै उस ताहीं छोड़ देणा चाह्या, पर यहूदी माणसां की भीड़ नै रुक्के मार-मारके कह्या, “जै तू इसनै छोड़ देवैगा, तो तू कैसर का बिरोध्दी बण जावैगा। जो कोए खुद नै राजा होण का दावा करै सै, वो कैसर का बिरोध्द करै सै।” 13 ये बात सुणके पिलातुस यीशु नै बाहरणै ल्याया अर उड़े न्याय की गद्दी पै बैठग्या, जो इब्रानी भाषा म्ह “गब्बता” कुहावै सै, जिसका मतलब चोतरा हो सै। 14 यो फसह की त्यारी का दिन था, अर दोफाहरा का बखत था। फेर उसनै यहूदी माणसां ताहीं कह्या, “यो रह्या थारा राजा!” 15 पर उननै और ऊँच्ची आवाज म्ह कह्या, “उस ताहीं मार द्यो! उस ताहीं मार द्यो! उस ताहीं क्रूस पै चढ़ा!” पिलातुस नै उनतै कह्या, “के मै थारे राजा नै क्रूस पै चढ़ाऊँ?” प्रधान याजकां नै जवाब दिया, “कैसर नै छोड़ म्हारा और कोए राजा कोनी।” 16 फेर पिलातुस नै यीशु ताहीं क्रूस पै चढ़ाण खात्तर उनके हवालै कर दिया। 17 फेर सिपाही यीशु नै ले गए, अर यीशु अपणा क्रूस ठापे होए उस जगहां तक बाहर गया, जो “खोपड़ी” यानी इब्रानी भाषा म्ह “गुलगुता” कुहावै सै। 18 उड़े उननै उस ताहीं अर उसके गेल्या और दो माणसां ताहीं क्रूस पै चढ़ाया, एक इस ओड़ अर एक दुसरी

ओड़, अर बिचाळै यीशु ताहीं। 19 पिलातुस नै एक दोषपत्र ग्रन्थ म्ह न्यू लिख्या सै, “जिस ताहीं उननै बेधा सै, उसनै वे लिखकै क्रूस पै लगवा दिया, अर उसपै लिख्या होया था, “यीशु देकखैगें।” 38 इन बातां पाच्छे अरिमतिया गाम के यूसुफ नै जो नासरी, यहूदियाँ का राजा।” 20 यो दोषपत्र घणखरे यहूदियाँ नै पढ़या, क्यूँके यरुशलेम नगर जडै यीशु क्रूस पै चढ़ाया गया था नगर कै धोरै थी, अर दोषपत्र इब्रानी अर लतीनी अर यूनानी म्ह लिख्या होया था। 21 फेर यहूदियाँ के प्रधान याजकां नै पिलातुस तै कह्या, “‘यहूदियाँ का राजा’ मतना लिखै पर यो के उसनै कह्या, ‘मै यहूदियाँ का राजा सूँ।’” 22 पिलातुस नै जवाब दिया, “मन्नै जो लिखणा था, लिख दिया।” 23 जिव सिपाहियाँ नै यीशु ताहीं क्रूस पै चढ़ा दिया, तो उसके लते लैके चार हिस्सां म्ह बांड लिए, हरेक सिपाही खात्तर एक हिस्सा, अर कुड़ता भी लिया, पर कुड़ता बिन सिलाई उपपर तै तळै ताहीं सिम्या होया था। 24 इस करके सिपाहियाँ नै आप्पस म्ह कह्या, “हम इस ताहीं पाड़ा कोनी, पर इसपै पर्चीं गेर कै, के यो किसका होवैगा।” न्यू इस करके होया के पवित्र ग्रन्थ म्ह जो लिख्या होया वो पूरा हो, “उननै मेरे लते आप्पस म्ह बांड लिए अर मेरे लते पै पर्चीं गेरी।” 25 आखर म्ह सिपाहियाँ नै इसाए करया। यीशु के क्रूस के धोरै यीशु की माँ, अर उसकी मौस्सी, क्लोपास की घरआळी मरियम, अर मगदल गाम की मरियम खड़ी थी। 26 जिव यीशु नै अपणी माँ, अर उस चेल्लें ताहीं जिसतै वो प्यार करै था, धोरै खड़े देखा तो अपणी माँ तै कह्या, “हे नारी, लखा, यो तेरा बेटा सै।” 27 फेर उस चेल्लें तै कह्या, “या तेरी माँ सै।” अर उससे बखत वो चेल्ला उस ताहीं अपणे घरां लेग्या। 28 इसकै पाच्छे यीशु नै बेरा लागग्या के इब उसनै सारा काम पूरा कर लिया सै, ज्यांतै के पवित्र ग्रन्थ म्ह जो कह्या गया वो पूरा हो, कह्या, “मै तिसाया सूँ।” 29 उडै सिरके तै भरया होड़ एक बास्सण धरया था, आखर म्ह सिपाहियाँ नै सिरके म्ह भेकै स्पंज (फोम) ताहीं जुफे की लाठी पै धरके उसकै मुँह कै लगाया 30 जिव यीशु नै वो सिरका चख्या, तो कह्या, “पूरा होया,” अर सिर झुकाकै जी दे दिया। 31 इब यो तयारी का दिन था, अर आगला दिन आराम का दिन अर फसह का दिन था, यो यहूदी माणसां खात्तर एक खास दिन था, अर वे न्ही चाहवै थे, के इस दिन देह क्रूस पै टंगी रहवै, इस करके यहूदियाँ नै पिलातुस तै बिनती करी के उन माणसां की टाँग तोड़ दी जावै, जो क्रूस पै चढ़ाये गये थे। 32 आखर म्ह सिपाहियाँ नै आकै उन माणसां म्ह तै पैहले की टाँग तोड़ी फेर दुसरे की भी, जो उसके गेल्या क्रूस पै चढ़ाए गए थे, 33 पर जिव यीशु के धोरै आकै देखा के वो मर लिया सै, तो उसकी टाँग कोनी तोड़ी। 34 पर सिपाहियाँ म्ह तै एक नै बरछी तै उसका पंजर चीर दिया, अर उस म्ह तै जिब्बे लहू अर पाणी लिक्डया। 35 जिस माणस नै यो देखा, उसनै गवाही दी सै, अर उसकी गवाही साच्ची सै, अर उननै बेरा सै के वो साच्ची कह सै के थम भी बिश्वास करो। 36 ये बात ज्यांतै होई के पवित्र ग्रन्थ म्ह जो कह्या गया वो पूरा हो, “उसकी कोए हाड़ी कोनी तोड़ी जावैगी।” 37 फेर एक और जगहां पै पवित्र

ग्रन्थ म्ह न्यू लिख्या सै, “जिस ताहीं उननै बेधा सै, उसनै वे देकखैगें।” 38 इन बातां पाच्छे अरिमतिया गाम के यूसुफ नै जो यीशु का चेल्ला था, पर यहूदी अगुवां कै डर के मारे इस बात नै ल्कोए राक्खै था, पिलातुस तै बिनती करी, के वो यीशु की लाश ले जा सकै सै। पिलातुस नै उसकी बिनती सुणी, अर वो आकै उसकी लाश लेग्या। 39 नीकुदेमुस भी, जो पैहले यीशु के धोरै रात नै गया था, पचास सेर के करीबन रळा होड़ गन्धरस अर एलवा (काण्डयाँ आळा पौधा) लियाया। 40 फेर उननै यीशु की लाश ली, अर यहूदियाँ के गाड्डण कै रिवाज कै मुताबिक उस ताहीं खुशबुदार द्रव्य कै गेल्या कफन म्ह लपेट्या। 41 उस जगहां पै जडै यीशु क्रूस पै चढ़ाया गया था, एक फूल्लां का बगीचा था, अर उस फूल्लां की क्यारी म्ह एक नई कब्र थी जिसम्ह कदे कोए कोनी राख्या ग्या था। 42 ज्यांतै उननै यीशु की लाश ताहीं उस्से कब्र म्ह धर दिया, क्यूँके वा लोवै ए थी, अर वो यहूदियाँ के आराम की तयारी का दिन भी था।

**20** हफतै कै पैहलडे दिन तडकैए सूरज लिकड़ण तै पैहल्या अन्धेरै रहंदे ए मगदल गाम की मरियम कब्र पै गई, अर पत्थर ताहीं कब्र पै तै हटया होड़ देखा। 2 फेर वा भाज्जी अर शमौन पतरस अर उस दुसरे चेल्लै कै धोरै जिसतै यीशु प्यार राक्खै था, आकै कह्या, “वे प्रभु की लाश नै कब्र म्ह तै काढ लेगे सै, अर हमनै न्ही बेरा के उस ताहीं कित्त धर दिया सै।” 3 फेर पतरस अर वो दुसरा चेल्ला लिकड़कै कब्र के कान्ही चाल्ले। 4 वे दोन्नु गैल-गैल भाजरे थे, पर दुसरा चेल्ला पतरस तै तेज भाजके कब्र पै पैहल्या पोंहच्या, 5 अर झुककै लते पड़े देकखे, तोभी वो भीत्तर कोनी गया। 6 फेर शमौन पतरस उसकै पाच्छे-पाच्छे पोंहच्या, अर कब्र कै भीत्तर गया अर उसनै भी लते पड़े देकखे, 7 अर वो अंगोच्छा जो उसकै सिर पै बन्धया होड़ था, लत्यां कै गेल्या कोनी पड्या था, पर न्यारा एक जगहां लपेटके धरया होया देखा। 8 फेर दुसरा चेल्ला भी जो कब्र पै पैहल्या पोंहच्या था, भीत्तर गया अर देखके बिश्वास करया के यीशु मुर्दा म्ह तै जिन्दा होग्या। 9 पतरस अर दुसरा चेल्ला इब ताहीं पवित्र ग्रन्थ की वा बात कोनी समझे थे के उसनै मेरे होया म्ह तै जी उठणा होगा। 10 फेर चेल्लें अपणे घरां बोहड़गे। 11 पर मरियम रोदी होई कब्र कै धोरै ए बाहरणे खड़ी रही, अर रोन्दे-रोन्दे कब्र कै कान्ही कोड्डी होकै, 12 दो सुर्गादूतां ताहीं थोळे-चमकदे लते पहरे होड़ एक सिरहाणे अर दुसरे ताहीं पांयां की ओड़ बेट्टे देखा, जडै यीशु की लाश धरी गई थी। 13 उननै उस ताहीं कह्या, “हे नारी, तू क्यातै रोवै सै?” उसनै उन ताहीं कह्या, “वे मेरे प्रभु की लाश नै ठा लेगे अर मन्नै कोनी बेरा के उसनै कित्त धर राख्या सै।” 14 न्यू कहकै वा पाच्छे मुड़ी अर यीशु ताहीं खड़े देखा, पर पिच्छाणया कोनी के यो यीशु सै। 15 यीशु नै उसतै कह्या, “हे नारी, तू क्यातै रोवै सै? किसनै दोहवै सै?” उसनै माळी समझके उस ताहीं कह्या, “हे श्रीमान, जै तन्नै उस लाश ताहीं ठा लिया सै, तो मन्नै बता के उस ताहीं कित्त

धर राख्या सै, अर मै उसनै ले जाऊँगी।” 16 यीशु नै उस ताहीं कह्या, “मरियम!” उसनै बोहड़कै उस ताहीं इब्रानी म्ह कह्या, “रब्बुनी!” यानिके “हे गुरु”। 17 यीशु नै उस ताहीं कह्या, “पैरां म्ह लिपटकै मन्नै मतना छुओ, क्यूँके मै इब ताहीं पिता कै धारे उप्पर कोनी गया, पर मेरे भाईयाँ कै धारे जाके उनतै कह दे, के मै अपणे पिता अर थारे पिता, अर अपणे परमेसवर अर थारे परमेसवर कै धारे उप्पर जाके आऊँ सूँ।” 18 मरियम मगदलीनी नै जाके चेल्यां ताहीं बताया, “मन्नै प्रभु ताहीं देख्या, अर उसनै मेरै तै ये बात कही।” 19 उससे दिन जो हफतै का पैहलड़ा दिन था, साँझ के बखत यहूदियाँ के डर के मारे चेल्लें जिब किवाड़ मूंदे होइ एक कमरे म्ह थे, तो यीशु उनकै बिचाळै आ खड्या होया अर उनतै बोल्या, “थमनै शान्ति मिलै।” 20 अर न्यू कहकै उसनै अपणे हाथ्यां के घा अर अपणा पंजर उनतै दिखाए। फेर चेल्लें यीशु नै देखकै राज्जी होए। 21 यीशु नै फेर उनतै कह्या, “थमनै शान्ति मिलै: जिस तरियां पिता नै मेरै ताहीं दुनिया म्ह भेज्या सै, उससे तरियां ए मै थमनै दुनिया म्ह भेज्जू सूँ।” 22 न्यू कहकै उसनै उनपै फूँक मारी अर उसनै कह्या, “पवित्र आत्मा ल्यो। 23 जिनके पाप थम माफ करो, वे उनके खात्तर माफ करे गए सै, जिनके थम राक्खो, वे राक्खे गए सै।” 24 पर बारहा चेल्यां म्ह तै एक, यानिके थोमा जो दिदुमुस कुहावै सै, जिब यीशु आया तो उनकै गेल्या कोनी था। 25 जिब दुसरे चेल्लें उसतै कहण लागे, “हमनै प्रभु ताहीं देख्या सै,” फेर उसनै उनतै कह्या, “जिब ताहीं मै उसके हाथ्यां म्ह कील्लां के छेद न्है देख ल्यँ, अर कील्लां के छेदां म्ह अपणी आंगळी न्है घाल ल्यँ, अर उसके पंजर म्ह अपणा हाथ न घाल ल्यँ, जद ताहीं बिश्वास कोनी करूँगा।” 26 आठ दिन के पाछै उसके चेल्लें फेर घर कै भीत्तर थे, अर थोमा उनके गेल्या था, अर किवाड़ मूंद राक्खे थे, फेर यीशु आया अर उनके बिचाळै खड्या होकै कह्या, “थमनै शान्ति मिलै।” 27 फेर उसनै थोमा तै कह्या, “अपणी आंगळी याड़े ल्याके मेरै हाथ्यां नै देख अर अपणा हाथ ल्याके मेरै पंजर म्ह घाल, अर अबिश्वासी न्है पर बिश्वासी बण।” 28 न्यू सुणकै थोमा नै जवाब दिया, “हे मेरे प्रभु, हे मेरे परमेसवर!” 29 यीशु नै उसतै कह्या, “तन्नै तो मेरै ताहीं देखकै बिश्वास करया सै, धन्य वे सै जिन नै बिन देखके बिश्वास करया।” 30 यीशु नै और भी घणखरे चमत्कार चेल्यां कै आगै दिखाए, जो इस किताब म्ह कोनी लिक्खे गए, 31 पर ये ज्यत्तै लिक्खे गए सै के थम बिश्वास करो के यीशु ए परमेसवर का बेटा मसीह सै, अर बिश्वास करके उसके नाम म्ह अनन्त जिन्दगी पाओ।

**21** इन बात्तां कै पाछै यीशु नै खुद ताहीं तिविरियास झील कै किनारे चेल्यां पै जाहिर करया, अर इस ढाळ जाहिर करया 2 शमौन पतरस, अर थोमा जो दिदुमुस कुहावै सै, अर गलील परदेस कै काना नगर का नतनएल, अर जब्दी के बेटे, अर उसके चेल्यां म्ह तै दो और जणे कठे थे। 3 शमौन पतरस नै उन ताहीं कह्या, “मै मच्छी पकड़ण नै जाऊँ सूँ।” उननै उसतै

कह्या, “हम भी तेरे गेल्या चाल्लां सां।” इस करके वे लिक्डकै किस्ती पै चढ़े, पर उस रात उननै कुछ न्है पकड्या। 4 सबेर होन्दे-ए यीशु किनारे पै आ खड्या होया, फेरभी चेल्यां नै कोनी पिच्छाणा के यो यीशु सै। 5 फेर यीशु नै उन ताहीं कह्या, “हे बाळकों, के थारे धारे कुछ खाण नै सै?” उननै जवाब दिया, “कोनी।” 6 यीशु नै उन ताहीं कह्या, “किस्ती के सोळी ओड़ जाळ गेरो फेर पाओगे।” आखर उननै जाळ गेरया, अर इब घणी मच्छियाँ के बाबत जाळ उनपै खिच्या कोनी। 7 फेर उस चेल्लें नै जिसतै यीशु प्यार करै था, पतरस तै कह्या, “यो तो प्रभु सै!” शमौन पतरस नै न्यू सुणकै के वो तो प्रभु सै, अपणा बाहरी कपड़ा लपेट्या अर झील म्ह कूद पड्या, क्यूँके उस बखत वो अंगोच्छे-अंगोच्छे म्ह था। 8 पर दुसरे चेल्लें डोंगी पै मच्छी तै भरया होइ जाळ खिचदे होए आए, क्यूँके वे किनारे तै घणी दूर कोनी, पर कोए दो सौ हाथ (सौ मीटर) की दूरी पै थे। 9 जिब चेल्लें किनारे पै उतरे, तो उननै कोयले की आग अर उसपै मच्छी धरी होई, अर रोटी देखी। 10 यीशु नै उनतै कह्या, “जो मच्छी थमनै इब्बे पकड़ी सै, उन म्ह तै कुछ ल्याओ।” 11 फेर शमौन पतरस नै डोंगी पै चढ़के एक सौ तरेपन बड़ी मच्छियाँ तै भरया होइ जाळ किनारे पै खिच्या, अर इतनी मच्छी होन्दे होए भी जाळ कोनी पाट्या। 12 यीशु नै उनतै कह्या, “आओ, खाणा खाओ।” चेल्यां म्ह तै किसे की हिम्मत कोनी होई, के उसतै बुझै, “तू कौण सै?” क्यूँके उननै बेरा था, के हो ना हो यो प्रभु ए सै। 13 यीशु आया अर रोटी लेकै उन ताहीं दी, अर उससे ढाळ मच्छी भी। 14 यो तीसरी बार सै के यीशु मरे होया म्ह तै जिन्दा उठण कै पाछै चेल्यां नै दिखाई दिया। 15 खाणा खाणे कै पाछै यीशु नै शमौन पतरस तै कह्या, “हे शमौन, यूहन्ना के बेटे, के तू चेल्यां तै बाध मेरतै प्यार करै सै?” उसनै उसतै कह्या, “हाँ प्रभु, तन्नै तो बेरा सै के मै तेरे तै प्यार राक्खूँ सूँ।” उसनै उसतै कह्या, “मेरे मेम्ना नै चरा।” 16 उसनै दुसरी बार उसतै कह्या, “हे शमौन, यूहन्ना के बेटे, के तू मेरै तै प्यार राक्खे सै?” उसनै उसतै कह्या, “हाँ प्रभु, तन्नै तो बेरा सै के मै तेरे तै प्यार राक्खूँ सूँ।” उसनै उसतै कह्या, “मेरी भेट्ठां की रुखाळी कर।” 17 उसनै तीसरी बार उस ताहीं कह्या, “हे शमौन, यूहन्ना के बेटे, के तू मेरतै प्यार राक्खे सै?” पतरस कांल होया के उसनै उसतै तीसरी बार इसा कह्या, “हे शमौन, यूहन्ना के बेटे, के तू मेरतै प्यार राक्खे सै?” अर उसतै कह्या, “हे प्रभु, तन्नै तो सारा कुछ बेरा सै, तन्नै न्यू बेरा सै के मै तेरे तै प्यार राक्खूँ सूँ।” यीशु नै उसतै कह्या, “मेरी भेट्ठां नै चरा।” 18 मै तेरे तै साच्ची-साच कहूँ सूँ, “जिब तू जवान था तो अपणी कड़ बाँधके जड़ै चाहवै था उड़ै हाँडे था, पर जिब तू बूढ़ा होगा तो अपणे हाथ पसारैगा, अर दुसरा तेरी कड़ बाँधके जड़ै तू ना चाहवैगा उड़ै तन्नै ले जावैगा।” 19 यीशु नै इन बात्तां तै इशारा करया के पतरस किसी मौत तै परमेसवर की महिमा करैगा, अर फेर उसनै उसतै कह्या, “मेरै पाछै हो ले।” 20 पतरस नै बोहड़कै

उस चेल्लें ताहीं पाच्छे आन्दे देख्या, जिसतै यीशु प्यार राक्खै था, जो खाणे कै बखत उसकै साथ बेठ्या था, उसतै बुझ्झया, “हे प्रभु, तेरा पकड़वाण आळा कौण सै?” 21 उस ताहीं देखकै पतरस नै यीशु तै कह्या, “हे प्रभु, इसका के हाल होगा?” 22 यीशु नै उसतै कह्या, “जै मै चाहूँ के वो मेरे आण ताहीं रुक्या रहवै, तो तन्नै इसतै के? तू मेरे पाच्छे हो ले।” 23 ज्यांते भाईयाँ म्ह या बात फैलगी के वो चेल्ला कोनी मरैगा, फेरभी यीशु नै उसतै न्यू कोनी कह्या के वो कोनी मरैगा, पर यो के, “जै मै चाहूँ के वो मेरे आण ताहीं रुक्या रहवै, तो तन्नै इसतै के?” 24 यो वोए चेल्ला सै जो इन बाततां की गवाही देवै सै अर जिसनै इन बाततां ताहीं लिख्या सै, अर हमनै बेरा सै के उसकी गवाही साच्ची सै। 25 और भी घणेए काम सै, जो यीशु नै करे, जै वे एक-एक करके लिखे जान्दे, तो मै समझू सूं के किताब जो लिक्खी जान्दी वा दुनिया म्ह भी कोनी समान्दी।

# प्रेरितों के काम

**1** हे थियुफिलुस, मन्ने पैहलडी किताब उन सारी बातों के बारे में लिखि, जो यीशु शरु तै लेकै सुर्ग म्ह ठाए जाण तक करदा अर सिखान्दा रहया, 2 पर यीशु ताहीं परमेसवर के जरिये सुर्ग म्ह उठाए जाण तै पैहले उसने अपणे चुणे होए प्रेरितां ताहीं पवित्र आत्मा के जरिये हुकम दिया। 3 यीशु के दुख ठाण के पाछे उन प्रेरितां के स्याम्ही भोत-से पक्के सबूत दिखाए के वो जिन्दा सै, अर वो चाळीस दिन तक उननै दिखदा रहया, अर परमेसवर के राज्य की बात करदा रहया। 4 अर एक दिन मसीह यीशु नै उनतै कठे करके उन ताहीं हुकम दिया, “यरुशलम नगर नै ना छोडो, पर पिता की उस प्रतिज्ञा की पूरे होण की बात देखदे रहो, जिसका जिक्क थम मेरे तै सुण चुके सो। 5 क्यूँके यूहन्ना नै तो पाणी तै बपतिस्मा दिया सै पर थोड़े दिनां पाछे थम पवित्र आत्मा तै बपतिस्मा पाओगे।” 6 चेल्ले जिब यीशु तै दुबारा मिले तो उननै उसतै बुझया, “हे प्रभु, के वो बखत आ गया सै, के तू इस्राएल ताहीं छुड़वा के उसने दुबारा बसाके राजा के रूप म्ह सब पै शासन करेगा।” 7 उसनै उनतै कह्या, “उस बखत या युगा ताहीं, जिन ताहीं पिता नै अपणे अधिकार म्ह कर राख्या सै, उननै जाणणा थारा काम कोनी। 8 पर जिब पवित्र आत्मा थारे पै आवैगा फेर थम सामर्थ पाओगे, अर यरुशलम नगर अर सारे यहूदिया और सामरिया परदेसां म्ह, अर धरती के सिरे ताहीं मेरे बारे म्ह गवाही दोगे।” 9 न्यू कहके यीशु उनके देखदे-देखदे परमेसवर के जरिये उप्पर ठा लिया गया, अर बाद्ल नै उस ताहीं उनकी आँखां तै लट्को लिया। 10 उसके जान्दे बखत जिब वे अकास की ओड़ देखै थे, तो देखो, चाणचक दो माणस धोळे लते पहरे ओड़ उनके लोवै आण खड़े होए, 11 अर उनतै कह्या, “हे गलील परदेस के माणसां, थम खड़े अकास कान्ही क्यातै लखाओ सो? योए यीशु, जो परमेसवर के जरिये थारे धोरे तै सुर्ग पै ठा लिया गया सै, जिस तरियां तै थमने उस ताहीं सुर्ग नै जान्दे देख्या उससे तरियां तै वो दुबारा आवैगा।” 12 जिब सुर्गदूत चले गये, तो चेल्ले जैतून नाम के पहाड़ तै जो यरुशलम नगर तै करीब आधे कोस की दूरी पै सै, यरुशलम नगर म्ह बोहड़े। 13 जिब वे नगर पोहचे तो उस चुबारे पै गये, जित पतरस अर यूहन्ना अर याकूब अर अन्द्रियास अर फिलिप्पुस अर थोमा अर बरतुल्मै अर मत्ती अर हलफर्ड का बेटा याकूब अर शमौन, जेलोतेस अर याकूब का बेटा यहूदा ये सारे माणस ओड़ै थे। 14 ये सारे कई बिरबानियाँ अर यीशु की माँ मरियम अर उसके भाईयाँ के गेल्या कठे होकै एक मन तै प्रार्थना म्ह लागे रहे। 15 उनहे दिनां म्ह पतरस बिश्वासियाँ के बिचाळे म्ह जो एक सौ बीस आदमियाँ के करीबन थे, खड्या होकै कहण लाग्या, 16 हे भाईयो, जरूरी था के पवित्र ग्रन्थ का वो लेख पूरा हो जो पवित्र आत्मा नै दाऊद के मुँह तै यहूदा के बाबत, जो यीशु के पकड़वाण आळा का

अगुवां था, पैहल्याए तै कहा था। 17 क्यूँके वो तो म्हारै म्ह गिण्या गया, अर इस सेविकाई म्ह साइझी होया। 18 “जिसा थम जाणो सो (उसने पाप की कमाई तै एक खेत मोल लिया, अर सिर के बळ गिरया अर उसका पेट पाटग्या अर उसकी सारी आन्दडी लिकड़गी। 19 इस बात ताहीं यरुशलम नगर के सारे रहणीये जाणगे, उरै ताहीं के उस खेत का नाम उनकी भाषा म्ह ‘हक्कलदमा’ यानिके ‘लहू का खेत’ पड़ग्या।)” 20 “दाऊद नै भजन संहिता म्ह लिख्या सै, ‘उसका घर उजड़ जावै, अर वो भी लिख्या सै, के उस म्ह कोए न्ही बसै,’ अर ‘उसका पद कोए और ले लवै।’” 21 “इस करके जो जरूरी सै के एक इसा माणस छाट्या जावै, जो प्रभु यीशु के सारे कामां के हरेक बखत का गवाह हो, प्रभु यीशु ताहीं यूहन्ना के जरिये बपतिस्मा दिये जाण तै लेकै, सुर्ग म्ह स्वीकार किये जाण तक, 22 वो माणस म्हारे गैल प्रभु यीशु के जिन्दा होण का गवाह बणै।” 23 फेर उननै दो नाम सुझाए, एक यूसुफ जो बरसब्बा कुहवै था, जिसका उपनाम यूसतुम सै, दुसरा मत्तियाह ताहीं, 24 अर या प्रार्थना करी, “हे प्रभु, तू जो सारया के मनां नै जाणो सै, न्यू बता के इन दोनुआ म्ह तै तन्ने किस ताहीं चुण्या सै, 25 के वो इस सेवा के काम अर प्रेरितों की वा खाल्ली जगहां ले, जिसने यहूदा छोड़के अपनी जगहां चल्या गया, जित उसनै जाणा चाहिए था।” 26 फेर उननै उनके बाबत पर्ची गेरी, अर पर्ची मत्तियाह के नाम लिक्ड़ी। आखर वो उन ग्यारहां प्रेरितां के गेल्या गिण्या गया।

**2** यहूदियाँ के पिन्तेकुस्त त्योंहार के दिन, यीशु के चेल्ले एक जगहां कठे थे। 2 चाणचक अकास तै तेज आँधी जिसी आवाज आई, अर उसतै सारा घर जित वे बेटे थे, गूँजग्या। 3 अर उननै एक आग की लपट दिक्की, जो जीभ के समान थी, वा आग की लपट अलग-अलग होके उन सब के उप्पर आ उतरी। 4 वे सारे पवित्र आत्मा तै भरगे, अर जो वरदान पवित्र आत्मा नै उन ताहीं दिया, उसके मुताबिक वो अन्य-अन्य भाषा बोल्लण लागे। 5 उस बखत पूरी दुनिया की हरेक जात म्ह तै यहूदी-भगत यरुशलम नगर म्ह रहण लागे थे। 6 जिब आँधी जिसा शब्द गरजा, तो भीड़ लागी अर आदमी घबरागे, क्यूँके हर एक अपनी-अपनी भाषा म्ह चेल्यां ताहीं बोलदे सुणण लागे थे। 7 वे सारे हैरान अर अचम्भा करके कहण लागे, “देखो, जो वे बोल्लण लागे सै के सारे गलीलवासी कोनी? 8 तो यो के होण लागरया सै, के जो म्हारे म्ह तै हर एक इन ताहीं अपनी-अपनी जन्म-भूमि की भाषा म्ह बात करते सुणे सै! 9 हम जो पारथी अर मेदी अर एलामी अर मेसोपोटामिया अर यहूदिया अर कप्पूकिया अर पुन्तुस अर आसिया परदेस, 10 कुछ फ्रुगिया, पंफूलिया परदेस अर कुछ मिस्र देश अर लीबिया देश जो कुरेने नगर के लोवै-धोरे सै, इन सारे देशां के रहण आळे अर रोमी प्रवासी, 11 यानिके यहूदी माणस अर यहूदी पंथ धारण करण आळे, क्रेतो दीप अर अरब देश के माणस भी सै, पर अपनी-अपनी भाषा म्ह उनतै परमेसवर के बड़े-

बड़े काम्मां का जिक्र सुणै सै।” 12 अर वे सारे हैरान होए अर घबराकै एक-दुसरे तै कहण लागे, “यो के होण लागरया सै?” 13 पर औरां नै मखौल करकै कह्या, “वे तो नई मदिरा कै नशै म्ह चूर सै।” 14 जिब पतरस उन ग्यारहां प्रेरितां कै गेल्या खड्या होया, अर ठाडू आवाज म्ह बोल्या, “हे यहूदिवासियों अर हे यरुशलेमवासियों, न्यू जाण ल्यो, अर कान लाके मेरी बात सुणो।” 15 जिसा थम समझरे सो, ये आदमी नशै म्ह कोनी, क्यूँके इल्बे दिन के नौ बजे सै। 16 जो थम म्हारे साथ होते होए देखण लागरे सों, यो योएल नबी कै जरिये कही गई भविष्यवाणी का पूरा होणा सै। 17 “परमेसवर कहवै सै, के अन्त के दिनां म्ह इसा होवैगा के मै अपना आत्मा सारे माणसां ताहीं दियुंगा, अर थारे बेटे अर थारी बेट्टी भविष्यवाणी करेगी, अर थारे जवान दर्शन देखेंगे, अर थारे बुजुर्ग सपना देखेंगे।” 18 उन दिनां म्ह, मै अपने दास्सां, अर दासियाँ ताहीं अपनी आत्मा दियुंगा, अर वे भविष्यवाणी करेगें। 19 अर मै उप्पर अकास म्ह अनोक्खे काम अर तळै धरती पै निशान, यानिके लहू अर आग अर धुमै का बाढ़ल दिखाऊंगा। 20 प्रभु के महान् अर तेजस्वी दिन के आण तै पैहल्या सूरज अंधेरा अर चाँद लहू-सा हो जावैगा। 21 अर जो कोए प्रभु का नाम लेवैगा, उसका उद्धार होवैगा। 22 “हे इस्राएलियों, इन बातनां नै सुणो यीशु नासरी एक माणस था जिसका परमेसवर की ओड़ तै होण का सबूत उन सामर्थ के काम्मां अर हैरानी के काम्मां अर चमत्कारां तै जाहिर सै, जो परमेसवर नै थारे बिचाळै उसके जरिये कर दिखाए जिसके बारे म्ह थमने खुदे बेरा सै। 23 उससे यीशु ताहीं, जो परमेसवर की ठहराई होई योजना अर पूर्व ज्ञान कै मुताबिक पकड़वाया गया, थमने अधर्मियाँ के हाथां तै क्रूस पै चढ़ाके उस ताहीं मार दिया। 24 पर उससे ताहीं परमेसवर नै मौत के बन्धनां तै छुड़ाके जिन्दा करया, क्यूँके यीशु ताहीं अपने बस म्ह राखणा मौत खात्तर असम्भव था।” 25 राजा दाऊद यीशु के बारे म्ह कहवै सै, “मै प्रभु नै सारी हाण अपने धोरे देख्दा रहया क्यूँके वो मेरी सोळी ओड़ सै, मै उनतै न्ही डरूंगा जो लोग मेरा नुकसान करणा चाहवै सै।” 26 इस्से कारण मेरा मन आनन्दित होया, अर मै खुशी तै गाऊंगा, बल्के मेरी आस भी उससे म्ह बणी रहवैगी। 27 क्यूँके तू मेरे प्राणां नै अधोलोक म्ह कोनी छोडैगा, अर ना अपने पवित्र माणस नै सड़ण देवैगा। (Hadēs 986) 28 “तन्ने मेरे ताहीं जीण का राह बताया सै, तू मन्ने दर्शन कै जरिये आनन्द तै भर देवैगा।” 29 “हे भाईयो, मै कुलपति राजा दाऊद के बारे म्ह थारे तै हिम्मत करके कहुँ सूं के वो तो मरग्या अर गाड्या भी गया अर उसकी कब्र आज ताहीं म्हारे उरै न्यू-की-न्यू सै। 30 वो नबी था अर उसने बेरा था के परमेसवर नै मेरे तै वादा करया सै के मै तेरी पीढ़ी म्ह तै एक माणस नै तेरे सिंहासन पै बिठाऊंगा, 31 उसने होण आळी बात ताहीं पैहल्याए तै देखके मसीह के जिन्दा उठण के बारे म्ह भविष्यवाणी करी के ना तो उसका प्राण अधोलोक म्ह छोड्या

गया अर ना उसकी देह सड़ण पाई। (Hadēs 986) 32 इस्से यीशु ताहीं परमेसवर नै जिन्दा करया, जिसके हम सारे गवाह सां। 33 इस तरियां परमेसवर के सोळे हाथ पै सबतै ऊँच्चा पद पाके, अर पिता तै वो पवित्र आत्मा पाके जिसका वादा लिया गया था, उसने यो उपडेल दिया सै जो थम देखवो अर सुणो सो। 34 क्यूँके दाऊद तो सुर्ग पै कोनी चढ्या, पर वो खुद कहवै सै, ‘प्रभु परमेसवर नै मेरे प्रभु तै कह्या, मेरे सोळी ओड़ नै बैठ, 35 “जिब ताहीं के मै तेरे बैरियाँ नै तेरे कदमां तळै ना झुका दियुँ।” 36 “आखर इस्राएल का सारा खानदान पक्की तरियां तै जाण लेवै के परमेसवर नै उससे यीशु ताहीं जिस ताहीं थमने क्रूस पै चढ़ाया, प्रभु भी ठहराया अर मसीह भी।” 37 जिब माणसां नै यो सुणया, तो बिश्वास होगया था के उनने गलत काम करया सै, अर वे पतरस अर बाकी प्रेरितां तै बुझ्ण लागे, “हे भाईयो, हम के करा?” 38 पतरस नै उनतै कह्या, “पाप करणा छोड़ घो, अर थारे म्ह तै हरेक अपने-अपणे पापां की माफी कै खात्तर यीशु मसीह के नाम तै बपतिस्मा लेवै, जिब थम पवित्र आत्मा का दान पाओगे। 39 क्यूँके या प्रतिज्ञा थम, अर थारी ऊलादां, अर उन सारे दूर-दूर के आदमियाँ खात्तर भी सै जिन ताहीं प्रभु म्हारा परमेसवर अपने धोरे बुलावैगा।” 40 पतरस नै कई और बातनां तै, भी गवाही दे-देके समझाया के अपने-आपने इस टेढ़ी जात तै बचाओ। 41 आखर जिनने उसके वचन पै बिश्वास करके बपतिस्मा लिया, अर उससे दिन तीन हजार माणसां कै करीबन उन म्ह मिलगे। 42 जिनने पतरस के वचन पै बिश्वास करया, वे प्रेरितां तै शिक्षा लेन्दे, अर संगति राखदे, अर रोटी तोड़ण, अर प्रार्थना करण म्ह मन रहे। 43 अर सारे के यरुशलेम माणस डरगे, अर घणे अनोक्खे काम अर चमत्कार प्रेरितां कै जरिये जाहिर होवै थे। 44 अर सारे बिश्वास करणीये कठु रहवै थे, अर उनकी सारी चीज साझे म्ह थी। 45 वे अपनी-अपनी जायदाद अर सामान बेच-बेचके जिसकी जरूरत होवै थी बांड दिया करै थे। 46 वे हरेक दिन एक मन होके मन्दर म्ह कठु होवै थे, घर-घर रोटी तोड़दे होए खुशी अर मन की सीधार्थ तै खाणा खावै थे, 47 अर परमेसवर की जय-जयकार करै थे, अर सारे माणस उनतै राज्जी थे जो उद्धार पावै थे, उन ताहीं प्रभु हरेक दिन उन म्ह मिला देवै था।

**3** पतरस अर यूहन्ना दोफाहरे के तीन बजे पाच्छे प्रार्थना कै बखत मन्दर म्ह जाण लागरे थे। 2 अर माणस एक जन्म तै लंगड़े नै ल्यावै थे, जिस ताहीं वे हरेक दिन मन्दर कै बाहरणै पै जो सुन्दर नामक फाटक कुहावै सै, बिठा देवै थे, के वो मन्दर म्ह जाण आळा तै भीख माँगे। 3 जिब उसने पतरस अर यूहन्ना ताहीं मन्दर म्ह जान्दे देख्या, तो उनतै भीख माँगे। 4 पतरस नै यूहन्ना कै गेल्या उसकी ओड़ गौर तै देखके कह्या, “म्हारी ओड़ लखा!” 5 आखर वो उनतै कुछ पाण की आस राखते होए उनकी ओड़ लखाण लाग्या। 6 फेर पतरस नै कह्या, “चाँदी अर सोन्ना तो मेरे धोरे सै न्ही, पर जो मेरे धोरे सै वो तन्ने दियुँ

सूँ, यीशु मसीह नासरी के नाम तै उठ अर चाल-फिर।” 7 पतरस नै उसका सोळा हाथ पकड़के उस ताहीं ठाया, अर जिब्बे उसके पायां अर टाखणयां म्ह ताकत आगी। 8 वो उछळते-कूदते खड्या होग्या अर चाल्लण-फिरण लाग्या, अर चाल्दा, अर कुद्दा, अर परमेसवर की जय-जयकार करदा होया उनकै गेल्या मन्दर म्ह गया। 9 सारे आदमियाँ नै उस ताहीं चाल्दे-फिरदे अर परमेसवर की जय-जयकार करदे होए देखकै, 10 उस ताहीं पिच्छाण लिया के यो वोए सै जो मन्दर के “सुन्दर” नामक फाटक पै बैठकै भीख मांग्या करै था, अर उस घटना तै जो उसकै गेल्या होई थी वे घणे अचम्भित अर हैरान होए। 11 जिब वो पतरस अर यूहन्ना ताहीं पकड़े होए था, तो सारे माणस घणे हैरान होन्दे होए उस बराम्दा म्ह जो सुलेमान का कुद्दावै सै, उनके धोरै भाज्जे आये। 12 न्यू देखकै पतरस नै एक माणसां तै कह्या, “हे इस्राएलियों, थम इस माणस पै क्यातै हैरान होवो सो, म्हारी ओड़ क्यातै इस ढाळ लखाओ सों, के मान्न्वो हमनै-ए अपणी सामर्थ या भगति तै इस ताहीं चाल्लण-फिरण जोग्या बणा दिया। 13 अब्राहम अर इसहाक अर याकूब के परमेसवर, म्हारे पूर्वजां के परमेसवर नै अपणे सेवक यीशु मसीह की महिमा करी, जिस ताहीं थमनै पकड़वा दिया, अर जिब राज्यपाल पिलातुस नै उस ताहीं छोड़ देण का विचार करया, फेर थमनै उसकै स्याम्ही उसका इन्कार करया। 14 थमनै उस धर्म अर पवित्र का इन्कार करया, अर बिनती करी के एक खूनी ताहीं थारे खात्तर छोड़ दिया जावै, 15 अर थमनै अनन्त जीवन के कर्ता ताहीं मार दिया, जिस ताहीं परमेसवर नै मरे होया म्ह तै जिन्दा करया, अर इस बात के हम गवाह सां। 16 मसीह यीशु के नाम म्ह बिश्वास के कारण इस माणस नै जिसनै थम जाणो सों, जिसनै थम इस बखत देख्खण लागे सों, उस ताहीं ताकत दी सै, यो माणस यीशु के नाम म्ह अर मसीह यीशु पै बिश्वास के जरिये कती भला चंगा होया सै, जिसा के थम खुद देख सको सों।” 17 “इब हे भाईयो, मन्ने बेरा सै के थमनै अर थारे अगुवां नै यो काम अज्ञानता म्ह करया, क्यूँके थम न्ही जाणो थे के वो मसीह सै। 18 पर जिन बात्तां ताहीं परमेसवर नै सारे नबियाँ के मुँह तै पैहल्याए तै बता दिया था, के उसका मसीह दुख ठावैगा, उन ताहीं उसनै इस्से ढाळ पूरा करया। 19 इस करके, पाप करणा छोड़ द्यो अर बोहड़ आओ के थारे पाप मिटाए जावै, जिसतै प्रभु के स्याम्ही तै सुख-चैन के दिन आवै, 20 अर वो यीशु ताहीं भेज्जे, जो थारे खात्तर पैहल्या तै ए मसीह ठहराया गया सै। 21 जरूरी सै के वो सुर्ग म्ह उस बखत ताहीं रहवै जिब ताहीं के वो सारी बात्तां का सुधार ना कर लेवै जिसका जिक्र पुराणे बखत तै परमेसवर नै अपणे पवित्र नबियाँ के मुँह तै करया सै। (aion g165) 22 जिस ढाळ के मूसा नबी नै कह्या, ‘परमेसवर थारे भाईयाँ म्ह तै थारे खात्तर मरे जिसा एक नबी भेज्जेगा, जो किमे वो थारे तै कहवै उसकी सुणीयो।’ 23 पर हरेक माणस जो उस नबी की न्ही सुणै, आदमियाँ म्ह तै नाश

करया जावैगा।” 24 “अर शमूल तै लेके उसकै पाछै आळा ताहीं जितने नबी बोल्ले उन सारया नै इन दिनां का सन्देशा दिया सै। 25 थम सारे नबियाँ की ऊलाद अर उस करार के हिस्सेदार सो, जो परमेसवर नै थारे बाप-दादां तै करया, जिब उसनै अब्राहम तै कह्या, ‘तेरी पीढ़ी के जरिये धरती के सारे खानदान आशीष पावेंगें।’ 26 परमेसवर नै अपणे सेवक ताहीं मरे होया म्ह तै ठाकै सब तै पैहल्या थारे धोरै भेज्या, के थारे म्ह तै हरेक ताहीं उसकी बुराईयाँ तै पलटा के आशीष देवै।”

**4** जिब वे आदमियाँ तै न्यू कहण लागे थे, तो याजक अर मन्दर के सरदार अर सद्की दल के लोग उनपै चढ़ आये। 2 क्यूँके वे घणे खुन्दक म्ह थे के वे आदमियाँ ताहीं सिखावै थे, अर यीशु का उदाहरण दे-देकै प्रचार करै थे, के परमेसवर मुर्दा नै एक दिन जिन्दा करैगा जिसा उसनै यीशु ताहीं करया। 3 उननै उन ताहीं बन्दी बणाके दुसरे दिन तक हवालात म्ह राख्या क्यूँके साँझ होगी थी। 4 पर वचन के सुणण आळा म्ह तै घणाए नै बिश्वास करया, अर उनकी गिणती पाँच हजार माणसां के करीबन होगी थी। 5 दुसरे दिन इसा होया के उनके सरदार, यहूदी अगुवें, शास्त्री 6 अर महायाजक हन्ना, कैफा, यूहन्ना, सिकन्दर अर जितने महायाजक के कुण्बे के थे, सारे यरुशलेम नगर म्ह एक जगहां कट्टे होए। 7 वे उन ताहीं बिचाळै खड्या करके बुड़झण लागे के थमनै यो काम किसके सामर्थ तै अर किसके नाम तै करया सै। 8 फेर पतरस नै पवित्र आत्मा तै भरके उनतै कह्या, 9 “हे माणसां के सरदारो अर यहूदी अगुवों, इस कमजोर माणस गेल्या जो भलाई करी गयी सै, जै आज म्हारै तै उसकै बारे म्ह पूछताछ करी जावै सै, के वो किस ढाळ ठीक होया।” 10 तो थम सारे अर सारे इस्राएली आदमी जाण लेवै के यीशु मसीह नासरी के नाम तै जिस ताहीं थमनै क्रूस पै चढ़ाया, अर परमेसवर नै मरे होया म्ह तै जिन्दा करया, यो माणस थारे स्याम्ही भला-चंगा खड्या सै। 11 यीशु मसीह ए वो पत्थर सै जिस ताहीं थम राजमिस्त्रियाँ नै नकार दिया, अर वो सिरे का पत्थर होग्या। 12 “यीशु के अलावा किसे दुसरे नाम म्ह उद्धार कोनी, क्यूँके सुर्ग के तळे माणसां म्ह और कोए दुसरा नाम कोनी दिया गया, सिर्फ यीशु के जरिये हम उद्धार पा सकां सां।” 13 जिब उननै पतरस अर यूहन्ना की हिम्मत देख्खी, अर न्यू बेरा लाग्या के ये अनपढ़ अर साधारण सा माणस सै, तो अचम्भा करया, फेर उन ताहीं पिच्छाणया के ये यीशु के गेल्या रहे सै। 14 उस माणस ताहीं जो ठीक होया था, पतरस अर यूहन्ना के गेल्या खड़े देखके, वे बिरोध म्ह किमे न्ही कह सके। 15 पर उन ताहीं यहूदी अगुवां की सभा तै बाहर जाण का हुकम देके, वे आप्पस म्ह विचार करण लागे, 16 “हम इन माणसां के गेल्या के करा? क्यूँके यरुशलेम नगर के सारे रहणीया नै बेरा पाटरया सै, के इनके जरिये एक मशहुर चमत्कार दिखाया गया सै, अर हम उसकै बारे म्ह नाट न्ही सकदे। 17 पर माणसां म्ह इस सुसमाचार का और घणा प्रसार ना हो।” 18 फेर उन

तार्हीं बुलाया अर चेतावनी देके न्यू कह्या, “यीशु कै नाम पै ना तो वे चर्चा करै अर ना सिखाइयो।” 19 पर पतरस अर यूहन्ना नै उन तार्हीं जवाब दिया, “थमे न्याय करो, के यो परमेसवर के धोरै भला सै के हम परमेसवर की बात तै बढ़के थारी बात मान्नां। 20 क्यूँके यो तो म्हारै तै न्ही हो सकदा के जो हमनै देख्या अर सुण्या सै, वो न्ही कहां।” 21 फेर उननै उन तार्हीं और धमकाके छोड़ दिया, क्यूँके आदमियाँ के कारण उन तार्हीं सजा देण का कोए मौक्का न्ही मिल्या, इस करके के जो घटना होई थी उसके कारण सारे आदमी परमेसवर की बड़ाई करै थे। 22 वो माणस जो अचम्भे के काम तै ठीक होया था, चाळीस बरस तै घणी उग्र का था। 23 वे छूट कै अपने साथियाँ कै धोरै आए, अर जो किमे प्रधान याजकां अर यहूदी अगुवां नै उनतै कह्या था, उन तार्हीं सुण्या दिया। 24 न्यू सुणके उननै एक मन होके ठाडु आवाज तै परमेसवर तै कह्या, “हे माल्लिक,” तू वोए सै जिसनै सुर्ग अर धरती अर समुन्दर अर जो किमे उन म्ह सै बणाया सै। 25 तन्नै पवित्र आत्मा के जरिये अपने सेवक म्हारै पूर्वज दाऊद के मुँह तै कह्या, “गैर यहूदियाँ नै रोळा क्यार्तै मचाया? अर देश-देश के माणसां नै क्यार्तै बेकार म्ह बात सोच्ची?” 26 प्रभु अर उसके अभिषिक्त के बिरोध म्ह धरती के राजा खड़े होए, अर हाकिम एक सेती कठ्ठे होए। 27 “क्यूँके साच्चए तेरे सेवक यीशु कै बिरोध म्ह, जिसका तन्नै अभिषेक करया, हेरोदेस अर पुन्तियुस पिलातुस भी गैर यहूदियाँ अर इस्राएलियाँ के गेल्या इस नगर म्ह कठ्ठे होए, 28 के जो किमे पैहल्या तै तेरी सामर्थ अर बुद्धि तै ठहरा था वोए करै। 29 इब हे प्रभु, उनकी धमकियाँ नै सुण, अर अपने दास्सां तार्हीं यो वरदान दे के तेरा वचन बड़ी हिम्मत तै सुणावै। 30 ठीक करण कै खात्तर तू अपना हाथ बढ़ा के चमत्कार अर अनोक्खे काम तेरे पवित्र सेवक यीशु कै नाम तै करे जावै।” 31 जिब उननै प्रार्थना कर ली, तो वा जगहां जित वे कठ्ठे थे काम्बगी, अर वे सारे पवित्र आत्मा तै भरगे, अर परमेसवर का वचन हिम्मत तै सुणान्दे रहे। 32 बिश्वास करण आळा का टोळ एक चित्त अर एक मन का था, उरै तार्हीं के कोए भी अपनी सम्पत्ति अपनी न्ही कहवै था, पर सारा किमे साइझै म्ह था। 33 प्रेरित बड़ी सामर्थ तै प्रभु यीशु के जिन्दा होण की गवाही देन्दे रहे, अर उन सारया पै घणा अनुग्रह था। 34 अर उन बिश्वासियाँ म्ह कोए भी गरीब कोनी था, क्यूँके जिनके धोरै धरती या घर थे, वे उननै बेच-बेचके, बिकी होई चिज्जां का दाम ल्यावे थे, अर उस तार्हीं प्रेरितां के पायां म्ह धरै थे। 35 अर जिसी जिसकी जरूरत होवै थी, उसके मुताबिक हरेक तार्हीं बांड दिया करै थे। 36 यूसुफ नाम का साइप्रस टापू का एक लेवी था जिसका नाम प्रेरितां नै बरनबास (यानिके उत्साहित करण आळा) धरया था। 37 उसकी किमे धरती थी, जिस तार्हीं उसनै बेच्या, अर दाम के रपिये प्रेरितां के पायां म्ह धर दिए।

5 हनन्याह नाम का एक माणस अर उसकी घरआळी सफीरा नै अपनी कुछ जमीन बेची। 2 अर उसके दाम म्ह तै कुछ अपने खात्तर राख लिया, अर या बात उसकी घरआळी भी जाणै थी, उसका एक हिस्सा ल्याकै प्रेरितां के पायां म्ह धर दिया। 3 पतरस बोल्या, “हे हनन्याह! शैतान नै तेरे मन म्ह या बात क्यार्तै घाल्ली के तू पवित्र आत्मा तै झूठ बोल्लै, अर जमीन के दाम म्ह तै किमे राख लेवै? 4 के बेचण तै पैहल्या वा जमीन तेरी कोनी थी? अर जिब बिकगी तो उस धन पै तेरा हक कोनी था? तन्नै या बात अपने मन म्ह क्यार्तै सोच्ची? तन्नै माणसां तै न्ही, पर परमेसवर तै झूठ बोल्या सै।” 5 या बात सुणदे हनन्याह जमीन पै गिर पड्या अर जी लिकड़ग्या, सारे सुणण आळे घणे डरगे। 6 फेर जवानां नै उठके उसकी लाश तार्हीं कपड़े म्ह लपेटा अर बाहरणै ले जाके गाड़ दिया। 7 करीबन तीन घंटा के पाच्छै उसकी घरआळी, जिसनै बेराए कोनी था जो किमे होया था, भीत्तर आई। 8 फेर पतरस नै उसतै कह्या, “मन्नै बता के थम दोनुआं नै वा जमीन इतनै म्ह बेची थी?” वा बोल्ली, “हाँ, इतनै ए म्ह।” 9 पतरस नै उसतै कह्या, “या के बात सै के थम दोनुआं नै प्रभु की आत्मा तार्हीं परखण खात्तर एक्का करया? लखा, तेरे धणी नै गाडुण आळे बाहरणै ए खड़े सै, अर तन्नै भी बाहरणै ले जावैगे।” 10 फेर वा जिब्बे उसके पायां म्ह गिर पड़ी, अर जी लिकड़ग्या, अर जवानां नै भीत्तर आके उस तार्हीं मरया पाया, अर बाहरणै ले जाके उसके धणी कै धोरै ए उस तार्हीं भी गाड़ दिया। 11 यरुशलेम की सारी कलीसिया अर इन बात्तां के सारे सुणनिये भोत घणे डरगे। 12 प्रेरितां के जरिये घणे चमत्कार अर अनोक्खे काम आदमियाँ के बिचाळै दिखाए जावै थे, अर वे सारे एक चित्त होके सुलैमान के बरामदे म्ह कठ्ठे होया करै थे। 13 पर औरां म्ह तै किसे और की या हिम्मत कोनी होवै थी के उन म्ह जा मिलै, फेर भी आदमी उनकी बड़ाई करै थे। 14 प्रभु म्ह बिश्वास करण आळी की गिणती बढ़ती गई भोत घणे बिश्वासी प्रभु म्ह आ मिले, लोग-लुगाईयाँ का एक भोत बड़ा टोळ बणग्या। 15 जो प्रेरित करण लागरे थे, उसकी बजह तै माणस, बिमारां तार्हीं सडकां पै ल्या-ल्याके, खाट-खटोल्यां पै लिटा देवै थे, के जिब पतरस आवै, तो उसकी छाया-ए उन म्ह तै किसे पै पड़ जावै। 16 यरुशलेम नगर कै लोवै-धोवै के नगरां तै भी घणे माणस बिमारां अर भुंडी ओपरी आत्मायाँ के सताए होया तार्हीं चेल्यां के धोरै ल्या-ल्याके, कठ्ठे होवै थे, अर सारे ठीक कर दिए जावै थे। 17 फेर महायाजक अर उसके सारे मित्तर जो सदूकियाँ के पंथ के थे, प्रेरितां तै जळण लागगे। 18 अर प्रेरितां तार्हीं पकड़के जेळ म्ह बन्द कर दिया। 19 पर रात नै प्रभु के एक सुर्गदूत नै जेळ के किवाड़ खोल कै उन तार्हीं बाहरणै ल्याकै कह्या, 20 “जाओ, मन्दर म्ह खड़े होके अनन्त जीवन की सारी बात आदमियाँ तार्हीं सुणाओ।” 21 वे न्यू सुणके सबेरा होन्दे मन्दर म्ह जाके उपदेश देण लागगे। फेर महायाजक अर उसके

मित्तरां नै आकै यहूदी अगुवां की सभा अर इस्राएलियाँ के सारे बुजुर्गा ताहीं कठ्ठे करया, अर जेळ म्ह कहवां भेज्या के उन ताहीं ल्याओ। 22 पर मन्दर के पैहरेदारां नै उड़ै पोहचकै उन ताहीं जेळ म्ह कोन्या पाया, अर बोहड़कै संदेशां दिया, 23 “हमनै जेळ ताहीं घणी चौकसी तै बन्द कर राख्या था, अर पैहरेदारां ताहीं बाहरणै दरवाज्यां पै खड़े पायां, पर जबि खोल्या, तो भीत्तर कोए ना मिल्या।” 24 जबि मन्दर के सरदार अर प्रधान याजकां नै या खबर सुणी, तो वे घबरागे थे, अर वे यो विचार करण लागे के इन बाततां का नतिज्जा के होगा! 25 इतनै म्ह किसे नै आकै उन ताहीं बताया, “देखो, जिन ताहीं थमनै जेळ म्ह बन्द कर राख्या था, वे माणस मन्दर म्ह खड़े होकै आदमियाँ नै उपदेश देण लागरे सौ।” 26 फेर सरदार, पैहरेदारां के गेल्या ओड़ै जाकै, प्रेरितां ताहीं यहूदी अगुवां की सभा के स्याम्ही लीआया, पर हंगे तै न्ही, क्यूँके वे आदमियाँ तै डरे थे के कदे म्हारै पै पत्थर ना बरसा देवैं। फेर महायाजक नै उनतै बुझया, 28 “के हमनै थारे ताहीं चितकै हुकम न्ही दिया था के थम इस नाम तै उपदेश ना दियो? फेरभी, थमनै सारे यरुशलेम नगर ताहीं अपणे उपदेश तै भर दिया सै अर उस माणस की हत्या का कसूर थम म्हारै पै लगाणा चाहो सौ।” 29 फेर पतरस अर दुसरे प्रेरितां नै जवाब दिया, “माणसां के हुकम तै बढ़कै परमेसवर के हुकम का पालन करणा ए म्हारा फर्ज सै। 30 म्हारै पूर्वजां के परमेसवर नै यीशु ताहीं मुर्दा म्ह तै जिन्दा करया, जिस ताहीं थमनै क्रूस पै लटकाकै मार दिया था। 31 उससे ताहीं परमेसवर नै प्रभु अर उद्धारकर्ता ठेहराया अर परमेसवर नै मसीह यीशु ताहीं अपणे सोळे हाथ कान्ही बैठाया, ताके इस्राएल के माणस पाप करणा छोड़ दे, अर अपणे पापां खात्तर उन ताहीं माफी मिल सकै। 32 हम इन बाततां के गवाह सां अर उससे तरियां पवित्र आत्मा भी, जिस ताहीं परमेसवर नै उन ताहीं दिया सै जो उनका हुकम मान्ने सै।” 33 यहूदी अगुवां की सभा के सारे माणस या बात सुणकै जळगे, अर प्रेरितां ताहीं मारणा चाह्या। 34 पर गमलीएल नामक एक फरीसी नै जो शास्त्री अर सारे आदमियाँ म्ह आदर-मान राख्खे था, यहूदी अगुवां की सभा म्ह खड़े होकै प्रेरितां ताहीं थोड़ी देर खात्तर बाहरणै ले जाण का हुकम दिया। 35 फेर वो बोल्या, “हे इस्राएलियों, थम जो किमे इन माणसां गैल करणा चाहवो सौ, सोच-समझकै करियो। 36 इन दिनां तै पैहल्या थियूदास भी दावा करे था के मै भी किमे सूं, अर तकरीबन चार सौ माणस उसकै चेल्लें बणगे, पर वो मारया गया, अर उस ताहीं मानण आळे सब लोग बिखरगे अर उनका नामो-निशान भी कोनी रह्या। 37 उसकै पाछे नाम लिखाई के दिनां म्ह गलीलवासी यहूदा आया, अर कई आदमी अपणी ओड़ कर लिये, वो भी मर गया, अर जितने आदमी उसनै मान्ने थे, सारे तित्तर-बितर होग्ये। 38 ज्यांतै मै थारे तै कहूँ सूं, इन माणसां तै दूर ए रहो अर इनतै किमे काम ना राख्खो, क्यूँके जै यो धर्म या काम माणसां की ओड़ तै हो फेर तो मिट जावैगा। 39 पर जै

परमेसवर की ओड़ तै सै, तो थम उन ताहीं कदे भी न्ही मिटा सकदे। कदे इसा ना हो के थम परमेसवर तै भी लड़णआळे ठहरो।” फेर उननै उसकी बात मान ली। 40 अर प्रेरितां ताहीं बुलाकै छितवाया, अर यो हुकम देकै छोड़ दिया के यीशु के नाम तै दुबारा कोए बात ना करणा। 41 वे इस बात तै राज्जी होकै यहूदी अगुवां की सभा के स्याम्ही तै चले गये, के हम यीशु के नाम के खात्तर बेईज्जत होण के जोगे तो ठहरे। 42 वे हरेक दिन मन्दर म्ह अर घर-घर म्ह उपदेश करण तै, अर इस बात का सुसमाचार सुणाण तै के यीशु ए मसीह सै न्ही रुके।

**6** उन दिनां म्ह जबि चेल्यां की गिणती घणी बधण लागी, फेर यूनानी भाषा बोल्लण आळे यहूदी चेल्लें इब्रानी भाषा बोल्लण आळे यहूदी चेल्यां पै बिरड़ाण लागगे, के हरेक दिन पर्ईसा अर खाणे के मामलै म्ह म्हारी बिधवायाँ की सुध कोनी ली जान्दी। 2 फेर उन बारहां चेल्यां नै उन बिश्वासियाँ ताहीं जो यरुशलेम म्ह थे, अपणे थारे बुलाकै कह्या, “यो ठीक कोनी के हम परमेसवर का वचन छोड़कै खिलाण-पिलाण की सेवा म्ह रहां। 3 इस करकै, हे बिश्वासी भाईयो, अपणे म्ह तै सात बढ़िया नाम्मी माणसां ताहीं जो पवित्र आत्मा अर बुद्धि तै भरे हो, जिनके बारें म्ह सब नै बेरा हो, छॉट ल्यो, के हम उननै इस काम पै ला देवां। 4 पर हम तो प्रार्थना म्ह अर वचन के प्रचार अर शिक्षा देण की सेवा म्ह लागे रहवांगे।” 5 या बात सारे टोळ नै आच्छी लागी, अर उननै स्तिफनुस नामक एक माणस ताहीं जो बिश्वास अर पवित्र आत्मा तै भरया था, अर फिलिप्पुस, अर प्रुखुरुस, अर नीकानोर, अर तीमोन, अर परमिनास, अर अन्ताकियावासी नीकुलाउस ताहीं जो यहूदी पंथ म्ह आ गया था, छॉट लिया। 6 इन ताहीं प्रेरितां के स्याम्ही ल्याए अर उननै प्रार्थना करके उनपै हाथ धरे, ताके वे उस काम नै करै। 7 परमेसवर का वचन फैलदा गया अर यरुशलेम नगर म्ह चेल्यां की गिणती घणी बढ़ी गई, अर भोत सारे यहूदी याजक भी प्रभु यीशु के सुसमाचार पै बिश्वास करके मानणआळे होगे। 8 स्तिफनुस अनुग्रह अर सामर्थ तै भरया-पूरा होकै आदमियाँ म्ह बड़े-बड़े अनोक्खे काम अर चमत्कार दिखाया करै था। 9 फेर वो आराधनालय म्ह तै जो लिबिरतिनों की कुहावे थी, अर कुरेनी अर सिकन्दरिया अर किलिकिया अर आसिया परदेस के आदमियाँ म्ह तै कई माणस उठकै स्तिफनुस तै बहसण लागगे। 10 पर उस ज्ञान अर उस पवित्र आत्मा का जिसतै वो बात करै था, वे सामना न्ही कर सके। 11 इसपै उननै कई आदमियाँ ताहीं उकसाया जो कहण लागगे, “हमनै इस ताहीं मूसा नबी अर परमेसवर के बिरोध म्ह बुराई की बात कहन्दे होए सुणया सै।” 12 उननै स्तिफनुस के बिरुध्द माणसां, यहूदी अगुवां अर शास्त्रियाँ ताहीं उकसाया अर आकै उस ताहीं पकड़कै यहूदी अगुवां की सभा के स्याम्ही ले गये। 13 अर उननै झूठे गवाह खड़े करे, जिननै स्तिफनुस पै यो इलजाम लगाके, कह्या, “यो माणस इस पवित्र जगहां अर मूसा के नियम-कायदे के बिरोध

मह बुराई करणा नही छोड़दा। 14 क्यूँके हमने उस ताहीं न्यू कहन्दे सुण्या सै के योए यीशु नासरी इस मन्दर नै गेर देवैगा, अर उन रिवाज्जां नै बदल देवैगा जो मूसा नबी नै म्हारे ताहीं सौंपी सै।” 15 फेर सारे आदमियाँ नै जो यहूदी अगुवां की सभा मह बेट्टे थे, उसपै निगांह गड़ाई तो उसका मुँह सुर्गदूत जिसा दिख्या।

**7** फेर महायाजक नै स्तिफनुस तै बुझया, “के यो इलजाम सच सै?” 2 उसनै कह्या, “हे भाईयो, अर बुजुर्गो सुणो। म्हारा पूर्वज अब्राहम हारान नगर मह बसण तै पैहल्या जिब वो मेसोपोटामिया परदेश मह था, तो तेजोमय परमेसवर नै उस ताहीं दर्शन दिया, 3 अर उसतै बोल्या, ‘तू अपने देश अर अपने कुणबे मह तै लिकड़के उस देश मह जा, जिस ताहीं मै तन्नै दिखऊँगा।” 4 फेर अब्राहम कसदियो के देश तै लिकड़के हारान नगर मह जा बस्या। उसके पिता की मौत कै पाछै परमेसवर नै उस ताहीं ओड़ै तै इस देश मह ल्याकै बसाया जिसमह इब हम बसां सां, 5 अर उस ताहीं कुछ भी विरासत नही दी, बल्के पैर धरण भर की भी उस मह जगहां कोनी देई, पर परमेसवर नै वादा करया, के मै यो देश तेरे अर तेरे बाद तेरे वंश कै हाथ कर दियुंगा, हालाकि उस बखत उसके कोए बेट्टा कोनी था। 6 अर परमेसवर नै यो भी कह्या, “वे लोग उननै गुलाम बना लेंगे, अर चार सौ साल ताहीं उनकै गैल भुंडा बरताव करैगें।” 7 फेर परमेसवर नै यो भी कह्या, “के जिस जात के वे गुलाम होवेंगे, उस ताहीं मै सजा देऊँगा, अर इसके बाद वे लिकड़के इस्से देश मह मेरी भगति करैगें।” 8 अर परमेसवर नै अब्राहम कै गैल खतने का करार करया, जिब अब्राहम के बेट्टे इसहाक का जन्म होया, तो आंठवै दिन उसका खतना करया गया, अर इसहाक तै याकूब अर याकूब तै बारहां कुलपति पैदा होए। 9 “कुलपतियाँ नै अपने भाई यूसुफ तै जळण करके उस ताहीं मिस्र देश जाण आळा ताहीं बेच्या। पर परमेसवर उसके गेल्या था, 10 अर परमेसवर नै यूसुफ ताहीं उसके सारे क्लेशां तै छुड़ाके मिस्र देश कै राजा फिरौन की निगांह मह अनुग्रह अर बुद्धि दी, अर फिरौन नै उस ताहीं मिस्र देश पै अर अपने सारे घर पै हाकिम बना दिया। 11 “जिब यूसुफ मिस्र देश का हाकिम था, तो सारे मिस्र देश अर कनान देश मह अकाळ पड़या, जिसतै हरेक जगहां हाहाकार माचया, अर म्हारे पूर्वजां ताहीं नाज कोनी मिले था। 12 पर याकूब नै न्यू सुणके के मिस्र देश मह नाज सै, म्हारे पूर्वजां ताहीं नाज मोल लेण खात्तर पैहली बार भेज्या। 13 जिब वे दुसरी बार नाज मोल लेण खात्तर गये, तो यूसुफ नै खुद ताहीं अपने भाईयाँ पै जाहिर करया, अर यूसुफ के परिवार के बारे मह फिरौन नै बेरा पाटग्या। 14 फेर यूसुफ नै अपने बाप याकूब अर अपने साबतै कुणबे ताहीं, जो पचत्तर माणस थे, बुलवा भेज्या। 15 फेर याकूब मिस्र देश गया, अर कुछ साल्लां बाद ओड़ैए वो अर म्हारे पूर्वज मरग्ये। 16 उनकी लाश शकेम नगर मह पहुँचाके उस कब्र मह धरी गई, जिस

ताहीं अब्राहम नै चाँदी देके शकेम नगर मह हमोर की ऊलाद तै मोल लिया था।” 17 “पर जिब उस वादा के पूरे होण का बखत लोवै आया जो परमेसवर नै अब्राहम तै करया था, तो मिस्र देश मह वे आदमी बढग्ये अर घणे होग्ये। 18 फेर मिस्र देश मह दुसरा राजा होया जो यूसुफ ताहीं कोनी जाणै था। 19 उसनै म्हारे जात्ति भाईयाँ तै हेरा-फेरी करके म्हारे पूर्वजां कै गेल्या उरै ताहीं भुंडा बीवार करया, के अपने माँ-बाप नै अपने बाळकां ताहीं बगाणे पड़गे, के एक भी बाळक जिन्दा ना रहवें। 20 “उस बखत मूसा नबी पैदा होया। वो परमेसवर की निगांह मह घणा सुथरा था। वो तीन महिन्ने ताहीं अपने बाप कै घरां लुटको कै पाळया गया। 21 जिब उसके परिवार आळे उस ताहीं और नही लहको सके, तो उननै मूसा ताहीं छोड़णा पड्या, फेर फिरौन की बेट्टी नै उस ताहीं ठा लिया, अर अपना बेट्टा करके पाळया। 22 मूसा नबी नै मिस्र देश की सारी विद्या पढ़ाई गई, अर वो बोलण मह अर काम करण मह, दोनुआ मह सामर्थ था।” 23 “जिब मूसा नबी चाळीस साल का होया, तो उसके मन मह आया के मै अपने इस्राएली भाईयाँ तै मिलूँ। 24 उसनै एक इस्राएली माणस पै जुल्म होन्दे देखके उस ताहीं बचाया, अर उस मिस्री आदमी ताहीं मारके सताए होए का बदला लिया। 25 मूसा नै सोच्या के उसके भाई-बन्धु जाण जावेंगे के उन ताहीं गुलामी तै छुटकारा दुआण खात्तर परमेसवर उसका इस्तमाल करण लाग रह्या सै, पर वे इस ताहीं समझ नही पाये। 26 दुसरे दिन जिब वे आप्पस मह लड़े थे, तो वो उड़ै तै आण लिकड़या, अर न्यू कहके उननै मेल करण के खात्तर समझाया, ‘हे भले माणसां, थम तो भाई-भाई सो, एक-दुसरे पै क्यातै जुल्म करो सो?’” 27 “पर जो अपने पड़ोसी पै जुल्म करै था, उसनै उस ताहीं न्यू कहके थक्का दिया, ‘तेरे ताहीं किसनै म्हारे पै हाकिम अर न्यायाधीश ठहराया सै?’ 28 के जिस ढाळ तै तन्नै काल उस मिस्री आदमी ताहीं मार दिया मन्नै भी मार देणा चाहवै सै?’ 29 या बात सुणके मूसा नबी डरके भाज्या अर मिधान देश मह परदेशी होके रहण लागया, अर ओड़ै उसके दो बेट्टे पैदा होए।” 30 “जिब मूसा ताहीं ओड़ै रहन्दे पूरे चाळीस साल बीतगे, तो परमेसवर नै एक सुर्गदूत के रूप मह सीनै पहाड़ के बण मह उस ताहीं बळदी होई झाड़ी की ज्वाला मह दर्शन दिया। 31 मूसा नबी नै यो बळदी होई झाड़ी का दर्शन देखके हैरानी होई, अर जिब देखण खात्तर लोवै गया, तो प्रभु की या वाणी सुणाई दी, 32 ‘मै तेरे पूर्वज, अब्राहम, इसहाक, याकूब का परमेसवर सूँ’ फेर मूसा नबी डर के मारे काम्बग्या, उरै ताहीं के उसकी देखण की हिम्मत भी कोनी होई।” 33 “फेर प्रभु नै मूसा नबी तै कह्या, ‘अपणे पायां तै जूती उत्तार ले, क्यूँके जिस जगहां तू खड्या सै, वा पवित्र धरती सै। 34 मन्नै साच्ये अपने आदमियाँ की जो मिस्र देश मह सै, भुन्डी हालत देक्खी सै, अर उनकी आह अर उनका रोणा सुण्या सै, ज्यांतै उन ताहीं छुड़ाण के खात्तर उतरया सूँ। इब आ, मै तन्नै मिस्र देश भेजऊँगा।” 35 “जिस मूसा नबी ताहीं उननै

न्यू कहकै नकारा दिया था, 'तेरे ताहीं किसनै म्हारे पै हाकिम का बिरोध करो सो। जिंसा थारे पूर्वज करै थे, उस्से तरियां ए अर न्यायाधीश ठहराया सै?' उस्से ताहीं परमेसवर नै हाकिम थम भी करो सो। 52 के कोए इसा भी नबी था, जिस ताहीं थारे अर छुड़ाण आळा ठहराके उस सुर्गदूत के जरिये जिसनै उस पूर्वजां नै न्ही सताया हो? उननै तो उस ताहीं भी मार दिया, ताहीं झाड़ी म्ह दर्शन दिया था, भेज्या। 36 योए माणस मिस देश जिननै भोत पैहले ए तै उस मसीहा के आण की मुनादी कर अर लाल समुन्दर अर जंगळ म्ह चाळीस साल ताहीं अनोकखे दी थी, जिस ताहीं इब थमनै धोकखे तै पकड़वा दिया अर मार काम अर चमत्कार दिखा-दिखाके उन ताहीं लिकाड़ ल्याया।" दिया। 53 थमनै सुर्गदूतां के जरिये ठहराये होए नियम-कायदे 37 यो वोए मूसा नबी सै, जिसनै इस्राएल के माणसां तै कह्या, तो पाए, पर उसका पालन कोनी करया।" 54 ये बात सुणके "परमेसवर थारे भाईयाँ म्ह तै थारे खात्तर मेरै जिंसा एक नबी यहूदी अगुवें छो म्ह भरगे अर स्तिफनुस पै दौत पिस्सण लागे। ठावैगा। 38 यो वोए सै, जिसनै जंगळ म्ह इस्राएली मण्डळी के 55 पर उसनै पवित्र आत्मा तै पूरी तरियां भरकै सुर्ग की ओड़ बिचाळै उस सुर्गदूत के साथ सीनै पहाड़ पै उसतै बात करी, अर देख्या अर परमेसवर की महिमा अर यीशु ताहीं परमेसवर के म्हारे पूर्वजां के गेल्या था, उस्से ताहीं जिन्दा वचन मिल्या ताके सोळी ओड़ खड्या देखके 56 कह्या, "देकखो, मै सुर्ग नै खुल्या म्हारे तक पोहोचावै।" 39 पर म्हारे पूर्वजां नै उसकी मानणी होया, अर माणस के बेटे ताहीं परमेसवर के सोळी ओड़ खड्या कोनी चाह्यी, बल्के उस ताहीं हटाके अपणे मन मिस देश की देखु सूं।" 57 फेर ये बात सुणते ए सुणण आळा नै चीखते होए ओड़ पलटे, 40 अर मूसा नबी के भाई हारुन तै, कह्या, म्हारै अपणे कान्ना पै हाथ रख लिये, अर वे छो म्ह एक साथ उसपै खात्तर इसा देवता बणा, जो म्हारे आगै-आगै चाल्लै, क्यूँके टूट पड़े, 58 अर स्तिफनुस ताहीं यरुशलेम नगर के बाहरणै लिकाड़के उसपै पत्थर बरसाण लागे। गवाहां नै अपणे लते यो मूसा नबी जो हमनै मिस देश तै लिकाड़ ल्याया, हमनै न्ही शाऊल नामक एक जवान के पायां के धौरे उतारके धर दिए। बेरा के उसकै के होया? 41 उन दिनां म्ह उननै एक बाछड़े की 59 वे स्तिफनुस पै पत्थर बरसान्दे रहे, अर वो न्यू कहकै प्रार्थना मूर्ति बणाके उसके आगै बलि चढ़ाई, अर अपणे हाथ्थां तै करदा रह्या, "हे प्रभु यीशु, मेरी आत्मा ताहीं अपणाले।" 60 फेर बणाई होई मूर्ति तै मग्न होण लागे। 42 इस खात्तर परमेसवर गोड्डे टेकके ठाडू आवाज म्ह रुक्का मारया, "हे प्रभु, यो पाप नै मुँह मोड़के उन ताहीं छोड़ दिया, के अकास के सूरज चाँद उनपै मतना ला।" अर न्यू कह के उसनै अपणे प्राण दे दिए। सितारां ताहीं परमेसवर मानके पुजै, जिंसा नबियाँ की किताब 8 शाऊल उसके मारण म्ह सहमत था। उस्से दिन यरुशलेम म्ह लिख्या सै, "हे इस्राएल के घराने, के थम जंगळ म्ह चाळीस नगर की कलीसिया म्ह घणा दंगा शरु होग्या अर प्रेरितां नै 43 "थम उस तम्बू ताहीं जिस म्ह मोलेक देवता की मूर्ति अर छोड़के सारे के सारे यहूदिया अर सामरिया परदेस म्ह खिंड-मिंड होग्ये। 2 कुछ परमेसवर भगतां नै स्तिफनुस ताहीं कब्र अपणे रिफान देवता, के तारे नै लिये फिरे, यानिके उन मूरतां म्ह धरया अर उसके खात्तर घणा बिलाप करया। 3 शाऊल ताहीं जिन ताहीं थमनै आराधना करण के खात्तर बणाया था। कलीसिया नै सताण लागरया था, अर घर-घर म्ह बड़के माणसां इस करके मै थारे ताहीं बेबीलोन देश तै परली ओड़ ले जाके अर लुगाईयाँ ताहीं घिसड़ा-घिसड़ा के जेळ म्ह गेरे था। 4 जो बसाऊंगा।" 44 "मिलापआळे तम्बू की जंगल-बियाबान म्ह बिश्वासी खिंड-मिंड होए थे, वे सुसमाचार सुणान्दे होए हान्डे, 5 म्हारै पूर्वजां के बिचाळै था, जिंसा उसनै ठहराया जिंसा नै मूसा अर फिलिप्पुस सामरिया परदेस के एक नगर म्ह जाके माणसां नबी तै कह्या, 'जो रूप तन्नै देख्या सै, उसके मुताबिक इसनै 6 जो बात फिलिप्पुस नै 7 क्यूँके घणखरयां म्ह तै भुंडी ओपरी आत्मा ठाडू आवाज म्ह किल्की मारदी होई लिकड़ग्यी, अर घणखरे लकवे के बीमार अर लंगड़े 8 अर उस नगर म्ह घणी खुशी मनाई गई। 9 भी ठीक करे गये, 9 उस नगर म्ह शमौन नाम का एक माणस था, जो जादू-टोणा 10 छोट्या तै लेके बड्डयाँ करके सामरिया परदेस के आदमियाँ नै हैरान करदा अर खुद 11 उसनै घणे दिनां तै ताहीं एक बड़डा माणस बतावै था। 10 छोट्या तै लेके बड्डयाँ 12 पर जिब माणसां नै परमेसवर ताहीं सारे उसका आदर करके कहवै थे, "यो माणस परमेसवर 11 उसनै घणे दिनां तै की वा शक्ति सै, जो महान कुहावै सै।" 11 उसनै घणे दिनां तै 12 पर जिब माणसां नै परमेसवर उन ताहीं अपणे जादू के काम्मां तै हैरान कर राख्या था, ज्यातै वे उसकी घणी मान्ने थे। 12 पर जिब माणसां नै परमेसवर के राज्य अर यीशु मसीह के नाम का सुसमाचार, फिलिप्पुस

के संदेश मह सुण्या, तो सारे माणसां अर लुगाईयाँ नै बिश्वास करया अर सब नै बपतिस्मा ले लिया। 13 फेर शमीन नै खुद भी फिलिप्पुस के संदेश का बिश्वास करया अर बपतिस्मा लेके उसकै गेल्या रहण लाग्या। वो चमत्कार अर बड़े-बड़े सामर्थ के काम होन्दे देखके हैरान होवै था। 14 जिब प्रेरितां नै जो यरुशलेम नगर म्ह थे, सुण्या के सामरिया परदेस के माणसां नै परमेसवर का वचन मान लिया सै तो पतरस अर यूहन्ना ताहीं उनकै धोरे भेज्या। 15 उननै ओड़ै जाके उनकै खात्तर प्रार्थना करी के पवित्र आत्मा पावै। 16 क्यूँके वो इब ताहीं इन म्ह तै किसे पै भी कोनी उतरया था, उननै तो सिर्फ प्रभु यीशु के नाम तै बपतिस्मा लिया था। 17 फेर प्रेरितां नै उनपै हाथ धरे अर उननै पवित्र आत्मा पाया। 18 जिब शमीन नै देख्या के प्रेरितां कै हाथ धरण तै पवित्र आत्मा दिया जावै सै, तो उनकै धोरे रपिये ल्याकै कह्या, 19 “या शक्ति मन्ने भी घो, के जिस किसे पै हाथ धरूँ वो पवित्र आत्मा पावै।” 20 पतरस नै उसतै कह्या, “तेरे रपिये तेरे गेल्या नाश होज्या, क्यूँके तन्नै परमेसवर का दान रपियाँ तै मोल लेण का विचार करया। 21 इस बात म्ह ना तेरा हिस्सा सै, ना हक, क्यूँके तेरा मन परमेसवर के आगै सच्चा कोनी। 22 इस करके अपणी इस बुरी सोच नै छोड़के प्रभु तै प्रार्थना कर, हो सकै सै वो तेरे मन का यो बुरा विचार माफ करदे। 23 क्यूँके मै देक्खूँ सूँ के तू कड़वाहट तै भरया सै अर पाप के चुंगल म्ह फँसा सै।” 24 शमीन नै जवाब दिया, “थम मेरै खात्तर प्रभु तै प्रार्थना करो के जो बात थमनै कही, उन म्ह तै कोए भी मेरे पै न्ही आवै।” 25 आखर म्ह वे गवाही देके प्रभु यीशु का वचन सुणाके यरुशलेम नगर नै बोहड़गे, अर सामरिया के घणखरे गाम्मां म्ह सुसमाचार सुणान्दे गये। 26 फेर प्रभु कै एक सुराद्दत नै फिलिप्पुस तै कह्या, “उठ अर दक्षिण की ओड़ उस राह पै जा, जो यरुशलेम नगर तै गाज़ा नगर म्ह जावै सै।” यो बियाबान राह सै। 27 वो उठके चल दिया, अर देक्खो, कूश देश का एक माणस आण लागरया था जो खोजा (किन्नर) अर कूशियों की राणी कन्दाके का मंत्री अर खजांची था। वो आराधना करण खात्तर यरुशलेम नगर म्ह आया था। 28 वो अपणे रथ पै बैठ्या होया था, अर यशायाह नबी की किताब पढ़दा होया बोहड़ण लागरया था। 29 फेर पवित्र आत्मा नै फिलिप्पुस ताहीं कह्या, “लोवै जाके इस रथ कै गेल्या हो ले।” 30 फिलिप्पुस दौड़ कै रथ के धोरे पोहचा अर उस ताहीं यशायाह नबी की किताब पढ़ते होए सुण्या, अर बुड़झया, “तू जो पढ़े सै, के उसनै समझै भी सै?” 31 वो बोल्या, “जिब ताहीं कोए मेरै ताहीं न्ही समझावै तो मै किस ढाळ समझूँ।” अर फिलिप्पुस तै बिनती करी के वो रथ पै चढ़के उसकै धोरे बैठै। 32 पवित्र ग्रन्थ का जो पाठ वो पढ़े था, वो यो था: “वो भेड़ की ढाळ मारण खात्तर पोहचाया गया, अर जिस तरियां मेम्ना अपणे ऊन काटण आळा कै स्याम्ही बोल-बाल्ला रहवै सै, उससे तरियां ए उसनै भी अपणा मुँह कोनी खोल्या।” 33 “उस ताहीं अपमानित

करया गया अर उस ताहीं कोए न्याय न्ही मिल्या। उसकै बखत के माणसां का ब्यौरा कौण देवैगा? क्यूँके धरती तै उसका प्राण ठा लिया जावै सै।” 34 इसपै खोजे (किन्नर) नै फिलिप्पुस तै बुड़झया, “मै तेरे तै बिनती करूँ सूँ, न्यू बता के नबी यो किसकै बारे म्ह कहवै सै, अपणे या किसे दुसरे कै बारे म्ह?” 35 फेर फिलिप्पुस नै बताणा शरु करया, अर इस्से पवित्र ग्रन्थ तै शरु करके उस ताहीं यीशु का सुसमाचार सुणाया। 36 राह म्ह चाल्दे-चाल्दे वे किसे तालाब कै धोरे पोहचे। फेर खोजे नै कह्या, “लखा उरै पाणी सै, इब मन्ने बपतिस्मा लेण म्ह के रोक सै।” 37 फिलिप्पुस बोल्या, “जै तू पूरे मन तै बिश्वास करै सै तो ले सकै सै।” उसनै जवाब दिया, “मै बिश्वास करूँ सूँ के यीशु मसीह परमेसवर का बेटा सै।” 38 फेर उसनै रथ खड्या करण का हुकम दिया, अर फिलिप्पुस अर खोजा (किन्नर) दोन्नु तालाब म्ह बड़गे, अर उसनै खोजा (किन्नर) ताहीं बपतिस्मा दिया। 39 जिब वे पाणी म्ह तै लिकड़के ऊपरान आये, तो प्रभु का आत्मा फिलिप्पुस ताहीं ठा लेग्या, अर खोजे नै उस ताहीं दुबारा न्ही देख्या, अर वो खुश था क्यूँके परमेसवर नै उस ताहीं बचा लिया सै। 40 फिलिप्पुस अशदोद नगर म्ह आ लिकड़्या, अर जिब ताहीं कैसरिया नगर म्ह न्ही पोंहच्या, तब तक नगर-नगर सुसमाचार सुणान्दा गया।

**9** शाऊल जो इब ताहीं प्रभु यीशु के चेल्यां ताहीं धमकाण अर मारण की धुन म्ह था, महायाजक कै धोरे गया 2 अर उसतै दमिश्क नगर के आराधनालयों कै नाम पै इस बाबत म्ह चिट्टियाँ माँगी के, के चाहे माणस हो, चाहे लुगाई हो, जिन नै वो इस पंथ म्ह पावै उन ताहीं बाँधके यरुशलेम नगर लियावै। 3 पर चाल्दे-चाल्दे जिब शाऊल अर उसके साथी दमिश्क नगर कै लोवै पोहुच्ये, तो चाणचक अकास तै उसके चौगरदे नै चाँदणा चमक्या, 4 अर वो धरती पै पड़ग्या अर परमेसवर का यो शब्द सुण्या, “हे शाऊल, हे शाऊल, तू मन्ने क्यातै सतावै सै?” 5 उसनै बुड़झया, “हे प्रभु, तू कौण सै?” उसनै कह्या, “मै यीशु सूँ, जिस ताहीं तू सतावै सै। 6 पर इब उठके नगर म्ह जा, अर जो तन्नै करणा सै वो तेरे तै कह्या जावैगा।” 7 जो माणस उसकै गेल्या थे, वे हैरान रहग्ये, क्यूँके बोल तो सुणै थे पर किसे ताहीं देक्खै कोनी थे। 8 फेर शाऊल धरती पै तै उठ्या, पर जिब आँख खोल्ली तो उस ताहीं किमे कोनी दिख्या, अर वे उसका हाथ पकड़के दमिश्क नगर म्ह ले गये। 9 वो तीन दिन ताहीं कोनी देख सक्या, अर ना खया अर ना पिया। 10 दमिश्क नगर म्ह हनन्याह नामक एक चेल्ला था, उसतै प्रभु यीशु नै दर्शन म्ह कह्या, “हे हनन्याह!” वो बोल्या, “हाँ, प्रभु!” 11 फेर प्रभु नै उसतै कह्या, “उठके उस गळी म्ह चल्या जा जो ‘सीध्धी’ कुहावै सै, अर यहूदा कै घर म्ह शाऊल नामक एक तरसुसवासी नै बुझ, क्यूँके देख, वो प्रार्थना करण लागरया सै, 12 अर उसनै दर्शन म्ह हनन्याह नामक एक माणस ताहीं भीत्तर आन्दे अर अपणे उपर हाथ धरदे देख्या सै, ताके दुबारा आँखां की रोशनी

पावै।” 13 हनन्याह नै जवाब दिया, “हे प्रभु, मन्ने इस माणस के बारे म्ह घणाए तै सुणया सै के इसनै यरुशलेम नगर म्ह तेरे आदमियाँ गेल्या बड़ी-बड़ी बुराई करी सै, 14 अर उरै भी इस ताहीं प्रधान याजकां की ओड़ तै हक मिल्या सै के जो माणस तेरे म्ह बिश्वास राक्खै सै, उन सारया नै बाँधकै यरुशलेम ले जा।” 15 पर प्रभु नै उसतै क्हा, “तू चल्या जा, क्यूँके वो तो गैर यहूदी अर राजयां अर इस्राएलियों कै स्याम्ही मेरा नाम का प्रचार करण कै खात्तर चुणया होया पात्र सै। 16 अर मै उसनै बताऊँगा, के मेरे बारे बताण कै खात्तर उसनै किसा-किसा दुख ठाणा पड़ैगा।” 17 फेर हनन्याह उठकै उस घर म्ह गया जड़ै शाऊल रुक्या था, अर उसपै अपना हाथ धरकै क्हा, “हे भाई शाऊल, प्रभु, यानिके यीशु, जो उस राह म्ह, जिसतै तू आया तेरे ताहीं दिखया था, उससे नै मेरे ताहीं भेज्या सै के तू दुबारा आँखां की रोशनी पावै अर पवित्र आत्मा तै भरया-पूरा हो जावै।” 18 अर जिब्बे उसकी आँखां तै छिल्ले-से पड़े अर वो देखण लाग्या, अर उठकै बपतिस्मा लिया, 19 फेर खाणा खाकै हिम्मत पाई। शाऊल कई दिन उन चेल्यां कै गेल्या रहया जो दमिश्क नगर म्ह थे। 20 अर वो जिब्बे दमिश्क नगर के आराधनालयॉ म्ह यीशु का प्रचार करण लाग्या, के वो परमेसवर का बेटा सै। 21 सारे सुणण आळे हैरान होके कहण लागे, “के यो वोए माणस न्ही सै जो यरुशलेम नगर म्ह उन ताहीं जो यीशु मसीह के बिश्वासी थे, उनका नाश करया करै था, अर उरै भी इस्से खात्तर आया था, के उननै बाँधकै प्रधान याजकां कै धोरै ले जावै?” 22 पर शाऊल और भी सामर्थ्य होंदा गया, अर इस बात का सबूत दे-देकै, के मसीह यीशु-ए सै, दमिश्क नगर के रहणीये यहूदियाँ का मुँह बन्द करदा रहया। 23 जिब शाऊल नै ओड़ै रहन्दे होए भोत दिन बीतगे, तो यहूदियाँ नै मिलकै उस ताहीं मारण की साजस रची। 24 पर उनकी साजिस का शाऊल नै बेरा पाटग्या। वे तो उसनै मारण खात्तर रात-दिन फाटकां पै घात म्ह लाग्गे रहवें थे। 25 पर रात नै उसके चेल्यां नै उस ताहीं टोकरे म्ह बिठाया, अर दमिश्क नगर की चारदीवारी पै तै लटकाकै उतार दिया। 26 यरुशलेम नगर म्ह पोहचकै शाऊल नै चेल्यां कै गेल्या मिल जाण की कोशिश करी, पर सारे उसतै डरै थे, क्यूँके उननै बिश्वास कोनी होवै था, के वो भी चेल्ला सै। 27 पर बरनबास नै उस ताहीं अपने गेल्या प्रेरितां कै धोरै ले जाकै उन ताहीं बताया के इसनै किस ढाळ तै राह म्ह प्रभु यीशु ताहीं देख्या, अर यीशु नै इसतै बात करी, फेर दमिश्क नगर म्ह इसनै किस तरियां हिम्मत दिखाकै यीशु कै नाम का प्रचार करया। 28 वो उनके गेल्या यरुशलेम नगर म्ह आन्दा-जान्दा रहया 29 अर बेधड़क होकै प्रभु का नाम तै प्रचार करै था, अर यूनानी भाषा बोल्लण आळे यहूदियाँ कै गेल्या बोलचाल अर बहस करै था, पर वे उसनै मारण की कोशिश करण लाग्गे। 30 न्यू जाणकै भाई उस ताहीं कैसरिया नगर लिआये, अर तरसुस नै भेज दिया। 31 इस तरियां सारे यहूदिया परदेस, अर गलील परदेस, अर सामरिया

परदेस की कलीसिया नै चैन मिल्या, अर उसकी बढ़ोतरी होन्दी गई, अर वा प्रभु कै भय अर पवित्र आत्मा की शान्ति म्ह चाल्दी अर बढ़दी गई। 32 फेर इसा होया के पतरस हरेक जगहां हांडदा होया, उन पवित्र आदमियाँ कै धोरै भी पोंहच्या जो लुद्दा नगर म्ह रहवें थे। 33 ओड़ै उसनै एनियास नामक लकवे का रोग्गी एक माणस मिल्या, जो आठ साल तै खाट पै पड्या था। 34 पतरस नै उसतै क्हा, “हे एनियास! यीशु मसीह तन्नै ठीक करै सै। उठ, अपना बिछाणा ठा।” फेर वो जिब्बे उठ खड्या होया। 35 फेर लुद्दा नगर अर शारोन के सारे रहणीये उस ताहीं देखकै प्रभु की ओड़ फिरे। 36 याफा नगर म्ह तबीता यानिके दोरकास नाम की एक बिश्वासण रहवै थी। वा घणे भले-भले काम अर दान करया करै थी। 37 उन्हे दिनां म्ह जिब पतरस लुद्दा नगर म्ह था, तो वा बीमार होकै मरग्यी, अर उननै उस ताहीं नुदाकै चुबारे पै धर लिया। 38 लुद्दा नगर याफा नगर कै धोरै था, चेल्यां नै न्यू सुणकै पतरस ओड़ै सै, दो माणस भेजकै उसतै बिनती करी, “म्हारै धोरै आण म्ह वार ना लावै।” 39 फेर पतरस उठकै उसकै गेल्या हो लिया, अर जिब वो पोंहच्या तो वे उसनै उस चौबारे म्ह ले गये। सारी बिधवां रोँदी होई उसके धोरै आण खड़ी होई, अर जो कुड़तै अर लत्ते दोरकास नै उनके गेल्या रहंदे होए बणाए थे, दिखाण लाग्गी। 40 फेर पतरस नै सारया ताहीं बाहरणै कर दिया, अर गोड्डे टेक कै प्रार्थना करी अर लाश की ओड़ लखाकै क्हा, “हे तबीता, उठ!” फेर उसनै अपनी आँख खोल दी, अर पतरस ताहीं देखकै उठ बेट्ठी। 41 उसनै हाथ बढ़ाकै उस ताहीं ठाया, अर पवित्र आदमी अर बिधवायाँ ताहीं बुलाकै उस ताहीं जिन्दा दिखा दिया। 42 या बात साब्वत याफा नगर म्ह फैलग्यी, अर घणखरयां नै प्रभु यीशु पै बिश्वास करया। 43 अर पतरस याफा नगर म्ह शमौन नामक किसे चमड़े का धन्धा करणीये कै उरै घणे दिनां ताहीं रहया।

**10** कैसरिया नगर म्ह कुरनेलियुस नाम का एक माणस था, जो इतालियानी नामक पलटन का सूबेदार था। 2 वो भगत था, अर अपने साब्वे कुणबे सुधा परमेसवर तै डरै था, अर गरीब यहूदी आदमियाँ ताहीं घणा दान देवै था, अर बराबर परमेसवर की प्रार्थना करै था। 3 उसनै दिन कै बजे कै लोवै दर्शन म्ह साफ तौर तै देख्या के परमेसवर का एक सुर्गदूत उसके धोरै भीत्तर आकै कहवै सै, “हे कुरनेलियुस!” 4 कुरनेलियुस नै उस ताहीं गौर तै देख्या अर डरकै क्हा, “हे प्रभु, के हुकम सै?” उसनै उसतै क्हा, “तेरी प्रार्थनाएँ अर तेरे दान याद कै खात्तर परमेसवर कै स्याम्ही पोहचे सै, 5 अर याफा नगर म्ह माणस भेजकै शमौन नै, जो पतरस कुहावै सै, बुलवा ले। 6 वो शमौन, चमड़े का धन्धा करण आळे कै उरै मेहमान सै, जिसका घर समुन्दर कै किनारे सै।” 7 जिब वो सुर्गदूत जिसनै उसतै बात करी थी चल्या गया, तो कुरनेलियुस नै दो नौक्कर, अर जो उसके लोवै हाजिर रहया करै थे उन म्ह तै एक भगत सिपाही ताहीं बुलाया, 8 अर उन ताहीं सारी बात बताकै याफा नगर की

ओड़ भेज्या, ताके पतरस ताहीं ले आवै। 9 दुसरे दिन जिब वे तीन आदमी जो कुरनेलियुस जरिये भेज्जे गये थे, चाल्दे-चाल्दे नगर के धौरै पोहचे, तो दोफारी के लोवै पतरस छत पै प्रार्थना करण चढ़्या। 10 उसनै भूख लाग्गी अर कुछ खाणा चाहवै था, पर जिब वे खाणा त्यार करे थे तो वो बेसुध होग्या, 11 अर उसनै देख्या, के अकास खुलग्या, अर एक बड़्ही चादर च्यारु कुणयां तै लटकदी होई, धरती की ओड़ उतरै सै। 12 जिस म्ह धरती के सारे ढाळ के चार पैरां आळे अर रेंगणेआळे जिनोर अर अकास के पंछी थे। 13 उसनै एक इसा बोल सुण्या, “हे पतरस उठ, मार अर खा।” 14 पर पतरस नै कह्या, “ना प्रभु, कती भी न्ही, क्यूँके मन्नै कदे कोए अशुद्ध चीज न्ही खाई सै।” 15 फिर दुसरी बर उस ताहीं बोल सुणाई दिया “जो किमे परमेसवर नै शुद्ध कर दिया सै, उस ताहीं अशुद्ध मतना कहवै।” 16 तीन बर इस तरियां ए होया, फेर जिब्बे वा चादर अकास म्ह ठा ली गई। 17 इस्राएल के माणसां ताहीं अपना संदेश भेज्जा, उसनै शान्ति के जिब पतरस अपने मन म्ह दुबिध्या म्ह था, के यो दर्शन जो मन्नै देख्या इसका के मतलब हो सकै सै, तो देख्खो, वे माणस जिन ताहीं कुरनेलियुस नै भेज्या था, शमौन कै घर का पता लगाकै दरबाजे पै आण खड़े होए, 18 अर रुक्का मारकै बुड़्झण लाग्गे, “के शमौन जो पतरस कुह्वावै सै, याड़ेए सै के?” 19 पतरस तो उस दर्शन पै सोचण ए लागरया था, के पवित्र आत्मा नै उसतै कह्या, “देख, तीन माणस तेरी टोह म्ह सै। 20 आखर उठकै तळै जा, अर बेझिझक उनकै गेल्या हो ले, क्यूँके मन्नै ए उन ताहीं भेज्या सै।” 21 फेर पतरस नै उतरकै उन माणसां ताहीं कह्या, “देख्खो, जिसकी टोह म्ह थम सो, वो मै सूं। थारे आण का के कारण सै?” 22 वे बोल्ते, “कुरनेलियुस सूबेदार जो धर्मी अर परमेसवर तै डरणआळा अर सारी यहूदी जात म्ह नाम्मी माणस सै, उसनै एक पवित्र सुगंदूत तै यो निर्देश पाया सै के तेरे ताहीं अपने घरां बुलाकै तेरे तै वचन सुणौ।” 23 फेर उसनै उन ताहीं भीत्तर बुलाकै उनकी मेहमान-नवाजी करी। दुसरे दिन वो उनकै गेल्या गया, अर याफा नगर के बिश्वासी भाईयाँ म्ह तै कुछ उसकै गेल्या हो लिए। 24 आगले दिन वे कैसरिया नगर पोहचे, अर कुरनेलियुस अपने कुणबे आळा अर प्यारे साथियाँ ताहीं कठ्ठा करके उनकी बात देख्खै था। 25 जिब पतरस भीत्तर आवै था, तो कुरनेलियुस उसतै मिल्या, अर उसकै पायां म्ह पड़कै उस ताहीं प्रणाम करया, 26 पर पतरस नै उस ताहीं ठा कै कह्या, “खड्या हो, मै भी तो माणस सूं।” 27 अर उसकै गेल्या बतळान्दा भीत्तर गया, अर घणे आदमियाँ ताहीं कठ्ठे देखकै 28 पतरस नै उनतै कह्या, “थमनै बेरा सै के हम यहूदियाँ के खात्तर गैर यहूदियाँ तै संगति करणा या उसकै उरै जाणा कानून के खिलाफ सै, पर परमेसवर नै मेरे तै बताया सै के किसे माणस ताहीं अपवित्र या अशुद्ध ना कहूँ। 29 ज्यांतै मै जिब बुलाया गया तो बिना कुछ कहे चल्या आया। इब मै बुड़्झू सूं के मेरे ताहीं किस काम के खात्तर बुलाया गया?” 30 कुरनेलियुस बोल्या, “इस्से घड़ी, पूरे चार दिन होए, मै अपने घर म्ह दोफाहरे पाच्छै

तीन बजे प्रार्थना करण लागरया था, तो एक माणस चमकीला बाणा पहरे होए, मेरे स्याम्ही आण खड्या होया 31 अर कहण लाग्या, ‘हे कुरनेलियुस, तेरी प्रार्थनाएँ अर तेरे दान याद के खात्तर परमेसवर के स्याम्ही पोहचे सै। 32 इस करके किसे नै याफा नगर भेजकै शमौन जो पतरस कुह्वावै सै, बुलवा ले। वो शमौन, चमड़े का धन्धा करण आळे के उरै मेहमान सै, जिसका घर समुन्दर के किनारे सै।’ 33 फेर मन्नै जिब्बे तेरे धौरै आदमी भेज्जै, अर तन्नै भला करया जो आ गया। इब हम सारे उरै परमेसवर के स्याम्ही सां, ताके जो किमे परमेसवर नै तेरे तै कह्या उस ताहीं सुणां।” 34 फेर पतरस बोल्या, “इब मैरे पक्का यकिन होग्या के परमेसवर किसे का पक्षपात कोनी करदा, 35 बल्के हरेक जात म्ह जो परमेसवर तै डरे अर धर्म के काम करे सै, वो उसनै भावै सै। 36 थम जाणो सों के परमेसवर नै इस्राएल के माणसां ताहीं अपना संदेश भेज्जा, उसनै शान्ति के बारे म्ह सुसमाचार सुणाया जो माणसां ताहीं यीशु मसीह पै बिश्वास करण कै जरिये मिले सै। 37 वो वचन थमनै बेरा सै, जो यूहन्ना के बपतिस्मा के प्रचार कै पाच्छै गलील परदेस तै शरु होकै साब्ले यहूदिया परदेस म्ह फैलग्या। 38 परमेसवर नै किस तरियां तै यीशु नासरी ताहीं पवित्र आत्मा अर सामर्थ तै अभिषेक करया, वो भलाई करदा अर सारया ताहीं जो शैतान के सताए होड़ थे, आच्छा करदा फिरया, क्यूँके परमेसवर उसकै गेल्या था।” 39 “हम उन सारे काम्मां के गवाह सां, जो उसनै यहूदिया परदेस अर यरुशलेम नगर म्ह भी करे, अर उननै उस ताहीं क्रूस पै लटकाके मार दिया। 40 उस ताहीं परमेसवर नै तीसरे दिन जिन्दा करया, अर जाहिर भी कर दिया सै, 41 सारे आदमियाँ पै न्ही बल्के उन गवाह पै जिन ताहीं परमेसवर नै पैहलया तै छॉट लिया था, यानिके म्हारे पै जिन नै उसकै मरे होया म्ह तै जिन्दा उठण कै पाच्छै उसकै गेल्या खाया-पिया, 42 अर उसनै म्हारे ताहीं हुकम दिया के आदमियाँ म्ह प्रचार करो अर गवाही द्यो, के यो वोए सै जिस ताहीं परमेसवर नै जिन्दा अर मरया होया का न्यायी ठहराया सै। 43 उसकी सारे नबी गवाही देवें सै के जो कोए उसपै बिश्वास करेगा, उस ताहीं उसकै नाम तै पापां की माफी मिलैगी।” 44 पतरस ये बात कहण ए लागरया था के पवित्र आत्मा वचन के सारे सुणण आळा पै उतर आया। 45 अर जितने खतना करे होए बिश्वासी पतरस कै गेल्या आये थे, वे सारे हैरान होए के गैर यहूदियाँ पै भी पवित्र आत्मा का दान ढाळा गया सै। 46 क्यूँके उननै उन ताहीं कई ढाळ की भाषा बोल्दे अर परमेसवर की बड़ाई करदे सुणया। इसपै पतरस नै कह्या, 47 “के कोए पाणी नै रोक सकै सै के ये बपतिस्मा ना पावै, जिननै म्हारे की ढाळ परमेसवर की ओड़ तै पवित्र आत्मा पाया सै?” 48 अर उसनै हुकम दिया के उननै यीशु मसीह के नाम म्ह बपतिस्मा दिया जावै। फेर उननै उसतै बिनती करी के वो कुछ दिन और उनकै गेल्या रहवै।

**11** फेर प्रेरितां अर बिश्वासी भाईयाँ नै जो यहूदिया परदेस म्ह फिरे। 22 जिब उनका जिक्क यरुशलेम नगर की कलीसिया के थे सुणया के गैर यहूदियाँ नै भी परमेसवर का वचन मान लीया सै। 2 आखर म्ह जिब पतरस यरुशलेम नगर म्ह आया, तो उननै बरनबास ताहीं अन्ताकिया नगर भेज्या। 23 वो उडै पोहचके अर परमेसवर के अनुग्रह नै देखके राज्जी होया, अर सारया ताहीं उपदेश दिया के तन-मन लगोकै प्रभु तै लिपटे रहो। 24 वो एक भला माणस था, अर पवित्र आत्मा अर बिश्वास तै पूरा भरया था, अर दुसरे घणखरे आदमी प्रभु म्ह आ मिले। 25 फेर वो शाऊल नै टोह् के खात्तर तरसुस नगर म्ह चल्या गया। 26 जिब वो उसतै मिल्या तो उस ताहीं अन्ताकिया नगर ल्याया, अर इसा होया के वे एक साल ताहीं कलीसिया के गेल्या मिलदे अर प्रभु यीशु मसीह का घणे आदमियाँ ताहीं उपदेश देन्दे रहे, अर चेल्लें सारया तै पैहल्या अन्ताकिया नगर ए म्ह मसीह कुहाए। 27 उननै दिनां म्ह कई नबी यरुशलेम नगर तै अन्ताकिया नगर आए। 28 उन म्ह तै अगबुस नामक एक नबी नै खडे होके आत्मा की प्रेरणा तै न्यू बताया के सारी दुनिया म्ह बड्डा अकाळ पडैगा, वो अकाळ (रोम के सम्राट) क्लौदियुस के बखत म्ह पड्या। 29 फेर चेल्यां नै फैसला लिया के हरेक अपणी-अपणी पूंजी के मुताबिक यहूदिया परदेस म्ह रहण आळे भाईयाँ की मदद के खात्तर किमे भेज्जै। 30 उननै इस तरियां ए करया, अर बरनबास अर शाऊल के हाथ कलीसिया के अगुवां के धोरे कुळ भेज दिया।

**12** उस बखत हेरोदेस राजा नै कलीसिया के कई माणसां ताहीं सताण कै मकसद तै बन्दी बणा लिया। 2 उसनै प्रेरित यूहन्ना के भाई याकूब ताहीं तलवार तै मरवा दिया। 3 जिब उसनै देख्या के यहूदी माणस इसतै राज्जी होवै सै, तो उसनै पतरस ताहीं भी पकड़ लिया। वे अखमीरी रोटी के त्यौहार के दिन थे। 4 हेरोदेस नै उस ताहीं पकड़के जेळ म्ह गेरया, अर चार-चार सिपाहियाँ के चार पहरया म्ह राख्या, इस विचार तै के फसह के बाद उसनै आदमियाँ के स्याम्ही ल्यावै। 5 जेळ म्ह पतरस बन्द था, पर कलीसिया उसके खात्तर लौ लाकै परमेसवर तै प्रार्थना करण लागरी थी। 6 जिब हेरोदेस राजा उसनै आदमियाँ के स्याम्ही ल्याण आळा था, उससे रात पतरस दो जंजीरां तै बंध्या होइ दो सिपाहियाँ के बिचाळे सोण लागरया था, अर पहरेदार दरबाजे पै जेळ की रुखाळी करे थे। 7 तो देख्को, प्रभु का एक सुर्गदूत आण खड्या होया अर उस कोठड़ी म्ह चाँदणा चमक्या, अर उसनै पतरस की पासळी पै हाथ मारके उस ताहीं जगाया अर बोल्या, “उठ, तावळ कर।” अर उसके हाथ्यां तै बेड़ी खुलके गिरगी। 8 फेर सुर्गदूत नै उसतै कह्या, “कमर बाँध, अर अपने जूते पहर ले।” उसनै उससे ढाळ करया। फेर उसनै उसतै कह्या, “अपणे लत्ते पहरके मेरे पाच्छे हो ले।” 9 वो लिक्ड़के उसके पाच्छे हो लिया, पर उसनै न्यू नही बेरा था के जो किमे सुर्गदूत कर रह्या सै वो साच्ची सै, बल्के न्यू समझी था के जणु मै दर्शन देखण लागरया सूं। 10 फेर वे पैहल्या अर दुसरे पहरे तै लिक्ड़के उस लोहे के फाटक पै पोहचे, जो नगर की ओड़ सै। वो उनके खात्तर अपने-आपे खुलगाया,

अर वे लिकड़के एक गळी म्ह गए, अर जिब्बे ए सुर्गदूत उसने छोड़के चल्या गया। 11 फेर पतरस नै चेत म्ह होकै कहा, “इब मन्ने सच का बेरा पटया सै के प्रभु नै अपना सुर्गदूत भेजके मेरे ताहीं हेरोदेस राजा के हाथ्यां तै छुड़ा लिया, अर यहूदी अगुवां की सारी मनसा पै पाणी फेर दिया सै।” 12 न्यू जाणकै वो उस यूहन्ना की माँ मरियम कै घराने आया, जो मरकुस कुहावे सै। ओड़ै घणे आदमी कठ्ठे होकै प्रार्थना करण लागरे थे। 13 जिव उननै दरबाजा खटखटाया, तो रुदे नामक एक नौकराणी देखण नै आई। 14 पतरस का बोल पिच्छाणकै उसनै खुशी के मारे दरबाजा न्ही खोलया, पर भाजकै भीत्तर गई अर बताया के पतरस दरबाजे पै खड्या सै। 15 उननै उसतै कहा, “तू बावळी सै।” पर वा पूरे बिश्वास तै बोल्ली के पतरस ए सै। फेर उननै कहा, “उसका सुर्गदूत होगा।” 16 पर पतरस खटखटान्दा ए रहया आखर म्ह उननै दरबाजा खोलया, अर उस ताहीं देखकै हैरान होगये। 17 फेर उसनै उन ताहीं हाथ तै इशारा करया के बोल-बाल्ले रहवें, अर उन ताहीं बताया के प्रभु किस ढाळ उस ताहीं जेळ तै लिकाड़ लयाया सै। फेर बोलया, “याकूब अर दुसरे भाईयाँ नै या बात बता दियो।” फेर लिकड़के दुसरी जगहां चल्या गया। 18 तड़कैए जेळ के सिपाहियाँ म्ह घणी भगदड़ माचगी के पतरस कित्त गया। 19 जिव हेरोदेस राजा नै उसकी टोहया-टाही करवाई अर न्ही मिलया, तो पैहेरेदारां की जाँच करके हुकम दिया के वे मार दिये जावै, अर वो यहूदिया परदेस नै छोड़के कैसरिया नगर म्ह जाके रहण लागया। 20 हेरोदेस राजा सूर अर सैदा नगर के लोग्गां तै घणा नाराज था। वे एक टोळ बणाके उसतै मिलण आये, राजा का एक खास कर्मचारी बलास्तुस ताहीं मनाके राजा तै मेल करणा चाह्या, क्यूँके राजा के देश म्ह उनके देश का पालन-पोषण होवै था। 21 खास दिन पै हेरोदेस राजा राजसी-बाणा पहरकै सिंहासन पै बेठ्या, अर उन ताहीं खुलास्सा करण लागया। 22 फेर आदमियाँ नै रुक्का मारया, “यो तो माणस का न्ही ईश्वर का बोल सै।” 23 उस्से घड़ी प्रभु कै एक सुर्गदूत नै जिब्बे आके हेरोदेस राजा ताहीं झिड़का, अर वो कीड़े पड़के मरया। क्यूँके उसनै परमेसवर की महिमा कोनी करी, 24 पर परमेसवर का वचन बढ़दा अर फैलदा गया। 25 जिव बरनबास अर शाऊल नै अपना सेवा पूरी कर ली तो यूहन्ना जो मरकुस कुहावे था, गेल्या लेकै यरुशलेम नगर तै बोह्दे।

**13** अन्ताकिया नगर की कलीसिया म्ह कई नबी अर उपदेशक थे, यानी बरनबास, शमीन जो नीगर (काळा आदमी) कुहावे सै, अर शाऊल अर कुरेनी लूकियुस, मनाहेम जिसका पालन-पोषण चौथाई देश के राजा हेरोदेस कै गैल होया था। 2 जिव ये लोग प्रभु की आराधना अर ब्रत करण लागरे थे, तो पवित्र आत्मा नै उनतै कहा, “भैरे खात्तर बरनबास अर शाऊल नै उस काम कै खात्तर न्यारा करो जिसकै खात्तर मन्ने उन ताहीं बुलाया सै।” 3 फेर उननै ब्रत अर प्रार्थना करके

अर उनपै हाथ धरके उन ताहीं परमेसवर के काम खात्तर बिदा करया। 4 शाऊल अर बरनबास पवित्र आत्मा के भेजजै होए सिलुकिया बन्दरगाह गये, अर ओड़ै तै जहाज पै चढ़के साइप्रस टापू कान्ही चाल्ले, 5 अर सलमीस नगर म्ह पोहचके, परमेसवर का वचन यहूदियाँ के आराधनालायाँ म्ह सुणाया। यूहन्ना उनका सेवक था। 6 वे उस सारे टापू म्ह होन्दे होए पाफुस परदेस ताहीं पोहचे। ओड़ै उननै बारयीशु नामक एक यहूदी जादूगर अर झूठा नबी मिलया। 7 वो राज्यपाल सिरगियुस पौलुस कै गेल्या था, जो अकलमंद माणस था। उसनै बरनबास अर शाऊल ताहीं अपने धोरे बुलाके परमेसवर का वचन सुणणा चाह्या। 8 पर इलीमास जादूगर नै (क्यूँके योए उसकै नाम का मतलब सै) उनका बिरोध करके हाकिम ताहीं यीशु पै बिश्वास करण तै रोकणा चाह्या। 9 फेर शाऊल नै जिसका नाम पौलुस भी सै, पवित्र आत्मा तै पूरी तरियां भरके उसकी ओड़ टकटकी लाके देख्या अर बोलया, 10 “हे सारे कपट अर सारी ढाळ कि चतुराई तै भरे होड़ शैतान की उलाद, सारे धर्मा के बैरी, के तू प्रभु के सीध्दी राही नै टेढ़ी करणा न्ही छोड़ैगा?” 11 इब लखा, “प्रभु का हाथ तेरे बिरोध म्ह उठ्या सै, अर तू कुछ बखत ताहीं आन्धा रहवैगा अर सूरज नै कोनी देखेगा।” फेर जिब्बे धुंधळापण अर अन्धेरा उसपै छा गया, वो आस्सै-पास्सै टटोळण लागया ताके कोए उसका हाथ पकड़के ले चाल्लै। 12 फेर हाकिम नै जो होया था उस ताहीं देखके अर प्रभु के उपदेश तै हैरान होके यीशु पै बिश्वास करया। 13 पौलुस अर उसके मित्तर पाफुस परदेस तै पाणी का जहाज खोल के पंफूलिया परदेस के पिरगा नगर म्ह आये, अर यूहन्ना उननै छोड़के यरुशलेम नगर बोहड़ गया। 14 पिरगा नगर तै आगै बढ़के वे पिसिदिया परदेस के अन्ताकिया नगर म्ह पोहचे, अर आराम कै दिन आराधनालय म्ह जाके बैठगये। 15 मूसा के नियम-कायदे अर नबियाँ की किताब नै पढ़ण कै पाछै आराधनालय के सरदारां नै उनके धोरे कहां भेज्या, “हे भाईयो, जै आदमियाँ के उपदेश के खात्तर थारे मन म्ह कोए बात हो तो कहो।” 16 फेर पौलुस नै खड़े होके अर हाथ तै इशारा करके कहा, “हे इस्राएलियों, अर गैर यहूदी जो परमेसवर तै डरण आळो, सुणो!” 17 इस्राएल के परमेसवर नै म्हारे पूर्वजां ताहीं छॉट लिया, अर जिव वे मिस्र देश म्ह परदेशी होके रहवै थे, तो उनकी बढ़ोतरी करी, अर अपना शक्ति के दम पै उननै लिकाड़ लयाया। 18 वो कोए चाळीस साल ताहीं जंगल-बियाबान म्ह उनकी सहण करदा रहया, 19 अर कनान देश की सात जात्तां का नाश करके उनका देश कोए साढ़े चार सौ साल म्ह इनकी वसियत म्ह कर दिया। 20 “इसकै बाद परमेसवर नै शमूएल नबी ताहीं उन म्ह न्यायाधीश ठहराया। 21 इसकै पाछै उननै शमूएल तै उनपै एक राजा ठहराण की माँग करी, फेर परमेसवर नै चाळीस साल कै खात्तर बिन्यामीन के गोत्र म्ह तै एक माणस, यानिके कीश के बेटे शाऊल ताहीं उनपै राजा ठहराया। 22 फेर परमेसवर नै शाऊल ताहीं पद

तै हटाके दाऊद ताहीं उनका राजा बनाया, जिसके बारे में उसने गवाही दी, 'मन्ने एक माणस यिश्शे का बेटा दाऊद, जो मेरी इच्छा के मुताबिक मिलगया सै, वोए मेरी सारी इच्छा पूरी करैगा।' 23 इस्से पीढ़ी म्ह तै परमेसवर नै अपने वादा के मुताबिक इस्राएल के धारे एक उद्धारकर्ता, यानिके यीशु भेज्या। 24 यीशु के आण तै पैहल्या यूहन्ना नै सारे इस्राएलियाँ नै अपने पाप मान के परमेसवर की ओड़ मुड़ण का अर बपतिस्मा का प्रचार करया। 25 जिन यूहन्ना अपनी सेवा पूरी करण पै था, तो उसने कहा, 'थम मन्ने के समझो सो? मै मसीह कोनी! बल्के देखो, मेरे पाछे एक आण आळा सै, जो भोत महान सै, जिसके जूत्याँ के फिते भी मै खोल्लण जोग्गा कोनी।' 26 'हे भाईयो, थम जो अब्राहम की ऊलाद सो, अर थम गैर यहूदी जो परमेसवर तै डरो सो, थारे धारे इस उद्धार का वचन भेज्या गया सै। 27 यरुशलेम नगर के रहणआळो अर उनके सरदारों नै, ना मसीह यीशु ताहीं पिच्छाणा अर ना नबियाँ की बात समझी, जो हरेक आराम के दिन पढ़ी जावै सै, ज्याँतै उस ताहीं कसूरवार ठहराके उन बातों नै पूरा करया। 28 उननै मारण के जोग्गा कोए कसूर उस म्ह कोनी पाया, फेरभी राज्यपाल पिलातुस तै बिनती करी, के वो मार दिया जावै। 29 जिन उननै उसके बारे में पवित्र ग्रन्थ लिक्खी होई सारी बात पूरी करी, तो उस ताहीं क्रूस पै तै उतारके कब्र म्ह धरया। 30 पर परमेसवर नै उस ताहीं मरे होया म्ह तै जिन्दा करया, 31 अर वो उन ताहीं जो उसके गेल्या गलील परदेस तै यरुशलेम नगर आये थे, घणे दिनों ताहीं अपने चेल्याँ नै दिख्दा रहया, आदमियाँ के स्याम्ही इब वैए उसके गवाह सै।' 32 हम थमने उस वादा के बारे में जो बाप-दादा तै करया गया था, यो सुसमाचार सुणावाँ सां, 33 के परमेसवर नै यीशु ताहीं जिन्दा करके, वोए वादा म्हारी ऊलाद के खात्तर पूरा करया, जिसा के भजन संहिता दो म्ह लिख्या सै, 'तू मेरा बेटा सै, आज तै ए मै तेरा पिता बणग्या सूं।' 34 अर उसके इस तरियाँ तै मेरे होया म्ह तै जिन्दा होण के बारे में भी के वो कदे न्ही सड़ै, परमेसवर नै यो कहा सै, 'मै दाऊद पै की पवित्र अर अटल दया तेरे पै करूँगा।' 35 दाऊद नै और जगहाँ भी भजन संहिता म्ह भी लिख्या सै, 'तू अपने पवित्र माणस नै सड़ण न्ही देवैगा।' 36 दाऊद तो परमेसवर की मर्जी के मुताबिक अपने बखत में सेवा करके मर गया, अर अपने बाप-दादा म्ह जा मिल्या, अर सड़ भी गया। 37 पर जिस ताहीं परमेसवर नै जिन्दा करया, वो सड़ण कोनी पाया। 38 ज्याँतै, हे भाईयो, थम जाण ल्यो के इस्से के जरिये पापां की माफी का सुसमाचार थारे ताहीं दिया जावै सै, 39 अर पापां तै मुक्त करण म्ह मूसा नबी के नियम-कायदे हमेशा नाकामयाब रहे सै, हरेक जो विश्वास करै सै, वो यीशु के जरिये सारे पापां तै मुक्त करया जावै सै। 40 ज्याँतै चौकन्ने रहो, इसा ना हो के जो नबियाँ की किताब म्ह आया सै, थारे पै भी आण पड़ै 41 'हे बुराई करण आळो, देखो, अर हेरान होवो, अर मिट जाओ, क्यूँके मै थारे

दिनां म्ह एक काम करूँ सूं, 'इसा काम के जै कोए थारे तै उसका जिंकर करै, तो थम भी विश्वास कोनी करोगे।' 42 जिन पौलुस अर बरनबास यहूदी सभाघर तै बाहरणै लिक्कण लागे थे, तो माणस उनतै बिनती करण लागे के आगले आराम के दिन म्हारै ताहीं ये बात फेर सुणाई जावै। 43 जिन सभा उठ ली फेर भोत-से यहूदी अर यहूदी पंथ म्ह आये होए भगतां म्ह तै घणखरे पौलुस अर बरनबास के पाछे हो लिये, अर उननै उन ताहीं बात करके समझाया के परमेसवर के अनुग्रह म्ह बणे रहो। 44 आगले आराम के दिन नगर के तकरीबन सारे लोग परमेसवर का वचन सुणण नै कट्टे हो गये। 45 पर यहूदी भीड़ नै देखके मन ए मन म्ह जळण लागे, अर बुराई करदे होए पौलुस की बातों के बिरोध म्ह बोल्लण लागे। 46 फेर पौलुस अर बरनबास हिम्मत करके कहण लागे, 'जरूरी था के परमेसवर का वचन पैहल्या थारे तै सुणाया जान्दा, इब जिन के थमने इस ताहीं नकार दिया सै, अर यो करते होए अपने-आप ताहीं अनन्त जीवन के खात्तर अयोग्य घोषित कर दिया सै, तो देखो, हम गैर यहूदियाँ के कान्ही फिराँ सां। (aiōnios g166) 47 क्यूँके प्रभु नै म्हारै ताहीं यो हुकम दिया सै, 'मन्ने तेरे ताहीं गैर यहूदियाँ के खात्तर चाँदणा ठहराया, ताके तू धरती के छोर ताहीं उद्धार का दरबाजा हो।' 48 न्यू सुणके गैर यहूदी राज्जी होए, अर परमेसवर के वचन की बड़ाई करण लागे, अर जितने अनन्त जीवन के खात्तर ठहराए गये थे, उननै विश्वास करया। (aiōnios g166) 49 फेर प्रभु का वचन उस सारे देश म्ह फैलाण लाग्या। 50 पर यहूदी अंगुवाँ नै भगत अर आच्छे खानदान की लुगाईयाँ ताहीं अर नगर के खास आदमियाँ ताहीं उकसाया, अर पौलुस अर बरनबास के खिलाफ दंगा करा के उन ताहीं अपनी सीमा तै लिकाड़ दिया। 51 फेर पौलुस अर बरनबास उनके स्याम्ही पायां की धूळ झाड़के इकुनियुम नगर म्ह चले गये। 52 अर चेल्लेँ आनन्द अर पवित्र आत्मा तै भरदे चले गये।

**14** इकुनियुम नगर म्ह इसा होया के वे यहूदियाँ के आराधनालय म्ह गैल-गैल गये, अर इस ढाळ बात करी के यहूदियाँ अर यूनानियाँ म्ह घणखरयां नै विश्वास करया। 2 पर विश्वास ना करण आळे गैर यहूदियाँ के मन विश्वासी भाईयाँ के बिरोध म्ह उकसाये अर कुडुवापण पैदा करया। 3 पौलुस अर बरनबास घणे दिन ताहीं उड़ै रहे, अर प्रभु के भरोसे पै हिम्मत तै बात करै थे, अर वो उनके हाथ्याँ तै चमत्कार अर अनोक्खे काम करवा के अपने अनुग्रह के वचन ताहीं साबित करदा रह्या। 4 पर नगर के लोगाँ म्ह फूट पड़गी थी, इसतै घणेए तो यहूदियाँ कान्ही अर घणेए प्रेरितां कान्ही होग्ये। 5 जिन गैर यहूदी अर यहूदी उनकी बेजती करण नै अर उनके पत्थर मारण के खात्तर अपने सरदारों सुथा उन कान्ही भाज्जे, 6 फेर वे इस बात नै जाणगे अर लुकाउनिया परदेस के लुस्त्रा अर दिरबे नगरां म्ह, अर लोवे-थारे के परदेसां म्ह भाजगे 7 अर ओड़ै सुसमाचार सुणाण लागे। 8 लुस्त्रा नगर म्ह एक माणस

बेठ्या था, जो पायां तै लाचार था। वो जन्म तै ए लंगड़ा था, अर कदे न्ही चाल्या था। 9 वो पौलुस नै बात करदे सुणै था। पौलुस नै उसकी ओड़ टकटकी लाकै देख्या के उसनै ठीक होण का बिश्वास सै, 10 अर ठाडू आवाज म्ह बोल्या, “अपणे पायां कै बळ सीध्या खड्या हो।” फेर वो उछळकै चाल्लण-फिरण लाग्या। 11 लोग्गं नै पौलुस का यो काम देखके लुकाउनिया की भाषा म्ह ठाडू आवाज म्ह कह्या, “देवता माणस कै रूप म्ह होके म्हारै धरै उतर आये सै।” 12 उननै बरनबास ताहीं ज्यूस देवता, अर पौलुस ताहीं हिरमेस कह्या क्यूँके वो खास संदेश देण आळा था। 13 ज्यूस देवता के उस मन्दर का पुजारी जो उनकै नगर कै स्याम्ही था, बळध अर फूल्लां के हार फाटकां पै ल्याके लोग्गं कै गेल्या बलिदान करणा चाहवे था। 14 पर बरनबास अर पौलुस प्रेरितां नै जिब यो सुण्या, तो अपणे लत्ते पाड़े अर भीड़ म्ह लपके, अर रुक्का मारके कहण लाग्गे, 15 “हे भले माणसों, थम के करो सो? हम भी तो थारे तरियां दुख-सुख भोग्गण आळे माणस सां, अर थमनै सुसमाचार सुणावां सां के थम इन बेकार चिज्जां तै न्यारे होकै जिन्दे परमेसवर कै कान्ही फिरो, जिसनै सुर्ग अर धरती अर समुन्दर अर जो किमे उन म्ह सै बनाया सै। 16 उसनै बीत्ते होए बखत म्ह सारी जात्तां ताहीं अपणे-अपणे रास्तयां पै चाल्लण दिया। 17 फेर भी वो अपणे भले काम करण के जरिये अपणे बारें म्ह गवाही देंदा रहया, अर अकास तै मिह अर फळआळी ऋतु देकै थारे मन नै खाणे अर खुशी तै भरदा रहया।” 18 न्यू कहकै भी उननै लोग्गं ताहीं बड्डी मुश्किलां तै रोक्या के उनके खात्तर बलिदान ना करै। 19 पर कुछ यहूदियाँ नै अन्ताकिया नगर अर इकुनियुम नगर तै आकै लोग्गं ताहीं अपणी ओड़ कर लिया, अर पौलुस पै पत्थर बरसाए, अर मरया होड़ सोचकै उस ताहीं नगर कै बाहरणै घसीट लेगे। 20 पर चेल्लें जिब उसकै चौगरदेकै आण खड़े होए, तो वो उठकै नगर म्ह गया अर दुसरे दिन बरनबास कै गेल्या दिरबे नगर कान्ही चल्या गया। 21 वे उस नगर के लोग्गं ताहीं सुसमाचार सुणाकै अर घणे चेल्लें बणाकै, लुस्त्रा अर इकुनियुम अर अन्ताकिया नगर नै बोहड़ आये, 22 अर चेल्यां के मनां नै स्थिर करदे अर उत्साहित करते होए या शिक्षा देते रहके बिश्वास म्ह बणे रहो, अर न्यू कहवै थे, “हमनै घणे दुख ठाकै परमेसवर के राज्य म्ह बड़णा होगा।” 23 अर उननै हरेक कलीसिया म्ह उनके खात्तर अगुवें ठहराए, अर ब्रत सुधा प्रार्थना करके उन ताहीं प्रभु कै हाथ्यां म्ह सौप्या जिसपै उननै बिश्वास करया था। 24 फेर पिसिदिया परदेस तै होन्दे होए वे पंफूलिया परदेस पोहचे, 25 फेर पिरगा नगर म्ह वचन सुणाकै अत्तलिया नगर म्ह आये, 26 अर ओड़ै तै वे पाणी के जहाज तै अन्ताकिया नगर गये, जित्त वे उस काम कै खात्तर जो उननै पूरा करया था परमेसवर के अनुग्रह म्ह सौपे गये थे। 27 अन्ताकिया नगर पोहचके उननै कलीसिया कठी करी अर बताया के परमेसवर नै उनकै गेल्या होकै किसे बड़े-बड़े काम करे, अर गैर यहूदियाँ कै

खात्तर बिश्वास का बारणा खोल दिया। 28 अर वे चेल्यां कै गेल्या घणे दिन ताहीं रहे।

**15** फेर कुछ यहूदी बिश्वासी यहूदिया परदेस तै आके भाईयों नै सिखाण लाग्गे “जै मूसा नबी की रीत पै थारा खतना न्ही हो तो थम उद्धार कोनी पा सकदे।” 2 जिब पौलुस अर बरनबास का उनतै घणा वाद-विवाद अर बहस होई तो यो फैसला लिया गया के पौलुस अर बरनबास अर उन म्ह तै कुछ माणस इस बात कै बारे म्ह प्रेरितां अर कलीसिया के अगुवां कै धोरै यरुशलेम नगर म्ह जावै। 3 कलीसिया नै उन ताहीं बिदा करया, अर वे फीनीके अर सामरिया परदेसां तै होन्दे होए गैर यहूदियाँ के जरिये यीशु मसीह पै बिश्वास करण का जिक्क करते गये, जिसतै सारे बिश्वासी भाई घणे राज्जी होए। 4 जिब वे यरुशलेम नगर पोहचे, तो कलीसिया अर प्रेरित अर कलीसिया के अगुवें उनतै खुशी कै गैल मिले, अर पौलुस अर बरनबास नै बताया के परमेसवर नै उनकै गेल्या होकै किसे-किसे काम करे थे। 5 पर फरीसियाँ के पंथ म्ह तै जिन नै बिश्वास करया था, उन म्ह तै कितन्याँ नै उठके कह्या, “गैर यहूदियाँ ताहीं खतना करण अर मूसा नबी के नियम-कायदे नै मानण का हुकम देणा चाहिए।” 6 फेर प्रेरित अर कलीसिया के अगुवें इस बात कै बारे म्ह विचार करण कै खात्तर कठ्ठे होए। 7 फेर पतरस नै घणी बहस हो जाणके पाच्छे खड़े होकै उनतै कह्या, “हे भाईयो, थमनै बेरा सै के घणे दिन होए परमेसवर नै थारे म्ह तै मेरै ताहीं छौट लिया के मेरै मुँह तै गैर यहूदी सुसमाचार का वचन सुणकै बिश्वास करै। 8 मन कै जाँचण आळे परमेसवर नै उन ताहीं भी म्हारै की तरियां पवित्र आत्मा देके यो बताया सै के वे सब भी उसके माणस सै, 9 अर बिश्वास कै जरिये उनके मन शुद्ध करके म्हारै म्ह अर उन म्ह किमे फर्क कोनी राख्या। 10 तो इब थम क्यातै परमेसवर नै परखो सों, ताके गैर यहूदी चेल्यां के कंध्या पै इसा जूआ धरो, जिसनै ना म्हारे बाप-दादे ठा सके थे अर ना हम ठा सकां सां? 11 हॉ, म्हारा यो यकिन सै के जिस तरियां तै वे प्रभु यीशु कै अनुग्रह तै उद्धार पावेंगे, उससे तरियां तै हम भी पावागें।” 12 फेर सारी सभा चुपचाप बरनबास अर पौलुस की सुणण लाग्गी, के परमेसवर नै उनकै जरिये गैर यहूदियाँ म्ह किसे बड़े-बड़े चमत्कार, अर अनोक्खे काम दिखाए। 13 उनके भाषण के खतम होण पै याकूब सभा ताहीं कहण लाग्या, “हे भाईयो, मेरी सुणो।” 14 शमीन पतरस नै बताया के परमेसवर नै पैहले-पहल गैर यहूदियाँ पै किसी दया की निगांह करी के उन म्ह तै अपणे नाम के खात्तर एक प्रजा बणा ले। 15 नबियाँ लेख भी इस बात का समर्थन करै सै, जिसा के पवित्र ग्रन्थ म्ह लिख्या सै 16 “इसकै पाच्छे मै फेर आकै दाऊद का पड्या होड़ डेरा उठाऊंगा, अर उसके खण्डरां नै दुबारा बणाऊंगा, अर उस ताहीं खड्या करूंगा,” 17 जिसके कारण बाकी की बची होड़ मानवजाति परमेसवर नै पा सकै, अर वे सारी गैर यहूदी भी, जिनपै मेरै नाम की छाप लाग्गी सै, प्रभु नै तोहवें, 18 यो वोए

प्रभु कहते हैं जो दुनिया की शुरुआत ते इन बातों की खबर देना आया है। (aiōn g165) 19 “ज्यांतै मेरा विचार यो सै के हम उन गैर यहूदियाँ खातर कोए मुसीबत पैदा ना करा, जो परमेसवर के कान्ही फिरै सै, हम उन ताहीं दुख ना देवां, 20 पर आच्छा तो यो होगा के हम उन ताहीं यो हुकम लिख भेज्जा, के वे मूर्तियाँ नै चढ़ाण आळी चिज्जां अर जारी अर गळा घोटे होया के माँस तै अर लहू तै दूर रहवै। 21 क्यूँके गुजरे बखत तै नगर-नगर मूसा नबी के नियम-कायदे का प्रचार करण आळे होन्दे चले आये सै, अर वा हरेक आराम कै दिन आराधनालय म्ह पढ़ी जावै सै।” 22 फेर सारी कलीसिया सुधा प्रेरितां अर कलीसिया के अगुवां नै आच्छा लाग्या के अपने म्ह तै कुछ माणसां नै चुणे, यानिके यहूदा जो बरसब्बा कुहावै सै, अर सीलास ताहीं जो भाईयाँ म्ह मुखिया थे, अर उन ताहीं पौलुस अर बरनबास कै गेल्या अन्ताकिया नगर खन्दावै। 23 उननै उनके हाथ या चिट्ठी लिख भेजी “अन्ताकिया नगर, सीरिया अर किलिकिया परदेस के रहण आळे भाईयाँ नै जो गैर यहूदियाँ म्ह तै सै, प्रेरितां अर कलीसिया के अगुवें भाईयाँ का नमस्कार। 24 हमनै सुणया सै के म्हारे म्ह तै कुछां नै ओड़ै जाके, थारे ताहीं अपनी बात्तां तै डरा दिया, अर थारे मन उल्ट दिये सै पर हमनै उन ताहीं हुकम कोनी दिया था। 25 इस करके हमनै एक चित्त होके ठीक जाणया के छोट होड़ माणसां ताहीं अपने प्यारे बरनबास अर पौलुस कै गेल्या थारे धारे भेज्जा। 26 ये इसे माणस सै जिन नै अपनी ज्यांन म्हारे प्रभु यीशु मसीह कै नाम के खातर जोखम म्ह गेरी सै। 27 ज्यांतै हमनै यहूदा अर सीलास ताहीं भेज्या सै, के थम खुद उनके ए मुँह तै इस बारे म्ह सुण सको। 28 पवित्र आत्मा नै अर हमनै ठीक जाण पाटी के इन जरूरी बात्तां नै छोड़, थारे पै और बोझ ना गेरै, 29 के थम मूर्तियाँ पै बलि करे होया तै अर लहू तै, अर गळा घोटे होए पशुआं के माँस तै, अर जारी तै दूर रहीं। इनतै दूर रहीं तो थारा भला होगा। बाकी सब ठीक-ठाक सै।” 30 फेर वे बिदा होके अन्ताकिया नगर पोहचे, अर सभा नै कट्टी करके वा चिट्ठी उन ताहीं दे दी। 31 वे चिट्ठी पढ़के उस उपदेश की बात तै घणे राज्जी होए। 32 यहूदा अर सीलास नै जो आप भी नबी थे, घणी बात्तां तै बिश्वासी भाईयाँ ताहीं उपदेश देके पक्का करया। 33 वे कुछे दिन रहके, बिश्वासी भाईयाँ तै शान्ति कै गेल्या बिदा होए के अपने खन्दाण आळा के धारे जावै। 34 (पर सीलास नै ओड़ै रहणा आच्छा लाग्या।) 35 पर पौलुस अर बरनबास अन्ताकिया नगर म्ह रह गये अर और घणखरे आदमियाँ कै गेल्या प्रभु यीशु कै वचन का उपदेश करदे अर सुसमाचार सुणान्दे रहे। 36 कुछे दिनां पाछै पौलुस नै बरनबास तै कह्वा, “जिन-जिन नगरां म्ह हमनै प्रभु का वचन सुणया था, आओ, फेर उन म्ह चालके अपने बिश्वासी भाईयाँ ताहीं देखके के वे किस तरियां सै।” 37 फेर बरनबास नै यूहन्ना ताहीं जो मरकुस कुहावै सै, गेल्या लेण का विचार करया। 38 पर पौलुस नै उस ताहीं जो पंफूलिया परदेस म्ह उनतै न्यारा

होग्या था, अर काम पै उनके गेल्या कोनी गया, गेल्या ले जाणा ठीक कोनी समझया। 39 आखर म्ह इसा वाद-विवाद होया के वे एक-दुसरे तै न्यारे पाटगे, अर बरनबास, मरकुस नै लेके जहाज पै साइप्रस टापू चल्या गया। 40 पर पौलुस नै सीलास ताहीं छोट लिया, अर बिश्वासी भाईयाँ तै परमेसवर कै अनुग्रह म्ह सौंप्या जाके ओड़ै तै चल्या गया, 41 अर वो कलीसियाओं ताहीं स्थिर करदा होया सीरिया अर किलिकिया परदेस तै होन्दे होए लिकड़या।

**16** फेर वो दिरबे अर लुस्त्रा नगर म्ह भी गया। ओड़ै तीमुथियुस नाम का एक चेल्ला था, उसकी माँ एक यहूदी बिश्वासी थी, पर उसका बाप यूनानी था। 2 वो लुस्त्रा अर इकुनियुम नगर के भाईयाँ म्ह उसका आच्छा नाम था। 3 पौलुस की मर्जी या थी के वो उसके गेल्या जावै, अर जो यहूदी माणस उन जगहां म्ह थे उनके कारण उननै उनका खतना करया, क्यूँके वे सारे जाणै थे, के उनका बाप यूनानी था। 4 पौलुस अर उसका साथी नगर-नगर जान्दे होड़ चेल्यां ताहीं वे सारे हुकम सौंपते जावै थे, जो यरुशलेम नगर के प्रेरितां अर कलीसिया के अगुवां नै तय करी थी। 5 इस तरियां कलीसिया बिश्वास म्ह पक्की होंदी गई अर गिणती दिन-ब-दिन बधती गई। 6 वे फ्रुगिया अर गलातिया परदेसां म्ह तै होके गये, क्यूँके पवित्र आत्मा नै उननै आसिया परदेस म्ह वचन सुणान तै मना करया। 7 उननै मूसिया परदेस के लोवै पोहचके, बिथुनिया परदेस म्ह जाणा चाह्वा, पर पवित्र आत्मा नै उन ताहीं जाण कोनी दिया। 8 आखर म्ह वे मूसिया परदेस तै होके त्रोआस म्ह आये। 9 ओड़ै पौलुस नै रात नै दर्शन देख्या के एक मकिदुनिया परदेस का माणस खड्या होया उनतै बिनती करके कहण लागरया सै, “पार उतरके मकिदुनिया परदेस म्ह आ, अर म्हारी मदद कर।” 10 उसके यो दर्शन देखदे हमनै जिब्बे मकिदुनिया परदेस जाणा चाह्वा, न्यू सोचके के परमेसवर नै म्हारे ताहीं उनतै सुसमाचार सुणान कै खातर बुलाया सै। 11 इस करके त्रोआस नगर तै जहाज खोल के हम सीधे सुमात्राके टापू अर दुसरे दिन नियापुलिस नगर म्ह आये। 12 ओड़ै तै हम फिलिप्पी नगर पोहचे, जो मकिदुनिया परदेस का खास नगर अर रोमियों का मोहल्ला सै, अर हम उस नगर कुछे दिन रहे। 13 आराम कै दिन हम नगर के फाटक के बाहरणै नदी कै किनारे न्यू सोचके गये के ओड़ै प्रार्थना करण की जगहां होगी, अर बैठके उन लुगाईयाँ तै जो कट्टी होई थी, बतळाण लागगे। 14 थुआतीरा नगर की बेंजनी लत्ते बेचण आळी एक लुदिया नाम की परमेसवर की भगतणी उनकी बात सुणण लागरी थी। प्रभु नै उसका मन खोल्या ताके वा पौलुस की बात्तां पै मन लगावै। 15 जिब उसनै अपने कुणबे सुधा बपतिस्मा लिया, तो उसनै म्हारे तै बिनती करी, “जै थम मन्नै प्रभु की बिश्वासीणी समझो सो, तो चालके मेरै घर म्ह रहो,” अर वा हमनै मनाके ले गई। 16 जिब हम प्रार्थना करण की जगहां पै जाण लागरे थे, तो हमनै एक कम उग्र की दास्सी

मिली जिसमह भविष्य बताण आळी आत्मा थी, अर वा भविष्य बताकै अपणे मालिकां कै खात्तर घणाए कमा लेवै थी। 17 वा पौलुस कै अर म्हारे पाच्छे आकै नै किल्की मारण लागगी, “ये माणस परमप्रधान परमेसवर के दास सै, जो म्हारे ताहीं उद्धार के राह की कथा सुणावै सै।” 18 वा घणे दिनां ताहीं न्यूप कर दी रही, पर पौलुस परेशान होग्या, अर बोहड़कै उस ओपरी आत्मा तै बोल्या, “मै तन्नै यीशु मसीह कै नाम तै हुकम दियुं सूं के उस म्ह तै बाहरणै लिकड़ जा।” अर वा उससे बखत लिकड़गी। 19 जिब उसके मालिकां नै देख्या के म्हारी कमाई की आस खतम होग्यी, तो पौलुस अर सीलास नै पकड़कै चौक म्ह प्रधानां कै धोरे खींच ल्याए, 20 अर उन ताहीं न्यायाधीश के धोरे ल्याए अर बोल्ले, “ये माणस जो यहूदी सै, म्हारे नगर म्ह दंगा मचाण लागरे सै, 21 अर इसे रीति-रिवाज बतावै सै, जिन ताहीं हम रोमियाँ कै खात्तर अपणाना सही कोनी।” 22 फेर भीड़ के माणस उनके बिरोध म्ह कठ्ठे होकै उनपै चढ़ याए, अर हाकिमां नै उनके लते पाड़कै उतार दिये, अर उनकै बैत मारण का हुकम दिया। 23 घणी बैत मारे पाच्छे उननै उन ताहीं जेळ म्ह गेर दिया अर दरोग्गा ताहीं हुकम दिया के उननै चौक्कस राखिये। 24 उसनै इसा हुकम पाकै उन ताहीं भित्तरली कोठड़ी म्ह राख्या अर उनके पाँ काठ की बेड़ियाँ तै जकड़ दिये। 25 आध्धी रात कै बखत पौलुस अर सीलास प्रार्थना करदे होए परमेसवर के भजन गाण लागरे थे, अर कैदी उनकी सुणण लागरे थे। 26 इतनै म्ह चाणचक बड़ड़ा हाल्लण आ गया, उरै ताहीं के जेळ की नीम भी हालगी, अर जिब्बे सारे दरबाजे खुलगे, अर सारया के बन्धन खुलकै पड़गे। 27 दरोग्गा जागग्या, अर जेळ के दरबाजे खुल्ले देखकै समझ गया के कैदी भाजगे सै, इस करके उसनै तलवार खिंचकै खुद ताहीं मारणा चाह्या। 28 पर पौलुस नै ठाडू आवाज म्ह रुक्का मारया, “अपणे-आपनै किमे नुकसान ना पोहोचाइये, क्यूँके हम सारे उरैए सां।” 29 फेर दरोग्गा दिवां मँगाकै भित्तर आया, अर काम्बदा होया पौलुस अर सीलास के आगँ पड्या, 30 अर उन ताहीं बाहरणै ल्याकै बोल्या, “हे भले माणसों, उद्धार पाण कै खात्तर मै के करहँ?” 31 उननै कह्या, “प्रभु यीशु मसीह पै बिश्वास कर, तो तू अर तेरा कुण्बा उद्धार पावैगा।” 32 अर उननै उस ताहीं अर उसके सारे घर के माणसां ताहीं प्रभु का वचन सुणाया। 33 रात नै उससे बखत उसनै उन ताहीं ले जाकै उनके घाव धोये, अर उसनै अपणे सारे माणसां सुधा जिब्बे बपतिस्मा लिया। 34 फेर दरोग्गै नै उन ताहीं अपणे घरां ले जाकै उनके आगँ खाणा धरया, अर साब्ले कुण्बे सुधा परमेसवर पै बिश्वास करके आनन्द करया। 35 आगले दिन फेर हाकिमां नै सिपाहियाँ के हाथ्यां कहवां भेज्या के उन माणसां नै छोड़ द्यो। 36 दरोग्गै नै ये बात पौलुस तै कही, “हाकिमां नै थारे ताहीं छोड़ देण का हुकम दिया सै। ज्यातै इब खुश होकै जाओ।” 37 पर पौलुस नै उनतै कह्या, “उननै म्हारे ताहीं जो रोमी माणस सै, कसूरवार ठहराए बिना माणसां कै स्याम्ही

मारया अर जेळ म्ह गेरया। इब के हमनै बोल-बाल्ले लिकाड़ण लागरे सै? इसा कोनी, पर वे खुद आकै हमनै बाहरणै लिकाड़ै।” 38 सिपाहियाँ नै ये बात हाकिमां तै कही, अर वे न्यू सुणकै के वे रोम के बासिन्दे सै, डरगे, 39 अर आकै उन ताहीं मनाया, अर बाहरणै ले जाकै बिनती करी के नगर चले जाओ। 40 वे जेळ तै लिकड़कै लुदिया के उरै गये, अर बिश्वासी भाईयाँ तै भेंट करके उन ताहीं शान्ति देई, अर चले गये।

**17** पौलुस अर सीलास अम्फिपुलिस अर अपुल्लोनिया नगरां तै होकै थिस्सलुनीके नगर म्ह आये, जित्त यहूदियाँ का एक आराधनालय था। 2 पौलुस अपणी रीत के मुताबिक उनके धोरे गया, अर तीन्नु आराम के दिनां म्ह पवित्र ग्रन्थ म्ह तै उनकै गेल्या बहस करी, 3 अर वो उनका मतलब खोल-खोल कै समझावै था के मसीह नै दुख ठाणा, अर मरे होया म्ह तै जिन्दा उठणा, जरूरी था, अर “योए यीशु जिसकी मै थमनै कथा सुणाऊँ सूं, मसीह सै।” 4 कितने यहूदी अर परमेसवर के भगत यूनानियाँ म्ह तै घणखरयां नै, अर घणी आच्छे खानदान की लुगाईयाँ नै मान लिया, अर पौलुस अर सीलास कै गेल्या मिलगे। 5 पर यहूदियाँ नै जळण तै भरकै बाजारू माणसां म्ह तै कुछ दुष्ट माणसां ताहीं अपणे गेल्या लिया, अर भीड़ कठ्ठी करकै नगर म्ह दंगा मचाण लागे, अर यासोन कै घर पै चढ़ाई करकै उन ताहीं आदमियाँ कै स्याम्ही ल्याणा चाह्या। 6 उननै जिब वे ओड़े न्ही मिले तो वे किल्की मारदे होए यासोन अर कुछ बिश्वासी भाईयाँ ताहीं नगर के हाकिमां कै स्याम्ही खींच ल्याए, “ये माणस जिन नै दुनिया ताहीं उल्टा-पुल्टा कर दिया सै, उरै भी आ लिए सै। 7 यासोन नै उन ताहीं अपणे घरां रहण की इजाजत दी सै। ये सारे के सारे न्यू कहवै सै के यीशु राजा सै, अर कैसर के हुकमां का बिरोध करै सै।” 8 उननै आदमियाँ ताहीं अर नगर के हाकिमां ताहीं न्यू सुणाकै डरा दिया। 9 ज्यातै उननै यासोन अर बाकी माणसां तै जमानत पै उन ताहीं छोड़ दिया। 10 बिश्वासी भाईयाँ नै जिब्बे राते-रात पौलुस अर सीलास ताहीं बिरिया नगर भेज दिया, अर वे ओड़े पोहचकै यहूदियाँ के आराधनालय म्ह गये। 11 ये माणस तो थिस्सलुनीके नगर के यहूदियाँ तै आच्छे थे, अर उननै घणे चाह तै वचन अपणाया, अर हर-रोज पवित्र ग्रन्थां म्ह टोह्न्दे रहे के ये बात न्यू से के न्ही। 12 ज्यातै उन म्ह तै घणखरयां नै, अर यूनानी आच्छे खानदान की बिरबानियाँ म्ह तै अर माणसां म्ह तै भी घणखरयां नै बिश्वास करया। 13 पर जिब थिस्सलुनीके नगर के यहूदी जाणगे के पौलुस बिरिया नगर म्ह भी परमेसवर का वचन सुणावै सै, तो ओड़े भी माणसां ताहीं उकसाण अर गड़बड़ मचाण लागगे। 14 फेर बिश्वासी भाईयाँ नै जिब्बे पौलुस ताहीं बिदा करया के समुन्दर के किनारे चल्या जावे, पर सीलास अर तीमुथियुस बिरिया रहगे। 15 पौलुस के मददगार उस ताहीं एथेंस नगर तक लेगे, अर सीलास अर तीमुथियुस कै खात्तर या आज्ञा पाकै बिदा होए के उसकै धोरे घणी तगाजै तै आवै। 16 जिब पौलुस एथेंस

नगर म्ह उसकी बात देखखै था, तो नगर नै मूर्तियाँ तै भरया होइ देखके भोत परेशान होगया। 17 इस करके वो आराधनालय म्ह यहूदियाँ तै अर भगतां तै, अर चौक म्ह जो माणस उसतै फेटै थे उनतै हरेक दिन बहस करया करै था। 18 फेर इपिकूरी अर स्तोईकी उपदेशकां म्ह तै कुछे उसतै तर्क करण लागगे, अर कुछां नै कह्या, “यो बकवादी के कहणा चाहवै सै?” पर दुसरयां नै कह्या, “वो दुसरे देवत्यां का प्रचारक दिक्खै सै” क्यूँके वो यीशु का अर पुनरुत्थान का सुसमाचार सुणावै था। 19 फेर वे उसनै अपने गेल्या अरियुपगुस नामक आराधनालय म्ह लेगे अर बुझ्झया, “के हम जाण सकां सां के यो नया पंथ जो तू सुणावै सै, के सै? 20 क्यूँके तू अनोक्खी बात म्हारै ताहीं सुणावै सै, ज्यातै हम जाणणा चाहवां सां के इनका के मतलब सै।” 21 (ज्यातै के सारे एथेंसवासी अर परदेशी जो ओड़ै रहवै थे, नयी-नयी बात कहण अर सुणण कै सिवाए और किसे काम म्ह बखत कोनी बितावै थे।) 22 फेर पौलुस नै अरियुपगुस कै बिचाळै खड़े होकै कह्या, “हे एथेंस के माणसां, मै देखूँ सूं के थम हर बात म्ह देवत्यां के घणे मानण आळै सो। 23 क्यूँके मै हांडदे होए जिब थारी पूज्जण की चिज्जां नै देखण लागरया था, तो एक इसी वेदी भी मिली, जिसपै लिख्या था, ‘अनजाणे ईश्वर के खात्तर।’ इस करके जिसनै थम बिना बेरे पूज्जे सो, मै थमनै उससे परमेसवर का सुसमाचार सुणाऊँ सूं।” 24 जिस परमेसवर नै धरती अर उसकी सारी चिज्जां ताहीं बणाया, वो सुर्ग अर धरती का मालिक होकै, हाथ के बणाए होइ मन्दरां म्ह कोनी रहन्दा, 25 उसनै माणसां की जरूरत कोनी, क्यूँके वो तो खुदे सारया ताहीं जिन्दगी अर साँस अर सारा किमे देवै सै। 26 उसनै एक ए मूल तै माणसां की सारी जात सारी धरती पै रहण कै खात्तर बणाई सै, अर उनके ठहराए होइ बखत अर रहण या निवास की हदां ताहीं ज्यातै बाँधया सै, 27 के वे परमेसवर नै टोहवै, कदाचित उस ताहीं टटोळके पावै, फेरभी वो म्हारै म्ह तै किसे तै दूर कोनी। 28 क्यूँके उससे म्ह म्हारा जीवन, चलणा-फिरणा अर म्हारी पहचान बणै सै, जिस ढाळ थारे कितने कवियाँ नै भी कह्या सै, “हम तो उससे के वंशज सां।” 29 “इस करके म्ह परमेसवर का वंश होकै म्हारा यो समझणा सही कोनी के ईश्वरत्व सोन्ने-चाँदी, पत्थर के जिसा सै, जो माणसां की कारीगरी अर कल्पना तै गढ़े गये हों। 30 ज्यातै परमेसवर नै अज्ञानता के बखत पै खियास कोनी करी, पर इब हरेक जगहां सारे माणसां ताहीं पाप छोड़ण का हुकम देवै सै। 31 क्यूँके उसनै एक दिन तय करया सै, जिसम्ह वो धार्मिकता म्ह खुद के जरिये ठहराया गये उस माणस के जरिये दुनिया का न्याय करैगा, जिन ताहीं उसनै मरे होया म्ह तै दुबारा जिन्दा करके या बात सारे माणसां के स्याम्ही साबित कर दी सै।” 32 मरे होया के पुनरुत्थान की बात सुणके कुछ तो मखोल करण लागगे, अर कुछां नै कह्या, “या बात हम तरे तै फेर कदे सुणांगें।” 33 इसपै पौलुस उनकै बिचाळै तै लिकड़ग्या। 34 पर कई माणस प्रभु

यीशु कै गेल्या मिलगे, अर बिश्वास करया, जिन म्ह दियुनुसियुस जो अरियुपगुस का सदस्य था, अर दमरिस नामकी एक लुगाई थी, अर उनके गेल्या कुछ और भी माणस थे।

**18** इसके पाछे पौलुस एथेंस नगर नै छोड़के कुरिन्थुस नगर म्ह आया। 2 ओड़ै उसनै अक्विला नामक एक यहूदी मिल्या, जिसका जन्म पुन्तुस परदेस म्ह होया था। वो अपनी घरआळी प्रिसकिल्ला कै गेल्या इटली देश तै इब्बे आया था, क्यूँके सम्राट क्लौडियुस नै सारे यहूदियाँ ताहीं रोम तै लिकड़ जाण का हुकम दिया था। ज्यातै वो उनके उरै गया। 3 पौलुस अर अक्विला का एक ए काम-धन्धा था, इस करके वो उनके गेल्या रहया अर वे काम करण लागगे, अर उनका काम-धन्धा तम्बू बणाण का था। 4 पौलुस हरेक आराम कै दिन आराधनालय म्ह बहस करके यहूदियाँ अर यूनानियाँ ताहीं भी समझावै था, के यीशु ए मसीह सै। 5 जिब सीलास अर तीमुथियुस मकिदुनिया परदेस तै आये, तो पौलुस वचन सुणाण की धुन म्ह यहूदियाँ ताहीं गवाही देण लाग्या के यीशु ए मसीह सै। 6 पर जिब यहूदी बिरोध अर बुराई करण लागगे, तो उसनै अपने लत्यां तै धूळ झाड़के उनतै कह्या, “इब जै परमेसवर थमनै इस पाप की सजा देवै तो उसकी मौत के जिम्मेदार थम खुदे हो! मै बेकसूर सूं। इब तै मै गैर यहूदियाँ कै धोरे जाऊँगा।” 7 पौलुस यहूदी आराधनालय तै लिकड़के वो तीतुस यूस्तुस नामक परमेसवर के एक भगत कै घरां आया, जिसका घर आराधनालय तै लाग्या होइ था। 8 फेर आराधनालय के सरदार क्रिस्पुस नै अपने सारे कुणबे सुधा प्रभु पै बिश्वास करया, अर घणखरे कुरिन्थवासी सुणके बिश्वास लाये, अर बपतिस्मा लिया। 9 प्रभु नै एक रात दर्शन कै जरिये पौलुस तै कह्या, “मतना डरै, बल्के कहे जा अर बोल-बाल्ला मतना रहवै, 10 क्यूँके मै तेरे गैल सूं, अर कोए तेरे पै चढ़ाई करके तेरा नुकसान कोनी करैगा, क्यूँके इस नगर म्ह मेरे घणे माणस सै।” 11 ज्यातै पौलुस उन म्ह परमेसवर का वचन सिखान्दे होए डेढ़ साल ताहीं रहया। 12 जिब गलिलियो अखाया परदेस का राज्यपाल था, तो यहूदी माणस एकका करके पौलुस पै चढ़ आये, अर उस ताहीं न्याय गद्दी कै स्याम्ही ल्याके कहण लागगे, 13 “यो माणसां नै समझावै सै, के परमेसवर की आराधना इस ढाळ तै करो, जो नियम-कायदे कै उल्ट सै।” 14 जिब पौलुस बोल्लण पैए था, तो गलिलियो नै यहूदियाँ ताहीं कह्या, “हे यहूदियाँ, जै या किमे अन्याय या दुष्टता की बात होन्दी, तो सही था के मै थारी सुणदा। 15 पर जै या बहस शब्दां, अर नाम्मां, अर थारे उरै के नियम-कायदे कै बारे म्ह सै, तो थमे जाणगे, क्यूँके मै इन बाततां का न्यायाधीश कोनी बणाणा चाहन्दा।” 16 अर उसनै उन ताहीं न्याय गद्दी कै स्याम्ही तै लिकाड़ दिया। 17 जद सारे माणसां नै आराधनालय के सरदार सोस्थिनस ताहीं पकड़के न्याय गद्दी कै स्याम्ही मारया। पर गलिलियो नै इन बाततां की भी किमे चिन्ता कोनी करी। 18 पौलुस घणे दिन ताहीं कुरिन्थुस नगर रहया।

फेर विश्वासी भाईयाँ तै बिदा होके किखिया बन्दरगाह म्ह ज्यांतै सिर मुण्डाया, क्यूँके उसनै मन्नत मान्नी थी, अर जहाज पै सीरिया परदेस नै चल्या गया अर उसकै गेल्या प्रिसकिल्ला अर अक्विला थे। 19 उसनै इफिसुस नगर पोहचकै उन ताहीं ओड़ै छोड्या, अर खुद आराधनालय म्ह जाकै यहूदियाँ तै बहस करण लाग्या। 20 जिव माणसां नै उसतै बिनती करी, “म्हारै गेल्या कुछ और दिन रह।” तो उसनै कोनी मान्नी, 21 पर न्यू कहकै उसतै बिदा होया, “जै परमेसवर नै चाह्या तो मै थारे धोरै फेर आऊँगा।” फेर वो इफिसुस नगर तै जहाज खोल कै चाल दिया, 22 अर कैसरिया नगर म्ह उतरकै (यरुशलेम नगर नै) गया अर कलीसिया ताहीं नमस्कार करकै अन्ताकिया नगर म्ह आया। 23 फेर किमे दिन रहकै वो ओड़ै तै लिंकड़या, अर एक और तै गलातिया अर फ्रुगिया परदेसां म्ह सारे चेल्यां ताहीं स्थिर करदा हांडया। 24 अपुल्लोस नामक एक यहूदी, जिसका जन्म सिकन्दरिया नगर म्ह होया था, जो ज्ञान्नी माणस था अर पवित्र ग्रन्थ ताहीं आच्छी तरियां तै जाणै था, इफिसुस नगर म्ह आया। 25 उसनै प्रभु कै राह की शिक्षा पाई थी, अर मन लाकै यीशु कै बारे म्ह सही-सही सुणावे अर सिखावे था, पर वो सिर्फ यूहन्ना कै बपतिस्मा की बात जाणै था। 26 वो आराधनालय म्ह बिना डरे बोल्लण लाग्या, पर प्रिसकिल्ला अर अक्विला उसकी बात सुणकै उस ताहीं अपणे उरै लेगे अर परमेसवर की राह उस ताहीं और भी सही-सही बताई। 27 जिव उसनै फैसला करया के पार उतरकै अखाया परदेस म्ह जावे तो विश्वासी भाईयाँ नै उस ताहीं धीरज बन्धाके चेल्यां ताहीं लिख्या के वे उसतै आच्छी ढाळ फेटै, अर उसनै ओड़ै पोहचकै उन माणसां की घणी मदद करी जिन नै अनुग्रह कै कारण विश्वास करया था। 28 क्यूँके वो पवित्र ग्रन्थ तै सबूत दे-देकै के यीशु ए मसीह सै, घणे तावळेपण तै यहूदियाँ ताहीं सारया कै स्याम्ही निरुतर (बोलती बन्द) करदा रहया।

**19** जिव अपुल्लोस कुरिन्थुस नगर म्ह था, तो पौलुस उप्पर के सारे परदेस तै होकै इफिसुस नगर म्ह आया। ओड़ै कई चेल्यां ताहीं मिल्या। 2 उनतै बोल्या, “के थमनै विश्वास करदे बखत पवित्र आत्मा पाया था?” उननै उसतै कह्या, “हमनै तो पवित्र आत्मा का जिक्र भी कोनी सुणया।” 3 पौलुस नै उनतै कह्या, “तो फेर थमनै किसका बपतिस्मा लिया?” वे बोल्ले, “यूहन्ना का बपतिस्मा।” 4 पौलुस बोल्या, “यूहन्ना नै न्यू कह्या, के पाप करणा छोड़ दो, अर बपतिस्मा ल्यो, परमेसवर थारे पाप माफ कर देगा, अर जो मेरै पाच्छै आण आळा सै, उसपै विश्वास करियो, यानिके यीशु पै।” 5 न्यू सुणकै उननै प्रभु यीशु कै नाम म्ह बपतिस्मा लिया। 6 जिव पौलुस नै उनपै हाथ धरे, तो पवित्र आत्मा उनपै उतरया, अर वे अन्य-अन्य भाषा बोल्लण अर भविष्यवाणी करण लागे। 7 ये सारे करीबन बारहा माणस थे। 8 पौलुस आराधनालय म्ह जाकै तीन महिन्ने ताहीं बिना डरे होके बोल्दा रहया, अर परमेसवर के राज्य कै बारे म्ह बहस करदा अर समझान्दा रहया। 9 पर जो माणसां

कठोर थे उननै उसका विश्वास कोनी करया, बल्के माणसां कै स्याम्ही इस पंथ नै बुरा कहण लागे, तो उसनै उन ताहीं छोड़ दिया अर चेल्यां ताहीं साथ लेकै तुरन्नुस की पाठशाला म्ह गये, जित्त वे रोज भीड़ तै परमेसवर के बारे म्ह बहस करया करै थे। 10 दो साल ताहीं न्यूए होन्दा रहया, उरै ताहीं के आसिया परदेस के रहणीये के यहूदी के यूनानी सारया नै प्रभु का वचन सुण लिया। 11 परमेसवर नै पौलुस ताहीं अदभुत चमत्कार करण की सामर्थ दी। 12 उरै ताहीं के रूमाल अर अन्गोछे उसकै गात तै छुआ कै बिमारां पै गेरै थे, अर उनकी बीमारी जान्दी रहवै थी, अर भुंडी ओपरी आत्मा उन म्ह तै लिंकड़ जाया करै थी। 13 पर कुछ यहूदी लोग जो झाड़ा-फूंक करदे हान्डै थे, न्यू करण लागे के जिन म्ह भुंडी ओपरी आत्मा हो उनपै प्रभु यीशु का नाम न्यू कहकै फूँके, “जिस यीशु का प्रचार पौलुस करै सै, मै थारे ताहीं उरसे आदमी की कसम दियुँ सूँ।” 14 अर स्क्क्वा नाम का एक यहूदी प्रधान याजक के सात बेटे थे, जो इस्से तरियां ए करै थे। 15 पर भुंडी ओपरी आत्मा नै उन ताहीं जवाब दिया, “यीशु ताहीं मै जाणु सूँ, अर पौलुस ताहीं भी पिच्छाणु सूँ, पर थम कौण सो?” 16 अर उस माणस नै जिसम्ह भुंडी ओपरी आत्मा थी उनपै लपकके अर उन ताहीं बस म्ह करकै, उनपै इसा दुर्गति मचाया के वे उघाड़े अर घायल होकै उस घर तै लिंकड़ भाज्जे। 17 या बात इफिसुस नगर के रहण आळे सारे यहूदी अर यूनानी भी जाणगे, अर वे सारे डरगे, अर प्रभु यीशु कै नाम की बड़ाई होई। 18 जिन नै विश्वास करया था, उन म्ह तै घणखरयां नै आकै अपणे-अपणे काम्मां ताहीं मान लिया अर दिखा दिया। 19 जादू करण आळा म्ह तै घणाए नै अपणी-अपणी सारी पोथी कट्टी करके सारया कै स्याम्ही जळा दी, अर जिव उसका दाम जोड्या गया, तो पचास हजार चाँदी के सिक्के के बराबर लिंकड़या। 20 इस तरियां प्रभु का वचन सामर्थी तरिकके तै फैलदा अर हावी होँदा गया। 21 जिव ये बात हो ली तो पौलुस नै आत्मा म्ह ठाण लिया के मकिदुनिया अर अखाया परदेस तै होके यरुशलेम नगर जाऊँ, अर बोल्या, “यरुशलेम जाणकै बाद मन्ने रोम ताहीं भी देखणा जरूरी सै।” 22 इस करके अपणी सेवा करणीया म्ह तै तीमुथियुस अर इरास्तुस ताहीं मकिदुनिया परदेस भेजकै खुद किमे दिन आसिया परदेस म्ह रहग्या। 23 उस बखत उस पन्थ कै बारे म्ह घणा दंगा माच्या। 24 क्यूँके देमेत्रियुस नाम का एक सुनार अरतिमिस के चाँदी के मन्दर बणवाके कारिगरां ताहीं घणा काम दुवाया करै था। 25 उसनै उन ताहीं अर इस्से तरियां की चिज्जां के कारिगरां ताहीं कट्टा करके कह्या, “हे भाईयो, थमनै बेरा सै के इस काम तै हमनै कितना धन मिलै सै। 26 थम देख्खो अर सुणो सो के सिर्फ इफिसुस नगर म्ह ए कोनी, बल्के कई बार सारे आसिया परदेस म्ह न्यू कह-कहके इस पौलुस नै घणे माणसां ताहीं समझाया अर भकाया भी सै, के जो हाथ की कारीगरी सै, वे ईश्वर कोनी। 27 इसतै इब सिर्फ इस्से बात का ए भय न्ही सै के म्हारै इस

धन्धे की इज्जत-मान जान्दी रहवैगी, बल्के न्यू भी के महान् अरतिमिस का मन्दर तुच्छ समझया जावैगा, अर जिस ताहीं सारा आसिया परदेस अर दुनिया पूज्ज सै उसका महत्व भी जान्दा रहवैगा।” 28 कारीगर न्यू सुणकै खुन्दक तै भरगे अर किल्की मार-मारकै कहण लागगे, “इफिसियाँ की अरतिमिस देवी, महान् सै!” 29 अर सारे नगर म्ह घणा दंगा माचग्या, अर माणसां नै मकिदुनियावासी गयुस अर अरिस्तर्खुस ताहीं जो पौलुस के संगी मुसाफर थे, पकड़ लिया, अर एक सेन्ती रंगशाला म्ह भाजगे। 30 जिन पौलुस नै माणसां के धोरै भीत्तर जाणा चाह्या तो चेल्यां नै उस ताहीं जाण न्ही दिया। 31 आसिया परदेस के हाकिमां म्ह तै भी उसके कई साथियाँ नै उसके धारे कहवां भेज्या अर बिनती करी के रंगशाला म्ह जाके जोख्खम ना ठाईयो। 32 भीड़ म्ह तै कोए कुछ चिल्लावे था अर कोए कुछ, सारी भीड़ पूरी तरियां घबराई होई थी, अर घणखरे माणसां नै तो न्यूप कोनी बेरा था के वे क्यां खात्तर कठ्ठे होए सै। 33 फेर उननै सिकन्दर ताहीं, जिस ताहीं यहूदियाँ नै खड्या करया था, भीड़ म्ह आगै बढ़ाया। सिकन्दर हाथ तै इशारा करकै माणसां के स्याम्ही जवाब देणा चाहवे था। 34 पर जिन उननै बेरा लागग्या के वो यहूदी सै, तो सारे के सारे एक बोल म्ह कोए दो घंटे ताहीं चिल्लान्दे रहे, “इफिसियाँ की अरतिमिस देवी, महान् सै।” 35 फेर नगर के मन्त्री नै माणसां ताहीं शान्त करकै कहा, “हे इफिसुस नगर के माणसां, किसनै न्ही बेरा के इफिसियाँ का नगर महान् अरतिमिस देवी के मन्दर, अर ज्यूस की ओड़ तै गिरी होड़ मूर्ति का टहलुआ सै।” 36 आखर म्ह जिन के इन बात्तां का खण्डन ए कोनी हो सकदा, तो सही सै के थम शान्त रहो अर बिना सोच्चे-समझे किमे ना करो। 37 क्यूँके थम के इन माणसां नै ल्याए सो जो ना मन्दर के लुट्टण आळे सै अर ना म्हारी देवी के बुराई करणीये सै। 38 इस करकै देमेत्रियुस अर उसके मित्र-कारिगरां ताहीं किसे तै एतराज हो तो कच्हेड़ी जा सके सै अर हाकिम भी सै, वे एक-दुसरे पै दोष लावै। 39 पर जै थम किसे और बात के बारै म्ह किमे बुझणा चाहो सो, तो बखत पै सभा म्ह फैसला करया जावैगा। 40 आज की इस घटना के कारण म्हारै पै उपद्रव का इल्जाम लागगण का खतरा सै, क्यूँके इसकै खात्तर कोए भी ठोस कारण दिखाई कोनी देंदा, “हम इस भीड़ के कट्टा होण का कोए जवाब कोनी दे सकांगें।” 41 न्यू कहकै उसने सभा ताहीं बिदा करया।

**20** जिन दंगा थम ग्या तो पौलुस नै चेल्यां ताहीं बुलाकै उत्साहित करया, अर उनतै बिदा होके मकिदुनिया परदेस की ओड़ चाल दिया। 2 उस सारे परदेस म्ह तै होके अर चेल्यां ताहीं घणा समझाकै वो यूनान देश म्ह आया। 3 जिन तीन महिन्ने रहकै वो ओड़ै तै जहाज पै सीरिया परदेस की ओड़ जाण पै था, तो यहूदी अगुवें उसकी टाह म्ह लागगे, ज्यातै उसनै निश्चय करया के मकिदुनिया परदेस होके बोहड़ जावै। 4 बिरीयावासी पुरुस का बेटा सोपत्रुस अर थिस्सलुनीकियाँ नगर

म्ह तै अरिस्तर्खुस अर सिकुन्दुस, अर दिरवे नगर का गयुस, अर तीमुथियुस, अर आसिया परदेस का तुखिकुस अर त्रुफिमुस आसिया परदेस ताहीं उसके गैल हो लिये। 5 ये म्हारे मुसाफिर साथी म्हारे तै पैहले चले गये। 6 अर हम अखमीरी रोटी के त्योंहार के दिनां के पाच्यै फिलिप्पी तै जहाज पै चढ़कै पाँच दिन म्ह त्रोआस म्ह उसके धारे पोहचे, अर सात दिन ताहीं रहे। 7 हफ्तै के पैहलड़े दिन जिन हम प्रभुभोज के खात्तर कठ्ठे होए, तो पौलुस जो दुसरे दिन चले जाण पै था, उनतै बात करी, आथ्थी रात ताहीं बात करदा रहया। 8 जिस चौबारे पै हम कठ्ठे थे, उस म्ह घणे दीवे जळण लागरे थे। 9 अर यूतुखुस नाम का एक जवान खिड़की पै बेठ्या होया नींद की झपकियाँ लेण लागरया था। जिन पौलुस वारी ताहीं बात करदा रहया तो यूतुखुस नींद के झोक्के म्ह तीसरी अटारी पै तै पड़ग्या, अर उसकी मौत होगी। 10 पौलुस नीच्यै गया, उसके धारे जाके उसतै लिपटग्या, अर गळे लाके कहा, “घबराओ ना, वो जीवै सै।” 11 अर उसनै दुबारा उप्पर जाके रोटी तोड़ी अर खाके दिन लिक्ड़ण ताहीं उनतै बात करदा रहया, सबेरा होग्या। फेर वो चल्या गया। 12 अर वे उस जवान ताहीं जिन्दा लियाए अर माणस भोत खुश होए। 13 हम पाणी के जहाज पै सवार होके अस्सुस नगर की ओड़ बढे, जड़ै हमनै पौलुस ताहीं साथ लेके आगै बढ़णा था, पर पौलुस ओड़ै पैदल राह तै पोहोधा था, क्यूँके या उसकी पैहले तै बणाई तरकीब थी। 14 अस्सुस नगर उन ताहीं मिल्या तो हमनै उस ताहीं पाणी के जहाज म्ह अपने साथ लिया अर मितुलेने नगर म्ह जा पोहचे। 15 ओड़ै तै जहाज खोल के हम दुसरे दिन खियुस टापू के स्याम्ही पोहचे, अर आगले दिन सामुस टापू म्ह जाण लागगे, पर उसके आगले एक दिन के बाद मीलेतुस बन्दरगाह म्ह आये। 16 पौलुस नै इफिसुस नगर म्ह ना उतरकै आगै बढ़ जाण का इरादा करया क्यूँके वो चाहवै था के आसिया परदेस म्ह ठैहरण की बजाए जै हो सक्या तो तगाजै तै पिन्तेकुस्त के त्योंहार के मौक्के पै यरुशलेम नगर म्ह पोहच जावै। 17 मीलेतुस नगर तै पौलुस नै इफिसुस नगर म्ह समाचार भेजके कलीसिया के अगुवां ताहीं बुलवाया। 18 जिन वे उसके लोवै आये, तो उनतै कहा “थमनै बेरा सै के पैहलड़े ए दिन तै जिन मै आसिया परदेस म्ह पोहच्यै, मै हर-बखत थारे गेल्या किस ढाळ रहया, 19 यानिके घणी दीनता तै, अर आँसू बहा-बहाके, अर उन मुसीबतां म्ह जो यहूदियाँ की साजिस के कारण मेरे पै आण पड़ी, मै प्रभु की सेवा करदा ए रहया। 20 अर जो-जो बात थारे फायदे की थी, उन ताहीं बताण अर माणसां के स्याम्ही अर घर-घर सिखाण तै कदे न्ही झिझक्या, 21 बल्के यहूदियाँ अर यूनानियाँ के स्याम्ही गवाही देंदा रहया के परमेसवर की ओड़ मन फिराणा अर म्हारै प्रभु यीशु पै बिश्वास करणा चाहिये।” 22 इब देक्खो, मै पवित्र आत्मा म्ह बन्ध्या होया यरुशलेम नगर नै जाऊँ सूँ, अर मन्ने न्ही बेरा के ओड़ै मेरे पै के-के बीतैगी। 23 सिर्फ यो के पवित्र आत्मा हरेक नगर म्ह

गवाही दे-देके मेरे तै कहवै सै के बन्धन अर क्लेश तेरे खात्तर त्यार सै। 24 पर मै अपणी जान नै किमे न्ही समझदा के उसतै प्यार राक्खूँ, बल्के यो के मै अपणी दौड़ ताहीं अर उस सेवा नै पूरी करूँ, जो मन्ने परमेसवर के अनुग्रह के सुसमाचार पै गवाही देण के खात्तर प्रभु यीशु तै पाई सै। 25 इब देखखो, मन्ने बेरा सै के थम सारे जिन म्ह मै परमेसवर के राज्य का प्रचार करया सै, मेरा मुँह दुबारा कोनी देखखोगे। 26 ज्यांतै मै आज के दिन थारे तै गवाही देके कहूँ सूँ, के मै किसे की भी मौत का कसूरवार न्ही सूँ। 27 क्यूँके मै परमेसवर की सारी इच्छा नै थारे ताहीं बताण म्ह कदे कोनी हिचकिचाया। 28 इस करके थम अपणा ध्यान राक्खो अर उस टोळ का भी, जिसका रुखाळा थारे ताहीं पवित्र आत्मा ठहराया सै, के थम परमेसवर की कलीसिया की रुखाळी करो, जिस ताहीं उसनै खुद अपणे लहू तै मोल लिया सै। 29 मन्ने बेरा सै के मेरे जाणके बाद पाड़ण आळे भेड़िये थारे म्ह आवैगें जो टोळ नै कोनी छोडूंगें। 30 थारे ए बिचाळै तै भी इसे-इसे माणस उठैगें, जो चेल्यां ताहीं अपणे पाच्छे खींच लेण ताहीं टेढ़ी-मेढ़ी बात कहवैगें। 31 इस करके जागदे रहो, अर याद राक्खो के मन्ने तीन साल्लां ताहीं रात-दिन आँसू बहा-बहाके हरेक ताहीं चेतावनी देणा न्ही छोड्या। 32 “अर इब मै थमनै परमेसवर अर उनके अनुग्रह के वचन की देखभाळ म्ह सौपण लागरया सूँ, जिस म्ह थारी बढोतरी करण अर उन सब के साथ मीरास देण की ताकत सै, जो प्रभु खात्तर न्यारे करे गये सै। 33 मन्ने किसे के चाँदी, सोन्ने या लते का लोभ कोनी करया। 34 थमनै खुदे बेरा सै के इन्हे हाथ्यां नै मेरी अर मेरे साथियाँ की जरूरत पूरी करी सै। 35 मन्ने थारे ताहीं सारया किमे करके दिखया के इस तरियां तै मेहनत करदे होए कमजोरों ताहीं सम्भालणा अर प्रभु यीशु के वचन याद राखणा जरूरी सै, जो उसनै खुदे कहा सै: ‘लेण तै देणा धन्य सै।’ 36 न्यू कहके उसनै गोड्डे टेक्के अर उन सारया के गेल्या प्रार्थना करी। 37 फेर वे सारे घणे रोये अर पौलुस के गळे लिपटके उस ताहीं चुम्प लागे। 38 वे खासकर इस बात तै दुखी थे जो उसनै कही थी के थम मेरा मुँह दुबारा कोनी देखखोगे। इसके बाद वे पौलुस के साथ पाणी के जहाज तक गये।

**21** जिब हमनै उनतै न्यारे होके जहाज खोलया, तो सीध्दी राही तै कोस टापू म्ह आये, अर दुसरे दिन रुदुस टापू म्ह अर ओड़ै तै पतरा टापू म्ह। 2 ओड़ै एक जहाज फीनीके परदेस नै जान्दा होया मिलया, अर हमनै उसपै चढ़के अपणा सफर शरु करया। 3 हमनै ओळै हाथ कान्ही साइप्रस टापू दिखया, तो हम उसनै छोड़के सीरिया परदेस की ओड़ बढ़ते गये अर सूर नगर म्ह जा पोहचे, क्यूँके ओड़ै जहाज तै समान उतारया जाणा था। 4 चेल्यां नै पाके हम ओड़ै सात दिन ताहीं रहे। उननै पवित्र आत्मा के सिखाए पौलुस तै कहा के ओड़ै (यरुशलेम नगर म्ह) पाँ ना धरिये। 5 सात दिन के बाद जिब ओड़ै तै म्हारे जाण का बखत आया, तो वे पूरे परिवार के साथ म्हारै ताहीं बिदा करण

खात्तर नगर की सीमा तक आये, अर समन्दर के किनारे हमनै घुटने टेकके प्रार्थना करी, 6 फेर एक-दुसरे तै बिदा होके, हम तो जहाज पै चढ़गे अर वे अपणे-अपणे घरां बोहड़गे। 7 जिब हम सूर नगर तै जहाज पै सफर करके पतुलिमयिस नगर म्ह पोहचे, अर बिश्वासी भाईयाँ नै नमस्कार करके उनके गेल्या एक दिन रहे। 8 दुसरे दिन हम ओड़ै तै चालके कैसरिया नगर म्ह आये, अर फिलिप्पुस सुसमाचार प्रचारक के घर म्ह जो उन सात आदमियाँ म्ह तै एक था, जिन ताहीं प्रेरितां नै बिधवा जानानियाँ की सेवा करण खात्तर यरुशलेम म्ह छाट्या था, हम उससे के घर म्ह ठहरे। 9 उसकी चार कुंवारी बेट्ठी थी, जो भविष्यवाणी करया करै थी। 10 जिब हम ओड़ै घणे दिन ताहीं रह लिये, तो अगबुस नाम का एक नबी यहूदिया परदेस म्ह आया। 11 उसनै म्हारै धौरै आके पौलुस का कमरबन्द लिया, अर अपणे हाथ-पाँ बाँधके कहा, “पवित्र आत्मा न्यू कहवै सै के जिस माणस का यो कमरबन्द सै, उस ताहीं यरुशलेम नगर म्ह यहूदी इस्से तरियां तै बाँधैगें, अर गैर यहूदियाँ के हाथ्यां म्ह सौपैगें।” 12 जिब हमनै ये बात सुणी, तो हमनै अर ओड़ै के माणसां नै पौलुस तै बिनती करी के यरुशलेम नगर नै ना जाइए। 13 पर पौलुस नै जवाब दिया, “थम के करो सो के रो-रोके मेरा मन तोडो सो? मै तो प्रभु यीशु के नाम के खात्तर यरुशलेम नगर म्ह ना सिर्फ बाँधे जाण ए के खात्तर बल्के मरण के खात्तर भी त्यार सूँ।” 14 जिब उसनै न्ही मान्नी तो हम न्यू कहके बोल-बाल्ले रहगे, “प्रभु की मर्जी पूरी हो।” 15 कई दिनां पाच्छे हमनै त्यारी करी अर यरुशलेम नगर नै चाल दिए। 16 कैसरिया नगर तै भी कुछ चेल्ले म्हारै गेल्या हो लिए, अर म्हारै ताहीं ठहराण खात्तर साइप्रसवासी मनासोन के घर ले गये, वो सब तै पैहले के चेल्यां म्ह तै एक था। 17 जिब हम यरुशलेम नगर म्ह पोहचे, तो बिश्वासी भाई घणी खुशी के गेल्या हम तै मिले। 18 दुसरे दिन पौलुस म्हारै ताहीं लेके याकूब के धारे गया, जित्त सारे कलीसिया के अगुवें कठे थे। 19 जद उसनै उन ताहीं नमस्कार करके, जो-जो काम परमेसवर नै उसकी सेवा के जरिये गैर यहूदियाँ म्ह करे थे, एक-एक करके सारे बताए। 20 उननै न्यू सुणके परमेसवर की महिमा करी, फेर उसतै बोलया, “हे भाई, तू देखखे सै के यहूदियाँ म्ह तै कई हजारों नै बिश्वास करया सै, अर सारे नियम-कायदे के खात्तर मानण म्ह पक्के सै। 21 उननै यो सुण राख्या सै के तू गैर यहूदी माणसां के बीच म्ह रहन्दे होए यहूदियाँ ताहीं या शिक्षा देण लागरया सै के मूसा नबी के नियम-कायदा नै छोड़्यो, ना तो अपणे बाळकां का खतना करो अर ना रीति-रिवाज्जां पै चाल्लों। 22 तो फेर के करया जावै? माणस जरुर सुपैगें के तू आया सै। 23 इस करके जो हम तेरे तै कहां सां, वो कर। म्हारा सुझाव मान उरे इसे चार माणस सै, जिन नै कसम खाई सै।” 24 तू उनके गैल जा, शुद्ध होण की विधि पूरी कर, अर उसके मुण्डन का खर्चा ठा, फेर सारया नै यो बेरा लाग ज्यागा के जो कुछ भी बात तेरे बारै म्ह कहा गया

सै, उस म्ह कोए सच्चाई न्ही सै पर तू खुद भी नियम-कायदे का पालन करै सै। 25 पर उन गैर यहूदियाँ कै बारै म्ह जिन नै बिश्वास करया सै, हमनै यो फैसला करकै लिख भेज्या सै “के वे मूर्तियाँ कै स्याम्ही बलि करे हाड़ माँस तै, अर लहू तै अर घेटी घोट्टे होयां के माँस तै अर जारी तै बचे रहवें।” 26 फेर पौलुस उन माणसां नै लेके, अर दुसरे दिन उनकै गेल्या शुद्ध होके मन्दर म्ह गया, अर ओड़ै बता दिया के शुद्ध होण कै दिन, यानिके उन म्ह तै हरेक कै खात्तर चढ़ावा चढ़ाए जाण तक के दिन कद पूरे होवेंगें। 27 जिब वे सात दिन पूरे होण पै थे, तो आसिया परदेस के यहूदियाँ नै पौलुस ताहीं मन्दर म्ह देखकै सारे माणसां ताहीं उकसाया, अर न्यू रुक्का मारकै उस ताहीं पकड़ लिया, 28 “हे इस्राएलियों, मदद करो, यो वोए माणस सै, जो माणसां के, अर नियम-कायदे के, अर इस जगहां के बिरोध म्ह हरेक जगहां सारे माणसां नै सिखावै सै, उरै ताहीं के यूनानियाँ ताहीं भी मन्दर म्ह ल्याकै उसनै इस पवित्र जगहां ताहीं अपवित्र करया सै।” 29 उननै इसतै पैहल्या इफिसुसवासी त्रुफिमस ताहीं पौलुस कै गेल्या नगर म्ह देख्या था, अर सोचवै थे के पौलुस उसनै मन्दर म्ह लियाया सै। 30 फेर सारे नगर म्ह दंगा माचग्या, अर माणस भाजकै कट्टे होए, अर पौलुस नै पकड़कै मन्दर कै बाहरणे घसीट ल्याए, अर जिब्बे किवाड़ बन्द करे गये। 31 जिब वे उसनै मार देणा चाहवै थे, तो पलटन के सरदार नै सन्देशा पोंहच्या के सारे यरुशलेम नगर म्ह दंगा माचरया सै। 32 फेर वो जिब्बे सिपाहियाँ अर सूबेदारां नै लेके उनकै धौरे तळै भाज आया, अर उननै पलटन के सरदार अर सिपाहियाँ ताहीं देखकै पौलुस ताहीं मारणा-छेतणा छोड़ दिया। 33 फेर पलटन के सरदार नै धौरे आकै पौलुस ताहीं पकड़ लिया, अर दो साँकळां तै बाँधण का हुकम देकै बुझण लाग्या, “यो कौण सै अर इसनै के करया सै?” 34 पर भीड़ म्ह तै कोए किमे अर कोए किमे चिल्लान्दा रहया। जिब रोले कै कारण वो सही सच्चाई न्ही जाण सक्या, तो उस ताहीं गढ़ म्ह ले जाण का हुकम दिया। 35 जिब वो सीढ़ी पै पोंहच्या, तो इसा होया के भीड़ की दाब कै मारे सिपाहियाँ नै उस ताहीं ठाकै ले जाणा पड्या। 36 क्यूँके माणसां की भीड़ न्यू चिल्लान्दी होई उसकै पाच्छे पडरी थी, “उसनै खतम कर द्यो।” 37 जिब वे पौलुस नै गढ़ म्ह ले जावण आळै थे, तो उसनै पलटन के सरदार तै कह्या, “जै मन्ने इजाजत हो तो मै थारे तै किमे कहूँ?” वो बोल्या, “के तू यूनानी भाषा जाणै सै? 38 “के तू मिस्र देश का कोनी, जो इन दिनां तै पैहल्या बिद्रोही बणकै, चार हजार हथियार सुधा माणसां नै जंगळ म्ह लेग्या?” 39 पौलुस नै कह्या, “मै तो तरसुस का यहूदी माणस सूँ! मै किलिकिया परदेस के तरसुस नगर का बासिन्दा सूँ। मै तेरे तै बिनती करूँ सूँ के मन्ने माणसां तै बात करण दे।” 40 जिब उसनै हुकम दिया, तो पौलुस नै सीढ़ी पै खड़े होकै माणसां ताहीं हाथ तै इशारा करया। जिब वे चुप होए तो वो इब्रानी भाषा म्ह बोल्लण लाग्या:

22 “हे भाईयो अर बुजुर्गों, मेरा बदले म्ह जवाब सुणो, जो मै इब थारे स्याम्ही ल्याऊँ सूँ।” 2 वे न्यू सुणकै के वो हम तै इब्रानी भाषा म्ह बोल्लै सै, और भी बोल-बाल्ले होंगे। फेर उसनै कह्या 3 “मै तो यहूदी माणस सूँ, जो किलिकिया के तरसुस नगर म्ह जन्मा, पर इस नगर म्ह गमलीएल के पायां कै धौरे बैठकै पढ़ाया गया, अर पूर्वजां के नियम-कायदा नै ठीक रीति तै सिखाया गया अर परमेसवर कै खात्तर इसी धुन लारया था, जिस तरियां थम सारे आज लारे सो। 4 मन्ने माणस अर लुगाई दोनुआ ताहीं जुड़-जुड़कै अर जेळ म्ह गेर-गेर कै, इस पंथ नै उरै ताहीं सताया के उन ताहीं मरवा भी दिया। 5 इस बात कै खात्तर महायाजक अर सारे यहूदी अगुवें गवाह सै, के उनतै मै भाईयाँ कै नाम पै चिट्ठियाँ लेके दमिश्क नगर नै चाल्या जाऊँ था, के जो ओड़ै हों उन ताहीं भी सजा दुवाण कै खात्तर बाँधकै यरुशलेम नगर लाऊँ। 6 “जिब मै चाल्दे-चाल्दे दमिश्क नगर कै लोवै पोंहच्या, तो इसा होया के दोपहर कै करीबन चाणचक एक घणा चाँदणा अकास तै मेरे चौगरदे नै चमक्या। 7 अर मै धरती पै गिर गया अर यो शब्द सुणया, ‘हे शाऊल, हे शाऊल, तू मन्ने क्यातै सतावै सै?’” 8 मन्ने जवाब दिया, “हे प्रभु, तू कौण सै?” उसनै मेरे तै कह्या, “मै यीशु नासरी सूँ,” जिस ताहीं तू सतावै सै। 9 मेरे साथियाँ नै चाँदणा तो देख्या, पर मेरे तै जो बोल्लै था उसनै समझ कोनी पाए। 10 फेर मन्ने कह्या, “हे प्रभु, मै के करूँ?” प्रभु नै मेरे तै कह्या, “उठकै दमिश्क नगर म्ह जा, अर जो किमे तेरे तै करण कै खात्तर ठहराया गया सै ओड़ै तेरे तै सब बता दिया जावैगा।” 11 जिब उस चाँदणे के तेज के मारे मन्ने किमे कोनी दिख्या, तो मै अपने साथियाँ का हाथ पकड़े होए दमिश्क नगर म्ह आया। 12 “फेर हनन्याह नामक नियम-कायदे कै मुताबिक एक भगत माणस, जो ओड़ै के रहणीये सारे यहूदियाँ म्ह सुनाम्मी था, मेरे धौरे आया,” 13 अर खड़े होकै मेरे तै कह्या, “हे भाई शाऊल, फेर देखण लाग।” उससे बखत मेरी आँख खुलगी अर मन्ने उस ताहीं देख्या। 14 फेर उसनै कह्या, “म्हारै बाप-दाद्या के परमेसवर नै तेरे ताहीं ज्यांतै ठहराया के तू उसकी मर्जी नै जाणै, अर उस धर्मी नै देखखै अर उसकै मुँह की बात सुणै। 15 क्यूँके तू उसकी ओड़ तै सारे माणसां कै स्याम्ही उन बातां का गवाह होगा जो तन्नै देखखी अर सुणी सै। 16 इब क्यातै वार करै सै? उठ, बपतिस्मा ले, अर उसका नाम लेकै अपने पापां की माफी पा ले।” 17 “जिब मै दुबारा यरुशलेम नगर म्ह आकै मन्दर म्ह प्रार्थना करण लागरया था, तो बेसुध होग्या, 18 अर उस ताहीं देख्या के वो मेरे तै कहवै सै, ‘तावळ करकै यरुशलेम नगर तै झट दे-सी लिकड़ज्या,’ क्यूँके वे मेरे बारे म्ह तेरी गवाही कोनी मान्नेगें।” 19 मन्ने कह्या, “हे प्रभु, उननै तो खुदे बेरा सै के मै तेरे पै बिश्वास करण आळा नै जेळ म्ह गेरू अर जगहां-जगहां आराधनालय म्ह छित्वाऊँ था। 20 जिब तेरे गवाह स्तिफनुस का लहू बहाया जाण लागरया था जद मै भी ओड़ैए खड्या था अर इस बात म्ह सहमत था, अर उसकै

मारणीयां के लत्यां की रुखाळी कहँ था।” 21 अर प्रभु नै मैरै तै कहा, “चल्या जा क्यूँके मै तेरे ताहीं गैर यहूदियाँ के धोरै दूर-दूर भेज्जूँगा।” 22 माणस इस बात तक उसकी सुणदे रहे, फेर जोर तै चिल्लाए, “इसे माणस का नाश करो, उसका जिन्दा रहणा ठीक कोनी!” 23 जिव वे चिल्लान्दे अर लते बगान्दे अर अकास म्ह धूळ उड़ावे थे, 24 तो पलटन के सरदार नै कहा, “इस ताहीं गढ़ म्ह ले जाओ, अर कोड़े मारके जाँच्यो, के मनै बेरा लागै के माणस किस कारण उसके बिरोध म्ह इस ढाळ चिल्लावे सै।” 25 जिव उननै उस ताहीं फित्यां तै बाँधया तो पौलुस नै उस सूबेदार तै जो धोरै खड्या था, कहा, “के यो सही सै के थम एक रोमी माणस ताहीं, अर वो भी बिना कसूरवार ठहराए होए, कोड़े मारो?” 26 सूबेदार नै न्यू सुणके पलटन के सरदार के धोरै जाके कहा, “तू यो के करै सै? यो तो रोमी माणस सै।” 27 फेर पलटन के सरदार नै उसके धोरै आके कहा, “मनै बता, के तू रोमी सै?” उसनै कहा, “हाँ।” 28 न्यू सुणके पलटन के सरदार नै कहा, “मनै रोमी होण का पद घणे रपिये देके मिल्या सै।” पौलुस नै कहा, “मै तो जन्म तै रोमी सू?” 29 फेर जो माणस उस ताहीं जाँच्यण पै थे, वे जिब्बे उसके धोरै तै हटगे, अर पलटन का सरदार भी न्यू जाणके के यो रोमी सै अर मनै उस ताहीं बाँधया सै, डरग्या। 30 दुसरे दिन उसनै सही-सही जाणण की मर्जी तै के यहूदी उसपै क्यातै दोष लावे सै, उसके बन्धन खोल दिए, अर प्रधान याजकां अर यहूदी अगुवां की सभा ताहीं कष्ट होण का हुकम दिया, अर पौलुस नै तळे ले जाके उनके स्याम्ही खड्या कर दिया।

**23** पौलुस नै यहूदी अगुवां की सभा की ओड़ गौर तै देख्या अर कहा, “हे भाईयो, मनै आज ताहीं परमेसवर के खात्तर जमा-कती सच्चे मन तै जीवन बिताया सै।” 2 इसपै हनन्याह महायाजक नै उन ताहीं जो उसके धोरै खड़े थे, उसके मुँह पै थपड़ मारण का हुकम दिया। 3 फेर पौलुस नै उसतै कहा, “हे चुन्ना फिरी होड़ भीत, परमेसवर तेरे ताहीं मारैगा। तू नियम-कायदे के मुताबिक मेरा न्याय करण नै बेठ्या सै, अर फेर के नियम-कायदे के खिलाफ मैरै ताहीं मारण का हुकम देवै सै?” 4 जो धोरै खड़े थे उननै कहा, “के तू परमेसवर के महायाजक नै आच्छा-भुंडा बोल्लै सै?” 5 पौलुस नै कहा, “हे भाईयो, मनै नही बेरा था के यो महायाजक सै, क्यूँके वचन म्ह लिख्या सै: ‘अपणे माणसां के प्रधान नै भुंडा ना बोलिए।’” 6 फेर पौलुस नै न्यू जाणके के एक टोळ सदकी अर दुसरा फरीसी लोगां का सै, यहूदी अगुवां की सभा म्ह रुक्का मारके कहा, “हे भाईयो, मै फरीसी अर फरीसी लोगां के वंश का सूं, मेरे होया की आस अर पुनरुत्थान के बारे म्ह मेरा मुकद्दमा होरया सै।” 7 जिव उसनै या बात कही तो फरीसियाँ अर सदकियाँ म्ह दंगा होण लाग्या, अर सभा म्ह फूट पड़गी। 8 क्यूँके सदकियाँ का बिश्वास तो न्यू कहवै सै, के ना पुनरुत्थान सै, ना सुर्गदूत अर ना आत्मा सै, पर फरीसी इन सारया नै मान्नै सै। 9 फेर घणा

दंगा माच्या अर कुछ शास्त्री जो फरीसियाँ के टोळ के थे, उठ लिए अर न्यू कहके दंगा करण लागे, “हम इस माणस म्ह कोए बुराई कोनी पांदे, अर जै कोए आत्मा या सुर्गदूत उसतै बोल्या सै तो फेर के होग्या?” 10 जिव घणा दंगा होया, तो पलटन के सरदार नै इस भय तै के वे पौलुस के टुकड़े-टुकड़े ना कर देवै, पलटन ताहीं हुकम दिया के उतरके उस ताहीं उनके बिचाळे तै हाँगे तै लिकाड़े, अर गढ़ म्ह ले जावै। 11 उससे रात प्रभु यीशु नै उसके धोरै खड़े होके कहा, “हे पौलुस, धीरज राख, क्यूँके जिसी तन्नै यरुशलेम नगर म्ह मेरी गवाही देई, उसीए तन्नै रोम म्ह भी गवाही देणी होगी।” 12 जिव दिन लिकड्या तो यहूदियाँ नै साजिस रची अर कसम खाई के जिव ताहीं हम पौलुस नै मार नही देवा, जै हम खावां या पीवां तो म्हारे पै थिक्कार सै। 13 जिन नै आप्पस म्ह या कसम खाई थी, वे चाळीस जण्यां तै घणे थे। 14 उननै प्रधान याजकां अर यहूदी अगुवां के धोरै जाके कहा, “हमनै न्यू ठान लिया सै के जिव ताहीं हम पौलुस नै मार नही देंदे, जद ताहीं जै किमे चाक्खां तो म्हारे पै थिक्कार सै। 15 इस करके इब यहूदी अगुवां की सभा सुधा पलटन के सरदार नै समझाओ के उसनै थारे धोरै लियावे, मान ल्यो के थम उसके बारे म्ह और भी सही तै जाँच करणा चाहवो सो, अर हम उसके पोहोचण तै पैहल्याए उस ताहीं मार देण के खात्तर त्यार रहवांगे।” 16 पौलुस के भाणजै नै सुणया के वे उसकी टाह म्ह सै, तो गढ़ म्ह जाके पौलुस ताहीं संदेशां दिया। 17 पौलुस नै सूबेदारां म्ह तै एक ताहीं अपने धोरै बुलाके कहा, “इस जवान नै पलटन के सरदार के धोरै ले जाओ, यो उसतै किमे कहणा चाहवै सै।” 18 इस करके उसनै उस ताहीं पलटन के सरदार के धोरै ले जाके कहा, “कैदी पौलुस नै मैरे ताहीं बुलाके बिनती करी के यो जवान पलटन के सरदार तै किमे कहणा चाहवै सै, उस ताहीं उसके धोरै ले जा।” 19 पलटन के सरदार नै उसका हाथ पकड़के अर न्यारा जाके बुड़झया, “तू मैरे तै के कहणा चाहवै सै?” 20 वो बोल्या, “यहूदियाँ नै साजिस रची सै के तेरे तै बिनती करे के काल पौलुस नै यहूदी अगुवां की सभा म्ह लियावे, मान्नो वे और सही ढाळ तै उसकी जाँच करणा चाहवै सै। 21 पर उनकी मानियो मतना, क्यूँके उन म्ह तै चाळीस के उप्पर माणस उसनै मारण की टाह म्ह सै, जिन नै न्यू ठान लिया सै के जिव ताहीं वे पौलुस नै मार नही देवै, जद ताहीं ना खावेगें अर ना पीवेगें, अर इब वे त्यार सै अर तेरे वचन की बाट देखण लागरे सै।” 22 फेर पलटन के सरदार नै जवान ताहीं यो हुकम देके बिदा करया, “किसे तै ना कहिये के तन्नै मैरे तै ये बात बताई सै।” 23 फेर उसनै दो सूबेदारां ताहीं बुलाके कहा, “दो सौ सौपाही, सत्तर सवार, अर दो सौ भालैत, रात के नौ बजे कैसरिया नगर नै जाणके खात्तर त्यार कर करो। 24 अर पौलुस की सवारी के खात्तर घोड़े त्यार राक्खो, के उस ताहीं फेलिक्स राज्यपाल के धोरै राज्जी-खुशी तै पोहोचा दे।” 25 उसनै इस तरियां की चिट्ठी भी लिक्खी 26 महामहिम फेलिक्स राज्यपाल

ताहीं क्लौकियुस लूसियास का नमस्कार। 27 इस माणस ताहीं यहुदियाँ नै पकड़के मार देणा चाह्या, पर जिब मन्ने जाणया के रोमी सै, तो पलटन लेके छुड़ा ल्याया। 28 मै जाणणा चाहूँ था के वे उसपै किस कारण दोष लावै सै, ज्यांतै उस ताहीं यहुदी अगुवां की सभा म्ह ले गया। 29 फेर मन्ने जाण लिया के वे अपणे नियम-कायदे के रोळे के बारे म्ह उसपै इल्जाम लगावै सै, पर मार देण जोग्या या बाँधे जाणके जोग्या उस म्ह कोए कसूर कोनी। 30 जिब मेरै ताहीं बताया गया के वे इस माणस की टाह म्ह लागरे सै तो मन्ने जिब्बे उस ताहीं तेरे धोरै भेज दिया, अर बैरियाँ ताहीं भी हुकम दिया के तेरे स्याम्ही उसपै नालिश करै। 31 आखर म्ह जिसा सिपाहियाँ नै हुकम मिल्या था, उस्से तरियां ए वे पौलुस नै लेके रातो-रात अन्तिपत्रिस म्ह आये। 32 दुसरे दिन वे सवारा नै उसके गेल्या जाणके खातर छोड़के खुद यरुशलेम म्ह बोहड़ै। 33 उननै कैसरिया पोहचके राज्यपाल ताहीं चिट्ठी दी, अर पौलुस ताहीं भी उसके स्याम्ही खड्या करया। 34 राज्यपाल नै चिट्ठी पढ़के बुझ्झया, “यो किस प्रान्त का सै?” 35 अर जिब जाण लिया के किलिकिया परदेस का सै तो उसतै कह्या, “जिब तेरे बैरी भी आवेगें, तो मै तेरा मुकद्दमा करूँगा।” अर उसनै उस ताहीं हेरोदेस के किले म्ह पहरे म्ह राखण का हुकम दिया।

**24** पाँच दिन के पाच्छे हनन्याह महायाजक कई यहुदी अगुवें अर तिरतुल्लुस नामक किसे वकील नै गेल्या लेके कैसरिया नगर आ पोहचे। उननै राज्यपाल के स्याम्ही पौलुस कि बुराई करी। 2 जिब पौलुस बुलाया गया तो तिरतुल्लुस उसपै इल्जाम लाके कहण लागया: “हे महामहिम फेलिक्स, तेरे जरिये हम राज्जी-खुशी सां, अर तेरे इन्तजाम तै इस जात के खातर घणीए बुराईयाँ सुधरदी जावै सै। 3 इस ताहीं हम हरेक जगहां अर हरेक तरियां तै धन्यवाद के गैल मान्नां सां। 4 मै तेरा और ज्यादा बखत कोनी लेऊँ, मै तेरे तै बिनती करूँ सू के दया करके दो-एक बात सुण ले।” 5 “बात या सै के इस माणस ताहीं हमनै एक उत्पाती के रूप म्ह पाया सै, सारी दुनिया के यहुदिया परदेस म्ह इसनै दंगे भड़काए सै, यो नासरियाँ के पंथ का नेता सै। 6 उसनै मन्दर ताहीं अशुद्ध करणा चाह्या, पर हमनै उस ताहीं पकड़ लिया। (हमनै उस ताहीं अपणे नियम-कायदे के मुताबिक सजा दे दी होन्दी, 7 पर पलटन के सरदार लूसियास नै उस ताहीं हाँगे तै म्हारे हाथ तै खोस लिया, 8 अर बैरियाँ ताहीं तेरे स्याम्ही आण का हुकम दिया।) इन सारी बातं नै जिनके बारे म्ह हम उसपै इल्जाम लावां सां, तू खुदे ए उसनै जाँच करके जाण लेवैगा।” 9 यहुदियाँ नै भी उसका साथ देके कह्या, ये बात इस्से ढाळ तै करी सै। 10 जिब राज्यपाल नै पौलुस ताहीं बोल्लण का इशारा करया, तो उसनै जवाब दिया: “मै न्यू जाणके के तू घणे साल्लां तै इस जात का न्याय करण लागरया सै, खुशी तै अपना बदले का जवाब देऊँ सू। 11 तू आप्पे ए जाण सके सै जिब तै मै यरुशलेम नगर के मन्दर म्ह

आराधना करण नै आया, मन्ने बारहा दिनां तै बाध कोनी होए, 12 उननै मेरे ताहीं ना मन्दर म्ह, ना आराधनालयों म्ह, ना किसे नगर म्ह किसे तै बहस करदे या भीड़ लगादे पाया, 13 अर ना तो वे उन बातं ताहीं, जिनका वे इब मेरे पै दोष लावै सै, तेरे स्याम्ही साच्ची साबित कर सकै सै। 14 पर मै तेरे स्याम्ही यो मान ल्यु सू के जिस पन्थ नै वे बुरा पन्थ कहवै सै, उस्से की रीत पै मै अपणे बाप-दादा के परमेसवर की सेवा करूँ सू, अर जो बात नियम-कायदे अर नबियाँ की किताबां म्ह लिक्खी सै, उन सारया पै बिश्वास करूँ सू। 15 अर परमेसवर तै आस राक्खूँ सू जो वे खुद भी राक्खै सै, के धर्मी अर अधर्मी दोनुआ का जिन्दा उठणा होवैगा। 16 इसतै मै खुद भी कोशिश करूँ सू के परमेसवर की, अर माणसां की ओड़ तै मेरा मन सारी-हाण बेकसूर रहवै।” 17 “घणे साल्लां पाच्छे मै गरीबां नै दान पोहोचाण, अर भेंट चढ़ाण आया था। 18 उस्से बखत इननै मेरे ताहीं मन्दर म्ह, शुद्ध होण की रीति पूरी करते देख्या, ओड़ै ना कोए भीड़ थी, अर ना ए किसे ढाळ का शोर, पर ओड़ै आसिया परदेस के कई यहुदी थे 19 जै मेरे बिरोध म्ह उनके धोरै कोए बात कहण की हो तो उरै तेरे स्याम्ही आके मेरे पै इल्जाम लादे। 20 या ये खुद ए बतावे के जिब मै यहुदी अगुवां की सभा के स्याम्ही खड्या था, तो उननै मेरे म्ह कौण सा कसूर पाया? 21 इस एक बात नै छोड़ जो मन्ने उनके बिचाळै खड्या होके कही थी: ‘मेरे होया के जिन्दा उठण के बारे म्ह आज मेरा थारे स्याम्ही मुकद्दमा होण लागरया सै।’” 22 फेलिक्स नै, जो इस पन्थ की बात सही-सही जाणे था, उन ताहीं न्यू कहके टाळ दिया, “जिब पलटन का सरदार लूसियास आवैगा, तो थारी बात का फैसला करूँगा।” 23 उसनै सुबेदार ताहीं हुकम दिया के पौलुस ताहीं जेळ म्ह तो राख्या जावै पर उस ताहीं इतनी छूट जरूर दी जावै के उसके खास साथी आके उसकी सेवा कर सकै। 24 कुछ दिनां पाच्छे फेलिक्स हाकिम अपनी घरआळी दुसिल्ला ताहीं, जो यहुदी थी, गेल्या लेके आया अर पौलुस ताहीं बुलवाके उस बिश्वास के बारे म्ह जो मसीह यीशु पै सै, उसतै सुणया। 25 जिब पौलुस धर्म, अर संयम, अर आण आळे न्याय का जिक्र करण लागरया था, तो फेलिक्स नै भयभीत होके जवाब दिया, “इब तो जा, मौक्का मिल तिए मै तन्नै दुबारा बुलवाऊँगा।” 26 फेलिक्स ताहीं पौलुस तै कुछ रपिये मिलण की भी आस थी, ज्यांतै और भी बुला-बुलाके उसतै बात करया करै था। 27 पर जिब दो साल बीतगे तो पुरकियुस फेस्तुस, फेलिक्स की जगहां पै आया, अर फेलिक्स यहुदियाँ ताहीं राज्जी करण की मर्जी तै पौलुस ताहीं कैदी ए छोड़ गया।

**25** राज्यपाल पद का काम सम्भाळण के तीन दिन बाद फेस्तुस कैसरिया नगर तै यरुशलेम नगर म्ह गया। 2 फेर प्रधान याजकां अर यहुदियाँ के खास माणसां नै उसके स्याम्ही पौलुस की बुराई करी, 3 के वो खियास करके पौलुस ताहीं यरुशलेम नगर भेजदे, असल म्ह उसकी तरकीब राह म्ह मौक्का

देखकै पौलुस ताहीं मारण की थी। 4 फेस्तुस नै जवाब दिया, “पौलुस कैसरिया म्ह पहरे म्ह सै, अर मै आप्पे ए तावळ तै ओड़ै जाऊंगा।” 5 फेर बोल्या, “थारे म्ह जो अधिकार राक्खै सै वे गैल चाल्लै, अर जै इस माणस नै किमे गलत काम करया सै तो उसपै इल्जाम लावै।” 6 उनकै बिचाळै कोए आठ-दस दिन रहकै फेस्तुस कैसरिया चल्या गया, अर दुसरे दिन न्याय-गद्दी पै बैठकै पौलुस ताहीं ल्याण का हुकम दिया। 7 जिव वो आया तो जो यहूदी अगुवें यरुशलेम नगर तै आये थे, उननै लोवै-धोवै खड़े होकै उसपै घणे भारया दोष लगाये, जिनका सबूत वे कोनी दे सकै थे। 8 पर पौलुस नै जवाब दिया, “मन्नै ना तो यहूदियाँ के नियम-कायदे कै अर ना मन्दर कै, अर ना ए कैसर कै बिरुध्द कोए अपराध करया सै।” 9 फेर फेस्तुस नै यहूदी अगुवां ताहीं राज्जी करण के मकसद तै पौलुस तै कह्या, “के तू चाहवे सै के यरुशलेम नगर नै जावै, अर ओड़ै मेरे स्याम्ही तेरा यो मुकद्दमा तय करया जावै?” 10 पौलुस नै कह्या, “मै कैसर के न्याय-गद्दी के स्याम्ही खड्या सूं, मेरे मुकद्दमे फैसला उरैए होणा चाहिये। जिसा तन्नै आच्छी ढाळ बेरा सै, यहूदियाँ का मन्नै किमे अपराध कोनी करया। 11 जै मै अपराधी सूं अर मारण कै जोगमा कोए काम करया सै, तो मरण तै कोनी नाटदा, पर जिन बातां की ये मेरे पै इल्जाम लावै सै, जै उन म्ह तै कोए भी बात साच्ची न्ही लिक्की, तो कोए मेरे ताहीं उनकै हाथ्यां न्ही सौंप सकदा। मै कैसर की दुहाई यु सूं।” 12 फेर फेस्तुस नै मन्त्रियाँ की सभा कै गेल्या बात करकै जवाब दिया, “तन्नै कैसर की दुहाई दी सै, तू कैसर कै ए धारे जावैगा।” 13 कुछे दिन बीतण के पाच्छे अग्रिप्पा राजा अर बिरनीके नै कैसरिया म्ह आके फेस्तुस तै भेंट करी। 14 उनके घणे दिन ओड़ै रहण के पाच्छे फेस्तुस नै पौलुस कै बारै म्ह राजा ताहीं बताया “एक माणस सै, जिस ताहीं फेलिक्स कैदी छोड़ गया सै।” 15 जिव मै यरुशलेम नगर म्ह था, तो प्रधान याजक अर यहूदिया परदेस के यहूदी अगुवां नै उसकी बुराई करी अर चाह्या के उसपै दण्ड का हुकम होवै। 16 पर मन्नै उन ताहीं जवाब दिया के रोमियाँ की या रीत कोनी के किसे माणस ताहीं सजा के खात्तर सौंप देवै, जिव ताहीं मुजरिम ताहीं अपने बैरियाँ के स्याम्ही खड़े होकै दोष का जवाब देण का मौक्का ना मिलै। 17 आखर जिव वे कठ्ठे होए, तो मन्नै किमे वार कोनी करी, पर दुसरे ए दिन न्याय-गद्दी पै बैठकै उस माणस ताहीं ल्याण का हुकम दिया। 18 जिव उसके बैरी खड़े होए, तो उननै इसी गलत बातां की इल्जाम कोनी लाई, जिसा मै समझूँ था। 19 पर वे अपने पंथ कै अर यीशु नाम किसे माणस कै बारै म्ह, जो मरगया था अर पौलुस उस ताहीं जिन्दा बतावै था, बहस करै थे। 20 मै उळझन म्ह था के इन बातां का बेरा किस ढाळ लाऊँ? ज्यांतै मन्नै उसतै बुझझया, के तू यरुशलेम नगर जावैगा के ओड़ै इन बातां का फैसला होवै? 21 पर जिव पौलुस नै दुहाई देई के “उसकै मुकद्दमे का फैसला सम्राट कै उरै हो, तो मन्नै हुकम दिया के जिव तक उस ताहीं कैसर कै धोरै न्ही भेज्जू,

उस ताहीं हिरासत म्ह राख्या जावै।” 22 फेर अग्रिप्पा नै फेस्तुस तै कह्या, “मै भी उस माणस की सुणणा चाहूँ सूं।” उसनै कह्या, “तू काल सुण लेवैगा।” 23 आखर म्ह दुसरे दिन जिव अग्रिप्पा अर बिरनीके बड्डी धूम-धड़कै तै आये अर पलटन के सरदारों अर नगर के खास आदमियाँ कै गेल्या दरबार म्ह पोहवे। फेर फेस्तुस नै हुकम दिया के वे पौलुस ताहीं ली यावै। 24 फेस्तुस नै कह्या, “हे राजा अग्रिप्पा, अर हे सारे माणसों जो उरै म्हारे गेल्या सो, थम इस माणस नै देखको सो, जिसकै बारे म्ह सारे यहूदियाँ नै यरुशलेम नगर म्ह अर उरै भी रुक्के मार-मारके मेरे तै बिनती करी के इसका जिन्दा रहणा सही कोनी। 25 पर मन्नै बेरा पाट लिया के उसनै इसा किमे कोनी करया के मार दिया जा, अर जिव के उसनै आप्पे ए सम्राट की दुहाई दी, तो मन्नै उस ताहीं खन्दाण का फैसला करया। 26 मन्नै उसके बारे म्ह कोए पक्की बात कोनी पाई के अपने माल्लिक के धोरै लिखूँ। ज्यांतै मै उस ताहीं थारे स्याम्ही अर खासकर हे राजा अग्रिप्पा तरे स्याम्ही ल्याया सूं के जाँचे पाच्छे मन्नै किमे लिखण का मौक्का मिलै। 27 क्यूँके कैदी ताहीं खन्दाणा अर जो दोष उसपै लगाये सै, उन ताहीं न्ही बताणा, मन्नै खामखां लाग्या सै।”

**26** अग्रिप्पा नै पौलुस तै कह्या, “तेरे ताहीं अपने बाबत बोल्लण की आज्ञा सै।” फेर पौलुस हाथ तै इशारा करके जवाब देण लाग्या, 2 “हे राजा अग्रिप्पा, जितनी बातां का यहूदी अगुवें मेरे पै इल्जाम लावै सै, आज तेरे स्याम्ही उनका जवाब देण म्ह अपने ताहीं धन्य समझूँ सूं, 3 खास करके ज्यांतै के तू सारी यहूदी प्रथा अर परेशानियाँ नै भली-भाँति जाणै सै। इस करके मै बिनती करूँ सूं, धीरज तै मेरी सुण।” 4 “मेरा चाल-चलण शुरुआत तै अपनी जात कै बिचाळै अर यरुशलेम नगर म्ह जिसा था, उसका सारे यहूदियाँ नै बेरा सै। 5 जै वे गवाही देणा चाहवें, तो तू मेरे ताहीं तब तै पिच्छाणै सै जिव मै जवान था, के मै फरीसी होकै अपने धर्म कै सबतै खरे पन्थ के मुताबिक चाल्या। 6 अर आज मै परमेसवर के जरिये म्हारे पूर्वजां नै दिए गये उस वादे की आस के कारण उरै दोषी के रूप म्ह खड्या सूं। 7 यो वोए वादा सै, जिसके पूरे होण की आस म्हारे बारहां कुल दिन-रात सच्चाई म्ह परमेसवर की भगति-आराधना करदे होए आये सै। हे राजा, आज मेरे पै यहूदियाँ के जरिये मुकद्दमा इस्से आस के कारण चलाया जाण लागरया सै। 8 जिव के परमेसवर मरे होया नै जिन्दा करै सै, तो थारे उरै या बात क्यांतै बिश्वास कै जोग्गी कोनी समझी जान्दी?” 9 “मन्नै भी समझया था के यीशु नासरी कै नाम कै बिरोध म्ह मन्नै भोत कुछ करणा चाहिये। 10 अर मन्नै यरुशलेम नगर म्ह न्यूए करया, अर प्रधान याजकां तै हक पाकै घणखरे पवित्र माणसां ताहीं जेळ म्ह गेरया, अर जिव वे मार दिये जावै थे तो मै भी उनकै बिरोध म्ह अपनी राय यु था। 11 हरेक आराधनालय म्ह मै उन ताहीं काल कर-करके यीशु की बुराई करवाऊँ था, उरै ताहीं के छो के मारे इसा बावळा होग्या के दुसरे नगरां म्ह भी जाकै

उन तार्हीं काल करूँ था।” 12 “इस्से धुन म्ह जिब मै प्रधान याजकां तै अधिकार अर हुकम-चिट्ठी लेकै दमिश्क नगर नै जाण लागरया था, 13 तो हे राजा, राह म्ह दोफारी कै बखत मन्ने अकास तै सूरज कै तेज तै भी बढ़कै एक चाँदणा, अपने अर अपने गेल्या चाल्लण आळा कै चौगरदे नै चमकदा होइ देख्या। 14 जिब हम सारे धरती पे पड़गे, तो मन्ने इब्रानी भाषा म्ह, मेरे तै न्यू कहन्दे होए एक बोल सुण्या, ‘हे शाऊल, हे शाऊल, तू मन्ने क्यातै सतावै सै? पेने पै लात मारणा तेरे खात्तर ओक्खा सै। (जै तू मन्ने सतावैगा तो तू खुद नै सतावैगा।)” 15 फेर मै बोल्या, “हे प्रभु, तू कौण सै?” प्रभु नै कहा, “मै यीशु सूं, जिस तार्हीं तू सतावै सै। 16 पर तू उठ, अपने पायां पै खड्या हो, क्यूँकि मन्ने तेरे तार्हीं ज्यातै दर्शन दिया सै के तन्ने उन बातां का भी सेवक अर गवाह ठहराऊँ, जो तन्ने देखी सै, अर उनका भी जिनके खात्तर मै तन्ने दर्शन दियुँगा। 17 अर मै तन्ने तेरे माणसां तै अर गैर यहूदियाँ तै बचाना रूँगा, जिनके धोरे मै इब तन्ने इस करके भेज्जू सूं 18 के तू उनकी आँख खोल्लै के वे अन्धेरे तै चाँदणे कान्ही, अर शैतान के अधिकार तै परमेसवर के कान्ही पलटै, इस करके के पापां की माफी अर उन माणसां के गेल्या जो मेरे पै विश्वास करण तै पवित्र करे गये सै, वसियत पावै।” 19 “इस करके हे राजा अग्रिप्पा, मन्ने उस सुर्गीय दर्शन की बात कोनी टाळी, 20 मन्ने सबतै पैहल्या दमिश्क नगर कै, फेर यरुशलेम नगर कै, अर फेर यहूदिया परदेस के बासिन्दा तार्हीं, अर गैर यहूदियाँ म्ह भी यो प्रचार करदा रहया के पाप करणा छोड़के परमेसवर कान्ही बोहड़ आओ, अर अपने सुभाव के जरिये यो साबित करो के थमनै पाप करणा छोड़ दिया सै। 21 इन बातां के कारण यहूदी मन्ने मन्दर म्ह पकड़के मार देण की कोशिश करै थे। 22 पर परमेसवर की मदद तै मै आज तार्हीं बण्या सूं छोट्या-बड़या सारया कै स्याम्ही गवाही हूँ सूं, अर उन बातां नै छोड़ किमे कोनी कहन्दा जो नबियाँ अर मूसा नबी नै भी कहा के होण आळी सै, 23 के मसीह नै दुख ठाणा होगा, अर वोए सब तै पैहल्या मरे होया म्ह तै जी उठके, म्हारे माणसां म्ह गैर यहूदियाँ म्ह चाँदणे का प्रचार करैगा।” 24 जिब वो इस तरियां तै जवाब देण लागरया था, तो फेस्तुस नै ऊँची आवाज म्ह कहा, “हे पौलुस, तू बावळा सै। घणे ज्ञान नै तेरे तार्हीं बावळा कर दिया सै।” 25 पर पौलुस नै कहा, “हे महामहिम फेस्तुस, मै बावळा कोनी, पर सच्चाई अर बुद्धि की बात कहूँ सूं। 26 राजा नै भी जिसके स्याम्ही मै बिना डरे बोल्लण लागरया सूं इन बातां का बेरा सै, अर मन्ने विश्वास सै के इन बातां म्ह तै कोए उसतै लुकही कोनी, क्यूँके यो वाक्या गुप्त म्ह कोनी होया। 27 हे राजा अग्रिप्पा, के तू नबियाँ का विश्वास करै सै? हाँ, मन्ने बेरा सै के तू विश्वास करै सै।” 28 फेर अग्रिप्पा नै पौलुस तै कहा, “तू माड़े-से समझाण तै मन्ने मसीह बणाणा चाहवै सै?” 29 पौलुस बोल्या, “परमेसवर तै मेरी प्रार्थना सै के, देर या सबेर तै, पर ये सारे सुणण आळे, जो

आज मेरी बात सुणे सै, वे मेरे समान हो जावै।” 30 फेर राजा अर अधिकारी अर बिरनीके अर उनके गेल्या बैठणीये उठ खड़े होए, 31 न्यायालय तै बाहर लिकाड़के आप्पस म्ह कहण लागे, “यो माणस इसा तो किमे कोनी करदा, जो मौत की सजा या जेळ, म्ह गेरण जोग्गा हो।” 32 अग्रिप्पा नै फेस्तुस तै कहा, “जै यो माणस कैसर की दुहाई न्ही देदा, तो छूट सके था।”

**27** जिब फेस्तुस राज्यपाल के जरिये यो पक्का होग्या के हम जहाज कै जरिये इटली देश जावां, तो उननै पौलुस अर कुछ दुसरे कैदियाँ तार्हीं भी यूलियुस नामक औगुस्तुस सम्राट की पलटन कै एक सूबेदार कै हाथ्यां सौंप दिया। 2 अद्रमुत्तियुम नगर के एक जहाज पै जो आसिया परदेस के किनारे की जगहां पै जाण पै था, पाणी रास्ते हमनै अपना सफर शरु करया, अर अरिस्तर्खुस नामक जो मकिदुनिया परदेस के थिस्सलुनीके नगर का एक बसिन्दा था। 3 दुसरे दिन हम सैदा नगर पोहचाये गये, अर यूलियुस नै पौलुस पै दिया करके उस तार्हीं साथियाँ के उरे जाण दिया के उनतै जरूरी चीज ले आवां। 4 ओड़ै तै हमनै सफर दुबारा शरु करया, हवा कै पलट होण के कारण हम साइप्रस टापू की ओट म्ह होके चाल्ले, 5 अर किलिकिया परदेस अर पंफूलिया किनारे के लोवै के समुन्दर म्ह होके लूसिया के मूरा नगर म्ह उतरे। 6 ओड़ै सूबेदार नै सिकन्दरिया नगर का एक जहाज इटली देश जान्दा होइ मिल्या, अर उसनै म्हारे तार्हीं उस जहाज पै चढ़ा दिया। 7 जिब हम घणे दिनां तार्हीं होळे-होळे चालके मुश्किल तै कनिदुस करबे के स्याम्ही पोहचे, तो इस करके के हवा म्हारे तार्हीं आगै बढ़ण कोनी देवै थी, हम सलमोने कै स्याम्ही तै होके क्रेते टापू की आड़ म्ह चाल्ले, 8 अर उसके किनारे-किनारे मुश्किल तै चालके “शुभलंगरबारी” नामक एक जगहां पोहचे, जित्त तै लसया नगर लोवै था। 9 जिब घणे दिन बीत लिये अर पाणी कै सफर म्ह जोख्वम ज्यातै होवै थी ब्रत के दिन इब बीत लिये थे। आखर म्ह पौलुस नै उन सारया तार्हीं कहके चेतावनी दी, 10 “हे सज्जनों, मन्ने इसा लाग्गै सै के इस सफर म्ह मुश्किल अर घणा नुकसान, ना सिर्फ माळ अर जहाज की बल्के म्हारी जान का भी, होणआळा सै।” 11 पर सूबेदार नै पौलुस की बातां तै कप्तान अर जहाज कै माल्लिक की बातां तै बाध मान्या। 12 शुभ लंगरबारी नाम का बंदरगाह जाड्वा काटण के खात्तर सही कोनी था, ज्यातै घणाए का विचार होया के ओड़ै तै आगै बढ़ जावां जै किसे तरियां तै हो सके तो फीनिक्स पोहचके जाड्वा काटै। यो तो क्रेते टापू का एक बंदरगाह सै जो दक्षिण-पश्चिम अर उत्तर-पश्चिम कान्ही खुलै सै। 13 जिब दक्षिणी हवा होळे-होळे चाल्लण लाग्गी, तो न्यू सोच्या के उनकी तरकीब पूरी करण खात्तर बढ़िया बखत था, लंगर उठाया अर किनारे धोरे होन्दे होए क्रेते टापू के किनारे जाण लाग्गे। 14 पर माड़ी वार म्ह धरती के कान्ही तै बड्डी ए आँधी उठी, जो “यूरकुलिन” कुहावै सै। 15 जिब आँधी जहाज पै लाग्गी तो जहाज उसके स्याम्ही ठैहर कोनी सक्या, इस

करके हमने जहाज तार्हीं हवा के बाहाव छोड़ दिया, अर इस्से तरियां बहन्दे होए चाल्ले गये। 16 फेर कौदा नामक एक छोट्टे-से टापू की आड़ म्ह बहन्दे-बहन्दे हम मुश्किल तै डोंगी नै बस म्ह कर सके। 17 फेर जहाज के मल्लाहां नै उस तार्हीं ठाकै सही उपाय करके जहाज तार्हीं तळै तै रस्यां तै कसकै बाँधया, अर सुरतिस खाड़ी के चोरबालू पै फँस जाणके डर तै उननै लंगर तार्हीं थोड़े नीच्वे उतारके जहाज तार्हीं हवा के बाहाव के गैल-गैल बहण के खात्तर छोड़ दिया। 18 जिब हमनै आँधी तै घणे हिचकोले अर धक्के खाए, तो दुसरे दिन वे जहाज का माळ बगाण लाग्गे, 19 अर तीसरे दिन उननै अपने हाथ्यां तै जहाज का साज-सामान भी बगा दिया। 20 जिब घणे दिन तार्हीं ना सूरज, ना तारे दिक्खे अर बड़ी आँधी चाल्दी रही, तो आखर म्ह म्हारे बचण की सारी उम्मीद जान्दी रही। 21 जिब वे घणे दिन तार्हीं भूखे रह लिये, तो पौलुस नै उनके बिचाळे खड़े होके कह्वा, “हे भाईयो, चाहिये था के थम मेरी बात मानके क्रेते टापू तै आगै ए ना बढ़ते तो या मुसीबत न्ही आन्दी अर ना यो नुकसान ठान्दे। 22 पर इब मै थमनै समझाऊँ सूँ के धीरज राक्खो, क्यूँके थारे म्ह तै किसे की जान का नुकसान कोनी होवेगा, पर सिर्फ जहाज का। 23 क्यूँके परमेसवर जिसका मै सूँ, अर जिसकी भगति करूँ सूँ, उसके सुगद्दूत नै आखरी रात मेरै धौरै आके कह्वा, “हे पौलुस, डरै मतना! तन्नै कैसर के स्याम्ही खड्या होणा जरूरी सै। परमेसवर नै सारया तार्हीं जो तैरे गेल्या सफर करै सै, जीवन दान दिया सै।” 25 ज्यांतै, हे भले माणसों, सब्र करो, क्यूँके मै परमेसवर का बिश्वास करूँ सूँ, के जिसा मेरै तै कह्वा गया सै, उसाए होगा। 26 पर म्हारै तार्हीं किसे टापू पै जा टिकणा होगा।” 27 जिब चौदहवीं रात आई, अर हम अद्रिया समुन्दर म्ह भटकदे होए हॉं डरे थे, तो आध्धी रात कै लोवै मल्लाहां नै अंदाजे तै जाणया के हम किसे देश कै लोवै पोहच रहे सां। 28 पाणी की गहराई नाप्पण पै उननै एक सौ बीस फुट डून्घा पाया, अर थोड़ा आगै बढ़के दुबारा थाह लेई तो नब्बे फुट पाया। 29 फेर पथरीली जगहां तै टकराण कै डर तै उननै जहाज की पिछली ओड़ चार लंगर गेरे, अर सबेरै होण की चाह करदे रहे। 30 पर जिब मल्लाह जहाज पै तै भाजणा चाहवै थे, अर गलही तै लंगर गेरण कै बहाणै डोंगी समुन्दर म्ह उतार दी, 31 तो पौलुस नै सूबेदार अर सिपाहियाँ तै कह्वा, “जै ये जहाज पै न्ही रहे, तो थम भी कोनी बच सकदे।” 32 फेर सिपाहियाँ नै जोड़े काटकै डोंगी गेर दी। 33 जिब सबेरै होण पै था, फेर पौलुस नै न्यू कहकै, सारया तार्हीं खाणा खाण के खात्तर बिनती करी, “आज चौदहा दिन होगे सै के थम चिन्ता करते-करते भूखे रहे, अर किमे न्ही खाया। 34 ज्यांतै थारे तै समझाऊँ सूँ के किमे खाल्यो, जिसतै थारा बचाव होवै, क्यूँके थारे म्ह तै किसे का सिर का एक बाल भी कोनी गिरेगा।” 35 न्यू कहकै उसनै रोटी लेके सारया कै स्याम्ही परमेसवर का धन्यवाद करया अर तोड़के खाण लागया। 36 इस बात तै वे सारे उत्साहित होके खाणा

खुवाण लाग्गे। 37 हम सारे मिलकै जहाज पै दो सौ छिहत्तर जणे थे। 38 जिब वे खाणा खाकै छिक्क लिये, तो गेहूँ तार्हीं समुन्दर म्ह बगाके जहाज हल्का करण लाग्गे। 39 जिब दिन लिकड़या तो उननै उस देश तार्हीं कोनी पिच्छाणा, पर एक खाड़ी देक्खी जिसका किनारा चौरस था, अर विचार करया के जै हो सके तो इस्से पै जहाज नै टिकावे। 40 फेर उननै लंगरा तार्हीं खोल कै समुन्दर म्ह छोड़ दिया अर उस्से बखत पाल के रस्से ढील्ले कर दिये, अर हवा कै स्याम्ही आगला पाल चढ़ाके किनारे कै कान्ही चाल्ले। 41 पर दो समुन्दर के संगम की जगहां पड़के उननै जहाज तार्हीं टिकाया, अर आगला भाग तो टिक गया, पर पिछली ओड़ लहरा तै टूटण लाग्गी। 42 फेर सिपाहियाँ का यो विचार होया के कैदियाँ तार्हीं मार देवें, इसा ना हो के कोए तैर के लिकड़ भाज्जै। 43 पर सूबेदार नै पौलुस तार्हीं बचाण की मर्जी तै उन तार्हीं इस विचार तै रोक्या अर न्यू कह्वा, के जो तैर सके सै, पैहल्या छलाँग मारके किनारे पै लिकड़ जावै। 44 अर बाकी कोए फट्टा पै, अर कोए जहाज की दुसरी चीज कै सहारै लिकड़ जावै। इस तरियां तै सारे धरती पै बच लिकड़े।

**28** जिब हम बच लिकड़े, तो बेरा लाग्या के यो माल्टा टापू कुह्वावै सै। 2 ओड़ै के बासिन्द्यां नै म्हारै पै अनोक्खी दया करी, क्यूँके मिह बरसण के कारण ठण्ड थी, ज्यांतै आग सुलगाके हम सारया तार्हीं ठहराया। 3 जिब पौलुस नै लाकड़ियाँ का भरौटा कट्टा करके आग पै धरया, तो एक साँप आँच पाके लिकड़या अर उसके हाथ तै लिपट गया। 4 जिब उन बासिन्द्यां नै साँप तार्हीं उसके हाथ तै लिपटे होड़ देखा, तो आप्पस म्ह कह्वा, “साच्चए यो माणस खूनूनी सै के फेर भी समुन्दर तै बच गया, तोभी न्याय नै जिन्द कौनी रहण दिया।” 5 फेर उसनै साँप तार्हीं आग म्ह झटक दिया, अर उस तार्हीं किमे नुकसान कोनी होया। 6 पर वे लोग बाट देक्खै थे के वो सूज जावैगा या चाणचक पड़के मर जावैगा, पर जिब वे घणी वार तार्हीं देखदे रहे अर देखा के उसका किमे भी कोनी बिगड़या, तो अपना विचार बदलके कह्वा, “यो तो कोए देवता सै।” 7 उस जगहां कै लोवै-धोवै उस टापू कै प्रधान पुबलियुस की धरती थी। उसनै म्हारै तार्हीं अपने घरां ले जाके तीन दिन मित्तर की ढाळ सेवा-पाणी करी। 8 पुबलियुस का बाप बुखार अर बवासीर तै बीमार पड्या था। आखर म्ह पौलुस नै उसके धौरै कमरे म्ह जाके प्रार्थना करी अर उसपै हाथ धरके उस तार्हीं ठीक करया। 9 जिब इसा होया तो उस टापू के बाकी बीमार पौलुस के धौरै आये अर वे चंगे करे गये। 10 उननै म्हारा घणा आदर-मान करया, अर जिब हम चाल्लण लाग्गे तो जो किमे म्हारै खात्तर जरूरी था, उननै जहाज पै धर दिया। 11 तीन महिन्ने के पाचै हमनै सिकन्दरिया जावण आळे जहाज पै सफर शरु करया, यो जहाज ठण्ड के कारण इस टापू म्ह ठहरा होया था, इस जहाज के आगले भाग पै एक जोड़ी देवत्यां का एक निशान था। (दियुसकूरी गढ़ी होई थी) 12 सुरकूसा नगर म्ह लंगर गेर कै हम तीन दिन टिके रहे। 13 ओड़ै

तै आगुँ बढुकै हड रैगियुड नगर डह आये, अर ँक दिन कै पाच्छै दक्षिणी हवा चाल्ली, फेर हड दुसरे दिन पुतियुली नगर डह आये। 14 ओडै हडनै बिश्वासी भाई मिले, उनकै कहणे तै हड उनकै उरै सात दिन तारीं रहे, अर इस तरियां तै हड रोड देश कान्ही चाल्ले। 15 कुछ बिश्वासी भाई रोड देश तै म्हारी खबर सुणके अप्पियुस के चौक अर तीन-सराए तारीं म्हारे तै फेटण नै लिंकड़ आये, जिन नै देखके पौलुस नै परडेसर का धन्यवाद करया अर बड़ा उत्साहित होया। 16 जिन हड रोड नगर डह पोहचे, तो पौलुस तारीं ँक सिपाही के गेल्या जो उसकी रुखाळी करै था, ँक्ले रहण का हुकड मिलगया। 17 तीन दिन के पाच्छै उसनै यहूदियाँ के खास माणसां तारीं बुलाया, अर जिन वे कठ्टे होए तो उनतै कह्या, “हे भाईयो, डनने अपणे माणसां के या बाप-दाद्या के बीवारां के बिरोध डह किडे भी कोनी करया, तोभी कैदी बणाके यरुशलैड नगर तै रोडी सरकार के हाथ्यां सौंप्या गया। 18 उननै डेरै तारीं जाँचके छोड़ देणा चाह्या, क्यूँके डेरै डह डौत के जोगगा कोए कसूर कोनी था। 19 पर जिन यहूदी अगुवें इसके बिरोध डह बोल्लण लागे, तो डनने कैसर की दुहाई देणी पड़ी यो न्ही के डनने अपणे माणसां पै कोए दोष लाणा था। 20 ज्यांतै डनने थारे तारीं बुलाया सै के थारे तै मिलूं अर डतळाऊँ, क्यूँके इस्राएल की आस के खातर वो डसीह इस डेल तै जकड़े होए सै।” 21 उननै उसतै कह्या, “ना हडनै तेरे बारे डह यहूदिया परडेस तै चिट्टी पाई, अर ना बिश्वासी भाईयाँ डह तै किसे नै आके तेरे बारे डह किडे डताया अर ना डुरा कह्या। 22 पर तेरा विचार के सै? वोए हड तेरे तै सुणणा चाहवां सां, क्यूँके हडनै डेरा सै के हरेक जगहां इस पंथ के बिरोध डह माणस डत करै सै।” 23 फेर जो यहूदी पौलुस के गैल थे, उननै उसके खातर ँक दिन ठहराया, अर घणे माणस उसके उरै कठ्टे होए, अर वो परडेसर के राज्य की गवाही देंदा होया, अर डूसा नबी के नियड-कायदे अर नबियाँ की किताबां तै यीशु के बारे डह डडडडा-डडडडाके सबेरे तै साँझ तारीं वर्णन करदा रहया। 24 फेर कुछां नै उन डातां तारीं डान लिया, अर कुछां नै बिश्वास कोनी करया। 25 जिन वे आप्स डह ँक पंथ कोनी होए, तो पौलुस की इस डत के कहण पै चाल्ले गये “पवित्र आत्डा नै यशायाह नबी के जरिये थारे बाप-दाद्या तै सही ँ कह्या था,” 26 “जाके इन माणसां तै कह, के सुणदे तो रहोगे, पर ना डडडडगे, देखदे तो रहोगे, पर ना डुडुडुडगे! 27 क्यूँके ‘इन माणसां का डन डौट्टा अर उनके कान डारया हो गये सै, अर उननै अपणी आँख डूंद ली सै, इसा ना हो के वे कदे आँखां तै देक्खै अर कान्ना तै सुणै अर डन तै डडडु अर पलटै, अर डै उन तारीं ठीक करूँ।’ 28 “इस करके थड जाणो सो के परडेसर के इस उड्डार की कथा गैर यहूदियाँ के धारे डेज्जी गयी सै, अर वे स्वीकार करैगें।” 29 जिन उसनै न्यू कह्या तो यहूदी आप्स डह घणे डहस करण लागे अर ओडै तै चले गये। 30 वो डुरे दो साल अपणे किराए के घर डह रहया, 31 अर जो

उसके धारे आवे थे, उन सारया तै डिलदा रहया अर डिन रोक-टोक घणा निडर होके परडेसर के राज्य का प्रचार करदा अर प्रडु यीशु डसीह की डत सिखान्दा रहया।

# रोमियों

1 या चिट्ठी पौलुस की ओड़ तै सै, जो यीशु मसीह का दास सै अर परमेसवर के जरिये प्रेरित होण कै खात्तर चुणया गया अर उसका सुसमाचार सुणाण खात्तर न्यारा करया गया सै। 2 यीशु के इस दुनिया म्ह आण तै भोत पैहले परमेसवर नै वादा करया था, के वो नबियाँ कै जरिये इस सुसमाचार ताहीं जाहिर करै, जिननै इसके बारे म्ह पवित्र ग्रन्थ म्ह लिख्या सै। 3 यो सुसमाचार परमेसवर के बेटे के बारे म्ह सै, जो म्हारा प्रभु यीशु मसीह सै। वो शारीरिक तौर पै तो राजा दाऊद की पीढ़ी तै पैदा होया, 4 पर पवित्र आत्मा की शक्ति तै मरे होया म्ह तै जिन्दा होण के कारण परमेसवर का बेटा कुहाया। 5 मसीह कै जरिये हमनै अनुग्रह अर प्रेरिताई परमेसवर तै मिली, ताके उसके नाम कै कारण गैर यहूदी माणस मसीह म्ह बिश्वास करके उसकी मानै, 6 थम गैर यहूदी बिश्वासी जो रोम नगर म्ह सों, उन माणसां म्ह शामिल सों, जिन ताहीं परमेसवर नै यीशु मसीह के माणस होण खात्तर बुलाया सै। 7 या चिट्ठी रोम नगर के उन सारे माणसां के नाम सै, जो परमेसवर के प्यारे सै, अर उसके पवित्र जन होण कै खात्तर बुलाए गये सै। मै प्रार्थना करूँ सूँ, के म्हारे पिता परमेसवर अर प्रभु यीशु मसीह की ओड़ तै थारे ताहीं अनुग्रह अर शान्ति मिलदी रहवै। 8 सब तै पैहल्या मै थम सारया कै खात्तर यीशु मसीह कै जरिये अपने परमेसवर का धन्यवाद करूँ सूँ, क्यूँके यीशु मसीह म्ह थारे बिश्वास का जिक्र साब्ती दुनिया म्ह होरया सै। 9 परमेसवर, जिसकी सेवा मै पूरे मन तै करूँ सूँ, अर उसके बेटे के सुसमाचार कै बारे म्ह माणसां ताहीं बताऊँ सूँ, वोए मेरा गवाह सै, के मै अपनी प्रार्थना म्ह थमनै किस तरियां सारी हाण याद करूँ सूँ। 10 अर बिनती करूँ सूँ, के जै हो सकया तो परमेसवर की इच्छा के मुताबिक मै थारे तै मिलण भी आऊँ। 11 क्यूँके मै थारे तै मिलण की लालसा करूँ सूँ, ताके मै थमनै कोए आत्मिक आशीष दिवूँ जिसतै थम बिश्वास म्ह मजबूत हो जाओ। 12 मेरे कहण का मतलब यो सै, के जब मै थारे तै मिलु, तो मै थारे ताहीं अर थम मन्ने उत्साहित कर सको, थम मेरे बिश्वास नै जाणकै मजबूत हो जाओ, अर मै थारे बिश्वास नै जाणकै मजबूत हो जाऊँ। 13 हे बिश्वासी भाईयो, मै चाहूँ सूँ के थम इस बात नै जाणो, के मन्ने कई बार थारे धोरे आण की योजना बणाई, के मै थारे बीच म्ह उसीए आत्मिक बढ़ोतरी देख सकूँ, जिसी मन्ने बाक्की गैर यहूदियाँ म्ह देखखी सै, पर इब तक मेरे आण म्ह रुकावट ए होन्दी रही सै। 14 मै उन संस्कारी माणसां का जो यूनानी भाषा अर सभ्यता नै जाणै सै, अर जो माणस उनकी भाषा अर सभ्यता नै न्ही जाणते, अर अकलमंद अर बेअक्ल माणसां ताहीं वचन सुणाण का मन म्ह बोझ राक्खूँ सूँ। 15 इस करके म्ह मै थमनै भी जो रोम नगर म्ह रहो सो, सुसमाचार सुणाण खात्तर जमा उत्सुक सूँ। 16 क्यूँके मै मसीह के सुसमाचार के बारे म्ह कोनी

सरमान्दा, परमेसवर अपनी शक्ति के जरिये सब नै बचावे सै जो सुसमाचार पै बिश्वास करै सै, पैहल्या यहूदियाँ ताहीं अर फेर गैर यहूदी ताहीं। 17 क्यूँके सुसमाचार हमनै बतावै सै, के परमेसवर अपनी नजर म्ह हमनै किस तरियां धर्मी बणावै सै। जो शरु तै लेके अंत तक मसीह पै बिश्वास करण तै हो सै, जिंसा पवित्र ग्रन्थ म्ह लिख्या भी सै, के परमेसवर अपनी नजर म्ह धर्मी जन बणावै सै, वो बिश्वास तै जिन्दा रहवैगा। 18 परमेसवर का छो तो उन माणसां की सारी अभंगति अर अधर्म के काम्मां के कारण जो माणस करै सै, सुर्ग तै जाहिर हो सै, वो अपने सब अधर्म के काम्मां तै माणस ताहीं, परमेसवर की सच्चाई के बारे म्ह जाणण तै रोकके सै। 19 वे परमेसवर के बारे म्ह इस करके सही अर आसान्नी तै जाण सकै सै, क्यूँके परमेसवर नै उन ताहीं इन बातों के बारे म्ह बताया सै। 20 सच यो सै के दुनिया की शरुआत तै ए परमेसवर के अनदेखे गुण, उसकी अनन्त सामर्थ्य अर उनका परमेसवरत्व, दुनिया म्ह सै, अर दिक्खै भी सै, इस करके माणस कै धोरे कोए बहाना कोनी, के वो परमेसवर नै न्ही जाणता। (aidios g126) 21 परमेसवर का ज्ञान होण पै, भी उननै ना तो उस ताहीं परमेसवर होण कै लायक सम्मान दिया, अर ना ए उसका धन्यवाद करया। इसके उल्ट वो उसके बारे म्ह बेकार की बात सोच्यण लागे, अर जिंसा उन ताहीं सोचणा चाहिए था उसा न्ही सोच्या, पर बुरा ए सोच्या। 22 वे अपने-आप ताहीं अकलमंद मानके बेअक्ले बणगे, 23 अर अविनाशी परमेसवर की महिमा न्ही करी, बल्के नाशवान माणस, अर पंछियाँ, रेंगण आळे अर चार पैरां आळे जानवरों की मूर्ति की आराधना करण लागे। 24 इस करके परमेसवर नै उन ताहीं उनके मन की बुरी इच्छा कै मुताबिक गलत काम करण खात्तर छोड़ दिया ताके वे आप्पस म्ह अपने शरीरां तै गन्दे काम करै। 25 क्यूँके उननै परमेसवर के बारे म्ह सच्ची बातों ताहीं जाणण की बजाये झूठ पै बिश्वास करया, अर सृष्टि की चिज्जां की आराधना अर सेवा करी, ना के उस सृजनहार परमेसवर की जो सदा खात्तर महिमा के लायक सै! आमीन। (aiōn g165) 26 ज्यांतै परमेसवर नै उन ताहीं उनकी नीच कामनाओं कै बस म्ह छोड़ दिया, जिस कारण उनकी लुगाईयाँ नै भी प्राकृतिक संभोग की जगहां अप्राकृतिक संभोग अपनालिया। 27 उससे तरियां ए लुगाईयाँ कै गेल्या प्राकृतिक संभोग नै छोड़के माणस दुसरे माणस कै खात्तर आप्पस म्ह कामुकता म्ह जळण लागे, अर माणस का माणस कै गेल्या बेशर्मी के काम करणा उनके उपर दण्ड लेके आये। 28 अर जब उननै परमेसवर ताहीं जाणणा बेवकूफी लाग्या, तो परमेसवर नै भी उन ताहीं उनके निकम्मे मन के बस म्ह छोड़ दिया, ताके वे बुरे काम करै। 29 ज्यांतै वे सारे ढाळ के अधर्म, दुष्टता, लालच, अर बैर-भाव तै भरगे, अर जळण, हत्या, झगड़े, छळ, ईर्ष्या तै भरगे, अर चुगलखोर, 30 बदनाम करण आळे, परमेसवर तै नफरत करण आळे, बुराई करण आळे, दुसरां की बेजती करण आळे, डिंगमार, घमण्डी,

भुंड़ी-भुंड़ी बातों के बणाण आळे, माँ-बाप का हुकम ना मानण आळे, 31 बेअक्ले, बिश्वासघाती, प्यार अर दया की कमी अर निर्दयी होगये। 32 वे तो परमेसवर की या धार्मिक विधि नै जाणे सै, के इसे-इसे काम करण आळे मौत के दण्ड कै जोगे सै, फेरभी ना सिर्फ आप ए इसे काम करै सै, बल्के इसे काम करण आळा तै राज्जी भी होवै सै।

**2** इस करकै हे मेरे बिश्वासी भाईयो, थम जो कोए भी क्यूँ ना हो, थारे धोरै इस बात का कोए जवाब कोनी, के थम जो दुसरयां पै दोष लगाओ सों, तो उस बात के कारण खुद अपणे-आप पै दण्ड लेके आओ सों, क्यूँके जिस बात के बारे म्ह थम उसनै दोषी बणाओ हो, थम खुद भी वोए काम करो सों। 2 हमनै यो बेरा सै, के परमेसवर उसका न्याय धार्मिकता के साथ जरूर करैगा, जो इसे बुरे काम करै सै। 3 जब के थम जो इसे-इसे काम करणीया पै दोष लगाओ सों, अर खुद वैए काम करो सों, के न्यू समझों सों के थम परमेसवर के दण्ड तै बच जाओगे? 4 के थम परमेसवर की भलाई, सहनशीलता, अर धीरजरूपी धन ताहीं तुच्छ जाणो सों? के थम न्ही समझते के परमेसवर की भलाई ए थारे ताहीं पाप छोड़णा सिखावै सै? 5 पर थम हठिल्ले सों, अर पाप करणा न्ही छोड़दे, अर ना ए अपणे-आपनै बदलना चाहन्दे। इस करकै जिस दिन परमेसवर अपना छो दिखावैगा, उस दिन धार्मिकता के साथ उसका न्याय जाहिर होवैगा, अर वो थारे ताहीं भारी दण्ड देवैगा। 6 परमेसवर हरेक नै उसके काम के मुताबिक फळ देवैगा। 7 जो माणस भले काम करते रहवै सै, अर परमेसवर की महिमा, आदर अर अनन्त जीवन की खोज म्ह लागे रहवै सै, परमेसवर उन सारया ताहीं अनन्त जीवन देवैगा। (aiōnios g166) 8 पर जो मतलबी सै अर सच नै कोनी मान्दे, बल्के अधर्म नै मान्ने सै, उनपै परमेसवर का छो अर प्रकोप पड़ेगा। 9 क्लेश अर संकट हरेक माणस पै आवैगा। परमेसवर सबतै पैहल्या यहूदियाँ का अर बाद म्ह उन माणसां का न्याय करैगा जो गैर यहूदी सै। 10 पर महिमा, आदर अर शान्ति हरेक नै मिलैगी, जो भले काम करै सै, पैहल्या यहूदी ताहीं फेर उन माणसां ताहीं जो गैर यहूदी सै। 11 क्यूँके परमेसवर किसे का पक्षपात कोनी करदा। 12 वे सारे गैर यहूदी माणस जिननै परमेसवर के नियम-कायदे जो मूसा नबी ताहीं मिले थे, उन ताहीं जाणे बिना जिसनै पाप करया सै, वे नियम-कायदा नै बिना जाणे नाश भी होवेंगे, पर जिन नै नियम-कायदे नै जाणकै भी पाप करया सै, उनका न्याय भी नियम-कायदे कै मुताबिक करया जावैगा। 13 क्यूँके परमेसवर की निगाह म्ह नियम-कायदे कै सुणण आळे धर्मी माणस कोनी, पर नियम-कायदे पै चाल्लण आळा नै धर्मी बणावैगा। 14 फेर जब गैर यहूदी लोग जिनकै धोरै मूसा नबी के नियम-कायदे कोनी, कुदरती तौर पैए नियम-कायदे की बातों पै चाल्लै सै, तो नियम-कायदे उनकै धोरै ना होण पै भी, उन ताहीं बेरा सै, के उननै के करणा सै, अर के न्ही करणा। 15

वे नियम-कायदे की बात अपणे-अपणे दिलां म्ह लिखी होई दिखावै सै अर उनकी अन्तरात्मा भी इसकी गवाही देवें सै, के ये बात सच सै, क्यूँके उनके विचार उनपै दोष लगवै सै, या फेर यो बतावै सै के वो ठीक करै सै। 16 यो सब उस दिन स्पष्ट हो जावैगा, जब परमेसवर मेरै जरिये सुणाये गये सुसमाचार के मुताबिक, माणसां की लुकही होई बातों का न्याय, यीशु मसीह कै जरिये करैगा। 17 थम खुद नै यहूदी कुहावै सों, अर मूसा नबी के नियम-कायदे पै भरोस्सा राक्खों सों, परमेसवर थारे पै दया करै सै, इस कारण थम घमण्ड करण लागरे सों। 18 अर थमनै परमेसवर की मर्जी का बेरा से, थम आच्छी-आच्छी बातों नै तो चाहो सों, क्यूँके थारे ताहीं ये बात मूसा नबी के नियम-कायदे म्ह तै सिखाई गई सै। 19 अर थमनै इस बात का पूरा भरोस्सा सै, के थम आंध्यों नै राह दिखाण आळे अर अन्धकार म्ह भटके होए माणसां खात्तर परमेसवर का चाँदणा सों। 20 अर बेअक्लां नै सिखाण आळे अर बाळकां के उपदेशक सों। थमनै बेरा सै के परमेसवर के नियम-कायदे थमनै पूरी तरियां तै ज्ञान अर सच्चाई देवै सै। 21 इस करकै थम जो दुसरयां नै शिक्षा देओ सों, तो अपणे-आपनै शिक्षा क्यूँ न्ही देन्दे? थम उपदेश देओ सों, के “चोरी ना करियो,” के थम खुद चोरी कोनी करते! 22 थम जो कहवै सों, के “जारी ना करियो,” के खुद जारी कोनी करते? थम जो मूर्तियाँ तै नफरत करो सों, के खुद ए मन्दरां नै कोनी लूटते? 23 थम जो नियम-कायदे नै जाणण का घमण्ड करो सों, के नियम-कायदे नै ना मानके परमेसवर का अनादर कोनी करते? 24 “थम यहूदियाँ के कारण गैर यहूदियाँ म्ह परमेसवर के बारे म्ह बुरा भला कह्या जावै सै, जिंसा पवित्र ग्रन्थ म्ह लिख्या भी सै।” 25 मै थमनै कुछ बताऊँ सूँ, थारा खतना करया जाणा जिब्बे फायदेमन्द सै, जब थम नियम-कायदा नै मान्ने, जै थम इसा न्ही करते तो थम उन माणसां की ढाळ सों जिनका खतना न्ही होया। 26 जै बिना खतना करे होए माणस नियम-कायदे की विधियाँ नै मान्ने, तो परमेसवर उन ताहीं अपणे माणस क्यूँ न्ही कहवैगा। 27 बिना खतना होए माणस जो परमेसवर के हुकमां नै मान्ने सै, वे थारी बुराई करैंगे जिनकै धोरै परमेसवर के नियम-कायदे सै जिन ताहीं थम मानते न्ही। 28 असली यहूदी वो कोनी जो सिर्फ यहूदी माँ-बाप तै पैदा होया सै, अर ना ए वो असली खतना सै, जो दिखाण खात्तर देह म्ह करया गया सै। 29 यहूदी वो सै, जो अपणे मन म्ह यहूदी सै, अर खतना वो सै, जो पवित्र आत्मा के जरिये मन का करया जावै सै, ना के वो जो नियम-कायदा के मुताबिक करया जावै सै, इस ढाळ के माणसां की तारीफ माणसां की ओड़ तै न्ही, पर परमेसवर की ओड़ तै करी जावै सै।

**3** कोए कह सकै सै, के भला यहूदी होण का के फायदा, या खतना करण का के फायदा? 2 यहूदी होण के भोत फायदे सै, क्यूँके परमेसवर के वचन यहूदियाँ ताहीं ए सोंपे गये सै। 3 अगर कुछ यहूदी माणस बिश्वासघाती लिंकडै भी तो

उसतै के फर्क पड़े सै? परमेसवर अपणे वादे पूरा करण म्ह बिश्वास जोग्गा सै, तो इसका यो मतलब कोनी के परमेसवर भी बिश्वासघाती सै। 4 न्ही! बिल्कुल न्ही! बल्के परमेसवर सच्चा सै, अर दुनिया का हरेक माणस झूठा ठैहरै, जिसा पवित्र ग्रन्थ म्ह परमेसवर के बारे म्ह लिख्या सै, “जिसतै तू अपणी बातां म्ह धर्मी साबित हो अर न्याय करदे बखत तू जीत पावै।” 5 इस करके जै म्हारे बुरे काम परमेसवर की धार्मिकता साबित कर देवै सै, तो हम के कहां? के न्यू कहां के परमेसवर जो छो करै सै, तो के वो अन्यायी सै? (यो तो मै दुनियावी नजरिये तै कहूँ सूँ)। 6 न्ही! बिल्कुल न्ही! जै परमेसवर यहूदी माणसां का न्याय सही तरिकके तै न्ही कर सकता, तो वो दुनिया के माणसां का भी न्याय सही तरिकके तै न्ही कर सकता? 7 के कोए कह सकै सै, जै मेरा झूठ परमेसवर की सच्चाई नै दिखावै अर उसकी महिमा नै बढ़ावै, तो परमेसवर किस तरियां मन्ने परख के पापी साबित कर सकै सै? 8 कइँ माणस यो कह के मेरे पै दोष लगावै सै, के “आओ, हम बुरे काम करा के इसतै ए कुछ भलाई हो जा।” जो मेरे बिरुध इसी बात कहवै सै वो दण्ड के लायक सै। 9 तो फेर हम के कह सका सां? के हम यहूदी गैर यहूदियाँ तै आच्छे सां? कदे भी न्ही! क्यूँके हम यहूदी अर गैर यहूदी दोनुवां पै यो दोष ला चुके सां के वे सारे के सारे पाप की शक्ति के बस म्ह सै। 10 जिसा के पवित्र ग्रन्थ म्ह लिख्या सै: “कोए भी माणस परमेसवर की नजर म्ह धर्मी कोनी, एक भी कोनी। 11 कोए भी माणस समझदार कोनी, कोए परमेसवर का टोह आळा कोनी। 12 सारे माणस परमेसवर की राह तै भटक ग्ये सै, सबके सब परमेसवर की नजर म्ह निकम्मे बणगे सै, कोए भी भलाई करण आळा कोनी, एक भी कोनी। 13 उनका मुँह खुली होई कन्न की ढाल सै, जिस म्ह तै बदबू आवै सै। क्यूँके अपणे मुँह तै वे भुंडा बोल्लै सै, अर वे जो भी बोल बोल्लै सै वो साँप के जहर की तरियां जहरीले सै। 14 उनका बोल श्राप अर कड़वाहट तै भरया सै। 15 वो लहू बहाण खात्तर फुर्तिले सै, 16 वे जित्त भी किते जावै सै ओड़े नाश अर क्लेश लेकै जावै सै, 17 वे न्ही जाणते के माणसां के गैल खुशी अर शान्ति तै किस तरियां जीणा सै। 18 उन म्ह परमेसवर का डर सै ए कोनी।” 19 हमनै बेरा सै के मूसा नबी के नियम-कायदे जो कुछ कहवै सै, उन्हे तै कहवै सै, जो नियम-कायदे के अधीन सै, ताके कोए भी माणस भान्ना न्ही बणा सकै, अर दुनिया के सारे माणस परमेसवर के स्याम्ही दोषी ठैहराये जावै। 20 क्यूँके मूसा नबी के नियम-कायदे के पुगाण तै कोए माणस उसकै स्याम्ही धर्मी कोनी बणैगा, क्यूँके नियम-कायदा के जरिये हमनै बेरा लागै सै के हम पापी सां। 21 पर इब नियम-कायदा नै मान्ने बिना धार्मिकता जो परमेसवर तै मिले सै, अर जिसके बारे म्ह मूसा नबी के नियम-कायदा अर नबियाँ की किताब्बां म्ह भोत पैहले लिख्या सै, के परमेसवर हमनै धर्मी किस तरियां बणावै सै। 22 मतलब यो के हम प्रभु यीशु मसीह पै बिश्वास

करण तै धर्मी बणा सां, जो यीशु मसीह पै बिश्वास करण तै सब माणसां खात्तर सै। क्यूँके परमेसवर की नजर म्ह सब माणस एक समान सै। 23 क्यूँके सारया नै पाप करया सै, अर सब परमेसवर की महिमा तै दूर हगे सै, 24 परमेसवर नै म्हारे पै अनुग्रह करया, के उसनै यीशु मसीह के जरिये म्हारे ताहीं म्हारे पापां के दण्ड तै छुड़ा लिया, अर म्हारे ताहीं बिना कुछ करे धर्मी बणाया। 25 परमेसवर नै यीशु मसीह ताहीं म्हारे पाप की कीमत चुकाण खात्तर इस दुनिया म्ह भेज्जा, यीशु मसीह नै म्हारे खात्तर अपना लहू बहा के अपणी जान दे दी। ताके हम उसपै बिश्वास करण के जरिये परमेसवर के धरे आ सकां, अर उसनै इसा यो दिखाण खात्तर करया, के वो पैहले जमाने म्ह भी पापी माणसां गैल सबर तै रहण म्ह अर उनके पाप माफ करण म्ह धर्मी था, बल्के इब भी उसकी धार्मिकता जाहिर हो जावै, जिसतै वे खुद धर्मी बणै अर जो प्रभु यीशु म्ह बिश्वास राक्खे सै, वो परमेसवर की नजर म्ह भी धर्मी बण जावै। 27 तो के हम किसे बात पै घमण्ड कर सकां सां? उसकै खात्तर कोए जगहां न्ही। के नियम-कायदा के जरिये या उननै मानण के जरिये सां? न्ही! पर यीशु मसीह पै बिश्वास करण तै घमण्ड करां सां। 28 इस करके हम इस नतीजै पै पोहवे सा, के परमेसवर म्हारे ताहीं यीशु मसीह पै बिश्वास करण के जरिये धर्मी बणावै सै, ना के मूसा नबी के नियम-कायदा ताहीं मानण तै। 29 परमेसवर सिर्फ यहूदियाँ ए का परमेसवर कोनी, पर वो गैर यहूदियाँ का भी परमेसवर सै। 30 क्यूँके एक ए परमेसवर सै, जो खतना आळा नै यीशु मसीह पै बिश्वास करण तै अर बिन-खतना आळा ताहीं भी, बिश्वास के जरिये धर्मी बणावै सै। 31 तो के म्हारा बिश्वास नियम-कायदे नै बेकार बतावै सै? न्ही! बिल्कुल न्ही! बल्के इसके उल्ट जिब हम बिश्वास करा सां तो हम समझ जावां सां, के परमेसवर नै म्हारे ताहीं नियम-कायदा क्यूँ दिये।

**4** तो हम यहूदी होण के नाते म्हारे पूर्वज अब्राहम के बारे म्ह के कहवा। 2 जै अब्राहम आच्छे काम्मां तै धर्मी बणाया जान्दा, तो वो इसका घमण्ड कर सकै था, पर वो परमेसवर के स्याम्ही आच्छे काम्मां के जरिये घमण्ड न्ही कर सकदा। 3 पवित्र ग्रन्थ के कहवै सै? न्यू के “अब्राहम नै परमेसवर के वादे पै बिश्वास करया, अर परमेसवर नै उसके बिश्वास के कारण उस ताहीं धर्मी बणा दिया।” 4 जो मेहनत करै सै उसकी मजदूरी नै ईनाम न्ही कहन्दे, बल्के वो तो उसका हक सै। 5 पर माणस काम्मां के जरिये धर्मी कोनी बणता, पर भगतिहीन माणस जो परमेसवर पै बिश्वास करे सै उसके बिश्वास के करण वो धर्मी बणै सै। 6 जिसनै परमेसवर बिना काम्मां के धर्मी बणावै सै, पवित्र ग्रन्थ म्ह राजा दाऊद भी धन्य उस ताहीं कहवै सै। 7 “धन्य सै, वे जिनके अधर्म माफ होए, अर पाप भूला दिये गये। 8 धन्य सै वो माणस जिसके पापां का हिसाब परमेसवर न्ही राखदा।” 9 के या आशीष जिन माणसां का खतना हो लिया, उनके ए खात्तर सै, या जिनका खतना न्ही होया उन खात्तर भी सै? हम न्यू कहां

सां, “अब्राहम नै परमेसवर पै विश्वास करया, अर परमेसवर नै उसके विश्वास के कारण उस तारीं धर्मी बना दिया।” 10 तो यो कद होया? खतने की हालत म्ह या बिना खतने की हालत म्ह? खतने की हालत म्ह कोनी पर बिना खतने की हालत म्ह। 11 जिब अब्राहम का खतना न्ही होया था, जिब भी परमेसवर नै उस तारीं स्वीकार करया, अर उस तारीं धर्मी बनाया, खतने का निशान अब्राहम तारीं अपनाण की छाप सै, इस करकै अब्राहम उन माणसां का आत्मिक पूर्वज सै, जो विश्वास करै सै पर जिनका खतना न्ही होया, वो विश्वास के जरिये धर्मी बणे। 12 अर वो उन खतना करे होए माणसां का आत्मिक पूर्वज सै, जो ना सिर्फ खतना करे होए सै, पर उनका विश्वास उसाए हो जिंसा उनके पूर्वज अब्राहम का तब था, जिब उसका खतना न्ही होया था। 13 परमेसवर नै अब्राहम तारीं अर उसके वंश तारीं पूरी दुनिया देण का वादा करया, यो इस करकै कोनी होया के अब्राहम नै नियम-कायदा तारीं मान्या, क्यूँके उसनै परमेसवर पै विश्वास करया, इस बजह तै उसनै उस तारीं धर्मी बना दिया। 14 अब्राहम अर उसके वंश तारीं यो वादा इस खात्तर दिया गया, क्यूँके उननै नियम-कायदा तारीं मान्या, तो विश्वास बेकार अर वादा झूठा लिकड़या। 15 परमेसवर का छो नियम-कायदा नै ना मानण आळा पै पड़े सै, अर जित्त नियम-कायदे कोनी ओड़ै उसका उल्लंघन भी कोनी। 16 इस बजह तै वादा परमेसवर पै विश्वास करण तै मिलै सै, जो अनुग्रह के मुताबिक से, यो वादा अब्राहम के सारे वंशा तारीं मिल्या सै, ना के सिर्फ उन तारीं जो माणस मूसा नबी के नियम-कायदा नै मान्ने सै, पर उन माणसां के खात्तर भी जो अब्राहम की ढाळ परमेसवर पै विश्वास करै सै, क्यूँके अब्राहम ए म्हारे सारया का पूर्वज सै। 17 जिंसा पवित्र ग्रन्थ म्ह लिख्या सै, “मन्ने तेरे तारीं घणीए जात्तां का पूर्वज बनाया सै” परमेसवर की नजर म्ह अब्राहम म्हारा पूर्वज सै। उननै उस परमेसवर पै विश्वास करया, जो मरे होया नै जिन्दा करै सै, अर जो बात सै ए न्ही उनका नाम इसा लेवे से के मान्नी वे सै। 18 परमेसवर नै अब्राहम तै कह्या, तेरे भोत-से वंश होवेंगे। पर अब्राहम नै सोच्या के बुढ़ापे म्ह, मेरै किस तरियां ऊलाद पैदा होगी? क्यूँके वो तकरीबन सौ साल का हो लिया था, अर सारा भी बूढ़ी होण के कारण बच्चे पैदा कोनी कर सकै थी। इन सारी बातां तै साफ जाहिर था, के उसके भोत-से वंशज न्ही हो सकदे, तोभी अब्राहम का विश्वास कमजोर न्ही होया, वो परमेसवर के वादे पै विश्वास करदा रह्या, अर उसनै आस न्ही तोड़ी। 20 अर ना ए अबिश्वासी होकै परमेसवर के वादा पै शक करया, पर विश्वास म्ह पक्का होकै उसकी महिमा करी। 21 अर पक्के तौर पै जाण्या के जिंसा बात का परमेसवर नै वादा करया सै, वो उसनै पूरा करण म्ह भी सामर्थी सै। 22 अर परमेसवर नै उसके विश्वास के कारण उस तारीं धर्मी बना दिया। 23 अर पवित्र ग्रन्थ के इस वचन नै, “विश्वास के कारण उस तारीं धर्मी बना दिया।” ना सिर्फ यो वचन अब्राहम कै खात्तर लिख्या

गया, 24 बल्के म्हारे खात्तर भी जिंके खात्तर लिख्या गया, जो विश्वास के जरिये धर्मी बण जावैगा, यानिके के म्हारे खात्तर, जो उसपै विश्वास करा सां, जिंसनै म्हारे प्रभु यीशु तारीं मरे होया म्ह तै जिन्दा करया। 25 यीशु मसीह म्हारे अपराध्या कै खात्तर पकड़वाया अर मारा भी गया, अर म्हारे तारीं धर्मी बनाण कै खात्तर परमेसवर नै उस तारीं जिन्दा कर दिया।

**5** इस करकै जिब हम मसीह पै विश्वास करण तै धर्मी बना दिए गये सां, तो परमेसवर तै म्हारा मेळ-मिलाप अपणे प्रभु यीशु मसीह के जरिये हो लिया। 2 विश्वास कै जरिये मसीह नै म्हारी पोहच पिता के उस अनुग्रह तक कर दी सै। उस अनुग्रह म्ह हम बणे होए सां, अर परमेसवर की महिमा की आस म्ह खुश सां। 3 सिर्फ योए न्ही, बल्के हम मुसीबतां म्ह भी खुश रहवां, न्यू जाणकै के मुसीबतां तै धीरज, 4 धीरज तै खरयां लिकड़णा, अर खरे लिकड़ण तै आस होवै सै। 5 अर आस तै निराशा न्ही होन्दी, क्यूँके पवित्र आत्मा जो परमेसवर नै म्हारे तारीं दिया सै, उसके जरिये परमेसवर का प्यार म्हारे मन म्ह भरया गया सै। 6 क्यूँके जिब हम कमजोर थे, तो मसीह परमेसवर के बताये गये सही बखत पै बुरे माणसां कै खात्तर मरया। 7 किसे धर्मी माणस कै खात्तर कोए जान देवे यो तो मुश्किल सै, पर शायद कोए भले माणस खात्तर जान देण खात्तर तैयार हो सकै सै। 8 पर परमेसवर म्हारे पै अपणे प्यार की भलाई इस तरियां तै साबित करै सै, के जिब हम पापी ए थे, जिब्बे मसीह यीशु म्हारे खात्तर मरया। 9 जिब के इब यीशु के लहू बहाण के कारण परमेसवर नै म्हारे तारीं अपनी नजर म्ह धर्मी बनाया सै, तो उसके जरिये परमेसवर के छो तै क्यातै न्ही बचांगें? 10 क्यूँके जिब हम परमेसवर के बैरी थे, तो उसके बेटे की मौत कै जरिये म्हारा मेळ-मिलाप परमेसवर कै गेल्या होया, अर सब तै आच्छी बात या सै, के मेळ-मिलाप हो जाण के कारण उसके बेटे यीशु मसीह के जरिये दिए गये जीवन के कारण म्हारा उद्धार पक्का सै। 11 इब तो म्हारे प्रभु यीशु मसीह कै जरिये, परमेसवर म्ह म्हारा मेळ-मिलाप होग्या सै, इस खात्तर हम उस म्ह खुश सां। 12 परमेसवर नै एक माणस आदम बनाया, जिंसकै कारण दुनिया म्ह पाप आया, अर उस पाप के करण मौत आई, अर इस तरियां तै मौत सारे माणसां म्ह फैलगी, क्यूँके आदम के वंश होण के कारण सब पापी बणगे। 13 मूसा नबी के नियम-कायदा कै दिए जाण तै पैहले भी, दुनिया म्ह माणस पाप करै थे, पर वो पाप गिण्या कोनी जावै था, क्यूँके ओड़ै नियम-कायदे कोनी थे, जिन तारीं तोड्या जा सकै। 14 तोभी आदम तै लेकै मूसा नबी तक सब नै मौत आई। जिंसा तरियां आदम नै परमेसवर के हुकम तारीं तोड्या उसकी तरियां हमनै उसके हुकम तारीं न्ही तोड़ा, अर आदम यीशु मसीह का नमूना था जो आण आळा था। 15 पर आदम के अपराध अर परमेसवर के अनुग्रह के वरदान के बीच म्ह एक भोत बड़ा अन्तर सै, क्यूँके जब एक माणस आदम, कै

अपराध करण के कारण, भोत-से माणसां की मौत होई, पर दुसरे माणस यीशु मसीह के जरिये, परमेसवर का अनुग्रह भोत-से माणसां पै होया सै। 16 तो परमेसवर के वरदान का नतिज्जा आदम के पाप तै भोत अलग सै। उसका पाप दण्ड लेकै आवै सै, पर परमेसवर का वरदान म्हारे ताहीं धर्मी बणावै सै, भलाए के हम कई पापां के दोषी क्यूँ ना हो। 17 क्यूँके एक माणस के अपराध के कारण सब नै मौत आई। पर इसतै ज्यादा परमेसवर का अनुग्रह अर धार्मिकता का वरदान सै, जो उस ताहीं पावै सै, वो पाप अर मौत पै यीशु मसीह के जरिये जयवन्त होवै सै, अर वे उसकै गैल अनन्त जीवन म्ह राज करैगें। 18 जिस तरियां आदम का अपराध, सारे माणसां के खातर दण्ड लेकै आया, ठीक उससे तरियां ए मसीह यीशु के धार्मिकता के काम करण तै, सारे माणसां नै जिन्दीगी मिली, अर वे परमेसवर की नजर म्ह धर्मी बणै। 19 क्यूँके जिसा एक माणस के हुकम ना मानण तै भोत-से माणस पापी बणे, उससे तरियां ए एक माणस के हुकम मानण तै भोत-से माणस धर्मी बणैगें। 20 मूसा के नियम-कायदे म्हारे ताहीं इस खातर दिए गये, ताके माणस देख सकै के वे कितने पापी सै पर जिब माणस पाप पै पाप करै सै, तो ओड़े परमेसवर का अनुग्रह उसतै भी घणा होया करै। 21 सारे माणसां नै पाप पै पाप करया, अर वे मरगे, पर म्हारे प्रभु यीशु मसीह के जरिये परमेसवर का अनुग्रह हमनै धर्मी बणावै सै, अर म्हारे ताहीं अनन्त जीवन देवै सै। (aiōnios g166)

**6** कोए कह सकै सै? के परमेसवर अपणे अनुग्रह तै म्हारे पाप माफ करै सै, पर इसा मत सोच्यों के पाप करदे रहवां ताके अनुग्रह घणा हो। 2 न्ही! बिल्कुल न्ही! हम जिब पाप के खातर मरये तो हमनै आगै तै दुबारा पाप न्ही करणा चाहिए। 3 हम जाणा सां, के हम सारे जिननै मसीह यीशु के नाम म्ह बपतिस्मा लिया सै, यो इसा सै, के जिसा हम मसीह के गैल मर जाणा। 4 इस करके जिब हम बपतिस्मा लेवां सां, तो हम उसकै साथ मर जावां सां, अर उसके साथ गाड्डे जावां सां, ताके जिस तरियां मसीह पिता परमेसवर की महिमा के जरिये मरे होया म्ह तै जिन्दा करया गया, उससे तरियां ए हमनै भी नया जीवन जीणा चाहिए। 5 क्यूँके जै हम उसकी मौत की समानता म्ह बपतिस्मै के जरिये उसके गेल्या एक हो जावां सां, तो पक्के तौर पै उसकै जिन्दा उठण की समानता म्ह भी एक हो जावांगें। 6 इससे तरियां म्हारा पुराणा पापी सुभाव यीशु मसीह के गेल्या क्रूस पै चढ़ाया गया, ताके जो पापी सुभाव म्हारी देह म्ह से वो नाश हो जावै, अर हम आगै दुबारा पाप की गुलामी म्ह न्ही रहवां। 7 क्यूँके जिब हम मसीह के गैल मर सां, तो हम पाप की शक्ति तै आजाद हो जावां सां। 8 इस करके जै हम मसीह के गेल्या मरगे, तो म्हारा बिश्वास यो सै के उसकै गेल्या जीवांगें भी। 9 क्यूँके न्यू बेरा सै, के मसीह मरे होया म्ह तै जिन्दा उठकै दुबारा फेर न्ही मरैगा, उसपै फेर मौत का राज न्ही होवैगा। 10 क्यूँके मसीह पाप के खातर एक ए बार मर गया, पर इब जो

जिन्दा सै, तो परमेसवर की महिमा करण के खातर जिन्दा सै। 11 इससे तरियां थम भी अपणे-आप ताहीं पाप के खातर तो मरया होइ, पर परमेसवर की महिमा करण खातर मसीह यीशु म्ह जिन्दा समझो। 12 इस करके पाप की लालसा थारी नाश होण आळी देह म्ह राज न्ही करै, के थम उसकी लालसाओं के कळ्जे म्ह ना रहो। 13 अपणे देह के अंगा ताहीं अधर्म के काम्मां खातर इस्तमाल ना करो, पर अपणे-आप ताहीं मरे होया म्ह तै जिन्दे जाणकै अपणी जिन्दीगी परमेसवर ताहीं दे दो, अर अपणे देह के अंगा ताहीं धार्मिक काम्मां खातर परमेसवर नै सौंप दो। 14 फेर थारे पै पाप का राज कोनी होवैगा, क्यूँके थम नियम-कायदे के अधीन म्ह न्ही, बल्के परमेसवर के अनुग्रह के अधीन म्ह जीण लागरे सां। 15 तो इसका मतलब के सै? के हम नियम-कायदे का अधीन म्ह न्ही, बल्के परमेसवर के अनुग्रह के अधीन सां, इस करके के हम पाप कर सका सां? न्ही! बिलकुल न्ही! 16 थम जाणो सां के जिब थम खुद नै किसे का गुलाम होण खातर देओ सां, तो थम वोए करो सां, जो थारा माल्लिक कहवै सै। थम पाप के गुलाम भी बण सकां सां, जो मौत लेकै आवै सै, या फेर थम परमेसवर के हुकम नै मानके धार्मिकता का जीवन जी सको सां। 17 थम पाप के गुलाम थे, पर इब थमनै वे सारी शिक्षा माननी सै, जो थारे ताहीं मिली थी, इस करके मै परमेसवर का धन्यवाद करूँ सूँ। 18 इब पाप की शक्ति तै छुटाये जाके परमेसवर के दास बणो ताके थम धर्म के काम करो। 19 मै थारे ताहीं आसान तरिककें लिखूँ सूँ, ताके आम आदमी भी आसान्नी तै समझ सके, के जिब थम अपणी पिच्छली जिन्दीगी की गुलाम थे, अर थम हरेक ढाळ के अशुद्ध अर भुन्डे काम करो थे। तो इब थम अपणी देह नै धार्मिक जीवन के दास बणा ल्यो, ताके थम पवित्र जीवन जी सको। 20 जिब थम पाप के गुलाम थे, तो थम धार्मिकता के काम न्ही कर पाओ थे। 21 थम बुरा काम करो थे, अर इब उन बुरे काम्मां के कारण शर्मिन्दा सां, तो थमनै के मिल्या? इन सारी बात्तां का नतिज्जा मौत सै। 22 पर इब पाप तै आजाद होके अर परमेसवर के दास बणके इब थम वो काम करो सां, जिसतै थम पवित्र बणो सां, अर उसका नतिज्जा अनन्त जीवन सै। (aiōnios g166) 23 क्यूँके पाप का नतिज्जा तो मौत सै, पर परमेसवर का वरदान म्हारे प्रभु मसीह यीशु म्ह अनन्त जीवन सै। (aiōnios g166)

**7** हे बिश्वासी भाईयो, थमनै बेरा सै, (मै नियम-कायदे के जाणण आळा तै कर्हूँ सूँ) के जिब ताहीं माणस जिन्दा रहवै सै, तब तक उसनै नियम-कायदे मानने पड़ेगें। 2 उदाहरण के तौर पै एक ब्याता लुगाई नै मरते दम तक नियम-कायदे के मुताबिक अपणे धणी के साथ रहणा चाहिये, पर जै धणी मर जा, तो वा धणी के नियम-कायदे तै आजाद हो जा सै। 3 ज्यांतै जै धणी के जिन्दे जी वा किसे दुसरे माणस की हो जावै, तो जार कुह्लवैगी, पर जै धणी मर ज्या, तो वा उस नियम-कायदे तै

आजाद हो जा सै, उरै तार्हीं के जै किसे दुसरे माणस की हो जावै तोभी जार कोनी ठेहरेगी। 4 उससे तरियां ए हे मेरे बिश्वासी भाईयो, जिब थम मसीह के साथ मरगे, तो थम नियम-कायदा खात्तर मरेगे, इब थम मसीह के हो, जो मरे होया म्ह तै जिन्दा उठ्या, ताके हम परमेसवर के खात्तर धार्मिक जीवन जी सका। 5 क्यूँके जिब हम अपने देह की इच्छा के मुताबिक जिवां सां, तो पाप की लालसा म्हारै अंगा म्ह काम करै सै, अर नियम-कायदे ए उन लालसा नै उजागार करके मौत नै लेके आवै सै। 6 हम नियम-कायदा खात्तर मरगे जिसके बन्धन म्ह हम पैहले थे। इब हम पवित्र आत्मा की मानके, नये सिरे तै परमेसवर की सेवा कर सकां सां। 7 तो हम के कहां के मूसा नबी के नियम-कायदे पाप सै? न्ही! बिलकुल न्ही! बल्के नियम-कायदा ए सै, जो मेरे तार्हीं बतावै सै, के पाप के सै! जै नियम-कायदे न्ही कहन्दे, के लालच मतना करै तो मै लालच नै जाण ए न्ही पान्दा। 8 पर पाप नै मौक्का पाके, हुकम के जरिये मेरे म्ह सारी तरियां का लालच पैदा करया, क्यूँके बिना नियम-कायदे पाप मुर्दा सै। 9 एक बखत था जिब मै मूसा नबी के नियम-कायदे बिना जीऊँ था, पर जिब मन्ने मूसा नबी के नियम-कायदा तार्हीं जाणया, तो मेरे म्ह पाप करण की इच्छा होण लागी, अर मै मरे होया जिसा होग्या। 10 अर वो हुकम जिसतै मन्ने जिन्दगी मिलणी थी वो मेरी आत्मिक मौत का कारण बणया। 11 क्यूँके पाप नै मौक्का पाके हुकम के जरिये मेरे तार्हीं भकाया, अर उससे के जरिये मेरी आत्मिक मौत भी हो गई। 12 ज्यांतै हम यो नतिज्जा लिकाड़ा सां, के नियम-कायदे पवित्र सै, अर हुकम पवित्र, धर्मी अर खरया सै। 13 तो के मूसा नबी के नियम-कायदे जो खरे थे, मेरे खात्तर मौत लेके आये? न्ही! बिलकुल न्ही! यो पाप ए था जिसनै इसा करया। पर नियम-कायदे जो खरे थे, मेरे खात्तर मौत लेके आये, ताके पाप की असलियत जाहिर हो जा, अर हुकम दिखावै सै के पाप घणाए बुरा सै। 14 क्यूँके हमनै बेरा सै, के मूसा नबी के नियम-कायदे तो आत्मिक सै, पर मै शारीरिक सूं, अर पाप का गुलाम सूं। 15 अर जो मै करूँ सूं, उस तार्हीं कोनी जाणदा, क्यूँके जो मै चाहूँ सूं, वो न्ही करया करदा, पर जिसतै मन्ने घृणा आवै सै वोए करै सूं। 16 जै जो मै न्ही चाहन्दा वोए बुरे काम करूँ सूं, तो मै मान ल्यूँ सूं, के मूसा नबी के नियम-कायदे खरे सै। 17 तो इसी हालत म्ह जो मेरे म्ह बुरे काम करै सै, वो मै न्ही, बल्के पाप सै, जो मेरे म्ह बस्या होया सै। 18 क्यूँके मन्ने बेरा सै के मेरे म्ह यानिके मेरे पापी सुभाव म्ह कोए आच्छी चीज वास कोनी कर दी। मेरा जी तो भले काम करण की इच्छा तो करै सै, पर भले काम मेरे तै बणदे कोनी। 19 क्यूँके जिस आच्छे काम करण नै मेरा जी करै सै, वो तो कोनी करदा, पर जो बुरे काम करणा न्ही चाहन्दा, वोए करूँ सूं। 20 इस करके जै मै वोए करूँ सूं जो न्ही चाहन्दा, तो उसका करण आळा मै कोनी रहया, पर पाप सै जो मेरे भित्तर् म्ह बस रहया सै। 21 इस तरियां तै मन्ने सच का बेरा

पटे सै, के जिब मै भलाई करण की इच्छा करूँ सूं, तो बुराई ए करूँ सूं। 22 क्यूँके मै भीतरी माणस-पण तै तो परमेसवर के नियम-कायदे तै घणा खुश रहूँ सूं। 23 पर मेरे भित्तर् एक नियम-कायदा की शक्ति काम करण लागरी सै, जो मेरी पापी अन्तरात्मा तै युध्द करै सै। या नियम-कायदा की शक्ति मेरी अन्तरात्मा नै पाप का गुलाम बणावै सै जो इब भी मेरी देह म्ह सै। 24 मै किसा निरभागा माणस सूं! मन्ने इस पापी सुभाव तै जो मौत लेके आवै सै, कौण छुड़ावैगा? 25 म्हारै प्रभु यीशु मसीह के जरिये परमेसवर का धन्यवाद होवै। ज्यांतै मै अपनी समझ तै तो परमेसवर के नियम-कायदे नै मानना चाहूँ सूं, पर पापी सुभाव के कारण मै पाप का गुलाम सूं।

**8** इस करके इब जो मसीह यीशु पै बिश्वास करै सै, उनपे दण्ड का हुकम कोनी। 2 क्यूँके पवित्र आत्मा थमनै वा जिन्दगी देवैगा, जो मसीह यीशु की ओड़ तै आवै सै, अर वो थारे तार्हीं पाप अर मौत तै आजाद करै सै। 3 क्यूँके जो काम मूसा नबी के नियम-कायदे पापी सुभाव के कारण देह म्ह न्ही कर सके, उस तार्हीं परमेसवर नै करया, यानिके अपने ए बेटे तार्हीं इन्सान के रूप म्ह पापबलि होण के खात्तर भेज दिया, परमेसवर नै पाप की शक्ति तार्हीं अपने बेटे की देह के बलिदान के जरिये तोड़ दिया। 4 ज्यांतै के मूसा नबी के नियम-कायदे की विधि म्हारै म्ह पूरी करी जावै, जो पापी सुभाव के मुताबिक न्ही, बल्के पवित्र आत्मा के मुताबिक चाल्लै सै, 5 क्यूँके जो अपने पापी सुभाव के कारण चाल्लै सै, वो बुरी चिज्जां के बारे म्ह सोचवै सै, पर जो-जो पवित्र आत्मा के जरिये चाल्लै सै, वो उन चिज्जां के बारे म्ह सोचवै सै, जो पवित्र आत्मा तार्हीं खुश करै सै। 6 जै थम अपनी पापमय लालसा के मुताबिक चाल्लोंगे तो मरोगे, पर पवित्र आत्मा के कहे मुताबिक चाल्लोंगे तो जिन्दगी अर शान्ति पाओगे। 7 क्यूँके पापमय लालसा के मुताबिक चालणा तो परमेसवर तै बैर राखणा सै, क्यूँके ना तो वो परमेसवर के नियम-कायदे के अधीन सै अर ना कदे हो सके सै। 8 अर जो पापमय लालसा के मुताबिक चाल्लै सै, वे परमेसवर नै खुश न्ही कर सकदे। 9 पर जिब के परमेसवर का पवित्र आत्मा थारे म्ह बसै सै, तो थम पापमय लालसा के मुताबिक न्ही पर पवित्र आत्मा के कहे मुताबिक चाल्लों। जै किसे म्ह मसीह का आत्मा कोनी चाल्ला तो वो परमेसवर का माणस कोनी। 10 जै मसीह थारे म्ह वास करै सै, तो पाप के कारण देह मरी होई सै, पर धार्मिकता के कारण थारी आत्मा जिन्दा सै। 11 जै परमेसवर का आत्मा जिसनै मसीह यीशु तार्हीं मरे होया म्ह तै जिन्दा करया, थारे म्ह बस्या होया सै, तो जिसनै मसीह तार्हीं मरे होया म्ह तै जिन्दा करया, वो थारी नाश होण आळी देह नै भी अपने पवित्र आत्मा के जरिये जिन्दा करैगा, जो थारे म्ह बस्या होया सै। 12 इस करके हे बिश्वासी भाईयो, हम पापी सुभाव के कर्जदार कोनी के हम इसके मुताबिक बरताव करां। 13 क्यूँके जै थम पापी सुभाव के मुताबिक जीओगे, तो मरोगे जै पवित्र आत्मा तै

पापमय लालसा के काम्मानै मारोगे तो जिन्दे रहोगे। 14 ज्यांतै के जितने माणस परमेसवर के आत्मा के चलाए चाल्ले सै, वैए परमेसवर की उलाद सै। 15 क्यूँके थारे ताहीं गुलामी की आत्मा कोनी दी गई, के थम डरो, पर पवित्र आत्मा हमनै परमेसवर की उलाद बणावै सै, जिसतै हम हे अब्बा, हे पिता कहकै बोल्लां सां। 16 पवित्र आत्मा आप ए म्हारी आत्मा के गेल्या गवाही देवै सै, के हम परमेसवर की उलाद सां, 17 अर जै उलाद सां तो वारिस भी, बल्के परमेसवर के वारिस अर मसीह के संगी वारिस सां, अगर हम मसीह के ढाळ दुख ठावांगे, तो हम उसकी महिमा म्ह भी शामिल हो पावांगे। 18 मननै पक्का यकिन सै, के इस बखत के दुख अर क्लेश उस महिमा के स्याम्ही, उस महिमा के समान जो प्रभु म्हारे ताहीं देवैगा, किमे भी कोनी सै। 19 क्यूँके सृष्टि की सारी चिज्जें घणी उम्मीद भरी निगांह तै परमेसवर की उलाद की बाट देखण लागरी सै। 20 परमेसवर की बणाई गई हर एक चीज नै अपने मकसद ताहीं खो दिया सै, यो इस करकै नही के सृष्टि खुद चाहवै थी, पर परमेसवर नै इसा करया, पर फेर भी आस सै। 21 सृष्टि भी खुद उस दिन की बाट देखे सै, जब वो मौत अर विनाश की गुलामी तै छुटकारा पाके, परमेसवर की महिमा म्ह उसकी उलाद के साथ शामिल होवेंगे। 22 क्यूँके हमनै बेरा सै के सारी सृष्टि इब ताहीं मिलकै कराहती अर दर्दा म्ह पड़ी, उस जनानी की तरियां सै, जिसा बच्चा होण तै पैहले दर्दा म्ह तड़फे सै। 23 अर सिर्फ परमेसवर की बणाई सृष्टि ए न्ही, पर हम भी जिस म्ह होण आळी महिमा के पैहले तै स्वाद चखण के रूप म्ह पवित्र आत्मा का वास सै, हम खुद भी अपने-आप म्ह कराहवा सां। यो जिब्बे होगा जब हम देह तै आजाद होवांगे, अर परमेसवर हमनै अपनी उलाद बणाण के खात्तर अपनावै। 24 आण आळी महिमा की आस के जरिये ए थारा उद्धार होया सै, जै थम उन चिज्जां की आस राक्खों सां जो थारे धोरै पैहले तै सै, तो थारी आस धरणा बेकार सै, कोए भी उस चीज की आस कोनी राखदा, जो उसके धोरै पैहले तै सै। 25 हम उन चिज्जां की आस करों सां, जो म्हारे धोरै इब ताहीं सै कोनी, तो हम धीरज तै बाट देख्खां सां, जब तक वो चीज हमनै मिल ना जावै। 26 प्रार्थना करण खात्तर म्हारे धोरै बुद्धि कोनी, पर पवित्र आत्मा म्हारी मदद करै सै, क्यूँके हमनै नही बेरा के किन बात्तां के खात्तर प्रार्थना करणी चाहिये, पर पवित्र आत्मा आप्पे इसी आह भर-भरकै, जो बयान तै बाहरण सै, म्हारे खात्तर बिनती करै सै। 27 परमेसवर जो मनां का जाँचण आळा सै उसनै बेरा सै, के पवित्र आत्मा का मकसद के सै? क्यूँके वो पवित्र माणसां के खात्तर परमेसवर की मर्जी के मुताबिक बिनती करै सै। 28 हमनै बेरा सै के जो माणस परमेसवर तै प्यार राक्खे सै, उनकै खात्तर सारी बात मिलकै भलाई ए नै पैदा करै सै, यानिके उनकै खात्तर जो उसकी मर्जी के मुताबिक चुणे होए सै। 29 क्यूँके जिन ताहीं परमेसवर नै पैहल्या तै चुण्या होया सै, उन ताहीं उसके बेटे यीशु

मसीह जिसे बणण खात्तर ठहराया भी सै, ताके वो घणे भाईयों म्ह पैहल्ला यानी जेद्दा बणै। 30 फेर जिन माणसां ताहीं उसनै पैहल्या तै ठहराया, उन ताहीं चुण्या भी, अर जिन ताहीं चुण्या, उन ताहीं धर्मी भी बणाया सै, अर जिन ताहीं धर्मी बणाया, उन ताहीं अपनी महिमा म्ह भागीदारी भी बणाया सै। 31 तो इन बात्तां तै हम यो नतिज्जां लिकाड़ा सां, जै परमेसवर म्हारी कान्ही सै, हमनै कौण हरा सके सै? 32 परमेसवर वो सै जिसने अपने खुद के बेटे ताहीं भी म्हारे खात्तर बलिदान करण कोए संकोच कोनी करया, तो जो उसनै म्हारे तै वादा करया सै, वो सारा कुछ म्हारे ताहीं क्यूँ न्ही देवैगा? 33 कोए भी हमनै परमेसवर के स्याम्ही दोषी न्ही ठहरा सकता? परमेसवर ए सै जो म्हारे ताहीं धर्मी बणावे सै। 34 कोए भी हमने दोषी न्ही ठहरा सकता? क्यूँके यीशु मसीह ए सै, जो मरया बल्के मुर्दा म्ह तै जिन्दा भी उठ्या, अर परमेसवर के सोळी ओड़ सै, अर म्हारे खात्तर बिनती भी करै सै। 35 कौण हमनै मसीह के प्यार तै न्यारा करैगा? के क्लेश, संकट, उपद्रव, अकाळ, नंगाई, जोख्खम, या तलवार? 36 जिसा पवित्र ग्रन्थ म्ह लिख्या सै, “तेरे खात्तर लोग हमनै रोज मारण की धमकी देवै सै, हम मरण आळी भेट्ठां की तरियां समझे गये सां।” 37 पर इन सारी बात्तां म्ह हम उसके जरिये जिसने म्हारे तै प्यार करया सै, जयवन्त तै भी बाध सै। 38 क्यूँके मै जाणुं सूं, के कोए भी चीज मसीह नै म्हारे तै प्यार करण तै न्ही रोक सकदी। इसतै कोए फर्क न्ही पड़ता के चाहे हम जिवां या मरा, सुर्गदूत, प्रधानताएँ, शक्तियाँ जो सुर्ग म्ह सै इन म्ह तै कोए भी हमनै मसीह के प्यार तै अलग न्ही कर सकदी, अर इब जो होण लागरया सै, जो भविष्य म्ह होण आळा सै, गहराई, ऊँचाई हमनै परमेसवर के प्यार तै, जो म्हारे प्रभु यीशु मसीह म्ह सै अलग न्ही कर सकदी।

**9** जै कोए भी चीज हमनै परमेसवर के प्यार तै अलग न्ही कर सकदी, तो क्यूँ इस्राएली, मेरे यहूदी भाई परमेसवर तै दूर सै? मेरा मन उन खात्तर भोत दुखी सै, जै उन माणसां के छुटकारे खात्तर मेरे उप्पर चाहे दोष भी लगाये जावे या मसीह तै अलग करया जावे, तोभी मै इसके खात्तर तैयार सूं, अर मै मसीह नै गवाह मानते होए सच बोल्लू सूं, पवित्र आत्मा अर मेरी अन्तरात्मा भी या गवाही देवै सै के मै झूठ कोनी बोल्ला। 4 वे इस्राएल देश के माणस सै, अर वे परमेसवर के गोद लिये होड़ माणस सै, अर महिमा, करार, नियम-कायदे अर परमेसवर की आराधना करण का हक अर वादे उन्हे के सै। 5 अब्राहम, इसहाक, याकूब ये सारे पूर्वज भी उन्हे के सै, अर मसीह भी देह के भाव तै उन्हे म्ह तै इस्राएली सै। जो सारया के उप्पर परम परमेसवर सै, युगानयुग धन्य हो। आमीन। (aiōn g165) 6 पर इसा कोनी के परमेसवर अपने वादे तै मुकर गया, ज्यांतै के जो इस्राएल के वंशज सै, वे सारे सच्चे इस्राएली कोनी। 7 अर ना अब्राहम का वंश होण के कारण सारे उसकी सच्ची उलाद होगी, पर पवित्र ग्रन्थ म्ह लिख्या सै, “इसहाक के वंश म्ह जन्म

लेण तै ए सारे उसकी सच्ची ऊलाद न्ही हो जान्दी।” 8 यानिके जो दुनियावी तौर पै शारीरिक रूप तै जन्मे होए परमेसवर की ऊलाद कोनी, पर वायदे की ऊलाद सै। 9 क्यूँके वादे का वचन यो सै: “आगले साल मै इस्से बखत दुबारा आऊँगा, अर तब सारा कै एक बेट्टा पैदा होवैगा।” 10 अर सिर्फ योए न्ही, पर जिव रिबका कै गर्भ म्ह एक ए आदमी यानिके म्हारे पूर्वज इसहाक तै जुड़वां बाळक पैदा होए। 11 इब तै पैहले के वो पैदा होते अर कुछ बुरा या भला काम जानते, परमेसवर नै रिबका तै कह दिया था के “जेट्टा बेट्टा छोटळे का गुलाम होवैगा,” परमेसवर नै यो दिक्खाण कै खातर कहा था, वो अपने मन की इच्छा तै खुद चुनाव करै सै, ना के उनके भले या बुरे काम्मां तै। 13 जिसा पवित्र ग्रन्थ म्ह लिख्या सै, “मन्ने एसाव तै बढ़के याकूब ताहीं घणा प्यार करया।” 14 ज्यांतै हम के कहाँ? के परमेसवर की अपणी इच्छा तै चुनाव करणा अन्याय सै? न्ही! बिलकुल न्ही! 15 क्यूँके परमेसवर मूसा नबी तै कहवै सै, “मै जिस किसे पै दया करणा चाहुँ, उसपै दया करूँगा, अर जिस किसे पै तरस खाणा चाहुँ उससे पै तरस खाऊँगा।” 16 इस करके परमेसवर उस ताहीं चुणै सै, जिसके उप्पर वो दया दिखाणा चाहवै सै, उसका चुनाव इस बात पै आधारित कोनी, के लोग के चाहवै सै, अर वे के करण की कोशिश करै सै। 17 क्यूँके पवित्र ग्रन्थ म्ह परमेसवर नै फिरौन (मिस्र के राजा) तै कहा, “मन्ने तेरे ताहीं ज्या ए तै राजा बनाया सै, के तेरे म्ह अपणी सामर्थ दिखाऊँ, अर मेरे नाम का प्रचार सारी धरती पै होवै।” 18 इस करके वो जिसपै चाहवै सै उसपै दया करै सै, अर जिस ताहीं चाहवै सै उस ताहीं हठील्ला बना देवै सै। 19 तब घणखरे माणस मेरै तै कहवैगें, “जै इसा सै, तो परमेसवर किस तरियां कह सकै सै, के हम गलत सां? क्यूँके परमेसवर जो करणा चाहवै सै उसनै करण तै कौण रोक सकै सै?” 20 हे भले माणस, भला तू कौण सै जो परमेसवर तै वाद-विवाद करै? के बणाई होई चीज बणाण आठे तै कह सकै सै, “तन्ने मेरे ताहीं इसा क्यांतै बनाया सै?” 21 के कुम्हार ताहीं माट्टी पै हक कोनी के एक ए लोदे म्ह तै एक बासण आदर कै खातर, अर दुसरे ताहीं अनादर कै खातर बनावै? 22 परमेसवर अपना छो अर अपणी सामर्थ उनकै बिरुध्द दिखाणा चाहवै सै, जो नाश ए होण लायक सै, पर वो धीरज धरे सै क्यूँके वो दिखाणा चाहवै सै के वो कितना महान सै, वो उन माणसां पै दया करै सै, जिन ताहीं उसनै अपणी महिमा म्ह सौँझा करण खातर चुण्या सै। 24 यानिके म्हारे पै जिन ताहीं उसनै ना सिर्फ यहूदी माणसां म्ह तै, बल्के गैर यहूदियाँ म्ह तै भी चुण्या। 25 जिसा के वो होशे नबी की किताब म्ह भी गैर यहूदियाँ के बारे म्ह कहवै सै, “जो मेरी प्रजा कोनी थी, उन ताहीं मै अपना प्रजा कहूँगा, अर जिनते मै प्यार न्ही करूँ था, उन ताहीं प्यार करूँगा। 26 अर जिस जगहां पै परमेसवर नै इसा कहा था, के थम मेरी प्रजा कोनी सो, उस्से जगहां पै परमेसवर उन ताहीं अपणी ऊलाद

कहवैगा।” 27 अर यशायाह नबी इसाएल के माणसां कै बारे म्ह रुक्का मारके कहवै सै, “चाहे इसाएल की ऊलादां की गिणती समुन्दर के बालू कै बराबर हो, तोभी उन म्ह तै थोड़े ए बचैगें। 28 क्यूँके परमेसवर धरती पै तावळा-ए आवैगा, अर एक बार म्ह ए सबका न्याय करैगा।” 29 जिसा यशायाह नबी नै पैहल्या भी कहा था, “जै सेनाओं का प्रभु म्हारे खातर कुछ वंश न्ही छोड़दा, तो म्हारी हाल्लत सदोम अर अमोरा नगर के जिसी हो जान्दी, जिस ताहीं परमेसवर नै पूरी तरियां तै नाश कर दिया।” 30 ज्यांतै हम के कहाँ? गैर यहूदियाँ नै अपने-आप ताहीं धर्मी बणाण की कोशिश न्ही करी, पर परमेसवर नै मसीह यीशु पै बिश्वास करण कै कारण उन ताहीं धर्मी बना दिया। 31 जो इसाएली मूसा नबी के नियम-कायदा नै मानके धर्मी बणाणा चाहवै थे वे धर्मी न्ही बण पाये। 32 यो किस तरियां हो सकै सै? इस करके के वे बिश्वास तै न्ही, पर मान्ना आच्छे काम्मां तै धर्मी बणाणा चाहवै थे। उननै उस ठोक्कर के पत्थर पै ठोक्कर खाई, 33 जिसा पवित्र ग्रन्थ यीशु मसीह के बारे कहवै सै, “देक्खो, मै यरुशलेम नगर म्ह एक ठेस लागण का पत्थर, अर ठोक्कर खाण की चट्टान राक्खूँ सूँ, अर जो कोए उसपै बिश्वास करैगा वो शर्मिन्दा कोनी होवैगा।”

**10** हे बिश्वासी भाईयो, मेरे मन की इच्छा अर मेरे यहूदी माणसां खातर, परमेसवर तै मेरी याए प्रार्थना सै के वे बचाए जावै। 2 क्यूँके मै उनकी गवाही दूँ सूँ, के उन ताहीं परमेसवर के खातर उत्साह रहवै सै, पर सही समझके गेल्या न्ही। 3 क्यूँके वा धार्मिकता जो परमेसवर की ओड़ तै आवै सै, उस ताहीं वे समझण म्ह नाकामयाब रहे अर अपने तरिकके तै धर्मी बणाण की कोशिश करी, वे परमेसवर की धार्मिकता के अधीन न्ही होए। 4 क्यूँके मसीह नै पैहले तै ए उस मकसद ताहीं पूरा कर लिया सै। जिस खातर नियम-कायदे दिए गये थे, उसका नतिज्जां यो होया के जो यीशु मसीह पै बिश्वास करै सै वो धर्मी बणाए जावैगें। 5 क्यूँके मूसा नबी नै नियम-कायदा तै धर्मी बणाण के बारे म्ह पवित्र ग्रन्थ म्ह यो लिख्या सै, के जो माणस उननै मान्ने सै, वो इस्से कारण तै जिन्दा रहैगा। 6 पर बिश्वास के जरिये धर्मी बनाये जाण के बारे म्ह पवित्र ग्रन्थ या कहवै सै, के “तू अपने मन म्ह न्यू ना कहिये, के मसीह ताहीं नीच्वे ल्याण खातर सुर्ग पै कौण चढ़ैगा?” 7 या “अधोलोक म्ह कौण उतरैगा?” (यानिके मसीह ताहीं मेरे होया म्ह तै जिन्दा उप्पर लाण के खातर!) (Abysso g12) 8 पर के कहवै सै, योए के “परमेसवर का वचन तेरे धोरे सै, ताके तू उसनै अपने मुँह तै अंगीकार कर सकै अर अपने मन म्ह राक्ख सकै,” यो वोए बिश्वास का वचन सै, जो हम प्रचार करा सां। 9 जै तू माणसां के स्याम्ही यीशु नै प्रभु मान ले, अर अपने मन तै बिश्वास करै के परमेसवर नै उस ताहीं मेरे होया म्ह तै जिन्दा करया, तो परमेसवर तन्ने बचावैगा। 10 क्यूँके हम अपने मन तै बिश्वास करां सां, तो हम परमेसवर के जरिये धर्मी बणाए

जावै सै, अर हम मुँह तै अंगीकार करां सां, के हम मसीह पै इस्से तरियां तै इस बखत भी, परमेसवर के अनुग्रह तै अलग बिश्वास करां सां, तो इस करके हम बच जावांगे। 11 क्यूँके यशायाह नै पवित्र ग्रन्थ म्ह मसीह के बारे म्ह यो लिख्या सै, “जो कोए उसपै बिश्वास करैगा वो शर्मिन्दा कोनी होवैगा।” 12 क्यूँके यशूदियाँ अर यूनानियाँ म्ह किमे फर्क कोनी, ज्यांतै के परमेसवर सारया का प्रभु सै, जो उसका नाम लेवै सै उस ताहीं वो बचावै सै। 13 क्यूँके पवित्र ग्रन्थ म्ह लिख्या सै के “जो कोए प्रभु का नाम लेवैगा, वो बचाया जावैगा।” 14 पर जिन माणसां नै मसीह पै बिश्वास न्ही करया, तो वे उसनै मदद खात्तर किस तरियां पुकारेंगे? अर जिसके बारे म्ह सुणया न्ही उसपै किस तरियां बिश्वास करेंगे? अर वे किस तरियां सुणैगे जिब तक कोए प्रचारक ना जावै। 15 जै प्रचारक भेज्जे ना जावै, तो किस तरियां प्रचार करै? जिसा पवित्र ग्रन्थ म्ह लिख्या सै, “जो आच्छी बातां का सुसमाचार लेके आवै सै, उनके पाँव कितने सुहावने सै।” 16 पर सारया नै उस सुसमाचार पै बिश्वास कोनी करया जिसा यशायाह नबी कहवै सै, “हे प्रभु, किस्से नै भी म्हारै सन्देश पै बिश्वास न्ही करया?” 17 पर मसीह के बारे म्ह वचन सुणण तै बिश्वास होवै सै। 18 पर मै पूच्छु सू, के यशूदियाँ नै, मसीह के बारे म्ह न्ही सुणया? सुणया तो जरूर सै, क्यूँके पवित्र ग्रन्थ म्ह लिख्या सै, “उनके बोल साबती धरती पै, अर उनके वचन दुनिया के कुणे ताहीं पोहोचगे सै।” 19 फेर मै पूच्छु सू, के इस्राएली लोग मसीह के बारे म्ह सन्देश ताहीं समझै सै? पैहल्या तो प्रभु नै मूसा नबी के जरिये यो कह्या, “मै उन गैर यशूदियाँ के जरिये थारे मन म्ह जळण पैदा करूँगा, मै थमने यशूदियाँ के जरिये मूर्ख समझण आळे माणसां तै गुस्सा दिलाऊँगा।” 20 फेर जो बात प्रभु नै कही वा बात यशायाह नबी बड़ी हिम्मत करके कहवै सै, “जो मन्ने न्ही टोहवें थे, उननै मेरै ताहीं पा लिया, अर जो मन्ने बुझै भी कोनी थे, उनपै मै जाहिर होया।” 21 पर इस्राएल देश के माणसां कै बारै म्ह, परमेसवर यशायाह नबी के जरिये न्यु भी कहवै सै, “मै सारा दिन अपणे हाथ, एक हुकम ना मानण आळी अर विवाद करण आळी प्रजा कै कान्ही पसरि रहया।”

**11** ज्यांतै मै पूच्छु सू, के परमेसवर नै अपणी प्रजा ताहीं छोड़ दिया? न्ही! बिलकुल न्ही! मै भी तो इस्राएली सू, मै अब्राहम की पीढ़ी अर बिन्यामीन कै गोत्र म्ह तै सू। 2 परमेसवर नै अपणी उस प्रजा ताहीं कोनी छोड्या, जिस ताहीं उसनै पैहल्याए तै चुणया सै। के थमने न्ही बेरा के पवित्र ग्रन्थ एलिय्याह नबी कै बारे म्ह के कहवै सै, वो इस्राएल के माणसां कै बिरोध म्ह परमेसवर तै शिकायत करै सै। 3 “हे प्रभु, उननै तेरे नबियाँ ताहीं मार दिया, अर तेरी वेदियाँ ताहीं नाश कर दिया सै, अर मै ए एकला बचा सू, जो तेरे पै बिश्वास करूँ सू अर जिन्दा सू, अर वे मेरी जान भी लेणा चाहवै सै।” 4 तब परमेसवर नै एलिय्याह नबी तै कह्या, “मन्ने अपणे खात्तर सात हजार माणसां ताहीं राख राख्या सै, जिन नै बाल देवता की मूर्ति की आराधना करण खात्तर गोड्डे कोनी टेक्के सै।” 5 ठीक

तरियां थमने छोड़ देगा।” ताके गैर यहूदियाँ ताहीं अपणाले, जो के उन डाळियाँ की तरियां सै जो कलम करके लगाई गई सै। 20 यो सच सै के वे तो अबिश्वास के कारण तोड़ी गई, पर तू बिश्वास तै बणया रहवै सै ज्यांतै घमण्डी ना होवै, पर भय मान, 21 क्यूँके जिब परमेसवर नै खुद की डाळियाँ पै दया न्ही करी तो वो थारे पै भी दया न्ही करैगा। 22 ज्यांतै परमेसवर की दया अर कठोरता नै देख! जो अबिश्वासी माणसां खातर कठोरता अर थारे खातर दया सै, जै थम असलियत म्ह उसकी दया की हद म्ह न्ही बणे रहवोंगे, तो थारे ताहीं भी काट के अलग कर दिया जावैगा। 23 यहूदी लोग भी जै बिश्वास करणा शरु करदे, तो दुबारा तै लगा दिए जावेंगे, क्यूँके परमेसवर उन ताहीं फेर छंग सके सै। 24 एक जंगळी डाळी खातर एक आच्छे पेड़ का हिस्सा बणणा कुदरती न्ही सै, अर जो यहूदी कोनी जंगळी जैतून के पेड़ की डाळी की तरियां सै, जो के एक आच्छे जैतून के पेड़ म्ह लगाई गई सै, पर यहूदी एक डाळी की तरियां सै जो आच्छे पेड़ तै उँ सै, पक्के तौर पे वे अपणे पेड़ म्ह शामिल हो सके सै। 25 हे बिश्वासी भाईयो, मै न्ही चाहन्दा के थम इस भेद तै अनजाण रहों, इसा ना हो के थम अपणे-आप पै घमण्ड करण लागों, जिब तक गैर यहूदी परमेसवर के धारे ना आवै सै, तब तक इस्राएल के कुछ माणस सख्त बणे रहवेंगे। 26 अर इसके बाद सारे इस्राएल के माणस उद्धार पावेंगे। जिसा पवित्र ग्रन्थ म्ह लिख्या सै, “छुटाण आळा यरुशलम तै आवैगा, अर अभगति नै याकूब के वंश तै दूर करैगा। 27 अर उनकै गेल्या मेरा यो करार होगा, जिब मै उनके पापां नै माफ कर दियूँगा।” 28 यहूदी लोग परमेसवर के दुश्मन बणे थे, क्यूँके वे उस सुसमाचार पै बिश्वास करणा न्ही चाहन्दे, यो थारे खातर फायदेमन्द होया, पर परमेसवर उनतै प्यार करै सै, क्यूँके उसनै अपणे खातर उन ताहीं चुणया सै, योए वो वादा सै जो उसनै म्हारे पूर्वजां तै करया था। 29 क्यूँके परमेसवर अपणे वरदानां तै, अर बुलाहत तै कदे भी पाच्छे कोनी हटद। 30 एक बखत था जिब थम गैर यहूदियाँ नै परमेसवर ताहीं ठुकरा दिया था, पर इब इस्राएल के माणसां नै परमेसवर ताहीं ठुकरा दिया, इस कारण थारे पै दया दिखाई गई। 31 थारे पै दया दिखाण के कारण उनपै भी दया दिखाई जावैगी। 32 क्यूँके सारे माणसां नै परमेसवर के हुकम का उलंघण करया सै, योए कारण सै के परमेसवर उनकै गैल कैदियाँ की ढाळ बरताव करे सै, वो इस करके इसा करे सै के सब माणसां पै दया हो सके। (eleēsē g1653) 33 ओह! किसा अपार सै परमेसवर की बुद्धि अर ज्ञान का भण्डार! कितने महान् सै उसके फैसले! अर किसा रहस्यमयी सै उसके काम करण का तरिककां! 34 “भला कौण जाण सके सै परमेसवर के मन नै? या कौण उसका सलाहकार होया सै? 35 या किसनै परमेसवर ताहीं कुछ दिया सै, जिसका बदला उस ताहीं दिया जावै?” इसा कोए कोनी। 36 क्यूँके सब कुछ उससे के कान्ही तै

आवै सै, अर उससे नै सब कुछ बणया सै अर सब कुछ उससे का सै। उसकी महिमा युगानुयुग होन्दी रहवै आमीन। (aiōn g165)

**12** ज्यांतै हे बिश्वासी भाईयो, मै थारे तै परमेसवर की दया याद दुवाके बिनती करूँ सूँ, के अपणी जिन्दगी ताहीं जिन्दा, पवित्र अर परमेसवर ताहीं भान्दा होया बलिदान करके चढ़ाओ। योए परमेसवर की सेवा करण का सही तरिककां सै। 2 इस दुनिया के माणसां बरगे ना बणो, पर परमेसवर थारी सोच नै बदलै, अर थारा चाल-चलण भी बदलता जावै, जिसतै थम परमेसवर की भली, अर आच्छी लागण आळी, अर सिध्द इच्छा अनुभव तै बेरा पाड़ सको। (aiōn g165) 3 क्यूँके मै उस अनुग्रह के कारण जो मैरे ताहीं मिल्या सै, थारे म्ह तै हरेक तै कहुँ सूँ, के जिसा समझणा चाहिये, उसतै बढकै कोए भी अपणे-आपने ना समझै। पर इसकी बजाए सदबुध्दी राखकै, जिसा परमेसवर नै जितना बिश्वास थारे ताहीं दिया सै उसके मुताबिक अपणे-आपने समझो। 4 क्यूँके जिसा म्हारी एक देह म्ह घण-ए अंग सै, अर सारे अंगा का एके काम कोनी। 5 इससे तरियां हम जो मसीह म्ह बिश्वास करा सां, हम उसके देह के कुछ अंग बणे सां, अर हम दुसरे तै जुड़े होए सां। 6 जिब के उस अनुग्रह के मुताबिक जो परमेसवर नै म्हारे ताहीं दिया सै, हमने न्यारे-न्यारे वरदान मिले सै। तो जिस ताहीं परमेसवर नै भविष्यवाणी का दान दिया सै, वो उन ए बातां नै बोल्लै जो उसनै बिश्वास दिलाते हो के ये परमेसवर की ओड़ तै सै। 7 जै दुसरयां की सेवा करण का दान मिल्या हो, तो सेवा म्ह लाग्या रहवै, जै कोए सिखाण आळा हो, तो सिखाण म्ह लाग्या रहवै। 8 जो उत्साहित करण आळा हो, वो उत्साहित करण म्ह लाग्या रहवै, दान देण आळा हो उदारता तै देवै, जो अगुवाई करै, वो जोश तै करै, जो दया करै, वो खुशी तै करै। 9 प्यार करण का दिखावा ना करो, बुराई तै नफरत करो, भलाई म्ह उत्सुक रहो। 10 एक-दुसरे तै इस तरियां प्यार करो, जणु एक ए परिवार के हो, आप्स म्ह एक-दुसरे का बढ-चढकै आदर करो। 11 कड़ी मेहनत करो अर आलसी ना बणो, आत्मिक जोश तै भरे रहो। प्रभु की सेवा पूरे मन तै करदे रहो। 12 आस म्ह खुश रहो, क्लेश म्ह धीरज धरो, प्रार्थना म्ह सारी हाण लागे रहो। 13 पवित्र माणसां ताहीं जो किमे जरूरी हो, उस म्ह उनकी मदद करो, अर अजनबी माणसां की सदा सेवा-पाणी म्ह लागे रहो। 14 अपणे सताण आळा ताहीं आशीष द्यो, आशीष दो श्राप ना द्यो। 15 आनन्द करण आळा के गेल्या आनन्द करो, अर रोण आळा के गेल्या रोओ। 16 जिस तरियां थम अपणी परवाह करो सों, उससे तरियां दुसरयां की परवाह करो, खुद पै घमण्ड ना करो, पर दीन-दुखियाँ के गेल्या संगति राखो, अपणी नजर म्ह अकलमंद ना होवो। 17 बुराई के बदले किसे तै बुराई ना करो, जो बात सारे माणसां के लोवै आच्छी सै, उनकी फिक्र करया करो। 18 जित्त ताहीं हो सके, थम पूरे मन तै सारे माणसां के गेल्या मेळ-मिलाप राखो। 19 हे प्यारे बिश्वासी भाईयो, बदला

ना लियो, पर परमेसवर ताहीं बदला लेण का मौक्का द्यो, क्यूँके पवित्र ग्रन्थ म्ह लिख्या सै, “बदला लेणा मेरा काम सै, प्रभु कहवै सै मैं ए बदला ल्युँगा।” 20 पर वचन यो भी कहवै “जै तेरा बैरी भूक्खा हो तो उस ताहीं खाणा खुवा, जै तिसाया हो तो उस ताहीं पाणी पिला, क्यूँके तेरे इसा करण तै वो खुद शर्मिन्दा हो जावेगा।” 21 बुराई तै ना जीत हासिल करो, पर भलाई तै बुराई नै जीत ल्यो।

**13** हरेक माणस शासन करण आळे अधिकारियाँ के अधीन रहवै, क्यूँके सारे अधिकार परमेसवर की ओड़ तै आवै सै, अर जो अधिकार सै, वे परमेसवर नै बणाये सै। 2 ज्याँते जो कोए भी माणस उन माणसां का पालन करण तै इन्कार करे सै, जिनके धोरे शासन करण की शक्ति सै, तो वो परमेसवर की विधि का बिरोध करै सै, अर बिरोध करण आळे दण्ड पावैगें। 3 क्यूँके हाकिम आच्छे काम के न्ही, पर भुन्डे काम कै खात्तर डर का कारण सै। जै तू हाकिम तै बिना डरे रहणा चाहवै सै, तो आच्छा काम कर, ताके उसकी ओड़ तै तेरी बड़ाई हो। 4 क्यूँके वो तेरी भलाई कै खात्तर परमेसवर का सेवक सै। परन्तु जै तू बुराई करे, तो डर, क्यूँके उसनै दण्ड देण का हक सै, अर वो परमेसवर का सेवक सै ताके उसकै छो कै मुताबिक भुन्डे काम करण आळे ताहीं सजा देवै। 5 ज्याँते थम उनके अधीन रहों ना सिर्फ उसकै दण्ड तै बचण खात्तर बल्के साफ अन्तरात्मा राक्खण खात्तर भी। 6 ज्याँते चुंगी भी द्यो क्यूँके शासन करण आळे परमेसवर के सेवक सै अर सारी हाण उस फर्ज नै पूरा करण म्ह लागे रहवै सै। 7 ज्याँते हरेक का हक चुकाया करो, जिस ताहीं चुंगी देणी चाहिये, उस ताहीं चुंगी देओ, कर देण आळे ताहीं कर देओ, जिसतै डरणा चाहिये, उसतै डरो, जिसका आदर-मान करणा चाहिये, उसका आदर-मान करो। 8 एक ए चीज सै जिसके थमनै कर्जदार होणा चाहिए, वो सै थारा आप्पस म्ह प्यार, क्यूँके जो एक-दुसरे तै प्यार करे सै, उससे नै परमेसवर के नियम-कायदा ताहीं पूरा करया सै। 9 क्यूँके, मूसा नबी के नियम-कायदा म्ह भोत-से हुकम सै, “जारी ना करणा, खून ना करणा, चोरी ना करणा, लालच ना करणा,” अर इन्नै छोड़ और कोए भी हुकम हो, तो सारया का निचोड़ इस एक हुकम म्ह पाया जावै सै, “अपणे पड़ोसी तै अपणे जिसा प्यार करो।” 10 प्यार पड़ोसी की कुछ बुराई कोनी करदा, जो प्यार करै सै, वो परमेसवर के नियम-कायदा नै पूरा करै सै। 11 आप्पस म्ह हरेक नै एक-दुसरे तै प्यार करते रहणा चाहिए, क्यूँके वो बखत आवै सै, के जब परमेसवर हमनै इस बुरी दुनिया तै छुड़ावेगा, जब हमनै पैहली बार मसीह म्ह विश्वास करया था, तब तै इब वो बखत धोरे आ लिया सै, तो थारे ताहीं नींद तै जागणा चाहिए अर सावधान रहणा चाहिए। 12 दुनिया म्ह रहण का म्हारा बखत लगभग एक रात की ढाळ सै, जो खतम होण आळी सै, अर मसीह के बोहड़ण आळा बखत भोत लवै सै, ज्याँते हमनै अन्धकार के काम्मां नै छोड़कै, चाँदणे की

ढाळ आच्छे काम करणे चाहिए, जो बुराई का बिरोध करण म्ह म्हारे हथियार बणै सकै। 13 आओ! हम खुद नै सही तरिकके तै चलाणा शुरु करा, जो उन माणसां की तरियां सै जो चाँदणे म्ह रहवै सै, पर अँधरे म्ह रहण आळे माणसां की ढाळ ना बणो जो भोग-विलास, दारूबाजी, जारी, लुचपण, रोळे अर जळण करण जिंसा काम करे सै। 14 बल्के प्रभु यीशु मसीह ताहीं कवच बणा के पैहर ल्यो, अर देह की पापी अभिलाषायां नै पूरा करण का उपाय ना करो।

**14** जो माणस विश्वास म्ह कमजोर सै, उस ताहीं अपणी संगति म्ह ले ल्यो, पर उस ताहीं के करणा चाहिए के न्ही करणा चाहिए इस बारे म्ह बहस ना करो। 2 एक नै विश्वास सै, के सारा कुछ खाणा सही सै, पर जो विश्वास म्ह कमजोर सै वो साग-पात ए खावै सै। 3 अर माँस-मच्छी खाण आळे साग-पात खाण आळे ताहीं तुच्छ ना जाणै, अर ना साग-पात खाणआळा, माँस-मच्छी खाणआळे पै दोष लावै, क्यूँके परमेसवर नै दोनुआ ताहीं अपणाया सै। 4 तू कौण सै जो दुसरे कै नौक्कर पै दोष लावै सै? पर उसकी कामयाबी या नाकामयाबी उसकै माल्लिक कै ए हाथ्थां म्ह सै, बल्के वो कामयाब ए कर दिया जावेगा, क्यूँके प्रभु उस ताहीं कामयाब कर सकै सै। 5 इस तरियां कई माणस तो एक दिन नै दुसरे तै बाध मान्ने सै, अर कई माणस सारे दिनां नै एक जिंसा जाणै सै, इस तरियां तै हरेक अपणे ए मन म्ह, इस बात नै पक्का कर लेवै जो वो सोचवै सै वोए सही सै। 6 जो कोए किसे दिन नै बाध मान्ने सै, वो प्रभु नै आदर मान देण खात्तर मान्ने सै। जो कोए माँस-मच्छी खावै सै, वो प्रभु नै आदर मान देण खात्तर खावै सै, क्यूँके वो परमेसवर का धन्यवाद करै सै, अर जो साग-पात खावै सै, क्यूँके वो प्रभु नै आदर मान देण खात्तर खावै अर परमेसवर का धन्यवाद करै सै। 7 क्यूँके हम सारे प्रभु के सां। म्हारे म्ह तै ना तो कोए अपणे खात्तर जिन्दा सै, अर ना कोए अपणे खात्तर मरै सै, पर परमेसवर ताहीं खुश करण खात्तर करै सै। 8 जै हम जिवां सां, तो प्रभु कै खात्तर जिवां सां, अर जै मरा सां, तो प्रभु कै खात्तर ए मरा सां, हम जिवां या मरा, हम प्रभु ए के सां। 9 क्यूँके मसीह यीशु इस्से खात्तर मरा अर मुर्दा म्ह तै जिन्दा भी हो गया के वो मरे होया अर जिन्दयां का, दोनुआं का प्रभु होवै। 10 तू अपणे विश्वासी भाई पै क्याँतै दोष लावै सै? या फेर क्याँतै अपणे विश्वासी भाई नै तुच्छ जाणै सै? परमेसवर हम सारा का न्याय करैगा। 11 क्यूँके पवित्र ग्रन्थ म्ह लिख्या सै, “प्रभु कहवै सै, मेरे जीवन की कसम, के हरेक घुटना मेरे स्याम्ही टिकैगा, अर हरेक कोए अपणी जुबान तै मन्नै परमेसवर मान लेवैगा।” 12 ज्याँते म्हारे म्ह तै हरेक नै अपणे-अपणे काम का लेक्खा परमेसवर ताहीं देणा पड़ैगा। 13 इस खात्तर आगै तै हम एक-दुसरे पै दोष न्ही लावांगें, पर थम या ठान ल्यो के कोए अपणे विश्वासी भाई कै स्याम्ही पाप करण की बजह ना बणै। 14 मन्नै बेरा सै अर प्रभु यीशु म्ह मन्नै पक्का यकिन होया सै, के कोए खाण-पीण

की चीज अपने-आप तै अशुद्ध कोनी, पर जो उस ताहीं अशुद्ध दिए गये थे, उन वादा नै मजबूत करण खात्तर मसीह, परमेसवर समझै सै, उसके खात्तर अशुद्ध सै। 15 जै तेरा बिश्वासी भाई तेरे खाणे के कारण दुखी होवै सै, तो फेर तू मसीह की प्यार की रीत पै नही चाल्दा, जिसके खात्तर मसीह मरा, तेरे खाणे की बजह तै तेरा बिश्वासी भाई मसीह तै पाछै ना हटै। 16 इस करके जै तू अपनी नजर म्ह बढ़िया काम करै सै, पर दुसरा उसनै बुरा मान्ने सै तो उसनै ना करै। 17 क्यूँके परमेसवर का राज्य खाणा-पीणा कोनी, पर धार्मिकता अर मेळ-मिलाप म्ह ए खुशी सै, जो पवित्र आत्मा तै मिलै सै। 18 जो कोए इस तरियां तै मसीह की सेवा करै सै, इसतै परमेसवर खुश होवै सै, अर माणसां म्ह भी उसकी तारीफ होवै सै। 19 ज्यांतै हम उन काम्मां म्ह लागे रह्यां जिनतै मेळ-मिलाप अर शान्ति होवै, अर एक-दुसरे का बिश्वास मजबूत होवै। 20 खाणे के खात्तर परमेसवर का काम ना बिगाड़ै। सारी ढाळ का खाणा शुद्ध सै, पर उस माणस के खात्तर पाप करण की बजह ना बणो, जिस ताहीं उसके खाणे तै ठेस लागे सै। 21 भला तो यो सै के तू ना माँस-मछी खा अर ना अंगूर का रस पी, ना और किमे इसा करै जिसतै तेरे बिश्वासी भाई के बिश्वास नै ठेस लागे। 22 जै तू बिश्वास करे के तू सही करै सै, तो इन बातां नै अपने ए अर परमेसवर के बीच म्ह राख। धन्य सै वो जो उस बात म्ह, जिस ताहीं वो सही समझै सै, अपने-आपनै कसूरवार नही समझदे। 23 पर इब थारे मन म्ह शक सै, के खाणा सै अर के नही खाणा अर फेर भी खा ल्यो सो, तो पाप करो सों। क्यूँके थम अपने बिश्वास के मुताबिक नही करते अर जै थम इसा काम करो सों, जिसपै थमनै बिश्वास सै, वो काम गलत सै, तो वो पाप सै।

**15** हो सकै सै के हम जो बिश्वास म्ह मजबूत सां, हम जाणा सां के इन बातां तै कोए फर्क नही पड़ता, हम इस खात्तर यो काम नही करते के हम अपने-आपनै खुश कर सका, हमनै उन माणसां का डर अर शंका का भी ध्यान करणा सै, के जो यो सोचवै सै के हम गलत सां। 2 म्हारै म्ह तै हरेक नै अपने बिश्वासी भाई के साथ भले काम करणे चाहिए, जो उसनै खुश करै अर उस ताहीं बिश्वास म्ह मजबूत बनाए राखवै। 3 क्यूँके मसीह नै अपने-आप ताहीं खुश कोनी करया, पर जिसा पवित्र ग्रन्थ म्ह लिख्या सै, “तेरी बुराई करण आळा नै मेरी बुराई करी सै।” 4 जितनी बात पैहल्या तै पवित्र ग्रन्थ म्ह लिखी गई, वे म्हारी ए सिखाण के खात्तर लिखी गई सै, ताके हम धीरज अर उत्साह जो म्हारे ताहीं पवित्र ग्रन्थ देवै सै, उसके जरिये हमनै आस मिलै। 5 मै प्रार्थना करूँ सूँ के धीरज अर उत्साह का दाता परमेसवर, थमनै यीशु मसीह की तरियां जीवन बिताण अर एक-दुसरयां के साथ शान्ति तै रहण म्ह मदद करै। 6 ताके थम सब कठ्ठे होके म्हारे परमेसवर प्रभु यीशु मसीह के पिता की महिमा करो। 7 इस करके एक-दुसरे नै अपनाओ जिसा मसीह नै थारे ताहीं अपनाया सै, यो इस खात्तर करो के माणस परमेसवर की जै-जै कार करै। 8 ज्यांतै मै कहुँ सूँ के जो वादे म्हारे पूर्वजां ताहीं

दिए गये थे, उन वादा नै मजबूत करण खात्तर मसीह, परमेसवर की सच्चाई साबित करण खात्तर मसीह, यहूदी माणसां का सेवक बणया। 9 अर गैर यहूदी भी परमेसवर की दया के कारण उसकी महिमा करै, जिसा पवित्र ग्रन्थ म्ह लिख्या सै, “ज्यांतै मै गैर यहूदी माणसां म्ह तेरा धन्यवाद करूँगा, अर तेरे नाम के भजन गाऊँगा।” 10 फेर कहा सै, “हे गैर यहूदी माणसां, परमेसवर की प्रजा के गैल आनन्द करो।” 11 अर फेर पवित्र ग्रन्थ कहवै सै, “हे गैर यहूदी माणसां, प्रभु की जय-जयकार करो, अर हे राज्य-राज्य के सारे माणसां, उसकी बड़ाई करो।” 12 अर यशायाह नबी पवित्र ग्रन्थ म्ह कहवै सै, “यिश्शै के वंश तै एक बेट्टा पैदा होगा, अर सारी जातां पै राज करैगा, वो गैर यहूदी माणसां नै बचावैगा।” 13 मै प्रार्थना करूँ सूँ, के परमेसवर जो आस का दाता सै, थारे ताहीं बिश्वास करण म्ह सारी तरियां के आनन्द अर शान्ति तै भरपूर करै, के पवित्र आत्मा की सामर्थ तै थारी आस बधती जावै। 14 हे मेरे बिश्वासी भाईयो, मै अपने-आप थारे बारै म्ह पक्का जाणूँ सूँ, के थम भी आप ए भलाई तै भरे होए सों, अर थमनै बेरा होणा चाहिए के थमनै के करणा चाहिए, अर एक-दुसरे नै सीखा भी सको सों। 15 तोभी मन्ने कई बातां के बारे म्ह थारे ताहीं जो हिम्मत करके लिख्या। यो उस अनुग्रह के कारण होया जो परमेसवर नै मेरै ताहीं दिया सै, 16 के मै गैर यहूदियाँ के खात्तर मसीह यीशु का सेवक होके परमेसवर के सुसमाचार की सेवा याजक के ढाळ करूँ, ताके गैर यहूदियाँ ताहीं परमेसवर खात्तर भेट के रूप म्ह दे सकूँ, जिसके साथ वो खुश होवै सै, जिन ताहीं पवित्र आत्मा नै पवित्र माणस बना दिया। 17 ज्यांतै मै यीशु मसीह के कारण ए परमेसवर की सेवा पै गर्व कर सकूँ सूँ। 18 क्यूँके मै हिम्मत के गैल सिर्फ उन बातां बारे म्ह जिक्र करणा चाहुँ सूँ, जो मसीह नै मेरे ताहीं करण के काबिल बणाया, ताके जो मन्ने कहा अर करया सै उसके जरिये गैर यहूदी माणस परमेसवर का हुकम मान्ने। 19 पवित्र आत्मा के जरिये दी गई शक्ति तै मै अदभुत चिन्ह-चमत्कार करूँ सूँ, इस कारण जित्त भी मै यरुशलेम नगर तै लेके चौगरदेके इल्लुरिकुम परदेस तक गया, ओड़ै मन्ने सारया ताहीं यीशु मसीह का सुसमाचार सुणाया। 20 पर मेरै मन की इच्छा या सै के जित्त-जित्त मसीह यीशु का नाम नही लिया गया, ओड़ैए सुसमाचार सुणाऊँ, अर उस मकान बणाण आळे मिस्त्री की ढाळ ना होऊँ जो दुसरे की नीम पै घर बणावै सै। 21 पर जिसा पवित्र ग्रन्थ म्ह लिख्या सै मै उस ताहीं पूरा करणा चाहुँ सूँ, “जिनके धारै यीशु मसीह का सुसमाचार नही पोंहच्या, वैए देखेंगे, अर जिन नै नही सुणा वैए समझेंगे।” 22 ज्यांतै मै थारे धारै आण तै बार-बार रुक्या रहया। 23 पर इब यरुशलेम नगर अर इल्लुरिकुम परदेस म्ह मन्ने माणसां ताहीं परमेसवर का वचन सुणा दिया सै, जिननै यीशु मसीह के बारे म्ह सुणया ए नही था, अर इब मै थारे तै आके मिलूँगा, जिसकी लालसा मन्ने घणे साल्लां तै थी। 24 ज्यांतै जिब मै स्पेन देश म्ह जाऊँगा, तो थारे

धारे होंदा होया जाऊंगा, क्योंकि मन्ने उम्मीद से के उस सफर म्ह थारे तै भेंट होवैगी, अर जिब थारी संगति तै मेरा जी खुश हो जावै, तो थम मेरी स्पेन देश जाण म्ह मदद कर दिओ। 25 पर इब तो मै यरुशलेम नगर म्ह जाऊँ सूँ ताके ओडै परमेसवर के पवित्र माणसां नै दान दे सकूँ। 26 क्योंकि मकिदुनिया अर अखाया परदेस के माणसां नै यो आच्छा लाग्या के यरुशलेम नगर के गरीब माणसां के खातर कुछ दान कट्टा करै। 27 उननै आच्छा तो लाग्या, पर वे यरुशलेमवासियों के कर्जदार भी सै, क्योंकि यहूदियाँ नै गैर यहूदियाँ के साथ परमेसवर की आत्मिक बातां का साँझा करया सै, यो सही सै गैर यहूदियाँ की दुनियावी चिज्जां नै यहूदियाँ के गैल साँझा करै। 28 ज्यांतै मै यरुशलेम नगर म्ह जाण लागरया सूँ, ताके वो दान दे सकूँ, जो मन्ने कट्टा करया सै, उसके बाद थारे तै रोम देश म्ह मिलके स्पेन देश म्ह जाऊँगा। 29 अर मन्ने बेरा सै के जिब मै थारे धौरे आऊँगा, तो मै मसीह की आशीष नै थारे साथ साँझा करूँगा। 30 हे बिश्वासी भाईयो, म्हारै प्रभु यीशु मसीह म्ह बिश्वास के कारण अर जो पवित्र आत्मा नै म्हारे ताहीं जो प्यार दिया सै मै थारे तै बिनती करूँ सूँ, के मेरे खातर अर मेरे साथ मन तै परमेसवर तै प्रार्थना करो 31 ताके मै यहूदिया परदेस के अबिश्वासियाँ तै बचा रहूँ, अर जो दान मै यरुशलेम नगर म्ह लेके जाण लागरया सूँ, वो परमेसवर के पवित्र माणसां खातर खुशी का कारण बणै। 32 अर मै परमेसवर की मर्जी तै थारे धौरे आनन्द के गैल आके थारे गेल्या आराम पाऊँ। 33 मै प्रार्थना करूँ सूँ, शान्ति का दात्ता परमेसवर थारे सारया के गेल्या रहवै। आमीन।

**16** मै थारे तै फिबे के खातर जो म्हारी बिश्वासी भाण अर किस्त्रिया नगर की कलीसिया की सेविका सै, मै चाहूँ सूँ के थम उसका आदर करो। 2 थम यो जाणके उसका इसा स्वागत करो जिसा थम परमेसवर के पवित्र माणसां का करो सों, अर जिस किसे बात म्ह उस ताहीं थारी जरूरत होवै, उसकी मदद करो, क्योंकि वा भी घणखरयां की बल्के मेरी भी उपकार करण आळी रही सै। 3 प्रिसकिल्ला बिश्वासी भाण अर उसके धणी अक्विला नै जो मसीह यीशु म्ह मेरे गैल काम करणीये सै, उन ताहीं मेरा नमस्कार। 4 उननै मेरे प्राण के खातर अपना ए जीवन जोखम म्ह गेर दिया था, अर सिर्फ मै ए न्ही, बल्के गैर यहूदियाँ की सारी कलीसिया भी उनका धन्यवाद करै सै। 5 अर उस कलीसिया नै भी नमस्कार जो उनके घर म्ह कट्टा होवै सै। मेरे प्यारे भाई इपैनितुस नै, जिसनै आसिया म्ह सब तै पैहले मसीह पै बिश्वास करया, उस ताहीं भी मेरा नमस्कार। 6 बिश्वासी भाण मरियम ताहीं, जिसनै थारे खातर घणी मेहनत करी, नमस्कार। 7 बिश्वासी भाई अन्दुनीकुस अर उसकी भाण यूनियास नै जो मेरे यहूदी साथी सै, जो मेरे गेल्या कैद होए थे अर प्रेरितां म्ह बड़ा नाम्मी सै, अर मेरे तै पैहल्या मसीह म्ह आए थे, नमस्कार। 8 बिश्वासी भाई अम्पलियातुस नै, जो प्रभु मसीह म्ह मेरा प्यारा सै, नमस्कार। 9 बिश्वासी

भाई उरबानुस नै, जो मसीह म्ह म्हारा गैल काम करणीया सै, अर मेरे प्यारे बिश्वासी भाई इस्तखुस नै नमस्कार। 10 बिश्वासी भाई अपिल्लेस नै जो मसीह म्ह खरयां लिकड्या, नमस्कार। बिश्वासी भाई अरिस्तुबुलुस के कुणबे नै नमस्कार। 11 मेरे बिश्वासी साथी हेरोदियोन नै नमस्कार। बिश्वासी भाई नरकीस्सुस का कुणबे के जो माणस परमेसवर पै बिश्वास करै सै, उन ताहीं नमस्कार। 12 त्रुफेना अर त्रूफोसा बिश्वासी भाणां नै जो प्रभु म्ह मेहनत करै सै, नमस्कार। प्यारी बिश्वासी भाण पिरसिस नै, जिसनै प्रभु म्ह घणी मेहनत करी, नमस्कार। 13 बिश्वासी भाई रूफुस नै जो प्रभु नै अपना होण खातर चुण्या सै, अर उसकी माँ नै, जो मेरी भी माँ के समान सै, दोनुआ नै, नमस्कार। 14 बिश्वासी भाई अंसुकृतुस, फिलगोन, हिर्मेस, पत्रुबास, हर्मास अर उनके साथ के सारे बिश्वासी भाईयाँ नै, नमस्कार। 15 बिश्वासी भाई फिलुलुगुस, यूलिया अर नेर्युस अर उसकी बेब्बे, अर बिश्वासी भाई उलुम्पास अर उनके साथ के सारे पवित्र माणसां नै नमस्कार। 16 आप्सस म्ह एक-दुसरे ताहीं गळे मिलके प्यार तै नमस्कार करो। थारे ताहीं मसीह की सारी कलीसियाओं की ओड़ तै नमस्कार। 17 इब हे बिश्वासी भाईयो, मै थारे तै बिनती करूँ सूँ, के जो माणस उस सच्ची शिक्षा के उल्ट जो थमनै मिली सै, अर उन माणसां नै जो फूट गेरण अर ठेस लागण का कारण बणै सै, उननै ताड़ लिया करो अर उनतै दूर रहो। 18 क्योंकि इसे माणस म्हारै प्रभु मसीह के न्ही, पर अपना ए इच्छा पूरी करै सै, अर चिकणी-चुपड़ी बातां तै सीधे-सादे माणसां नै भका देवें सै। 19 थारा, परमेसवर के हुकम मानण का जिऊ सारे माणसां म्ह फैल गया सै, ज्यांतै म्ह थारे बारै म्ह आनन्द करूँ सूँ, पर मै न्यू चाहूँ सूँ के थम भलाई के खातर अकलमंद, पर बुराई के खातर भोळे बणे रहो। 20 शान्ति का परमेसवर शैतान की शक्तियाँ नै खतम करके, थारे अधीन कर देवैगा। म्हारै प्रभु यीशु मसीह का अनुग्रह थारे पै होंदा रहवै। 21 मेरे गैल काम करणीया बिश्वासी भाई तीमुथियुस का, अर मेरे कुणबे आळे भाई लूकियुस, यासोन अर सीसिपत्रुस का थारे ताहीं नमस्कार। 22 मै तिरितियुस जो पौलुस की चिट्ठी लिखण म्ह मदद करण लागरया सूँ, मेरा प्रभु म्ह थारे ताहीं नमस्कार। 23 बिश्वासी भाई गयुस भी थारे ताहीं नमस्कार करै सै मै इब उसके घर म्ह रहण लागरया सूँ, जित कलीसिया कट्टी हो सै। बिश्वासी भाई इरास्तुस जो नगर का भण्डारी सै, अर भाई क्वारतुस का भी थारे ताहीं नमस्कार। 24 मै प्रार्थना करूँ सूँ के म्हारै प्रभु मसीह का अनुग्रह थारे पै होंदा रहवै। 25 इब जो मन्ने थारे ताहीं सुसमाचार सुणाया सै, यानिके यीशु मसीह के संदेश के प्रचार के मुताबिक जो थमनै बिश्वास म्ह मजबूत कर सके सै, उस भेद के प्रकाशन के मुताबिक जो पुराणे बखत तै लुहक्या रहया। (aiōnios g166) 26 पर इब जाहिर होके, सनातन परमेसवर के हुकम तै, अर नबियाँ की किताबां के जरिये गैर यहूदियाँ ताहीं बताया गया सै, ताके वे भी बिश्वास करके हुकम

मानणआळे हो जावै, (aiōnios g166) 27 यीशु मसीह कै जरिये  
उस एकमात्र बुद्धिमान परमेसवर की युगानुयुग महिमा होन्दी  
रहवै। आमीन। (aiōn g165)

# 1 कुरिन्थियों

1 या चिट्ठी पौलुस की ओड़ तै सै, जो परमेसवर की इच्छा तै प्रभु यीशु मसीह का प्रेरित होण कै खात्तर बुलाया गया अर बिश्वासी भाई सोस्थिनेस भी मेरे गैल सै। 2 मै या चिट्ठी परमेसवर की उस कलीसिया के माणसां ताहीं लिखूँ सूँ, जो कुरिन्थुस नगर म्ह सै, अर जिन ताहीं परमेसवर नै मसीह यीशु म्ह अपने खात्तर अलग तै छौँट कै राखे सै, अर उसनै म्हारे ताहीं अपने पवित्र माणस होण कै खात्तर बुलाया सै, अर उन सारया के नाम भी जो हरेक जगहं म्हारे अर अपने प्रभु यीशु मसीह की सेवकाई करै सै। 3 हम प्रार्थना करां सां, के म्हारे पिता परमेसवर अर प्रभु यीशु मसीह की ओड़ तै थमनै अनुग्रह अर शान्ति मिल्दी रहवै। 4 मै थारे बारे म्ह अपने परमेसवर का सारी हाण धन्यवाद करूँ सूँ, क्यूँके मसीह यीशु म्ह परमेसवर का अनुग्रह जो थारे पै होया सै, उसके कारण उसनै थारे ताहीं भोत सी आशीष दी सै। 5 थम मसीह यीशु म्ह सारी ढाळ तै सम्पन्न करे गये सों, उसनै थारे ताहीं हरेक ढाळ के आत्मिक वरदान दिए सै, ताके थम दुसरयां नै वचन का ज्ञान अर सुसमाचार सुणा सको। 6 जो खास काबलियत थारे ताहीं मिली सै, वा साबित करै सै, के मसीह यीशु के बारे जो सन्देस सै, वो सच्चा सै। 7 इस कारण जिब थम म्हारे प्रभु यीशु मसीह के बोहड़ण की बात देखण लागे सों, तो पवित्र आत्मा नै थारे ताहीं हरेक ढाळ के आत्मिक वरदान दिये सै। 8 परमेसवर थमनै आखिर ताहीं बिश्वास म्ह मजबूत करेगा, ताके थम म्हारे प्रभु यीशु मसीह के बोहड़ण के दिन म्ह बेकसूर ठहरो। 9 परमेसवर इसाए करेगा, क्यूँके जो वो कहवै सै, उसनै वो करण म्ह बिश्वास लायक सै, अर उसनै थारे ताहीं अपने बेटे, अर म्हारे प्रभु यीशु मसीह की संगति म्ह बुलाया सै। 10 हे बिश्वासी भाईयो, जो प्रभु यीशु मसीह नै मेरे ताहीं हक दिया सै, उसके कारण मै थारे ते बिनती करूँ सूँ, के थम सारे एक-दुसरे तै सहमत रहो, थम एकता बणाए राख्खों ताके थारे म्ह फूट ना होवै, अर थम एक मत हो कै आप्पस म्ह मिले रहो। 11 क्यूँके हे मेरे बिश्वासी भाईयो, खलोए के कुण्बे के माणसां नै मेरे ताहीं थारे बारे म्ह बताया सै, के थारे म्ह झगड़ें होवै सै। 12 मेरे कहण का मतलब यो सै के, थारे म्ह तै कोए अपने-आपनै पौलुस का, कोए अपुल्लोस का, कोए कैफा का, कोए मसीह का चेल्ला कहवै सै। 13 जो थम करो सों वो ठीक कोनी, के मसीह बट गया? के मै पौलुस थारे खात्तर क्रूस पै चढ़ाया गया? के थमनै मेरे नाम तै बपतिस्मा मिल्या? 14 मै परमेसवर का धन्यवाद करूँ सूँ, बिश्वासी भाई क्रिस्पुस अर गयुस नै छोड़, मन्ने थारे म्ह तै किसे ताहीं भी बपतिस्मा कोनी दिया। 15 कदे इसा ना हो के कोए थारे म्ह तै कहवै के थमनै मेरे नाम पै बपतिस्मा मिल्या सै। 16 अर हौँ, मन्ने स्तिफनास के कुण्बे ताहीं भी बपतिस्मा दिया, इन्नै छोड़ मै न्ही जाण्दा के मन्ने और किसे ताहीं भी बपतिस्मा दिया।

17 क्यूँके मसीह नै मेरे ताहीं बपतिस्मा देण ताहीं न्ही, बल्के सुसमाचार सुणाण ताहीं भेज्या सै, अर मन्ने माणसां ताहीं सुसमाचार चतुर विचार के मुताबिक कोनी सुणाया, इसा ना हो के मसीह के क्रूस पै मरण की कथा बेकार ठहरे। 18 क्यूँके क्रूस पै मसीह यीशु के मरण की कथा, नाश होण आळे माणसां के खात्तर बेकूफी सै, पर हम उद्धार पाण आळा के खात्तर परमेसवर की सामर्थ सै। 19 क्यूँके पवित्र ग्रन्थ म्ह परमेसवर नै कह्या सै, के “जो अपने-आपनै ज्ञानवान समझ सै, मै उननै दिखा दियुँगा के असलियत म्ह उनका ज्ञान बेकूफी तै भरया सै, अर वे बेकूफ सै।” 20 कित्त रहया ज्ञानी? कित्त रहया शास्त्री? कित्त रहया इस दुनिया का विवाद करण आळा? के परमेसवर नै दुनिया के ज्ञान ताहीं बेकूफी न्ही ठहराया? (aiōn g165) 21 क्यूँके परमेसवर नै यो आच्छा लाग्या के दुनिया के माणस अपने ज्ञान के मुताबिक परमेसवर ताहीं न्ही जाण सकै, तो उसनै म्हारे जरिये सुसमाचार के प्रचार ताहीं इस्तमाल करया, ताके उन माणसां नै बचा सकै जिननै उसपै बिश्वास करया सै, पर कुछ लोगां नै इस ताहीं बेकूफी समझा। 22 यहूदी लोग ए इस ताहीं बेकूफी समझै सै, क्यूँके वे सुर्ग तै चिन्ह-चमत्कार की बातां नै ए सच मान्ने सै, अर यूनानी लोग ज्ञान की टोह म्ह रहवें सै। 23 पर हम तो उस क्रूस पै चढ़ाए होड़ मसीह का प्रचार करा सां, जो यहूदी लोगां के खात्तर ठोक्कर का कारण अर गैर यहूदियाँ के खात्तर बेकूफी सै। 24 पर जिन ताहीं परमेसवर नै बुलाया सै, के यहूदी लोग, के यूनानी लोग, योए मसीह यीशु परमेसवर का सामर्थ अर परमेसवर का ज्ञान सै। 25 क्यूँके जो परमेसवर की बेकूफी लागै सै, वो माणसां के ज्ञान तै ज्ञानवान सै, अर जो परमेसवर की कमजोरी लागै सै, वो माणसां की ताकत तै घणी ताकतवर सै। 26 हे बिश्वासी भाईयो, याद करो के थम किसे थे जिब परमेसवर नै थारे ताहीं बुलाया था, ना तो दुनिया के मुताबिक घणे ज्ञानवान, अर ना घणे सामर्थी, अर ना घणे आच्छे खानदान आळे थे। 27 बल्के परमेसवर नै दुनिया के बेकुफां ताहीं छौँट लिया सै के ज्ञानवानां ताहीं शर्मिन्दा करै, अर परमेसवर नै दुनिया के कमजोरां ताहीं छौँट लिया सै के ठाड्यां नै शर्मिन्दा करै। 28 अर परमेसवर नै उन माणसां ताहीं चुण्या, जो दुनिया की निगाह म्ह नीच अर तुच्छ सै। इनके जरिये परमेसवर नै, जो घणे खास समझे जावै सै, उन ताहीं बेकार ठेहरा दिया। 29 परमेसवर नै यो इस करके करया, ताके कोए प्राणी उसके स्याम्ही घमण्ड न्ही करण पावै। 30 परमेसवर के जरिये करे गये काम के नतिजें तै थम मसीह यीशु म्ह सो, जो परमेसवर की ओड़ तै म्हारे खात्तर ज्ञान, धार्मिकता, पवित्रता, अर छुटकारा बणगे। 31 ताके जिसा पवित्र ग्रन्थ म्ह लिख्या सै, उस्से तरियां ए होवै, “जो घमण्ड करै वो प्रभु नै जो करया उसपै घमण्ड करै।”

2 हे बिश्वासी भाईयो, मै थारे धौरे बातां की चतुराई अर ना ए उत्तम ज्ञान का प्रदर्शन करण आया, बल्के मै थारे धौरे

परमेसवर का सन्देश सुणाण आया था। 2 क्यूँके मन्ने यो ठान लिया था, के मै मसीह यीशु अर उसकी क्रूस की मृत्यु के अलावा, किसे और चीज के बारे में थारे तै ना सुणु। 3 मै कमजोरी अर डरके गेल्या, घणा थरथराता होया थारे गेल्या रहया। 4 अर मेरी शिक्षा, अर प्रचार म्ह ज्ञान की लुभाण आळी बात कोनी, पर पवित्र आत्मा नै सामर्थी रूप तै जाहिर करया सै, के जो सन्देश मन्ने थारे ताहीं सुणाया सै, वो सच्चा सै। 5 ज्यांतै के थारा बिश्वास माणसां के ज्ञान पै न्ही, पर परमेसवर की सामर्थ के आरै हो। 6 फेर भी मै, जो बिश्वास म्ह मजबूत सै उन ताहीं, ज्ञान भरया सन्देश सुणाऊँ सुं, पर यो इस दुनिया का अर इस दुनिया के नाश होण आळे हाकिमां का ज्ञान कोनी। (aiōn g165) 7 पर जो ज्ञान हम सुणावां सां, वो परमेसवर का ज्ञान सै, जो छिप्या होया था, कोए भी उस ताहीं इब ताहीं न्ही समझ पाया था, परमेसवर नै दुनिया बणाण तै पैहले ए यो फैसला कर लिया था, के उसका ज्ञान म्हारे खातर महिमा लेके आवैगा। (aiōn g165) 8 परमेसवर की योजना ताहीं इस दुनिया के हाकिमां म्ह तै कोए न्ही जाण पाया, क्यूँके जै वे जाणदे तो तेजोमय प्रभु ताहीं क्रूस पै कोनी चढ़ान्दे। (aiōn g165) 9 जिसा पवित्र ग्रन्थ म्ह लिख्या सै, “जो कदे आँखां तै देख्या कोनी गया, अर कान तै सुणया कोन्या गया, अर जो बात माणसां के चित्त म्ह कोनी चढ़ी, वे सारी बात परमेसवर नै उन खातर तैयार करी जो उसतै प्यार करै सै।” 10 पर परमेसवर नै उन बात्तां ताहीं अपणे पवित्र आत्मा के जरिये म्हारे पै जाहिर करया, क्यूँके पवित्र आत्मा सारी बात, बल्के परमेसवर की गहरी बात्तां नै भी जाँचवै सै। 11 माणसां म्ह तै कौण किसे माणस की बात्तां नै जाणै सै, सिर्फ माणस की आत्मा जो उस म्ह सै? उस्से तरियां ए परमेसवर की बात्तां नै भी कोए न्ही जाणदा, सिर्फ परमेसवर की आत्मा। 12 पर परमेसवर नै म्हारे ताहीं अपणा आत्मा दिया सै, अर हम इसा न्ही सोचते जो दुनिया के लोग सोचवै सै, इस करके हम उन आशीषां नै पिच्छाण सका सां जो परमेसवर नै म्हारे ताहीं मुफ्त म्ह दी सै। 13 अर हम ये बात थारे ताहीं बतावां सां, हम माणसां के ज्ञान की सिखाई होइ बात्तां नै न्ही, पर पवित्र आत्मा की सिखाई होइ बात्तां नै आत्मिक माणसां ताहीं सिखावा सां। 14 पर शारीरिक माणस परमेसवर के आत्मा की बात अपणांदा कोनी, क्यूँके वे उसकी निगां म्ह बेकूपी की बात सै, अर ना वो उन ताहीं जाण सकै सै क्यूँके उनकी जाँच आत्मिक तरियां तै होवै सै। 15 आत्मिक माणस सारा किमे जाँचवै सै, पर वो दुसरयां के जरिये जाँचया न्ही जान्दा। 16 यो सच सै, क्यूँके पवित्र ग्रन्थ म्ह लिख्या से, के कोए भी न्ही जाणता के प्रभु के मन म्ह के सै? पर हम बिश्वासी माणस जाणा सां के मसीह के मन म्ह के सै।

**3** हे बिश्वासी भाईयो, जिब मै थारे साथ था तो थारे ताहीं आत्मिक बात न्ही सीखा पाया, जिस तरियां मै आत्मिक माणसां नै सिखाऊँ सुं, पर मन्ने थारे तै दुनियावी माणसां की

तरियां बात करी, क्यूँके थम मसीह म्ह इब भी बाळक के समान सों। 2 मन्ने थारे ताहीं परमेसवर के सुसमाचार की शरुआती शिक्षा ए सिखाई, जिस तरियां कोए इन्सान छोट्टे बाळक नै दूध पियावै सै, अर मन्ने थारे ताहीं वचन की गहरी बात न्ही सिखाई जो की रोटी की तरियां सै, क्यूँके थम इब्बे उस ताहीं अपणा न्ही सकदे। 3 क्यूँके इब ताहीं थम दुनियावी माणसां के पापी सुभाव के मुताबिक जीवन जिओ सों। ज्यांतै के इब भी थारे म्ह जळण अर झगड़े सै, तो के थम दुनियावी माणसां की तरियां कोनी? थम उन माणसां की तरियां सों जो परमेसवर के कोनी। 4 क्यूँके जिब एक माणस कहवै सै, “मै पौलुस का चेल्ला सुं,” अर दुसरा कहवै सै, “मै अपुल्लोस का चेल्ला सुं,” तो के थम दुनियावी माणस की तरियां कोनी? 5 अपुल्लोस कौण सै? अर पौलुस कौण सै? सिर्फ सेवक, जिनके जरिये थमनै मसीह म्ह बिश्वास करया। हम सब नै वोए काम करया जो म्हारे ताहीं प्रभु नै दिया। 6 यो उस पौधे की ढाळ सै, जो मन्ने लगाया, अपुल्लोस नै सींचा, अर परमेसवर नै बढ़ाया। 7 ज्यांतै ना तो सारा किमे सै जो बढ़ाण आळा सै। 8 पौधा लगाण आळा अर उस ताहीं सींचण आळा दोनुआ का एक्के मकसद सै, पर हरेक माणस अपणी ए मेहनत के मुताबिक अपणी ए मजदूरी पावैगा। 9 क्यूँके हम परमेसवर के गैल काम करणीये सां, अर थम परमेसवर की खेती अर उस घर की ढाळ सों जिस ताहीं परमेसवर बणाण लाग रह्या सै। 10 परमेसवर नै जो वरदान मेरे ताहीं दिए सै, तो मन्ने एक अकलमंद चिणाई आळे मिस्त्री की तरियां घर की नीम धरी, अर दुसरा उसपै रद्दा धरै सै। पर हरेक माणस चौक्कस रहवै के वो उसपै किसा रद्दा धरै सै। 11 क्यूँके जो नीम धरी सै, वा यीशु मसीह सै, कोए दुसरी नीम कोनी धर सकदा। 12 जै सेवक परमेसवर की सच्ची शिक्षा सिखावै सै, जो परमेसवर नै उस ताहीं दी सै, तो वो उस राज मिस्त्री की ढाळ सै, जो उस नीम पै आच्छे समान तै, जुकर सोन्ना, चाँदी, बेसकिमती पत्थर के जरिये, नीम पै घर बणावै सै, अर जै वो झूठी शिक्षा नै सिखावै सै, तो वो उसकी ढाळ सै, जो लाकड़ी, घास-फूस तै नीम पै घर बणावै सै। 13 तो हरेक माणस अपणे काम नै देक्खैगा के उसनै किसा काम करया सै, क्यूँके यीशु मसीह जाहिर कर देवैगा जिब वो बोहड़ के आवैगा, यो उस दिन की तरियां होगा जिब वो समान आग म्ह डाला जावैगा तो वो देक्खैगा के किसनै किसा काम करया सै, फेर वो फैसला करेगा के किसनै आच्छा अर किसनै बुरा काम करया सै। 14 जिस किसे का बणाया गया घर उस नीम पै डटया रहवैगा, तो वोए उसकी मजदूरी पावैगा। 15 जै मसीह तय करै के जो काम करया सै वो सही कोनी तो मसीह उस काम करण आळे नै मजदूरी न्ही देवैगा, पर वो अनन्त जिन्दगी नै न्ही खोवैगा जो परमेसवर नै उस ताहीं दी सै। 16 के थमनै न्ही बेरा के थम परमेसवर के मन्दर सो, अर परमेसवर की आत्मा थारे म्ह वास करै सै? 17

जै कोए परमेसवर कै मन्दर नै नाश करैगा, तो परमेसवर उसनै नाश करैगा, क्यूँकि परमेसवर का मन्दर पवित्र सै, अर वो थम सो। 18 धोक्खे म्ह ना रहों, जै थारे म्ह तै कोए यो सोच बेट्टे के वो दुनियावी बातां के मुताबिक अकलमंद सै, तो ठीक तो यो होगा के वो खुद नै बेकूफ बणावे ताके अकलमंद बण जावै। (aiōn g165) 19 क्यूँके इस दुनिया का ज्ञान परमेसवर की नजर म्ह बेकूफी सै, जिसा पवित्र ग्रन्थ म्ह लिख्या सै, “वो ज्ञानियाँ ताहीं उनकी श्याणपत म्ह फँसा देवे सै।” 20 अर यो भी लिख्या सै, के “प्रभु ज्ञानियाँ के विचारं नै जाणै सै, के वो बेकार सै।” 21 ज्यांतै माणसां पै कोए घमण्ड ना करै, क्यूँके सारा किमे थारा सै। 22 के पौलुस, के अपुल्लोस, के कैफा, के दुनिया, के जीवन, के मरण, के वर्तमान, के भविष्य, सारा किमे थारा सै, 23 अर थम मसीह के सो, अर मसीह परमेसवर का सै।

**4** माणस हमनै मसीह के सेवक अर परमेसवर के भेदां के भण्डारी समझै, जो माणसां नै परमेसवर का भेद समझावै सै। 2 फेर उरै भण्डारी म्ह या बात देक्खी जावै सै, के वो बिश्वास कै जोगगा हो। 3 पर मेरी निगांह म्ह या घणी छोट्टी बात सै, के थम या माणसां का कोए न्यायाधीश मन्नै परखै, बल्के मै खुद अपने-आप ताहीं कोनी परखदा। 4 क्यूँके मेरा मन मेरै ताहीं किसे बात म्ह कसूरवार कोनी ठहरान्दा, इस म्ह मै बेकसूर कोनी ठहरदा, पर मेरा परखण आळा प्रभु सै। 5 ज्यांतै जिब ताहीं प्रभु का आणा ना हो, कोए किसे नै परखै ना, वो माणसां के विचारं नै साफ-साफ जाहिर कर देगा, अर वो माणसां के मनां के मकसद नै दिखावेगा, फेर परमेसवर की ओड़ तै हरेक की बड़ाई होवेगी। 6 हे बिश्वासी भाईयो, मन्नै अपना अर अपुल्लोस का जिऊ उदाहरण के तौर पै करया सै, यो बताण खातर के मै थारे ताहीं के कहणा चाहूँ सूँ, जै थम उसपै ध्यान करो, जो पवित्र ग्रन्थ म्ह लिख्या सै, अर उसतै आगै ना बढो, इसा ना हो के थम एक माणस का पक्ष ल्यो, अर दुसरे का अपमान करो। 7 थारे ताहीं कौण कहवै सै, के थम दुसरयां तै उत्तम हो? हर काबलियत थमनै परमेसवर की ओड़ तै मिली सै, अर सब कुछ परमेसवर के जरिये दिया गया सै, तो थमनै घमण्ड करण का कोए हक कोनी? 8 थम सोचो सों के थारे धोरे पवित्र आत्मा के सारे वरदान सै, जो माणसां ताहीं दिए जावै सै, थम यो सोचो सों के म्हारे बिना सहयोग के थम राजा बणगे सो, अर थम साहूकार भी बण लिए सो, पर अच्छा तो यो होदा के थम असलियत म्ह ए राजा बणे होन्दे, अर हम भी थारे गेल्या राज करदे। 9 परमेसवर नै हम प्रेरितां ताहीं सारया तै आखरी जगहां पै राख्या सै। हम उन माणसां की तरियां सां, जिनकी मौत का हुकम हो लिया सै, क्यूँके हम सुर्गदूतां अर दुनिया के माणसां के खातर एक तमाशा बणे सां। 10 माणस हमनै बेकूफ समझै सै, क्यूँके हम मसीह का प्रचार करया सां। थम या सोचो सों के थम अकलमंद सों, क्यूँके मसीह के गैल थारा रिश्ता सै। भोत सारे माणस या सोचै सै के प्रेरित होण

का म्हारे धोरे अधिकार कोनी, पर थम घमण्ड तै कहो सों, के थारे धोरे परमेसवर की शक्ति सै। माणस म्हारा न्ही थारा आदर करै सै। 11 हम आज तक भूक्खे-प्यास्से मार खावां सां, अर पाट्टे-पुराणे लत्यां म्ह रहवां सां, अर ना ए म्हारे घर-बार सै। 12 अर अपने ए हाथ्यां तै काम करकै मेहनत करा सां। माणस म्हारे ताहीं बुरा कहवै सै, हम आशीष देवां सां, वे सतावै सै, हम सहण करा सां। 13 वे बदनाम करै सै, हम प्यार तै बोल्ला सां। आज भी दुनिया के माणस म्हारा आदर कोनी करते, क्यूँके वे न्यू समझै सै के हम बेकार के माणस सां। 14 मै थमनै शर्मिन्दा करण कै खातर ये बात कोनी लिखदा, मेरा मकसद यो सै के मै थमनै सुधार क्यूँके थम मेरे उन प्यारे बाळकां की ढाळ सों, जिनतै मै प्यार करूँ सूँ। 15 जै मसीह म्ह थारे सिखाण आळे दस हजार भी होन्दे, तोभी थारे पिता घणे कोनी, क्यूँके मसीह यीशु म्ह थारे ताहीं सुसमाचार सुणाण कै कारण मै थारा पिता बणग्या। 16 मै थारे तै बिनती करूँ सूँ के मेरे जिसा जीवन जिओ। 17 इस करकै मन्नै तीमथियुस ताहीं जो प्रभु म्ह मेरा प्यारा अर बिश्वास कै जोगगा बेट्टा सै, थारे धोरे भेज्या सै। वो थमनै मसीह यीशु म्ह मेरा चाल-चलण याद करवावेगा, जिस तरियां के हरेक जगहां मै हरेक कलीसिया म्ह उपदेश देऊँ सूँ। 18 थारे म्ह तै घणखरे तो यो सोचै सै, के मै थमनै दुबारा मिलण कोनी आऊँगा, इस करकै वे घमण्डी होगे सै। 19 पर प्रभु नै चाह्या तो मै थारे धोरे तावळा-ए आऊँगा, अर देखूँगा के ये घमण्डी माणस सिर्फ बणावटी बात करै सै, या इनके धोरे परमेसवर की सामर्थ सै। 20 क्यूँके परमेसवर का राज्य बातां म्ह न्ही पर परमेसवर की सामर्थ के साथ जीण म्ह सै। 21 थम के चाहो सों, जो मै थारे गैल करूँ? जै थम अपना बुरा सुभाव न्ही छोड़ोगे तो मै सखताई तै थारे गैल पेश आऊँ, अर जै बुरा सुभाव छोड़ोगे तो मै प्यार अर नरमाई तै थारे धोरे आऊँगा।

**5** कई माणसां नै थारे बारे म्ह बताया सै, के कलीसिया म्ह कई माणस सै जो जारी करै सै, बल्के इसी जारी जो अबिश्वासी माणसां म्ह भी कोनी होन्दी, के एक माणस अपनी सौतेल्ली माँ गैल गलत सम्बन्ध राक्खे सै। 2 कलीसिया के माणसां नै इस बात तै दुखी अर उदास होणा चाहिए, जिननै इसा काम करया सै, उननै कलीसिया तै काढ देणा चाहिए, पर थम तो इसी बातां पै घमण्ड करो सों। 3 भलाए मै थारे तै दूर था, पर इसा मान्ना, जणु मै आत्मा म्ह थारे धोरे था, अर इसा पाप करण आळे माणस के बारे म्ह मेरा योए हुकम सै। 4 थमनै यो करणा चाहिए, के जिब थम बिश्वासी भाई कट्टे होओ सों, तो यो याद राक्खों के यीशु मसीह का अधिकार थारे धोरे सै, अर इसा मान्ना जणु मै आत्मा म्ह थारे साथ सूँ। जिब परमेसवर का सामर्थ थारे साथ हो, 5 तब वो माणस जो पाप करण लागरया सै, उस ताहीं कलीसिया तै लिकाड़ दो, अर उस ताहीं शैतान के हाथ म्ह सौंप दो। ताके वो अपने पापां खातर माफी माँग ले, अर वो आदमी माफी माँग ले सै, तो वो उस दिन बच जावेगा,

जिस दिन प्रभु यीशु मसीह बोहड़के आवैगा। 6 थारा घमण्ड करणा आच्छा कोनी, के थमनै न्ही बेरा के माड़ा-सा खमीर पुरे गुन्दे होए आटे ताहीं खमीर बणा देवै सै। उस्से तरियां जै एक माणस पाप करदा रहवै तो उस ताहीं देखकै और माणस भी पाप करणा शरु कर देंगे। 7 जिस तरियां यहूदी माणस फसह का त्यौहार मनाण तै पैहले, अपने घर तै खमीर काढ देवै सै, उस्से तरियां थम उस जार माणस नै अपने टोळ म्ह तै लिकाड़ द्यो, तो थम वो बिश्वासियाँ का टोळ बण जाओगे, जिन म्ह कोए भी जाण-बुझ के पाप करण आळा न्ही होगा, अर परमेसवर थारे मन नै भित्तर तै साफ करेगा, जै थम मसीह पै बिश्वास करोंगे, क्यूँके मसीह म्हारे खात्तर मरया ताके हमनै पापां तै आजाद करदे, वो उस भेड़ की ढाळ सै, जिस ताहीं यहूदी लोग फसह के त्यौहार पै बलिदान करे सै। 8 तो आओ, हम फसह का त्यौहार मनावां, ना तो पुराणे खमीर तै, ना बुराई अर दुष्टता कै खमीर तै, बल्के खराई अर सच्चाई की अखमीरी रोटी तै। जिसका मतलब यो सै, के जिस तरियां थम बिश्वासी बणण तै पैहले जिओ थे, उस तरियां जीणा छोड़कै मसीह कै पाच्छे चालणा शरु कर द्यो, ताके थारे मनां म्ह कोए बुराई ना रह पावै। 9 मन्ने अपनी पैहले की चिट्ठी म्ह यो लिख्या था, के जारी करणीया की संगति ना करियो। 10 मेरा मतलब यो कोनी, के थम जमाए इस दुनिया के जारी, लालची, अन्धेर या मूर्तिपूजा करण आळे माणसां तै कोए सम्बन्ध ना राखियों, क्यूँके इस तरियां के माणसां तै बचण खात्तर तो थमनै दुनिया ए छोड़णी पड़ेगी। 11 पर मेरा कहणा यो सै के जै कोए भाई बिश्वासी कुहाकै, जार, लालची, मूर्तिपूजा करणीये, गाळी देण आळा, दारूबाज, या अन्धेर करणीया हो, तो उसकी संगति मतना करियो, बल्के इसे माणस कै गेल्या खाणा भी ना खाईयों। 12 अबिश्वासी माणसां का न्याय भला मै क्यूँ करूँ? मन्ने दुसरयां तै के काम? पर या जिम्मेदारी थारी सै के थम उनकी बारीकी तै जाँच करो, जो कलीसिया म्ह सै। 13 जिसा के पवित्र ग्रन्थ कहवै सै, के अबिश्वासी माणसां का न्याय परमेसवर करे सै। ज्यांतै उस बुरे काम करणीये ताहीं अपने बिचाळै तै लिकाड़ द्यो।

**6** जै थारे म्ह किसे का दुसरे बिश्वासी गैल झगड़ा हो जावै, तो अपना फैसला परमेसवर के पवित्र माणसां कै धारे ले जाओ, ना के उस न्यायाधीश कै धारे जो के अबिश्वासी सै। 2 के थमनै बेरा कोनी के दुनिया का न्याय पवित्र माणस करैगें? ज्यांतै जिब थमनै दुनिया के माणसां का न्याय करणा सै, तो के थम छोट्या तै छोट्टे झगड्या का भी फैसला करण जोगे कोनी? 3 के थमनै न्ही बेरा के हम सुर्गदूतां का न्याय करागें? तो उसकी बराबरी म्ह ये दुनियावाी झगड़े के सै? 4 जै थारे बीच दुनियावाी झगड़े सै, तो फैसला करण खात्तर उननै ए बिठाओगे, जो कलीसिया म्ह किमे कोनी समझे जावै सै? 5 मै थमनै शर्मिन्दा करण कै खात्तर न्यू कहुँ सूँ। के साच्चए थारे म्ह एक भी अकलमंद न्ही मिलदा, जो अपने बिश्वासी

भाईयों के बीच होए झगड़े नै सुलझा सकै? 6 पर याडै तो एक बिश्वासी भाई दुसरे बिश्वासी भाई नै कचेह्दी म्ह घसीटै सै, अर वो भी अबिश्वासी माणसां कै स्याम्ही। 7 पर सच म्ह ए थारे म्ह मुकदमे चाल्लण लागरे सै, तो थम मसीह के माणस कोनी, इसकी बजाए थम खुद ए अन्याय अर अपना नुकसान क्यांतै न्ही सहन्दे? 8 पर थम तो खुदे अन्याय करो सों, अर नुकसान पोहोचाओ सों, अर वो भी दुसरे बिश्वासी भाईयों ताहीं। 9 के थमनै न्ही बेरा के जुल्मी माणस परमेसवर के राज्य के वारिस न्ही होवैगें? धोक्खा ना खाओ, बेश्या के धारे जाणीए, मूर्ति पूजणीये, बिगान्नी लुगाई के धारे जाणीए, लुच्चे, माणसां कै गेल्या कुकर्म करणीये, 10 चोर, लालची, दारूबाज, गाळी देणीये अर अन्धेर करणीये परमेसवर के राज्य के वारिस न्ही होवैगें। 11 अर थारे म्ह तै कई इसे ए थे, पर प्रभु यीशु मसीह कै नाम तै अर म्हारे परमेसवर के आत्मा तै थारे पाप धोए गये, अर पवित्र अर धर्मी बणे। 12 थम कह सको सों, के मै कुछ भी करण खात्तर आजाद सूँ, पर मै कहुँ सूँ, के सारी चीज मेरे फायदे की कोनी, जिब के मै सब कुछ कर सकूँ सूँ, पर मै किसे चीज का गुलाम कोनी। 13 थम कह सको सों, के “खाणा पेट कै खात्तर, अर पेट खाणे कै खात्तर सै,” यो सच सै, पर परमेसवर पेट अर खाणे नै दोनुआ ताहीं नाश करेगा। उस्से तरियां देह जारी कै खात्तर कोनी, बल्के प्रभु की महिमा खात्तर सै, अर प्रभु देह का रुखाळिया सै। 14 इस्से तरियां म्हारी देह भी महत्वपूर्ण सै, क्यूँके जिस तरियां परमेसवर नै अपनी सामर्थ तै प्रभु यीशु ताहीं जिन्दा करया, अर वो म्हारे ताहीं भी जिन्दा करेगा। 15 के थमनै बेरा सै के थारी देह मसीह का अंग सै? तो के मै मसीह के अंग लेकै उन ताहीं बेश्या के संग जोड़ द्युँ? कदे भी न्ही। 16 के थमनै न्ही बेरा के जो कोए बेश्या तै संगति करै सै, वो उसकै गेल्या एक तन हो जावै सै, क्यूँके पवित्र ग्रन्थ म्ह लिख्या सै, “वे दोनु एक तन होवैगें।” 17 अर जो प्रभु की संगति म्ह रहवै सै, उसकी अर परमेसवर की आत्मा एक हो जावै सै। 18 जारी तै बचे रहो। और दुसरा कोए पाप म्हारे देह पै असर कोनी गरे जितना के जारी, पर जारी करणीया अपनी ए देह कै खिलाफ पाप करै सै। 19 के थमनै न्ही बेरा के थारी देह पवित्र आत्मा का मन्दर सै, जो थारे म्ह बस्या होया सै, अर थारे ताहीं परमेसवर की ओड़ तै मिल्या सै, अर थम परमेसवर के सो। 20 क्यूँके थम दाम देकै मोल लिये गये सों, ज्यांतै अपनी देह कै जरिये परमेसवर की महिमा करो।

**7** उन बात्तां कै बारे म्ह जो थमनै मेरे ताहीं चिट्ठी म्ह पूछी थी, के यो ठीक सै, के माणस ब्याह ना करै। 2 क्यूँके भोत सारे माणस जारी करै सै, इस करकै हरेक माणस जारी तै बचण खात्तर ब्याह करले, अर धणी-बीर एक-दुसरे के प्रति वफादार हो। 3 पति अपनी पत्नी की शारीरिक इच्छा पूरी करै, अर उस्से तरियां ए पत्नी भी अपने पति की शारीरिक इच्छा पूरी करै। 4 पत्नी का अपनी देह पै हक कोन्या पर उसकै पति का हक

सै, उससे तरियां ए पति नै भी अपणी देह पै हक कोनी, पर पत्नी का सै। 5 थम एक-दुसरे तै न्यारे ना रहो, पर सिर्फ कुछ बखत खात्तर आप्स म्ह सलाह करके प्रार्थना कै खात्तर बखत लिकाड़ो, अर फेर एक साथ रहो, इसा ना हो के थारे असंयम कै कारण शैतान थमनै इम्तिहान म्ह फँसा ले। 6 पर मेरा यो सुझाव सै, ना के आज्ञा। 7 मेरा तो यो सुझाव सै, के जिसा मै अकेल्ला सूँ, उससे तरियां ए सारे माणस भी अकेल्ले रहै। हरेक माणस ताहीं परमेसवर की ओड़ तै एक तरियां का उपहार मिला सै, किसे ताहीं ब्याह का, अर किसे ताहीं एक्ला रहण का। 8 अविवाहितां अर बिधवायां कै बारे म्ह मेरी या सलाह सै, के उनकै खात्तर एक्ला रहणा ठीक सै, जिसा मै सूँ। 9 पर जै वे खुद पै काबू ना राख सकै, तो ब्याह करै, क्यूँके ब्याह करणा वासना म्ह जळण तै भला सै। 10 जिनका ब्याह होगया सै, उन ताहीं मै न्ही, बल्के प्रभु यीशु हुकम देवै सै, के पत्नी अपणे पति तै तलाक ना देवै 11 जै तलाक हो भी जावै, तो पत्नी बिना दुसरा ब्याह करे रहवै, या पत्नी अपणे पति तै दुबारा मेल कर लेवै, अर पति अपणी पत्नी नै तलाक ना दे। 12 दुसरयां तै, प्रभु यीशु म्ह म्ही न्ही पर मै ए कहुँ सूँ, जै किसे भाई की पत्नी बिश्वास ना राखदी हो अर उसके गेल्या रहण म्ह राज्जी हो, तो वो उस ताहीं तलाक ना देवै। 13 जिस बिरबान्नी का धणी बिश्वास ना राखदा हो, अर उसके गेल्या रहण म्ह राज्जी हो, तो वा धणी नै तलाक ना देवै। 14 बिश्वासी पत्नी होण के कारण अबिश्वासी पति ताहीं भी परमेसवर अपणे ए लोग मान्नै सै, क्यूँके उसकी पत्नी बिश्वासी सै, इस्से तरियां जै बिश्वासी पति हो तो उसके कारण अबिश्वासी पत्नी ताहीं भी परमेसवर अपणे ए लोग मान्नै सै, क्यूँके उसका पति बिश्वासी सै, जै यो सच न्ही होन्दा तो थारा अबिश्वासी पति या पत्नी परमेसवर के न्ही कुहान्दे, अर थारे बाळ-बच्चे भी परमेसवर के न्ही कुहान्दे, पर इब वे परमेसवर के कुहान्दे सै। 15 पर जो माणस बिश्वास कोनी राखदा, अर जै वो तलाक देणा चाहवै, तो उस ताहीं तलाक देण द्यो, इसी दशा म्ह बिश्वासी भाई या भाण ब्याह के बन्धन तै आजाद हो जावै सै। क्यूँके परमेसवर नै म्हारै ताहीं मेळ-मिलाप के खात्तर बुलाया सै। 16 क्यूँके हे बिरबान्नी, तू के जाणै सै के तू अपणे धणी का उद्धार करा लेवैगी? अर हे भले माणस, तू के जाणै सै के तू अपणी पत्नी का उद्धार करा लेवैगी? 17 परमेसवर नै जिस ताहीं जिस दशा म्ह राख्या सै, अर जिस रूप म्ह म्हीह पै बिश्वास करण खात्तर बुलाया सै, वो उससे म्ह बण्या रहवै। मै सारी कलीसियां ताहीं योए सुझाव देऊँ सूँ। 18 जो यहूदी माणस परमेसवर पै बिश्वास करै सै, उस ताहीं खतने के निशान नै हटाण की जरूरत कोनी, अर जो गैर यहूदी माणस परमेसवर पै बिश्वास करै सै, उस ताहीं खतना करवाण की जरूरत कोनी। 19 इस बात तै कोए फर्क न्ही पड़ता के किसे माणस का खतना होया सै या कोनी होया, पर सब तै जरूरी बात या सै, के वो परमेसवर के हुकमां नै मान्नै। 20 हरेक माणस म्हीह बणण तै

पैहले जिस हालत म्ह बुलाया गया हो, उससे हालत म्ह रहवै। 21 जै तू गुलाम की हालत म्ह बुलाया गया सै, तो फिर्क ना करै, पर जै तू आजाद हो सकै, तो तू आजाद होण की कोशिश कर। 22 क्यूँके जो दास की हालत म्ह म्हीह पै बिश्वास करण खात्तर बुलाया गया सै, वो म्हीह का आजाद करया होया सै। उससे तरियां ए जो आजादी की हालत म्ह बुलाया गया सै, वो म्हीह का दास सै। 23 परमेसवर नै थम दाम देकै मोल लिये हो, इस करके थम माणसां के दास न्ही, पर परमेसवर के दास बणो। 24 मै दुबारा तै कहुँ सूँ, हे बिश्वासी भाईयो, म्हीह पै बिश्वास करण तै पैहले थम जिस हालत म्ह बुलाये गये थे, विवाहित या अविवाहित उससे हालत म्ह परमेसवर कै गेल्या रहों। 25 अविवाहितां के बारे म्ह प्रभु का कोए हुकम मन्नै कोनी मिल्या, पर प्रभु नै दया करके मेरे ताहीं बुद्धि दी सै, जिसपै भरोस्सा करया जा सकै सै, अर मै थमनै सलाह देऊँ सूँ। 26 मेरी समझ म्ह यो ठीक सै के आजकाल के क्लेश कै कारण, जै माणस कुवारा सै, तो वो कुवारा ए रहवै। 27 जै तेरी पत्नी सै, तो उसनै तलाक देण की कोशिश ना करै, अर जै तेरे पत्नी कोन्या, तो अपणे खात्तर उसनै टोहवै ना। 28 पर जै तू ब्याह भी करै, तो पाप कोनी, अर जै कोए कुँवारी छोरी ब्याह करै सै, तो यो कोए पाप कोनी। हालाकि शादीशुदा माणस इस दुनिया म्ह भोत सै परेशानियां का सामना करैगें, अर मै चाहुँ सूँ के थम इन परेशानियां म्ह ना पड़ो। 29 हे बिश्वासी भाईयो, मेरा मतलब यो सै के म्हीह के आण का बखत थोड़ा ए बाक्की रह गया सै, इस करके आज तै या चिन्ता ना करो के थारी पत्नी सै या न्ही, पर परमेसवर की सेवा म्ह लागे रहों। 30 रोण आळे, आनन्द करण आळे, अर चिज्जां नै मोल लेण आळे इन चिज्जां के बारे म्ह घणा ना सोचै, क्यूँके इन सारी बात्तां की फिर्क थमनै परमेसवर की सेवा तै भटका देवैगी। 31 जो भी इस दुनिया म्ह सै, उननै अपणे खात्तर ज्यादा कीमती ना समझों, क्यूँके दुनिया की सारी चीज नाश हो जावैंगी। 32 मेरी इच्छा या सै के थम संसारिक जिन्दगी की अभिलाषा तै मुक्त रहों। कुँवारे माणस प्रभु की सेवा करण की फिर्क म्ह रहवै सै के प्रभु ताहीं किस तरियां खुश करै। 33 पर ब्याहता माणस दुनिया की चिज्जां की फिर्क म्ह रहवै सै, के अपणी पत्नी नै किस तरियां तै खुश करै। 34 कुँवारी अर ब्याहता बिरबान्नी म्ह भी फर्क सै, कुँवारी बिरबान्नी प्रभु की सेवा की फिर्क म्ह रहवै सै, अर वा देह अर आत्मा म्ह पवित्र रहण की कोशिश कर दी रहवै सै, पर ब्याहता बिरबान्नी दो बात्तां की फिर्क म्ह रहवै सै, के अपणे पति नै किस तरियां खुश राक्खुँ, अर परमेसवर नै किस तरियां खुश राक्खुँ। 35 मै या बात थारी ए भलाई खात्तर कहुँ सूँ, ना के थमनै फसाण के मारे, बल्के ज्यांतै के जिसा शोभा देवै सै, उसाए करया जावै, के थम एक चित्त होके प्रभु की सेवा म्ह लागे रहो। 36 जै किसे पिता नै यो लागे के मै अपणी कुँवारी बेटी के ब्याह म्ह देर करके उसके गैल अन्याय करूँ सूँ, क्यूँके उसकी उम्र ढळण

लागरी सै, तो वो वोए करै जो उसने ठीक लागै सै, वो उसने ब्याह करण दे, यो कोए पाप कोनी। 37 पर जिस पिता नै मन म्ह यो ठान लिया सै, के वो अपनी छोरी का ब्याह कोनी करै, तो उस ताहीं कोए उसका ब्याह करण खात्तर मजबूर ना करै, यो उसका हक सै जो वो चाहवै वोए करै, अर वो अपनी छोरी नै कुवारी ए राक्ख सकै सै। 38 ज्यातै जो अपनी कुवारी छोरी का ब्याह कर देवै सै, तो वो सही करै सै, अर जो ब्याह नही करदा, वो और भी सही करै सै। 39 बिरबान्नी जिब ताहीं धणी के गैल बंधी रहवै सै, जिब ताहीं के उसका धणी जिन्दा सै, पर जै उसका धणी मर जावै तो जिसतै चाहवै वा ब्याह कर सकै सै, पर वो परमेसवर पै बिश्वास करण आळा हो। 40 पर जै वा दुबारा ब्याह ना करै, तो मेरे विचार म्ह और भी ज्यादा सुखी सै, अर मै समझूँ सूं, के परमेसवर का आत्मा मेरी अगुवाई करै सै।

**8** थारी चिट्टियाँ म्ह मूर्तियाँ के आगै चढ़ाई होइ चिज्जां के खाण के बारे म्ह थमनै पूछा था। हम सारया नै इस बात के बारे म्ह कुछ ज्ञान सै। ज्ञान म्हारे म्ह घमण्ड पैदा करै सै, पर प्यार तै बढ़ोतरी होवै सै, अर प्यार म्हारे ताहीं दुसरयां की मदद करणा सिखावै सै। 2 जै कोए समझै सै के वो सब कुछ जाणै सै, तो वो इब ताहीं यो कोनी जाणता के किस तरियां जाणणा चाहिये। 3 पर जै कोए परमेसवर तै प्यार करै सै, तो परमेसवर भी उस ताहीं जाणै सै। 4 मूर्तियाँ के स्याम्ही बलि करी होई चिज्जां के खाण के बारे म्ह हम जाणा सां, के दुनिया म्ह कोए भी मूर्ति सच्चा परमेसवर कोनी, क्यूँके एकैए सच्चा परमेसवर सै। 5 फेर भी धरती अर अकास पै भोत सै, जिन ताहीं लोग ईश्वर अर देवता कहवै सै, पर म्हारे खात्तर तो एकैए परमेसवर सै। यानिके पिता जिसकी ओइ तै सारी चीज सै, अर हम उससे के खात्तर सां। एकैए प्रभु सै, यानिके यीशु मसीह जिसके जरिये सारी चीज बणाई गई, अर हम भी उससे के जरिये जिन्दे सां। 7 पर म्हारे कुछ बिश्वासी भाईयाँ नै इब ताहीं बेरा कोनी के मूर्तियाँ म्ह कोए शक्ति कोनी। क्यूँके वे पैहले मूर्तियाँ की पूजा करै थे, जिब वे मूर्तियाँ ताहीं दी गई बलि म्ह तै खावै सै, तो गलती तै इब भी मूर्तियाँ की पूजा करण म्ह शामिल सै, अर गलती तै सोचै सै के उननै पाप कर दिया जिब वे मूर्ति के स्याम्ही चढ़ाई चीज खा लेवै सै। 8 खाणा हमनै परमेसवर के लोवै कोनी पोहोचान्दा। खाण तै इन्कार करण तै परमेसवर म्हारे तै खुश नही होन्दा, अर ना ए खाणा म्हारे ताहीं परमेसवर की निगांह म्ह आच्छा बणादा। 9 पर सावधान! इसा ना होवै के थारी या आजादी कदे बिश्वास म्ह कमजोर लोग्गां खात्तर ठोक्कर का कारण हो जावै। 10 थम जाणो सों के मूर्त असली देवता कोनी, अर थम मूरतां के मन्दर म्ह खाओ सों, पर जो बिश्वास म्ह कमजोर आदमी थारे ताहीं ओइ खान्दे देखै सै तो वो उत्साहित होवैगा, ताके मूर्ति के स्याम्ही बलि करया गया माँस वो खावै, जिब के उस ताहीं बेरा सै के यो पाप सै, जै वो इसा काम करै सै। 11 इस तरियां तै तेरे ज्ञान के कारण वो बिश्वास म्ह कमजोर

भाई जिसके खात्तर मसीह मरया, मसीह म्ह बिश्वास करणा छोड़ देवैगा। 12 इस तरियां तै बिश्वासी भाईयाँ के खिलाफ अपराध करण तै अर उनकी कमजोर अन्तरात्मा ताहीं चोट पोहोचाण तै, थम मसीह के खिलाफ अपराध करो सो। 13 इस कारण जै मूर्तियाँ ताहीं दिया गया खाणा खाण तै दुसरे बिश्वासियाँ खात्तर बिश्वास छोड़ण का कारण बणै सै, तो मै उस तरियां का खाणा कदे नही खाऊँगा ताके दुसरे बिश्वासी भाई बिश्वास करणा ना छोड़ दे। (ai0n g165)

**9** जो मै चाहूँ सूं, वो सब कुछ करण खात्तर मै आजाद सूं, मै प्रेरित सूं। मन्ने म्हारे प्रभु यीशु ताहीं देख्या सै, थम प्रभु म्ह मेरी मेहनत का ईनाम सों। 2 जै दुसरे माणस या नही मानते के मै प्रभु यीशु का प्रेरित सूं, तो भाईयो थमनै बिश्वास करणा होगा, क्यूँके मै वो सूं, जो थारे धैरे सुसमाचार लेके आया। थारा प्रभु यीशु मसीह म्ह बिश्वास यो बतावै सै के मै प्रेरित सूं। 3 जो माणस मेरे प्रेरित होण पै शक करै सै, उनके खात्तर योए मेरा जवाब सै। 4 बरनबास अर मेरे खात्तर, प्रेरित होण के कारण म्हारे ताहीं यो हक सै, के हम अपने काम के खात्तर थारे तै आर्थिक मदद ले सका सां। 5 के हमनै यो हक कोनी, के किसे मसीह भाण के गेल्या ब्याह करके उस ताहीं अपने गैल सफर म्ह लेके जावां, जिसा दुसरे प्रेरित अर प्रभु का भाई याकूब, यहूदा अर पतरस करै सै। 6 मेरे अर बरनबास के धैरे भी यो हक सै, के हम और प्रेरितां के स्याम्ही आर्थिक मदद हासिल करां अर म्हारे ताहीं जीण खात्तर कोए काम करण की जरूरत कोनी। 7 कौण सा फौज्जी अपने खर्च तै जंग लड़ै सै? कौण अंगूर का बाग लगाके उसका फळ नही खान्दा? कौण भेड्डां की रुखाळी करके उनका दूध कोनी पीन्दा? 8 मै इन बाततां नै सिर्फ माणस होण के नाते कोनी कहन्दा। मूसा नबी के नियम-कायदे भी योए कहवै सै, क्यूँके मूसा नबी के नियम-कायदे म्ह लिख्या सै, “नाज लिकाइते बखत चाल्दे होए बळध का मुँह ना बाँधियो।” के परमेसवर बळधां की ए फिक्र करै सै? 10 यो खास करके म्हारे खात्तर कह्या गया सै, हाँ, म्हारे खात्तर ए लिख्या गया सै, क्यूँके यो जरूरी सै, के खेत बाहण आळा अर खलिहाण म्ह, भूसी तै नाज अलग करण आळा फसल का कुछ हिस्सा पाण खात्तर तो आस राक्खे ए गा। 11 हमनै परमेसवर के सुसमाचार का प्रचार थारे बीच म्ह करया। उस माणस की ढळ जो पौधे लगावै सै, हमनै थारे भित्तर परमेसवर के सन्देस ताहीं लगाया सै। इस करके यो म्हारा हक सै, के म्हारी आर्थिक जरूरतां के खात्तर हम थारी मदद हासिल करां। 12 थमनै दुसरे माणसां की भी आर्थिक मदद करी, जिननै थारे ताहीं सुसमाचार सुणाया था, बरनबास अर मै उनतै भी ज्यादा आर्थिक मदद पाण का हक राक्खां सां, हालाकि, म्हारे म्ह तै किसे नै भी जोर कोनी दिया के थम उन चिज्जां नै द्यो जिनकी हमनै जरूरत सै। बल्के हम सब कुछ सहण खात्तर तैयार सां, ताके हम किसे ताहीं भी मसीह के बारे म्ह सुसमाचार पै बिश्वास करण म्ह

अडचन पैदा ना करा। 13 के थमनै न्ही बेरा के जो मन्दर म्ह काम करण आळे सै, वे मन्दर म्ह तै खाणा खावें सै? पर जो वेदी पै बलि चढ़ावै सै वे बलिदानां का हिस्सा लेवै सै? 14 इस्से तरियां तै प्रभु नै भी ठहराया के जो माणस सुसमाचार सुणावै सै, उनकी जिन्दगी का गुजारा उन माणसां तै होणा चाहिए जो सुसमाचार सुणै सै। 15 पर मन्ने इन म्ह तै किसे भी अधिकार का इस्तमाल कोनी करया, अर ना ए मै इस मकसद तै लिखूँ सूं, के मेरे खात्तर इसा कुछ करया जावै। बजाये इसके, के कोए मन्ने, मेरी इस बात के गर्व तै अलग करै। इसतै आच्छा मै मर जाणा समझूँ। 16 जै मै सुसमाचार सुणाऊँ, तो इस म्ह मन्ने गर्व करण का कोए हक कोनी। या तो मेरे ताहीं सौप्पी गई जिम्मेदारी सै। जै मै सुसमाचार न्ही सुणाऊँ, तो मेरे पै धिक्कार सै! 17 जै मै यो काम करूँ सूं, जो मन्ने अपणी मर्जी तै चुण्या सै, तो मेरे ताहीं एक ईनाम मिलैगा, अर जै या मेरी अपणी मर्जी कोनी, पर एक जिम्मेदारी सै, जो मेरे ताहीं परमेसवर की ओड़ तै मिली सै, तो मै किसे भी ईनाम की उम्मीद न्ही कर सकता। 18 तो मेरी कौण सी मजदूरी सै? या मेरी खुशी सै, के बिना भुगताण के मै सुसमाचार का प्रचार करण लागरया सूं, मेरे धोरे खर्चा मांगण का भी हक सै। 19 इसका मतलब यो कोनी के मै माणसां का कहणा मान्नु, भलाए वे लोग मेरी आर्थिक मदद करै सै, पर मै इसके खात्तर मजबूर कोनी, फेर भी मै हरेक किसे का दास बणगया सूं, ताके उन ताहीं मसीह कै धोरे ल्या सकूँ। 20 जिब मै यहूदी नियम-कायदा नै मानण आळा था, तो मै भी उन नियम-कायदा के अधीन था, मै यहूदी माणसां के खात्तर यहूदी बण्या, ताके यहूदी माणसां नै परमेसवर कै धोरे ले आऊँ। भलाए मेरे ताहीं नियम-कायदे मानण की जरूरत कोनी, फेर भी मन्ने इसा करया, ताके मै उन ताहीं मसीह कै धोरे ल्या सकूँ जो नियम-कायदा के अधीन सै। 21 इस्से तरियां जिब मै गैर यहूदी माणसां कै गैल काम करूँ सूं, तो मै एक गैर यहूदी की तरियां रहूँ सूं, जो यहूदी नियम-कायदा नै कोनी मानते, ताके मै उन ताहीं मसीह खात्तर जीत सकूँ। पर मन्ने बेरा था के मै परमेसवर के नियम-कायदा के बिना न्ही रहूँ था, क्यूँके मै मसीह के नियम-कायदा के अधीन सूं। 22 जिब मै उन माणसां के गैल सूं जिनका विश्वास कमजोर सै, तो मै उनकी तरियां बरताव करूँ सूं, ताके मेरी कोशिश के जरिये कुछ माणसां का उद्धार हो जावै। 23 मै यो सब कुछ सुसमाचार के खात्तर करूँ सूं ताके उन आशीषां का हिस्सेदार बण सकूँ जिनका वादा सुसमाचार म्ह करया गया सै। 24 के थमनै न्ही बेरा के दौड़ म्ह तो भाज्जै सारे ए सै, पर ईनाम एक ए ले जावै सै? इस्से तरियां, हम सब नै वो करणा चाहिए जो हम परमेसवर ताहीं खुश करण कै खात्तर कर सका सां ताके हम उस ईनाम नै पा सका जो परमेसवर आण आळे बखत म्ह देवैगा। 25 हरेक खिलाड़ी जो प्रतियोगिता म्ह भाग लेवै सै, कठोर संयम का पालन करै सै। वे तो एक (नाशवान) नाश होण आळे मुकुट

नै पाण के मकसद तै यो सब करै सै, पर हम यो सब कुछ (अविनाशी) नाश ना होण आळे मुकुट नै पाण खात्तर करां सां। 26 इस करके जिसा दौड़ण आळा अपणे मकसद कै गैल दौड़ै सै, अर जिस तरियां मुक्केबाज अपणे मुक्कयां नै अपणे अधीन राक्खै सै, उस्से तरियां मै भी अपणी मसीह जिन्दगी नै एक मकसद के गैल जीण लागरया सूं। 27 मै अपणी देह नै मसीह के अधीन राक्खूँ सूं, ताके मै अपणी बुरी इच्छा नै पूरी ना करूँ, मै जो दुसरे माणसां खात्तर सुसमाचार का प्रचार करण लाग रहा सूं, अर मै खुद ईनाम के खात्तर अयोग्य करार हो जाऊँ।

**10** हे विश्वासी भाईयो, मै न्ही चाहन्दा के थम इस बात तै अनजाण रहो के म्हारे सारे पूर्वजां कै गैल जंगल-बियाबान म्ह के होया। परमेसवर नै उन सारया की एक बाद्दळ के जरिये अगुवाई करी, जो उनके आग्गे-आग्गे चाल्लै था, अर उन ताहीं लाल समुन्दर के बिचाळे तै इस तरियां तै पार लेग्या, जिस तरियां सुखी धरती पै ले जाया गया हो। 2 मूसा नबी कै पाच्छे चाल्लण के कारण, उन सारया नै बाद्दळ म्ह अर समुन्दर म्ह बपतिस्मा ले लिया था। 3 उन सारया नै वो खाणा खया जो परमेसवर नै सुर्ग तै दिया था। 4 उननै वो पाणी पिया जो पत्थर की चट्टान तै लिक्डया था, पत्थर की चट्टान की तुलना हम मसीह के गैल कर सका सां, जो उनके गैल चाल्लै था, अर उन ताहीं जीवन देवै था। 5 पर परमेसवर उन म्ह तै घणखरयां तै राज्जी कोन्या होया, ज्यातै वे जंगल-बियाबान म्ह ढेर होग्ये। 6 ये बात म्हारे ताहीं चेतावनी के रूप म्ह दी सै, ताके हम बुरे काम्मां की लालसा ना करां। 7 अर ना थम मूर्ति पूजणीये बणो, जिस तरियां के उन म्ह तै कितने बणगे थे, जिसा पवित्र ग्रन्थ म्ह लिख्या सै, “लोग एक दावत म्ह खाण-पीण नै बेठे, अर फेर भोगविलास के काम करण खात्तर उठो।” 8 अर ना हम जारी करा, जिसा उन म्ह तै कितन्यां नै करी, अर एक दिन म्ह तेईस हजार मरग्ये। 9 अर ना हम प्रभु नै परखां, जिसा उन म्ह कितन्यां नै करया, अर साँपां के जरिये मरगे। 10 अर ना थम कुड़कुड़ाओ, जिस तरियां तै उन म्ह कितने कुड़कुड़ाए, अर नाश करण आळे सुर्गदूतां कै जरिये मारे गये। 11 पर ये सारी बात, जो उनपै आण पड़ी, चेतावनी की तरियां थी, वे म्हारी चेतावनी कै खात्तर जो दुनिया के आखरी बखत म्ह रहवै सै, लिक्खी गई सै। (aiōn g165) 12 इस करके जै कोए इसा माणस सै जो कहन्दा हो, के परमेसवर पै उसका भरोस्सा अटूट सै, तो उसनै सावधान रहणा चाहिए, के वो चाणचक किसे इम्तिहान म्ह ना पड़ जावै अर वो पाप ना कर बेठे। 13 पाप करण की इच्छा पक्की हम सब के धोरे आवै सै। पर परमेसवर साच्या अर विश्वास लायक सै, वो थमनै सामर्थ तै बाहर इम्तिहान म्ह कोनी गैरेगा, जो माणस कै सहण तै बाहरण सै, बल्के वो थमनै शक्ति देवैगा के थम पाप ना करो। 14 इस कारण, हे मेरे प्यारे दोस्तां, मूर्तिपूजा तै बचे रहो। 15 मै अकलमंद जाणके थारे तै कहुँ सूं, जो मै कहुँ सूं, उसके बारे म्ह सोच्यों के वो सही सै या

गलत। 16 जब हम उसके कटोरे में तै (अंगूर का रस) पीवां करके खाणे में शामिल होऊँ सूनू, तो उसके खातर मेरे पै दोष सां, जिस ताहीं हम प्रभु भोज में इस्तमाल करां सां, जिसके खातर हम परमेसवर का धन्यवाद करा सां, हम असलियत में मसीह के लहू में साझी होण लागरे सां, अर जब हम रोटी तोड़ा सां अर इस ताहीं खावां सां, तो हम असलियत में मसीह के देह में साझा करण लागरे सां। 17 जब के सिर्फ एकेए रोटी सै, जो मसीह सै, भलाए हम घणे सां, फेर भी हम एक देह बण जावां सां, क्यूँके हम सब एक रोटी में तै ए खावां सां। 18 इस्राएल के माणसां के बारे में सोच्यों, जब वे सारे माणस खावै सै, जो परमेसवर ताहीं चढ़ाया जावै सै, उसतै वे परमेसवर की आराधना में शामिल हो जावै सै, इससे तरियां जो वो खाणा खावै सै, जो मूर्ति के आग्रे चढ़ाया जावै सै, तो वो भी मूर्ति की आराधना में शामिल होवै सै, 19 मेरे कहण का मतलब के सै? यो सै के मूर्ति असलियत में देवता सै, जिनके खातर बलिदान करे जावै सै अर के इस बलिदान की कोए अहमियत सै? 20 न्ही, बल्के जो माणस मूर्तियाँ नै बलिदान करे सै, वे परमेसवर के खातर न्ही पर ओपरी आत्मायाँ के खातर बलिदान करे सै, अर मै न्ही चाहन्दा के थम ओपरी आत्मायाँ के गैल-साइड्री होवो। 21 यो थारे खातर ठीक कोनी के, थम वो खाओ अर पीओ सों, जो ओपरी आत्मायाँ ताहीं चढ़ाया जावै सै, अर वो भी खाओ अर पीओ सों, जो हमनै प्रभु की मौत की याद दुवावै सै। 22 जै हम इसा करां सां, तो हम परमेसवर नै घणा गुस्सा दुवावां सां, अर हम परमेसवर तै घणे ताकतवर कोनी। 23 हम सब कुछ करण खातर आजाद सां, हम कहवां सां, हॉ, पर सब कुछ म्हारे खातर आच्छा कोनी, हम सब कुछ करण खातर आजाद सां, पर सब कुछ म्हारे बिश्वास नै कोनी बढ़ाते। 24 कोए अपणी ए भलाई नै न्ही, बल्के औरां की भलाई के बारे में सोच्यों। 25 हालाकि जब थम कस्साइयाँ धोरे माँस लेण खातर बजारां में जाओ सों, तो उनतै या ना पूछो, के यो मूर्तियाँ के आग्रे चढ़ाया गया सै या न्ही, अर इसतै थारी अन्तरात्मा भी दुखी न्ही होगी। 26 थम इस करके खा सको सों क्यूँके पवित्र ग्रन्थ कहवै सै, “क्यूँके धरती अर धरती पै जो कुछ भी सै सब कुछ प्रभु का सै।” 27 जै अबिश्वासियाँ में तै कोए थमनै न्योदा देवै, अर थम खाण खातर जाणा चाहो, तो जो किमे थारे स्याम्ही धरया जावै वोए खा ल्यो, अर थमनै यो न्ही पूछणा चाहिए, के यो चढ़ावा सै या न्ही, ताके चढ़ावा हो तो थम खुद नै दोषी महसूस कोनी करोगे। 28 पर जै कोए थारे तै कहवै, “यो खाणा तो मूर्ति ताहीं बलि करया गया था,” तो इस ताहीं अपणी अन्तरात्मा के कारण न्ही, बल्के थमनै बताण आळे माणस की अन्तरात्मा के कारण इसनै ना खाओ। 29 मै थारी अन्तरात्मा के बारे में न्ही, पर उस बताण आळे माणस की अन्तरात्मा बारे में कहूँ सूनू। जै थम खाण की आजादी पै जोर देओ सों, अर दुसरे माणस नै लागे सै के यो पाप सै, तो उसका के फायदा सै? कुछ भी तो कोनी। 30 जै मै मूर्तियाँ के आग्रे चढ़ाई होए चीज ताहीं धन्यवाद

करके खाणे में शामिल होऊँ सूनू, तो उसके खातर मेरे पै दोष क्यूँ लगाया जावै सै, जिसके खाणे खातर मन्नै परमेसवर के प्रति धन्यवाद जाहिर करया? 31 सारी बाततां का निचोड़ यो सै के थम चाहे खाओ, चाहे पीओ, चाहे जो किमे करो, सारा किमे परमेसवर की महिमा के खातर करो। 32 मै जो कुछ भी करूँ सूनू, हरेक ताहीं खुश करण की कोशिश करूँ सूनू, अपणे-आप का भला कोनी सोचदा, बल्के सबके भले के खातर सोचुं सूनू, ताके वो बचाए जा सकै। उससे तरियां थम भी इससे तरियां जिओ, ताके यहूदी, गैर यहूदी अर परमेसवर की कलीसिया के माणसां के खातर उद्धार पाण में रुकावट ना बणो।

**11** जिस तरियां मै मसीह के जिसी चाल चाल्लुँ सूनू, थम भी मेरी सी चाल चाल्लों। 2 हे बिश्वासी भाईयो, मै थारी तारीफ करूँ सूनू। क्यूँके थम मेरे ताहीं हर बखत याद करो सों, अर जितनी शिक्षा मन्नै थारे ताहीं दी सै, उनका सावधानी तै पालन करते रहों। 3 पर एक बात सै जो मै चाहूँ सूनू के थम उसनै जाण ल्यो, वा या सै के हरेक माणस का सिर मसीह सै, अर बिरबानी का सिर उसका धणी सै, अर मसीह का सिर परमेसवर सै। 4 जब थम कलीसिया में कट्टे होओ सों, तो जो माणस सिर ढके होए प्रार्थना या भविष्यवाणी करे सै, वो मसीह का अपमान करे सै। 5 पर जो बिरबानी उघाड़े सिर प्रार्थना या भविष्यवाणी करे सै, इसका मतलब सै के वा अपणे धणी का अपमान करे सै, क्यूँके वा गन्जी होण के बरोब्बर सै। 6 जै बिरबानी ओढ़णी ना ओढ़े तो बाळ भी कटवा लेवै, जै बिरबानी के खातर बाळ कटवाणा या गन्जी होणा बड़े शर्म की बात सै, तो ओढ़णी ओढ़े। 7 हॉ, एक माणस नै सिर ढक्कण की जरूरत कोनी, क्यूँके परमेसवर नै उस ताहीं खुद के समान बणा दिया सै, अर उस ताहीं अपणे जिसा सुभाव अर महिमा दी सै, पर बिरबानी मर्द की शोभा सै। 8 क्यूँके पैहला माणस बिरबानी तै न्ही होया, पर पैहली बिरबानी हवा, माणस तै होई। 9 परमेसवर नै पैहले माणस ताहीं बिरबानी की मदद करण खातर न्ही बणाया था, बल्के उसनै बिरबानी ताहीं बणाया ताके माणस की मदद करै। 10 अर इस बजह तै सुगंदतां की मौजूदगी के कारण बिरबानी खातर जरूरी सै, के अधिकार के रूप में उसनै अपणे सिर पै कुछ ओढ़णा चाहिए। 11 फेर भी प्रभु में ना तो बिरबानी माणस तै, अर ना माणस बिना बिरबानी तै आजाद सै। 12 भलाए परमेसवर नै पैहले इन्सान तै पैहली जनानी बणाई, अर या जनानी ए सै जो इन्सान नै जन्म देवे सै, पर सारी चीज परमेसवर तै सै। 13 थम आप ए विचार करो, के कलीसिया में बिरबानी नै उघाड़े सिर परमेसवर तै प्रार्थना करणा शोभा देवै सै? 14 के सुभाव के तौर पै भी थमनै न्ही बेरा के जै माणस लाम्बे बाळ राक्खै, तो उसके खातर अपमान सै। 15 पर जै लुगाई लाम्बे बाळ राक्खै तो उसके खातर शोभा सै, क्यूँके बाळ उसकी ओढ़णी के खातर दिए गये सै। 16 पर जै कोए मेरे तै सहमत कोनी, तो म्हारे धोरे अर परमेसवर की कलीसिया

कै धोरै आराधना करण का इसके अलावा कोए और रिवाज कोनी। 17 इब जो बात मै थारे ताहीं बताऊँ सू, उसके खात्तर मै थारी बड़ाई कोनी करदा, ज्यातै के थारे कठ्ठे होण तै भलाई न्ही, पर नुकसान होवै सै। 18 क्यूँके मेरे सुणण म्ह आया सै, के जिब थम कलीसिया म्ह आराधना कै खात्तर कठ्ठे होवो सों, तो थारे म्ह फूट होवै सै, अर मै मान्नु सू के यो सच सै। 19 पर यकीनन थारे बीच बटवारा होणा चाहिए, ताके जिनके धोरै परमेसवर की मंजूरी सै, उन ताहीं पिच्छाणा जावै। 20 आखर म्ह थम जो एक जगहां म्ह कठ्ठे होवो सों, म्हारे प्रभु यीशु मसीह की मौत नै याद करण के खात्तर होओ सों, यो प्रभु-भोज खाण कै खात्तर न्ही। 21 क्यूँके खाण कै बखत एक-दुसरे तै पैहल्या अपना खाणा खा लेवै सै, इस ढाळ कोए तो भूख्खा रहवै सै अर कोए मतवाला हो जावै सै। 22 के खाण-पीण कै खात्तर थारे घर कोनी? या थम परमेसवर की कलीसिया का तिरस्कार अर गरीबां नै शर्मिन्दा करण पै तुले होए सों? इब मै थारे तै के कहुँ? के इस बात म्ह थारी बड़ाई करुँ? ना! बिलकुल न्ही। 23 मन्ने थारे ताहीं जितनी शिक्षा दी सै वोए शिक्षा सै, जो मन्ने परमेसवर की ओड़ तै मिली थी, के प्रभु यीशु जिस रात पकड़ाया गया, रोटी लेई, 24 अर परमेसवर का धन्यवाद करके उसने तोड़ी अर कहा, “या मेरी देह सै, जो थारे खात्तर सै: मेरी यादगारी खात्तर न्यूए करया करो।” 25 इसे तरियां उसने खाणे कै बाद अंगूर के रस का कटोरा भी लिया अर कहा, “यो कटोरा मेरे लहू म्ह नया करार सै: जिब कदे पीओ, तो मेरी यादगारी कै खात्तर न्यूए करया करो।” 26 क्यूँके जिब कदे थम या रोटी खाओ अर इस कटोरे म्ह तै पीओ सो, तो प्रभु की मौत नै जिब ताहीं वो न्ही आवै, प्रचार करदे रहो। 27 ज्यातै जो कोए इस तरिकके तै प्रभु की रोटी खावै या उसके कटोरे म्ह तै पीवै, जिसतै मसीह का आनदर हो, तो वो प्रभु की देह अर लहू के बिरुध्द पाप करै सै। 28 ज्यातै माणस अपने-आप ताहीं जाँच लेवै अर इस्से तरियां तै इस रोटी म्ह तै खावै, अर इस कटोरे म्ह तै पीवै। 29 क्यूँके जो खादे-पिदे बखत प्रभु की देह के साथ अपने रिशते नै न्ही पिच्छाणता, वो इस खाणे अर पीण तै अपने उप्पर दण्ड ल्यावै सै। 30 अर दण्ड की शरूआत थारे बीच हो ली सै, इस्से कारण थारे म्ह तै घणखरे कमजोर अर बीमार सै, अर घणखरे मर भी गये। 31 जै हम अपने-आपनै जाँचदे तो दण्ड न्ही पादे। 32 पर प्रभु म्हारे ताहीं दण्ड देकै म्हारी ताड़ना करै सै, ज्यातै के हम न्याय के दिन दुसरे माणसां के साथ दंडित ना करे जावां। 33 इस करके, हे बिश्वासी भाईयो, जिब थम प्रभु भोज खाण खात्तर कठ्ठे होओ सो, तो एक-दुसरे कै खात्तर ठहरे रहो, ताके थम मिलके प्रभु भोज खा सको। 34 जै कोए भूख्खा हो तो अपने घर म्ह खा लेवै, ताके जिब थम एक साथ आओगे, तो थम सही तरियां तै बरताव करोगे, अर परमेसवर थारा न्याय कोनी करैगा। दुसरी बाततां नै मै जिब्ले सुलझाऊँगा जिब आऊँगा।

**12** हे बिश्वासी भाईयो, इब पवित्र आत्मा के जरिये दी गई उन खुबियाँ तै तालुकात राखती उन बाततां के बारे म्ह मै न्ही चाहन्दा के थम अनजाण रहो। 2 थम जाणो सो, के प्रभु म्ह बिश्वास करण तै पैहले थम किसे थे, कोए थमने राह दिखवै था ताके थम मूर्तियाँ की पूजा कर सको जो बोल न्ही सकदी। 3 ज्यातै मै थमने बताणा चाहूँ सू, के जो कोए परमेसवर की आत्मा की अगुवाई तै बोल्लै सै, वो न्ही कहन्दा के यीशु श्रापित सै, अर ना कोए पवित्र आत्मा कै बिना कह सकै सै के यीशु प्रभु सै। 4 आत्मिक वरदान तो कई ढाळ के सै, पर या पवित्र आत्मा ए सै जो इन सबका भण्डार सै। 5 अर काम भी कई ढाळ के सै, जो हम परमेसवर खात्तर करा सां, पर हम सब एकए परमेसवर की सेवा करा सां। 6 परमेसवर म्हारी जिन्दगी म्ह कई ढाळ के तरिककां तै काम करै सै, पर यो वोए परमेसवर सै, जो हमने उसके काम करण की काबलियत देवै सै। 7 एक इसी काबलियत सै जो म्हारे म्ह तै हरेक ताहीं दी जावै सै, जो पवित्र आत्मा की मौजूदगी नै दिखवै सै ताके हम अपने संगी बिश्वासियाँ की मदद कर सका। 8 परमेसवर की आत्मा एक माणस ताहीं बुद्धि तै भरा सन्देश बोल्लण की काबलियत देवै सै, अर वाए आत्मा किसे दुसरे माणस नै ज्ञान तै भरा सन्देश बोल्लण की काबलियत देवै सै। 9 वो एक माणस ताहीं मसीह म्ह मजबुत्ती तै बिश्वास करण की काबलियत देवै सै, अर दुसरे माणस ताहीं आत्मा, बीमार लोगां नै ठीक करण की काबलियत देवै सै। 10 किसे ताहीं सामर्थ के काम करण की ताकत, अर किसे ताहीं भविष्यवाणी की, अर किसे ताहीं आत्मायाँ की परख, अर किसे ताहीं घणी ढाळ की भाषा, अर किसे ताहीं भाषायां का मतलब बताणा की काबलियत दी। 11 पर ये परमेसवर की आत्मा सै, जो सारी काबलियत का भण्डार सै, अर वो हर किसे नै बाट देवै सै, जिसा वो चाहवै सै। 12 जिस तरियां देह के भोत सारे अंग होवै सै, पर भोत सारे अंग मिलके एक देह नै बणावै सै, उस्से ढाळ मसीह देह सै, अर सब बिश्वासी उसके देह के अंग सै। 13 क्यूँके हम सब यहूदी, यूनानी, गुलाम अर आजाद, एकए देह की तरियां सां, अर परमेसवर हम सब नै पवित्र आत्मा का बपतिस्मा देवै सै, अर हम सारया नै एके तरियां का पवित्र आत्मा पाया सै। 14 देह म्ह एके अंग न्ही, पर भोत-से सै। 15 जै पैर कहवै के मै हाथ कोनी, इस करके देह का अंग कोनी, तो के उसके इसा कहण तै वो देह का अंग कोनी? 16 अर जै कान कहवै, के मै आँख कोनी, इस करके देह का अंग कोनी, तो के वो इस कारण देह का अंग कोनी? 17 जै साबती देह आँख होन्दी तो सुणणा कित्त तै होंदा? जै साबती देह कान ए होंदी तो सूंघणा कित्त तै होंदा? 18 पर सचमुच परमेसवर नै देह के सारे अंगा ताहीं अपनी मर्जी के मुताबिक एक-एक करके देह म्ह सही जगहां पै राख्या सै। 19 जै सारे अंग एके अंग होन्दे, तो देह कित्त तै होंदी? 20 बल्के अंग तो भतेरे सै, पर देह एके सै। 21 आँख हाथ तै कोनी कह सकदी,

“मन्ने तेरी जरूरत कोनी,” अर ना सिर पैर तै कह सकै सै, के “मन्ने तेरी जरूरत कोनी।” 22 पर देह के कुछ अंग जो दुसरे अंगा तै कमजोर लागी सै, भोत-ए जरूरी सै। 23 अर देह के जिन अंगा नै हम कम आदर देवां सां, वे सै जिन ताहीं हम बड़ी सावधानी तै ढका सां, इस करके उन अंगा की हम सावधानी तै हिफाजत करा सां, जिन ताहीं देख्या न्ही जा सकता, जिब के आदर के लायक अंगा नै इस खास देखभाळ की जरूरत कोनी। इस करके परमेसवर नै देह ताहीं एक साथ राख्या सै, ताके उन अंगां ताहीं खास आदर अर देखभाळ दी जावै, जिनका महत्व कम सै। 25 ताके देह मह फूट ना पड़ै पर देह के सारे हिस्से दुसरे अंगा की देखभाळ करै। 26 जै देह का कोए अंग दुख पावै सै, तो उसके गैल देह के सारे अंग दुख पावै सै, अर जै एक अंग की बड़ाई होवै सै, तो उसके गेल्या सारे अंग आनन्द मनावै सै। 27 इस्से ढाळ थम सारे मिलकै मसीह की देह सो, अर थारे म्ह तै हरेक उसके देह के कुछ हिस्सां के रूप म्ह उसके अंग सों 28 मसीह की इस देह म्ह जो के कलीसिया सै, परमेसवर नै म्हारे ताहीं न्यारे-न्यारे ढाळ के काम करण कै खातर दिया, सब तै पैहल्या प्रेरितां, फेर नबी, तीसरे शिक्षक, फेर सामर्थ के काम करण आळे, फेर चंगाई देण आळे, भलाई करण आळे, अर अगुवें, अर अन्य भाषा बोल्लण की काबलियत दी। 29 के सारे प्रेरित सै? न्ही! के सारे नबी सै? न्ही! के सारे उपदेशक सै? न्ही! के सारे सामर्थ के काम करण आळे सै? न्ही! 30 के सारया नै चंगा करण का वरदान मिल्या सै? न्ही! के सारे अन्य भाषा बोल्लै सै? न्ही! 31 के सारे अन्य भाषा का मतलब बताणीये सै? न्ही! थम सबतै उपयोगी वरदानां की धुन म्ह रहो, पर मै थमनै सारया तै बढ़िया राह बताऊँ सूँ।

**13** जै मै माणसां अर सुगंदूतां की बोल्ली बोल्लूँ अर दुसरयां तै प्यार ना करूँ, तो मै ठनठनादा होया पीत्तळ, अर झंझनाती होई झॉझ सूँ। 2 अर जै मै भविष्यवाणी कर सकूँ, अर सारे भेद अर सारी ढाळ के ज्ञान ताहीं समझूँ, अर मन्ने उरै ताहीं इतणा विश्वास हो के मै पहाड़ां ताहीं हटा दिवूँ, पर दुसरयां तै प्यार ना करूँ, तो मै कुछ भी कोनी। 3 जै अपणा सारा धन कंगालां नै खुवा दिवूँ, या अपणी देह जळाण कै खातर दे दिवूँ, अर दुसरयां तै प्यार ना करूँ, तो मन्ने किमे भी फायदा कोनी। 4 जो लोग दुसरयां तै प्यार करै सै, वे पूरे धीरज अर दयालु तरिकेँ तै काम करै सै, वे नफरत न्ही करते, अर वे खुद की बड़ाई न्ही करते। 5 वे दुसरयां का अनादर कोनी करते, वे स्वार्थी कोनी अर ना ए तावळे नाराज होवै सै, पर आसान्नी तै उन माणसां ताहीं माफ करदे सै जो उनके खिलाफ बुरा बरताव करै सै। 6 जिब लोग बुरे काम करै सै तो वे खुश कोनी होन्दे, पर जिब लोग सही काम करै सै तो वे खुश होवै सै। 7 प्यार सारी बातां नै सह लैवै सै, अर हमेशा म्हारे हरेक हालतां म्ह विश्वास करण म्ह, परमेसवर पै भरोस्सा राक्खण म्ह, अर दुख अर मुसीबतां नै धीरज तै सहण करण म्ह म्हारी मदद करै सै। 8

प्यार सदा तक रहण आळा सै। जड़ै ताहीं भविष्यवाणीयाँ का सवाल सै, वे थोड़े ए बखत खातर सै, भाषाएँ बिना शब्द की हो जावैगी अर ज्ञान मिट जावैगा। 9 क्यूँके म्हारा ज्ञान अर म्हारी भविष्यवाणी का वरदान अधूरा सै। 10 पर जिब हम सिद्धता तक पोहच जावांगे तो, वो सब, जो अधूरा सै, मिट जावैगा। 11 जिब मै बाळक था, तो मै बाळकां की ढाळ बोल्लू था, बाळकां जिसी मेरी सोच थी, बाळकां जिसी समझ थी, पर जिब श्याणा हो गया तो बाळकां के जिसी बात छोड़ दी। 12 इब जो हम परमेसवर के बारे में जाणा सां, वो सब शीशे म्ह धुँधळा दिखाई देण की ढाळ सै, पर बाद म्ह हम उस ताहीं आम्ही-स्याम्ही देखवांगे, इब्बे हम सब कुछ न्ही जानते, पर बाद म्ह हम सब किमे जाण जावांगे जिस तरियां परमेसवर म्हारे ताहीं जाणै सै। 13 ये तीन्नु चीज सदा खातर सै, विश्वास, आस, अर प्यार पर इन म्ह सारया तै बड़ड़ा प्यार सै।

**14** एक-दुसरे तै प्यार करण की कोशिश करो, अर आत्मिक वरदानां की भी धुन म्ह रहो, खास करके यो के भविष्यवाणी करो। 2 क्यूँके जो अन्य भाषा म्ह बात करै सै वो माणसां तै न्ही पर परमेसवर तै बात करै सै, ज्यांतै के उसकी बात कोए न्ही समझदा, क्यूँके वो भेद की बात पवित्र आत्मा की शक्ति तै बोल्लै सै। 3 पर जो भविष्यवाणी करै सै, वो विश्वासियाँ नै मजबूत करण की, उत्साहित करण की, अर शान्ति की बात कहवै सै। 4 जो अन्य भाषा म्ह बात करै सै, वो अपणा ए विश्वास मजबूत करै सै, पर जो भविष्यवाणी करै सै, वो कलीसिया के विश्वासियाँ के विश्वास नै मजबूत करै सै। 5 मै चाहूँ सूँ के थारे म्ह तै हरेक नै अन्य भाषायां म्ह बात करण की काबलियत मिलै, पर इसकी बजाए आच्छा तो यो सै के थमनै भविष्यवाणी की काबलियत मिलै, क्यूँके जो भविष्यवाणी करै सै, वो उस अन्य भाषा बोल्लण आळा तै, जो उसका मतलब खोल के बताए बिना अन्य भाषा म्ह बात करै सै, उसतै आच्छा सै, क्यूँके उसका मतलब खोल कै बताये जाण पै कलीसिया के विश्वासियाँ के विश्वास की बढ़ोतरी हो सकै सै। 6 ज्यांतै, हे विश्वासी भाईयो, जै मै थारे तै अन्य भाषा म्ह बात करूँ, तो उसतै थमनै के फायदा होगा, जै इस म्ह थारे खातर कोए प्रकाशन, ज्ञान, भविष्यवाणी या शिक्षा की बात ना हो, तो मै इस म्ह थारा के भला करूँगा? 7 इस्से ढाळ बेजान चीज म्ह तै भी आवाज निकडै सै, चाहे बाँसुरी हो या संगीत के साज, जै उनतै निकडै सुरां म्ह फर्क ना हो तो यो किस तरियां बेरा लागैगा के यो कौण सा साज बजाया जाण लाग रह्या सै। 8 अर जै तुरुही का शब्द साफ ना हो, तो कौण लड़ाई कै खातर त्यारी करैगा? 9 इस्से तरियां जै थम अन्य भाषा म्ह बोल्लों सों, अर थारे शब्दां नै कोए समझ न्ही पावै, के थम के बोल्लण लागरे सों? तो यो तो हवा तै बात करण जिसा होगा। 10 भलाए दुनिया म्ह कितनी ए ढाळ की भाषा क्यूँ ना हों, पर हरेक भाषा का मतलब सै। 11 पर जै मै किसे भाषा का मतलब ना समझूँ, तो बोल्लण आळे

की निगाह मह परदेशी ठहरूँगा, अर बोल्लण आळा भी मेरी निगाह मह परदेशी ठहरैगा। 12 ज्यांतै थम भी जिब आत्मिक वरदानां की खोज मह हो, तो इसे वरदानां की लालसा राक्खों, जिसतै कलीसिया के बिश्वासी माणसां का बिश्वास भी मजबूत हो सकै। 13 इस कारण जो अन्य भाषा बोल्लै, वो प्रार्थना करै के उसका खोल कै मतलब भी बता सकै। 14 ज्यांतै जै मे अन्य भाषा मह प्रार्थना करूँ, तो मेरी आत्मा प्रार्थना करै सै, पर मेरी बुद्धि काम न्ही देदी। 15 इस बजह तै मै आत्मा तै भी प्रार्थना करूँगा, अर बुद्धि तै भी प्रार्थना करूँगा, मै आत्मा तै भी गाऊँगा, अर बुद्धि तै भी गाऊँगा। 16 मान ल्यो के कई आम आदमी थारे गैल परमेसवर की आराधना मह शामिल होवै सै, अर जिब थम अपनी आत्मा के साथ परमेसवर की आराधना करण लागरे सों, अर जो थम बोल्लो सों वो उननै समझ कोनी आन्दा, तो परमेसवर का धन्यवाद करण कै बाद, उननै किस तरियां बेरा लागैगा के कद “आमीन” कहणा सै, जो थम कहण लागरे सों? 17 परमेसवर का धन्यवाद करणा थारे खात्तर अदभुत हो सकै सै, पर यो दुसरयां ताहीं उनके बिश्वास मह मजबूत न्ही बणा सकदा। 18 मै अपने परमेसवर का धन्यवाद करूँ सूँ, के मै थम सारया तै घणा अन्य भाषायां मह बोल्लू सूँ। 19 पर कलीसिया मह अन्य भाषा मह दस हजार बात कहण तै यो मन्ने और भी सही लागै सै, के दुसरयां नै सिखाण कै खात्तर मै बुद्धि तै पाँच ए बात कह सकू। 20 हे बिश्वासी भाईयो, इन बातां नै समझण मह बाळक ना बणो, बुराई करण मह तो बाळक बणे रहो, पर इस तरियां के मामलां नै समझण मह श्याणे बणो। 21 पवित्र ग्रन्थ मह लिख्या सै, के प्रभु कहवै सै, “के मै अजनबियाँ के जरिये बात करूँगा, जो अन्य भाषा बोल्लैगें, तोभी वे मेरी न्ही सुणैगें।” 22 ज्यांतै अन्य भाषा बिश्वासियाँ के खात्तर न्ही, पर अबिश्वासियाँ के खात्तर निशान्नी सै, जो ये भाषा न्ही समझते, पर भविष्यवाणी अबिश्वासियाँ के खात्तर न्ही, पर बिश्वासियाँ के खात्तर निशान्नी सै। 23 इस करके जै कलीसिया एक जगहां कट्टी हो, अर सारे के सारे अन्य भाषा बोल्लै, जो ये भाषा न्ही समझते, या अबिश्वासी माणस भीत्तर आ जावै, तो के वे थमनै बावळे न्ही कहवैगें? 24 पर जै सारे भविष्यवाणी करण लागे, अर कोए अबिश्वासी माणस या जो भविष्यवाणी नै न्ही समझते हो, भीत्तर आ जावै, तो उननै अपने पापां का अहसास होगा अर जो थम बोल्लण लागरे सों उसकी बजह तै अपने-आप ताहीं कसूरवार महसूस करैगें। 25 अर परमेसवर का संदेश उस ताहीं उसकी बुराई या उसकी गुप्त सोच का अहसास करां देवैगा। वो महसूस करैगा के वो पापी सै, अर वो पाप करणा छोड़ देगा अर वो झुकके प्रभु की आराधना करैगा, अर मान लेवैगा के सच मह ए परमेसवर थारे बिचाळै सै। 26 हे बिश्वासी भाईयो, सुणो के ये बात किस तरियां होणी चाहिये? जिब थम आराधना खात्तर कट्टे होवो सो, तो थारे मह तै कोए तो भजन गावै सै, कोए उपदेश देवै सै, कोए प्रभु के जरिये

दिए गये प्रकाशन सै, कोए अन्य भाषा मह बात करै सै, कोए उसका मतलब बतावै सै। इन सारी बातां का मकसद योए सै, के कलीसिया बिश्वास मह मजबूत हो सकै। 27 जै अन्य भाषा मह बात करै तो ज्यादा तै ज्यादा दो या तीन माणस बारी-बारी तै बोल्लै, अर एक माणस उन बातां का खोल कै मतलब भी बतावै। 28 पर जै खोल कै मतलब बताणीया ना हो, तो अन्य भाषा बोल्लण आळा कलीसिया मह शान्त रहवै, अर अपने मन मह परमेसवर तै बात करै। 29 नबियाँ मह तै दो या तीन बोल्लै, अर बाकी माणस उनके वचन नै परखै। 30 जै उस बखत ओड़ै कोए बेठ्या हो जिस ताहीं ईश्वरीय प्रकाशन मिलै, तो पैहले आळा माणस चुप हो जावै अर दुसरे माणस नै बोल्लण दे। 31 थम सारे एक-एक करके भविष्यवाणी कर सको हो, ताके सारे सीखे अर सारे उत्साहित भी हो जावै। 32 अर नबियाँ की आत्मा नबियाँ के बस मह सै, उसके भित्तर इतनी काबलियत सै, के वो अपनी इच्छा के मुताबिक बोल सकै सै, अर चुप भी रह सकै सै। 33 क्यूँके परमेसवर गड़बड़ी का न्ही, पर शान्ति का परमेसवर सै। यो वो नियम सै जिसका पालन परमेसवर के माणसां के सारी कलीसियाओं मह करया जाणा चाहिए। 34 बिरबान्नी कलीसिया की सभा मह चुपचाप रहवै, क्यूँके उन ताहीं बात करण का हुकम कोनी, पर अधीन रहण का हुकम सै, जिसा नियम-कायदे मह लिख्या भी सै। 35 जै वे किमे सिखाणा चाहवै, तो घर मह अपने-अपणे धणी तै बुड़ै, क्यूँके बिरबान्नी का कलीसिया मह घणा बोलणा शर्म की बात सै। 36 इसा क्यूँ सै के थारे मह तै कुछ पैहले उप्पर लिखे होए नियमां का पालन न्ही करणा चाहन्दे? के थमनै लागै सै, के थम परमेसवर का वचन देण आळे पैहले आदमी सों? 37 जै कोए माणस खुद नै नबी या आत्मिक माणस समझै, तो न्यू जाण ले के जो बात मै थमनै लिखूँ सूँ, वे प्रभु के हुकम सै। 38 जै कोए माणस इन बातां पै बिश्वास न्ही करदा, तो थम भी उसकी बातां पै बिश्वास ना करो, जो वो बोल्लण लागरया सै। 39 इस करके हे बिश्वासी भाईयो, भविष्यवाणी करण की धुन मह रहो, अर अन्य भाषा बोल्लण तै मना ना करो। 40 कलीसिया मह जो कुछ भी करो सों, आच्छी तरियां अर सही ढंग तै करया जावै।

**15** हे बिश्वासी भाईयो, इब मै थमनै वोए सुसमाचार याद दिवाऊँ सूँ, जो पैहल्या सुण्या जा चुक्या सै, जिस सुसमाचार का थमनै बिश्वास भी करया था, अर थम उस बिश्वास मह बणे भी रहो। 2 जै थम सुसमाचार मह बिश्वास करणा जारी राक्खों सों, जो मन्ने थारे ताहीं सुणाया था तो परमेसवर थमनै सुसमाचार के जरिये बचावैगा, जै थम उस सुसमाचार पै बिश्वास करणा छोड़ द्यो, तो थारा मसीह पै बिश्वास करणा बेकार सै। 3 इस्से कारण मन्ने थारे ताहीं सब तै खास सन्देश बताया सै, जो मेरे ताहीं प्रभु यीशु तै मिल्या सै, वो सन्देश यो सै, के पवित्र ग्रन्थ कै वचन कै मुताबिक यीशु मसीह म्हारे पापां के खात्तर मारया गया, 4 गाड्या गया, अर पवित्र ग्रन्थ कै मुताबिक तीसरे

दिन जिन्दा भी होगया, 5 अर उसके बाद वो पतरस ताहीं अर फेर बारहां चेल्यां नै दिख्या। 6 फेर वो पाँच सौ तै ज्यादा चेल्यां नै एक साथ दिख्या, जिन म्ह तै घणखरे तो इब ताहीं जिन्दे सै पर कई मर लिये सै। 7 इसकै बाद वो याकूब नै अर फेर सारे प्रेरितां नै भी दिख्या। 8 सब तै आखर म्ह मन्ने भी दिख्या, मेरे ताहीं प्रभु नै अदभुत तरिकके तै प्रेरित बणाया। 9 क्यूँके मै प्रेरितां म्ह सारया तै कम महत्वपूर्ण सूं, बल्के प्रेरित बणण के जोगगा भी कोनी था, क्यूँके मन्ने परमेसवर की कलीसिया के बिश्वासियां ताहीं सताया था। 10 पर मै जो कुछ भी सूं, परमेसवर के अनुग्रह तै प्रेरित सूं। उसका अनुग्रह जो मेरै पै होया, वो बेकार न्ही होया, पर मन्ने उन और प्रेरितां तै बाध मेहनत भी करी, तोभी या मेरी ओड़ तै न्ही होई, पर परमेसवर का अनुग्रह तै होई जो मेरै पै था। 11 ज्यांतै चाहे मै हूँ, चाहे दुसरे प्रेरित हों, हम सब नै मसीह के बारें म्ह एक जिसा प्रचार करा, अर इस्से पै थमनै बिश्वास भी करया। 12 मै थारे तै एक बात पूच्छु सूं, जिब तै हम सारया नै यो प्रचार करया सै, के परमेसवर नै मसीह ताहीं मुर्दा म्ह तै जिन्दा करया, तो थारे म्ह तै कई क्यूँ न्ही मानते के बिश्वासी भी मरके जिवेंगे? 13 जै मेरे होया का जी उठणा सै ए कोनी, तो मसीह भी मेरे होया म्ह तै जिन्दा कोनी होया, 14 अर जै मसीह मेरे होया म्ह तै न्ही जी उठ्या, तो म्हारा प्रचार करणा बेकार सै अर थारा बिश्वास करणा भी बेकार सै। 15 इसतै भी बढ़के यो सै के हम परमेसवर के झूठे गवाह साबित होण लागरे सां, क्यूँके हमनै उनके बारें म्ह या गवाही दी सै के उननै मसीह ताहीं मेरे होया म्ह तै जिन्दा करया सै, पर जै मेरे होए वास्तव म्ह जिन्दे न्ही करे गये होन्दे तो परमेसवर नै मसीह ताहीं भी जिन्दा न्ही करया। 16 अर जै मेरे होए माणस जिन्दा न्ही होन्दे, तो मसीह भी मेरे होया म्ह तै जिन्दा कोनी होया। 17 अर जै मसीह मरया होया म्ह तै जिन्दा कोनी होया, तो थारा बिश्वास करणा बेकार सै, अर थम इब ताहीं अपणे पापां म्ह जीण लागरे सो। 18 बल्के जो मसीह पै बिश्वास करण आळे मर लिये सै, वे भी नाश होए। 19 जै हम सिर्फ इस्से जीवन म्ह मसीह तै आस राख्वां सां, ना के आण आळी दुनिया के खात्तर, तो हम सारे माणसां तै घणे अभागे सां। 20 पर सच म्ह- ए परमेसवर नै मसीह ताहीं मुर्दा म्ह तै जिन्दा करया सै, अर वो पैहला माणस सै, जो मेरे होया म्ह तै जिन्दा करया गया। 21 क्यूँके जिब एक माणस आदम के जरिये दुनिया म्ह मौत आई, तो दुसरा माणस मसीह के जरिये मेरे होया का दोबारा जिन्दा हो जाणा भी होया। 22 अर जिस तरियां आदम के पाप के जरिये सारे माणस मरै सै, उस्से तरियां ए मसीह नै जो करया, उसके जरिये सारे माणस मेरे होया म्ह तै जिन्दा भी करे जावेंगे। 23 पर हरेक माणस इस तरियां जिन्दा होवैगा, परमेसवर नै पैहल्या मसीह ताहीं मेरे होया म्ह तै जिन्दा करया, फेर मसीह के आण पै परमेसवर उन लोगां नै भी जिन्दा करैगा जो मसीह के सै। 24 इसकै बाद दुनिया का अन्त होगा। उस बखत मसीह सारी

प्रधानता, अर सारा हक अर सामर्थ का अन्त करके राज्य नै परमेसवर पिता के हाथ म्ह सौंप देवैगा। 25 क्यूँके जिब तक परमेसवर अपणे बैरियां नै पूरी तरियां तै हरा ना देवै, तब तक मसीह का राज्य करणा जरूरी सै। 26 सारया तै आखरी बैरी जो नाश करया जावैगा, वो मौत सै। 27 पवित्र ग्रन्थ म्ह भजनकार नै लिख्या सै, के परमेसवर सब कुछ मसीह के अधीन कर देवैगा, तो यो तय सै, के परमेसवर शामिल कोनी, क्यूँके वोए सै जिसनै मसीह ताहीं अधिकार दिया सै। 28 जिब सब कुछ मसीह के अधीन हो जावैगा यानी बेटे के अधीन, तो बेटा आप भी परमेसवर के अधीन हो जावैगा, जिसनै उस ताहीं यो अधिकार दिया था। परमेसवर ए प्रभु सै, जो सब कुछ अर हर किसे म्ह काम करे सै। 29 जै मेरे होया का पुनरुत्थान कोनी, तो उस परम्परा का के मतलब सै, जिस म्ह माणस मेरे होया की जगहां पै बपतिस्मा लेण लागरे सै? जै परमेसवर मेरे होए माणस ताहीं जिन्दा न्ही करता, तो माणस इस परम्परा नै क्यूँ मानण लागरे सै? 30 म्हारे खात्तर जै मुर्दा का जी उठणा सै, तो खुद ताहीं खतरां म्ह गेरणा बेकूफी सै। 31 हे बिश्वासी भाईयो, मै हर दिन मौत का सामना करूं सूं, यो भी सच सै, के प्रभु यीशु मसीह म्ह मन्ने थारे पै गर्व सै। 32 मै इफिसुस नगर म्ह बड़ी तै बड़ी मुसीबतां म्ह तै गुजरा सूं, जो जंगली-जानवरों की तरियां मेरा बिरोध करै सै, तो मन्ने के फायदा होया? जै मुर्दे जिन्दे न्ही करे जावेंगे, तो हम कह सका सां, के “आओ, खावां-पीवां, क्यूँके काल तो मरणा ए सै।” 33 धोक्खा ना खाओ, “भुंडी संगति आच्छे चाल-चलण नै बिगाड़ देवे सै।” 34 अपणे सोच्यण के तरिकके नै ठीक कर ल्यो, अर पाप करणा छोड़ द्यो, क्यूँके कुछ इसे सै जो परमेसवर नै न्ही जाणदे। मै थमनै शर्मिन्दा करण के खात्तर न्यू कहूं सूं। 35 उदाहरण के तौर पै जै कोए न्यू कहवैगा, “के परमेसवर मुर्दा नै किस तरियां तै जिवावै सै, अर उनकी देह किसी होवै सै?” 36 हे निरे बेअक्लो! जिब तू बीज नै माट्टी म्ह बोवै सै, तो वो अंकुरित कोनी होवै सै, अर जिब वो अंकुरित होवै सै तो वो बीज कोनी रहन्दा। 37 जै तू गेहूँ या कोए दुसरा बीज बोवै सै, तो तू शरु म्ह ए पौधा न्ही लगान्दा, बल्के बीज नै ए लगावै सै, जो बाद म्ह पौधा बणै सै। 38 परमेसवर जिसा चाहवै उसा आकार पौधे नै देवै सै, हरेक ढाळ के बीज का उगण का अपणा अलग ए तरिककां होवै सै। 39 दुनिया के सब प्राणियां की देह एक जिसी कोनी होन्दी, माणसां की देह न्यारी सै, डांगरां की न्यारी सै, पंछियां की देह न्यारी सै, मच्छियां की देह न्यारी सै। 40 अर जिस तरियां धरती पै अलग-अलग तरियां की देह सै, उस्से तरियां अकास म्ह भी सूरज, चाँद अर तारे सै। अकास म्ह चिज्जां की एक अलग तरियां की खूबसूरती हो सै, अर धरती पै, की चिज्जां की खूबसूरती अलग ढाळ की हो सै। 41 सूरज का तेज न्यारा सै, चाँद का तेज न्यारा सै, अर तारा के टोळ का तेज न्यारा सै, (क्यूँके एक तारे तै दुसरे तारे के तेज म्ह फर्क सै)। 42 तो यो मेरे होए माणसां का जी उठणा भी इसाए

होगा। देह जिस तार्हीं वे दफणावै सै वो गळ जा सै, पर जिब यो फेर तै जी उठै सै, तो या एक इसी देह होगी जो गळै कोनी। 43 जिब म्हारी देह दफणाई जावै सै, तो वा बदसूरत अर कमजोर हो सै, पर जिब दुबारतै जीवन मिलै सै, तो वा सुथरी अर मजबूत हो सै। 44 जिस तरियां म्हारी देह माँस अर लहू तै बणी सै, इस्से तरियां इसी देह भी सै जिस तार्हीं जीवन परमेसवर के आत्मा के जरिये मिलै सै, अर जो म्हारी देह माँस अर लहू तै बणी सै, उस देह म्ह बदल जावैगा, जिस तार्हीं जीवन परमेसवर की आत्मा तै मिलै सै। 45 पवित्र ग्रन्थ म्ह भी लिख्या सै, के “पैहलड़ा माणस, यानिके आदम जिन्दा प्राणी बणया” अर आखरी आदम जो मसीह सै, वोए सै जो हमनै अनन्त जीवन देवै सै। 46 माँस अर लहू तै बणी देह पैहलव्या वजूद म्ह आई, फेर उस देह तार्हीं परमेसवर की आत्मा के जरिये जीवन मिलै सै। 47 पैहलड़ा माणस धरती तै, यानिके माट्टी तै बणया होया था, दुसरा माणस जो मसीह था सुर्ग तै आया। 48 धरती पै रहण आळे लोग, धरती के पैहले माणस आदम की ढाळ माट्टी तै बणे सै, पर सुर्ग म्ह रहण आळे लोग, सुर्ग के माणस मसीह यीशु की तरियां सै। 49 हम सबका रूप आदम की ढाळ सै, जो माट्टी तै बणया सै, उस्से तरियां एक दिन हमनै मसीह का रूप भी मिलेगा, जो सुर्गीय सै। 50 हे विश्वासी भाईयो, मै चाहूँ सूँ के थम जाण ल्यो, के म्हारी देह जो लहू अर माँस तै बणी सै, इस देह के साथ हम परमेसवर के सुर्गीय राज्य म्ह नही रह सकदे। हम सुर्ग म्ह उस देह के साथ नही रह सकदे जो नाश हो जावै सै, क्यूँके ओडै कोए मौत कोनी। 51 देखो, मै थारे तै एक भेद की बात बताऊँ सूँ, म्हारे म्ह तै कुछ विश्वासी मरै कोनी, पर उनकी देह बदल जावैगी। 52 अर यो पलभर म्ह, पलक झपकदे ए जिब आखरी तुरही फूक्की जावैगी तो मुँद सदा रहण खात्तर जिन्दा हो जावैगे, अर जो जिन्दा सै उनकी देह सुर्गीय देह म्ह बदल जावैगी। 53 क्यूँके यो जरूरी सै, ताके म्हारी या नाशवान देह अविनाशी देह म्ह बदल जावै, अर या मरणहार देह कदे ना मरण आळी देह म्ह बदल जावै। 54 जिब इसा होवै सै, तो जो परमेसवर नै पवित्र ग्रन्थ म्ह लिख्या सै, वो पूरा हो जावैगा, “भौत पूरी तरियां तै हार जावैगी अर वजूद म्ह कोनी रहवैगी। 55 हे मौत, तेरी जीत कित्त रही? हे मौत, तेरा डंक कित्त रहया?” (Hades g86) 56 पाप वो डंक सै जो मौत नै लेके आवै सै, अर नियम-कायदे पाप नै शक्ति देवै सै। 57 पर परमेसवर का धन्यवाद हो, जो म्हारे प्रभु यीशु मसीह के जरिये हमनै पाप अर मौत पै जयवन्त करै सै। 58 ज्यांतै हे मेरे प्यारे भाईयो, मजबूत अर पक्के रहो, अर प्रभु के काम म्ह सारी हाण बढ़ते जाओ, क्यूँके थम जाणो सो के थारी मेहनत प्रभु म्ह बेकार नही सै।

**16** इब यरुशलेम नगर म्ह परमेसवर के पवित्र माणसां के खात्तर कट्टे करे गये उस चन्दे के बारे म्ह, जिसा हुकम मन्ने गलातिया परदेस की सारी कलीसियां तार्हीं दिया, उसाए थम भी करो। 2 हफतै कै पैहलड़े दिन थारे म्ह तै हरेक,

अपणी आमदणी के मुताबिक कुछ धन अपने धोरे अलग धरो, ताके मेरे आण पै थमनै चन्दा कट्टा करणा नही पड़े। 3 अर जिब मै ओडै होऊँगा, तो उन माणसां तार्हीं दान लेण खात्तर यरुशलेम भेज्जूँगा जिन तार्हीं थमनै भरोस्सेमंद समझा सै, मै उन विश्वासियां के हाथ एक चिट्ठी भी भेज्जूँगा ताके ओडै के विश्वासी भी उन तार्हीं जाण सके। 4 जै मेरा भी जाणा जरूरी होया, तो वे मेरे गेल्या जावैंगे। 5 पर मन्ने पैहले मकिदुनिया परदेस जाणा सै, फेर मै मकिदुनिया परदेस तै होके थारे धोरे आऊँगा। 6 पर हो सकै सै, के थारे धोरे ए लम्बे बखत तार्हीं ठैहर जाऊँ, अर पूरा जाड्डा थारे धोरे रहूँ, फेर जिस सफर पै मन्ने जाणा हो उसपै थम मन्ने भेज दिया। 7 जै या परमेसवर की इच्छा सै, तो मै थारे धोरे बाद म्ह, घणे दिनां खात्तर आऊँगा, बजाए इसके के इब मै थोडे दिनां खात्तर, थारे धोरे आऊँ। 8 पर मै पिन्तेकुस्त त्यौहार तक इफिसुस नगर म्ह रहूँगा, 9 क्यूँके याडै भोत सारे लोग सै, जो परमेसवर के वचन के बारे म्ह सुणाणा चाहवै सै, अर मेरा याडै रहणा जरूरी सै, हालाकि याडै मसीह के भोत बिरोधी सै। 10 जिब तीमुथियुस कुरिन्थुस नगर म्ह आ जावै सै, तो उसके गैल सम्मानपूर्वक बरताव करियो, क्यूँके वो मेरी तरियां प्रभु का काम करै सै। 11 ज्यांतै कोए उसनै तुच्छ नही जाणै, पर जो सफर खात्तर जरूरी चीज सै उसनै दे दिओ, ताके वो मेरे धोरे आ जावै, क्यूँके मै उसकी बात देखूँ सूँ, के वो विश्वासी भाईयाँ के गैल आवै। 12 विश्वासी भाई अपुल्लोस तै मन्ने घणी बिनती करी सै, ताके वो थारे धोरे और दुसरे विश्वासी भाईयाँ के गेल्या आ जावै, पर वो इस सफर के खात्तर तैयार कोनी, पर जिब सही बखत होगा तो वो थारे धोरे आ जावैगा। 13 चौक्कस रहो, विश्वास म्ह डटे रहो, निडर बणे रहो, विश्वास म्ह मजबूत बणो। 14 जो किमे करो सो प्यार तै करो। 15 हे विश्वासी भाईयो, थम स्तिफनास कै कुणबे नै जाणो सो के वे अखाया परदेस के पैहले विश्वासी सै, अर पवित्र माणसां की सेवा के खात्तर त्यार रहवै सै। 16 ज्यांतै मै थारे तै बिनती करूँ सूँ, के इस्यां के अधीन रहो, बल्के हरेक के जो इस काम म्ह कड़ी मेहनती करै सै, अर जो सच्ची भगति के साथ सेवा करै सै। 17 मै स्तिफनास अर फूरतूनातुस अर अखडकुस के आण तै राज्जी सूँ, क्यूँके वो मेरी मदद करण लागरे सै, जो थम नही कर पाए। 18 उननै मेरी अर थारी आत्मा तार्हीं चैन दिया सै, इस करके इसे माणसां का आदर करो। 19 आसिया की कलीसियाओं की ओड़ तै थारे तार्हीं नमस्कार, अकिवला अर उसकी घरआळी, प्रिसकिल्ला का अर उनके घर की कलीसिया का भी, थारे तार्हीं प्रभु म्ह दिल तै नमस्कार। 20 सारे विश्वासी भाईयाँ का थारे तार्हीं नमस्कार। आप्स म्ह एक-दुसरे तार्हीं गळे मिलके प्यार तै नमस्कार करो। 21 मुझ पौलुस का थारे तार्हीं अपने हाथ तै यो नमस्कार लिखूँ सूँ। 22 जै कोए प्रभु तै प्यार नही राक्खै तो वो श्रापित होवै। हे म्हारे प्रभु आ! 23

प्रभु यीशु का अनुग्रह थरे पै होन्दा रहवै। 24 मै उन सारया तै  
प्यार करै सं, जिनका मसीह यीशु के साथ रिश्ता सै। आमीन।

## 2 कुरिन्थियों

1 या चिट्ठी पौलुस अर म्हारे बिश्वासी भाई तीमुथियुस की ओड़ तै सै, मै पौलुस परमेसवर की इच्छा तै मसीह यीशु का प्रेरित सं, उस कलीसिया के नाम जो कुरिन्थुस नगर म्ह सै; अर साबते अखाया परदेस के सारे पवित्र माणसां के नाम। 2 हम प्रार्थना करा सां, के पिता परमेसवर अर प्रभु यीशु मसीह की ओड़ तै थारे ताहीं अनुग्रह अर शान्ति मिलदी रहवै। 3 म्हारै प्रभु यीशु मसीह के पिता अर परमेसवर का धन्यवाद होवै, जो दया का पिता, अर जो हमेशा तसल्ली देवै सै। 4 परमेसवर म्हारै सारे दुखां म्ह तसल्ली देवै सै, ताके हम उस तसल्ली के कारण जो परमेसवर म्हारै ताहीं देवै सै, उन ताहीं भी तसल्ली दे सका, जो इस तरियां के दुखां म्ह हो। 5 क्यूँके जिस तरियां मसीह म्ह हमनै घणे दुख होवै सै, उससे तरियां ए मसीह के जरिये हमनै घणी तसल्ली भी होवै सै। 6 जै हम दुख पावां सां, तो या थारी तसल्ली अर उद्धार के खातर, क्यूँके परमेसवर म्हारै ताहीं तसल्ली देवै सै, तो वो थमने भी तसल्ली देगा ताके थम धीरज कै गेल्या उन दुखां ताहीं सह लेओ सो, जिन नै हम भी सहवां सां। 7 अर म्हारी आस थारे बारे म्ह पक्की सै, क्यूँके हमनै बेरा सै, के थम जिस तरियां तै म्हारै दुखां म्ह साइड़ी सों, उससे तरियां तै थम म्हारी तसल्ली म्ह भी साइड़ी सों। 8 हे बिश्वासी भाईयो, हम चाहवां सां, के थम म्हारै उन दुखां नै जाणो, जो आसिया परदेस म्ह म्हारै पै पड्या, हम इसे भारया बोझ तै दबगे थे, वो बोझ म्हारे सहण तै बाहर था, उरै ताहीं के हमनै जिन्दा रहण की आस छोड़ दी थी। 9 बल्के हमनै अपणे मन म्ह समझ लिया था, के म्हारै ताहीं मार दिया जावैगा, अर हम अपणे-आप पै भरोस्सा ना राक्खां, बल्के परमेसवर पै भरोस्सा राक्खां, जो मरे होया नै जिन्दा करै सै। 10 उससे नै म्हारै ताहीं इसी बड्डी मुसीबत तै बचाया, अर बचावैगा, अर उसपै हमनै भरोस्सा सै, अर वो आगै भी म्हारै ताहीं बचान्दा रहवैगा। 11 जिस तरियां थम प्रार्थना कै जरिये म्हारी मदद करो सों, उन आशीषां कै खातर जो भोत सारे माणसां की प्रार्थना की बजह तै हमनै मिली सै, उसके कारण भोत-से माणस म्हारी ओड़ तै परमेसवर का धन्यवाद करै सै। 12 क्यूँके म्हारी अन्तरात्मा शुद्ध होण के कारण हम घमण्ड करा सां, अर दुनिया म्ह अर खास करके थारे बिच्चाळे, म्हारा चाल-चलण जो परमेसवर की ओड़ तै सै, वो पवित्रता अर सच्चाई सुधा था, ना के दुनियावी ज्ञान तै, पर परमेसवर के अनुग्रह के साथ था। 13 क्यूँके मन्ने अपणी चिट्ठियां म्ह हमेशा साफ-साफ लिख्या सै, ताके जिब थम उन चिट्ठियां नै पढ़ों तो आसानी तै समझ सकों, पर इब भी थम उन ताहीं ठीक तै न्ही समझ पाते, मन्ने आस सै के एक दिन जिब प्रभु यीशु बोहड़ के आवैगा, तो थम इन ताहीं पूरी तरियां समझ ल्योगे। तब हम थारे गर्व का कारण बणागे, अर थम भी म्हारै खातर गर्व का कारण बणागे। 15 मन्ने भरोस्सा सै, के थम

मेरी बातानै नै पूरी तरियां तै समझगे सों, इस करके मै पैहल्या थारे धोरै आणा चाहूँ था, ताके मेरे दुबारा आण तै थमनै दुगणी आशीष मिलै। 16 मेरी योजना या थी, के मै थारे धोरै तै होके मकिदुनिया परदेस म्ह जाऊँ, अर दुबारा मकिदुनिया परदेस तै थारे धोरै आऊँ; अर मै उम्मीद करूँ सं, के थम मन्ने यहूदिया परदेस के सफर खातर जरूरत की चीज देके मेरी मदद करोगे। 17 थम मेरे तै पूछ सकों सों, के मन्ने अपणी योजना क्यूँ बदली। थम के सोच्यों सों, के मन्ने या योजना लापरवाही तै बणाई, या फेर मै दुनिया के माणसां की तरियां सं? जिनके जुबान पै तो हों हो सै, अर मन म्ह ना हो सै। 18 जिसा परमेसवर बिश्वास जोगगा सै, उससे तरियां म्हारी बात भी बिश्वास जोगगी सै। 19 क्यूँके परमेसवर का बेटा यीशु मसीह जिसका म्हारै जरिये यानिके म्हारे अर सिलवानुस अर तीमुथियुस के जरिये थारे बिचाळे प्रचार होया, उस मसीह यीशु म्ह “हाँ” अर “ना” दोन्नु न्ही हो सकदे। पर उस म्ह “हाँ” ए “हाँ” होई। 20 क्यूँके परमेसवर के सारे वादे मसीह यीशु म्ह पूरे होए सै। ज्यांतै हम आमीन बोल्ला सां यानी “हाँ”, ताके म्हारै जरिये परमेसवर की महिमा होवै। 21 परमेसवर ए सै, जो हमनै थारे गेल्या मसीह म्ह मजबूत करै सै, परमेसवर नै म्हारै पै अपणी मोहर लगाके बयान्ने के रूप म्ह अपणा पवित्र आत्मा म्हारे मन म्ह बसाके म्हारे ताहीं चुण्या सै। 23 परमेसवर मेरी इस सच्चाई का गवाह सै के मै दुबारा कुरिन्थुस नगर म्ह ज्यांतै कोनी आया, के मै थमनै दुख देणा कोनी चाहूँ था। 24 इसका मतलब यो कोनी के हम बिश्वास कै बारे म्ह थारे पै हक जताणा चाहवां सां; पर थारे आनन्द म्ह साइड़ी सां, क्यूँके थम बिश्वास ए तै डटे रहो सो।

2 मन्ने अपणे मन म्ह न्यू ठान लिया था, के दुबारा थारे धोरै ओड़ आके थमनै दुख ना देऊँ। 2 क्यूँके जै मै थमनै उदास करूँ, तो थारे अलावा मन्ने आनन्द देण आळा कोए कोनी रह्या, सिर्फ थमे सों, जिस ताहीं मन्ने उदास करया। 3 अर मन्ने याए बात थारे तै ज्यांतै लिक्खी के कदे इसा ना हो के मेरे आण पै, जिनतै मन्ने आनन्द मिलणा चाहिये, मै उनतै उदास होऊँ; क्यूँके थम सारया पै मन्ने इस बात का भरोस्सा सै, के जो मेरा आनन्द सै, वोए थम सारया का भी सै। 4 बडे क्लेश अर दुखी मन तै मन्ने घणेए आँसू बहा-बहाके थारे ताहीं चिट्ठी लिखी, ज्यांतै न्ही के थम उदास होवो पर ज्यांतै के थम उस घणे प्यार नै जाण ल्यो, जो मन्ने थारे तै सै। 5 अर जै किसे नै उदास करया सै, तो मेरे ताहीं ए न्ही बल्के थोड़ा-थोड़ा थारे सारया ताहीं उदास करया सै, अर मै उसकी गलतियाँ के बारे म्ह इस्तै ज्यादा कुछ और न्ही कहणा चाहन्दा। 6 इसे माणस कै खातर या सजा जो सारे बिश्वासी भाईयां नै उस ताहीं देई सै, वा भतेरी सै। 7 ज्यांतै इस्तै भला यो सै, के उसका अपराध माफ करो अर उस ताहीं उत्साहित करो, इसा ना हो के वो माणस घणी उदासी म्ह डूब जावै। 8 इस कारण मै थारे तै बिनती करूँ सं के उस ताहीं अपणे प्यार का सबूत द्यो। 9 क्यूँके मन्ने यो ज्यांतै भी लिख्या था के

थमने परख ल्यूँ के थम मेरी सारी बातों नै मानण नै त्यार सो के न्ही। 10 जिस ताहीं थम किसे बाबत माफ करो सो, उस ताहीं मै भी माफ करूँ सुं, क्यूँके जिस बात के बारे मन्ने उस ताहीं माफ करया सै, जै वो सच म्ह माफी लायक था, तो मन्ने मसीह ताहीं हाजिर जाणके उस ताहीं थारे खात्तर माफ करया सै। 11 ताके शैतान का म्हारे पै दाँव ना चाल्लै। क्यूँके हम उसके बुरे इराद्यां तै अनजाण कोनी। 12 जिब मै मसीह का सुसमाचार सुणाण नै त्रोआस नगर म्ह आया, अर प्रभु नै मेरे ताहीं वचन सुणाण खात्तर एक राह खोल दिया। 13 अपणे विश्वासी भाई तीतुस ताहीं ओड़े ना पाकै, मेरे मन नै चैन कोनी मिल्या, ज्यातै विश्वासी भाईयाँ तै बिदा होकै मै मकिदुनिया परदेस म्ह बोहड़ गया। 14 पर परमेसवर का थन्यवाद हो, जो मसीह के साथ म्हारी संगति होण के कारण हमनै जीत के उत्सव म्ह लिये फिरे सै, इब परमेसवर म्हारे ताहीं खसबूदार इत्र की ढाळ मसीह का ज्ञान फैलाण खात्तर हरेक जगहां इस्तमाल करै सै। 15 हम परमेसवर कै खात्तर मसीह के जरिये, जळाई गई उस थूप की खस्बू की ढाळ सां, जो उद्धार पाण आळे अर नाश होण आळे दोनुआ कै खात्तर सै, यो परमेसवर का सुसमाचार सै, अर सारे माणसां धोरे फैल्लण लागरया सै। 16 कितन्याँ कै खात्तर तो मरण कै कारण मौत की गन्ध, अर कितन्याँ कै खात्तर जिन्दगी कै कारण जिन्दगी की खस्बू सां। कोए भी माणस इस काम नै न्ही कर सकता। 17 हम उन बरगे कोनी जो परमेसवर के वचन नै पईसा खात्तर प्रचार करै सै; पर यो जाण सां के परमेसवर नै म्हारे ताहीं भेज्या सै अर मन की सच्चाई तै हम उसका वचन आज्ञाकारिता अर मसीह अधिकार तै सुणावां सां, यो जाणके के परमेसवर म्हारे ताहीं देखै सै।

**3** के हम दुबारा अपणी बड़ाई करण लागे? या हमनै और माणसां की ढाळ सिफारिश की चिट्टियाँ थारे धोरे ल्याण की या थारे तै लेण की जरूरत सै? 2 थम म्हारे खात्तर एक चिट्टी की ढाळ साँ, जो म्हारे खात्तर सिफारिश करै सै, अर म्हारे दिलां पै लिक्खी होई सै, उस ताहीं सारे माणस पढ़ सकै, अर म्हारे भले काम्मां नै पिच्छाण सकै। 3 यो तो साफ दिक्खै सै के थम मसीह की चिट्टी के समान साँ, जो मसीह की ओड़ तै सै, जो म्हारी सेवकाई का फळ सै, अर जो स्याही तै पत्थर की पटियाँ पै न्ही, पर जिन्दे परमेसवर की आत्मा तै दिल की माँस रूपी पटियाँ पै लिक्खी सै। 4 हम इस करके कहां सां, के हम मसीह कै जरिये परमेसवर पै भरोस्सा करा सां। 5 हम यो न्ही कहन्दे के म्हारी कुछ करण की काबलियत खुद तै सै, पर वो काबलियत परमेसवर की ओड़ तै सै। 6 जिसने म्हारे ताहीं नये करार के सेवक होण कै लायक भी बणाया, मूसा के नियम-कायदा के सेवक न्ही, बल्के पवित्र आत्मा के सेवक सां; क्यूँके मूसा के नियम-कायदे ना मानण तै मौत आवै सै, पर पवित्र आत्मा जिन्दगी देवे सै। 7 मूसा नबी के नियम-कायदे जो पत्थर की पटियाँ पै लिखे गये थे, तब परमेसवर

की महिमा ओड़े जाहिर होई थी, उस कारण भोत बखत ताहीं इस्राएल के माणस मूसा नबी का चेहरा भी कोनी देखण पाए थे, क्यूँके उसका चेहरा तेजोमय था, उसके चेहरे का तेज ज्यादा बखत ताहीं कोनी रह सका, इस करके मूसा नबी ताहीं जो नियम-कायदे दिए गये थे, वे मौत नै लेकै आवै थे। तो पवित्र आत्मा का काम जो नये करार के मुताबिक सै, वो और भी तेजोमय होवैगा। 9 क्यूँके जिब माणसां नै कसूरवार बणाण आळा पुराण करार तेजोमय था, तो जो माणसां नै धर्मी बणाण आळा नया करार सै और भी तेजोमय होवैगा। 10 अर जो तेज पुराणे करार तै आवै था, उसका तेज जो इब नये करार तै आवै सै, उसके आगै कुछ भी कोनी। 11 क्यूँके जो तेज मूसा नबी के नियम-कायदा म्ह था, जिब वो जो घटदा जावे था, तोभी वो तेजोमय था, तो उस नये करार का तेज जो स्थिर सै, वो और भी तेजोमय होवैगा। 12 ज्यातै इसी आस राखकै हम हिम्मत कै गेल्या बोल्लां सां। 13 हम मूसा नबी की ढाळ न्ही, जिसनै अपणे मुँह पै पड़दा गेरया था। ताके इस्राएली माणस उस घटणआळे तेज कै अन्त नै ना देख पावै। 14 पर इस्राएल के माणसां की अकल खराब होगी, क्यूँके आज ताहीं पुराणा नियम पढ़ते बखत उनके दिलां पै वोए पड़दा पड्या रहवै सै, पर वो पड़दा मसीह पै विश्वास करण तै ए उठ जावै सै। 15 आज ताहीं जिब कदे भी मूसा नबी की किताब पढ़ी जावै सै, तो उन ताहीं पूरी तरियां समझ म्ह कोनी आन्दी। 16 पर जिब कदे वो यीशु मसीह पै विश्वास करैंगे, तो वो पड़दा उठ जावैगा। 17 प्रभु तो आत्मा सै: अर जित्त किते परमेसवर का आत्मा सै, ओड़े नियम-कायदे तै आजादी सै। 18 हम परमेसवर की महिमा इस तरियां देख्वां सां, जिस तरियां शीशे म्ह अपना मुँह, उस मुँह के आगै पड़दा कोनी, परमेसवर आत्मा सै। अर वो हमनै अपणे तेजस्वी स्वरूप म्ह थोड़ा-थोड़ा करके बदलता जावां सै।

**4** ज्यातै जिब म्हारे पै इसी दया होई के हमनै या परमेसवर के वचन प्रचार करण की सेवा मिली, तो हम हिम्मत न्ही हारते। 2 हमनै शर्मनाक अर गुप्त काम्मां ताहीं छोड़ दिया, अर ना चतुराई करते, अर ना परमेसवर के वचन नै तोड़-मरोड़ के पेश करा सां। पर परमेसवर के वचन की सच्चाई नै माणसां के स्याम्ही जाहिर करां सां, ताके हरेक माणस परमेसवर के स्याम्ही या गवाही दे सकै सै, के यो सच सै। 3 पर जै म्हारे सुसमाचार नै कोए समझ न्ही पावै, तो यो नाश होण आळा ए कै खात्तर गुप्त सै। 4 इस दुनिया के ईश्वर शैतान नै उन अबिश्वासियाँ की अकल ताहीं, आँधी कर दिया सै, ताके उस चाँदणे नै जो मसीह के तेजोमय सुसमाचार तै आवै सै, उस ताहीं देख ना सकै। जो दिखवै सै के परमेसवर किसा सै। (aiōn g165) 5 क्यूँके हम खुद नै न्ही, पर मसीह यीशु नै प्रचार करा सां, के मसीह यीशु ए प्रभु सै। अर अपणे बारे म्ह न्यू कहां सां, के हम यीशु के कारण थारे सेवक सां। 6 ज्यातै के परमेसवर नै कहा, “अन्धकार म्ह तै चाँदणा चमकै,” अर परमेसवर म्हारे दिलां म्ह

चाँदणा की तरियां समझ दे, ताके हम परमेसवर की महिमा नै समझ सका, जो यीशु मसीह म्ह सै। 7 हम माट्टी के बासणा की तरियां सां, जिस म्ह धन भरया सै, या घणी सामर्थ म्हारी न्ही, बल्के परमेसवर की सै। 8 हम चौगरदे तै क्ळेश तो भोग्गां सां, पर संकट म्ह न्ही पड़दे, म्हारै धौरै उपाय तो कोनी, पर निराश न्ही होन्दे। 9 सताए तो जावां सां, पर छोड़े न्ही जान्दे; गिराए तो जावां सां, पर नाश न्ही होन्दे। 10 हम हर बखत मौत के खतरे म्ह रहवां सां, जिस तरियां यीशु म्हारे खातर मरया गया, ताके हम दुसरे माणसां नै म्हारे उन काम्मां के जरिये दिखा सका, के यीशु म्हारे म्ह बसै सै। 11 क्यूँके हम जिन्दे जी सारी हाण यीशु कै कारण मौत खतरे म्ह रहवां सां, ताके मसीह यीशु का जीवन म्हारी मरण आळी देह म्ह जाहिर होवै। 12 इस करके हम मौत के खतरे म्ह रहवां सां, इसका नतिज्जा यो होगा के थमनै अनन्त जीवन मिलैगा। 13 पर हम तो प्रचार करते रहवांगे क्यूँके म्हारा बिश्वास उस भजनकार की ढाळ सै, जिसनै भजन संहिता म्ह कह्वा, “मै परमेसवर पै बिश्वास करूँ सूँ,” इस खातर बोल्लू सूँ। 14 इस करके हमनै बेरा सै के जिसनै प्रभु यीशु ताहीं मुर्दा म्ह तै जिन्दा करया, वोए परमेसवर हमनै भी यीशु म्ह जिन्दा करैगा, अर थारे गेल्या हमनै भी अपणी मौजूदगी म्ह ले जावैगा। 15 क्यूँके सारे दुख हमनै सहे, ताके भोत सारे लोग जाण सकै के परमेसवर कितना करुणामय सै, अर परमेसवर की महिमा कै खातर ज्यादा तै ज्यादा लोग उसका धन्यवाद करै। 16 ज्यातै हम हिम्मत न्ही हारते; हालाके म्हारी देह नाश होन्दी जावै सै, तोभी म्हारी अन्तरात्मा हर रोज नई होन्दी जावै सै। 17 क्यूँके म्हारी मौजूदा परेशानियाँ भोत छोटी सै, अर वो लम्बे बखत ताहीं कोनी रहवैगी। क्यूँके ये अनन्त महिमा का कारण बणौगी, जो म्हारे सोचण तै भी बड़ी सै। (aiōnios g166) 18 अर हम तो देखी होई चिज्जां ताहीं न्ही पर अनदेखी चिज्जां नै देखदे रहवां सां; क्यूँके देखी होई चीज माड़े-से दिन की सै, पर अनदेखी चीज सारी हाण बणी रहवै सै। (aiōnios g166)

**5** क्यूँके हमनै बेरा सै के पलभर का शारीरिक देह सरीखा घर जो हमनै मिल्या सै, जो नाश करया जावैगा, तो हमनै परमेसवर के कान्ही तै सुर्ग पै एक इसा घर मिलैगा, जो हाथ्थां तै बणया होया न्ही, पर सारी हाण खातर टिकाऊ सै। (aiōnios g166) 2 इस देह म्ह तो हम कराहरा अर बड्डी लालसा राक्खां सां, ताके अपणे सुर्गीय देह नै पैहर ल्या 3 क्यूँके सुर्गीय देह पैहरण तै हम उघाड़े न्ही पाए जावेंगे। 4 अर हम शारीरिक देह सरीखे घर म्ह रहन्दे होए बोझ तै दबे रोन्दे-पिटते रहवां सां, क्यूँके हम इसनै छोड़णा न्ही चाहन्दे, पर हम चाहवां सां के परमेसवर हमनै सुर्गीय देह देवै, ताके शारीरिक देह नाश होण कै बाद हमनै अनन्त राज्य म्ह सुर्गीय देह मिल जावै। 5 जिसनै म्हारै ताहीं जिस सुर्गीय देह के खातर त्यार करया सै, वो परमेसवर सै, जिसनै म्हारै ताहीं ब्याने म्ह पवित्र आत्मा भी दिया सै। 6 आखर म्ह हम सारी हाण होसला राक्खां सां, अर या जाणां सां

के जिब ताहीं हम देह म्ह रहवां सां, तब तक प्रभु के सुर्ग तै न्यारे सां, जो सुर्ग म्ह सै। 7 हम प्रभु यीशु पै बिश्वास करण तै जिवां सां, ना के उस ताहीं देख्खण तै। 8 ज्यातै हम होसला राक्खां सां, अर हम मरण कै बाद, देह तै न्यारे होकै प्रभु कै गेल्या रहणा हम और भी घणा बढ़िया समझां सां। 9 इस कारण म्हारै मन की इच्छा या सै, चाहे हम सुर्ग म्ह परमेसवर कै गैल रहवां, या धरती पै रहवां, पर हम उसनै भान्दे रहवां। 10 क्यूँके जरूरी सै के हम सब मसीह कै न्याय आसन कै स्याम्ही खड़े होवां, ताके हरेक माणस अपणे-अपणे आच्छे-भुन्दे काम्मां का बदला पावै, जो उसनै शारीरिक देह कै जरिये करे सै। 11 ज्यातै प्रभु का भय मानके हम माणसां ताहीं न्यू समझावां सां, के वे इस सच्चाई पै बिश्वास करै, अर परमेसवर जाणे सै के हम कौण सां, अर मै उम्मीद करूँ सूँ, के थम भी अपणी अन्तरात्मा म्ह हमनै आच्छी तरियां जाण ल्यो। 12 हम फेर भी अपणी बड़ाई थारे स्याम्ही कोनी करदे, बल्के हम अपणे बारै म्ह थारे ताहीं गर्व करण का मौक्का देवां सां, के थम उननै जवाब दे सको, जो अपणे मन की बजाये बाहरी रूप पै घमण्ड करै सै। 13 जै कोए कहवै के हम पागल सां, तो परमेसवर के खातर, अर जै श्याणे सा तो थारे खातर सां। 14 क्यूँके मसीह का प्यार हमनै मजबूर कर देवै सै। ज्यातै के हम न्यू समझां सां, के जिब एक माणस सारया कै खातर मरया तो सारे माणस मरगे। 15 अर मसीह इस कारण सारे माणसां खातर मरया ताके जो जिन्दे सै, वे आगै तै अपणे खातर न्ही जीवै, पर मसीह कै खातर जीवै, जो उनके खातर मरया अर दुबारा जिन्दा होग्या। 16 इस करके इब हमनै माणसां ताहीं दुनियावी नजरिये तै देखणा छोड़ दिया सै। हालाके एक बखत था, जिब हमनै मसीह ताहीं भी दुनियावी नजरिये तै देख्या था, पर इब न्ही, क्यूँके इब हम उस ताहीं जाणगे सां। 17 जै कोए मसीह म्ह बिश्वास करै सै, तो वो नयी जिन्दगी पा लेवै सै। पुराणा सुभाव चल्या जावै सै, अर नया सुभाव आ जावै सै। 18 ये सारी बात परमेसवर की ओड़ तै सै, जिसनै मसीह कै जरिये अपणे गेल्या म्हारा मेळ-मिलाप कर लिया सै, अर मेळ-मिलाप की सेवकाई का काम म्हारै ताहीं सौंप दिया सै। 19 यानिके परमेसवर नै मसीह म्ह होकै अपणे गेल्या दुनिया का मेळ-मिलाप कर लिया, अर माणसां के पापां का दोष उनपै न्ही लाया, अर याए बात मेळ-मिलाप का सन्देस सै, जो परमेसवर नै म्हारै ताहीं सौंप दिया सै। 20 ज्यातै, हम मसीह के राजदूत सां। परमेसवर म्हारै जरिये माणसां तै बिनती करण लाग रहया सै। हम मसीह की ओड़ तै थारे तै बिनती करा सां, के परमेसवर कै गेल्या मेळ-मिलाप कर ल्यो। 21 मसीह जो पाप तै अनजाण था, उससे ताहीं परमेसवर नै म्हारै खातर पापी ठहराया, ताके हम परमेसवर की नजर म्ह धर्मा बण जावां, क्यूँके यीशु मसीह नै म्हारे पापां का दण्ड अपणे उप्पर ले लिया।

**6** हम जो परमेसवर कै गैल काम करणीये सां, या बिनती करां सां, के उसका अनुग्रह जो थारे पै होया, उसनै बेकार ना

जाण धो। 2 क्यूँके पवित्र ग्रन्थ म्ह परमेसवर नै कह्या सै, “सही बखत पै मन्नै तेरी सुण ली, अर उद्धार कै दिन मन्नै तेरी मदद करी।” सुणो, इब्ने वो सही बखत सै; अर आज ए वो उद्धार का दिन सै। 3 हम परमेसवर कै गैल काम करणीया के कारण, हम किसे बात म्ह ठोक्कर खाण का कोए भी मौक्का कोनी देन्दे, ताके म्हारी सेवा पै कोए दोष ना आवै। 4 इस करके हम सारे हालातां म्ह खुद ताहीं परमेसवर के सच्चे सेवक के समान पेश करां सां, जिसा धीरज तै दुख सहण म्ह, गरीबी म्ह, हर बखत संकट सहण म्ह, 5 अर कोड़े खाण म्ह, कैद होण म्ह, रोळे-रब्दां म्ह, मेहनत म्ह, जागदे रहण म्ह, ब्रत करण म्ह, 6 पवित्रता म्ह, ज्ञान म्ह, धीरज म्ह, करुणा तै, पवित्र आत्मा तै, 7 सच्चे प्यार म्ह, सच कै वचन म्ह, परमेसवर की सामर्थ्य म्ह, हम धार्मिकता के हथियारां नै सोळे हाथ तै लड़ण खात्तर अर ओळे नै बचाव खात्तर इस्तमाल करां सां। 8 जबि माणस हमनै आच्छे या बुरे माणस कहवै, जबि वे म्हारी बड़ाई करै या अर बेजती करै, तो हम भकाण आळे जिसे लाग्गा सां, तोभी सच्चे सां। 9 कई माणस हमनै अनजाणा कै बरगे समझै सै, तोभी हम मशहुर सां, मेरे होए बरगे दिक्खां सां पर देक्खो जिन्दे सां, मार खाण आळा के बरगे सां पर जी तै कोनी मारे जान्दे। 10 म्हारा पै भी दुख का बखत आवै सै, पर हम सारी हाण अनन्दित रहवां सां, हम खुद तो कंगालां की तरियां सां, पर घणखरयां नै आत्मिक रूप तै साहूकार बना देवां सां, हम इसे सा जिस ढाळ म्हारै धोरै किमे कोनी, तोभी सारा किमे सै, येए सारी बात हमनै परमेसवर का सच्चा सेवक बणण म्ह मदद करे सै। 11 हे कुरिन्थियों नगर के बिश्वासियों, हमनै खुलकै थारे तै बात करी सै, हम पूरे मन तै थारे तै प्यार करां सां। 12 म्हारै मन म्ह थारे खात्तर प्यार कम नही होन्दा, पर थारा प्यार म्हारे खात्तर कम होग्या। 13 पर मै अपणे बाळक जाणकै थारे तै कहूँ सूँ, के थम भी उसकै बदले पूरे मन तै म्हारे तै प्यार करो। 14 अबिश्वासियों कै गैल साझीदार ना बणो, क्यूँके धार्मिकता अर अधर्म का मेलजोल कोनी। या चाँदणे अर अन्धकार की संगति कोनी होन्दी। 15 अर मसीह का शैतान कै गैल कोए रिश्ता कोनी होन्दा, या बिश्वासी कै गेल्या अबिश्वासी का कोए नात्ता कोनी। 16 अर परमेसवर कै मन्दर म्ह मूर्तियाँ का काम कोनी। क्यूँके हम तो जिन्दे परमेसवर के मन्दर सां, जिसा परमेसवर नै पवित्र ग्रन्थ म्ह कह्या, “मै अपणे माणसां के गैल रहूँगा, अर उन म्ह हान्ड्या-फिरया करूँगा, अर मै उनका परमेसवर होऊँगा, अर वे मेरे माणस होवेंगे।” 17 ज्यांतै प्रभु अपणे वचनां के जरिये कहवै सै, “उन माणसां के बिचाळै तै लिक्डो जो परमेसवर ताहीं नही मानते, अर न्यारे रहो, अर अशुद्ध चिज्जां तै कोए रिश्ता ना राक्खों, तो मै थमनै अपनाऊँगा। 18 अर मै थारा पिता होऊँगा, अर थम मेरे बेटे अर बेटियाँ होओगे। यो सर्वशक्तिमान प्रभु का वचन सै।”

**7** हे प्यारे बिश्वासी भाईयो, जबि हमनै वो वादा मिल्या सै, ताके हम परमेसवर की ऊलाद कुहावां, तो आओ, हम

अपणी देह अर आत्मा नै गंदा करण आळे सारे बुरे काम छोड़ द्या, अर परमेसवर का भय मानते होए पूरी रीति तै अपणे-आपनै पवित्र करण की कोशिश करां। 2 थम म्हारे तै पूरे मन तै प्यार करो। हमनै ना किसे पै जुल्म करया, ना किसे गैल अन्याय करया, अर ना किसे ताहीं ठग्या सै। 3 मै थमनै कसूरवार ठहराण कै खात्तर न्यू नही कहन्दा। क्यूँके मै पैहल्याए तै कह चुक्या सूँ, के हम थारे ताहीं पूरे मन तै प्यार करां सां, अर हम थारे गेल्या जीण-मरण कै खात्तर भी त्यार सां। 4 मै थारे तै घणे बिश्वास कै गेल्या बोल्लण लागरया सूँ, मन्नै थारे पै घणा गर्व सै, मै बड़ा उत्साहित सूँ। अपणे सारे क्लेश म्ह, मै आनन्द तै घणा भरपूर रहूँ सूँ। 5 त्रोआस नगर तै जबि हम मकिदुनिया परदेस म्ह आये, फेर भी म्हारी देह नै चैन कोनी मिल्या, पर हम चौरगदे तै क्लेश पावां थे, बाहरणै लड़ाई-झगड़े थे, म्हारे मन म्ह डरावणी बात थी। 6 तोभी दुखियाँ ताहीं तसल्ली देणआळे परमेसवर नै तीतुस कै आण तै म्हारे ताहीं उत्साहित करया। 7 ना सिर्फ उसके आण तै, पर उस उत्साह के जरिये भी, जो तीतुस नै थारे म्ह पाया, उसनै थारी लालसा, थारे दुख, अर मेरै खात्तर थारी धुन की खबर म्हारै ताहीं सुणायी, जिसतै मन्नै और भी खुशी होई। 8 मै पसताऊ कोनी, के मन्नै थारे ताहीं चिट्ठी लिखी, हालाकि मन्नै अपणी चिट्ठी तै थारे ताहीं दुखी करया, मै पैहल्या तो पछताया, जबि मन्नै देख्या के थम मेरी चिट्ठी तै थोड़े बखत खात्तर तो उदास होए सों। 9 पर इब मै खुश सूँ, ज्यांतै नही के मन्नै थारे ताहीं दुख पोंहचाया, बल्के ज्यांतै के थमनै उस दुख कै कारण पाप करणा छोड़ दिया, क्यूँके थम दुखी थे, जिसा परमेसवर चाहवै था, के म्हारी ओड़ तै थमनै किसे बात का नुकसान ना पोहोचै। 10 क्यूँके परमेसवर की ओड़ तै मिलण आळा दुख, पापां नै छोड़ण का कारण बणै सै, जिसका नतिज्जा छुटकारा सै, उस तरियां के दुख का पछतावा कोनी होन्दा। पर दुनिया तै मिलण आळा दुख अनन्त मौत का कारण बणै सै। 11 इस करके सुणो, परमेसवर की ओड़ तै मिलण आळे दुख तै थम कितने गुणवाण बण गये, थारे म्ह कितना उत्साह, जबाबदारी, रिस, भय, लालसा, धुन अर बदला लेण का विचार छोड़णा, थमनै सारी तरियां तै न्यू साबित कर दिया सै, के थमनै इन सारी बात्तां म्ह कोए कमी कोनी छोड़्यी। 12 फेर मन्नै पैहले जो थारे धोरै वो चिट्ठी लिखी थी, वा ना तो उसकै कारण लिखी, जिसनै नाईसाफी करी, अर ना उसकै कारण जिसके साथ नाईसाफी करी गई, पर ज्यांतै के थारा जोश जो म्हारै खात्तर सै, वो परमेसवर कै स्याम्ही थारे पै जाहिर हो जावै। 13 ज्यांतै हमनै तसल्ली मिली, म्हारी तसल्ली तो तीतुस की खुशी के कारण सै, म्हारे ताहीं और भी घणी खुशी होई क्यूँके उसका मन थारे कारण और भी ज्यादा खुशमिसाज होग्या सै। 14 क्यूँके जै मन्नै उसके स्याम्ही थारे बारे म्ह कुछ गर्व दिखाया, तो मै शर्मिन्दा कोनी होया, पर जिसा हमनै थारे तै सारी बात सच-सच कह दी थी, उससे तरियां ए म्हारा गर्व दिखाणा तीतुस

कै स्याम्ही भी सच्चा लिकड़या। 15 जिब तीतुस ताहीं थम सारया के आजाकारी होण की बात याद आवै सै, अर किस ढाळ थम डरदे अर काम्बदे होए उसतै मिले, तो उसका प्यार थारे खात्तर और भी बधता जावै सै। 16 मन्ने घणी खुशी हो सै, क्यूँके मन्ने हरेक बात म्ह थारे पै पूरा भरोस्सा सै।

**8** इब हे बिश्वासी भाईयो, हम थमने परमेसवर के उस अनुग्रह की खबर देवां सां, जो मकिदुनिया परदेस की कलीसिया के बिश्वासियाँ पै होया सै। 2 उनकी परख बड़ी मुसीबतां म्ह होवै सै, अर घणी गरीब होण पै भी खुशी अर खुल्ले दिल तै दुसरे बिश्वासियाँ की मदद करी। 3 उनकै बारे म्ह मेरी या गवाही सै, के उननै जितना दे सकै थे दिया, बल्के उसतै भी ज्यादा बढ़कै दिया। 4 उननै भोत ज्यादा बिनती करी के यो दान उन बिश्वासी भाईयाँ म्ह बाट्या जावै जो यरुशलेम नगर म्ह सै। 5 उननै म्हारी सोच तै भी बढ़कै करया, उननै पैहल्या काम यो करया, के उननै अपने-आप ताहीं परमेसवर के खात्तर अर फेर म्हारे खात्तर अपने-आप ताहीं भी दे दिया, जिसा के परमेसवर चाहवै था के वो इसा करै। 6 ज्यांतै हमनै तीतुस तै बिनती करी, के जिस तरियां उसनै पैहल्या इस दान देण के काम की शरूआत करी थी, उससे तरियां ए वो इस सराहनीय काम ताहीं थारे बिचाळै पूरा भी करै ले। 7 ज्यांतै जिसा थम हरेक बात म्ह यानिके बिश्वास, वचन प्रचार करण म्ह, ज्ञान अर सारी ढाळ की कोशिश म्ह, अर उस प्यार म्ह जो म्हारे तै करो सो, बढ़दे जाओ सो, उससे तरियां ए गरीब बिश्वासियाँ खात्तर दान देण म्ह भी बढ़ते जाओ। 8 मै थमनै कोए हुकम कोनी देंदा, मै सिर्फ बाकियाँ के उत्साह तै थारे प्यार की सच्चाई नै परखण लागरया सूं। 9 थम म्हारे प्रभु यीशु मसीह कै अनुग्रह नै जाणो सो, के वो धनी होकै भी थारे खात्तर कंगाल बण गया, ताके उसकै कंगाल हो जाण तै थम धनी हो जाओ। 10 पिच्छली साल थमनै दान दिया बल्के दान देण की इच्छा म्ह आगै भी थे, इस बारें म्ह मै थमनै एक सलाह देणा चाहूँ सूं, के दान देण का सब तै बढ़िया तरिकका के सै? 11 जो काम थमनै शरू करया सै, उस ताहीं पूरा भी करो। इस काम के खतम होण तक, इसे तरियां उत्साहित बणे रहों, जिस तरियां उसकी योजना तैयार करते बखत थे। इस काम नै अपनी पूंजी अर काबलियत कै मुताबिक पूरा भी करो, जो इस बखत थारे धोरै सै। 12 जै किसे की दान देण की इच्छा हो, तो जो कुछ उसके धोरै सै, उससे कै मुताबिक उसका दान लिया जावैगा, ना के उसके मुताबिक जो उसके धोरै कोनी। 13 म्हारा मतलब यो कोनी के दुसरयां की भलाई करण तै थम खुद दुख सहो, म्हारा मकसद सिर्फ सब कै साथ एक जिसा बरताव करो। 14 इस बखत तो थारी बढ़ोतरी उनकी जरूरत पूरी करण के खात्तर भोत सै, कदे यो भी हो सकै सै, के थमनै खुद नै जरूरत पड़े अर वे अपनी बढ़ोतरी म्ह तै थारी मदद करै फेर दोन्नु पक्ष बरोबर हो जावेंगे। 15 जिसा के पवित्र ग्रंथ म्ह लिख्या सै, “जिसनै घणा कठ्ठा करया उसनै कुछ भी घणा

न्ही पाया। अर जिसनै घाट कठ्ठा करया उसनै कुछ कमी कोनी होई।” 16 परमेसवर का धन्यवाद होवै, जिसनै थारे खात्तर वाए चिंता तीतुस कै मन म्ह दे दी। 17 जिब हमनै उस ताहीं थारे धोरै आण खात्तर बिनती करी, तो उसनै म्हारी बिनती मान ली, अर घणा उत्साहित होकै वो अपनी मर्जी तै थारे धोरै चल्या गया। 18 हमनै उसके गेल्या उस बिश्वासी भाई ताहीं भी भेज्या सै, जिसका नाम सुसमाचार फैलाण के बारें म्ह सारी कलीसिया म्ह फैल्या होया सै। 19 अर इतणाए न्ही, पर वो कलीसिया के माणसां कै जरिये ठहराया भी गया, ताके इस दान के काम के खात्तर म्हारे गेल्या जावै। हम दान देण की या सेवा यरुशलेम के बिश्वासियाँ ताहीं ज्यांतै करा सां के प्रभु की महिमा अर सेवा करण म्ह म्हारे मन की तयारी जाहिर हो जावै। 20 हम इस बात म्ह चौककस रहवां सां के खुल्ले दिल तै दान देण की सेवा के इस काम के बारे म्ह जो हम करा सां, कोए म्हारे पै दोष ना लाण पावै। 21 क्यूँके जो बात सिर्फ प्रभु ए कै स्याम्ही न्ही, पर माणसां कै स्याम्ही भी भली सै हम उननै आच्छी तरियां तै करां सां। 22 हमनै उसके गेल्या अपने एक और बिश्वासी भाई ताहीं भी भेज्या सै, जिस ताहीं हमनै बार-बार परख के घणी बाततां म्ह हौसलै आळा पाया सै; पर इब थारे पै उसनै घणा भरोस्सा सै, इस कारण वो और भी घणा हौसलै आळा सै। 23 जै कोए तीतुस के बारे म्ह बुझै, तो वो मेरा मित्तर अर थारे खात्तर मेरे गैल काम करणीया सै, अर जै कोए म्हारे बिश्वासी भाईयाँ के बारे म्ह बुझै, तो वे कलीसियाओं के भेजे होए अर मसीह नै महिमा देण आळै सै। 24 इस करके कलीसियाओं के बिश्वासियाँ स्याम्ही अपने प्यार नै जाहिर करण के जरिये साबित करो, के म्हारा थारे बारें म्ह गर्व करणा साच्चा सै।

**9** मन्ने इब उन पवित्र माणसां नै जो यरुशलेम म्ह रहवै सै, उन ताहीं दान देण की सेवकाई कै बारे म्ह लिखण की जरूरत कोनी। 2 क्यूँके मदद करण की थारी मन की लालसा नै मै पैहले तै ए जाणु सूं, जिसकै कारण मै थारे बारे म्ह मकिदुनिया कलीसिया के बिश्वासी भाईयाँ कै स्याम्ही गर्व करूँ सूं, के थम अखाया परदेस के माणस एक साल पैहल्या तै दान देण खात्तर तयार थे, अर थारे जोश नै घणखरे मकिदुनिया परदेस के बिश्वासियाँ ताहीं भी दान देण खात्तर उत्साहित करया सै। 3 पर मै थारे धोरै तीतुस अर दो बिश्वासी भाईयाँ नै भेज्नु सूं, के हमनै जो गर्व थारे बारे म्ह दिखाया, वो इस बात म्ह बेकार ना ठहरै; पर जिसा मन्ने कह्या उसाए थम यरुशलेम के बिश्वासी भाईयाँ नै दान देण खात्तर तयार रहो। 4 इसा ना हो के जिब मकिदुनिया के कुछ बिश्वासी भाई मेरे गेल्या आवै अर वो थमनै दान देण खात्तर तयार न्ही पावै, तो हो सकै सै, के हम थारे पै भरोस्से करण के कारण शर्मिन्दा होवां, पर थम म्हारे तै भी ज्यादा शर्मिन्दा होओगे। 5 ज्यांतै मन्ने बिश्वासी भाईयाँ तै या बिनती करणा जरूरी समझया के वे पैहल्या तै थारे धोरै जावै, अर जो दान देण का वादा थमनै करया था, उसका इन्तजाम कर ल्यो, जो थमनै

कंजूसी तै न्ही पर खुल्ले दिल तै देण खात्तर कइया। 6 पर बात या सै, जो थोड़ा-सा बोवै सै, वो थोड़ा-सा काट्टेगा भी, अर जो घणा बोवै सै, वो घणा काट्टेगा। 7 हरेक माणस जिसा मन म्ह सोचै उसाए दान करै, ना कुढ़-कुढ़ के अर मन म्ह दाब तै, क्यूँके परमेसवर राज्जी होके देण आळे तै प्यार करै सै। 8 परमेसवर इस योग्य सै, के वो थारे ताहीं भोत-ए घणा अनुग्रह दे, ताके सब कुछ थमने हर बात म्ह हर बखत पर्याप्त मात्रा म्ह मिलता रहवै, अर हरेक भले काम के खात्तर थारे धोरै भोत घणा होवै। 9 जिसा पवित्र ग्रन्थ म्ह लिख्या सै, “परमेसवर जरूरतमंदां नै खुल्ले दिल तै देवै सै, उसकी धार्मिकता सारी हाण बणी रहवै सै।” (aiōn g165) 10 परमेसवर ए सै जो किसानां नै बीज अर खाण खात्तर रोटी देवै सै। इस तरियां परमेसवर हमेशा थारे खात्तर धन देवैगा, ताके थम उन माणसां की मदद कर सकों जिन ताहीं धन की जरूरत सै। 11 थम हरेक तरियां तै आशीष पाओ, ताके थम खुल्ले दिल तै दे सकों, अर जिन थारा दान गरीब माणसां म्ह बाट्या जावै तो वे सारे परमेसवर का धन्यवाद करै। 12 क्यूँके इस दान की सेवकाई तै ना सिर्फ पवित्र माणसां की जरूरत पूरी होवै सै, पर भोत-से लोग भी दिल तै परमेसवर का धन्यवाद करै सै। 13 क्यूँके इस दान की सेवकाई नै सबूत मानकै, वे परमेसवर की महिमा करैगें, क्यूँके थमने मसीह के सुसमाचार के हुकम नै मानकै उस ताहीं अपनाया सै, अर गरीब विश्वासियाँ की मदद खुल्ले दिल तै करी सै। 14 अर वे थारे खात्तर परमेसवर तै प्रार्थना करै सै। वे थारे तै प्यार करै सै, क्यूँके वे जाणै सै, के परमेसवर नै थारे पै बड़ा अनुग्रह करया सै। 15 परमेसवर का उसके उस दान के खात्तर धन्यवाद हो। जिस ताहीं हम ब्यान न्ही कर सकदे।

**10** मै पौलुस, थारे ताहीं मसीह की दयालुता अर नम्रता के साथ बिनती करूँ सूँ, हालाके मन्ने अहसास सै के थमने इसा लागै सै, के आम्ने-साम्ने बात करण म्ह डरपोक सूँ, अर सिर्फ चिट्ठी लिखके शिक्षा देण म्ह ए साहसी सूँ। 2 मै थारे तै या बिनती करूँ सूँ, के जिन मै थारे धोरै आऊँ तो मन्ने उन माणसां तै कड़ाई तै बात ना करणी पड़े, जो ये सोचवै सै के हम दुनियावी तौर तरिककां के मुताबिक चाल्लण आळे सां। 3 हालाके हम इस दुनिया म्ह रहवां सां, पर हम इस दुनिया के बाकी माणसां की ढाळ लड़दे-झगड़ते कोनी। 4 हम इन्साना विचारां अर झूठी बहसबाजी नै नाश करण खात्तर दुनियावी हथियारां का न्ही पर परमेसवर के ताकतवर हथियारां का इस्तमाल करां सां। 5 हम इन्साना बहस-बाजी की बजह तै आण आळी हरेक रुकावट नै दूर कर देवां सां, जो माणसां नै परमेसवर तै दूर राखवै सै, हम उनकी बिद्रोही भावना नै कैद करके मसीह का आज्ञाकारी बणा देवां सां, 6 अर जिन वे पूरी रीति तै मसीह के हुकम नै मानण आळे बण जावै सै, तो हम मसीह यीशु के हुकम नै ना मानण आळा ताहीं दण्ड देवां सां। 7 थम बाहरी दिखावट पै ध्यान देओ सां। जै किसे माणस नै खुद पै यो भरोस्सा हो के वो मसीह

यीशु का सै, तो वो यो भी जाण ले के जिसा वो मसीह यीशु का सै, उससे तरियां हम भी मसीह यीशु के सां। 8 क्यूँके जै मै उस हक के बारे म्ह और भी गर्व करूँ, जो प्रभु नै थारे विश्वास ताहीं घटाण खात्तर न्ही पर थारे विश्वास नै बढ़ाण खात्तर म्हारे ताहीं दिया सै, तो मै शर्मिन्दा न्ही होऊँगा। 9 मै अपना चिट्ठियाँ के जरिये थमने डराण की कोशिश न्ही करदा। 10 क्यूँके थारे म्ह तै कई माणस कहवै सै, “की मेरी सारी चिट्ठी तो भोत कठोर अर असरदार सै; पर जिन मै आम्ने-साम्ने मिलु सूँ, तो मै कमजोर अर बोल्लण म्ह बेकार लागू सूँ।” 11 जो इसा कहवै सै, वो न्यू समझ लेवै के जिसा पीठ पाछै चिट्ठियाँ म्ह म्हारे सन्देश सै, उससे तरियां ए थारे स्याम्ही म्हारे काम भी होवैगें। 12 क्यूँके म्हारे म्ह या हिम्मत कोनी के हम अपने-आपने उन म्ह गिण्या अर मिलावां, जो अपना बड़ाई खुद करै सै, अर अपने-आप ताहीं आपस म्ह नाप-तौलके एक-दुसरे तै बरोबरी करके बेकूफ ठहरावै सै। 13 हम तो उस काम की हद तै बाहरणै घमण्ड कदे भी न्ही करागें, जो काम परमेसवर नै म्हारे ताहीं दिया सै, पर उससे हद तक जो परमेसवर नै म्हारे खात्तर ठहरा दी सै, अर उस म्ह थम भी आगे सो, अर उन कामां की हद म्ह ए घमण्ड करागें। 14 जिन हम पैहली बार थारे धोरै पोहचे तो हम घमण्ड करण म्ह उस हद नै न्ही लांघे जित्त परमेसवर नै म्हारे ताहीं काम करण खात्तर ठहराया था। उसने म्हारे ताहीं थारे इलाके म्ह काम करण खात्तर ठहराया था, अर हम थारे ताहीं मसीह का सुसमाचार सुणाण आळे पैहले माणस सां। 15 अर हम हद तै बाहरणै दुसरयां की मेहनत पै घमण्ड न्ही करदे; पर हमने आस सै के ज्यों-ज्यों थारा विश्वास बधता जावैगा त्यों-त्यों हम अपना हद के मुताबिक थारे कारण और भी माणसां ताहीं मसीह का सुसमाचार सुणा पावागें। 16 ताके हम थारी इलाके की हद तै परै दूर-दूर जगहां म्ह भी माणसां ताहीं सुसमाचार सुणावां, अर न्यू न्ही के हम दुसरयां की हद के भीत्तर बणे बणाए कामां पै घमण्ड करा। 17 पर जिसा के पवित्र ग्रन्थ म्ह लिख्या सै, जै कोए घमण्ड करै, तो वो प्रभु पै घमण्ड करै। 18 क्यूँके जो अपना बड़ाई करै सै वो न्ही, पर जिसकी बड़ाई प्रभु करै सै, वोए प्रभु की निगांह म्ह सही कुहावै सै।

**11** थम उन माणसां की सह ल्यो सां जो अपना खुद की बड़ाई करते रहवै सै, इस करके मै सोचु सूँ, के थम मेरी भी सह ल्योगे जै मै थोड़ा सां बेकुफां के जिसा बरताव करूँ, हाँ, मेरी सह भी ल्यो सो। 2 क्यूँके मै थारे तै प्यार करूँ सूँ, अर थारा ख्याल भी राखूँ सूँ, जिसा परमेसवर राखवै सै। थम एक पवित्र कुवारी के समान सां, जिसकी सगाई मन्ने सिर्फ मसीह यीशु तै करण की, अर उससे ताहीं साँपण का वादा करया सै। 3 पर मै डरूँ सूँ के जिस तरियां तै साँप नै अपना श्याणपत तै पैहली बिरबान्नी हव्या ताहीं भकाया, उससे तरियां ए थारे मन उस सीधाई अर पवित्रता तै जो मसीह के साथ चालण तै आवै सै, उसतै कदे बहक न्ही जाओ। 4 जै कोए थारे धोरै आके किसे

दुसरे यीशु का प्रचार करै, जिसका प्रचार हमने नही करया; या कोए और आत्मा थमने मिलै, जो पैहल्या ना मिला था; या और कोए सुसमाचार सुणावै, जिस ताहीं थमने पैहल्या नही मान्या था, तो थम इसने खुशी तै स्वीकार कर लेते। 5 मै तो समझूँ सूँ के मै किसे बात म्ह बड़े तै बड़े प्रेरितां तै घाट नही सूँ। 6 जै मै बोल्लण मै अनाड़ी सूँ, तोभी मन्ने सुसमाचार अर मसीह का ज्ञान सै। मन्ने थारे ताहीं जो भी ज्ञान सिखाया सै, वो ज्ञान मन्ने थारे ताहीं साबित करके दिखाया सै। 7 इस करके मन्ने थारे खात्तर परमेसवर के सुसमाचार का प्रचार मुफ्त म्ह करया, के थारे ताहीं ऊँच्चा करण के मकसद तै मेरा खुद ताहीं नरम बणा लेणा मेरा अपराध था? 8 मन्ने दुसरी कलीसिया तै दान कठा करया, ताके मै हर कीमत पै थारी मदद कर सकूँ, थम इस ताहीं चोरी करणा ना कहों। 9 अर जब मै थारे गेल्या था, अर मेरे ताहीं पईसा की कमी होई, तो मन्ने किसे पै बोझ नही गेरया, क्यूँके बिश्वासी भाईयाँ नै मकितुनिया परदेस तै आके मेरी जरूरत नै पूरा करया, अर मन्ने हरेक बात म्ह अपने-आप ताहीं थारे पै बोझ बणण तै रोक्वा, अर रोक्के रहूँगा। 10 जै मसीह की सच्चाई मेरे म्ह सै, तो अखाया परदेस म्ह कोए मन्ने इस घमण्ड तै नही रोकेगा। 11 मन्ने थारे तै पईसा नही लिया, क्यूँके इस खात्तर नही, के मै थारे तै प्यार कोनी करदा? परमेसवर नै न्यू बेरा सै, के मै थारे तै प्यार करूँ सूँ। 12 मै थारे तै आर्थिक मदद कोनी ल्यु, ताके मै उन माणसां नै घमण्ड करण तै रोक् सकूँ, जो या कहवै सै के हम भी परमेसवर की सेवा करां सां, जिसी थम करो सों। 13 क्यूँके इसे माणस झूठे प्रेरित, अर छळ तै काम करण आळे सै, अर मसीह के प्रेरित होण का झूठा दावा करै सै। 14 या किमे अचम्भे की बात कोनी क्यूँके शैतान खुद भी ज्योतिर्मय सुगंदूत का रूप धारण करै सै। 15 इस करके जै उसकै सेवक भी धर्म के सेवकां का सा रूप धरे, तो कोए बड़ी बात कोनी, पर उनका अन्त उनके काम्मां के मुताबिक होवेगा। 16 मै फेर कहूँ सूँ के, कोए मन्ने बेकूफ ना समझै, नही तो बेकूफ ए सोचके मेरी सह ल्यो, ताके माड़ा-सा मै भी घमण्ड कर सकूँ। 17 बेधड़क कहे होडी मेरी बात प्रभु की ओड़ तै कोनी, ये तो एक बेकूफ की घमण्ड म्ह कहे होडी बात सै। 18 जब के घणखरे माणस तो अपने दुनियावी जीवन पै घमण्ड करै सै, तो मै भी घमण्ड करूँगा। 19 थम तो श्याण होके खुशी तै बेकूफ की सह लेओ सों। 20 क्यूँके जब थमने कोए गुलाम बणा लेवै सै, या जो भी थारे धौरे सै सब ले लेवै सै, या फँसा लेवै सै, या अपने-आपने बड़ड़ा बणावै सै, या थारे मुँह पै थप्पड़ मारै सै, तो थम सह लेओ सो। 21 के थम न्यू सोच्यों सों, के मन्ने शर्मिन्दा होणा पड़ैगा क्यूँके मन्ने यो काम कोनी करया। पर जिस किसे बात म्ह कोए हिम्मत करै सै, मै बेकूफी तै कहूँ सूँ, तो मै भी हिम्मत करूँ सूँ। 22 के वे इब्रानी सै? मै भी इब्रानी सूँ। के वे इस्राएली सै? मै भी इस्राएली सूँ। के वे अब्राहम के वंशज सै? मै भी अब्राहम का वंशज सूँ। 23 के

वैए मसीह के सेवक सै--मै बेकूफ कै तरियां कहूँ सूँ-मै उनतै बाध सूँ। मन्ने उनतै घणी मेहनत करी सै, उनतै घणा बार-बार कैदी बणया सूँ, अनगणित बार पिट्या गया सूँ, कई बार मेरी जान संकट म्ह पड़ी। 24 पाँच बर मन्ने यहूदी अगुवां के हाथ तै उन्तालीस कोड़े खाए। 25 तीन बर मन्ने बेत खाई; एक बर मेरे पै पल्थर बरसाए गये; तीन बर जहाज, जिसपै मै चढ़या था, टूट गए; एक दिन अर एक रात मन्ने समुन्दर म्ह काट्या। 26 बार-बार मन्ने सफर करणा पड्या। कदे नदियाँ के, कदे डाकुआं के, कदे अपने देशवासियाँ के, कदे नगरां के, जात आळा तै, कदे गैर यहूदियाँ तै, कदे जंगळां के कदे समुन्दरां के, कदे झूठे बिश्वासी भाईयाँ के बिचाळे जोख्मां म्ह रहया। 27 मन्ने कई रात जाग के, भूख्खा-तिसाया रहके, जाड़े म्ह; उधाड़ा रह के, करडी मेहनत करी अर भोत सी मुसीबत सहण करी सै। 28 इन सारी मुसीबतां के अलावा रोज मेरे पै सारी कलीसियां की भलाई अर फिक्र का बोझ बणया रहवै सै। 29 जब कोए कलीसियां म्ह कमजोर हो सै, तो मै अपने-आपने कमजोर महसूस करूँ सूँ, मै दुखी हो जाऊँ सूँ, जब कोए किसे तै पाप करवावै सै। 30 जै घमण्ड करणा जरूरी सै, तो मै अपनी कमजोरी की बात्तां पै घमण्ड करूँगा। 31 परमेसवर, जो यीशु का पिता सै, वो सदा धन्य सै, जो जाणै सै के मै झूठ नही बोल्दा। (aiōn g165) 32 जब मै दमिश्क नगर म्ह था, तो अरितास राजा के राज्यपाल नै मेरे ताहीं कैदी बणाण के मकसद तै नगर म्ह पैहरा बिठा दिया था। 33 अर मै टोकरे म्ह बैठके खिड़की म्ह तै होके भीत पै तै तारया गया, अर उसकै हाथ तै बच लिंकड्या।

**12** ऊतो घमण्ड करणा मेरे खात्तर ठीक कोनी तोभी करणा पड़े सै; ज्यातै मै प्रभु के दिए होए दर्शनां अर प्रकाशनां का जिक्र करूँगा। 2 मै मसीह म्ह एक माणस नै जाणु सूँ; जिसने चौदहा साल हो लिए, मै नही जाणदा के वो माणस देह म्ह था, या फेर आत्मा म्ह था, सिर्फ परमेसवर ए जाणै सै, इसा माणस सबतै ऊँच्चे सुगं म्ह ठा लिया गया। 3 मै उससे बात नै दोहराऊ सूँ, मै नही जाणदा, के इसा होया था या फेर यो एक दर्शन था, परमेसवर ए जाणै सै। 4 के वो सुगंलोक पै ठा लिया गया, अर ओड़ै उसने इसी अदभुत बात सुणी, जिनका जिक्र करणा किसे भी माणस के बस का कोनी, वे बात दुसरे माणसां ताहीं बताणा मना सै। 5 इसे माणस पै तो मै घमण्ड करूँगा, पर अपने पै अपनी कमजोरियाँ नै छोड़, अपने बारे म्ह घमण्ड नही करूँगा। 6 क्यूँके जै मै घमण्ड करणा चाहूँ भी तो बेकूफ नही बणुगाँ, क्यूँके सच बोलूँगा; मै अपनी बड़ाई नही करणा चाहन्दा, इसा ना होवै के जिसा कोए मन्ने देक्खै सै या मन्ने सुणै सै, मन्ने उसतै बाध समझै। 7 मेरे ताहीं परमेसवर नै जो अदभुत बात दिखाई सै, उन ताहीं देखके मै घमण्ड म्ह ना जाऊँ, इस करके मेरी देह म्ह काण्डा चुभाया, यानिके शैतान का एक दूत मेरे घुस्से मारे ताके मै फूल नही जाऊँ। 8 इसकै बारे म्ह मन्ने प्रभु तै तीन बर बिनती करी के मेरे तै यो दूर हो जावै। 9

पर उसने मेरे तै कह्या, “मेरा अनुग्रह तेरे खात्तर भोत सै, क्यूँके मेरी सामर्थ कमजोरी म्ह सिध्द होवै सै।” ज्यातै मै घणा राज्जी होकै अपणी कमजोरी पै घमण्ड करुँगा के मसीह की सामर्थ मेरे पै छाया कर दी रहवै। 10 इस कारण मै मसीह के खात्तर कमजोरियाँ म्ह, अर बुराईयाँ म्ह, गरीबी म्ह, अर रोळयाँ म्ह, अर संकटां म्ह राज्जी सूं; क्यूँके जिब मै कमजोर होऊँ सूं, तभी मै मसीह की शक्ति म्ह मजबूत होऊँ सूं। 11 मै बेकूफ तो बण्या, पर थमनै ए मन्ने न्यू करण के खात्तर मजबूर करया। थमनै तो मेरी बड़ाई करणी चाहिये थी, क्यूँके ऊतो मै किमे भी कोनी, तोभी उन बड्या तै बड़े प्रेरितां तै किसे बात म्ह घाट कोनी सूं। 12 सच्चे प्रेरित के लक्खण भी थारे बिचाळै सारे ढाळ के धीरज सुधा निशान्नां, अर अनोक्खे काम्मां, अर सामर्थ के काम्मां तै दिखाए गये। 13 थम कौण-सी बात म्ह दुसरी कलीसियां तै घाट थे, सिर्फ इस म्ह के मन्ने थारे पै आर्थिक बोझ कोनी गेरया। मेरा यो अपराध माफ करो। 14 देखो, मै तीसरी बर थारे धोरे आण नै त्यार सूं, अर मै थारे तै कोए मदद नही ल्यूँगा, क्यूँके मै थारी सम्पत्ति नही बल्के थमनै ए चाहूँ सूं। क्यूँके बाळकां नै माँ-बाप के खात्तर धन कट्टा नही करणा चाहिये, पर माँ-बाप नै बाळकां के खात्तर धन कट्टा करणा चाहिये। 15 थारी आत्मा के भले खात्तर मै पक्का अपणा सब कुछ खर्च करण खात्तर तैयार सूं, बल्के आप भी खर्च हो जाऊँगा। मै थारे तै प्यार करूँ सूं, पर थम मेरै तै भोत कम प्यार करो सों। 16 कुछ भी हो, मै थारे पै बोझ कोनी बण्या। फेर भी कोए नै कोए मेरे पै यो दोष जरूर लगा सके सै, के मन्ने श्याणपत तै थारे ताहीं धोक्खा देके फँसा लिया। 17 मन्ने ना ए तो तीतुस अर ना ए किसे और के जरिये अपणे खात्तर थारे तै पईसे लिये। 18 मन्ने तीतुस ताहीं समझाके उसके गेल्या उस भाई ताहीं भेज्या। के तीतुस नै छळ करके थारे तै किमे लिया? के म्हारा सुभाव एक ए तरियां तै प्रेरित का नही था? के हम उनकी ए लीक पै नही चाल्ले? 19 थम इब भी योए समझरे सों, के हम थारे स्याम्ही बदले म्ह जवाब देण लागरे सां। हम तो परमेसवर नै हाजर जाणके मसीह म्ह बोल्लां सां, हे प्यारे विश्वासी भाईयो, हम ये सारी बात थमनै विश्वास म्ह मजबूत करण खात्तर कहां सां। 20 क्यूँके मन्ने इस बात का डर सै, कदे इसा ना हो के मै आकै जिसा चाहूँ सूं, उसाए थमनै पाऊँ; अर मन्ने भी जिसा नही चाहो सो उसाए पाओ; मन्ने इस बात का डर सै के ओड़े झगड़ा, जळण, छो, उदासी, बिरोध, चुगली, घमण्ड अर बखेड़े ना हों; 21 कदे इसा ना हो के जिब मै दुबारा आऊँ, तो मेरा परमेसवर मेरे ताहीं अपमानित करै। अर मन्ने घणखरयां खात्तर फेर दुखी होणा पड़े, जिन नै पैहल्या पाप करया था। अर भुन्डे काम अर जारी अर लुचपण के कारण पाप करणा नही छोड्या।

**13** पवित्र ग्रन्थ म्ह लिख्या सै, के दो या तीन गवाहां के मुँह तै हरेक बात सच साबित हो जावै सै। जिब मै दुसरी बार थारे तै मिलण आया था, तो मन्ने उन माणसां ताहीं चेतावनी

देई, जो पैहल्या तै पाप करण लागरे थे। इब मन्ने दुसरी बार चिट्ठी लिख के थारे ताहीं अर दुसरे बाकी माणसां तै भी चेतावनी देके कह्या के वे पाप ना करै। इब मै तीसरी बार थारे धोरे आण आळा सूं, अर जै इब भी उन माणसां नै पाप करणा नही छोड्या सै, तो कोए भी उननै परमेसवर के दण्ड तै बचा नही पावैगा। 3 मन्ने थारे तै कह्या सै, के उन ताहीं दण्ड मिलेगा पर फेर थम सबूत चाहों सों, के ये बात मै मसीह के जरिये बोल्लू सूं। अर जिब मसीह थारे ताहीं सुधारैगा तो थारे खात्तर कमजोर नही पर थारे बीच म्ह सामर्थी होगा। 4 वो कमजोर होते होए क्रूस पै चढ़ाया तो गया, तोभी परमेसवर की सामर्थ तै जिन्दा होया। हम भी तो मसीह के समान कमजोर सां, पर थारे खात्तर परमेसवर की सामर्थ तै हम उसके साथ जीवांगें। 5 अपणे-आप ताहीं परखो, के विश्वास म्ह सच्चे सां के नही। जै थम अपणे-आपनै सच्चा पाओ, तो थम इस बात नै जाण ल्योगे, के यीशु मसीह थारे म्ह वास करै सै। अर जै मसीह थारे म्ह वास नही करदा तो थम अपणे परखे जाण म्ह हारगे सों। 6 पर मेरी आस सै के थम या जाण ल्यो, के थम अपणे परखे जाण म्ह नही हारे। 7 भलाए थारे म्ह तै कईयाँ नै यो लागे सै के हम सच्चे प्रेरित कोनी। फेर भी हम अपणे परमेसवर तै या प्रार्थना करा सां के थम कोए बुराई ना करो, बल्के भलाई करो। 8 जै हम सच्चाई के बिरोध म्ह हम कुछ भी नही कर सकदे। हम सच के पक्षधर ए रह सकां सै। 9 जिब हम कमजोर सां अर थम ठाड़े सों, तो हम राज्जी होवां सां, अर या प्रार्थना भी करा सां, के थम विश्वास म्ह सिध्द हो जाओ। 10 इस करके मै थारे तै दूर रहके ये सारी बात लिखूँ सूं, के ओड़े आण पै, मन्ने प्रभु के जरिये दिए गये हक तै मन्ने थारे ताहीं दण्ड देणा ना पड़े, क्यूँके मै इस हक ताहीं थारे विश्वास ताहीं मजबूत करण खात्तर इस्तमाल करणा चाहूँ सूं, ना के थारे विश्वास नै कमजोर करण खात्तर। 11 हे विश्वासी भाईयो, आखर म्ह मै थारे तै कहणा चाहूँ सूं, के आनन्दित रहों, सिध्द बणदे जाओ, अर एक-दुसरे नै उत्साहित करो, एक ए मन रहों, मिल-जुल के रहों। अर प्यार अर शान्ति का देण आळा परमेसवर थारे गेल्या होवैगा। 12 आप्स म्ह एक-दुसरे तै गळे मिलके प्यार तै नमस्कार करो। 13 सारे पवित्र माणस थारे ताहीं नमस्कार कहवै सै। 14 प्रभु यीशु मसीह का अनुग्रह अर परमेसवर का प्यार अर पवित्र आत्मा का साइझापण थारे सारया के गैल होंदा रहवै।

# गलातियों

**1** या चिट्ठी मुझ पौलुस की ओड़ तै सै, मै प्रेरित होण के खात्तर बुलाया गया सूँ। मेरा प्रेरित होणा किसे माणस या माणसां की ओड़ तै न्ही बल्के यीशु मसीह के जरिये होया सै, जिस तार्हीं पिता परमेसवर नै मरे होए म्ह तै जिवाया। 2 या चिट्ठी गलातिया परदेस की कलीसियाओं के खात्तर, उन सारे बिश्वासी भाईयाँ की ओड़ तै सै, जो मेरे गेल्या सै। 3 मै प्रार्थना करूँ सूँ, के परमेसवर पिता अर म्हारे प्रभु यीशु मसीह की ओड़ तै थमनै अनुग्रह अर शान्ति मिलदी रहवै। 4 म्हारे परमेसवर अर पिता की मर्जी के मुताबिक मसीह यीशु नै अपणे-आप तार्हीं म्हारे पापां के कारण बलिदान कर दिया ताके हम आज की दुनिया के माणसां के बुरे असर तै बचे रहवां। (aiōn g165) 5 परमेसवर का गुणगान अर बड़ाई युगायुग होंदी रहवै। आमीन। (aiōn g165) 6 मन्नै अचम्भा होवै सै के परमेसवर नै थारे तार्हीं मसीह के अनुग्रह तै बुलाया उसतै थम इतनी तावळे भटक के अलग ए तरियां के सुसमाचार पै बिश्वास करण लागे। 7 सच्चा सुसमाचार एके सै, जो के मसीह का सै, पर बात या सै, के कुछ लोग इसे सै जो मसीह के सुसमाचार नै बदलना चाहवै सै, अर थमनै भरमाणा चाहवै सै। 8 पर जै म्हारे म्ह तै, या सुर्ग तै उतरया होया कोए सुर्गदूत भी उस सुसमाचार नै छोड़ जो हमनै थारे तार्हीं सुणाया सै, कोए अलग सुसमाचार थारे तार्हीं सुणावै, तो परमेसवर उस तार्हीं श्राप देगा। 9 जिसा हमनै पैहल्या कह्या सै, उसाए मै इब फेर कहुँ सूँ के उस सुसमाचार नै छोड़ जिस तार्हीं थमनै मान्या सै, जै कोए अलग सुसमाचार सुणावै सै, तो श्रापित हो। 10 मै माणसां नै खुश करण की कोशिश न्ही करदा, पर परमेसवर नै खुश करण की कोशिश करूँ सूँ, जै मै इब लग माणसां नै खुश करदा रहन्दा तो मसीह का दास न्ही होंदा। 11 हे बिश्वासी भाईयो, मै थमनै बता द्यु सूँ, के जो सुसमाचार मन्नै सुणाया सै, वो माणस के जरिये बणाया गया कोन्या। 12 क्यूँके वो मन्नै मेरे पूर्वजां, की ओड़ तै न्ही पोंहच्या, अर ना माणसां के जरिये सिखाया गया, पर यीशु मसीह नै सुसमाचार समझण म्ह मेरी मदद करी। 13 थमनै सुणा होगा के यहूदी पंथ म्ह जो मेरा चाल-चलण था वो किसा था, मै परमेसवर की कलीसिया के बिश्वासियाँ तार्हीं घणा काल अर उन तार्हीं नाश करण की कोशिश करया करूँ था। 14 अर मै यहूदी मत म्ह अपणे पूर्वजां की शिक्षा का अध्यन करण अर उन तार्हीं मानण म्ह अपणे हम उम्र के यहूदियाँ म्ह भोत उत्सुक था। 15 पर परमेसवर की जब इच्छा होई के वो मेरे पै अपणे बेटे नै जाहिर करे के मै गैर यहूदियाँ म्ह उसका सुसमाचार सुणाऊँ, उसनै मेरे तार्हीं मेरी माँ की कोख म्ह ए चुण लिया, अर अपणे अनुग्रह तै मेरे तार्हीं बुला लिया था। तो मन्नै किसे की राय कोनी ली, 17 अर ना यरुशलेम म्ह उनके धोरे गया जो मेरे तै पैहल्या प्रेरित चुणे गये थे, पर जिब्बे अरब देश म्ह चल्या गया अर फेर ओड़ै तै दमिश्क

नगर म्ह बोहड़ गया। 18 फेर तीन साल के पाछै मै पतरस जो प्रेरित सै उसतै मिलण खात्तर यरुशलेम गया, अर उसके धोरे पन्द्रह दिन तैई रह्या। 19 पर मै प्रभु यीशु मसीह के भाई याकूब नै छोड़ और किसे प्रेरित तै न्ही मिल्या। 20 परमेसवर मेरा गवाह सै के मन्नै थारे तार्हीं जो लिख्या सै उस म्ह कुछ भी झूठ कोनी। 21 उन प्रेरितां के मिलण के बाद मै सीरिया अर किलिकिया के परदेसां म्ह आया। 22 पर यहूदिया परदेस की कलीसियां के बिश्वासी भाईयाँ नै जो मसीह म्ह बिश्वास करै थे, उननै मेरा मुँह कदे न्ही देखा था, 23 पर न्युए सुणया करै थे के एक बखत था जो हमनै सताण आळा था, इब वोए उस बिश्वास का सुसमाचार सुणावै सै जिसनै पैहल्या नाश करै था। 24 अर वे मेरे बारे म्ह परमेसवर की बड़ाई लगातार करै थे।

**2** चौदहा साल के पाछै मै बरनबास के गेल्या फेर यरुशलेम नगर म्ह गया, अर तीतुस नै भी गेल्या लेग्या। 2 मै इस खात्तर ओड़ै गया क्यूँके परमेसवर नै मेरे तार्हीं ओड़ै जाण खात्तर कह्या था, अर जब मै ओड़ै था तो मै कलीसिया के अगुवां तै एकान्त म्ह मिला, अर उस सुसमाचार के बारे म्ह उन तार्हीं बताया, जो मै गैर यहूदियाँ म्ह प्रचार करूँ सूँ, ताके इसा ना हो के जो मन्नै पैहले अर जो इब भी करण लागरया सूँ, उसका कोए नतिज्जा ना लिकड़ै। 3 पर तीतुस जो मेरा संगी साथी सै अर जो यूनानी सै, उसका कदे खतना कोनी होया पर कलीसिया के अगुवां नै जो यरुशलेम म्ह सै उस तार्हीं अपणालिया, अर उननै उस तार्हीं खतना करण खात्तर मजबूर कोनी करया। 4 तो या बात एक समस्या बणगी, उन झूठे भाईयाँ के कारण होया जो चोरी तै घुस आये थे, के उस आजादी का जो मसीह यीशु म्ह हमनै मिली सै, भेद लेके हमनै यहूदी नियम-कायदा के दुबारा तै दास बणा दे। 5 उनके साथ एक पल भी हमनै सहमत होणा न्ही चाह्या, ताके थम सुसमाचार की सच्चाई के मुताबिक जिन्दगी जिओ। 6 उन कलीसिया के अगुवां तार्हीं जो यरुशलेम नगर म्ह थे, उननै मेरे तार्हीं मजबूर कोनी करया, के मै अपणे सन्देस नै बदलु, जो मै थमनै सिखाऊँ सूँ। इसतै कोए फर्क कोनी पड़ता, के वो अगुवें मेरे खात्तर के सै, क्यूँके परमेसवर बाहरी रूप नै देखके न्याय न्ही करदा। 7 पर इसके उल्ट जिब उन अगुवां नै देखा के परमेसवर नै पतरस तार्हीं हक दे राख्या सै, वो के यहूदी माणसां तार्हीं सुसमाचार सुणावै, उससे तरियां गैर यहूदियाँ के खात्तर मेरे तार्हीं भी सुसमाचार सुणाणा सौप्या गया। 8 (क्यूँके जिसनै पतरस तै यहूदी माणसां म्ह प्रेरिताई का काम बड़े असरदार ढंग तै करवाया, उससे नै मेरे तै भी गैर यहूदियाँ म्ह असरदार काम करवाया), 9 जो लोग कलीसिया के खम्भे समझे जावै थे, यानी याकूब, पतरस, अर यूहन्ना, उननै अनुग्रह का वो वरदान पिच्छाणा जो मेरे तार्हीं मिला सै। उननै मेरे तार्हीं अर बरनबास तार्हीं अपणा साथी समझके म्हारे तार्हीं खास सहभागी बणा लिया। वे इस बात खात्तर सहमत होंगे के हम गैर यहूदियाँ के धोरे जावै, अर वे यहूदियाँ के धोरे जावै। 10

उनने म्हारे तै सिर्फ याए बिनती करी के हम यरुशलेम के गरीब बिश्वासी भाईयाँ की मदद करां, अर इससे काम नै करण की मै खुद भी कोशिश करूँ था। 11 एक दिन जिब पतरस अन्ताकिया नगर म्ह आया, तो मन्ने बिश्वासी भाईयाँ के स्याम्ही उस ताहीं फटकारा, क्यूँके जो वो काम करै था वो गलत था। 12 वो पैहले गैर यहूदियाँ के गैल खाया-पिया करै था, जिब कुछ बिश्वासी जो याकूब नै यरुशलेम नगर म्ह भेज्जे थे, तो उसनै अपणे-आप ताहीं गैर यहूदियाँ तै अलग कर लिया, अर उनकै गैल खाना-पीणा छोड़ दिया अर उसनै यहूदी माणसां के डरके मारै इसा करया, क्यूँके वे चाहवै थे, के गैर यहूदियाँ का भी खतना हो। 13 पतरस के गेल्या बाकी बचे यहूदी माणस भी उसके कपट म्ह शामिल होंगे, अर उन म्ह बरनबास भी शामिल था। 14 पर जिब मन्ने देख्या के उनका सुभाव सुसमाचार की सच्चाई के मुताबिक कोनी, तो मन्ने सारे बिश्वासी भाईयाँ के स्याम्ही पतरस तै कह्या, “जिब तू यहूदी होके गैर यहूदियाँ की तरियां चाल्ले सै अर यहूदी माणसां की तरियां कोनी चाल्दा, तो तू गैर यहूदियाँ नै यहूदी माणसां की तरियां चालण खात्तर क्यूँ कहवै सै।” 15 हम तो जन्म तै यहूदी सां, अर पापी गैर यहूदियाँ म्ह तै कोन्या। 16 हम यहूदी बिश्वासी यो जाणा सां, के माणस मूसा नबी के नियम-कायदा तै न्ही, पर यीशु मसीह पै बिश्वास करण के जरिये परमेसवर की नजर म्ह धर्मी बणै सै, इस खात्तर हमनै खुद भी प्रभु यीशु मसीह पै बिश्वास करया, ताके हम नियम-कायदा तै न्ही, पर यीशु मसीह पै बिश्वास करण तै परमेसवर की नजर म्ह धर्मी बणा, क्यूँके के मूसा नबी के नियम-कायदा तै कोए माणस धर्मी न्ही बणैगा। 17 हम जो मसीह के जरिये परमेसवर की नजर म्ह धर्मी बणणा चांहा सां, बल्के इसके के हम मूसा नबी के नियम-कायदा नै मानण के जरिये, तो कुछ यहूदी हमनै पापी समझै सै (क्यूँके इब हम यहूदी नियम-कायदा नै कोनी मानते) तो के इसका मतलब यीशु मसीह नै म्हारे तै पाप करवाया, न्ही बिलकुल न्ही! 18 पर मै सचमुच म्ह पाप करूँ सूं जै मै उन कामां नै करूँ सूं, जिन ताहीं मन्ने छोड़ दिया था जिसा के माणस परमेसवर की नजर म्ह धर्मी बणणा चाहवै, मूसा नबी के नियम-कायदा के मानण के जरिये। 19 मै जाणु सूं, के मूसा नबी के नियम-कायदा के मानण तै मै धर्मी न्ही बण सकता, तो मै सोचु सूं, के मै नियम-कायदा कै खात्तर मर जाऊँ ताके परमेसवर के खात्तर मै सदा जिन्दा रहूँ। 20 यो इसा सै, के मान्नी जिसा मै मसीह कै गैल क्रूस पै मारया गया, अर इब मै जिन्दा न्ही रह्या, पर मसीह मेरे म्ह जीवै सै, अर इब जो मै जीण लागरया सूं, तो सिर्फ परमेसवर कै बेट्टै पै बिश्वास करण के जरिये जिसनै मेरे तै इतणा प्यार करया के मेरे खात्तर अपणी जान दे दी। 21 मै परमेसवर कै अनुग्रह नै बेकार न्ही बतान्दा, क्यूँके जै नियम-कायदे धार्मिकता का कारण होन्दे तो मसीह का जान देणा बेकार हो जान्दा।

3 हे बिना अकल के गलातिवासियो! किसनै थारे ताहीं बहका दिया सै? मन्ने थारे ताहीं समझाया सै के यीशु मसीह के क्रूस पै जान देण के जरिये उसनै के हासिल करया! 2 मेरे ताहीं एक बात बताओ के थमनै पवित्र आत्मा, मूसा नबी के नियम-कायदा के मानण तै पाया था या बिश्वास की खबर तै जो हमनै थारे ताहीं सुणाई थी? 3 के थम इसे बेअकल के सों के थमनै नई जिन्दगी पवित्र आत्मा के जरिये शरु करी पर इब थम अपणी जिन्दगी का अन्त अपणी ताकत तै करणा चाहो सों? 4 जिब थम बिश्वासी बणे तो थमनै भोत दुख ठाया, मै उम्मीद करूँ सूं के थमनै बेकार म्ह ए वो दुख न्ही ठाया। 5 परमेसवर थमनै पवित्र आत्मा भरपूरी तै देवै सै, अर जो थारे म्ह सामर्थ के काम करै सै, के वो मूसा नबी के नियम-कायदा के मानण तै या मसीह के सुसमाचार पै बिश्वास करण तै इसा करै सै? 6 अब्राहम के बारें म्ह पवित्र ग्रन्थ या कहवै सै, “अब्राहम नै तो परमेसवर पै बिश्वास करया अर उसकी बजह तै परमेसवर नै उस ताहीं धर्मी बणा दिया।” 7 तो यो जाण ल्यो के जो अब्राहम की तरियां बिश्वास करण आळे सै, वेए अब्राहम के वंशज कुहावैगें। 8 अर परमेसवर नै पवित्र ग्रन्थ म्ह पैहल्या तै ए यो कह्या, के वो गैर यहूदियाँ नै बिश्वास के जरिये धर्मी बणावैगा, परमेसवर नै भोत पैहले तै ए अब्राहम ताहीं यो सुसमाचार सुणा दिया था, के “तेरे म्ह तै सारी जात आशीष पावैगीं।” 9 जितने मसीह पै बिश्वास करण आळे सै, वे अपने बिश्वास के कारण वोए आशीष पावैगें जो अब्राहम नै पाई थी। 10 इस करके जितने माणस मूसा नबी के नियम-कायदा नै मानके परमेसवर की नजर म्ह धर्मी बणण की सोचवै सै, वे सारे परमेसवर की ओड़ तै श्रापित सै, क्यूँके पवित्र ग्रन्थ म्ह लिख्या सै, “वो श्रापित सै, क्यूँके कोए भी माणस हर पल नियम-कायदा की किताब म्ह लिखी होई सारी बातानै नै निभा न्ही सकदा।” 11 पर या बात साफ सै, के मूसा नबी के नियम-कायदा कै मानण के जरिये परमेसवर की नजर म्ह कोए भी धर्मी न्ही बणदा, क्यूँके पवित्र ग्रन्थ कहवै सै, के “जो मसीह पै बिश्वास करेगा, परमेसवर उसनै ए धर्मी बणावैगा।” 12 पर मूसा नबी के नियम-कायदा नै मानके जीणा अर परमेसवर पै बिश्वास करके जीणा एक जिसा कोनी, जिसा पवित्र ग्रन्थ म्ह लिख्या सै पर “जो इन सारी बातानै नै मान्नेगा, वो उनके कारण जिन्दा रहैगा।” 13 हम सारे परमेसवर के श्राप के लायक थे, क्यूँके हम उसके नियम-कायदा नै पूरी तरियां न्ही मानते, तोभी मसीह म्हारे ताहीं उस श्राप तै छुड़ावै सै, जो नियम-कायदा के जरिये आवै सै। जिब मसीह क्रूस पै मारया गया, तो उसनै अपणे उप्पर वो श्राप ले लिया, जिसा के पवित्र ग्रन्थ म्ह लिख्या सै, के “श्रापित सै वो जो क्रूस पै लटकाया जावै सै।” 14 मसीह नै यो इस करके करया, ताके जिसका वादा परमेसवर नै अब्राहम तै करया था, वो आशीष मसीह यीशु पै बिश्वास करण तै गैर यहूदियाँ तक पोहच सकै, अर हम मसीह म्ह बिश्वास कै जरिये उस पवित्र आत्मा नै पा लेवां, जिसका

देण का वादा उसनै म्हारे तै करया सै। 15 हे विश्वासी भाईयो, मै रोज की जिन्दगी का उदाहरण देकै थमनै समझाऊँ सूँ, जिब दो आदमी कोए करार करै सै अर उस तार्हीं पक्का करै सै, तो ना कोए उसनै घटा सकै सै अर ना उस म्ह किमे बढ़ा सकै सै। 16 इस तरियां परमेसवर नै वादा अब्राहम अर उसके वंश तै करया था। पवित्र ग्रन्थ न्यू कोनी कहवै, के तेरी “वंशां नै,” जिसका मतलब भोत सारे माणस, पर यो एक माणस के बरें म्ह कहवै सै “तेरे वंश नै” अर वो मसीह सै। 17 मेरे कहण का मतलब यो सै, के परमेसवर नै अब्राहम के गैल करार करण के चार सौ तीस साल के बाद मूसा नबी के नियम-कायदे दिए, जो उस करार नै ना तो तोड़ पाए, अर ना उसके वादे नै टाळ पाए। 18 परमेसवर माणसां नै इस बजह तै आशीष कोनी देवै, के वे मूसा नबी के नियम-कायदा नै मान्नी, बल्के वो इस करके देवै सै, क्यूँके इसका देण का परमेसवर नै वादा करया था, अर अब्राहम तार्हीं भी ये आशीष इस करके मिली थी। 19 जिब फेर नियम-कायदे क्यूँ दिये गये? नियम-कायदे इस खात्तर दिए गये ताके लोग जाण सकै के पाप के सै। मूसा नबी के नियम-कायदे तब तक रहणे थे, जिब तक अब्राहम की पीढ़ी म्ह तै जिसका परमेसवर नै वादा करया था के वो आ ना जावै। मूसा नबी तार्हीं नियम-कायदे सुर्गदूतां के जरिये दिए गये थे अर मूसा नबी लोगां के बीच एक बिचौलिया बणया। 20 परमेसवर नै अब्राहम तै वादा करया था इस करके बिचौलिया की जरूरत कोनी थी। 21 तो के मूसा नबी के नियम-कायदे परमेसवर के वादे के बिरोध म्ह सै? न्ही बिल्कुल न्ही! क्यूँके जै इसे नियम-कायदे सै, जो परमेसवर की नजर म्ह हमनै धर्मी बणावै, तो सदा का जीवन मूसा नबी के नियम-कायदा के मानण तै हम पा सकां सां। 22 पर पवित्र ग्रन्थ हमनै बतावै सै के हम सब पापी सां, ताके परमेसवर उन माणसां नै जो यीशु मसीह पै विश्वास करै सै वो दे सकै जिसका उसनै उसका वादा करया सै। 23 पर इसतै पैहल्या के लोग प्रभु यीशु मसीह पै विश्वास करै हम यहूदी कैद म्ह थे, नियम-कायदे म्हारी रुखाळी करै थे। हम कैद म्ह जिब तार्हीं रहे जिब के मसीह कौण सै अर हम उस म्ह विश्वास करते रहवां। 24 नियम-कायदे म्हारे तार्हीं इस खात्तर दिए गये, ताके मसीह के आण तक वो म्हारी अगुवाई कर सकै अर म्हारे तार्हीं सम्भाळ सकै, ताके हम मसीह पै विश्वास करण के जरिये परमेसवर की नजर म्ह धर्मी बणा। 25 जिब हमनै मसीह यीशु पै भरोस्सा करया सै तो नियम-कायदा की अगुवाई अर मदद की जरूरत कोनी। 26 थम सारे मसीह यीशु पै विश्वास करण के कारण परमेसवर की ऊलाद सों। 27 अर थारे म्ह तै जितना नै मसीह के नाम म्ह बपतिस्मा लिया सै, उननै नई जिन्दगी पा ली सै। 28 इब मसीह म्ह यहूदी अर गैर यहूदी म्ह कोए फर्क न्ही रह्या, अर ना नौक्कर ना आजाद म्ह, ना लोग अर लुगाई म्ह कोए फर्क रह्या, क्यूँके थम सारे मसीह यीशु म्ह एक सों। 29 अर जै थम मसीह के सों तो अब्राहम के वंश अर वादे के मुताबिक वारिस भी सों।

4 मै थमनै एक उदाहरण देकै समझाऊँ सूँ, के बेट्टा पिता की सम्पत्ति का वारिस होगा, जिब तार्हीं वो बाळक सै, वो एक दास की तरियां सै, इब तार्हीं उसका सम्पत्ति पै कोए हक कोनी पर आण आळे बखत म्ह वो पिता की सम्पत्ति का माल्लिक होवैगा। 2 पर जिब तार्हीं बेट्टे की सही उम्र न्ही हो अर सारी सम्पत्ति का माल्लिक ना बण जावै सै, वो रुखवाळियाँ अर भण्डारीयाँ के बस म्ह रहवै सै। 3 उरसे तरियां जिब हम मसीह नै न्ही जाणा थे, तो दुनिया की रीति-रिवाजां अर नियम-कायदा के गुलाम थे। 4 पर जिब सही बखत आया तो परमेसवर नै अपना बेट्टा इस दुनिया म्ह भेज्या, अर एक बीरबानी नै उस तार्हीं जन्म दिया, वो यहूदी माणसां म्ह पैदा होया अर उसनै मूसा के नियम-कायदा तार्हीं मान्या। 5 ताके हमनै छुड़ाले जो हम मूसा नबी के नियम-कायदा के अधीन सां, अर हमनै उसकी ऊलाद होण का हक मिल्या। 6 इब थम उसकी ऊलाद सों, इस करके परमेसवर नै अपने बेट्टे की आत्मा नै म्हारे दिलां म्ह भेज्या सै, जो आत्मा परमेसवर तार्हीं “हे अब्बा, हे पिता” कहकै नै बुलावै सै। 7 इस करके तू इब नौक्कर कोनी, पर उसकी ऊलाद सै, अर परमेसवर वो सारी चीज थमनै देवैगा जिसनै उसका वादा थारे तार्हीं देण का करया सै। 8 जिब थम परमेसवर नै न्ही जाणो थे तो उस बखत थम उसके गुलाम थे, जो असलियत म्ह परमेसवर सै ए कोनी। 9 इब थारा रिश्ता परमेसवर के गैल सै, उसनै म्हारे तार्हीं अपना बेट्टा होण खात्तर बुलाया सै, तो उन कमजोर अर निकम्मी पुराणी शिक्षाओं के गुलाम बणण खात्तर क्यूँ उसकी ओड़ जाओ सों, के थम दुबारा उनके गुलाम होणा चाहो सों? 10 थम गैर यहूदी विश्वासी लोग दिन, महिन्ना, सही बखत अर साल्लां नै मान्नी सों, जो मूसा नबी के नियम-कायदा के मुताबिक सै। 11 मै थारे बारे म्ह डरूँ सूँ, जो थम करो सों, कदे इसा ना हो के जो मेहनत मन्ने थारे खात्तर करी सै वा बेकार हो जावै। 12 हे विश्वासी भाईयो, मै थारे तै बिनती करूँ सूँ, के अपने-आपने मूसा नबी के नियम-कायदा तै आजाद करो, क्यूँके मै भी मूसा नबी के नियम-कायदा तै आजाद होगया सूँ, जिस तरियां थम गैर यहूदी होण तै नियम-कायदा तै आजाद हो, थमनै मेरे साथ बुरा बरताव न्ही करया। 13 थमनै याद होगा के मन्ने पैहलम पहल देह की बीमारी के कारण थारे तार्हीं सुसमाचार सुणाया। 14 मेरी बीमारी थारे खात्तर मुसीबत थी, फेर भी थमनै ना तो मेरे तै नफरत करी, अर ना ए मेरे तार्हीं तुच्छ जाणया, पर परमेसवर के सुर्गदूत बल्के खुद मसीह यीशु के समान मेरे तार्हीं अपनाया 15 थम खुश थे, पर इब थारी खुशी कित्त गई? मै थारा गवाह सूँ के थम मेरे खात्तर सब कुछ कुरबान कर सको थे, बल्के अपनी आँख भी लिकाड़के मन्ने दे देन्दे। 16 तो के थारे तै सच बोलण के कारण मै थारा बैरी बणगया सूँ? 17 वे थमनै अपने पक्ष म्ह करणा तो चाहवै सै, पर भले मकसद तै न्ही, बल्के उनका मतलब तो थारे तार्हीं मेरे तै न्यारा पाड़ना सै ताके थम उनके ए चेल्ले बण

जाओ। 18 सदा ए आच्छे मकसद के खात्तर उत्साही होणा आच्छा सै अर सिर्फ उससे बखत न्ही, जब मै थारे गेल्या रहूँ सूं। 19 हे मेरे बाळकों, जिस तरियां एक औरत बच्चा होण के बखत जो दर्द सहवै सै उससे तरियां मै भी थारे खात्तर दर्द सहु सूं मै जिब ताहीं दर्द म्ह रहूँगा जिब ताहीं थम मसीह म्ह सिध्द ना हो जाओ। 20 जी तो इसा करै सै, के इस बखत मै थारे धारे होन्दा अर प्यार तै थारे ताहीं समझान्दा, क्यूँके मेरी समझ म्ह कोनी आन्दा के मै थमने के कहूँ। 21 थम जो मूसा नबी के नियम-कायदा के अधीन होणा चाहवै सों, मेरी बातां पै ध्यान द्यो, मै बताऊँ सूं के मूसा नबी के नियम-कायदा की किताब म्ह के लिख्या सै? 22 पवित्र ग्रन्थ म्ह यो लिख्या सै, के अब्राहम के दो छोरे होए, उसका एक छोरा हाजिरा नाम की नौकराणी तै पैदा होया अर दुसरा सारा तै पैदा होया जो उसकी ब्याहता थी। 23 पर जो नौकराणी तै पैदा होया था वो एक साधारण बच्चा था जो शरीर की इच्छा तै पैदा होया, अर जो उसकी ब्याहता बीरबानी तै पैदा होया, वो परमेसवर के वादे के मुताबिक पैदा होया जो उसने अब्राहम तै करया था। 24 इन बातां तै हमने या सीख मिले सै, ये बीरबानी मान्नों दो करार सै। करार जो परमेसवर नै सीने पहाड़ पै इस्राएली माणसां तै जो करया था वो हाजिरा की तरियां सै। 25 अर हाजिरा मान्नों अरब देश का सीने पहाड़ सै, अर वो आज के यरुशलेम नगर की तरियां सै जडै के माणस मूसा के नियम-कायदा के समान सै। 26 पर सुर्गीय यरुशलेम अब्राहम की बिरबानी सारा के समान सै, अर उसके बाळक गुलाम कोनी, यो यरुशलेम बिश्वासियाँ के खात्तर माँ की तरियां सै। 27 जिसा यशायाह नै पवित्र ग्रन्थ म्ह लिख्या सै, “हे बाँझ बिरबानी, तू जो बाळक पैदा न्ही कर सकदी, आनन्दित हो, तू जो प्रसव-पीड़ा तै अनजाण सै, ऊँची आवाज म्ह जयजयकार कर, क्यूँके छोड़ी होई की ऊलाद सुहागण की ऊलाद तै भी घणी सै।” 28 हे बिश्वासी भाईयो, थम इसहाक की तरियां हो क्यूँके थारा जन्म परमेसवर के वादे के मुताबिक होया सै जो उसने अब्राहम तै करया सै। 29 अर जिसा उस बखत शरीर की इच्छा के मुताबिक जन्मा होया बेटा परमेसवर की आत्मा के शक्ति के मुताबिक जन्मे होए बेटे नै सतावै था, उससे तरियां हम भी उन माणसां तै सताये जावां सां, जो यो चाहवै सै के परमेसवर की नजर म्ह धर्मी बणण खात्तर मूसा नबी के नियम-कायदा नै मानना जरूरी सै। 30 पर पवित्र ग्रन्थ कहवै सै, के “नौकराणी अर उसके बेटे नै लिकाड़ दे, क्यूँके वो ब्याहता बिरबानी के बेटे के गैल कदे भी पिता की सम्पत्ति का वारिस न्ही होगा।” 31 इस करके हे बिश्वासी भाईयो, हम नौकराणी की ऊलाद कोनी जो के मूसा नबी के नियम-कायदे सै, बल्के ब्याहता बिरबानी की ऊलाद सां जो के बिश्वास सै।

**5** मसीह नै म्हारे ताहीं मूसा नबी के नियम-कायदा तै आजाद कर दिया सै, इस करके अपणी आजादी बणा के राक्खो, अर मूसा के नियम-कायदा नै मानण खात्तर कोए थमनै गुलाम

ना बणावै। 2 सुणो! मै, पौलुस, थारे तै कहूँ सूं के जै खतना करावोगे, तो मसीह तै थमने किमे फायदा न्ही होगा। 3 फेर भी मै एक खतना करण आळे नै बता द्यु सूं, के उसने सारे नियम-कायदे मानने पड़ेंगे। 4 थम जो नियम-कायदा के जरिये धर्मी बणणा चाहो सों, तो फेर थमने यीशु मसीह तै रिश्ता तोड़ लिया सै, अर थमने अपणे-आप ताहीं उस दया तै अलग कर लिया सै जिसके जरिये परमेसवर थमने बचा सकै सै। 5 मै यो इस खात्तर कहूँ सूं, क्यूँके हमनै पवित्र आत्मा की ओड़ तै पूरा भरोस्सा सै, के परमेसवर यीशु मसीह पै बिश्वास करण के कारण हमनै धर्मी बणावैगा। 6 जै थम यीशु मसीह नै मानण आळे सों, तो उसतै कोए फर्क कोनी पड़ता के थारा खतना होया सै के न्ही होया, पर जरूरी यो सै, के हम मसीह पै बिश्वास करां, अर परमेसवर अर माणसां प्रति प्यार राक्खा। 7 थम मसीह पै बिश्वास करण म्ह बढ़ण लागरे थे, पर इब थमने सच्चाई मानण तै कोए रोक न्ही ले। 8 इसी सीख परमेसवर की ओड़ तै न्ही आन्दी जो थमने अपणी ऊलाद होण खात्तर बुलावै सै। 9 सीख जो सच्ची न्ही सै वो इस कहावत की तरियां सै, थोड़ा-सा खमीर सारे गूँधे होए चून नै खमीर बणा दे सै। 10 पर मै परमेसवर पै भरोस्सा राक्खूँ सूं, के वो थमनै झूठी अर भरमाण आळी सीख तै बचावे राक्खैगा, पर जो थमने भरमा दे सै चाहे वो कोए भी क्यूँना हो परमेसवर तै दण्ड पावैगा। 11 हे बिश्वासी भाईयो, थम जाणो सों के मै यो प्रचार करूँ सूं, के खतना करवाणा जरूरी कोनी, इस करके यहूदी माणस मेरे ताहीं सारी हाण सतावै सै, जै मै क्रूस नै छोड़के खतना का प्रचार करूँ तो उसतै यहूदी माणस मेरे ताहीं कोनी सतावेंगे। 12 भला होंदा जो थमने डामाडोल करै सै, वे अपणे-आपनै नपुंसक बणा लेवै। 13 हे बिश्वासी भाईयो, थम आजाद होण के खात्तर परमेसवर के जरिये बुलाए गये सों, इस खात्तर थमने मूसा नबी के नियम-कायदा ताहीं मानण की जरूरत कोनी, पर इसा ना होवै के थम इसने बुरी लालसा पूरी करण का जरिया बणा ल्यो, पर हरेक के गैल प्यार करो अर सेवा करो। 14 क्यूँके सारे नियम-कायदे इस एक बात म्ह पूरे हो ज्या सै, “तू अपणे पड़ोसी तै अपणे जिसा प्यार कर।” 15 पर जै थम एक-दुसरे नै जानवरां की ढाळ पाड़ खाओ सों, तो चौक्कस रहो, के थम एक-दुसरे नै नाश ना कर दियो। 16 पर मै कहूँ सूं, पवित्र आत्मा नै थारे जीवन म्ह अगुवाई करण द्यो, ताके थम अपणी बुरी आदतां नै (लालसा) नै पूरी ना कर सकों। 17 देह की बुरी लालसा पवित्र आत्मा के बिरोध म्ह, अर पवित्र आत्मा देह की बुरी लालसा के बिरोध म्ह लड़दी रहवै सै। इस कारण जो भले काम थम करणा चाहो सों वो न्ही कर पान्दे। 18 जै थम आत्मा की अगुवाई म्ह चाल्लों सों, तो थम मूसा के नियम-कायदा के अधीन न्ही सों। 19 देह के काम तो दिक्खे सै, यानी के जारी, भुन्डे काम, लुचपण, 20 मूर्तिपूजा, टोणा, बैर, गुस्सा, बिरोध, फूट विधर्म, 21 डाह, मतवालापण, रासलीला अर इनके जिसे और काम सै, इनके बारै म्ह मै थारे तै

पैहल्या कह यु सूं जिसा पैहल्या कह्या था, के इसे-इसे काम करणीये परमेसवर के राज्य के वारिस न्ही होंगे। 22 पर आत्मा का फळ प्यार, आनन्द, शांति, धीरज, करुणा, भलाई, विश्वास, 23 नम्रता, अर सयंम सै, इसे-इसे काम्मां के बिरोध म्ह कोए भी नियम-कायदे कोनी। 24 अर जो मसीह यीशु म्ह सै उननै देह की बुरी लालसाओं ताहीं क्रूस पै चढ़ा दिया सै। 25 क्यूँके पवित्र आत्मा ने म्हारे ताहीं नई जिन्दगी दी सै, इस खात्तर पवित्र आत्मा नै जिन्दगी के हरेक क्षेत्त्र म्ह अगुवाई करण घो। 26 हम घमण्डी होकै ना एक-दुसरे नै छोड़ा, अर ना एक-दुसरे तै जळण करा।

कोए हक कोनी रह्या, अर इब मेरी दुनियावी चिज्जां म्ह कोए दिलचस्पी कोनी। 15 क्यूँके ना खतना अर ना बिना खतना कुछ सै, जो जरूरी बण चुके सै, जो जरूरी सै वो यो सै के परमेसवर हमनै पवित्र आत्मा के जरिये नया इन्सान बणा दे। 16 परमेसवर अपणी शान्ति अर आशीष उन सारया नै दैवैगा, जो उसके हुकम नै मान्ने सै। वे परमेसवर के माणस सै। 17 आगै ते मन्ने कोए दुख ना दे, क्यूँके जो मेरे देह पै जख्मां के दाग सै वो ये दिखावै सै के मै यीशु का दास सूं। 18 हे विश्वासी भाईयो, म्हारे प्रभु यीशु मसीह का अनुग्रह थारी आत्मा के गेल्या रहवै। आमीन।

**6** हे विश्वासी भाईयो, जै कोए माणस किसे पाप या कसूर म्ह पकड्या भी जावै, तो थम जो पवित्र आत्मा के चलाए चाल्लों सों, उसनै नरमाई के गेल्या धर्म की राह पै उल्टा ल्यावण म्ह उसकी मदद करो, अर अपणा भी ध्यान राक्खों के थम भी इसे इम्तिहान म्ह ना पड़ जाओ। 2 म्हारे म्ह तै जै कोए भी मुसीबत म्ह हो, तो हमनै एक-दुसरे की मदद करणी चाहिए, अर इस तरियां हम मसीह के नियम-कायदा नै मान्ना सां। 3 क्यूँके जै कोए अपणे-आपनै नै बड़ा समझै सै, तो अपणे-आपनै धोक्खा देण लाग रहया सै। 4 हरेक माणस अपणे काम्मां नै परख ले, उसके काम आच्छे सै तो वो अपणे-आपनै पै घमण्ड कर सकै सै, अर उसनै अपणे काम की बराबरी किसे दुसरे के काम गैल न्ही करणी चाहिए। 5 म्हारे म्ह तै हरेक माणस अपणे सुभाव के खात्तर जिम्मेदार सै। 6 यो जरूरी सै के जो माणस परमेसवर के वचनां नै सिखावै सै, तो उसकी संसारिक चिज्जां की जरूरत सीखण आळे तै पूरी हो होणी चाहिए। 7 अपणे-आप ताहीं धोक्खा ना घो, कोए माणस यो ना सोचवै के वो परमेसवर नै धोक्खा दे सकै सै। 8 क्यूँके जो माणस इसे काम करै सै उसका बुरा सुभाव उसके खात्तर मौत लेके आवै सै, पर जो माणस परमेसवर की इच्छा पूरी करै सै, तो उसका आत्मा उसनै अनन्त जीवन देवै सै। (aiōnios g166) 9 हम भले काम करण का होसला ना छोड्डा, क्यूँके जै हम हिम्मत ना छोड्डा तो परमेसवर के बखत पै कटनी काटेंगें। 10 इस करके जड़ै ताहीं मौक्का मिलै हम सारा के गेल्या भलाई करा, खास करके विश्वासी भाईयो के गैल। 11 मन्ने बड़े-बड़े अक्षरां म्ह थारे तैई अपणे हाथ तै लिख्या सै। 12 इस कारण के यहूदी लोग थमनै अपणावै, अर वे थारा खतना करवाण के खात्तर मजबूर करै सै, ताके लोग उन ताहीं इस बात का प्रचार करण खात्तर सतावै ना, के परमेसवर माणसां ताहीं जिब्बे बचावैगा जिब वे विश्वास करैगें के मसीह क्रूस पै मरा। 13 क्यूँके खतना करण आळे खुद तो मूसा नबी के नियम-कायदा पै न्ही चाल्दे, वो थारा इस खात्तर खतना करणा चाहवै सै ताके और यहूदियाँ के स्याम्ही घमण्ड कर सकै, के थारा खतना उनकी बजह तै होया सै। 14 खुद के खात्तर, मै, किसे बात पै घमण्ड कोनी करणा चाहूँ, पर यीशु मसीह के क्रूस पै जान देण के कारण, मै घमण्ड करणा चाहूँ सूं, अर जो उसनै करया उस बजह तै दुनियावी चिज्जां का मेरे उप्पर

# इफिसियों

1 या चिट्ठी पौलुस की ओड़ तै सै, जो परमेसवर की इच्छा तै यीशु मसीह का प्रेरित सै, मै या चिट्ठी उन पवित्र अर मसीह यीशु म् बिश्वासी माणसां के नाम लिखूँ सूँ, जो इफिसुस नगर म् रहवै सै। 2 मै प्रार्थना करूँ सूँ, के म्हारे पिता परमेसवर अर प्रभु यीशु मसीह की ओड़ तै थारे ताहीं अनुग्रह अर शान्ति मिल्दी रहवै। 3 म्हारे परमेसवर अर प्रभु यीशु मसीह के पिता का धन्यवाद हो के उसनै म्हारे ताहीं मसीह म् आत्मिक रूप तै हरेक तरियां तै, उन आशीषां के जरिये आशिषित करया जो सुर्ग तै आवै सै। 4 परमेसवर नै धरती अर अकास बणाण तै पैहले ए उसनै मसीह म् म्हारे ताहीं चुण लिया, ताके हम इसकी निगांह म् पवित्र अर बेकसूर होवां। 5 अर प्यार म् उसनै अपणी भले मकसद मुताबिक म्हारे ताहीं अपणे खात्तर पैहले तै ठहराया के यीशु मसीह के जरिये हम उसकी गोद ली होई ऊलाद हो। 6 तो आओ हम परमेसवर के अदभुत अनुग्रह की महिमा करा, अर यो इस खात्तर होया सै क्यूँके म्हारा रिश्ता उसके बेटे के गैल सै, जिसतै वो प्यार करै सै। 7 यीशु मसीह के लहू बहाए जाण के कारण हम छुड़ाए गये, जिसका मतलब यो सै के म्हारे सारे पाप माफ होए। परमेसवर के भोत अनुग्रह के मुताबिक मसीह म् उसके लहू के जरिये छुटकारा यानी पापां तै माफी मिलै सै। 8 परमेसवर नै सारी बुद्धि अर ज्ञान तै म्हारे पै भोत-ए घणी दया करी। 9 परमेसवर नै अपणी इच्छा का भेद म्हारे पै भले मकसद के मुताबिक जाहिर करया, जिस ताहीं उसनै खुद मसीह म् स्थापित करया। 10 अर परमेसवर की योजना के मुताबिक, तय करे गए बखत पै, जो किमे सुर्ग अर धरती पै सै, वो सारा किमे मसीह के हाथ म् सौपैगा। 11 परमेसवर नै मसीह म् हम यहूदी माणसां ताहीं भी अपणे माणस होण खात्तर छोट लिया सै, क्यूँके शरु तै ए उसकी या योजना थी, उसनै यो सब कुछ अपणी इच्छा अर योजना के मुताबिक करया। 12 यो उसनै इस खात्तर करया जिसतै के हम यहूदियां ताहीं जो पैहले माणस सै, जो मसीह पै आस राखै सै, अर उसकी महिमा की बड़ाई के कारण बणा। 13 अर योए थारे गैल भी होया के थमनै सच्चाई का वचन सुणया, अर वो सुसमाचार यो सै, के थमनै वो किस तरियां बचा सकै सै, जिब थम मसीह पै बिश्वास करो सों तो परमेसवर थमनै वादे के मुताबिक पवित्र आत्मा देवै सै, यो दिखाण खात्तर के थम परमेसवर के माणस सों। 14 क्यूँके परमेसवर नै म्हारे ताहीं पवित्र आत्मा दिया सै, तो हम यो जाणा सां के परमेसवर म्हारे ताहीं और भी आच्छी चीज देवैगा, जिसका उसनै वादा करया सै, अर यो उस बखत होगा जिब परमेसवर अपणे माणसां नै पूरी तरियां तै छुड़ावैगा, उसके अदभुत अनुग्रह की बड़ाई होवै। 15 इस कारण, जिब तै मन्ने भी प्रभु यीशु मसीह म् थारे बिश्वास अर पवित्र माणसां के प्रति थारे प्यार के बारे म् सुणया, तो मै परमेसवर का सदा धन्यवाद

करूँ सूँ, अर अपणी प्रार्थना म् थमनै हमेशा याद राखूँ सूँ। 17 मै प्रार्थना करूँ सूँ, के महिमाय परमेसवर जो के म्हारे प्रभु यीशु मसीह का पिता सै, वो थारे ताहीं आत्मिक समझ अर ज्ञान देवै, ताके थम परमेसवर नै पूरी तरियां जाण सकों। 18 मै या भी प्रार्थना करूँ सूँ, के वो सच्चाई जाणण म् थारी मदद करै के थम जाण सकों के परमेसवर के जरिये बुलाये जाण की आस के सै, अर थम जाण सकों के इतनी बड़ी अर महान् आशीष अपणे पवित्र माणसां खात्तर राख राखी सै। 19 मै चाहूँ सूँ के थम उसनै जाण सको, के उस महान् परमेसवर नै यीशु मसीह पै बिश्वास करण आळे खात्तर जो शक्ति राख राखी सै, या वाए बड़ी शक्ति सै। 20 जिसनै मसीह ताहीं मरे होया म् तै जियाया अर सुर्ग म् अपणी सोळी ओड़ बैठाया। 21 सारी ढाळ की प्रधानता, हक, सामर्थ, प्रभुता के उप्पर राज करेगा जो इस लोक म् सै, अर आण आळे लोक म् भी राज करेगा। (aiōn g165) 22 परमेसवर नै सारा किमे उसके पायां तळे कर दिया, अर उसनै कलीसिया की भलाई खात्तर सब किमे उसके हाथ्यां म् सौप दिया। 23 कलीसिया मसीह की देह सै, अर उसतै भरपूर सै, वो अपणी मौजूदगी तै हरेक चीज अर हरेक जगहां नै भरे सै।

2 पुराणे बखत म् थारे धौरे नई जिन्दगी कोनी थी, थम अपणे बुरे काम्मां अर पापां के कारण मरे होए माणसां के समान थे। 2 थम उस बखत दुनिया की रीति-रिवाज के मुताबिक, बुरी आत्मायाँ के सरदार जो अकास म् सै, उसके मुताबिक चाल्लों थे, जो इब भी उनके मनां म् काम करै सै, जो परमेसवर का हुकम न्ही मानते। (aiōn g165) 3 इन म् हम भी सारे के सारे पैहले अपणी देह की लालसाओं म् दिन बितावा थे, अर देह अर मन की मर्जियाँ नै पूरी करा थे, अर और माणसां की ढाळ सुभाव तै ए छो की ऊलाद थे। 4 पर परमेसवर नै जो दया का धनी सै, अपणे उस घणे प्यार के कारण जिसतै उसनै म्हारे तै प्यार करया। 5 अपणे पुराणे जीवन म् पापां के कारण हम मरे होए थे तो परमेसवर नै जिस तरियां यीशु मसीह ताहीं जिन्दा करया, हमनै भी आत्मिक रूप तै जिन्दा करेगा, अर सुर्गीय जगहां म् मसीह के गेल्या बिठावैगा, अर परमेसवर के अनुग्रह तै ए थारा उद्धार होया सै। 7 परमेसवर नै यो इस खात्तर करया के अपणी दया तै जो मसीह यीशु म् म्हारे पै सै, आण आळे दिनां म् दिखा सकै, के उसका अनुग्रह कितना बड़ा सै, हम जो मसीह म् सां, उसनै म्हारे पै भी अनुग्रह दिखाया। (aiōn g165) 8 जिब थमनै परमेसवर पै बिश्वास करया तो उसनै अपणे अनुग्रह के जरिये थारा उद्धार करया सै, थारा उद्धार थारी ओड़ तै न्ही, बल्के परमेसवर ओड़ तै दान सै। 9 यो इस करके न्ही होया के थमनै कोए भला काम करया सै, अर थम उसपै घमण्ड करो। 10 क्यूँके हम उसके बणाए होए सां, अर मसीह यीशु म् उन भले काम्मां के खात्तर रचे गये जिन ताहीं परमेसवर नै पैहले तै म्हारे करण के खात्तर तैयार करया। 11 इस कारण थम याद

राक्खों के थम जन्म तै गैर यहूदी सों, अर यहूदी लोग थारा मजाक उड़ावै सै, के थारा खतना कोनी होया, पर उनका खतना होया सै, इस खात्तर वे परमेसवर के लोग सै। पर उननै खतना अपनी देह का करवाया सै मन का कोनी करवाया। 12 थम उस बखत मसीह ताहीं कोनी जाणो थे, अर थम परमेसवर के चुणे होए इस्राएली माणस कोनी थे, अर वादे के करार के भी साइझी कोनी थे, जो उसनै अपने माणसां तै बाँधी थी, अर बिना आस अर दुनिया म्ह बिना ईश्वर के थे। 13 पर पैहले जो थम, परमेसवर तै दूर थे, परमेसवर नै थारे ताहीं मसीह यीशु के लहू बहाण के जरिये धोरे बुला लिये सों। 14 मसीह नै हम यहूदी अर थम गैर यहूदी माणसां म्ह शान्ति बणाई सै, पुराणे बखत म्ह यो लागे था के यहूदी अर गैर यहूदी माणसां म्ह एक दीवार सै, वो एक-दुसरे तै नफरत करे थे, पर मसीह नै वा दीवार द्वा दी सै, अर दोन्नु दलां ताहीं एक कर दिया सै। 15 उसनै अपनी मौत के जरिये मूसा के नियम-कायदा ताहीं रद कर दिया, ताके वो यहूदी अर गैर यहूदी माणसां म्ह शान्ति लेके आवै, अर इसके जरिये वो अपने-आप म्ह यहूदी अर गैर यहूदी की जगहां एक नई जात बणा दे। 16 उसनै क्रूस पै अपनी जाण देके यहूदी-अर गैर यहूदी माणसां म्ह बैर का नाश करके एक देह बणाके परमेसवर तै मिला दिया। 17 मसीह नै आके थम गैर यहूदी जो उसतै दूर थे, अर थम यहूदी माणस जो परमेसवर के लोवै थे, दोनुआ ताहीं मेळ-मिलाप का सुसमाचार सुणाया। 18 मै क्यूँके मसीह म्ह ए हम सब उस एक पवित्र आत्मा के जरिये ए पिता के धोरे पोहच सका सां। 19 इस करके थम गैर यहूदी इब विदेशी अर मुसाफिर कोनी रहे, पर पवित्र माणसां के साथी देशी अर परमेसवर के कुण्बे के हगे सों। 20 थम उस घर की तरियां सों जिसकी नीम प्रेरित अर नबी सै, अर जिसके कोणे का पत्थर मसीह यीशु आप सै। 21 मसीह ए सै जिसनै घर ताहीं टिकाके राख्या सै, अर उसतै प्रभु के खात्तर एक पवित्र मन्दर बणादा जावै सै। 22 क्यूँके थम मसीह म्ह सों, इस खात्तर थम गैर यहूदी विश्वासी परमेसवर के माणसां गैल एक हगे, ताके थम वो घर बणदे जाओ जिस म्ह परमेसवर रहवै सै।

**3** इस कारण मै पौलुस थारे खात्तर कैद म्ह सूँ, क्यूँके मै थम गैर यहूदी माणसां नै सुसमाचार सुणाके मसीह यीशु की सेवा करूँ सूँ। 2 पक्का थमनै सुण्या होगा के परमेसवर नै अपने अनुग्रह तै थारे ताहीं सुसमाचार की खबर सुणाण की जिम्मेदारी मेरे ताहीं दी सै। 3 परमेसवर की गुप्त योजना घणे लम्बे बखत तै छुपी होई थी, पर परमेसवर नै इस ताहीं मेरे उप्पर जाहिर करया, मै इस चिट्ठी के जरिये परमेसवर के उस गुप्त भेद नै थारे ताहीं समझाणा चाहूँ सूँ। 4 जिब थम मेरी चिट्ठी नै पढ़ोगे तो थम जाण पाओगे, के मै मसीह के उस भेद के बारे म्ह कितनी आच्छी तरियां जाणु सूँ। 5 पुराणे बखत म्ह परमेसवर नै इस भेद ताहीं माणसां के उप्पर जाहिर कोनी करया, पर इब उसनै उस भेद ताहीं पवित्र आत्मा के जरिये, अपने पवित्र प्रेरितां अर

नबियाँ पै जाहिर करया। 6 अर वो भेद यो सै के मसीह यीशु म्ह सुसमाचार के जरिये गैर यहूदी वाए विरासत हासिल करै, जो यहूदी माणसां के धोरे सै, अर एकए देह के अंग अर परमेसवर के वादे के साइझी सै। 7 परमेसवर के अनुग्रह अर बड़ी सामर्थ के जरिये मेरे ताहीं सुसमाचार सुणाण का काम मिला सै। 8 मेरे पै जो सारे पवित्र माणसां म्ह तै, छोट्टे तै भी छोट्टा सूँ, यो अनुग्रह होया के मै गैर यहूदियाँ नै मसीह का सुसमाचार सुणाऊँ, अर लोग्गां नै परमेसवर की योजना ताहीं समझण म्ह मदद करूँ। 9 अर हरेक माणसां ताहीं समझा सकूँ के उसनै उस योजना ताहीं जो उसनै पैहले तै सोच्ची थी, किस तरियां पूरी करी, या योजना पैहले तै जाहिर कोनी होई थी क्यूँके परमेसवर जो सारी चिज्जां नै रचणियां सै, उस ताहीं छिपाए राख्या। (aiōn g165) 10 ताके इब कलीसिया के जरिये, परमेसवर का बेसुमार ज्ञान आसमान के उन प्रधानां अर अधिकारियां पै जाहिर करया जावै। 11 परमेसवर नै दुनिया बणाण तै पैहले या योजना बणाई थी, जिस ताहीं उसनै म्हारे प्रभु यीशु मसीह के जरिये पूरा करया। (aiōn g165) 12 क्यूँके म्हारा मसीह पै विश्वास सै, अर उसके कारण परमेसवर की मौजूदगी म्ह हिम्मत अर भरोस्से के गेल्या परमेसवर के लोवै आ सका सां। 13 इस करके मै बिनती करूँ सूँ के जो कळेथ थारे खात्तर मन्नै होवै सै, उनके कारण हिम्मत ना छोड़ो, क्यूँके हम पिता परमेसवर के धोरे जा सका सां। 14 मै इस्से कारण उस पिता परमेसवर के आगै घुटने टेक के प्रार्थना करूँ सूँ। 15 वोए सै जो सुर्ग अर धरती पै, हरेक वंश का पिता सै। 16 मै प्रार्थना करूँ सूँ, के परमेसवर अपनी महिमा के असीमित धन के मुताबिक थारे पै अनुग्रह करै, ताके थम उसकी पवित्र आत्मा तै अपने भीतरी माणसपण म्ह सामर्थ पाके शक्तिशाली होन्दे जाओ। 17 अर विश्वास के जरिये मसीह म्हारे मन म्ह बसै, ताके थम प्यार म्ह मजबूत होके बणे रहों, अर सारे पवित्र माणसां के गेल्या आच्छी ढाळ समझण की ताकत पाओ, के उसके प्यार की चौड़ाई, लम्बाई, अर ऊँचाई, अर गहराई कितनी सै। 19 मै प्रार्थना करूँ सूँ, के थम मसीह के उस प्यार नै जाण सको जो ज्ञान तै परै सै, ताके थारा सुभाव परमेसवर के सुभाव जिसा हो जावै। 20 परमेसवर ताकतवर सै, अर वो म्हारी बिनती अर समझ तै भी घणा काम कर सके सै, उस सामर्थ के मुताबिक जो म्हारे म्ह काम करै सै। 21 कलीसिया म्ह अर मसीह यीशु म्ह उसकी बड़ाई पीढ़ी तै पीढ़ी तै ई युगानुयुग होंदी रहे। आमीन। (aiōn g165)

**4** मै प्रभु की सेवा करण के कारण कैद म्ह सूँ, अर थारे तै बिनती करूँ सूँ, के जिस बुलाहट तै परमेसवर नै थारे ताहीं बुलाया सै, उस्से तरियां जीवन बिताओ। 2 यानी सारी दीनता अर नम्रता गैल, धीरज धरके प्यार तै एक-दुसरे नै सह ल्यो। 3 इसा करण की भरपूर कोशिश करो, के थम रळ-मिलके रह सकों, क्यूँके परमेसवर की आत्मा के जरिये थम एक ए होण खात्तर बुलाए गये सों। 4 हम सारे विश्वासी, देह के अंगां की

ढाळ सां, अर सारया नै एकैए पवित्र आत्मा पाई सै, उस्से ढाळ जिब परमेसवर नै थारे ताहीं अपणे माणस होण खातर बुलाया था, तो थारे ताहीं एक उम्मीद दी गई थी। 5 सिर्फ एके प्रभु सै, एके बिश्वास सै, हम सारया नै यीशु के नाम म्ह बपतिस्मा पाया सै, 6 सिर्फ एके परमेसवर सै जो सारे माणसां का पिता सै, जो सब के उप्पर राज करै सै, अर हम सब के जरिये काम करै सै, अर हम सारया के म्ह रहवै सै। 7 पर मसीह नै हम सारया ताहीं उसके काम करण खातर न्यारे-न्यारे ढाळ की खास काबलियत देई सै। 8 इस करके पवित्र-ग्रन्थ मसीह के बारे म्ह कहवै सै, “वो ऊँच्चे पै चढ़ा अर कैदियाँ नै बाँधले गया, अर माणसां ताहीं आत्मिक दान दिए।” 9 उसकै ऊँच्चे पै चढ़ण का, के मतलब हो सके सै, सिवाए इसके के वो अधोलोक म्ह भी उतर गया। 10 अर जो उतर गया, यो वोए सै, जो सुर्ग म्ह सारे तै ऊँच्चे पद पै पोहच गया, जिसतै के उसका राज सारे ब्रह्माण्ड म्ह फैल जावै। 11 यो मसीह सै जो म्हारे ताहीं वरदान देवै सै, उसनै कईयाँ तै प्रेरित, अर कईयाँ तै नबी, कईयाँ तै सुसमाचार सुणाण आळे, कईयाँ तै सेवक अर शिक्षक नियुक्त करया, इनकी जिम्मेदारी या सै के ये और दुसरे माणसां नै सीखा के परमेसवर का काम करवा सके, अर कलीसिया जो मसीह की देह सै उस ताहीं मजबूत कर सके। 13 यो तब तक होन्दा रहवैगा जिब तक के हम अपणे बिश्वास, अर परमेसवर के बेट्टे के बारे म्ह अपणी समझ म्ह एक ना हो जावां, फेर हम सिध्द बणागे जिस तरियां मसीह सिध्द सै, अर हम पूरी तरियां तै उसके जिसे बण जावांगे। 14 मसीह म्ह बढण अर सिध्द होण के कारण, हम बाळकां के जिसा बरताव ना करां, हम उस किस्ती की ढाळ ना बणा, जिसनै झाल आगै-पाचै, अर हवा आस्सै-पास्सै उछाळै सै। इसका मतलब यो सै, के चलाक, अर ठग माणस अपणी झूठी शिक्षा कै जरिये हमनै धोक्खा नही देण पावै। 15 बल्के सच नै प्यार तै बोल्लों, अर सारी बात्तां म्ह मसीह यीशु की तरियां सिध्द बणो, जो के म्हारा सिर सै। 16 हम सारे जो मसीह म्ह बिश्वास करां सां, हम उसकी देह के अंग की तरियां सां, जिस तरियां एक माणस की देह, जोड़ा के जरिये एक साथ जुड़ी हो सै अर जिब देह का हर हिस्सा आच्छी तरियां काम करै सै, तो देह का विकास होके मजबूत बणे सै, इस्से तरियां म्हारे म्ह तै जै कोए मसीह का काम करै सै, जो मसीह नै म्हारे ताहीं दिया सै, तो हम भी मजबूत अर सिध्द होवां सां, अर हम एक-दुसरे तै ज्यादा प्यार करां सां। 17 इस करके परमेसवर नै जो अधिकार मेरे ताहीं दिया सै, उसकी बजह तै मै न्यू कहुँ सूं, के जिसा अबिश्वासी माणस अपणे मन की बेकार की रीति-रिवाजां म्ह अपणा जीवन जीवै सै, थम आज तै इसा जीवन ना जिओ। 18 क्यूँके वे समझ नही पाण लागरे, के उस अज्ञानता के कारण, अर उनके मन की कठोरता के कारण, जो उन म्ह सै, वे परमेसवर के उस जीवन तै न्यारे करे गए सै जो परमेसवर देवै सै। 19 वे बुरे काम की बजह तै अपणी गलती महसूस नही करते

अर उननै अपणे-आप ताहीं बुरे कामां खातर सौप दिया सै, वे सारी ढाळ के भुन्डे काम लगातार करते जावै सै। 20 पर थमनै मसीह की शिक्षायां म्ह इसे काम करणे नही सीखे। 21 बल्के जो थमनै यीशु मसीह के बारे म्ह सुण्या अर जो थारे शिक्षकां नै सिखाया, वोए उसकी ओड़ तै सच्चा सन्देश सै। 22 अर थारे शिक्षकां नै थारे बुरे काम अर बुरा सुभाव छोड़णा सिखाया सै, थारी बुरी लालसायां नै थारा जीवन नाश कर दिया। 23 थम पवित्र आत्मा नै थारे सुभाव अर सोच्यण के तरिकेनै बदलण द्यो। 24 परमेसवर नै थारे ताहीं एक नया सुभाव दिया सै, जो के उसके अपणे सुभाव की तरियां सै, इस करके इस नये सुभाव के मुताबिक बरताव करो। असलियत म्ह धर्मी अर पवित्र बणो। 25 इस कारण झूठ बोलणा छोड़के हरेक अपणे पड़ोसी तै सच बोल्लै, क्यूँके हम आपस म्ह हम एक ही देह के अंग सां। 26 जै थारे ताहीं गुस्सा आ भी जावै तो उस गुस्से म्ह पाप ना करियो, अर सूरज ढळण तै पैहल्या थारा गुस्सा भी नही रहणा चाहिए। 27 अर अपणे-आप ताहीं शैतान नै परखण का मौक्का ना द्यो। 28 चोरी करण आळा फेर चोरी ना करै, बल्के मेहनत करके अपणी कमाई के जरिये दुसरे माणसां की भी मदद कर सके, जो जरूरत मन्द हो। 29 कोए भी गलत बात थारे मुँह तै ना लिकड़ै, पर जरूरत के मुताबिक वोए लिकड़ै जो दुसरयां के बिश्वास की बढोतरी कै खातर हो, ताके वा बात जो थारे मुँह तै लिकड़ै सै वा सुणण आळा नै उत्साहित कर सके। 30 परमेसवर के पवित्र आत्मा नै दुखी ना करो, जो उसनै थारे ताहीं दिया सै, जो पक्का छुटकारे कै दिन थमनै बचा सके सै। 31 इस करके सारी ढाळ की कड़वाहट, प्रकोप, गुस्सा, झगड़ा, अर बुराई, सारे बैरभाव नै अपणी जिन्दगी तै लिकाड़ द्यो। 32 एक-दुसरे पै दयालु अर करुणामय हो, अर जिसा परमेसवर नै मसीह म्ह थारे कसूर माफ करे, उस्से तरियां थम भी एक-दुसरे के कसूर माफ करो।

**5** थम परमेसवर के बाळक सां, जिनतै वो प्यार करै सै, इस करके उसकी ढाळ बणण की कोशिश करो। 2 दुसरयां तै प्यार करण आळी जिन्दगी जिओ, जिस तरियां मसीह जिया, जिसनै थारे तै प्यार करया अर म्हारे पापां नै मिटाण खातर अपणे-आप ताहीं कुरबान कर दिया, अर परमेसवर उसकी कुरबानी तै खुश था, क्यूँके वा कुरबानी परमेसवर कै खातर खसबूदार भेट के समान थी। 3 जिसा पवित्र माणसां कै लायक सै, उसाए थारे म्ह जारी अर किसे ढाळ के अशुद्ध काम या लोभ का जिक्र तैई ना हो, 4 अर ना बेशर्मी, ना मूर्खता की बातचीत, ना मजाक की, क्यूँके ये बात शोभा नही देंदी, बल्के थारे मुँह तै परमेसवर का ए धन्यवाद सुण्या जावै। 5 क्यूँके थम यो आच्छी तरियां तै जाणो सां, के कोए भी जार, दुराचारी, या लोभी माणस जो मूर्तिपूजकां के समान सै, ये मसीह अर परमेसवर के राज्य के भागी नही हो सकदे। 6 कोए थमनै धोक्खा ना देवै के परमेसवर पाप करण आळे माणसां नै दण्ड कोनी देवै,

क्यूँके परमेसवर का छो हुकम ना मानण आळे पै भड़कै सै। 7 इस करके थम उनके पापी काम्मां म्ह उनके साझीदार ना होओ। 8 क्यूँके थम तो पैहल्या उन माणसां की ढाळ थे जो अन्धकार म्ह थे, पर इब थम परमेसवर के लोग बणगे सों, इस करके थम इब चाँदणे म्ह सों, तो इब थमनै उन माणसां की ढाळ जीणा चाहिए जो चाँदणे म्ह सै। 9 क्यूँके जै माणस चाँदणे म्ह सै तो उसका सुभाव आच्छा अर धर्मी सै, अर उसपै विश्वास करया जा सके सै। 10 अर यो परखो के प्रभु नै के आच्छा लागै सै। 11 थम उनके बुरे काम्मां म्ह उनके साझीदार ना होओ, बल्के लोगां नै बताओ के ये काम बुरे सै। 12 क्यूँके उनके गुप्त काम्मां का जिक्क भी शर्म की बात सै। 13 जिब बुरे लोग थारा आच्छा सुभाव देखे सै तो उनका बुरा सुभाव जाहिर हो जावै सै, उसकी बजह तै वो अपना बुरा सुभाव छोड़ दे सै, अर थारे जिसे आच्छे बण जावै सै। 14 इस कारण एक कहावत सै के “हे सोण आळे जाग! अर मुर्दा म्ह तै जी उठ! ताके मसीह थारे पै अपना चान्दणा चमकावै।” 15 इस करके ध्यान तै देखे, के किसा जीवन जीण लागरे सों। बेअक्ला की तरियां न्ही पर अकलमंद की तरियां जिओ। 16 मौक्के नै घणा कीमती समझों, क्यूँके दिन बुरे सै। 17 इस कारण बेअक्ल ना होओ, पर ध्यान तै समझो के प्रभु की मर्जी के सै। 18 मदिरा पी के मतवाले ना बणो, क्यूँके इसतै लुचपण होवै सै, पर पवित्र आत्मा तै भरदे जाओ। 19 जिब थम पवित्र आत्मा के कहे म्ह चाल्लोंगे तो ये काम करोगे, जिब थम कठ्ठे होओगे तो आप्पस म्ह परमेसवर के भजन, उसकी जै-जै कार अर आत्मिक गीत गाया करोगे, अर अपने-अपने मन म्ह प्रभु के आगै गान्दे अर कीर्तन करदे रहो। 20 अर सदा सारी बात्तां के खात्तर म्हारे प्रभु यीशु मसीह के नाम तै परमेसवर पिता का धन्यवाद करते रहो। 21 मसीह के प्रति श्रद्धा-भक्ति राक्खण के कारण एक-दुसरे के अधीन रहो। 22 हे पत्नियों, अपने-अपने पति के इस ढाळ अधीन रहो जिस ढाळ प्रभु के अधीन रहो सों। 23 क्यूँके पति तो पत्नी का सिर सै, जिस ढाळ मसीह कलीसिया का सिर सै, अर कलीसिया मसीह की देह सै अर उद्धारकर्ता भी सै। 24 पर जिस ढाळ कलीसिया मसीह के अधीन सै, उससे तरियां पत्नियाँ भी हर बात म्ह अपने-अपने पति के अधीन रहै। 25 हे पतियों, अपनी-अपनी पत्नियाँ तै प्यार राक्खो, जिसा मसीह नै भी कलीसिया तै प्यार करके उसके खात्तर अपनी जान दे दी। 26 ताके वो कलीसिया (बिश्वासी लोग्गं) ताहीं वचन तै नाहण के जरिये पापां तै शुद्ध करै, अर पवित्र बणावै। 27 वो अपनी कलीसिया खात्तर मरया ताके वो अपने माणसां नै सिद्ध बणाके अपनी हजुरी म्ह ल्या सकै, जिस म्ह ना कलंक, ना झुरी, ना कोए और इसी चीज हो बल्के पवित्र अर बेकसूर हो। 28 इस तरियां सही सै के पति अपनी-अपनी पत्नी तै अपनी देह के समान प्यार राक्खै। जो अपनी पत्नी तै प्यार करै सै। वो अपने-आप तै प्यार करै सै। 29 क्यूँके किसे नै

कदे अपने देह तै बैर न्ही करया बल्के वो उसका पालन-पोषण करै सै, जिसा मसीह भी कलीसिया के गैल करै सै। 30 इस करके के हम मसीह की देह के अंग के समान सां। 31 जिसा के पवित्रग्रन्थ म्ह लिख्या सै, “इस कारण माणस अपने माँ बाप नै छोड़के अपनी पत्नी तै मिल्या रहैगा, अर वे दोनु एक देह होंगे।” 32 यो भेद तो बड़ड़ा सै, पर मै याई मसीह अर कलीसिया के बारे म्ह कहूँ सूं। 33 पर थारे म्ह तै हरेक अपनी पत्नी तै अपने समान प्यार करै, अर पत्नी भी अपने पति का डर मानै।

**6** पवित्र ग्रन्थ कहवै सै, के “अपने माँ बाप का आदर कर, तो तेरा भला होगा अर इस धरती पै तेरी उम्र भी लम्बी होवैगी।” अर यो परमेसवर की ओड़ तै दिया गया पैहला हुकम सै, जिसके गैल वादा भी सै। हे बाळकां आळो, यो थारे खात्तर सही सै, के थम जो परमेसवर पै विश्वास करो सों, तो अपने माँ-बाप का कहणा मानो। 4 हे बाळकां आळो, अपने बाळकां नै गुस्सा ना दुवाओ, पर शिक्षा अर चेतावनी देंदे होए उनका पालन-पोषण करो। 5 हे नौकरों, जो माणस इस दुनिया म्ह थारे माल्लिक सै, उनका हुकम डरदे अर कापते होए मानो, जिस मन तै थम मसीह का हुकम मानो सों। 6 माणसां नै खुश करण आळा कै समान दिखावटी सेवा ना करो, पर थम मसीह के दास सों, इस करके थम पूरे मन तै वो काम करो जो परमेसवर चाहवै सै। 7 अर उस सेवा नै माणसां की न्ही, पर प्रभु की सेवा जाणके सच्चे मन तै करो। 8 क्यूँके थम जाणो सों के जो कोए जिसा आच्छा काम करैगा, चाहे दास हो चाहे आजाद माणस, प्रभु तै उसका फळ पावैगा। 9 हे मालिकों, थम भी धमकी देणा छोड़के नौकरां गैल उसाए व्यवहार करो, क्यूँके थम जाणो सों के उनका अर थारा दोनुआ का माल्लिक सुर्ग म्ह सै, अर वो किसे का पक्षपात न्ही करदा। 10 इस करके मै कहूँ सूं के थम प्रभु म्ह आत्मिक रूप तै शक्तिशाली बणो। 11 परमेसवर के सारे हथियार बाँध ल्यो ताके थम शैतान की चालां के स्याम्ही खड़े रह सको। 12 क्यूँके म्हारा यो आत्मिक युद्ध माणसां तै कोनी, पर प्रधानां, अधिकारियां, अर इस संसार के अन्धकार के हाकिमां अर दुष्टता की आत्मिक सेनाओं तै सै, जो अकास म्ह सै। (aiōn g165) 13 इस करके परमेसवर के सारे हथियार बाँध ल्यो ताके जिब बुरे दिन आवै तो उनका सामना कर सको, अर सब कुछ करण म्ह मजबुती तै डटे रह सको। 14 इस करके परमेसवर की सच्चाई के मुताबिक जिओ, यो इस तरियां सै, जिसा एक सिपाही का बेल्ट तै अपनी कमर कसणा, अर धार्मिकता की झिल्लम पैहर ल्यो जो थारे आच्छे सुभाव नै दिखावै सै, जो थमनै शैतान के हमले तै बचावैगा। 15 जिस तरियां एक सिपाही युद्ध लड़ण के खात्तर पैरां म्ह जूते पैहरे सै, उससे तरियां थम भी परमेसवर के साथ शान्ति के सुसमाचार के जरिये, शैतान तै लड़ण खात्तर त्यार हो जाओ। 16 अर इन बात्तां के होन्दे होए जिस तरियां सिपाही, ढाल तै अपने-आपनै दुश्मन के तीरां तै बचावै सै, उससे तरियां मसीह म्ह पक्का विश्वास करो ताके थम

शैतान के हमलां तै खुद नै बचा सकी। 17 जिस तरियां सिपाही युध्द म्ह अपणे सिर नै बचाण खात्तर टोप पैहरै सै, उस्से तरियां परमेसवर की ओड़ तै मिल्या उद्धार भी म्हारा टोप सै, जो थमनै शैतान के हमलां तै बचावैगा, अर जिस तरियां सिपाही युध्द म्ह तलवार तै अपणे-आपनै बचावै सै, अर थम भी आत्मा की तलवार, जो परमेसवर का वचन सै, ले ल्यो, अर शैतान तै खुद नै बचा ल्यो। 18 हरेक बखत अर हरेक ढाळ तै पवित्र आत्मा की अगुवाई म्ह प्रार्थना अर बिनती करते रहें, इस करके जागते रहें अर सारे पवित्र माणसां खात्तर लगातार बिनती करते रहें। 19 अर थम मेरै खात्तर भी प्रार्थना करो, ताके मेरे बोल्लण कै बखत इसे शब्द दिये जावै के मै हिम्मत कै गैल सुसमाचार का भेद बता सकूँ। 20 इस्से खात्तर मै बेल्लां तै जकड़ा होया राजदूत के समान सेवा करण लाग रहया सूं, प्रार्थना करो के जिस तरियां मन्ने बोलणा चाहिए, उस्से ढाळ बेथड़क होके सुसमाचार का प्रचार कर सकूँ। 21 तुखिकुस जो प्रभु म्ह मेरा प्यारा भाई अर बिश्वास लायक सेवक सै, वो थारे ताहीं मेरे सारे हालात अर सारी बात्तां के बारे म्ह बता देवैगा। 22 उस ताहीं मन्ने थारे धोरे इस्से खात्तर भेज्या सै के थम म्हारी दशा नै जाणो, अर वो थारे मनां नै होसला दे। 23 परमेसवर पिता अर प्रभु यीशु मसीह की ओड़ तै बिश्वासी भाईयाँ नै शान्ति अर बिश्वास गैल प्यार मिलै। 24 उन सारा पै अनुग्रह होंदा रहवै, जो म्हारै प्रभु यीशु मसीह तै कदे ना खतम होण आळा प्यार करै सै।

# फिलिप्पियों

**1** या चिट्ठी पौलुस अर तीमुथियुस की ओड़ तै सै, जो यीशु मसीह के दास सै, मै पौलुस कलीसिया के सारे पवित्र माणसां, अगुवां, अर सेवकां के नाम जो प्रभु यीशु मसीह म्ह होके फिलिप्पी नगर म्ह रहवै सै। 2 हम प्रार्थना करां सां के म्हारै पिता परमेसवर अर प्रभु यीशु मसीह की ओड़ तै थारे ताहीं अनुग्रह अर शान्ति मिलदी रहवै। 3 मै जिब-जिब थमनै याद करूँ सूँ, तब-तब अपणे परमेसवर का धन्यवाद करूँ सूँ, 4 अर खुशी कै गैल अपणी हरेक प्रार्थना म्ह थारे सारया खात्तर हमेशा परमेसवर तै मदद की बिनती करूँ सूँ। 5 इस करके के पैहले दिन तै जिब थमनै सुसमाचार पै बिश्वास करया, तब तै आज तक थम यीशु मसीह कै प्यार के बारे म्ह सुसमाचार फैलाण म्ह म्हारे साथ रखे सों। 6 मन्नै इस बात का भरोस्सा सै, के परमेसवर जिसनै थारे म्ह आच्छा काम शरु करया सै, वोए उसनै जिब यीशु मसीह बोहड़ के आवैगा तब तक पूरा करेगा। 7 सही सै ताके मै थारे सारया खात्तर इसाए विचार करूँ। क्यूँके थारे खात्तर मेरै मन म्ह खास जगहां सै, इब मै कैद म्ह सूँ, अर सुसमाचार की सच्चाई नै साबित अर बचाव करण म्ह लागरया सूँ, तो थम सब मेरै गैल परमेसवर के अनुग्रह म्ह साझीदार सों। 8 इस म्ह परमेसवर मेरा गवाह सै, के मै मसीह यीशु की तरियां लगाव करके, थारे सारया की मिलण की लालसा करूँ सूँ। 9 मै या प्रार्थना करूँ सूँ, के थारा प्यार वास्तविक ज्ञान अर अन्तरात्मा म्ह और भी बढ़ता जावै। 10 ताके थम आच्छी तै आच्छी बात नै चुण सकों, अर मसीह कै बोहड़ण तक हरेक बुराई तै बचे रहों, अर ठोक्कर ना खाओ। 11 अर उस धार्मिकता के काम नै जो यीशु मसीह कै जरिये होवै सै, भरपूर होन्दे जाओ जिसतै परमेसवर की महिमा अर बड़ाई होंदी रहवै। 12 हे बिश्वासी भाईयो, मै चाहूँ सूँ के थम यो जाण ल्यो, के जो मेरै पै बित्या सै, उसतै भोत सारे माणसां नै सुसमाचार पै बिश्वास करया सै। 13 उरै ताहीं के महाराजा के राजभवन की सारी पलटन अर बाकी सारे माणस यो जाणगे सै, के मै कैद म्ह सूँ, क्यूँके मै मसीह का दास सूँ। 14 अर प्रभु म्ह जो बिश्वासी भाई सै, उन म्ह तै घणखरे मेरै कैद होण कै कारण, साहस कै गैल परमेसवर का वचन बिना डरे सुणावै सै। 15 कुछ लोग तो जळण अर झगड़े के कारण मसीह के सुसमाचार के बारे म्ह सुणावै सै, अर कई माणस भली इच्छा तै, ताके मेरे वचन फैलाण म्ह मदद कर सकै। 16 भली इच्छा तै प्रचार करण आळे प्यार तै प्रचार करै सै, क्यूँके वो जाणै सै, के मै सुसमाचार के बचाव कै खात्तर जेळ म्ह बन्द सूँ। 17 कई माणस तो जळण अर बिरोध के कारण मसीह का प्रचार करै सै, यो सोचके के मेरी कैद म्ह मेरे खात्तर और कळेथ पैदा कर सकै। 18 तो के होया? सिर्फ यो के हर ढाळ तै, बुरी इच्छा तै चाहे सच्चाई तै, मसीह के वचन का प्रचार हरेक जगहां करया जाण लागरया सै, अर मै

इसतै आनन्दित सूँ अर आनन्दित रहूँगा भी। 19 क्यूँके मै जाणू सूँ, के थारी बिनती कै जरिये, अर पवित्र आत्मा जो यीशु मसीह की ओड़ तै आया सै, इसका प्रतिफळ जो मेरे बिश्वास म्ह बणे रहण अर कैद तै लिंकड़ण का कारण होगा। 20 मै तो याए मन तै लालसा अर आस राखूँ सूँ, के मै किसे बात म्ह शर्मिन्दा ना होऊँ, पर साहस के साथ परमेसवर का वचन सुणा सकूँ, जिसा पैहले मन्नै सुणया था, चाहे मै जिन्दा रहूँ या मरु, मसीह की बड़ाई मेरी देह के जरिये होन्दी रहवै। 21 क्यूँके मेरै खात्तर जिन्दा रहणा मसीह सै, अर मर जाणा और भी आच्छा सै, क्यूँके मै मसीह कै धोरे चला जाऊँगा। 22 पर जै देह तै जिन्दा रहणा ए परमेसवर के काम कै खात्तर फायदेमन्द सै, तो मै नही जाणदा के किसनै चुणु। 23 क्यूँके मै उलझन म्ह सूँ, के मै के करूँ, जी तो करै सै, के मै दुनिया छोड़के मसीह कै धोरे चला जाऊँ, क्यूँके यो घणाए आच्छा सै, 24 पर देह म्ह रहणा थारे कारण और भी जरूरी सै, ताके मै थारी मदद कर सकूँ। 25 इस करके के मन्नै इसका भरोस्सा सै। मै जाणू सूँ के मै जिन्दा रहूँगा, बल्के सारा कै गेल्या रहूँगा, जिसतै थमनै बिश्वास म्ह मजबूत कर सकूँ, अर उस म्ह आनन्दित रहों। 26 जिब मै थारे धोरे बोहड़ के आऊँगा तो यीशु मसीह जो मेरे जरिये काम करण लागरया सै, उसपै थम गर्व कर सकों सों। 27 सिर्फ इतणा करो, के थारा चाल चलण मसीह कै सुसमाचार कै लायक हो जावै। चाहे मै आके थमनै देखूँ, चाहे ना भी आऊँ, तोभी थारे बारे म्ह योए सुणु, के थारा एक ए मकसद हो, अर एक मन होके बिश्वास तै जो सुसमाचार तै आवै सै, उसके खात्तर मेहनत करते रहों। 28 अर किसे बात म्ह बिरोधियाँ तै भय ना खाओ। उनके खात्तर विनाश का, अर थारे खात्तर उद्धार का साफ सबूत सै, अर यो परमेसवर की ओड़ तै सै। 29 क्यूँके मसीह कै कारण थारे पै या अनुग्रह होया के ना केवल उसपै बिश्वास करो पर उसके खात्तर दुख भी ठाओ, 30 अर थमनै उसीए मेहनत परमेसवर कै खात्तर करणी सै, जिसी थमनै मेरे ताहीं पैहले फिलिपी नगर म्ह करते देख्या सै, अर इब भी सुणो सों के मै उसाए करूँ सूँ।

**2** थम यीशु मसीह के कारण उत्साहित हो, अर जो उसका प्यार थारे खात्तर सै, वो थमनै शान्ति देवै सै, क्यूँके पवित्र आत्मा कै गैल थारी संगति सै, अर मसीह की करुणा अर दया थारे पै सै। 2 तो मेरा यो आनन्द पूरा करो के एक मन रहों, अर एके प्यार, एके चित्त, अर एके मनसा राखखों। 3 मतलबीपण या झूठी बड़ाई के खात्तर कुछ ना करो, पर दीनता तै एक-दुसरे नै अपणे तै घणा आदर मान घो। 4 हरेक अपणे ए हित की नही, बल्के दुसरयां कै हित की भी चिंता करै। 5 जिसा मसीह यीशु का सुभाव था उसाए तेरा भी सुभाव हो। 6 यीशु, परमेसवर कै समान होके भी होके भी परमेसवर कै बराबर होण नै अपणे बस म्ह राखण की चीज ना समझा। 7 बल्के अपणा सारा सुर्गीय हक छोड़ दिया, अर दास का रूप धारण करते होए माणस की समानता म्ह होग्या। 8 अर माणस कै रूप म्ह जाहिर

होके अपने-आपने दीन करया, अर परमेसवर का आज्ञाकारी रहया अर याड़े तक के अपराधियों की तरियां मौत, हॉ क्रूस की मौत भी सह ली। 9 इस कारण परमेसवर नै उस ताहीं ऊँची उपाधि दी, अर उसने वो नाम दिया जो सारे नामां म्ह ऊँचा सै, 10 के जो सुर्ग म्ह अर धरती पै धरती कै नीचै सै, वे सारी यीशु के नाम की बड़ाई करै, 11 अर परमेसवर पिता की महिमा के खात्तर हरेक इन्सान मान ले के यीशु मसीह ए प्रभु सै। 12 इस करके हे मेरे प्यारे बिश्वासी भाईयो, जिस ढाळ थम सदा तै हुकम मानते आये सों, उसाए इब भी ना सिर्फ मेरे गैल रहंदे होए, पर खास करके इब मेरे दूर रहण पै, भी परमेसवर तै डरदे अर कापते होए अपने उद्धार के काम नै पूरा करो। 13 क्यूँके परमेसवर थारे म्ह काम करण लागरया सै, अर वोए थमने अपणी इच्छा अर सामर्थ देवै सै, वो काम करो जो उसने पसन्द सै। 14 सारे काम बिना कुड़कड़ाए अर बिना विवाद कै करया करो, 15 ताके थम परमेसवर की ऊलाद की तरियां इस दुनिया के बुरे अर मतलबी माणसां के बीच म्ह पवित्र अर बेदाग जीवन जी सकों। दुनिया के माणसां के बीच म्ह थम जीवन का वचन लिये होए, आसमान के तारां के समान चमकों। 16 जिब मसीह बोहड़े तो मन्ने गर्व करण का कारण हो, ताके मेरी कोशिश अर मेरी मेहनत करणा बेकार ना होवै। 17 जिब मन्ने थारे ताहीं वचन सुणाया, तो थमने यीशु मसीह पै बिश्वास करया, अर अपणा जीवन भी सेवा खात्तर प्रभु ताहीं बलिदान दिया। इस करके मै प्रभु खात्तर भर भी जाऊँ, तोभी थारे साथ खुश अर आनन्दित सूँ। 18 उस्से तरियां थम भी आनन्दित होओ, अर मेरे गैल आनन्द करो। 19 मन्ने प्रभु यीशु मसीह म्ह आस सै, के मै तीमुथियुस नै थारे धोरे तावळा-ए भेजूगाँ, ताके थारे हाल नै जाणकै, मै उत्साहित होऊँ। 20 क्यूँके मेरे धोरे तीमुथियुस के जिसा सुभाव आळा माणस और कोए न्ही सै जो शुद्ध मन तै थारी चिंता करै। 21 क्यूँके सारे अपने स्वार्थ की खोज म्ह रहवै सै, परमेसवर के कामां खात्तर न्ही। 22 पर थम जाणो सों, के तीमुथियुस तो बिश्वास लायक अर आच्छे सुभाव का सै, जिसा बेट्टा पिता कै गेल्या रहवै सै, उसाए उसनै सुसमाचार कै फैलाण म्ह मेरे गैल मेहनत करी। 23 इस करके मन्ने आस सै, कै ज्यो ही मन्ने बेरा लागैगा के मेरा के हाल होगा, त्यों ही मै उसनै तावळी सी भेज देऊँगाँ। 24 अर मन्ने प्रभु म्ह भर्रोसा सै, के मै आप भी तावळा आऊँगा। 25 मन्ने इपफ्रुदीतुस नै थारे धोरे भेजणा जरूरी समझा, जो मेरा भाई अर सहकर्मी साथी योधा, अर जरूरतां म्ह मेरी मदद करण आळा थारी ओड़ तै भेजजा गया दूत सै। 26 क्यूँके उसका मन थारे सारया म्ह लागया रह्या था, अर वो बेचैन रहवै था क्यूँके थमने उसकी बीमारी का हाल सुण्या था। 27 पक्का वो बीमार तो होगया था, उरै ताहीं वो मरण पै था, पर परमेसवर नै उस ताहीं मरण न्ही दिया, अर सिर्फ उस्से पै न्ही पर मेरे पै भी दया करी, ताके मन्ने दुख पै दुख ना हो। 28 इस करके मन्ने उस ताहीं भेजण का और भी

जल्न करया, के तू उसतै फेर मिलकै आनन्दित हो जा, अर मेरी भी चिन्ता घट जावै। 29 इस करके तू प्रभु म्ह उसतै घणे आनन्द कै गैल मिलये, अर इसा का आदर करया करिये। 30 क्यूँके वो मसीह कै काम खात्तर अपणी जान जोखिम म्ह गेर कै मौत कै धोरे आ गया था। ताके वो मेरी मदद कर सकै जिस काम नै थम कर न्ही पाये, क्यूँके थम दूर थे।

**3** इस करके हे मेरे बिश्वासी भाईयो, प्रभु म्ह आनन्दित रहों। वेए बात थारे ताहीं बारबार लिखण म्ह मन्ने तो कोए दिक्कत कोनी होन्दी, पर ये बात थमने इस्से झूठे शिक्षाकां तै बचाकै राक्खैगी। 2 उन बुरे माणसां तै चौक्कस रहों जो कुत्त्यां कै समान सै, अर जो कहवै सै, के उद्धार पाण खात्तर खतना करणा जरूरी सै। 3 हम्मे परमेसवर के सच्चे लोग सां, जो पवित्र आत्मा की अगुवाई म्ह आराधना करा सां, अर मसीह यीशु पै घमण्ड करा सां, पर अपने उन कामां के जरिये न्ही जो हम शरीर तै करा सां। 4 पर मै तो शारीरिक कामां पै घमण्ड राक्ख सकू सूँ। जै किसे और का शारीरिक कामां पै घमण्ड राक्खण का विचार हो, तो मै उसतै भी बढ़कै राक्ख सकू सूँ। 5 परमेसवर के हुकम के मुताबिक जन्म के आठवे दिन मेरा खतना होया, मै जन्म तै इस्राएली अर बिन्यामीन कै गोत्र का सूँ, मेरे माँ-बाप इब्रानी थे, इस करके मै भी इब्रानी सूँ, अर (मूसा नबी के) नियम-कायदा नै मानण के कारण मै फरीसी भी था। 6 उत्साह कै बारें म्ह जै कहो तो कलीसिया का सतावण आळा, अर सारे यहूदी नियम-कायदा नै मानण आळा था, इस करके लोग मन्ने धर्मी मान्ने थे। 7 पर जिन बात्तां नै मै लाभ की समझू था, उन ताहीं मन्ने मसीह यीशु के कारण नुकसान समझ लिया सै। 8 बल्के अपने प्रभु मसीह यीशु नै आच्छी तरियां जाणण के महत्व कै आगै, मै बाक्की की सारी बात्तां नै बेकार समझू सूँ। जिसके कारण मन्ने उन सारी चिज्जां ताहीं छोड़ दिया सै, अर उननै कूड़ा समझू सूँ। ताके मै मसीह नै आच्छी तरियां जाण सकू। 9 अर मै उसका कहलाऊँ, इब मेरी अपणी धार्मिकता वा कोनी जो नियम-कायदा के पुगाण तै आवै सै, बल्के मेरी धार्मिकता वा सै जो सिर्फ परमेसवर की ओड़ तै मसीह पै मेरे बिश्वास करण के कारण आवै सै। 10 मै चाहूँ सूँ, के मसीह नै जाण ल्यु। अर मै उसके पुनरुत्थान के सामर्थ्य नै अनुभव करूँ, अर उसके गैल दुखां म्ह साझीदार हो के मसीह की मृत्यु की समानता नै पा सकू। 11 ताके मै भी मेरे होए माणसां म्ह तै जी उठण आळा म्ह शामिल हो जाऊँ। 12 इसका यो मतलब कोनी के मन्ने यो सारा काम करया सै, या मै सिध्द हो लिया सूँ, मै आगै बढ़ण की कोशिश करते जाण लागरया सूँ, ताके मन्ने यो मिल जावै, जिसके खात्तर मसीह यीशु नै मेरे ताहीं चुण्या सै। 13 हे मेरे बिश्वासी भाईयो, मेरे विचार तै मै इस ताहीं इब तक पा न्ही सका सूँ, पर हॉ, मै यो जरूर करण लागरया सूँ, क्यूँके जो बात हो ली सै, मै उननै भूलकै जो आगै होण आळा सै उसकै खात्तर मेहनत करण लागरया सूँ। 14 मै निशान्ने

की ओड़ भाज्या चाल्या ज्या सूं ताके वो ईनाम पाऊँ, अर वो ईनाम यो सै के परमेसवर मन्ने सुर्ग म्ह बुलाण लागरया सै क्यूँके मसीह यीशु मेरे खातर मरया। 15 म्हारै म्ह तै जितने आत्मिक रूप तै सिध्द सै, जो इसा विचार राक्खै सै, अर जै किसे बात म्ह थारा ए विचार नही हो, तो परमेसवर उस ताहीं भी थारे पै जाहिर कर देगा। 16 इस करके हमनै सच के मुताबिक चालणा सै, जो परमेसवर नै म्हारे पै जाहिर करया। 17 हे मेरे विश्वासी भाईयो, थारा सुभाव मेरे जिसा हो, अर उन माणसां ताहीं पिच्छाणो, जिनका सुभाव मेरे जिसा सै, अर उनकी तरियां जिन्दगी जिओ। 18 क्यूँके घणोए इसी चाल चाल्लै सै, जिनका जिफ्र मन्ने थारे ताहीं बार-बार करया सै, अर इब भी रो-रोकै कहुँ सूं के उनका सुभाव यो दिखवै सै, के वे मसीह के क्रूस पै मरण के सन्देस का बिरोध करै सै। 19 उनका अंत विनाश सै, वो अपणी शारीरिक इच्छा नै ए पूरी करणा चाहवै सै, अर वे अपणी शर्म के काम जो वे करै सै, उनपै घमण्ड करै सै, अर दुनियावी चिज्जां के बारें म्ह सोचते रहवै सै। 20 पर म्हारा देश सुर्ग म्ह सै, अर हम एक उद्धारकर्ता प्रभु यीशु मसीह के ओड़ै तै आण की बेसबरी तै बाट देखण लाग रहे सां। 21 वो अपणी शक्ति के असर के मुताबिक जिसके जरिये वो सारी चिज्जां नै अपणे बस म्ह कर सकै सै, म्हारी दीन-हीन देह का रूप बदलके, अपणी देह के अनुकूल बना देगा।

**4** हे मेरे विश्वासी भाईयो, मै थारे ताहीं भोत प्यार करूँ सूं, मन्ने थारे तै मिलण की बड़ी इच्छा सै। थम मेरा आनन्द अर मुकुट हो, मजबुती तै विश्वास करो, अर प्रभु के हुकम नै मानते रहों। 2 मै यूओदिया नै भी समझाऊँ सूं, अर सुन्तुखे नै भी, के थम आप्सस म्ह एक-दुसरे तै बहस मत करो। 3 हे मेरे सच्चे सहकर्मी, मै तेरे तै भी बिनती करूँ सूं के तू उन बिरबानियाँ की लड़ाई बन्द करवाण म्ह मदद कर, क्यूँके उननै मेरै गैल सुसमाचार फैलाण म्ह, क्लेमेंस अर मेरै और सहकर्मियाँ गैल मेहनत करी, जिनके नाम जीवन की किताब म्ह लिखे होए सै। 4 प्रभु म्ह सदा आनन्दित रहों, मै फेर कहुँ सूं, आनन्दित रहों। 5 थारी कोमलता सारे माणसां पै जाहिर हो। प्रभु का आणा लोवै सै, 6 किसे भी बात की चिंता ना करो, पर हर हालात म्ह थारे निवेदन, प्रार्थना, बिनती अर धन्यवाद के गैल परमेसवर के आगुँ पेश करै जावै। 7 फेर परमेसवर की शान्ति, जो माणस की समझ तै परे सै, थारे मन अर विचारां नै मसीह यीशु म्ह सुरक्षित राक्खेगी। 8 इस करके हे विश्वासी भाईयो, जो बात सच सै, जो बात आदरणीय, जो धर्मी सै, पवित्र सुहावनी अर जो-जो बात बड़ाई लायक सै, यानी जो भी सद्गुण अर प्रशंसा की बात सै उनपै ए मन लगाया करो। 9 जो बात थमनै मेरै तै सुणी, मेरे म्ह देखी, सीखी, अर पाई सै, उननै मान्या करो, फेर शान्ति का परमेसवर थारे गैल रहैगा। 10 मै प्रभु मै घणा आनन्दित सूं के जिब इतने दिनां के पाच्छै थारी चिंता मेरै बारें म्ह फेर जागगी सै, पक्का थारे शरुआत म्ह भी इसका विचार

था, पर थमनै मौक्का नही मिला। 11 क्यूँके मेरे धोरै वो कोनी जो मन्ने चाहिए, पर मन्ने यो सिख्या सै के मै जिन हालातां म्ह मै सूं, उस्से म्ह सन्न करूँ। 12 मन्ने कंगाली अर भरपूरी म्ह रहणा सीख लिया सै, हरेक हालातां अर हरेक बात म्ह मन्ने तृप्त अर भूक्खा रहणा, बढ़णा अर घटना सीख लिया सै। 13 मसीह मन्ने सामर्थ देवे सै उस म्ह मै सब कुछ कर सकूँ सूं। 14 तोभी थमनै भला करया के मेरै कळेस म्ह मेरे साझीदार होए। 15 हे फिलिप्पी नगर के माणसों, थम आप भी जाणो सों के सुसमाचार के शरुआत म्ह, जिब मै मकिदुनिया परदेस तै बिदा होया, जब थारे अलावा किसे कलीसिया के बिश्वासी नै लेण देण के बारें म्ह मेरी मदद नही करी। 16 इसे ढाळ थिस्सलुनीके नगर म्ह मेरी जरूरतां नै पूरा करण म्ह थमनै दो बार रपिये भेजके मेरी मदद करी। 17 मै यो नही लिखता, के मै दान चाहूँ सूं पर मै चाहूँ सूं के थारे दान के बदले थमनै आशीष मिलै। 18 मेरै धोरै सब कुछ सै, बल्के भोत घणाए सै, जो चीज थमनै इपफ्रुदीतुस के हाथ तै भेजी थी उननै पाके मै तृप्त होया सूं, थारे दान तो मनमोहक सुगन्धित भेट की तरियां सै, अर उस बलिदान की तरियां सै, जो याजक परमेसवर नै चढ़ावै सै, अर वे उसने भावै सै। 19 म्हारा पिता परमेसवर, अपणे अपार धन के मुताबिक जो महिमा समेत मसीह यीशु म्ह थारी हरेक जरूरत नै पूरी करेगा। 20 म्हारै परमेसवर अर पिता की बड़ाई युगानुयुग होंदी रहवै। आमीन। (aiōn g165) 21 यीशु मसीह म्ह सभ भी पवित्र माणसां नै, मेरी ओड़ तै नमस्कार कहो। जो विश्वासी भाई मेरै गैल सै वे थारे ताहीं नमस्कार कहवै सै। 22 सारे पवित्र माणस, जो मेरे साथ सै, अर खास करके वे माणस जो कैसर के घराने तै बिश्वासी बणे सै, थारे ताहीं नमस्कार कहवै सै। 23 म्हारै यीशु मसीह का अनुग्रह थारी आत्मा के गैल रहवै।

# कुलुस्सियों

1 या चिट्ठी पौलुस अर म्हारे बिश्वासी भाई तीमूथियुस की ओड़ तै सै, जो परमेसवर की इच्छा तै मसीह यीशु का प्रेरित सै। 2 मसीह म्ह उन पवित्र अर बिश्वासी भाईयाँ के नाम जो कुलुस्से नगर म्ह रहवै सै: म्हारा पिता परमेसवर थारे ताहीं अनुग्रह अर शान्ति देंदा रहवै। 3 जिब हम थारे खात्तर बिनती करां सां, तो हम अपणे प्रभु यीशु मसीह के पिता, यानी परमेसवर का धन्यवाद करा सां। 4 क्यूँके हमनै सुण्या सै के यीशु मसीह पै थारा बिश्वास सै, अर सारे पवित्र माणसां तै थम प्यार करो सों। 5 जो बिश्वास अर प्यार इन बिश्वासी भाईयाँ के धोरे सै, वो उस आस की बजह तै ए सै, जो थारे खात्तर सुर्ग म्ह धरी सै, जिसका वर्णन थमनै पैहले तै सुण राख्या सै। जिब माणस थारे धोरे आए अर यीशु मसीह का सुसमाचार थारे ताहीं सुणाया, जो के परमेसवर का वचन सै। 6 जो थारे धोरे पोहचा सै, अर जिसा दुनिया म्ह यो नतिज्जा ल्याण लागरया सै अर दुनिया म्ह हरेक जगहां फैलण लागरया सै, उस्से तरियां जिस दिन तै थमनै उस ताहीं सुण्या अर या सच्चाई आच्छी तरियां समझी के परमेसवर मुफ्त म्ह उन माणसां का पाप माफ करै सै जो यीशु पै बिश्वास करै सै। थारे म्ह भी इसाए करै सै। 7 उस्से की शिक्षा थमनै म्हारे गैल काम करणीये प्यारे इपफ्रास तै पाई, जो म्हारे खात्तर मसीह का बिश्वास लायक दास सै। 8 उस्से नै म्हारे ताहीं पवित्र आत्मा के प्यार के बारे म्ह बताया सै, जो परमेसवर नै म्हारे ताहीं दिया सै। 9 इस करके जिस दिन तै हमनै यो सुण्या सै, हम भी थारे खात्तर सदा प्रार्थना करां सां। के थम परमेसवर का आत्मा थारे ताहीं आत्मिक ज्ञान अर समझ देवै, ताके थम उसकी इच्छा नै समझ सको। 10 थारा बरताव इसा होणा चाहिए जिसा परमेसवर के माणसां का हो सै, ताके थम परमेसवर नै हरेक काम म्ह खुश कर सको, ताके थम सारी हाण भले काम करते रहों अर थम परमेसवर की पिच्छाण म्ह बढ़ते जाओ। 11 उसकी महिमा की शक्ति के मुताबिक सारी ढाळ की सामर्थ तै शक्तिशाली होन्दे जाओ, ताके थम खुशी अर धीरज के गैल दुखां नै सह सको। 12 अर पिता परमेसवर का धन्यवाद करते रहो, जिसनै थारे ताहीं इस लायक बणाया के थम उसके राज्य म्ह साझीदार हो सको, जो उसनै अपणे माणसां खात्तर सुर्ग म्ह तैयार करया सै। 13 उस्से नै म्हारे ताहीं शैतान की सामर्थ तै छुड़ाके अपणे प्यारे बेटे के राज्य म्ह दाखल कराया, 14 जिसतै अपणे बेटे की कुरबान्नी के जरिये म्हारे ताहीं छुटकारा दिया, यानी पापां की माफी। 15 परमेसवर नै कोए न्ही देख सकता, पर जिब उसका बेटा यीशु मसीह इन्सान की देह धारण करके इस धरती पै आया तो हम उसने जाण पाए के परमेसवर किसा सै, वो बिलकुल उसके समान सै। 16 क्यूँके मसीह नै परमेसवर के साथ मिलके सारी चिज्जां की सृष्टि करी, सुर्ग की हो या धरती की, देखी या अनेदक्खी, के सिंहासन, के

प्रभुताएँ, के प्रधानताएँ, के हक, सारी चीज उस्से के जरिये अर उस्से खात्तर बणाई गई। 17 सारी चिज्जां के बणण तै पैहला मसीह था, अर सारी चीज उस्से म्ह मिलके काम करै सै। 18 मसीह की देह कलीसिया नै चलावै सै, जिस तरियां सिर पूरे देह नै चलावै सै, यानी मसीह कलीसिया का सिर सै, वोए शरुआत सै, अर मरे होया म्ह तै जी उठण आळा म्ह जेद्दा सै, ताके सारी बात्तां म्ह वोए प्रधान बणै। 19 क्यूँके पिता परमेसवर की खुशी इस्से म्ह सै के मसीह म्ह परमेसवर की सारी भरपूरी रहवै। 20 अर उसके क्रूस पै बहे होए लहू के जरिये मेळ-मिलाप करके, परमेसवर नै अपणे बेटे ताहीं भेज्जा, जिसनै अपना लहू बहाया अर अपनी जाण दे दी। परमेसवर नै यो इस खात्तर करया ताके उसका अर सारी चिज्जां तै दुबारा मेळ हो सकै। इस तरियां तै उसनै अपणे बीच अर सारी चीज जो सुर्ग म्ह सै या अर सारी चीज जो धरती पै सै शान्ति की स्थापना करी। 21 थम जो पैहले पराये थे अर बुरे काम्मां के कारण मन तै बैरी थे। 22 परमेसवर नै इब अपणे बेटे ताहीं इन्सान बणाके भेज्जा ताके वो क्रूस पै मारया ज्या, जिसकी बजह तै थारा भी मेळ करवाया ताके थमनै अपणे आगै पवित्र अर बिना कलंक अर बेकसूर बणाके खड्या करै। 23 जै थम मसीह म्ह बिश्वास करो सों, अर थारा बिश्वास उस घर की तरियां हो जो मजबूत नीम पै खड्या सै, अर उस सुसमाचार की आस नै ना छोड़ो, जिस ताहीं थमनै सुण्या सै, जिसका प्रचार दुनिया के माणसां म्ह करया गया सै, उसका मै, पौलुस, वचन का सुणण आळा बणया। 24 मै उन दुखां के कारण आनन्दित सूँ, जो थारे खात्तर ठाऊँ सूँ अर मसीह के क्लेश की कमी उसकी देह के खात्तर, यानी कलीसिया के खात्तर, अपणे गात म्ह पूरी करूँ सूँ। 25 इस्से कलीसिया के खात्तर मै थारे खात्तर परमेसवर के जरिये सौंपी गई सेवा के मुताबिक दास चुण्या गया के मै परमेसवर के आदेश नै पूरी तरियां प्रचार करूँ। 26 यानी उस राज नै जो बखत अर पीड़ियाँ तै गुप्त रह्या, पर इब उसके उन पवित्र माणसां पै दिख्या सै। (aiōn g165) 27 परमेसवर चाहवै सै के मसीह के धन अर महिमा नै गैर यहूदियाँ के माणस जाणै सै, अर वो राज यो सै के मसीह थारे म्ह रहवै सै, यो थमनै परमेसवर की महिमा नै साँझा करण की आस देवै सै। 28 इस खात्तर हम दुसरयां नै मसीह के बारे म्ह बतावां सां, अर हरेक आदमी नै चैतावनी देवा सां अर परमेसवर के दिए गए ज्ञान तै हरेक आदमी नै सिखावा सां, हरेक आदमी नै मसीह म्ह सिध्द करके परमेसवर के स्याम्ही पेश करणा चाहवां सां। 29 इस्से ताहीं पूरा करण खात्तर मै भोत मेहनत अर कष्ट सहु सूँ। उस सामर्थ के जरिये जो मसीह देवै सै अर जो मेरे म्ह काम करण लागरया सै।

2 मै चाहूँ सूँ के थम जाण ल्यो के थारे अर उनके खात्तर जो लौदीकिया नगर म्ह सै अर उन सारया खात्तर जिनतै मै न्ही मिला, मै उनके खात्तर किसी मेहनत करूँ सूँ। 2 मै इस खात्तर मेहनत करूँ सूँ ताके मै उनके बिश्वास नै मजबूत कर सकूँ। थारा

एक-दूसरे के खात्तर प्यार थारे ताहीं आपस म्ह बाँधके राखवै, पै बेकार फुल्लै सै, 19 उसनै बिश्वास अर मसीह का सच्चा सन्देश सिखाणा छोड़ दिया सै, जो के देह म्ह सिर की तरियां सै। जिस तरियां एक सिर देह नै निर्देश देवै सै, उससे तरियां मसीह अपने लोगां ताहीं निर्देश देवै के वे एक साथ अर एक जुट रहवै जिस तरियां देह के जोड़ अर नस देह नै पकड़ै सै, अर यो बढे सै, जिस तरियां परमेसवर उन ताहीं बढ़ाणा चाहवै सै। 20 जिब के थम मसीह के गैल दुनिया की पुराणी शिक्षा की ओड़ तै मरगे सों, तो फेर क्यूँ उनकी तरियां जो दुनिया के सै जीवन बिताओ सों? थम इसी विधियाँ के बस म्ह क्यूँ रहों सों, 21 के ना तो "इसनै छुईये," ना "उस ताहीं खाके देखिये," अर ना उसकै हाथ लगाईये? 22 ये सारी चीज काम म्ह लादे-लादे नाश हो जावैगी, क्यूँके ये माणस के हुकम अर शिक्षा के मुताबिक सै। 23 ये तीन नियम बुद्धिमाना का राह दिखावै सै, जो ये सै, खुद ताहीं परमेसवर के प्रति समर्पित करणा, झूठी विनम्रता अर अपनी देह के गैल कठोरता तै बरताव करणा। पर माणस इन विधियाँ नै मान्ने सै, तोभी पापमय सुभाव नै न्ही छोड़ पान्दा।

**3** यो इसा सै, के मान्ने जणु परमेसवर नै थारे ताहीं मुर्दा म्ह तै जिवा दिया हो, जिस तरियां उसनै मसीह ताहीं मुर्दा म्ह तै जिवाया, तो सुर्गीय चिज्जां की खोज म्ह रहों, जडै मसीह परमेसवर के साथ महिमामय जगहं म्ह बेठ्या होया सै। 2 धरती पै की न्ही पर सुर्गीय चिज्जां पै ध्यान लगाओ, 3 क्यूँके यो इसा सै थम तो मर गये जिब मसीह मारा गया अर थारा जीवन मसीह के गैल परमेसवर म्ह छिप्या होया सै। 4 जिब मसीह जो म्हारा जीवन सै, बोहड़ के आवेगा, तो थम भी उसकै गैल दिखोगे अर उसकी महिमा म्ह शामिल होओगे। 5 इस करके अपने उन बुरे काम्मां नै छोड़ द्यो जो थारे पापमय सुभाव का कारण बणै सै, जो धरती पै सै, यानी जारी, अशुद्धता, दुष्कामना, बुरी लालसा अर लालची ना बणो यो मूर्तिपूजा के बराबर सै। 6 क्यूँके माणस ये बुरे काम करै सै, इस कारण परमेसवर उन ताहीं बड़ा दण्ड देवैगा। 7 अर थम भी, जिब इन बुराईयाँ म्ह जीवन बिताओ थे, तो इन बुरी लालसा के मुताबिक जिओ भी थे। 8 पर इब थम भी इन सारया नै, यानी छो रोष, बैरभाव, बुराई अर मुँह तै गाळी बकणा ये सारी बात छोड़ द्यो। 9 एक-दूसरे तै झूठ ना बोल्लो, क्यूँके थमनै बुरा सुभाव अर बुरे काम छोड़ दिये सै। 10 अर इब थमनै नये सुभाव ताहीं धारण कर लिया सै, यो नया सुभाव ज्यादा तै ज्यादा म्हारे रचण आळे के मुताबिक बणण लागरया सै, ताके हम उसनै आच्छी तरियां जाण पावां। 11 इस नई जिन्दगी म्ह कोए फर्क कोनी पड़ता चाहे यूनानी हो या यहूदी हो, खतना हो या खतनारहित हो, जंगळी हो या असभ्य हो, दास हो या आजाद हो, पर मसीह ए सै, जो सब तै खास सै अर वो हम सब म्ह बसे सै। 12 क्यूँके परमेसवर नै थारे ताहीं पवित्र माणस बणण खात्तर चुण्या सै, अर वो थारे ताहीं प्यार करै सै, इस करके बड़ी करुणा, भलाई, दीनता, नम्रता, अर सहनशीलता नै धारण करो। 13 अर जै किसे

नै किसे पै दोष लगाण का कोए कारण हो, तो एक-दुसरे की सह ल्यो अर एक-दुसरे के कसूर माफ करो, जिस तरियां प्रभु नै थारे कसूर माफ करे, उससे तरियां थम भी करो। 14 इन सारा तै बढ़कै थम जो काम कर सकों सों, वो यो सै, के थम एक-दुसरे तै प्यार करो, प्यार ही सै जो म्हारे ताहीं एक-दुसरे कै गैल एकता म्ह जोड़े राक्खे सै। 15 जो शान्ति मसीह देवै सै, वा थारे दिलां पै राज करेगी, क्यूँके थम सारे एक देह के अंग सों, इस करकै थारे ताहीं एक-दुसरे के साथ शान्ति तै रहण कै खात्तर बुलाया गया सै, अर थम सदा उसका धन्यवाद करदे रहों। 16 हर बखत मसीह कै वचन कै उप्पर ध्यान करते रहवों ताके थारा सोचणा अर काम करणा उसके मुताबिक हो, अर सिध्द ज्ञानसुधा एक-दुसरे नै सिखाओ अर समझाओ, अर अपणे-अपणे मन म्ह धन्यवाद कै गैल परमेसवर कै खात्तर भजन अर जै-जै कार अर आत्मिक गीत गाओ। 17 वचन म्ह या काम म्ह जो किमे भी करो, सारा प्रभु यीशु मसीह कै नाम तै करो, अर उसकै जरिये परमेसवर पिता का धन्यवाद करो। 18 हे पलियों, जिसा प्रभु म्ह सही सै, उसाए अपणे-अपणे धणी कै अधीन रहो। 19 हे पतियों, अपणी-अपणी घरआळी तै प्यार राक्खो, अर उनके गैल नरमाई तै पेश आओ। 20 हे बाळकों, सारी बातों म्ह अपणे-अपणे माँ बाप के हुकम नै मान्णो, क्यूँके प्रभु इसतै खुश होवै सै। 21 हे बाळकों आळो, अपणे बाळकां नै तंग ना करो, इसा ना होके वे परेशान हो जावै। 22 हे सेवको, जो इस दुनिया म्ह थारे माल्लिक सै, सारी बातों म्ह उनके हुकम का पालन करो, माणसां नै राज्जी करण आळा कै समान दिखाण कै खात्तर न्ही, पर मन की सीधाई अर परमेसवर कै डर तै। 23 जो किमे थम करो सों, पूरे मन तै करो, यो समझकै के माणसां कै खात्तर न्ही पर प्रभु कै खात्तर करो सों, 24 याद राक्खों परमेसवर थमनै ईनाम देवैगा, या फेर वो थमनै आशीष म्ह साझीदार करैगा जो उसनै अपणे माणसां कै खात्तर राक्खी सै, क्यूँके थम मसीह यीशु की सेवा करो सो। 25 जो बुरा काम करे सै, परमेसवर हरेक ताहीं उसकी बुराई का उसनै दण्ड देवैगा, क्यूँके परमेसवर किसे कै गैल पक्षपात कोनी करदा।

**4** हे मालिकों, अपणे-अपणे नौकरां कै गैल न्याय अर एक सा बरताव करो, या समझकै के सुर्ग म्ह थारा भी एक माल्लिक सै। 2 प्रार्थना म्ह लाग्गे रहो, अर जिब प्रार्थना करो तो सावधान रहियो अर परमेसवर का धन्यवाद हमेशा करते रहो। 3 अर उसकै गैल ए गैल म्हारे खात्तर भी प्रार्थना करते रहो के परमेसवर म्हारे खात्तर वचन सुणाण का इसा द्वार खोल दे, के हम मसीह कै उस भेद का वर्णन कर सकां जिसकै कारण मै कैद म्ह सूं, 4 प्रार्थना करो के मै स्पष्ट रूप तै अर खुल्ले तौर पै मसीह के भेद नै बता पाऊँ। 5 अबिश्वासी कै गैल जिब बात करो तो उस मौक्के का सही इस्तमाल करो। 6 थारा बोलणा सदा अनुग्रह समेत सलोना हो ताके थमनै हरेक माणस ताहीं बढ़िया ढाळ तै जवाब देणा आ जावै। 7 प्यारे बिश्वासी भाईयो अर

बिश्वास लायक दास तुखिकुस, जो प्रभु म्ह मेरे गैल दास सै, वो थमनै सारी बात बता देगा। 8 उस ताहीं मन्ने इस खात्तर थारे धोरै भेज्जा, ताके थमनै म्हारे हाल का बेरा पाट जावै अर वो थमनै उत्साहित करैगा। 9 उसकै गैल मन्ने उनेसिमुस ताहीं भी भेज्जा सै, जो बिश्वास लायक अर प्रिय बिश्वासी भाई सै, अर वो भी थारे ए नगर का सै, ये थमनै याड़े की सारी बात बता देगे। 10 मेरै गैल कैदी अरिस्तर्खुस अर मरकुस की ओड़ तै थमनै नमस्कार, मरकुस जो बरनबास का चचेरा भाई सै, जिसके बारें म्ह थमनै चिट्ठी मिली सै, के जै वो थारे धोरै आवै, तो उसतै आच्छी ढाळ बरताव करियो। 11 अर यीशु जो यूस्तुस कुहावै सै, थारे ताहीं नमस्कार कहवै सै। यहूदी बिश्वासियाँ म्ह तै सिर्फ ये तीन माणस सै, जो परमेसवर के राज्य के खात्तर मेरे गैल काम करणीये अर मेरे उत्साहित होण का कारण सै। 12 इपफ्रास, जो थारे नगर का सै, अर मसीह यीशु का दास सै, थारे तै नमस्कार कहवै सै। वो सदा थारे खात्तर मन लगाकै प्रार्थना करै सै, अर परमेसवर तै सदा बिनती करै सै, के परमेसवर थमनै मजबूत अर सिध्द बणावै, अर थमनै पूरा भरोस्सा हो के थम परमेसवर की इच्छा का पालन करो सों। 13 मै उसका गवाह सूं, के वो थारे खात्तर अर लौदीकिया अर हियरपुलिस नगर के माणसां कै खात्तर बड़ी मेहनत करदा रहवै सै। 14 म्हारे प्रिय वैद लूका अर देमास का थारे ताहीं नमस्कार। 15 लौदीकिया नगर के बिश्वासी भाईयाँ नै, अर नुमफास अर उनके घर की कलीसिया नै नमस्कार कहियो। 16 जिब या चिट्ठी थम पढ़ ल्यो तो इसा करियो के लौदीकिया की कलीसिया म्ह भी या पढ़ी जावै, अर वा चिट्ठी जो लौदीकिया तै आवै उसनै थम भी पढ़ईयो। 17 अर अरखिप्पुस तै कहियो के जो सेवा प्रभु म्ह तेरे ताहीं सौप्यी गयी सै, पक्का इरादा करो के उस सेवकाई नै पूरा कर सको। 18 मै (पौलुस) अपणे हाथ्थां तै थमनै नमस्कार लिखूँ सूं। याद राखियो के मै कैद म्ह सूं, अर मेरे खात्तर प्रार्थना करो। परमेसवर का अनुग्रह थारे पै होंदा रहवै। आमीन।

# 1 थिस्सलुनीकियों

1 या चिट्ठी पौलुस अर सिलवानुस अर तीमुथियुस की ओड़ तै थिस्सलुनीकियों नगर की कलीसिया के उन बिश्वासियाँ के नाम लिखी सै, जो परमेसवर पिता अर प्रभु यीशु मसीह म्ह सै। परमेसवर का अनुग्रह अर शान्ति थारे ताहीं मिल्दी रहवै। 2 हम अपणी प्रार्थनायां म्ह थारे ताहीं याद करदे अर सारी हाण थम सारया के बारे म्ह परमेसवर का धन्यवाद करा सां। 3 अर अपने परमेसवर अर पिता के स्याम्ही जो काम बिश्वास तै करे, अर बिश्वासियाँ खात्तर इतने प्यार तै मेहनत करी, अर प्रभु यीशु मसीह के बोहड़ण की आस के कारण बड़ी धीरजता तै दुखां नै सहन्दे होए, सारी हाण थमने याद करा सां। 4 हे बिश्वासी भाईयो, अर परमेसवर के प्यारे माणसाँ हम जाणा सां, के परमेसवर नै थारे ताहीं अपने माणस होण खात्तर छाट्या सै। 5 क्यूँके म्हारा सुसमाचार जो यीशु मसीह के बारे म्ह था, थारे धोरे ना सिर्फ बातां तै ए न्ही बल्के पवित्र आत्मा की सामर्थ अर बड़े पक्के सबूत के गैल पोंहच्या सै; जिसा थमने बेरा सै, के थारे कल्याण खात्तर थारे म्ह म्हारा बरताव किसा था। 6 थारे उप्पर बड़े क्लेश थे, पर थमने पवित्र आत्मा के जरिये दिए गये आनन्द के गेल्या सुसमाचार ताहीं मान लिया, थमने म्हारी अर प्रभु यीशु की तरियां बरताव कराया। 7 उरै ताहीं के मकिदुनिया परदेस अर अखाया परदेस के सारे बिश्वासियाँ के खात्तर थम बढ़िया मिसाल बनौ। 8 क्यूँके थारे उरै तै ना सिर्फ मकिदुनिया परदेस अर अखाया परदेस म्ह प्रभु का वचन सुणाया गया, पर थारे बिश्वास की जो परमेसवर पै सै, हरेक जगहां जित्त भी हम गये, तो हमने माणसां तै थारे बिश्वास के बारे म्ह सुण्या, इस करके हमने माणसां ताहीं थारे बारे म्ह बताण की जरूरत ए कोनी। 9 क्यूँके वे आप ए म्हारे बारे म्ह बतावै सै, के जिब हम थारे धोरे आये, तो थमने म्हारा स्वागत किस ढाळ कराया; अर थम किस ढाळ मूर्तियाँ तै दूर होकै, परमेसवर की ओड़ मुड़ गये, ताके जिन्दे अर सच्चे परमेसवर की सेवा करो। 10 अर परमेसवर के बेटे यीशु की सुर्ग तै बोहड़ के आण की बाट देखदे होए, जिस ताहीं परमेसवर नै मरे होयां म्ह तै जिन्दा करया, जो म्हारे ताहीं आण आळे न्याय तै बचावै सै।

2 हे बिश्वासी भाईयो, थमने आप्पे बेरा सै, के म्हारा थारे धोरे आणा कितना फायदेमन्द था, 2 बल्के थमने खुद नै ए बेरा सै, के पैहल्या हमने फिलिप्पी नगर म्ह दुख ठाया, के म्हारा नगर के माणसां नै सख्त बिरोध करया, अर परमेसवर नै म्हारे तै इसी हिम्मत देई, के हम परमेसवर का सुसमाचार घणे बिरोध होण के बावजूद भी थमने सुणावां। 3 क्यूँके म्हारा उपदेश ना भ्रम तै सै, अर ना गलत इरादे तै, अर ना छल के गैल सै; 4 पर परमेसवर नै म्हारे ताहीं लायक समझके सुसमाचार सौँप्या, इस करके हम माणसां नै न्ही, पर जो म्हारे मनां नै जांचण आळे परमेसवर ताहीं राज्जी करण खात्तर उपदेश देवा सां। 5 थमने

बेरा सै, परमेसवर गवाह सै, के हमने कदे चापलूसी की बात कोनी करी, अर ना ए लोभ के खात्तर हमने कोए इसा काम करया, अर ना कुछ थारे तै छुपाया। 6 तोभी हम माणसां तै आदर कोनी चाहवां थे, अर ना थारे तै, ना और किसे तै, हालाकि हम मसीह के प्रेरित होण के कारण थारी मदद पाणा म्हारा हक था। 7 पर जिस तरियां माँ अपने बाळकां का पालन-पोषण करै सै, उस्से तरियां ए हमने भी थारे बिचाळे रहकै नरमाई दिखाई सै; 8 एक माँ की तरियां ए हम थारी चाहना करदे होए, ना सिर्फ परमेसवर का सुसमाचार, पर अपना-अपणा प्राण भी थारे ताहीं देण नै त्यार थे, क्यूँके के हम थारे तै भोत प्यारे करां सां। 9 हे बिश्वासी भाईयो, म्हारी कड़ी मेहनत नै याद राखवो, हमने ज्यातै दिन-रात काम-धन्धा करदे होए, परमेसवर का सुसमाचार प्रचार करया, के थारे म्ह तै किसे पै बोझ ना बण जावां। 10 थम अर परमेसवर भी इस बात के गवाह साँ, के सारे बिश्वासी भाईयाँ के गैल म्हारा सुभाव कितना सच्चा, धर्मी अर बेकसूर था। 11 थमने बेरा सै के जिसा पिता अपने बाळकां के गेल्या बरताव करै सै, उस्से तरियां ए हम भी थारे म्ह तै हरेक ताहीं उपदेश देन्दे, अर शान्ति देन्दे, अर समझावां थे 12 के थम इसा जीवन जिओ, जिसा परमेसवर चाहवै सै, जो थमने अपने राज्य अर महिमा म्ह बुलावै सै। 13 ज्यातै हम भी परमेसवर का धन्यवाद सारी हाण करा सां के जिब म्हारे जरिये परमेसवर के सुसमाचार का वचन थमने सुण्या, तो थमने उस ताहीं माणसां का न्ही पर परमेसवर का वचन समझके अपनाया; अर सच म्ह यो परमेसवर का वचन सै भी, अर यो सुसमाचार थारे म्ह काम करण लागरया सै, जो यीशु पै थम बिश्वास करो सो। 14 ज्यातै थम, हे बिश्वासी भाईयो, परमेसवर की उस कलीसियाओं के स्याम्ही दुख सहण लागे जो यहूदिया परदेस म्ह सै, अर मसीह यीशु पै बिश्वास राखवै सै, क्यूँके थमने भी अपने माणसां तै उसाए दुख पाया, जिसा उनने अपने यहूदी माणसां तै पाया था। 15 जिन नै प्रभु यीशु ताहीं अर नबियाँ ताहीं मार दिया। अर म्हारे ताहीं भी सताया, अर परमेसवर उनतै राज्जी कोनी, अर वे सारे माणसां का बिरोध करै सै। 16 अर वे दुसरी जातां म्ह उनके उद्धार के खात्तर बात करण तै हमने रोक्के सै, अर वे पाप पै पाप करते जावै सै, जिब ताहीं के परमेसवर उनने दण्ड ना दे दे; अर इब परमेसवर उनने बड़ा भरी दण्ड देण आळा सै। 17 हे बिश्वासी भाईयो, जिब हम थोड़े बखत खात्तर थारे धोरे न्ही थे, पर हम सदा थारे बारे म्ह ए सोच्चा थे, तो हमने और भी बड़ी लालसा तै थारे ताहीं मिलण की अर देखण की कोशिश करी। 18 ज्यातै हमने (यानिके मुझ पौलुस नै) एक बर न्ही बल्के दो या तीन बार आण की कोशिश करी, पर शैतान हमने रोक्के रहया। 19 भला! म्हारी आस, खुशी या बड़ाई का ताज कौण सै? वो थमे होओगे जिब यीशु बोहड़ के आवेगें? 20 म्हारी बड़ाई अर खुशी थमे सो।

**3** आखिर जब हम थारे तै दूर ना रह पाए, तो मै पौलुस अर सीलास नै यो तय करया के एथेंस नगर म्ह एकले रह जावां। 2 अर हमनै तीमुथियुस ताहीं जो मसीह के सुसमाचार म्ह म्हारा भाई, अर परमेसवर का सेवक सै, इस करके भेज्या, के वो थारे ताहीं मसीह के बिश्वास म्ह मजबूत अर उत्साहित करै। 3 ताके कोए इन क्लेशां के कारण डगमगा न्ही जावै; क्यूँके थम जाणो सो, के म्हारे ताहीं परमेसवर नै इसे तरियां सताये जाण खातर छाट्या सै। 4 क्यूँके पैहल्या भी, जब हम थारे साथ थे, तो थारे तै कह्या करा थे, के म्हारे ताहीं सताया जावैगा, अर इसाए होया सै, अर थम जाणो भी सो। 5 इस कारण जब मेरै तै और न्ही रहया गया, तो थारे बिश्वास का हाल जाणण के खातर मन्नै तीमुथियुस ताहीं भेज्या, मन्नै डर था, के परखण आळे शैतान नै थारे ताहीं परख्या ना हो, अर म्हारी मेहनत बेकार ना होगी हो। 6 पर इब्बे तीमुथियुस नै जो थारे धोरै तै म्हारे उरै आके थारे बिश्वास अर प्यार का सुसमाचार सुणाया अर इस बात ताहीं भी सुणाया, के थम सारी हाण प्यार के गेल्या म्हारै ताहीं याद करो सो, अर म्हारै देखण की चाहना राखो सो, जिसा हम भी थमनै देखण की। 7 हे बिश्वासी भाईयो, हम अपनी सारे दुख अर क्लेश म्ह उत्साहित सां, क्यूँके हमनै थारे बिश्वास के बारे म्ह सुणया के थम इब भी यीशु मसीह के बिश्वास म्ह मजबूत सों। 8 क्यूँके इब जै थम प्रभु म्ह मजबूत हो तो हम जिन्दे सां। 9 अर थारे बारे म्ह जो खुशी हमनै मिली से, उसकी बजह तै हम परमेसवर का धन्यवाद किस तरियां तै करा? 10 हम दिन-रात घणीए प्रार्थना करदे रहवां सां, के थमनै दुबारा देख्वां, अर थारे मसीह पै मजबूती तै बिश्वास करण म्ह मदद करा। 11 हम प्रार्थना करां सां, के म्हारा परमेसवर अर पिता आप ए अर म्हारा प्रभु यीशु, थारे ताहीं पोहचने म्ह म्हारी मदद करै। 12 हम प्रार्थना करां, के जिसा हम थारे तै प्यार करां सां; उस्से तरियां ए थारा प्यार भी आप्स म्ह, अर सारे माणसां के गेल्या बधै, अर परमेसवर थारे प्यार म्ह बढ़ोतरी करदा जावै। 13 हम प्रार्थना करां सां, के वो थारे मनां नै इसा मजबूत करै, के जब म्हारा प्रभु यीशु अपने सारे पवित्र लोगां के गैल बोहड़ के आवै, तो वे म्हारे परमेसवर अर पिता के स्याम्ही पवित्रता म्ह बेकसूर ठहरै।

**4** हे बिश्वासी भाईयो, हम थारे तै बिनती करा सां, अर थारे तै प्रभु यीशु म्ह समझावां सां, के इसे जिओ के, परमेसवर ताहीं हम राज्जी करणा आळे बण सकां, जिसा हमनै थारे तै सिखाया सै, थम इस्से तरियां जीण लागरे थे, अर थमनै उत्साहित करां सां के और भी ज्यादा इसा करते रहों। 2 क्यूँके थमनै बेरा सै के हमनै प्रभु यीशु के हक तै थारे ताहीं कौण-कौण से आदेश दिये सै। 3 परमेसवर की मर्जी या सै के थम पवित्र बणो: अर जारी ना करो, 4 थारे म्ह तै हरेक माणस अपनी देह नै काबू करणा जाणे क्यूँके थारी देह पवित्र अर सम्मान जोगी रहवै। 5 यो काम अभिलाषा तै न्ही, ना उन जात्तां के तरियां, जो परमेसवर नै न्ही जाणदी, 6 ताके इस बात

म्ह कोए अपने बिश्वासी भाई के विरुद्ध पाप ना करै, अर ना इसा मौक्का देख्खे के वो पाप करै, क्यूँके प्रभु यीशु उसनै दण्ड देवैगा, जो इसे काम करै सै; जिसा के हमनै पैहल्याए थारे तै कह्या अर चिताया भी था। 7 क्यूँके परमेसवर नै म्हारै ताहीं अपवित्र जीवन जीण खातर न्ही, पर पवित्र जीवन जीण खातर बुलाया सै। 8 इस करके जो इन हुकमां नै न्ही मानता, वो माणस नै न्ही, पर परमेसवर नै तुच्छ जाणै सै, जो अपना पवित्र आत्मा थारे ताहीं देवै सै। 9 पर बिश्वासी भाई-चारे के प्यार के बारे म्ह यो जरूरी न्ही, के मै थारे धोरै कुछ लिक्खूँ, क्यूँके आप्स म्ह प्यार राखणा थमनै आप ए परमेसवर तै सिखाया सै; 10 थमनै पैहले ए अपने बिश्वासी भाईयां के प्यार ताहीं दिखाया सै, जो हर जगहां सारे मकिदुनिया परदेस म्ह सै। पर हे बिश्वासी भाईयो, हम थारे तै बिनती करां सां, के थम और भी बढ़ते जाओ। 11 अर जिसी हमनै थारे ताहीं हुकम दिया सै, के शान्ति तै जीवन जिओ अर दुसरे माणसां की बात्तां म्ह दखल ना दो, अर अपने-अपणे हाथ्यां तै कमाण की कोशिश करो। 12 ताके अबिश्वासी माणस देख्खे, के थारा रोज का जीवन किसा सै, अर थारे बरताव नै देखके थारा आदर करै, अर अपनी जरूरत के खातर थम किसे के मोहताज ना रहो। 13 हे बिश्वासी भाईयो, हम न्ही चाहन्दे के थम उनके बारे म्ह जो मर लिये सै, अनजाण रहो; इसा ना हो के थम दुसरयां की तरियां दुख करो जिन नै आस कोनी, के वो मरके जिन्दा होवैगा। 14 क्यूँके जै हम बिश्वास करा सां के यीशु मरया अर जिन्दा भी उठ्या, तो उस्से तरियां ए परमेसवर उननै भी जो यीशु पै बिश्वास करते होए मरै सै, उन ताहीं भी वापिस ले आवैगा। 15 क्यूँके हम प्रभु यीशु के वचन के मुताबिक थारे तै न्यू कहां सां के हम जो जिन्दे सां अर प्रभु के दुबारा आण ताहीं बचे रहवांगें, तो पक्के उनतै पैहले प्रभु तै न्ही मिलेगे जो मौत की नींद सो गये सै। 16 क्यूँके प्रभु यीशु आप ए सुर्ग तै उतरैगा; अर लोग उस बखत उसकी ललकार सुणेंगे, अर प्रधान दूत का बोल नै भी सुणेंगे, अर सुर्गदूतां जरिये परमेसवर की तुरही फूँकी जावैगी; अर जो बिश्वासी लोग मसीह म्ह मरे सै, वे पैहल्या जी उठेंगे। 17 फेर हम जो जिन्दे अर बचे होड़े सां, उनके गेल्या बादळां पै ठा लिए जावांगें, ताके आसमान म्ह प्रभु यीशु तै मिला; अर इस तरियां तै हम हमेशा के खातर प्रभु के गेल्या रहवांगें। 18 इस तरियां इन बात्तां तै एक-दुसरे ताहीं तसल्ली दिया करो।

**5** पर हे बिश्वासी भाईयो, इसकी कोए जरूरत कोनी, के हम यीशु के दोबारा आण के बखत अर काल्लां के बारे म्ह थारे धोरै कुछ लिखां। 2 क्यूँके थम जाणो सां, के परमेसवर के आण का दिन, उस चोर की तरियां होगा, जो रात नै चोरी करण आवै सै, अर थमनै बेरा भी कोनी लागैगा के चोर कद आवैगा। 3 जब माणस कहन्दे होंगे, “राज्जी-खुशी सां, अर किमे डर कोनी,” तो उनपै चाणचक विनाश आण पड़ेगा, जिस ढाळ गर्भवती बच्चा जनन के दुख तै बच न्ही सकदी, उस्से तरियां वो

भी बच नही पावेंगे। 4 पर हे विश्वासी भाईयो, थम तो अन्धकार के काम्मां तै अनजाण नही सो, के प्रभु के आण का दिन थारे पै चोर की ढाळ आ पड़ै। 5 क्यूँके थम सारे चाँदणे की ऊलाद अर दिन की ऊलाद सो; हम ना रात के सां, ना अन्धकार के सां। 6 ज्यांतै हम अबिश्वासी माणसां की तरियां सोन्दे ना रहवां, पर जागदे अर चौकन्ने रहवां। 7 क्यूँके जो सोवें सै, वे रात ए नै सोवें सै, अर जो मतवाले होवै सै वे रात ए नै मतवाले होवै सै। 8 पर हम जो दिन के सां, बिश्वास अर प्यार की झिलम पैहर कै अर उद्धार की आस का टोप पैहर कै होशियार रहवां। 9 क्यूँके परमेसवर नै म्हारै ताहीं छो कै खात्तर नही, पर ज्यांतै ठहराया सै, के हम अपने प्रभु यीशु मसीह कै जरिये उद्धार पावां। 10 वो म्हारै खात्तर इस कारण मरया, के हम चाहे जिन्दा हों, चाहे मर लिये हों, सारे मिलके उस्से कै गेल्या जिवां। 11 इस कारण एक-दुसरे ताहीं तसल्ली द्यो अर एक-दुसरे ताहीं बिश्वास म्ह मजबूत करो, जिसा के थम करो भी सो। 12 हे बिश्वासी भाईयो, हम थारे तै बिनती करा सां, के जो थारे म्ह मेहनत करै सै, अर प्रभु म्ह थारे अगुवें सै, अर थमनै शिक्षा देवें सै, उनका आदर करो। 13 अर उनके काम्मां के कारण प्यार कै गेल्या उन ताहीं घणाए आदर कै जोग्गा समझो। आप्पस म्ह मेळ-मिलाप तै रहो। 14 हे बिश्वासी भाईयो, हम थारे तै बिनती करां सां के जो आलसी सै, उन ताहीं समझाओ, डरपोकां ताहीं हिम्मत द्यो, कमजोरां ताहीं सम्भाळो, सारया की ओड़ सहनशीलता दिखाओ। 15 सावधान रहों! कोए किसे तै बुराई के बदले बुराई ना करै; पर सारी हाण भलाई करण खात्तर त्यार रहवै, आप्पस म्ह एक-दुसरे खात्तर आच्छे काम करो, अर दुसरयां खात्तर भी। 16 सारी हाण राज्जी रहो। 17 लगातार प्रार्थना म्ह लाग्गे रहो। 18 हरेक हालात म्ह धन्यवाद करो; क्यूँके थारे खात्तर मसीह यीशु म्ह परमेसवर की याए मर्जी सै। 19 पवित्र आत्मा ताहीं माणसां के जीवन म्ह काम करण तै ना रोक्को। 20 परमेसवर के जरिये जो भविष्यवाणीयां माणसां ताहीं बताई गई सै उननै तुच्छ ना जाणो। 21 इन सारी बात्तां ताहीं परखो; जो आच्छी सै उसनै थाम्बे राक्खो। 22 सारी ढाळ की बुराई तै बचे रहो। 23 शान्ति देण आळा परमेसवर आप ए थमनै पूरी तरियां तै पवित्र करै; अर थारी आत्मा अर प्राण अर देह म्हारै प्रभु यीशु मसीह कै बोहड़ण ताहीं पूरे-पूरे अर बेकसूर सुरक्षित रहवें। 24 थारा बुलाण आळा साच्चा सै, अर वो इस्साए करैगा। 25 हे बिश्वासी भाईयो, म्हारै खात्तर प्रार्थना करो। 26 आप्पस म्ह एक-दुसरे ताहीं गळे मिलके मसीह के प्यार म्ह नमस्कार करो। 27 मै थारे ताहीं प्रभु की हुकम देऊँ सूँ के या चिट्ठी सारे बिश्वासी भाईयाँ नै पढ़के सुणाई जावै। 28 म्हारे प्रभु यीशु मसीह का अनुग्रह थारे पै होंदा रहवै।

## 2 थिस्सलुनीकियों

1 या चिट्ठी हम पौलुस, सिलवानुस अर तीमुथियुस की ओड़ तै थिस्सलुनीकियों नगर की कलीसिया के बिश्वासियाँ ताहीं लिखां सां, जो म्हारे पिता परमेसवर अर प्रभु यीशु मसीह के से। 2 म्हारै पिता परमेसवर अर प्रभु यीशु मसीह की ओड़ तै थमने अनुग्रह अर शान्ति मिलदी रहवै। 3 हे बिश्वासी भाईयो, थारे बारे म्ह हमनै हरेक बखत परमेसवर का धन्यवाद करणा चाहिये, अर यो सही भी सै ज्यांतै के थारा बिश्वास यीशु मसीह म्ह घणा बढ़दा जावै सै, अर थारा एक-दुसरे के खातर आप्स म्ह प्यार घणाए बढ़ता जावै। 4 इस करके हम परमेसवर की कलीसिया के बिश्वासियाँ के बारे म्ह गर्व करा सां, के जितने थम इम्तिहान अर मुसीबतां तै गुजरो सां, थम उननै धीरज तै सहण लागरे सां, अर थम फेर भी यीशु मसीह पै बिश्वास राक्खों सां। 5 अर परमेसवर इन दुखां का इस्तमाल अपणे न्याय ताहीं दिखान अर थारे ताहीं अपणे राज्य के लायक बणाण खातर करैगा, जिस खातर थम दुख भी ठाओ सो। 6 क्यूँके परमेसवर हमेशा सही न्याय करै सै, ताके जो थमने दुख देवें सै, उननै बदले म्ह वो दुख देवै। 7 अर थमनै वो इस दुख तै राहत देवैगा, जो थम इब उठाण लागरे सां, अर म्हारे ताहीं भी राहत दे, यो उस बखत होगा जिब प्रभु यीशु अपणे सामर्थ्य सुगर्दूतां के गैल, धधकती होई आग म्ह सुर्ग तै आवैगा। 8 अर जो परमेसवर नै न्ही पिच्छाणदे, अर जो म्हारे प्रभु यीशु के बारे म्ह सुसमाचार ताहीं न्ही मानते उनतै वो बदला लेवैगा। 9 वे परमेसवर तै हमेशा खातर अलग हो जावेंगे अर उसकी महिमामय शक्ति म्ह शामिल न्ही हो पावेंगे अर वे अनन्त विनाश का दण्ड पावेंगे। (aiōnios g166) 10 यो उस दिन होवैगा, जिब प्रभु यीशु मसीह बोहड़के आवैगा, ताके वो उन माणसां तै महिमा पावै जो उसके कहलावै सै, उन माणसां तै सम्मानित करया जावैगा जो उसपै बिश्वास करै सै, अर उस दिन थम भी उनकी तारीफ करण आळा म्ह तै एक होओगे, क्यूँके थमनै उसपै बिश्वास करा, जो हमनै थारे ताहीं बताया। 11 ज्यांतै हम सारी हाण थारे बारे म्ह प्रार्थना भी करा सां, के म्हारा परमेसवर थारे ताहीं इसा करण म्ह काबिल बनावैगा, जिसके खातर उसनै म्हारे ताहीं बुलाया सै, अर वो थारी हरेक भली इच्छा नै सामर्थ्य रूप तै पूरा करै, अर हर उस काम नै पूरा करा जो थम बिश्वास तै करो सां। 12 इस तरियां म्हारे प्रभु यीशु मसीह का नाम थारे जरिये महिमा पावैगा, यो सब कुछ म्हारे परमेसवर अर प्रभु यीशु मसीह के अनुग्रह तै होवैगा।

2 हे बिश्वासी भाईयो, इब हम अपणे प्रभु यीशु मसीह के बोहड़ण, अर जिब हम कठ्ठे होके उसतै मिलागें तो उस दिन के बारे म्ह थारे ताहीं बताणा चाहूँ सां। 2 थम किसे भविष्यवाणी या किसे उपदेश या किसे चिट्ठी नै म्हारी ओड़ तै लिखी होई मानके चाणचक बोखळा ना जाइयो, अर ना ए अपणे-आप म्ह घबराईयो के परमेसवर का दिन पैहले ए आ लिया सै। 3

किसे ढाळ तै भी किसे कै थोक्खे म्ह ना आइयो, क्यूँके प्रभु यीशु के आण तै पैहले इसा बखत आवैगा, जिब भोत सारे लोग परमेसवर के बिरोधी हो जावेंगे, अर वो अधर्मी माणस यानिके विनाश का बेट्टा दिखाई देवैगा, जिस ताहीं परमेसवर सदा खातर खतम कर देवैगा। 4 वो अधर्मी माणस परमेसवर अर उन दुसरी चिज्जां का बिरोध करैगा। जिनकी लोग भगति करै, वो दावा करैगा के वो उनतै भी घणा बड़ा सै, उरै ताहीं के वो परमेसवर के मन्दर म्ह बैठके अपणे-आप ताहीं ईश्वर बतावैगा। 5 के थमनै याद कोनी के जिब मै थारे धौरे था, तो थारे तै ये बात कह्या करूँ था? 6 वो जो अधर्मी माणस इब ताहीं दिख्या न्ही सै, क्यूँके इसा कुछ तो सै जिसनै उस ताहीं रोक राख्या सै, पक्का थम जाणो सां, के वो के सै। इस करके जिब परमेसवर का बखत आवैगा तो वो अधर्मी माणस दिख जावैगा। 7 अर उस अधर्मी माणस की शक्ति पैहले तै गुप्त रूप तै इस दुनिया म्ह काम करण लागरी सै, पर वो सै जो उस शक्ति नै रोककण लागरया सै, अर जिब ताहीं वो दूर ना हो जावै तब तक वो इस ताहीं रोकणा जारी राक्खैगा। 8 फेर वो अधर्मी माणस दिख जावैगा, पर बाद म्ह जिब प्रभु यीशु आवैगा तो वो अपणे मुँह की फूँक तै अधर्मी माणस ताहीं मार देवैगा, अर अपणे आगमन के तेज तै भस्म करैगा। 9 वो अधर्मी माणस शैतान की शक्ति गैल आवैगा, वो सारे ढाळ के झूठे चमत्कार, अर अचम्भे के काम करैगा, जो हमनै यो सोचण के खातर मजबूर करैगा के योए परमेसवर सै जो इननै करण लागरया सै। 10 वो सारी ढाळ के बुरे तरिकके अपणावैगा उन माणसां खातर जो अनन्त विनाश के राह की ओड़ जावै सै, क्यूँके उननै सच्चाई पै बिश्वास कोनी करया जिसतै उनका उद्धार हों सके सै। 11 इस्से कारण परमेसवर उन माणसां म्ह एक भटकाण आळी शक्ति नै भेज्जै सै, जो उन ताहीं सच्चाई तै दूर ले जावैगी, ताके वे झूठ पै बिश्वास करै। 12 परमेसवर उन सब का न्याय करैगा जिननै सच्चे सन्देस (यीशु मसीह के बारे म्ह) बिश्वास कोनी करया, अर जिननै अधर्म के काम्मां तै प्यार करया। 13 हे बिश्वासी भाईयो, उरै थारे खातर परमेसवर कै स्याम्ही म्हारा हमेशा धन्यवाद देणा सही सै, थम प्रभु के प्यारे सां, क्यूँके परमेसवर नै थारे ताहीं दुनिया की शरुआत तै ए उद्धार कै खातर चुण लिया सै। ताके वो थमनै पवित्र आत्मा के काम के जरिये पवित्र बणावै, अर यीशु मसीह के सच्चे सुसमाचार पै बिश्वास करण के जरिये थमनै बचाले। 14 म्हारे सुसमाचार के जरिये उसनै थारे ताहीं बचाण खातर बुलाया सै, ताके थम उसकी महिमा म्ह हिस्सा ले सको, जो परमेसवर नै म्हारे प्रभु यीशु मसीह ताहीं दी सै। 15 ज्यांतै हे बिश्वासी भाईयो, मजबूत रहो, अर जो-जो शिक्षा थमनै चाहे वचन या चिट्ठी के जरिये म्हारे जरिये सीक्खी सै, उननै थाम्बे राक्खो। 16 हम प्रार्थना करां सां के खुद म्हारा प्रभु यीशु मसीह, अर म्हारा पिता परमेसवर, जिसनै म्हारे तै प्यार करया अर अनुग्रह तै अनन्त शान्ति अर घणी बढ़िया उम्मीद देई सै,

(aiōnios g166) 17 थारे मनां म्ह शान्ति दे अर थमनै हरेक आच्छे काम अर वचन म्ह मजबूत करै।

अन्त म्ह न्यूए लिक्खूँ सूँ, ताके थम जाण ल्यो के ये मेरी ओड़ तै सै। 18 मै प्रार्थना करूँ सूँ, के म्हारे प्रभु यीशु मसीह का अनुग्रह थम सारया पै होंदा रहवै।

**3** इस करकै, हे बिश्वासी भाईयो, म्हारै खात्तर प्रार्थना करया करो के प्रभु के बारे म्ह सन्देश भोत तावळा दुसरी जगहां म्ह भी सुणाया जा सकै, अर लोग उसपै बिश्वास करैगें जिसा थम बिश्वास करो सों। 2 या भी प्रार्थना करया करो के परमेसवर हमनै बैरी अर बुरे माणसां के जरिये दिए जाण आळे नुकसान तै भी बचावै, क्यूँके भोत-से लोग सुसमाचार पै बिश्वास कोनी करते। 3 पर प्रभु भरोस्सेमंद सै, वो थमनै अन्दरूनी रूप तै मजबूत करैगा अर उसकी रक्षा करैगा, ताके बुराई, शैतान थमनै नुकसान ना पंहुचा सकै। 4 हमनै प्रभु म्ह थारे उप्पर भरोस्सा से हमनै जो कुछ थारे ताहीं करण खात्तर कह्या सै थम उसाए करण लागरे सों अर करते भी रहोगे। 5 हम प्रार्थना करा सां के प्रभु यीशु थमनै यो समझण कै काबिल बणावै के परमेसवर थमनै कितना प्यार करै सै, अर धीरज राखणा सिखावै जिसा मसीह राखवै सै। 6 हे बिश्वासी भाईयो, प्रभु यीशु मसीह नै जो हक म्हारे ताहीं दिया सै, उसके कारण हम थमनै हुक्म देवां सां, के थम हरेक इसे बिश्वासी भाई तै न्यारे रहो जो कोए काम न्ही करदा, अर जो शिक्षा उसनै म्हारै तै पाई उसकै मुताबिक न्ही करदा। 7 क्यूँके थम सारे अपणे-आपनै आच्छी तरियां जाणो सों, के थमनै उस्से तरियां जीणा चाहिए जिस तरियां हम जिवां सां, क्यूँके जिब हम थारे बिचाळै रहण लागरे थे, तो हम आलसी कोनी थे। 8 अर किसे की रोटी मुफ्त म्ह कोनी खाई, मेहनत अर कष्ट तै दिन-रात काम-धन्धा करा थे, ताके हम अपणी जरूरतां खात्तर थारे भरोस्से ना रह्हां। 9 हालाकि थारे तै आर्थिक मदद पाण का म्हारा हक बणै सै, फेर भी हम कड़ी मेहनत करा सां, पर ज्यांतै के अपणे-आप ताहीं थारे खात्तर आच्छा नमूना बणावां ताके थम भी म्हारै जिसा जीवन जिओ। 10 क्यूँके जिब हम थारे धारै थे, तब भी योए कह्या करा थे, के जै कोए काम करणा ना चाहवै तो उसका खाण का भी हक कोनी। 11 हम सुणां सां के कुछ माणस थारे बिचाळै सुस्त सै अर वे कोए काम न्ही करदे, पर दुसरयां कै काम म्ह रुकावट करै सै, अर उन ताहीं भी काम करण तै रोक्कै सै। 12 प्रभु यीशु मसीह नै म्हारे ताहीं हक दिया सै, अर हम थमनै भी समझावां सां, के चुपचाप काम करकै अपणी ए कमाई तै रोटी खाया कर। 13 पर हे बिश्वासी भाईयो, थम खुद वो काम करण तै पाच्छै ना हटियो, जो सही अर भले सै। 14 जै कोए म्हारी इस चिट्ठी म्ह दी गई हिदायत नै कोनी मान्ने तो सब जाण ल्यो के वो कौण सै, अर उसकी संगति ना करो, जिसतै वो शर्मिन्दा होवै। 15 तोभी उस ताहीं दुश्मन मतना समझो, पर बिश्वासी भाई जाणकै समझाओ। 16 मै प्रार्थना करूँ सूँ, के प्रभु जो शान्ति का चोवा सै आप ए थारे ताहीं सारी हाण अर हरेक तरियां तै शान्ति देवै। प्रभु थम सारया कै साथ रहवै। 17 मै, पौलुस, अपणे हाथ तै नमस्कार लिक्खूँ सूँ। इस्से तरियां तै मै अपणी सारी चिट्ठियाँ के

# 1 तीमथियुस

1 या चिट्ठी पौलुस की ओड़ तै सै, जो यीशु मसीह का प्रेरित सै, अर परमेसवर जो म्हारा उद्धारकर्ता सै, अर यीशु मसीह जो म्हारी आस सै, उसने मेरे ताहीं प्रेरित होण खात्तर बुलाया सै। 2 मै या चिट्ठी तीमथियुस नै लिखूँ सूँ, मसीह पै बिश्वास करण के नाते तू मेरे आत्मिक बेटे की तरियां सै, मै प्रार्थना करूँ सूँ, के पिता परमेसवर, अर म्हारै प्रभु मसीह यीशु की ओड़ तै तन्नै अनुग्रह, दया अर शान्ति मिलदी रहवै। 3 जिसा के तू तीमथियुस जाणै सै, इफिसुस नगर म्ह कई माणस सै जो झूठी शिक्षा देवै सै, वे माणसां ताहीं लगातार झूठी कहाणियाँ अर पूर्वजां की लम्बी वंशावलियाँ नै सिखावै सै, जिसा के मन्ने मकिदुनिया जान्दे बखत तेरे तै कह्ला था, के इफिसुस नगर म्ह रहकै उन ताहीं कह के इसी शिक्षा ना देवै, जिब वे इसी शिक्षा देवै सै, तो माणसां म्ह विवाद पैदा होवै सै, इसका नतिज्जा यो सै के ये शिक्षक परमेसवर का काम न्ही करते जो परमेसवर नै उन ताहीं दिया सै, यो तो सिर्फ मसीह पै बिश्वास करण के जरिये करया जा सकै सै। 5 योए म्हारे हुकम का मकसद सै, के थम सच्चे मन, शुद्ध अन्तरात्मा अर सच्चे बिश्वास तै एक-दुसरे के गेल्या बिना कपट के प्यार करो। 6 झूठे शिक्षकां नै इन सारी चिज्जां ताहीं छोड़ दिया सै, अर सिर्फ बेकार की चिज्जां पै बातचीत करै सै। 7 अर वकील तो बणणा चाहवै सै, पर जो बात कहवै अर जिन ताहीं मजबूती तै बोल्लै सै, उन ताहीं समझदे भी कोनी। 8 हम जाणा सां के मूसा के नियम-कायदा नै जै सही तरिके तै सिखावै तो वो भला सै। 9 हम यो जाणा सां, के मूसा नबी के नियम-कायदे धर्मी माणस कै खात्तर कोनी, पर उन माणसां खात्तर सै जो परमेसवर के नियम-कायदा नै अणदेखा करै सै, अर उन ताहीं मानते कोनी, अर उन माणसां खात्तर जो परमेसवर की आराधना कोनी करते, अर जो सारी हाण पाप करते रहवै सै, जो माणस दुष्ट सै, अर परमेसवर का आदर कोनी करते, अर जो अपणे माँ-बाप नै, अर दुसरयां नै मार देवै सै। 10 जारी करणीये, माणसां गैल कुकर्म करणीये, माणस नै बेचण आळे, झूठ बोल्लण आळे, झूठी कसम खाण आळे, अर इनकै अलावा खरे उपदेश के सारे बिरोधियाँ कै खात्तर बणाई गई सै। 11 या सही शिक्षा उस सुसमाचार पै आधारित सै, जो के धन्य परमेसवर की महिमा के बारे म्ह सै, जिसकी मेरै ताहीं प्रचार करण की जिम्मेदारी दी गई सै। 12 मै अपणे प्रभु मसीह यीशु का जिसने मेरै ताहीं सामर्थ दी सै, धन्यवाद करूँ सूँ, के उसने मेरै ताहीं बिश्वास जोगगा समझकै अपणी सेवा कै खात्तर चुण्या। 13 बिश्वास करण तै पैहले, मै बुराई करण आळा, सताण आळा, अर अन्धेर करण आळा था, तोभी मेरे पै दया होई, क्यूँके यीशु मसीह पै बिश्वास करण तै पैहले मन्ने अबिश्वास अर बिना सोच्चे-समझे ये काम करे थे। 14 अर परमेसवर का अनुग्रह मेरे पै भोत-ए घणा होया, उसने मेरे ताहीं

बिश्वास अर प्यार दिया, क्यूँके मै मसीह यीशु म्ह सूँ। 15 या बात साच्ची अर हरेक तरियां तै मानण जोगी सै, के मसीह यीशु पापियाँ का उद्धार करण खात्तर दुनिया म्ह आया, जिन म्ह सारया तै बड़ड़ा पापी मै सूँ। 16 परमेसवर नै अपणी दया मेरे पै दिखाई, उसने यो इस कारण करया ताके मुझ माणस के जरिये, जिसने दुसरे माणसां तै ज्यादा बुरे काम करे सै, मसीह यीशु दिखा सकै सै, के वो मेरे खात्तर कितना धीरज राक्खे सै, या उन माणसां खात्तर एक मिसाल सै जो बाद म्ह उसपै बिश्वास करैगें, अर वे अनन्त जीवन पावैगें। (aiōnios g166) 17 इब राजा जो सदा खात्तर जिन्दा सै, उस अविनाशी, अन्देकखे, एकमात्र परमेसवर का आदर अर उसकी महिमा युगानुयुग होंदी रहवै। आमीन। (aiōn g165) 18 हे बेटे तीमथियुस, मै यो हुकम सौंपूँ सूँ, जो उन भविष्यवाणीयाँ के मुताबिक सै, जो पैहल्या तेरे बारे म्ह करी गई थी, उनके मुताबिक एक सिपाही की तरियां आच्छी लड़ाई नै लड़ता रह। 19 थम मसीह पै लगातार बिश्वास करते रहो, ताके थारी अन्तरात्मा साफ रहवै, कई माणसां नै अपणी साफ अन्तरात्मा ताहीं त्याग दिया सै, अर उनकी मसीह पै बिश्वास करण की काबलियत भी खतम होगी सै, अर इब वे बिश्वास भी कोनी करते। 20 उन म्ह हुमिनयुस अर सिकन्दर भी शामिल सै, जिन ताहीं मन्ने शैतान की बुरी शक्तियाँ के हाथ सौंप दिया सै, ताके वे परमेसवर की बुराई करणा छोड़ दे।

2 इब मै सारया तै पैहल्या यो आग्रह करूँ सूँ, के बिनती, प्रार्थना, निवेदन, अर धन्यवाद सारे माणसां कै खात्तर करे जावै। 2 राजयां अर सारे ऊँच्चे ओढ़ा आळा कै खात्तर ज्याते ताके वो हमनै आराम अर चैन कै गेल्या सारी भगति अर गम्भीरता तै जीवन बिताण देवै। 3 इसी प्रार्थना सही सै अर म्हारै परमेसवर उद्धारकर्ता नै आच्छी लागै सै। 4 वो चाहवै सै के हरेक इन्सान सच्चाई के ज्ञान नै समझ ले अर वे बच जावै। 5 क्यूँके परमेसवर एके सै, अर परमेसवर अर माणसां कै बीच म्ह भी एक ए बिचोल्ला सै, जो मसीह यीशु सै, जो मानव रूप धारण करके आया। 6 मसीह नै अपणे-आप ताहीं बलिदान कर दिया, ताके लोगां नै पाप अर मौत की शक्ति तै आजाद करै। मसीह की मौत के जरिये, परमेसवर नै यो सबूत दिया के सही बखत पै सब लोग बच जावै। 7 इस कारण तै परमेसवर नै मेरे ताहीं सुसमाचार का प्रचारक अर प्रेरित चुण्या सै, उसने मेरे ताहीं गैर यहूदियाँ ताहीं बिश्वास अर सच्चाई का सन्देश सुणाण आळा बणाया सै, मै झूठ न्ही बोल्ला, सच कहूँ सूँ। 8 ज्यातै मै चाहूँ सूँ, के हरेक जगहां सभाओं म्ह माणस जो पवित्र जिन्दगी जीवै सै, वे हाथ्यां नै ठाके बिना छो अर विवाद के परमेसवर तै प्रार्थना करै। 9 इस्से तरियां मै चाहूँ सूँ के मसीह बिरबानियाँ नै भी सही तरियां के लते पैहरणे चाहिए, जो के सादे हो, ना के भड़कीले। ना के खूबसूरती तै बाळ गूँथणा, ना सोन्ने, मोतियाँ अर घणे मंहंगे लत्यां तै अपणे-आपनै सवारणा। 10 पर इस्कें बजाए वो लोगां की भलाई करै, जो उननै खूबसूरत बणावै सै,

क्योंकि परमेश्वर की भगति करण आळी बिरबानियाँ के खात्तर योए सही सै। 11 जिब कोए, बिश्वासियाँ ताहीं सिखाण लागरया हो तो, बिरबानियाँ नै चुपचाप रहकै पूरी शान्ति तै सिखाण चाहिये। 12 मै बिरबानियाँ ताहीं मर्दानै सिखाण या उसपै हावी होण की इजाजत कोनी देंदा, जिब थम आराधना म्ह मिलो हो, तो बिरबानियाँ नै चुप रहणा चाहिए। 13 मै इस करकै कहूँ सूँ, क्योंकि पैहल्या आदम, उसके पाच्छे हव्वा बणाई गई। 14 आदम साँप के जरिये भकाया न्ही गया, पर बिरबान्नी भकाई म्ह आकै कसूरवार होई। 15 तोभी बिरबान्नी बाळक पैदा करण के जरिये उद्धार पावैगी, जै वा मसीह पै बिश्वास करै, दुसरे तै प्यार, अर पवित्र अर सही बरताव करै।

**3** या बात सच्ची सै, के जो कलीसिया का अगुवां बणणा चाहवै सै, तो वो भले काम की चाह करै सै। 2 यो जरूरी सै के अगुवां नै बेकसूर, अर एक ए बिरबान्नी का धणी, संयमी, सुशील, सभ्य, मेहमान का आदर-सत्कार करणीया, अर सिखाण म्ह सही होणा चाहिए। 3 दारूबाज या मारपीट करण आळा ना हो, बल्के नरम हो, अर ना रोळा करण आळा, अर ना धन का लोभभी हो। 4 अपने घर का सही इन्तजाम करण आळा हो, अर उसनै अपने बाळ-बच्चां ताहीं हरेक काम म्ह आदरपूर्वक उनका कहणा मानना सिखाणा चाहिए। 5 जिब कोए अपने घर का ए इन्तजाम करणा ना जाणदा हो, तो परमेश्वर की कलीसिया की रुखाळी किस ढाळ करैगा? 6 वो नया बिश्वासी ना हो, इसा ना हो के घमण्ड करके शैतान की तरियां सजा भुगतै। 7 अर कलीसिया के बाहर के माणसां म्ह भी वो सम्मान लायक हो, ताके वो बदनामी अर शैतान के फंदे म्ह ना फँस जावै। 8 उससे तरियां ए कलीसिया के सेवकां नै भी गम्भीर होणा चाहिये, दोगली बात करण आळा, दारूबाज अर नीच कमाई का लोभभी ना हो। 9 उनके धौरै साफ अन्तरात्मा हो, क्यूँके वे मानते रहवैंगे, के परमेश्वर नै जो शिक्षाएँ जाहिर करी वे सच सै। 10 अर ये इन सारी बातां म्ह पैहले परखे जावै, फेर जै बेकसूर लिक्डै तो सेवक का काम करै। 11 इससे तरियां तै बिरबानियाँ नै भी गम्भीर होणा चाहिये, दोष लाण आळी ना हों, पर सचेत अर सारी बातां म्ह बिश्वास जोग्गी हों। 12 कलीसिया का सेवक एक ए बिरबान्नी का धणी हों अर बाळ-बच्चां अर अपने घरां का आच्छा इन्तजाम करणा जाणदे हों। 13 क्यूँके जो कलीसिया के सेवक का काम आच्छी ढाळ तै कर सकै सै, वो माणसां म्ह सम्मान लायक होगा, पर मसीह यीशु म्ह अपने बिश्वास के बारे म्ह वो बड़ी दिलेरी तै बोल्लण आळा हो। 14 मै तेरे धौरै तावळा आण की आस करते होए भी, ये बात तेरे तै ज्यांतै लिक्खूँ सूँ, 15 ताके जै मेरै ओडै आण म्ह देर हो भी जावै, तो मै चाहूँ सूँ, थम इस बात नै जाण ल्यो, के परमेश्वर का परिवार जो के एक कलीसिया सै, उस म्ह हमनै एक-दुसरे तै किसा बरताव करणा चाहिए। जिन्दे परमेश्वर की कलीसिया के माणस सच्चाई की शिक्षा की नीम अर खम्भे की

तरियां सै। 16 हम दावे के साथ कह सका सां, के परमेश्वर नै जो शिक्षाएँ जाहिर करी सै, वो पूरी तरियां तै सच सै, यानी, वो जो देह म्ह जाहिर होया, वो पवित्र आत्मा के जरिये परमेश्वर का बेटा साबित होया, अर उस ताहीं सुर्मदूतां नै देखा, दुनिया के माणसां नै उसपै बिश्वास करया, दुसरी जातां म्ह उसका प्रचार होया, अर महिमा म्ह उप्पर ठाया गया।

**4** पर पवित्र आत्मा साफ तौर पै कहवै सै, के अन्त के दिनां म्ह कुछ लोग मसीह शिक्षा ताहीं मानना छोड़ देवैंगे, वो ओपरी आत्मायाँ ताहीं अपना लेवैंगे जो उन ताहीं भटका देवैगी, अर वो उस झूठी शिक्षा पै मन लगावैंगे जो ओपरी आत्मा की ओड़ तै सै। 2 वे पाखण्डी झूठे लोग सै जो झूठी शिक्षा सिखावै सै, उनकी अन्तरात्मा, जो सही या गलत के बीच का फैसला करै सै, वा मर चुकी सै, जिस तरियां के एक गरम लोहे नै अन्तरात्मा ताहीं जळा दिया हो। 3 ये झूठे लोग सिखावै सै, के ब्याह करणा अर कई चीज जो खाण-पीण की सै, वे गलत सै, पर परमेश्वर नै इन खाण-पीण की चिज्जां ताहीं बिश्वासियाँ खात्तर बणाया सै, जो सच्ची शिक्षा नै जाणै सै के परमेश्वर की बणाई हरेक चीज आच्छी सै, कोए भी चीज नकारन की कोनी, जै उस ताहीं धन्यवाद देके खावै। 5 क्यूँके परमेश्वर के वचन अर प्रार्थना कै जरिये सब कबूल हो जावै सै। 6 जै तू लगातार बिश्वासी भाई-भाणा नै याद दुआन्दा रहवै, के जो मन्ने निर्देश दिए सै, अर तू जो बिश्वास अर आच्छे शिक्षा के सन्देस के जरिये मजबूत बणाया गया सै, जिसका तन्ने पालन करया सै, तो तू यीशु मसीह का एक आच्छा सेवक सै। 7 सांसारिक अर मनघडन्त कहाँनियाँ तै दूर रहों, अर थम अपने-आपनै ईश्वरीय जीवन जीण खात्तर अनुशासित कर ल्यो। 8 क्यूँके देह की कसरत तै माड़ा सा फायदा होवै सै, पर भगति सारी बातां के खात्तर फैयदेमन्द सै, क्यूँके यो इस धरती पै जिन्दा रहन्दे होए अर मरण के बाद भी एक ईनाम का वादा सै। 9 या बात सच्ची अर हरेक ढाळ तै मानण जोग्गी सै। 10 क्यूँके हम मेहनत अर कोशिश इस्से खात्तर करा सां के म्हारी आस उस जिन्दे परमेश्वर पै सै, जो सारे माणसां अर खास करके अपने बिश्वासियाँ का उद्धार करणीया सै। 11 बिश्वासियाँ नै ये बात करणा अर उननै मानना सीखा। 12 छोट्टी उम्र के कारण कोए तन्ने तुच्छ ना समझै पर वचन, अर चाल-चलण, अर प्यार, अर बिश्वास, अर पवित्रता म्ह बिश्वासियाँ के खात्तर बढ़िया नमूना बण जा। 13 जिब ताहीं मै न्ही जाऊँ, जिब तक बखत लिकाड़के पवित्र ग्रन्थ बिश्वासियाँ ताहीं पढ़के सुणा, अर उन ताहीं उत्साहित अर वचन सिखाण म्ह लग्या रह। 14 उस आत्मिक वरदान कै बारै म्ह, जो तेरे म्ह सै, अर भविष्यवाणी कै जरिये कलीसिया के अगुवां के हाथ धरदे बखत तन्ने मिल्या था, निश्चित मतना रह। 15 इन बातां नै सोचदा रह अर इन्ने म्ह अपना ध्यान लाये रह, ताके तेरी बढ़ोतरी सारया पै दिख जावै। 16 यो ध्यान राक्खों के थम किस तरियां जिन्दगी जिओ सों, अर के सिखाओ सों। इन बातां पै

स्थिर रह, क्योंकि इसा करदा रहवैगा तो तू अपने अर अपने सुणण आळा के खातर भी उद्धार का कारण होगा।

**5** किसे बूढ़े तार्हीं छो म्ह ना धमका, पर उस तार्हीं अपणा बाप जाणके समझा दे, अर जवानां नै अपणा भाई जाणके समझा दे। 2 बूढ़ी बिरबानियाँ नै माँ जाणके, अर जवान बिरबानियाँ नै पूरी पवित्रता तै भाण मानके समझा दे। 3 उन बिधवा बिरबानियाँ का, जिनकी देखभाळ करणीया कोए कोनी उनका आदर कर। 4 जै किसे बिधवा के बाळक या नात्ती-पोत्ते हों, तो वे सब तै पैहल्या अपने ए कुण्बे के प्रति अपने फर्ज नै पूरा करके परमेसवर का भगत बणणा सीखै, अर अपने माँ-बाप के उपकारां का फळ दे, क्योंकि यो परमेसवर नै भावै सै। 5 जो सच म्ह ए बिधवा सै, अर उसका मदद करण आळा कोए न्ही, वा परमेसवर पै आस राक्खै सै, अर दिन-रात बिनती अर प्रार्थना म्ह लागगी रहवै सै। 6 पर जो बिधवा भोगविलास म्ह पड़गी, वा जिन्दे जी मरगी सै। 7 इन बात्तां का भी हुकम दिया कर ताके कोए उनपै दोष ना लगा सकै। 8 पर जै कोए अपने रिशतेदारां की अर खास करके अपने कुण्बे की फिक्र ना करै, तो वो बिश्वास तै मुकर गया सै अर अबिश्वासी तै भी बुरा बण गया सै। 9 उस्से बिधवा का नाम लिख्या जावै जो साठ साल तै उप्पर की हो, अर जो एके धणी की बिश्वास लायक रही हों। 10 अर भले काम म्ह आच्छी नाम्मी रही हो, जिसनै बाळकां का पालन-पोषण, मेहमानां की सेवा, परमेसवर के माणसां की सेवा, दुखियाँ की मदद करी हो, अर हरेक भले काम म्ह मन लगाया हो। 11 पर जवान बिधवा बिरबानियाँ के नाम ना लिखिए, क्योंकि जिब उनकी शारीरिक अभिलाषा मसीह की सेवा करण तै बढ़के हो जावै सै, तो वा ब्याह करणा चाहवै सै। 12 दुबारे ब्याह करके, वे खुद कसूरवार बगैगी, क्योंकि उननै अपने पैहल्ले वादे तार्हीं जो के ब्याह ना करण का था, उस तार्हीं तोड़ दिया सै। 13 इसके गेल्या ए गेल्या वे घर-घर हाँड के आलसी होणा सिक्खें सै, अर सिर्फ आलसी न्ही पर बकबक कर दी रहै सै, अर दुसरयां के काम म्ह भी दखल देती रहवै सै, अर चुगली कर दी रहवै सै। 14 ज्यांतै मै न्यू चाहूँ सूँ के जवान बिधवां ब्याह करै, अर बाळक जाँमै अर घर-बार सम्भाळै, अर किसे बिरोधी नै बदनाम करण का मौक्का ना देवें। 15 मै इस करके कहूँ सूँ, के उन म्ह तै कईयाँ नै प्रभु का कहणा मानना छोड़ दिया सै, अर शैतान के पाच्छै चालणा शुरु कर दिया सै। 16 जै किसे बिश्वासी परिवार म्ह कोए बिधवां हों, तो वैए उनकी मदद करै के कलीसिया पै बोझ ना हो, ताके कलीसिया उनकी मदद कर सकै जो साच्च्य बिधवां सै। 17 कोए भी कलीसिया का अगुवां जो अपणा काम आच्छी तरियां करै सै उस तार्हीं बड़ा सम्मान अर पर्याप्त वेतन पाण के लायक मान्या जाणा चाहिए, खासकर जो लोग परमेसवर के सन्देश नै पढ़ाण अर प्रचार करण म्ह कड़ी मेहनत करै सै। 18 क्योंकि पवित्र ग्रन्थ म्ह लिख्या सै, “नाज लिकाड़ण आळे बळध का मुँह ना बाँधिये,”

क्यूँके “मजदूर अपनी मजदूरी का हकदार सै।” 19 किसे भी कलीसिया के अगुवै के बिरुध्द दो या तीन गवाह के बिना कोए भी उसनै दोषी ना मान्ना। 20 पाप करण आळा नै सारया के स्याम्ही समझा दे, ताके बाक्की के बिश्वासी भी डरै। 21 परमेसवर, अर मसीह यीशु अर छोटै होड़ सुगंदूतां नै मौजूद जाणके मे तन्ने हुकम देऊँ सूँ, के बिना भेदभाव के तू इन हुकमां नै पूरा कर, अर सब के गैल एक जिसा बरताव कर। 22 किसे तार्हीं जल्दबाजी म्ह अगुवां ना बणाईये, अर जै तू इसा करै सै, तो उसका जिम्मेदार भी तू खुद होवैगा, तू यो तय करके मै कोए पाप न्ही करूँगा। 23 आण आळे बखत म्ह सिर्फ पाणी ए का पीण आळा ना रह, पर अपने पेट के अर अपने बार-बार बीमार होण के कारण माड़ा-माड़ा अंगूर का रस भी काम म्ह ल्याया कर। 24 मै कहूँ सूँ, के किसे तार्हीं जल्दबाजी म्ह अगुवां ना बणाईये, क्यूँके कई लोग सब के स्याम्ही पाप करै सै, इसतै पैहले के उनका न्याय हो, बिश्वासियाँ के स्याम्ही वे पापी बण चुके सै, दुसरे माणसां के पाप दिखाई न्ही देन्दे, पर पाच्छै नजर आवै सै। 25 उस्से तरियां तै जिब माणस आच्छे काम करै सै तो दुसरे माणस उसके काम्मां नै देखखै सै, अर जै इब न्ही दिखदे तो बाद म्ह वे दिख जावै सै।

**6** जितने बिश्वासी गुलाम सै, वे अपने-अपणे माल्लिक का आदर करै, ताके दुसरे लोग परमेसवर की अर म्हारी शिक्षा की बुराई ना करै। 2 जिनके माल्लिक बिश्वासी सै, वे अपने माल्लिकां का अपमान ना करै, यो जाणके के इब तो वे उनके बिश्वासी भाई सै, बल्के वे उनकी सेवा और भी ज्यादा मन तै करै, क्यूँके वे जो सेवा तै फायदा ठाण लागरे सै, अर उननै वे मसीह म्ह अपने भाईयाँ की तरियां प्यार करै, इन बात्तां का उपदेश देंदा रह, अर उन तार्हीं मानण खातर भी उत्साहित करदा रह। 3 जै कोए झुठ्ठी शिक्षा देवै सै अर खरी शिक्षा नै न्ही मानता, यानिके म्हारे प्रभु यीशु मसीह की शिक्षा अर हुकम नै जिसतै परमेसवर नै महिमा मिलै सै। 4 तो वो घमण्टी सै, अर किमे न्ही जाणदा, बल्के इसा माणस फालतू के मुद्दे अर शब्दां के बारे म्ह बहस करणा चाहवै सै, जिसतै जळण, अर झगड़े, अर बुराई की बात, भुन्दे-भुन्दे शक, 5 अर उन माणसां म्ह बेकार रगड़े-झगड़े पैदा होवै सै, जिनकी अकल खराब हो जा सै, अर वे सच तै दूर हो गये सै, जो समझै सै, के परमेसवर की सेवा करणा कमाई का साधन सै। 6 पर यो म्हारे खातर भला सै, के हम वो करा जिसतै परमेसवर खुश होवै सै, अर उस्से म्ह सबर करा जो वो म्हारे तार्हीं देवे सै। 7 क्यूँके ना हम दुनिया म्ह किमे ल्याए सां, अर ना किमे लेके जा सकां सां। 8 जै म्हारे धेरै खाण अर पैहरण नै हो, तो इन्नै म्ह सबर करणा चाहिये। 9 पर जो साहूकार होणा चाहवै सै, वे हर तरियां के पाप करण के जरिये धोक्खे म्ह पड़े सै, वे एक जानवर की तरियां जाळ म्ह फँस जावै सै, वे उन चिज्जां नै करणा चाहवै सै जो उनके खातर बेकूपी अर खतरनाक सै अर येए इच्छा उनके नाश का कारण

बण जावै सै। 10 क्यूँके रपियाँ का लोभ सारे ढाळ की बुराई की जड़ सै, जिसनै पाण की कोशिश करदे होए घणखरयां नै मसीह की शिक्षा पै बिश्वास करणा बन्द कर दिया सै, क्यूँके वे भोत पर्ईसा चाहवै थे, अर उननै अपणे-आप ताहीं कई ढाळ के दुखां तै छलनी कर लिया सै। 11 पर हे तीमुथियुस, परमेसवर के जन, तू इन बाततां तै भाज, अर धर्म, बिश्वास, प्यार, धीरज, अर नम्रता के पाच्छै चाल। 12 एक आच्छे सिपाही की तरियां जो हार न्ही मानता, परमेसवर पै बिश्वास करणा अर उसका कहणा मानना ना छोड़े अर उस अनन्त जीवन नै पा ले, जिसके खात्तर तू बुलाया गया सै, अर भोत सारे माणसां के स्याम्ही तन्नै मान लिया सै, के तू मसीह पै बिश्वास करै सै। (aiōnios g166) 13 मै तेरे ताहीं परमेसवर नै, जो सब नै जीवन दे सै, अर मसीह यीशु नै गवाह मानके जिसनै पुन्तियुस पिलातुस के स्याम्ही अपणे बारें म्ह बड़ी हिम्मत तै सच बोल्या, यो निर्देश देऊँ सूँ, 14 के जो परमेसवर नै तेरे ताहीं हुकम दिये सै, उन सब ताहीं दिल तै मान, ताके कोए भी तन्नै प्रभु यीशु मसीह के बोहड़ण तक गलत काम म्ह दोषी ना बता सकै। 15 परमेसवर जो एकमात्र राजा सै, वोए महिमा के लायक सै, जो राजयां का राजा, अर प्रभुओ का प्रभु सै, वो मसीह ताहीं सही बखत पै जाहिर करेगा। 16 वोए सै जो सदा खात्तर जिन्दा सै, अर वो उस चमकदार रोशनी म्ह रहवै सै, जिसके धोरै कोए न्ही आ सकदा, अर ना उस ताहीं किसे माणस नै देख्या अर ना कदे देख सकै सै। उसकी प्रतिष्ठा अर राज्य युगानुयुग रहवैगा। आमीन। (aiōnios g166) 17 इस दुनिया के साहूकारां नै आज्ञा दे, के वे घमण्डी ना हों अर अपणे धन पै भरोस्सा ना राक्खै, जो के थोड़े दिन का सै, पर परमेसवर पै भरोस्सा राक्खै, जो उदारता तै सब कुछ देवै सै, जो हमनै चाहिए, ताके हम उसका आनन्द उठा सका। (aiōn g165) 18 वे भलाई करै, अर भले काम्मां म्ह धनी बणै, अर उदार अर मदद करण म्ह त्यार हों। 19 जै वे इसा करै सै, तो इसा लागै सै, के वे सुर्ग म्ह अपणी सम्पत्ति जमा करण लागरे सै, जो असलियत म्ह खू न्ही सकदी, अर उस ताहीं सच्चा जीवन भी दिया जावेगा, जिसका मतलब सै सदा का जीवन। 20 हे तीमुथियुस, वो सब कुछ करण म्ह सावधान रह, जो परमेसवर नै तेरे ताहीं दिया सै, अर अभगति, बेकूफी भरी बात, अर उस झूठी शिक्षा तै जो सच्ची शिक्षा के बिरोध म्ह सै, जिन ताहीं वे ज्ञान की बात कहवै सै, उनते दूर रह। 21 कई माणसां नै इस झूठे ज्ञान ताहीं अपणालिया सै, अर कहवै सै, के हमनै ज्ञान सै, इसा करण तै वे सच्ची शिक्षा तै दूर हगे सै, मै प्रार्थना करूँ सूँ, के परमेसवर का अनुग्रह उनपै भी अर थारे पै भी होन्दा रहवै।

## 2 तीमथियुस

1 या चिट्ठी मुझ पौलुस की ओड़ तै सै, परमेसवर नै मेरे ताहीं मसीह यीशु का प्रेरित होण खात्तर चुण्या सै, ताके मै यो सन्देस प्रचार कर सकूँ, के परमेसवर नै अनन्त जीवन देण का वादा करया सै, जो यीशु मसीह पै बिश्वास करण तै मिलै सै। 2 मै तीमथियुस ताहीं या चिट्ठी लिखूँ सूँ, जिसतै मै प्यार करूँ सूँ, अर मै प्रार्थना करूँ सूँ, के पिता परमेसवर अर म्हारै प्रभु मसीह यीशु की ओड़ तै तन्नै अनुग्रह, दया अर शान्ति मिलदी रहवै। 3 मै परमेसवर का धन्यवाद करूँ सूँ, जिसकी आराधना मै साफ अन्तरात्मा तै उरसे ढाळ करूँ सूँ, जिस तरियां मेरे पूर्वज करै थे, मै अपनी प्रार्थनायां म्ह तन्नै दिन रात याद करूँ सूँ। 4 मन्नै याद सै के जिब मन्नै थारे ताहीं छोड़के जाणा पड्या था, तो थम मेरे खात्तर किस तरियां रोए थे। मै दिन-रात तेरे तै मिलण की लालसा राखूँ सूँ, ताके आनन्द तै भर जाऊँ। 5 मन्नै तेरी माँ यूनिके का खरा बिश्वास भी याद सै, अर तेरी नानी लोइस का भी इसाए बिश्वास था, अर मन्नै पक्का बिश्वास सै के थारा भी बिश्वास उसाए होगा सै। 6 इस्से कारण मै तन्नै याद दुवाऊँ सूँ के तू परमेसवर के उस वरदान नै जो मेरै हाथ धरण के जरिये तन्नै मिल्या सै प्रज्वलित करदे। 7 क्यूँके परमेसवर नै म्हारै ताहीं डरपोक नही बणाया, बल्के उसका आत्मा म्हारे मन मजबूत बणावै सै, जो म्हारे ताहीं दुसरयां तै प्यार करण म्ह मदद करै सै, अर म्हारे ताहीं अपणे-आप पे काब्बू राखणा सिखावै सै। 8 इस कारण म्हारै प्रभु यीशु मसीह के बारे म्ह लोग्गां ताहीं बताण म्ह शर्मिन्दा मत होओ, अर शर्मिन्दा होणा भी नही चाहिए, क्यूँके मै उसकी सेवा करण के कारण जेळ म्ह सूँ, इसके बजाये थमनै उस शक्ति का इस्तमाल करणा चाहिए जो परमेसवर थमनै देवै सै, अर सुसमाचार के खात्तर मेरे गेल्या दुख नै सह ल्यो। 9 परमेसवर नै म्हारा उद्धार करया सै, अर म्हारे ताहीं पवित्र जीवन जीण खात्तर बुलाया सै। उसनै म्हारै ताहीं इस कारण कोनी चुण्या के हमनै आच्छे काम करे सै, बल्के अपनी अनुग्रह अर इच्छा के मुताबिक चुण्या सै। उसनै यीशु मसीह ताहीं भेजके म्हारे उप्पर अनुग्रह दिखण की योजना दुनिया बणाण तै पैहले ए बणा ली थी। (aiōnios g166) 10 पर इब म्हारै उद्धारकर्ता मसीह यीशु जाहिर होए, अर अपनी करुणा दिखाई, जिसनै मौत की शक्ति ताहीं हरा दिया अर म्हारे ताहीं सुसमाचार के जरिये दिखाया के अनन्त जीवन का एक ए रास्ता सै। 11 जिसके खात्तर परमेसवर नै मेरे ताहीं प्रचारक, प्रेरित, अर उपदेशक भी बणाया। 12 इस कारण मै जेळ म्ह इन दुखां नै भी सहूँ सूँ, पर सरमान्दा कोनी, क्यूँके मै मसीह नै जाणूँ सूँ, जिसपै मन्नै बिश्वास करया सै, अर मन्नै पक्का बिश्वास सै के मसीह मेरी उस धरोहर की रक्षा जिब तक करदा रहवैगा जिब तक के वो आ ना ले, क्यूँके वो भरोसेमंद सै। 13 जो खरी बात तन्नै मेरै तै सुणी सै, उन ताहीं उस बिश्वास अर प्यार के गैल,

जो मसीह यीशु म्ह सै, अपना बढ़िया नमूना बणाके राख। 14 अर उस धरोहर की रक्षा करो जो पवित्र आत्मा के जरिये थारे ताहीं सौप्या गया सै, जो म्हारै भित्तर रहवै सै। 15 तन्नै बेरा सै के आसिया परदेस के भोत-से बिश्वासी भाईयां नै मेरे ताहीं छोड़ दिया सै, जिन म्ह फूगिलुस अर हिरमुगिनेस भी शामिल सै। 16 उनेसिफुरुस के कुण्बे पै प्रभु दया करै, क्यूँके वो कई बार मेरे धोरै आया अर उसनै मेरे ताहीं उत्साहित करया अर जेळ म्ह भी मेरे तै मिलण खात्तर आण म्ह शर्मिन्दागी महसूस कोनी करी। 17 पर जिब वो रोम नगर म्ह आया, तो उसनै मेरे ताहीं हरेक जगहां ढूँढ्या, अर ढूँढ के मेरै तै मिल्या। 18 (प्रभु करै के उस दिन उसपै प्रभु की दया हो)। जिब मै इफिसुस नगर म्ह था, तो उसनै वो सब कुछ मेरे खात्तर करया जिसनै थम भी जाणो सों।

2 ज्यांते हे मेरे बेटे तीमथियुस, तू उस अनुग्रह म्ह जो मसीह यीशु म्ह सै, मजबूत हो जा। 2 थमनै मेरे ताहीं कई माणसां के स्याम्ही मसीह की शिक्षा के बारे म्ह सन्देस सिखान्दे देख्या होगा। इस करके मै चाहूँ सूँ, के थम उन दुसरे बिश्वासियां ताहीं भी वोए सन्देस सिखाओ जिन माणसां पै थम भरोसा करो सों, जो दुसरयां नै भी योए सन्देस सीखा सके। 3 इस्से तरियां एक सैनिक धीरज तै लड़ाई के मैदान म्ह सारे दुख सहवै सै, थमनै भी सारे दुख सहण करणे पड़ेगें, जिसा हम मसीह यीशु खात्तर सहवां सां। 4 जिब कोए सैनिक लड़ाई पै जावै सै, तो उसका काम अपणे-आपनै दुनियादारी के काम्मां म्ह फसाणा कोनी बल्के उसका काम अपणे भर्ती करण आळे नै खुश करणा सै। 5 जै दौड़ म्ह दौड़ण आळा सही तरीके तै नही दौड़ता तो वो ईनाम नही पा सकदा। 6 जो किसान मेहनत करै सै, फसल के पैहले हिस्से पै हक उसका सै। 7 या सोच्चों के ये उदाहरण हमनै के सिखाणा चाहवै सै, परमेसवर इन सारी बात्तां नै समझण म्ह थारी मदद करै। 8 यीशु मसीह नै याद राख, जो दाऊद की पीढ़ी तै पैदा होया अर जिस ताहीं परमेसवर नै मेरे होया म्ह तै जिन्दा करया, अर योए सुसमाचार सै जिसका हम प्रचार करां सां। 9 क्यूँके मै सुसमाचार सुणाऊँ सूँ, जिसके खात्तर मै भुन्डे काम करणीये की ढाळ दुख ठाऊँ सूँ, उरै ताहीं के कैद भी सूँ, पर कोए भी चीज परमेसवर का सुसमाचार प्रचार करण तै लोग्गां नै रोक नही सकदी। 10 इस कारण मै छोट्टे होए माणसां के खात्तर सब कुछ सहूँ सूँ, ताके वे भी यीशु मसीह पै बिश्वास करके बच सके अर अनन्त महिमा नै हासिल कर पावें। (aiōnios g166) 11 या बात साच्ची सै, के जै हम मसीह के गेल्या मरयो सां, तो उसके गेल्या जीवांगें भी। 12 जै हम उसके खात्तर दुख सहन्दे रहवांगें, तो उसके गेल्या राज भी करांगें, जै हम इन्कार करां, के हम उसनै नही जाणते, तो वो भी कह देवैगा, के वो भी हमनै नही जाणता। 13 जै हम बिश्वासघाती भी हों, तोभी वो भरोसेमन्द बणा रहवै सै, क्यूँके वो हमेशा अपणे सुभाव के मुताबिक काम कर करै सै। 14 बिश्वासियां नै ये बात समझा दे, अर प्रभु की मौजूदगी म्ह समझा दे, के शब्दां पै बहस-बाजी ना

करया करै, जिसतै कुछ फायदा कोनी होन्दा, क्यूँके यो उन माणसां के उस बिश्वास नै नुकसान पुहवा सकै सै जो उननै सुणै सै। 15 अपणे-आपनै परमेसवर का अपनाण जोग्गा अर इसा काम करण आळा बणाण की कोशिश कर, जो शर्मिन्दा नही होण पावै, अर जो सच कै वचन नै सही ढाळ तै समझा सकै। 16 पर दुनियावी अर बेकार की बात्तां तै दूर रह, क्यूँके जो लोग दुनियावी अर बेकार की बात्तां म्ह शामिल होवै सै, वे परमेसवर तै और घणे दूर हो जावै सै। 17 उनकी बातें सड़े घांव की ढाळ फैलदी जावैगी, जो दुसरयां के बिश्वास नै कमजोर कर देंगी जो उन बात्तां नै सुणै सै, अर हुमिनयुस अर फिलेतुस उनकी तरियां ए सै। 18 उननै सच्चाई पै बिश्वास करणा बन्द कर दिया सै, वे कहवै सै के परमेसवर नै पैहले ए मरे होए बिश्वासियाँ ताहीं अनन्त जीवन कै खातर जिन्दा करया था, इस करके वे कुछ बिश्वासियाँ ताहीं कहवै सै, के मसीह पै बिश्वास ना करो। 19 परमेसवर के लोग इसी नीम की ढाळ सै जो हालदी कोनी, अर उस नीम पै या छाप लागरी सै: “प्रभु अपणे माणसां ताहीं पिच्छाणै सै,” अर “जो कोए प्रभु का नाम लेवै सै, उसनै बुराई करणा छोड़ देणा चाहिए।” 20 एक बड़े घर म्ह ना सिर्फ सोन्ने-चाँदी ए के, पर काठ अर माट्टी के बासण भी होवै सै, कुछ खास मौकै, अर कुछ रोज कै खातर इस्तमाल करे जावै सै। 21 इस्से तरियां जै कोए बिश्वासी अपणे-आपनै नै इन बुरी चिज्जां तै दूर कर लेवैगा, तो वो माल्लिक के उस उपयोगी बासण की तरियां होवैगा, जो खास मौकवा पै इस्तमाल करया जावै सै, वो पवित्र बण जावैगा, अर वो माल्लिक के जरिये हरेक भले काम कै खातर इस्तमाल करया जावैगा। 22 जवानी की अभिलाषाओं तै दूर भाज्जो, अर उनकी संगति म्ह रहों जो धार्मिकता, बिश्वास, प्यार, अर शान्ति का सुभाव राकखै सै, जो साफ मन तै परमेसवर नै पुकारै सै। 23 पर बेकूफी अर अज्ञानता के बहस तै दूर रह, क्यूँके तनै बेरा सै के इनतै झगड़े पैदा होवै सै। 24 प्रभु के दास नै झगड़ालू नही होणा चाहिये, पर वो सब कै गेल्या नरम अर शिक्षा म्ह निपुण अर सहनशील हो। 25 वो बिरोधियाँ नै नम्रता तै समझावै, के बेरा परमेसवर उननै इसा मन देवै के वे पाप करणा छोड़ दे ताके वे भी सच नै पिच्छाणै। 26 अर ये लोग आच्छी तरियां फेर तै सोचवण अर शैतान के धोखे तै बचण के लायक हो जावेंगे, अर यो धोखवा एक फंदे के तरियां सै। शैतान नै उन ताहीं इस खातर पकड्या सै, ताके जो वो चाहवै सै वो उनतै करवा सकै।

**3** मै इब के कहूँ सूँ, उन बात्तां पै ध्यान दे अन्त के दिनां म्ह कष्ट का बखत भी आवैगा। 2 क्यूँके माणस स्वार्थी, लोभ्भी, डिंगमार, अभिमानी, बुराई करण आळे, माँ-बाप का हुकम टाळण आळे, अहसान-फरमोस, अपवित्र, 3 निर्दयी, माफ ना करण आळे, दोष लागण आळे, असंयमी, कठोर, भले के बैरी, 4 बिश्वासघाती, ढीठ, घमण्डी, अर परमेसवर के नही बल्के सुखविलास ए के चाहणआळे होंगे। 5 वे भगति का भेष तो

धरेंगे, पर वे उस शक्ति नै अपनावै कोनी, जो उननै ईश्वरीय बणा सकै सै, इसा तै परै रहियो। 6 इन्हे म्ह तै वे माणस सै जो घरां म्ह दबे पाँ बड़ जावै सै, अर उन लुगाईयाँ ताहीं बस म्ह कर लेवें सै, जो पापां तै दबी अर हरेक ढाळ की अभिलाषायां कै बस म्ह हो सै। 7 अर वे हमेशा नई बात सिखदी तो रहवें सै, पर सच की पिच्छाण तक कदे नही पोहोचदी। 8 जिस तरियां यत्रेस अर यम्ब्रेस नै मूसा नबी का बिरोध करया था, उस्से तरियां ए ये भी सच का बिरोध करै सै, ये इसे माणस सै, जिनकी बुद्धि भ्रष्ट होगी सै अर वे बिश्वास कै बारे म्ह निकम्मे सै। 9 उनकी कामयाबी थोड़े बखत की थी, क्यूँके जिस तरियां माणसां नै मान लिया के यत्रेस अर यम्ब्रेस बेकूफ थे, अर हर कोए यो स्वीकार कर लेगा के वे बेकूफ सै। 10 पर तन्ने उपदेश, चाल-चलण, मनसा, बिश्वास, सहनशीलता, प्यार, धीरज, अर सताए जाण, अर दुख ठाण म्ह मेरा साथ दिया, अर इसे दुखां म्ह भी जो अन्ताकिया नगर अर इकुनियुम अर लुस्त्रा नगरां म्ह मेरे पै आण पड़े थे, अर दुसरे दुखां म्ह भी जो मन्ने ठाए सै, पर प्रभु नै मेरे ताहीं उन सारया तै छुटा लिया। 12 पर जितने मसीह यीशु म्ह भगति कै गेल्या जीवन बिताणा चाहवें सै वे सारे सताए जावेंगे। 13 पर दुष्ट अर भकाण आळे बिगड़दे चले जावेंगे, वे दुसरयां नै धोखवा देवेंगे, अर खुद दुसरयां तै धोखवा खावेंगे। 14 थमनै बिश्वास करते रहणा चाहिए जो हमनै थारे ताहीं सिखाया सै, क्यूँके थम हमनै जाणो सों, अर म्हारे पै भरोस्सा कर सको सों जिननै थारे ताहीं ये बातें सिखाई सै। 15 जिब थम छोट्टे बाळक थे, जिब तै ए थमनै अपणे पवित्र ग्रन्थां म्ह सिख्या सै, जो थारे ताहीं या समझण म्ह मदद करै के जिब थम मसीह यीशु म्ह बिश्वास करो सों तो परमेसवर थमनै बचावै सै। 16 साब्ता पवित्र ग्रन्थ परमेसवर की प्रेरणा तै रचया गया, अर म्हारे ताहीं सिखाण खातर उपयोगी सै, के सच के सै, अर म्हारे ताहीं यो महसूस करण खातर के म्हारी जिन्दगी म्ह के गलत सै। यो म्हारी गलतियाँ नै सुधारै, जिब हम गलत होवां सां, अर वोए करणा सिखावै सै जो सही सै। 17 ताके परमेसवर का जन हरेक भले काम करण खातर तयार अर सिध्द बण जावै।

**4** जिब मसीह यीशु राजा के रूप म्ह शासन करण खातर आवैगा, तो वो उन जिन्दे अर मरे होए माणसां का न्याय करैगा जो मर चुके सै, तो गवाह के रूप म्ह परमेसवर अर मसीह के साथ, मै ईमानदारी कै साथ थारे तै आग्रह करूँ सूँ। 2 के तू परमेसवर के वचन का प्रचार कर, परमेसवर के वचन ताहीं सुणाण खातर सदा तैयार रह, चाहे लोग इस ताहीं सुणाण चाहवै या ना चाहवै, ताके थम माणसां नै दिखा सको, के जो उननै करया सै, वो गलत करया सै, अर उनके पापां खातर उन ताहीं डाट सको, पर थम माणसां नै उत्साहित भी करो जिब थम उननै बड़े धीरज तै सिखाओ सों। 3 क्यूँके इसा बखत आवैगा जिब माणस खरयां उपदेश नही सह सकेंगे, पर अपनाणी ए इच्छा पूरी करैंगे अर वे अपणे खातर कई उपदेशक कट्टे करैंगे जो

उपदेश वे सुणणा चाहवै सै उन ताहीं वे बतावैगें। 4 अर वे सच्चाई नै अणदेखा कर देवैगें, अर झूठी कथा-कहाँनियाँ पै मन लगावैगें। 5 थमनै हरेक बखत अपणे-आप पै काब्बू राखणा चाहिए, दुख ठा, सुसमाचार प्रचार का काम कर, अर परमेसवर के जरिये दी गई सेवा नै पूरी कर। 6 जै वे मन्नै मार भी देवैगें, तो मेरी जिन्दगी परमेसवर ताहीं चढ़ाई गई एक भेट की तरियां होगी। इस दुनिया ताहीं छोड़ण का इब मेरा बखत आ लिया सै। 7 मन्नै मसीह की सेवा करण खात्तर कड़ी मेहनत करी सै, मन्नै अपणी दौड़ पूरी कर ली सै, मन्नै आखरी तक उसपै बिश्वास करया। 8 आण आळे बखत म्ह प्रभु मेरे ताहीं मुकुट देवैगा, जो के धार्मिकता का मुकुट सै, वो जो सच्चा न्याय करै सै, अर मन्नै वो ईनाम देवैगा जिब बोहड़ के आवैगा बल्के मेरे ताहीं ए न्ही उन सब ताहीं भी देवैगा, जो उसके दुबारा आण की बाट बड़ी आस तै देखण लागरे सै। 9 मेरे थारे तावळा आण की कोशिश कर। 10 क्यूँके देमास नै इस दुनिया की चिज्जां तै प्यार करया सै, अर मेरे ताहीं छोड़ दिया सै, अर वो थिस्सलुनीके नगर म्ह चल्या गया सै। क्रेसकेंस, गलातिया नगर की ओड़ चल्या गया अर तीतुस दलमतिया परदेस कान्ही चल्या गया सै। (aiōn g165) 11 सिर्फ लूका मेरे गैल सै। मरकुस नै लेकै चल्या आ, क्यूँके वो मेरे काम करण म्ह मेरी मदद करैगा। 12 तुखिकुस ताहीं मन्नै इफिसुस नगर म्ह भेज्या सै। 13 जो चोल्ला, मै, त्रोआस नगर म्ह करपुस के घर छोड़ आया सूं, जिब तू आवै तो उस ताहीं अर उस किताब ताहीं भी लेदे आईये, खास करके चर्मपत्रों नै। 14 सिकन्दर ठठेरे नै मेरा बड़ा नुकसान करया सै, प्रभु उस ताहीं उसके काम्मां के मुताबिक बदला देवैगा। 15 तू भी उसतै चौकन्ना रह, क्यूँके उसनै म्हारी शिक्षायां का घणाए बिरोध करया सै। 16 पैहली बार मै खुद नै बचाण खात्तर अदालत गया, कोए भी मेरे गैल न्ही था, पर सब नै मेरे ताहीं छोड़ दिया, परमेसवर इस बात का दण्ड उननै ना देवै, मै प्रार्थना करूँ सूं, मेरे ताहीं छोड़ण के कारण उन ताहीं परमेसवर माफ करदे। 17 पर मेरे गैल मेरा प्रभु मददगार रहया, मेरे जरिये सन्देस की घोषणा पूरी तरियां सम्पन्न हो जावै अर उरै जितने भी गैर यहूदी लोग मौजूद सै, ये बात सुण ले, के उसनै मेरे ताहीं मौत के मुँह म्ह तै छुड़ाया। 18 अर प्रभु मन्नै हरेक भुन्डे काम तै छुड़ावैगा, अर वो अपणे सुर्गीय राज्य म्ह सही-सलामत ले जावैगा। उससे की महिमा युगानुयुग होन्दी रहवै। आमीन। (aiōn g165) 19 प्रिसकिल्ला अर उसका धणी अक्विला अर उनेसिफुरुस कै कुणबे नै मेरी ओड़ तै नमस्कार। 20 इरास्तुस कुरिन्थुस नगर म्ह रह गया, अर त्रुफिमस ताहीं मन्नै मीलेतुस नगर म्ह बीमार छोड्या सै। 21 जाड्डे तै पैहल्या चले आण की कोशिश कर। यूबलुस, अर पूदेस, अर लीनुस अर क्लौदीया, अर सारे बिश्वासी भाईयाँ की ओड़ तै तन्नै नमस्कार। 22 मै प्रार्थना करूँ सूं, के प्रभु तेरी आत्मा कै गैल रहवै। थारे पै अनुग्रह होंदा रहवै।

# तीतुस

**1** या चिट्ठी मुझ पौलुस की ओड़ तै सै, जो परमेसवर का दास  
अर यीशु मसीह का प्रेरित सै, मै इस करके भेज्जा गया  
सूं ताके उन माणसां के बिश्वास नै स्थापित कर सकूं जिन  
ताहीं परमेसवर नै चुणया सै, अर उन ताहीं सीखा सकूं के वो  
उस सच्चाई नै जाण सकै, जो उन ताहीं दिखा सकै के पवित्र  
जिन्दगी किस तरियां जीणी सै। **2** वे हमेशा के खातर परमेसवर  
के साथ रहण की आस करै सै, क्यूँके परमेसवर, जो कदे झूठ  
न्ही बोल्दा, उसनै दुनिया बणाण तै पैहले वादा करया था के  
उसके लोग हमेशा खातर जिन्दा रहवेंगे। (aiōnios g166) **3** अर  
ठीक बखत पै परमेसवर नै यो सुसमाचार म्हारे पै जाहिर करया,  
अर हमनै यो सुसमाचार सारया ताहीं सुणाया। परमेसवर जो  
म्हारा उद्धारकर्ता सै, उसनै मेरे ताहीं या जिम्मेदारी दी सै, अर  
अपणा काम करण खातर मेरे ताहीं उसनै हुकम दिया सै। **4** मै  
या चिट्ठी तीतुस नै लिखूं सूं, मसीह पै बिश्वास करण के नाते तू  
मेरे आत्मिक बेटे की तरियां सै, मै प्रार्थना करूं सूं, के पिता  
परमेसवर, अर म्हारे उद्धारकर्ता प्रभु मसीह यीशु की ओड़ तै  
तन्नै अनुग्रह, दया अर शान्ति मिलदी रहवै। **5** मै इस करके तन्नै  
क्रेते टापू म्ह छोड़ आया था, ताके तू ओड़ै उस काम नै खतम  
कर सकै जो अधूरा रहग्या था, अर मेरे हुकम कै मुताबिक  
उस टापू के हरेक नगर म्ह कलीसिया के अगुवां नै तैयार कर  
सकै, जिंसा मन्ने कह्या सै। **6** अगुवां बेकसूर अर एके पत्नी का  
पति हो, जिनके बाळक बिश्वासी हो, अर उन म्ह लुचपण अर  
निरंकुशता का दोष ना हो। **7** क्यूँके अगुवां, नै परमेसवर का  
भण्डारी होण के कारण बेकसूर होणा चाहिए, ना जिद्दी, ना  
गुसेल, ना पियक्कड़, ना मारपीट करण आळा, ना नीच कमाई  
का लोभी हो, **8** पर मेहमान का आदर करण आळा, भलाई का  
चाह आळा, अपने-आप्ये म्ह रहण आळा, न्यायकारी, पवित्र  
अर अपने मन नै काबू राखण आळा हो। **9** वो यीशु मसीह  
के सन्देश के बारे म्ह मजबुती तै बिश्वास करदा हो, जो हमनै  
थारे ताहीं सिखाया सै, अर वो दुसरयां ताहीं उत्साहित कर सकै,  
ताके वे सही शिक्षा का पालन कर सकै, अर उन ताहीं भी  
समझा सकै जो सही शिक्षा का बिरोध करै सै। **10** क्यूँके भोत-  
से माणस सही शिक्षा के बिरुद्ध खड़े होवेंगे, जो बेकार की बात  
सिखावै सै अर जो दुसरयां ताहीं धोक्खा देवै सै, उन म्ह तै कुछ  
लोग यहूदी सै जो बिश्वासी बणगे सै। **11** इन माणसां ताहीं  
सिखाण का मौक्का न्ही देणा चाहिए, क्यूँके वे इसी शिक्षा देवै  
सै जो उन ताहीं देणी न्ही चाहिए, अर ये पूरे घराने का बिश्वास  
खतम कर देवै सै, अर वे यो इस खातर करै सै ताके उन ताहीं  
पर्इसे मिल सकै। **12** उन म्ह तै एक जण्ये नै, जो उनका नबी सै,  
कह्या सै, “क्रेते नगर का माणस जिस ताहीं वे नबी मान्ने सै  
उसनै क्रेती के माणस के बारे म्ह कह्या, के ये सदा झूठ बोल्लै  
सै, ये जंगली-जानवरों की तरियां बरताव करै सै, ये आलसी

होवै सै अर ये भोत पेटू सै।” **13** या बात क्रेती माणसां के बारे  
म्ह सच सै, इस करके उननै सखताई तै चेतावनी दिया कर, के  
वे यीशु मसीह की सच्ची शिक्षा पै बिश्वास करै। **14** अर यहूदिया  
की कथा कहानियाँ अर माणसां के हुकम पै मन ना लगवै, जो  
सच तै भटक जावै सै। **15** वे माणस जिनके मन म्ह कोए पाप  
कोनी, उनके खातर सारी चीज शुद्ध सै, पर उन माणसां खातर  
जो बुरे सै, अर जो मसीह यीशु पै बिश्वास कोनी करते, उन  
खातर कोए भी चीज शुद्ध कोनी, वे हर बखत बुरे काम करै सै,  
क्यूँके उनका मन पूरी तरियां अशुद्ध हो लिया सै। **16** ये झूठे  
शिक्षक कहवै सै, के हम परमेसवर नै जाणा सां, पर उनके काम  
दिक्खै सै, के वो परमेसवर ताहीं न्ही जाणते क्यूँके वे घृणित  
अर हुकम ना मानण आळे सै, अर किसे आच्छे काम के लायक  
कोन्या।

**2** पर तीतुस तेरे खातर योए सही सै के तू बिश्वासियां ताहीं  
वोए सीखा जो सच्ची शिक्षा के मुताबिक हो। **2** यानी के बूढ़े  
माणस शान्त गम्भीर अर संयमी हो, अर उनका बिश्वास, प्यार  
अर धीरज पक्का हो। **3** इस ढाळ बूढ़ी बिरबानियां का बरताव  
इसा हो के परमेसवर नै महिमा मिलै, वे लाच्छण लगाण आळी  
अर पियक्कड़ न्ही हो, पर आच्छी बात सिखाण आळी हो।  
**4** जवान बिरबानियां नै तीतुस तै न्ही बल्के बूढ़ी बिरबानियां  
तै निर्देश पाणा चाहिए, ताके वो उन ताहीं सीखा सकै किस  
तरियां अपने धणी अर बाळकां तै प्यार करै। **5** अर वे मन पै  
काबू राखण आळी, पतिव्रता, घर का कामकाज सम्भाळण  
आळी, भली अर अपने-अपणे धणी के प्रति बिश्वास लायक  
हो, ताके कोए परमेसवर के वचन की बुराई ना कर सकै। **6**  
इसे तरियां जवान माणसां नै भी समझाया कर, के वे खराई तै  
चाल्लण आळे हो। **7** हरेक काम म्ह तू अपने आच्छे बरताव तै  
दुसरयां खातर एक मिसाल बण जा, जिब तू बिश्वासियां ताहीं  
परमेसवर के बारे म्ह सिखावै सै, तो उन ताहीं आच्छे मकसद  
तै सीखा, अर इसा सीखा ताके लोग तेरा आदर कर सकै। **8**  
तेरी शिक्षाओं म्ह हमेशा सच्चाई हो, जिसकी आलोचना ना हो  
सकै, जिसतै बिरोधी नै म्हारे म्ह कोए दोष लगाण का मौक्का  
ना मिलै अर वो खुद पै शर्मिन्दा हो जावै। **9** नौकरां नै समझा  
के अपने-अपणे मालिक के कह्वे म्ह रहवै, अर सारी बात्तां  
म्ह उसनै राज्जी राक्खै, अर उल्ट कै जवाब ना दे। **10** चोरी  
चलाकी ना करो, अर हमेशा यो दिक्खे के वो बिश्वास लायक  
सै, अर थारे आच्छे सुभाव नै देखके, वे भी म्हारे उद्धारकर्ता  
परमेसवर की शिक्षा ताहीं सुणाणा चाहवेंगे। **11** परमेसवर नै  
अपणा अनुग्रह इस बात म्ह जाहिर करया के उसनै मसीह यीशु  
ताहीं म्हारा उद्धारकर्ता बणाके भेज दिया, ताके हरेक माणस  
बचाए जा सकै। **12** अपनी दया के कारण परमेसवर म्हारे ताहीं  
सिखावै सै, के हम उन तरिककां तै बरताव करणा बन्द कर द्या,  
जो उस ताहीं खुश न्ही कर सकदे, अर इसी लालसा ना राक्खा  
जिसी अबिश्वासी लोग राक्खै सै, पर बुधिमानी अर धार्मिकता

तै बरताव करां, अर इसा बरताव करा जो परमेसवर नै पसन्द हो, जिब तक हम दुनिया म्ह रहवां। (aiōn g165) 13 हम इस तरिके तै बरताव करा, जिसा के हम उस अदभुत दिन की बात देखदे हो, जिसकी हम आस राक्खां सां, यो वो दिन सै जिब यीशु मसीह जो म्हारा परमेसवर अर उद्धारकर्ता सै बड़ी महिमा म्ह इस दुनिया म्ह बोहड़ के आवेगा। 14 इस मसीह यीशु नै अपणे-आप ताहीं म्हारे पापां खात्तर बलिदान कर दिया, ताके हम सारे पापां तै आजाद हो जावां, अर म्हारे ताहीं शुद्ध करया ताके हम उसके अपणे खास माणस बण जावां, जो भले काम करण की बड़ी इच्छा राक्खे सै। 15 पूरे अधिकार कै गैल इन सारी बात्तां की शिक्षा देते होए लोग्गं नै समझा अर उत्साहित करदा रह, अर कोए तन्नै तुच्छ न्ही जाणण पावै।

माणस भटक गया सै, अर अपणे काम्मां के जरिये दोषी ठहराया जावैगा। 12 जिब मै तेरे धौरे अरतिमास या तुखिकुस नै भेज्जूं तो मेरे धौरे निकुपुलिस नगर आण की कोशिश करिये, क्यूँके मन्नै ओड़ै जाड्डा लिकाडण का मन बणाया सै। 13 जेनास वकील अर अपुल्लोस जै सफर खात्तर आगै जावै, तो जो मदद थम उनकी कर सको तो वा जरूर करियो। 14 इतणाए न्ही बल्के तू बिश्वासियो नै यो सीखा, के वो अपना ध्यान कड़ी मेहनत करण म्ह लगावै, ताके उन माणसां खात्तर जिनके धौरे सै कोनी उनकी जरूरत पूरी हो सकै, अर वे एक आच्छे मकसद के साथ जिन्दगी जी सकै। 15 मेरे सारे साथियाँ की ओड़ तै तेरे ताहीं नमस्कार। जो बिश्वास कै कारण म्हारे तै प्यार करै सै, उननै भी नमस्कार। थारे सारया पै परमेसवर का अनुग्रह होंदा रहवै।

**3** बिश्वासियो नै याद दुआ के हाकिमां अर अधिकारियां का आदर कर, अर उनका हुकम मान्नै, अर दुसरयां का भला करदे रहो। 2 किसे नै बदनाम ना करै, अर ना झगड़ालू बणै, पर दुसरे माणसां कै खात्तर दया दिखाण आळे बणो, अर सारे माणसां कै गैल बड़ी नरमाई के गैल रहवै। 3 क्यूँके हम भी पैहल्या बेअक्ल, परमेसवर का हुकम ना मानण आळे, भ्रम म्ह पड़े होए अर न्यारी-न्यारी ढाळ की बुरी अभिलाषा अर सुखभोगण की गुलामी म्ह, अर बैरभाव अर माणसां के प्रति जळण करण म्ह जीवन बिताण लागरे थे, हम घृणा के लायक माणस थे, अर हर कोए म्हारे तै घृणा करै था, अर हम भी उनतै घृणा करा थे। 4 पर फेरभी परमेसवर जो म्हारा उद्धारकर्ता सै उसनै अपणी दया अर प्यार हम माणसां पै दिखाया। 5 उसनै म्हारे ताहीं पापां के दण्ड तै बचाया, अर यो धार्मिक काम्मां के जरिये न्ही होया जो हमनै खुद करे, पर उसनै म्हारे पै दया करी। उसनै म्हारे ताहीं पवित्र आत्मा देण कै जरिये बचाया, जो म्हारे पापां नै माफ करै सै, अर हमनै नई जिन्दगी अर नया सुभाव देवै सै। 6 परमेसवर नै मुफ्त म्ह पवित्र आत्मा दिया ताके वो म्हारे म्ह सामर्थी रूप तै काम करै क्यूँके मसीह यीशु म्हारे पापां खात्तर मरया अर म्हारा उद्धारकर्ता बण गया। 7 ताके हम अनन्त जीवन की आस राक्ख सका, जिसका परमेसवर नै अपणे माणसां ताहीं देण का वादा करया सै, अर हमनै उसपै पूरा भरोस्सा सै, क्यूँके वो अपणी करुणा के मुताबिक म्हारे ताहीं धर्मी बणावै सै। (aiōnios g166) 8 या बात सच सै, अर मै चाहूँ सूं, के तू इन बात्तां के बारे म्ह मजबूती तै बोल्ले इस करके के जिननै परमेसवर पै बिश्वास करया सै, वे भले काम करण खात्तर हमेशा ध्यान लगावेंगे। ये बात भली अर माणसां के फायदे की सै। 9 पर बेवकूफी के विवादों, पीढियाँ, बिरोध अर झगड़ा तै जो मूसा नबी के नियम-कायदा के बारे म्ह हो, इनतै बचा रह, क्यूँके वे फायदेमन्द कोनी बल्के बेकार सै। 10 तू उन माणसां नै एक दो बार समझा जो कलीसिया म्ह फूट गेरे सै, अर उन ताहीं इसा करण तै मना कर, उसके बाद उनपै और बखत बरबाद ना करै। 11 तन्नै पक्का बेरा सै, के इस ढाळ का

# फिलेमोन

**1** या चिट्ठी मुझ पौलुस, की ओड़ तै सै, जो मसीह यीशु का कैदी सै। हे फिलेमोन, मेरी अर बिश्वासी भाई तीमुथियुस की ओड़ तै तन्नै नमस्कार। तू म्हारा प्यारा मित्तर अर मसीह के काम करण म्ह म्हारा साइड़ीदार सै। **2** मै भाण अफफिया, अर अरखिप्युस ताहीं जो परमेसवर की सेवा एक सिपाही की तरियां करण लागरया सै, अर उस कलीसिया नै भी लिखूँ सूँ, जो फिलेमोन के घर म्ह कठ्ठी हो सै। **3** मै प्रार्थना करूँ सूँ, के म्हारे पिता परमेसवर अर प्रभु यीशु मसीह की ओड़ तै थमनै अनुग्रह अर शान्ति मिलती रहवै। **4** मै जिब भी थारे खात्तर प्रार्थना करूँ सूँ, तो मै सारी हाण थारे खात्तर परमेसवर का धन्यवाद करूँ सूँ। **5** मै प्रभु यीशु मसीह पै थारे बिश्वास अर परमेसवर के पवित्र माणसां के प्रति प्यार के बारे म्ह सुणदा रहूँ सूँ। **6** मै प्रार्थना करूँ सूँ, के जो बिश्वासियाँ गैल थारी साइड़ेदारी सै, उन भली चिज्जां के जाणण के जरिये जो परमेसवर नै म्हारे ताहीं दी सै, वा और घणी बढ़ती जावै। अर या म्हारे मसीह की महिमा खात्तर हो। **7** क्यूँके हे बिश्वासी भाईयो, मै भोत खुश सूँ, अर मेरे प्रति थारे प्यार तै मै घणा उत्साहित सूँ, अर इस कारण पवित्र माणसां नै घणी खुशी मिली सै। **8** जो हक मेरे ताहीं मसीह नै दिया सै, उसकी बजह तै मै थमनै हुकम दे सकूँ सूँ, के थमनै के करण की जरूरत सै, पर मै इसा कोनी करूँ, मै पौलुस, बुजुर्ग माणस होण के नाते अर मसीह यीशु का कैदी होण के कारण थारे तै प्यार तै बिनती करूँ सूँ। **10** मेरी बिनती या सै के उनेसिमस जो मेरे बाळक की तरियां सै, वो मसीह म्ह मेरा आत्मिक बेट्टा जिब बणया जिब मै कैद म्ह था, थम उसपै दया करियो। **11** वो तो पैहला तेरे किमे काम का ना था, पर इब तेरे अर मेरे दोनुआ कै खात्तर बड़े काम का सै। **12** उससे नै यानी जो मेरे दिल का टुकड़ा सै, मै तेरे धारे भेज्जू सूँ। **13** उसनै मै अपणे ए धारे राखणा चाहूँ था, ताके वो तेरी जगहां मेरी मदद कर सके, जिब के मै मसीह का सुसमाचार सुणाण के खात्तर कैद म्ह सूँ। **14** पर मन्नै तेरी इच्छा बगैर कुछ भी न्ही करणा चाह्या। मै चाहूँ था के तू मेरी मदद मजबूरी म्ह न्ही पर खुद की इच्छा तै खुशी तै करै। **15** हो सकै सै के परमेसवर नै उनेसिमस ताहीं, तेरे तै इस करके थोड़े बखत खात्तर दूर जाण का मौक्का दिया, ताके वो मसीह पै बिश्वास कर सके, अर उसकी बजह तै तू सदा खात्तर उसनै पा लेवै। (aiōnios g166) **16** पर इब वो तेरा दास ए कोनी बल्के दास तै भी बढकै, यानी बिश्वासी भाई सै। मै उसतै भोत प्यार करूँ सूँ, पर इब तू मेरे तै भी ज्यादा उसतै प्यार कर, दास की तरियां न्ही, पर बिश्वासी भाई की तरियां। **17** इस करके जै तू मन्नै अपणा साइड़ीदार समझै सै, तो उनेसिमस जिब थारे धारे बोहड़ के आवैगा, तो उसनै प्यार तै अपणा लियो, जिस तरियां थम मन्नै अपणाओ सों। **18** जै उसनै तेरा कुछ भी नुकसान करया सै, या उसपै तेरा कुछ कर्ज सै, तो आकै दे

दियुँगा। **19** मै पौलुस अपणे हाथ तै लिखूँ सूँ, के उसका कर्ज मै आप दे दियुँगा, तू खुद जाणै सै, जै मै तेरी मदद न्ही करदा, तो तन्नै नई जिन्दगी न्ही मिलती, इस करके तू जिन्दगी भर मेरा कर्जदार सै। **20** हे मेरे प्यारे भाई, मेरे खात्तर योए कर क्यूँके हम बिश्वासी भाई सां, अर तेरे इसा करण तै मै मसीह म्ह उत्साहित हो जाऊँगा। **21** मै तेरे पै भरोस्सा करके तेरे तै लिखूँ सूँ, अर या जाणु सूँ के जो कुछ मै कहूँ सूँ, तू उसतै घणा बढ़कै करैगा। **22** अर या भी कै मेरे खात्तर रुकण की जगहां तैयार राकखै। मन्नै उम्मीद सै, के परमेसवर थारी प्रार्थनायां का जवाब देवैगा, अर मै थारे धारे आकै थमनै देख पाऊँगा। **23** इपफ्रास, जो मेरे गैल जेळ म्ह कैद सै, क्यूँके वो यीशु मसीह की सेवा करै सै थारे ताहीं नमस्कार कहवै सै। **24** अर मरकुस, अरिस्तर्खुस, देमास अर लूका जो मेरे गैल परमेसवर का काम करणीये सै, इनका भी तेरे ताहीं नमस्कार। **25** मै प्रार्थना करूँ सूँ, के म्हारे प्रभु यीशु मसीह का अनुग्रह थारे साथ होंदा रहवै। आमीन।

# इब्रानियों

**1** पहल्ले युग म्ह परमेसवर नै म्हारे पूर्वजां तै भोत बार अर अलग-अलग ढाळ तै नबियाँ के जरिये बात करी। 2 पर इन आखरी के दिनां म्ह म्हारे तै, अपणे बेटे के जरिये बात करी। परमेसवर नै सारी सृष्टि की रचना अपणे बेटे के जरिये करी अर उसने उस ताहीं सारी चिज्जां का वारिस बणाया। (aiōn g165) 3 बेटा ए परमेसवर की महिमा का चाँदणा सै अर उस म्ह हम देख्वां सां, के वो किसा सै, अर सारी चिज्जां नै अपणे शक्तिशाली हुकम तै सम्भाळै सै। वो माणसां के पापां की माफी का कारण बणया, अर ऊँच्ची जगहां पै महिमामय कै सोळी ओड़ जा बेठ्या, 4 इसा करण तै सुर्गदूतां तै उतनाए बढ़िया ठेहराया, जितना उसने बड़े ओढ़े का उसका पद सुर्गदूतां तै ऊँच्चा ठेहराया। 5 क्यूँके परमेसवर नै कदे किसे सुर्गदूत तै न्ही कह्या, के “तू मेरा बेटा सै, आज मै घोषणा करूँ सूँ के, तू मेरा बेटा सै” अर सुर्गदूतां म्ह तै उसने कद किसे तै कह्या, के “मै उसका पिता होऊँगा, अर वो मेरा बेटा होवैगा?” 6 अर जिन परमेसवर नै अपणे जेठे बेटे ताहीं इस दुनिया म्ह भेज्या, तो कहवै सै, “परमेसवर के सारे सुर्गदूत उस ताहीं मोथ्हे मुँह पड़के प्रणाम करै।” 7 अर सुर्गदूतां कै बारे म्ह न्यू कहवै सै, “वो अपणे सुर्गदूतां ताहीं हवा, अर अपणे सेवकां नै भड़कदी होई आग बणावै सै।” 8 पर बेटे के बारे म्ह कहवै सै, “हे परमेसवर, उसका राज युगायुग रहवैगा, तेरे राज्य का राजदण्ड न्याय का राजदण्ड सै। (aiōn g165) 9 तन्ने धर्म तै प्यार अर अधर्म तै बैर राख्या, इस कारण परमेसवर, तेरे परमेसवर नै, तेरे साथियाँ तै बढ़के हर्षरूपी तेल तै तेरा अभिषेक करया।” 10 अर यो के, “हे प्रभु, शरुआत म्ह तन्ने धरती अर जो कुछ अकास म्ह सै उन ताहीं बणाया, अर सुर्ग तेरे हाथ्यां की कारीगरी सै। 11 वे तो नाश हो जावेंगे, पर तू सदा खात्तर जिन्दा रहवैगा, अर वे सारे लते की ढाळ पुराणे हो जावेंगे, 12 अर तू उन ताहीं चादर की तरियां लपेटैगा, अर वे लते की ढाळ बदल जावेंगे पर तू कदे न्ही बदलैगा, अर तू सदा खात्तर जिन्दा रहवैगा।” 13 अर सुर्गदूतां म्ह तै उसने किसतै कद कह्या, “तू मेरे सोळी ओड़ बैठ, यानी के तू हक की जगहां पै बैठ। जिन ताहीं के मै तेरे बैरियाँ नै पूरी तरियां तै हरा ना दूँ?” 14 के वे सारे परमेसवर की सेवा-पाणी करण आळी आत्मा कोनी, जो उद्धार पाण आळा के खात्तर मदद करण नै भेजी जावै सै?

**2** इस करके म्हारे ताहीं जो कुछ सिखाया गया था उसका पालन करण खात्तर हमनै और सावधान रहणा चाहिए। तब हम सच्चाई तै दूर न्ही जावांगे। 2 क्यूँके जो वचन सुर्गदूतां कै जरिये कह्या गया था। जिन वो सच साबित होया अर हरेक अपराध अर हुकम ना मानण का परमेसवर नै उन ताहीं दण्ड दिया। 3 तो हम माणस इसे महान् उद्धार नै अणदेखा करके किस तरियां बच सकां सां? इस महान् उद्धार की पैहली बार

प्रभु यीशु नै घोषणा करी थी, अर जिन चेल्यां नै उस ताहीं सुणया, तो चेल्यां नै म्हारे ताहीं साबित करके दिखा दिया के यो सच सै। 4 अर गेल्या ए परमेसवर भी अपणी मर्जी कै मुताबिक चमत्कार, अर अनोक्खे काम्मां, अर कई ढाळ के सामर्थ के काम्मां, अर पवित्र आत्मा के वरदान्नां के बांडण के जरिये इन बाततां नै सच साबित करदा रहया। 5 उसने उस आण आळी दुनिया ताहीं जिसका जिक्र हम करण लागरे सां, सुर्गदूतां कै अधीन न्ही करया, पर अपणे बेटे के अधीन कर दिया। 6 पवित्र ग्रन्थ म्ह किते, किसे नै परमेसवर तै यो कह्या सै, के “माणस के सै के तू उसकी सुधि लेवै सै? या माणस का बेटा के सै, के तू उसकी फिक्र करै सै? 7 तन्ने उस ताहीं सुर्गदूतां तै थोड़ा ए कम महत्वपूर्ण बणाया, तन्ने उस ताहीं राजा की तरियां महिमा अर सम्मान दिया, अर सब किमे उसके अधीन कर दी। 8 तन्ने उस ताहीं सारी चिज्जां पै हक दिया।” इसा लागै सै के परमेसवर नै सारा कुछ उसके अधीन कर दिया सै, उरै ताहीं के कुछ भी न्ही बचा जो उसके अधीन ना हो, पर हम देख सका सां, के सारी चिज्जेँ उसके अधीन म्ह न्ही। 9 पर हम यो देख्वां सां, के यीशु ताहीं कुछ बखत खात्तर सुर्गदूतां तै कम करया गया था, ताके परमेसवर के अनुग्रह तै वो हरेक किसे खात्तर मर सकै, क्यूँके उसने दुख ठाया अर मर गया, इस करके परमेसवर नै उस ताहीं महिमा अर सम्मान दिया। 10 परमेसवर नै जो कुछ भी बणाया सै, वो सारा अपणे खात्तर सै, अर उस ताहीं योए आच्छा लाग्या के जिन वो भोत सारे माणसां ताहीं अपणी महिमा म्ह साँझा करै, तो यीशु मसीह जो उनका उद्धारकर्ता सै, उसके दुख ठाण कै जरिये उन ताहीं सिध्द बणा लेवैगा। 11 क्यूँके जो माणसां नै उनके पाप तै साफ करै सै, अर जिन माणसां के पाप साफ होण लागरे सै, दोन्नु एक ए पिता परमेसवर की ऊलाद सै, इस्से कारण वो उननै भाई-भाण कहण तै कोनी सरमान्दा। 12 अर वो (मसीह) परमेसवर तै कहवै सै, “मै अपणे भाईयाँ ताहीं बताऊँगा के तन्ने मेरे खात्तर कितने भले काम करे सै, अर जिन आराधना करण खात्तर मण्डली म्ह कठ्ठे होंगे तो मै तेरी महिमा करूँगा।” 13 अर वो दुबारा कहवै सै, के मै उन माणसां कै साथ सूँ, “जो परमेसवर नै मेरे ताहीं दिए सै।” 14 ज्यांतै जिन के परमेसवर के बच्चे सै, जो के माँस अर लहू तै बणे सै, अर उसका बेटा (यीशु मसीह) भी इन्सान बणया, इस करके वो एक इन्सान के रूप म्ह ए मर सकै था, अर सिर्फ मरण तै ए वो शैतान की शक्ति नै तोड़ सकै था, जिसके धोरे मौत की शक्ति थी। 15 अर इस तरियां यीशु नै उन सारे माणसां ताहीं मुक्त कर दिया जो हर बखत गुलाम्मां की तरियां जीवै थे, अर वे मरण तै डरै थे। 16 क्यूँके मसीह यीशु तो सुर्गदूतां ताहीं न्ही बल्के अब्राहम की पीढ़ी नै सम्भाळै सै। 17 इस कारण उस ताहीं चाहिये था, के वो हर बाततां म्ह बिश्वासी भाईयाँ की तरियां बणे, ताके वो परमेसवर का महायाजक बण सकै, जो दयालु अर बिश्वास जोग्गा सै, अर वो माणसां के पापां की माफी खात्तर

खुद नै बलिदान कर सकै। 18 क्यूँके यीशु का इम्तिहान हो लिया अर उसनै खुद दुख ठाया सै, इस करकै वो इम्तिहान म्ह पड़े होए माणसां की मदद कर सकै सै।

**3** ज्यांतै हे विश्वासी भाईयो, थम जो परमेसवर के कुह्वाओ सों, सुर्ग म्ह साइझी होण खात्तर बुलाये गये सों, यीशु पै ध्यान घों, जो म्हारे खात्तर परमेसवर की ओड़ तै भेज्जा गया प्रेरित अर महायाजक सै, जिसपै हम विश्वास करा सां। 2 यीशु परमेसवर के प्रति वफादार था, जिस ताहीं उसनै नियुक्त करया था, जिसा मूसा नबी नै भी वफादारी तै पूरा काम करया जो भी परमेसवर नै उस ताहीं करण खात्तर कह्वा था। 3 जिसा के घर बणाण आळे माणस नै घर तै बढ़कै सम्मान मिलै सै। इस्से तरियां यीशु मूसा नबी तै घणा सम्मान जोग्गा सै। क्यूँके हरेक घर का कोए ना कोए बणाण आळा होवै सै, पर जिसनै सारा किमे बणाया वो परमेसवर सै। 5 मूसा नबी तो परमेसवर के घर के माणसां खात्तर सेवक की तरियां विश्वास जोग्गा रहया। के जो मूसा नबी नै करया था, वो दिखावै सै के परमेसवर आण आळा बखत म्ह के करण आळा सै। 6 पर परमेसवर के कुणबे म्ह मसीह, तो एक बेट्टे के रूप म्ह विश्वास लायक सै, अर उस आस म्ह विश्वास नै बणाए राख्वै सै, तो हमे उसका कुणबा सां। 7 जिसा परमेसवर अपणे पवित्र आत्मा के जरिये कहवै सै, “जै आज थम परमेसवर की आवाज सुणो, 8 “तो अपणे मन ताहीं कठोर ना करो, जिसा के छो दुवाण के बखत अर इम्तिहान के दिन जंगळ म्ह थारे पूर्वजां नै करया था। 9 थारे पूर्वजां नै चाळीस साल तक मेरे महान् काम देखण के बाद भी चुनौती देन्दे होए मेरे ताहीं परख्खा था। 10 इस कारण मै उस बखत के माणसां तै गुस्सा रहया, अर कह्वा, ‘उननै मेरे पाछै चालणा नही चाह्वा, अर इसा करण तै इन्कार कर दिया जो मन्नै उन ताहीं करण का आदेश दिया था।’ 11 फेर मन्नै छो म्ह आकै कसम खाकै कह्वा, के ‘उस आराम की जगहां म्ह थम बड़ण नही पाओगे, जित्त मै उननै आराम देऊँगा।’” 12 हे विश्वासी भाईयो, चौकस रहो के थारे म्ह इसा बुरा अर अविश्वासी मन ना हो, जिसतै थम जिन्दे परमेसवर तै दूर हो जाओ। 13 जिब भी थम पवित्र ग्रन्थ नै यो कहते सुणो, “आज का दिन” तो एक-दुसरे नै उत्साहित करते रहे, इसा ना हो पाप थारे ताहीं धोक्खा देवै, अर थम परमेसवर के खिलाफ जिद्दी हो जाओ। 14 क्यूँके जै हम अन्त तक मजबुती के साथ अपणे शरुआती विश्वास नै थाम्मे राख्वां सां, तो हम मसीह के साइझीदार बण जावां सां। 15 जिसा पवित्र ग्रन्थ कहवै सै, “जै आज थम परमेसवर का शब्द सुणो, तो अपणे मनां नै कठोर ना करो, जिसा के छो दुवाण के बखत थारे पूर्वजां नै करया था।” 16 कौण थे वे माणस जिननै परमेसवर की आवाज सुणकै भी उस ताहीं छो दुवाया? ये वे माणस थे जिन ताहीं मूसा नबी मिस्र देश तै बाहर लेकै गया था। 17 चाळीस साल तक परमेसवर ताहीं इन माणसां नै गुस्सा दुवाया, ये इस्राएल के माणस थे, जिननै

मरुस्थल म्ह पाप करया अर वे मरगे, अर उनकी लाश जंगळ म्ह पड़ी रह्यीं? 18 अर जिब परमेसवर नै कसम खाई के “वे उस आराम की जगहां म्ह कदे नही बड़ पावेंगे, जित्त मै उननै आराम देऊँगा।” वो वास्तव म्ह उन माणसां के बारे म्ह बात करै था जिननै उसका बिरोध करया था। 19 इस बात तै हमनै यो बेरा लाग्या सै, के वे अपणे अविश्वास के कारण बड़ नही सके।

**4** इस करके परमेसवर नै म्हारे ताहीं वादा करया सै, के हम आराम की जगहां पै जावेंगे, क्यूँके आराम की जगहां म्ह बड़ण का वादा इब भी सै, तो हमनै भोत सावधान रहणा चाहिए, इसा ना हो के थारे म्ह तै कोए माणस आराम की जगहां जाण म्ह नाकामयाब हो जा, जिस ताहीं देण का वादा परमेसवर नै म्हारे ताहीं करया सै। 2 जिस तरियां हमनै यीशु मसीह के बारे म्ह सुसमाचार सुणया, अर उन इस्राएल के माणसां नै भी जिन नै आराम की जगहां म्ह बड़ण के बारे म्ह सुसमाचार सुणया पर उननै उस सुसमाचार पै विश्वास नही करया, इस कारण उनके खात्तर संदेश बेकार ठैहराया। 3 पर म्हारे ताहीं जो परमेसवर नै कह्वा सै, हम उसपै भरोस्सा करां सां, अर हम आराम की जगहां म्ह बड़ंगे। जिसा औरां खात्तर परमेसवर नै कह्वा सै, “मन्नै अपणे छो म्ह कसम खाई के वे मेरी आराम की जगहां म्ह बड़ण नही पावेंगे।” फेर भी उसके काम दुनिया के बणाण तै पैहल्याए पूरे हो लिए थे। 4 क्यूँके सातमै दिन के बारे म्ह परमेसवर नै पवित्र ग्रन्थ म्ह न्यू कह्वा सै, “परमेसवर नै सातमै दिन अपणे सारे कामां ताहीं निपटा के विश्राम करया।” 5 हमनै यो भी पढ़या के उसनै बाद म्ह कह्वा, के “वे मेरे आराम की जगहां म्ह बड़ण नही पावेंगे।” 6 इस्राएल के वे माणस जिन ताहीं सुसमाचार सुणाया गया था, वो आराम की जगहां म्ह बड़ण म्ह नाकामयाब रहे, क्यूँके उननै परमेसवर के हुकम ताहीं कोनी मान्या था, पर उस आराम की जगहां म्ह जाण का इब भी मौक्का सै। 7 ज्यांतै उसनै आराम की जगहां म्ह बड़ण का एक और मौक्का तय करया, अर वो मौक्का आज सै। म्हारे पूर्वजां के बिद्रोह के कई साल्लां बाद, दाऊद के मुँह तै यो कह्वा था, “जै आज थम उसकी आवाज सुणो, तो उस ताहीं सुणकै इन्कार ना करो।” 8 हम यो भी जाणा सां के परमेसवर नै जो आराम की जगहां का वादा करया सै, वो कनान देश कोनी, जिसपै यहोशू नै म्हारे पूर्वजां की अगुवाई करी थी, जै यो कनान देश होन्दा, तो परमेसवर नै बाद म्ह यो नही कह्वा होगा, के एक और मौक्का सै। 9 यो भी हो सकै सै, के परमेसवर के माणसां नै इस तरियां के तरिकके तै आराम करणा पड़ै, जिस तरियां तै परमेसवर नै दुनिया बणाण के सातवे दिन आराम करया था। 10 क्यूँके जो उसके आराम की जगहां म्ह बड़या सै, उसनै भी परमेसवर की ढाळ अपणे काम पूरे करके विश्राम करया सै। 11 इस करके हम उस आराम की जगहां म्ह बड़ण की कोशिश बड़ी मेहनत के साथ करा, ताके कोए भी उन माणसां की तरियां ना बणे जिननै परमेसवर के हुकम ताहीं मानण तै इन्कार कर दिया,

फेर हम उसकी आराम की जगहों में बढ़ण पावांगे। 12 क्योंकि परमेसवर का वचन जिन्दा, अर प्रभावशाली है, अर वो एक दोधारी तलवार है भी घणा पैना है। वो प्राण अर आत्मा ताहीं, अर गाँठ-गाँठ अर गुदे-गुदे ताहीं न्यारा करके आरम-पार पाड़ दे सै अर मन की भावनायां अर विचारां ताहीं परख ले सै। 13 जिस ताहीं लेखा देणा सै, उसकी नजर तै कोए भी प्राणी छुप्या कोनी। सारी चीज उसके स्याम्ही साफ अर खुली होड़ सै। 14 ज्यांतै जिब म्हारा इसा बड़ड़ा महायाजक सै, जो सुर्ग म्ह चल्या गया सै, यानिके परमेसवर का बेटा यीशु, तो आओ, हम बिश्वास म्ह पक्के बणे रहवां जो हमनै सारे माणसां के आगै स्वीकार करया सै। 15 क्योंकि म्हारा यो महायाजक जो यीशु मसीह सै, म्हारी हरेक कमजोरियाँ नै जाणे सै, बल्के वो सारी बातां म्ह म्हारै तरियां परख्या तो गया, फेर भी निष्पाप लिंकड़या। 16 इस करके आओ, हम परमेसवर के स्याम्ही बिना डर के जावां जो करुणा तै भरा होया सै, फेर परमेसवर म्हारै पै दया करैगा, अर जिब हमनै मदद की जरूरत होगी तो वो म्हारी मदद करैगा।

**5** परमेसवर इस्राएल के माणसां म्ह तै एक महायाजक ताहीं चुणै सै, अर वो महायाजक ताहीं नियुक्त करै सै, ताके वो उसकी सेवा भेट चढ़ाके, अर माणसां के पापां की माफी के खात्तर बलि चढ़ाके कर सकै। 2 वो बेअक्ले अर भूले भटक्यां के गेल्या नर्मा तै बरताव कर सकै सै, ज्यांतै वो आप भी कमजोरी तै धरिया सै। 3 उसके खात्तर एक महायाजक के रूप म्ह अपने अर माणसां के पापां नै दूर करण खात्तर बलि चढ़ाणा जरूरी सै। 4 कोए भी इन्सान अपने-आपनै तै महायाजक होण का पद नही ले सकता। एक माणस सिर्फ महायाजक जिब्बे बण सकै सै, जिब परमेसवर उस ताहीं याजक होण के खात्तर बुलावै सै, जिस तरियां हारुन ताहीं परमेसवर नै पैहला महायाजक होण खात्तर बुलाया था। 5 उससे तरियां ए मसीह नै भी खुद ताहीं महायाजक बणाके खुद का सम्मान करण का फैसला कोनी करया, परमेसवर नै उस ताहीं यो सम्मान दिया जिब उसनै कहा, के “तू मेरा बेटा सै, आज मन्ने ए तेरे ताहीं पैदा करया सै।” 6 एक और जगहों परमेसवर उस ताहीं दुबारा कहवै सै, “तू मलिकिसिदक की रीत पै सारी हाण खात्तर याजक सै।” (aiōn g165) 7 जिब यीशु इस दुनिया म्ह रहवै था, तो ठाड्ड शब्दां तै रुक्का मार-मारके अर ऑसू बहा-बहाके परमेसवर तै प्रार्थनाएँ अर बिनती करी, जो उस ताहीं मौत तै बचा सकै था, अर आदरपूर्ण समर्पण के कारण परमेसवर नै उसकी सुण ली। 8 परमेसवर का बेटा होण पै भी मसीह यीशु नै दुख ठा-ठाके भी उसका हुकम मानना सिख्या। 9 फेर सिध्द हो जाणके बाद वो खुद उन सब खात्तर, जो उसके हुकमां नै मानणीयां के खात्तर अनन्त काल के उद्धार का कारण बणाया। (aiōnios g166) 10 अर उस ताहीं परमेसवर की ओड़ तै मलिकिसिदक की रीत पै महायाजक का पद मिल्या। 11 इसके बारे म्ह हमनै घणीए बात कहणी सै, पर उनके बारे म्ह खुलके जिक्र करणा मुश्किल

सै, क्योंकि थम परमेसवर के वचन के बारे म्ह जाणण खात्तर आलसी होगे सों। 12 बखत के विचार तै तो थमनै शिक्षा देण आळा बण जाणा चाहिए था, पर थमनै तो इब भी इसे माणस की जरूरत सै, जो थारे ताहीं नये सिरे तै परमेसवर की शिक्षा की शरुआती बात ए सिखावै, थम तो इब्बे भी उन छोट्टे बाळक की ढाळ सों, जिन ताहीं दूध चाहिए, पर भारी खाणा नही। 13 याद राक्खों जो माणस इब भी वचन की शरुआती शिक्षा नै सीखण लागरे सै, वे नही जाणदे, के परमेसवर धर्मी बणण के बारे म्ह के कहवै सै, वो दूध पीन्दे बाळक की तरियां सै। 14 पर जिस माणस की तुलना श्याणे माणस तै करी जा सै, जो ठीक तै खाण चबा-चबा कै खा सकै सै, वो यो माणस सै जिसका बिश्वास पक्का सै अर जो खरी शिक्षा नै समझ सकै सै, उसनै आच्छे अर बुरे की पिच्छाण करणा सीखा लिया सै।

**6** इस करके जिब म्हारे ताहीं मसीह के बारे म्ह शरु म्ह सिखाया गया था, तो आओ हम उन ताहीं छोड़ के खरी शिक्षा पै चर्चा करण खात्तर आगै बढ़दे जावां। शरुआती शिक्षा जिसा पाप तै भरे काम तै जो मौत नै लेके आवै सै, परमेसवर पै बिश्वास करण नै नीम की तरियां ना धरो, 2 अर बपतिस्मा अर हाथ धरण, अर मरे होया के जिन्दा उठण, अर आखरी न्याय की शिक्षा रूपी नीम दुबारा ना बणावां। (aiōnios g166) 3 जै परमेसवर नै चाह्या तो मै थमनै खरी शिक्षा दिङ्गा। 4 क्योंकि जो माणस अपने बिश्वास नै खो दे सै, तो उन ताहीं फेर तै पश्चाताप करण कै खात्तर उलटा नही ल्याया जा सकता। एक बार उननै परमेसवर की सच्चाई नै जाणा अर सुर्ग तै वरदानां ताहीं पाया, अर बाकियाँ की तरियां पवित्र आत्मा भी पाया। 5 अर उननै अनुभव करया था के परमेसवर का वचन आच्छा सै, अर वे परमेसवर की आण आळी शक्ति का अनुभव कर चुके थे। (aiōn g165) 6 उननै फेर तै उलटा ल्याण का कोए तरिकका कोन्या, क्योंकि वे परमेसवर के बेटे ताहीं अपने खात्तर दुबारा क्रूस पै चढ़ावै सै, अर सबके स्याम्ही उसपै कलंक लगावै सै। 7 जिन माणसां नै आच्छी शिक्षा मिलै सै, वे उस जमीन की तरियां सै, जित्त बारिस होन्दी ए रहवै सै, जै जमीन बढ़िया सै, तो या किसान खात्तर बढ़िया फसल देवै सै, अर उसपै परमेसवर की आशीष होवै सै। 8 पर दुसरे माणस उस जमीन की तरियां सै जो काण्डे अर खरपतवार उगावै सै तो या बेकार सै। उस ताहीं परमेसवर के जरिये श्राप दिये जाण का खतरा सै, अर वो आग तै नाश हो जावैगा। 9 हे प्यारे भाईयो, भलाए हम इस ढाळ की बात करण लागरे सां, पर हम असलियत म्ह बिश्वास नही करते के यो थारे खात्तर लागू होवै सै। हमनै बिश्वास सै के थम बढ़िया चिज्जां खात्तर बणाये गये सों, जो उद्धार के साथ आवै सै। 10 जिसा के थमनै आच्छे काम करे सै, अर इब थम परमेसवर के नाम म्ह बिश्वासी भाईयाँ के खात्तर प्यार तै, सेवा के काम करण लागरे सों, इसकी बजह तै परमेसवर थारे ताहीं भुल्लैगा नही, क्योंकि वो धर्मी सै। 11 आलसी ना बणो। पर कड़ी मेहनत करण

आळा की तरियां थमनै इन प्रेमपूर्वक काम्मां ताहीं जारी राखणा चाहिए, ताके परमेसवर के वादे पाण खात्तर थारी आस पक्की हो। 13 जिव परमेसवर नै अब्राहम तै करार करया, तो तब खुद परमेसवर तै बड़ड़ा कोए और नही था, जिसकी कसम ली जा सकै, इस करके अपणी खुद की कसम लेन्दे होए परमेसवर नै अब्राहम तै कहा, 14 “मै सचमुच तेरे ताहीं घणा आशीष दियुंगा, अर तेरे वंशां नै अनगिणत बणा दिऊंगा।” 15 अब्राहम नै भोत धीरज धरण के बाद वादा का ईनाम मिल्या। 16 माणस तो अपने तै किसे बड़े का नाम लेकै कसम खाया करै सै, अर उन म्ह कसम के जरिये बात का फैसला होवै सै, अर सारा विवाद खतम हो जावै सै। 17 योए कारण था, के परमेसवर नै भी कसम खाई थी। इस बात तै वो उन माणसां नै साफ तरियां तै दिखाणा चाहवै था, के वो जो भी वादा करै सै, उस ताहीं वो पूरा करै सै। 18 तो उरै दो बात सै उसका वादा अर उसकी कसम जो कदे बदल नही सकदे अर जिनके बारे म्ह परमेसवर कदे झूठ कोनी बोल सकता। इस करके हम जो परमेसवर के धोरे बचण आये सां अर जो आस उसनै म्हारे ताहीं दी सै उस ताहीं थाम्मे होए घणे उत्साहित सां। 19 जिस तरियां किस्ती ताहीं लंगर तै बाँधया जावै सै, जो किस्ती नै पकड़कै राखवै सै, इस्से तरियां तै आस म्हारी जिन्दगी नै मजबूत अर टिकाए राखवै सै, अर म्हारी आस यीशु सै, वो परमेसवर के धोरे सुर्ग म्ह पवित्र मन्दर म्ह परदे के पाछे पोहचा सै। 20 जित्त यीशु नै मलिकिसिदक की रीत पै सारे हाण के बखत का महायाजक बणकै, म्हारै खात्तर अगुवां के रूप म्ह दाखल होया सै। (aiōn g165)

**7** यो मलिकिसिदक शालेम नगर का राजा अर परमप्रधान परमेसवर का याजक था, उनके नाम का मतलब “राजा” सै जो नियम के साथ न्याय करै सै, शालेम के राजा का मतलब सै “शान्ति का राजा।” 2 पवित्र ग्रन्थ म्ह उसके माँ-बाप, उसके पूर्वज, या उसकी मौत या जन्म के बारे म्ह, कुछ भी नही लिख्या गया सै। वो हमेशा खात्तर एक याजक सै। इस करके वो परमेसवर के बेटे की तरियां सै। 3 जिव अब्राहम नै चार राजां की हत्या कर दी थी, तो मलिकिसिदक नै उसतै मुलाकात करी, अर उस ताहीं आशीर्वाद दिया। अब्राहम नै युध्द म्ह जीत हासिल करी, अर सारी चिज्जां का दसमां हिस्सा भी दिया। 4 इब इसपै ध्यान करो के वो किसा महान् था जिस ताहीं पूर्वज अब्राहम नै दुश्मनां की लूट के बढ़िया तै बढ़िया माळ का दसमां हिस्सा दिया। 5 मूसा नबी के नियम-कायदे बतावै सै के लेवी के वंशज जो याजक का पद पावै सै, उननै इस्राएल के माणसां तै दसमां हिस्सा लेणा चाहिए, यानिके उसके खुद के माणस तै, पर वे याजक अर दुसरे बिश्वासी भाईयाँ की तरियां सै, क्यूँके वे सब अब्राहम के वंश के सै। 6 पर इसनै, जो लेवी-वंशी भी नही था, अब्राहम तै दसमां हिस्सा लिया, फेर भी अब्राहम वो था जिसके धोरे परमेसवर का वादा था, फेर भी मलिकिसिदक नै उस ताहीं आशीर्वाद दिया। 7 इस म्ह कोए शक कोनी के

जो आशीर्वाद देवै सै, वो उस माणस तै बड़ा हो सै जिस ताहीं आशीर्वाद देवै सै। 8 उरै तो याजक दसमां हिस्सा लेवै सै, भलाए वो सिर्फ एक माणस सै, जो जीवै सै अर फेर मर जावै सै, पर मलिकिसिदक, जिसनै अब्राहम तै दसमां हिस्सा लिया, वो इब भी जिन्दा सै, जिसा के पवित्र ग्रन्थ कहवै सै। 9 के जिव अब्राहम नै मलिकिसिदक ताहीं दसमां हिस्सा दिया, जिव ताहीं लेवी माणसां का जन्म अब्राहम के वंश म्ह नही होया था। पर इब भी उसके वंश होण के कारण, यो इस तरियां सै के लेवी नै खुद ही अब्राहम के जरिये मलिकिसिदक ताहीं दसमां हिस्सा दिया। 10 क्यूँके जिस बखत मलिकिसिदक उसके पिता तै मिल्या, उस बखत वो अपने पिता की देह म्ह था। 11 माणसां ताहीं जिन याजकां के आधार पै नियम-कायदे दिए गये थे, जो हारुन के परिवार का अर लेवी के गोत्र का था, पर ये याजक सिध्द नही बण सकै। इस करके यो जरूरी था, के एक और याजक आवै, जो हारुन जिसा नही, पर मलिकिसिदक जिसा हो। 12 क्यूँके इब एक्के तरियां का याजक कोनी, तो नियम-कायदे का भी बदलना जरूरी सै। 13 क्यूँके हम मसीह के बारे म्ह ये बात करण लागरे सां, जो एक अलग गोत्र तै थे। उस जनजाति म्ह तै किसे नै भी वेदी पै एक याजक के रूप म्ह सेवा नही करी, 14 सब जाणै सै, के म्हारा प्रभु यीशु यहूदा के गोत्र म्ह तै पैदा होया सै, मूसा नबी नै यहूदा के किसी भी वंशज के बारे म्ह नही बताया, जो यहूदा के याजक बणगे अर यहूदा का कोए वंशज कदे याजक नही बणा। 15 इब हम और भी आच्छी तरियां तै समझा सां, जिव मलिकिसिदक के तरियां एक और याजक पैदा होण आळा था, जो के यीशु मसीह सै। 16 यीशु का याजक बणणा, नियम-कायदा नै पुाण पै, या लेवी के वंश म्ह तै पैदा होण पै आधारित कोनी। पर वो अपने अविनाशी जीवन की शक्ति के कारण याजक बणग्या। 17 क्यूँके उसके बारे म्ह पवित्र ग्रन्थ कहवै सै, “तू मलिकिसिदक की रीत पै युगानुयुग याजक सै।” (aiōn g165) 18 इस करके, पैहलड़ी आज्ञा कमजोर अर बेअसर होण के कारण बदलगी। 19 (ज्यांतै के नियम-कायदे नै किसे बात ताहीं सिध्द कोन्या करया), अर उसकी जगहां पै एक बेहतर उम्मीद सै, जो के यीशु मसीह सै, जिसके जरिये हम परमेसवर के लोवै जा सकां सां। 20 जिव यीशु मसीह ताहीं परमेसवर नै याजक बणा दिया तो परमेसवर नै कसम खाई। 21 क्यूँके लेवी के वंश तो बिना कसम याजक बणाए गये, पर यीशु मसीह बिना कसम के परमेसवर की ओड़ तै नियुक्त करया गया, जिसनै उसके बारे म्ह कहा, “प्रभु नै कसम खाई, अर उसतै फेर ना पछतावैगा के तू युगानुयुग याजक सै।” (aiōn g165) 22 इस करके यीशु नै म्हारे ताहीं परमेसवर के गैल सब तै आच्छे करार का वादा करै सै। 23 यीशु के याजक होण का एक और फायदा सै, पैहले तो घणी बड़्डी गिणती म्ह याजक बणदे आये, क्यूँके हरेक याजक की मौत के साथ उसकी सेवा खतम हो जावै थी। 24 यीशु युगानुयुग जिन्दा रहवै सै, इस

कारण उसके याजक का पद कोए नही ले सकता। (aiōn g165) 25 इस्से खातर जो यीशु कै जरिये परमेसवर के धौरे आवे सै, वो उनका पूरा-पूरा उद्धार कर सकै सै, क्यूँके वो उनके खातर बिनती करण ताहीं सारी हाण जिन्दा सै। 26 इसाए महायाजक म्हारी जरूरतां नै पूरा कर सकै सै, जो पवित्र, अर बेकसूर, शुद्ध, अर पापमुक्त हो, अर सुर्ग तै भी जिस ताहीं ऊँचा करया होया हो। 27 जो महायाजक हारुन के वंश तै सै, उसनै जरूरत कोनी के हरेक दिन पैहल्या अपणे पापां कै खातर बलिदान चढ़ावै, क्यूँके यीशु नै अपणे-आप ताहीं बलिदान चढ़ाके उसनै एक ए बर म्ह पूरा कर दिया। 28 क्यूँके नियम-कायदे तो कमजोर माणसां ताहीं महायाजक नियुक्त करै सै, पर कसम जो नियम-कायदा के बाद आवे सै, उस बेटे नै नियुक्त करै सै जो युगानुयुग के खातर सिध्द महायाजक सै। (aiōn g165)

**8** इब जो बात हम कहण लागरे सां उन म्ह तै सारया तै बड्डी बात या सै म्हारे धौरे इस तरियां का महायाजक सै, जो सुर्ग पै महामहीम के सिंहासन कै सोळी ओड़ सै, 2 म्हारा महायाजक सब तै घणी पवित्र जगहां अर उस सच्चे तम्बू (सुर्ग म्ह) काम करै सै, जो के माणसां के जरिये न्ही, परमेसवर के जरिये बणाया गया सै। 3 क्यूँके हरेक महायाजक पापां की माफी के खातर बलिदान अर भेंट चढ़ावै सै, इस कारण जरूरी सै के म्हारे महायाजक मसीह यीशु कै धौरे भी चढ़ाण खातर किमे हो। 4 जै वो धरती पै होंदा तो कदे भी याजक न्ही होंदा, ज्यांतै के मूसा के नियम-कायदे के मुताबिक भेंट चढ़ाण खातर याजक सै। 5 वे सुर्ग म्ह की चिज्जां के नकल अर छाया की सेवा करै सै, जिंसा जिब मूसा नबी तम्बू बणाण पै था, तो उस ताहीं या चेतावनी मिली, “लखा, जो नमूना तेरे ताहीं पहाड़ पै दिखाया गया था, उसके मुताबिक सारा किमे बणाणा।” 6 पर जो काम यीशु ताहीं दिया गया सै, वो दुसरे याजकां तै दिए गये काम तै ज्यादा बाध सै, क्यूँके वो जिस करार का बिचौलिया सै, वो पुराणे करार तै बढ़िया सै, अर बढ़िया चिज्जां की कसमां पै आधारित सै। 7 क्यूँके जै वो पैहलडा करार बेकसूर होन्दा, तो दुसरे करार कै खातर मौक्का ना तोहया जान्दा। 8 पर प्रभु उनपै दोष लाके कहवै सै, “प्रभु कहवै सै, लखाओ, वे दिन आवे सै के मै इस्राएल के माणसां कै गेल्या, अर यहूदा के माणसां कै गेल्या नया करार करुँगा। 9 यो उस करार की तरियां न्ही होवैगा, जिंसा मन्ने उनके पूर्वजां के गेल्या उस बखत करया था, जिब मन्ने उनका हाथ मिस्र देश तै लिकाड़ ल्याण खातर पकड्या था, क्यूँके प्रभु कहवै सै, के वे मेरे करार के बिश्वासी न्ही रहे, ज्यांतै मन्ने उनतै मुँह फेर लिया। 10 फेर प्रभु कहवै सै, के जो करार मै आण आळे दिनां म्ह इस्राएल कै माणसां कै गेल्या करुँगा, वो यो सै के मै अपणे नियमां नै उनके मनां म्ह गेरुँगा, मै उन ताहीं अपणे नियमां के बारे म्ह उननै याद दुआऊँगा, अर मै उनका परमेसवर ठहरुँगा अर वे मेरे माणस ठहरुँगे। 11 अर हरेक अपणे यहूदी भाई ताहीं अर अपणे सगे-सम्बन्धी ताहीं या

शिक्षा न्ही देवैगा, के तू प्रभु ताहीं पिच्छाण, क्यूँके छोट्टे माणसां तै लेके बड़े माणसां ताहीं सारे मन्ने जाण लेवैगें। 12 मै उनकी दुष्टता की ओड़ दया करुँगा, अर उनके पापां नै दुबारा याद कोनी करुँगा।” 13 परमेसवर नै इस ताहीं नया करार कहा, इस करके उसनै पैहलडे करार ताहीं पुराणा ठहरा दिया, जो चीज पुराणी अर धिसी होई सै उसका मिट जाणा जरूरी सै।

**9** इब, उस पैहलडे करार म्ह भी सेवा के नियम थे, अर इसी पवित्र जगहां थी, जो इस दुनिया की थी। 2 यानी के एक तम्बू बणाया गया जिस म्ह दो कमरे थे, पैहले कमरे म्ह दीवट, मेज अर मेज कै उपपर भेंट की चढ़ाई होई रोटियाँ थी, अर वा पवित्र जगहां कुहावै सै। 3 ओड़े एक परदा था उस परदे के पाच्छे दुसरा कमरा था, जो परमपवित्र जगहां कुहावै सै। 4 उस दुसरे कमरे म्ह सोन्ने की धूपदानी, अर चौगरदेके सोन्ने तै मन्ढया होया करार का सन्दूक था, अर उस म्ह मन्ना तै भरया होया सोने का मर्तबान भी था, अर हारुन की छडी जिस म्ह फूल फळ आ गये थे, अर करार की पत्थर की पटियाँ भी थी। 5 इसके अलावा सन्दूक कै उपपर दोन्नु ओड़ तेजोमय करुब थे, जो प्रायश्चित के ढक्कण जिस ताहीं प्रायश्चित के दिन पापबलि के लहू तै छिड़क दिया जावै था। इनका एक-एक करके जिक्र करण का इब्बे बखत न्ही सै। 6 ये चीज इस तरियां तै धरी गई थी। उस पैहलडे कमरे म्ह परमेसवर की आराधना करण कै खातर याजक हरेक दिन पैहले कमरे म्ह जाया करै था। 7 पर दुसरे कमरे म्ह यानी घणी पवित्र जगहां म्ह, सिर्फ महायाजक साल भर म्ह एक ए बर जावै सै, अर बलिदान के जानवर का लहू लिये जाया करै था, जिस ताहीं वो अपणे खातर अर माणसां की भूल-चूक म्ह करया पापां खातर भेंट चढ़ावै सै। 8 इसतै पवित्र आत्मा योए दिखावै सै, के पुराणे करार के मुताबिक दुसरा कमरा यानी घणी पवित्र जगहां जो सुर्ग म्ह सै, जित्त परमेसवर रहवै था, ओड़ तक पहुचण का रास्ता बन्द था। 9 यो तम्बू आज के दिन का एक उदाहरण सै, जिस म्ह याजक भेंट अर बलिदान चढ़ावै सै, जिब माणस बलिदान की भेंट लेके आवे थे, तो उनकी अन्तरात्मा समझ न्ही पावै थी, के इब उसके पाप माफ होए सै या न्ही। 10 क्यूँके ये उपहार अर बलिदान सिर्फ खाण-पीण की चिज्जां, अर कई ढाळ की शुद्ध करण की शारीरिक विधियाँ, तब तक थी, जिब तक परमेसवर कोए नई विधि न्ही देता। 11 पर जिब मसीह म्हारा महायाजक बणाके आया, तो अपणे साथ बढ़िया-बढ़िया चीज लेके आया जो इब भी मौजूद सै, जिब वो दिख्या तो वो परमेसवर की मौजूदगी म्ह चला गया, यो तम्बू हाथ का बणाया होया कोनी यानिके इस सृष्टि का कोनी। 12 जिब मसीह तम्बू म्ह चला गया तो वो सब खातर सब तै पवित्र जगहां म्ह दाखल होया, उसनै बलिदान के रूप म्ह बकरयां अर बाछड़याँ का लहू न्ही लिया, बल्के उसनै अपना लहू लिया, ताके हम अनन्त छुटकारा पा सकै। (aiōnios g166) 13 क्यूँके जै मूसा नबी के नियम-कायदा के मुताबिक जिब बकरयां अर

बळधां का लहू अर बाछड़े की राख का अपवित्र माणसां पै छिड़के जाण की विधि के मुताबिक, अशुद्धता दूर हो जावै सै। 14 तो मसीह का बेकसूर लहू जो म्हारी अन्तरात्मा नै, म्हारे पाप, जो म्हारी मौत की बजह बणै सै, उनतै शुद्ध करै सै, ताके हम जिन्दे परमेसवर की आराधना कर सका। पवित्र आत्मा की शक्ति के जरिये मसीह नै म्हारे ताहीं अपणे पापां खात्तर एक सम्पूर्ण बलिदान के रूप म्ह परमेसवर ताहीं अपणे-आप ताहीं दे दिया। (aiōnios g166) 15 इस कारण मसीह परमेसवर अर माणसां के बीच म्ह नये करार का बिचोल्ला सै, ताके जो माणस परमेसवर के जरिये बुलाये गये सै, वो सनातन आशीषें पा सकै, जिसका परमेसवर नै वादा करया सै, क्यूँके पैहल्डे करार के अधीन रहन्दे होए जितने माणसां नै पाप करया, उन ताहीं छुड़ाण खात्तर यीशु नै अपणी जान दे दी। (aiōnios g166) 16 करार एक वसियत के समान हो सै। एक वसियत के नियम नै लागू करण खात्तर यो साबित करणा जरूरी होवै सै, के जिसनै वा वसियत बणाई हो, वो मर चुक्या हो। 17 क्यूँके एक वसियत जिब्बे लागू हो सकै सै, जिब उसके बणाण आळा की मौत होगी हो। वो जिब तक लागू न्ही होन्दी जिब ताहीं उसका बणाण आळा जिन्दा हो। 18 इस कारण पैहल्डा करार का नियम जानवरां के लहू ताहीं बहाए जाण पै लागू होवै था। 19 क्यूँके जिब मूसा नबी सारे माणसां नै नियम-कायदे का हरेक हुकम सुणा चुक्या तो उसनै बकरयां अर बाछड़याँ का लहू लेके, पाणी म्ह मिला लिया अर लाल ऊन अर जूफा (झाड़ी) की छड़ी के गेल्या, उस नियम-कायदे की किताब अर सारे माणसां पै छिड़क दिया 20 अर कह्या, “के यो लहू परमेसवर के साथ करे गये करार नै पक्का करै सै, जिसका हुकम परमेसवर नै थारे खात्तर दिया सै।” 21 अर इस्से तरियां तै उसनै तम्बू अर सेवा के सारे समान पै लहू छिड़क्या, जित्त सारे माणस आराधना करण लागरे थे। 22 सच तो यो सै के नियम-कायदे के मुताबिक आमतौर पै सारी चीज लहू के जरिये शुद्ध करी जावै सै, मसीह नै जो लहू बहाया उसके बगैर पापां की माफी कोन्या। 23 यो जरूरी सै के तम्बू अर उसकी सारी चीज, जो सुर्ग की चिज्जां का हुबहू सै, इन जानवरां का लहू सै, जो शुद्ध करया जा, पर सुर्ग की चीज नै शुद्ध करण के खात्तर बढ़िया बलिदानां की जरूरत थी। 24 क्यूँके मसीह जिस पवित्र जगहां म्ह दाखल होया, वो माणसां के हाथ की बणाई होई न्ही थी, वो असली तम्बू की सिर्फ एक नकल सै, बल्के वो सीध्या सुर्ग गया अर इब म्हारी मदद करण खात्तर परमेसवर के साथ सै। 25 वो सुर्ग म्ह इस करके दाखल होया के माणसां के पापां के कारण बारबार अपणे-आपनै बलिदान करै, जिस तरियां महायाजक हरेक साल दुसरे का लहू लिए पवित्र जगहां म्ह दाखल होया करै था, 26 जै इसा करणा जरूरी था तो दुनिया की शरुआत तै लेके इब तक उसनै बार-बार दुख ठाणा पड़दा, पर इब युग के आखरी म्ह वो एक ए बर जाहिर होया सै, ताके अपणे क्रूस पै बलिदान कै

जरिये पाप ताहीं दूर कर देवै। (aiōn g165) 27 अर जिस तरियां माणसां के खात्तर एक बर मरणा अर उसके पाच्छै न्याय का होणा तय सै, 28 उस्से तरियां ए मसीह भी माणसां के पापां की माफी खात्तर एक बर धरती पै आया अर सूळी पै अपणी जान दे दी, अर जो माणस उसकी बोहड़ण की बाट देखवै सै, उनकै उद्धार के खात्तर दुसरी बर बिना पाप उठाए होए दिखेगा।

**10** मूसा नबी के नियम-कायदे, आण आळी असली चिज्जां की छाया सै, पर ये वो आळी असली चीज कोनी, ज्यांतै नियम-कायदा की विधि के मुताबिक बलिदानां कै जरिये जो हरेक साल हर बार चढ़ाए जावै सै, बलिदान चढ़ाण आळा, कदे भी माणसां नै पूरी तरियां तै शुद्ध न्ही कर सकदा। 2 जै बलिदानां के जरिये माणस पूरी तरियां शुद्ध हो जावै, तो उनका चढ़ाणा बन्द क्यांतै न्ही हो जान्दा? बलिदान करण आळा, आराधना करण आळा अर सेवा करण आळे एक ए बर शुद्ध हो जान्दे, तो उनका बलिदान चढ़ाण पै भी उनका मन उन ताहीं क्यूँ कहवै सै, के वे पापी सै। 3 उनके जरिये चढ़ाया गया बलिदान उन ताहीं हर साल यो याद दुआवै सै, के उननै पाप करया सै। 4 क्यूँके या अनहोणी बात सै, के बळधां अर बकरयां का लहू माणसां के पापां नै माफ करै। 5 इस्से कारण जिब मसीह इस दुनिया म्ह आया तो उसनै परमेसवर तै कह्या, “बलिदान अर भेंट तन्नै कोनी चाही, पर मेरे खात्तर एक देह त्यार करी सै। 6 बलिदान के रूप म्ह चढ़ाये गये जानवरां की भेंट अर पाप के खात्तर चढ़ाये गये बलिदान तै तू खुश कोनी होया। 7 फेर मसीह नै कह्या, ‘लखा, परमेसवर मै तेरी इच्छा पूरी करण खात्तर आ गया सूँ, जिसा पवित्र ग्रन्थ मेरै बारै म्ह कहवै सै।’” 8 पैहले तो मसीह कहवै सै, “बलिदान के रूप म्ह चढ़ाये गये जानवरां की भेंट अर पाप के खात्तर चढ़ाया गया बलिदान कोनी मांग्या, अर ना ए उन भेटां तै तू खुश होया।” हालाकि ये बलिदान तो नियम-कायदे के मुताबिक चढ़ाए जावै सै। 9 फेर मसीह यो भी कहवै सै, “लखा, मै तेरी इच्छा पूरी करण आ गया सूँ” इस करके पापां की माफी के पैहले तरिकके ताहीं, जो नियम-कायदा के मुताबिक थे, उननै हटा के नये तरिकके तै जो मेरे लहू के जरिये माफ होवै सै, उन ताहीं लागू करूँ। 10 परमेसवर याए चाहवै था, के हम मसीह यीशु की देह के एके बार बलिदान चढ़ाए जाणके जरिये पवित्र करे जावां। 11 पैहले करार के मुताबिक हरेक याजक वेदी के स्याम्ही खड़े होके रोज सेवा करै सै, अर एक ए ढाल के बलिदान नै, जो पापां नै कदे भी दूर न्ही कर सकदे, बार-बार चढ़ावै सै। 12 पर मसीह जो म्हारा बड़ा याजक सै, उसनै माणसां के पापां के खात्तर एक ए बलिदान के रूप म्ह, परमेसवर के स्याम्ही सदा कै खात्तर अपणे-आप ताहीं चढ़ा दिया, अर परमेसवर कै सोळी ओड़ महिमामय जगहां म्ह पै जा बेठ्या, 13 अर उस्से बखत तै मसीह इस बात की बाट देखण लागरया सै, के कद परमेसवर उसके बैरियाँ नै पूरी तरियां तै हरावैगा। 14 क्यूँके क्रूस पै बलिदान के जरिये, परमेसवर नै जिन माणसां ताहीं

पवित्र करया, उन ताहीं सदा खात्तर सिध्द कर दिया सै। 15 अर पवित्र आत्मा भी हमनै यीशु के बलिदान के बारे म्ह याए गवाही देवै सै, के यो सच सै, अर म्हारे ताहीं यो बतावै सै के परमेसवर नै इस बलिदान के बारे म्ह के कह्या सै। 16 “प्रभु कहवै सै, के जो नया करार, मै आण आळे दिनां म्ह, उनतै करुंगा, वो यो सै, के मै अपणे नियम उन ताहीं याद दुआऊँ, अर नियमां नै मानण म्ह उनकी मदद करुंगा।” 17 फेर यो भी कहवै सै, “मै उनकै पापां नै अर उनकै अधर्म के काम्मां नै दुबारा याद कोनी करुंगा।” 18 अर जिब पापां की माफी होगयी तो पापां खात्तर बलिदान चढ़ाण की कोए जरूरत कोनी। 19 ज्यांतै हे विश्वासी भाईयो, यीशु कै सलीब पै लहू बहाण कै जरिये हम पिता कै धारे बिना डरे घणी पवित्र जगहां म्ह जा सका सां। 20 इस करके हे विश्वासी भाईयो, परमेसवर के परिवार म्ह म्हारे खात्तर एक सबतै उत्तम याजक निर्धारित सै, यीशु कै सलीब पै लहू बहाण कै जरिये म्हारे खात्तर एक नया अर जिन्दगी देण आळा राह खोल दिया सै। जिस ताहीं उसनै उस पड़दे, यानिके अपनी देह के बलिदान के जरिये म्हारे ताहीं घणी पवित्र जगहां म्ह जाण का साहस होया सै। 22 तो आओ, हम सचे मन अर पूरे विश्वास कै गेल्या, अर अपनी अन्तरात्मा ताहीं पापां तै मुक्त करण खात्तर अर सचे मन तै, देह ताहीं शुद्ध पाणी तै धोके, परमेसवर कै लोवै जांवा। 23 अर इब हम बिना किसे शक के अपनी उस आस म्ह मजबूत रहवां, जिस ताहीं हमनै मान्या सै, क्यूँके जिसनै वादा करया सै, वो विश्वास जोग्गा सै। 24 अर हम यो भी खास ध्यान राख्वां के हम आप्पस म्ह प्यार, अर भले काम्मां म्ह उकसाण कै खात्तर हम एक-दुसरे की फिक्र करते रहवां। 25 अर हम आराधना सभायां म्ह लगातार कट्टे होण म्ह सुस्त ना हो जावां, जिसा के भोत-से तो सुस्त हो भी लिये सै, पर एक-दुसरे नै उत्साहित करते रहों, जिसा के थम जाणो सों, के यीशु का आण का बखत लोवै सै। 26 क्यूँके मसीह नै जाणण के बाद जै हम जाण-बुझके पाप करदे रहवां, तो पापां की माफी खात्तर फेर कोए बलिदान बाकी न्ही बचा। 27 तो हौं, परमेसवर के न्याय का दिन आवैगा, अर वो अपणे बिरोधियाँ नै नाश कर देवैगा, अर ये सारी बात होण आळी सै। 28 जो माणसां की गवाही पै, बिना दया कै मार दिया जावै सै, 29 तो सोच ल्यो के वो माणस और भी भारया दण्ड कै जोग्गा ठहरैगा, जिसनै परमेसवर के बेटे की कदर न्ही जाणी अर मसीह के लहू ताहीं अपवित्र जाणया, जो उस ताहीं शुद्ध करै सै, अर उस पवित्र आत्मा का अपमान करै सै, जो हमनै अनुग्रह देवै सै। 30 क्यूँके हम उसनै जाणा सा, जिसनै कह्या सै, “बदला लेणा मेरा काम सै, मै ए बदला दियुंगा।” अर फेर यो भी कह्या के “प्रभु अपणे माणसां का न्याय करैगा।” 31 जिन्दे परमेसवर के हाथ्यां म्ह पड़णा भयानक (डरावणी) बात सै। 32 पर उन पाच्छले दिनां नै याद करो, जिब थमनै पैहली बार मसीह पै विश्वास करया अर

परमेसवर के खात्तर दुख ठाण म्ह पाच्छै न्ही हटे। 33 कदे-कदे तो माणसां नै सब कै स्याम्ही थारी बुराई करी अर थारे ताहीं मारा पिट्या भी, अर थमनै उन माणसां कै गैल भी दुख सहया जो इसे दुख ठावै सै। 34 क्यूँके जो लोग कैद म्ह थे, उनकै दुख म्ह भी थम दुखी होए, अर अबिश्वासी नै थारी सम्पत्ति ताहीं भी लूट ली, तो थम लुटण खात्तर भी तैयार होगे, न्यू जाणके के थारे गेल्या एक और भी सारया तै बढ़िया अर सारी हाण ठहरण आळी सम्पत्ति सै। 35 ज्यांतै अपणे दुख म्ह भी विश्वास म्ह बणे रहों क्यूँके उसका ईनाम बड़डा सै। 36 क्यूँके थारा धीरज धरणा जरूरी सै, ताके थम परमेसवर की इच्छा नै पूरी करके वो पा सको जो परमेसवर नै थारे तै वादा करया सै। 37 “क्यूँके पवित्र ग्रन्थ म्ह लिख्या सै, घणाए थोड़ा बखत रहया सै, जिब के आण आळा आवैगा अर वार न्ही करैगा। 38 पर मेरे धर्मी माणस विश्वास तै जिन्दा रहवेंगे, जै वो विश्वास तै पाच्छै हट जावै तो मेरा मन उसतै राज्जी कोनी होवैगा।” 39 पर हम विश्वास तै हटण आळे कोनी के नाश हो जावै पर परमेसवर पै विश्वास करण आळे सां ताके हम अनन्त मौत तै बचाएँ जावां।

**11** जो माणस परमेसवर म्ह विश्वास करै सै, वो ये बात आच्छी तरियां जाणै सै, के परमेसवर वे चीज उन ताहीं जरूर देवैगा, जिसकी आस वे राख्खे सै। उननै पूरा विश्वास सै, के जो चीज उननै इब्ने न्ही देख्खी, वो असलियत म्ह सै। 2 म्हारे पूर्वजां नै परमेसवर म्ह इस तरियां विश्वास करया था, इस करके परमेसवर उनतै खुश थे। 3 विश्वास तै ए हम जाणा सां, के सृष्टि परमेसवर के वचन तै बणी सै। हम या भी जाणै सां, के जो चीज हम देख सका सां, वे अनदेख्खी चिज्जां म्ह तै बणी सै। (aiōn g165) 4 विश्वास तै ए आदम के बेटे हाबिल नै, अपणे बड़े भाई कैन तै घणा बढ़िया बलिदान परमेसवर कै खात्तर चढ़ाया, अर उस बलिदान के जरिये परमेसवर नै गवाही दी, के हाबिल एक धर्मी जन सै, क्यूँके परमेसवर उसकी भेंट तै खुश था, इब हाबिल मर लिया सै, अर हमनै उसके जरिये परमेसवर पै विश्वास करणा सिख्या सै। 5 हनोक के विश्वास के जरिये परमेसवर नै उस ताहीं जिन्दा ए सुर्ग पै उठा लिया, इस बजह तै इब ताहीं किसे नै उसकी लाश न्ही मिली, सुर्ग म्ह जाण तै पैहले उसनै परमेसवर ताहीं खुश करया था, जिसा के परमेसवर का पवित्र ग्रन्थ बतावै सै। 6 माणस परमेसवर नै खुश कर सकै सै, जै वे उसपै विश्वास करै तो। क्यूँके परमेसवर कै धारे आणआळे माणस नै विश्वास करणा चाहिये के वो परमेसवर सै, अर वो पूरी सच्चाई तै अपणे टोह्ण आळे नै ईनाम देवै सै। 7 विश्वास ए तै नूह नै परमेसवर के जरिये बाढ़ की चेतावनी पाके, जिस ताहीं उसनै देख्खा भी कोनी था। परमेसवर का डर मानते होए, अपणे कुण्बे नै बचाण कै खात्तर उसनै जहाज बनाया, नूह के विश्वास के कारण उसनै उस बखत के माणसां ताहीं जिननै विश्वास न्ही करया था, उन ताहीं दोषी ठहराया, अर वो डूबके मरगे। नूह नै परमेसवर पै विश्वास करया था, इस करके परमेसवर नै उस

ताहीं धर्मी ठैहराया था। 8 जिब परमेसवर नै अब्राहम ताहीं किते जान्दे, तो उसकी हाड्डियाँ ले जान्दे। 23 तब मिस्र के राजा नै यो जाण खात्तर बुलाया था, तो उसनै बिश्वास तै ए परमेसवर के हुकम ताहीं मानकै, एक इसी जगहां लिकड़ गया, जो जगहां परमेसवर अब्राहम ताहीं उसकी जायदाद के तौर पै देण आळा था, पर वो या कोनी जाणै था के वो कित्त जावै सै, अर वो फेर भी चला गया। 9 बिश्वास ए तै जिस देश ताहीं परमेसवर नै देण का वादा करया था, ओड़ अब्राहम नै एक परदेशी की तरियां रहकै अपणे बेट्रे इसहाक अर अपणे पोत्ते याकूब सुधा तम्बुआ म्ह बसेरा करया, जो उसकै गेल्या उस्से वादे के वारिस थे। 10 क्यूँके वो उस नगर की जो सुर्ग म्ह सै, अर जिसकी नीम पक्की सै, उसकी बाट देख्खै था, जिसका रचण आळा अर बणाण आळा परमेसवर सै। 11 यो सिर्फ बिश्वास ए सै, जिसकै जरिये अब्राहम बाप बण सका, हालाकि अब्राहम भोत बूढ़ा था, अर उसकी पत्नी सारा भी बाळक न्ही पैदा कर सकै थी, परमेसवर वो जरूर करै सै, जो उन ताहीं वादा करया था। 12 जिब अब्राहम इतणा बूढ़ा होगया था, के मरण आळा ए था, तो अकास म्ह सुर्ग के तारां अर समुन्दर के किनारे की बाळू की तरियां उसके अनगिणत वंश पैदा होए। 13 ये सारे माणस जिननै परमेसवर पै बिश्वास करया था, वे उन चिज्जां नै पाए बिना मरगे, जिसका परमेसवर नै उन खात्तर वादा करया था। वादा करी होई चीज न्ही पाई, पर उननै अपणे मन म्ह देख्कै राज्जी होए अर मान लिया के हम धरती पै परदेशी अर बाहर के सां। 14 ये उन माणसां के बारे म्ह सै, जो कहवै सै के वे इस दुनिया म्ह अजनबी सै, वे दिखावै सै के अपणे देश की टोह म्ह सै। 15 अर जिस देश तै वे लिकड़ आये थे, जै उसके बारे म्ह सोचते तो वे उल्टा जा सकै था। 16 पर वे एक घणा बढ़िया यानिके सुर्गीय देश के चाहण आळे सै, उस्से खात्तर परमेसवर उनका परमेसवर कुह्णाण म्ह खुशी महसूस करै सै, क्यूँके उसनै उनके खात्तर एक नगर त्यार करया सै। 17 बिश्वास ए तै अब्राहम नै, परखे जाणकै बखत म्ह, अपणे बेट्रे इसहाक ताहीं बलिदान चढ़ाया, उस्से नै परमेसवर के वादा ताहीं पाया, क्यूँके वो अपणे इकलौते बेट्रे की बलि देण खात्तर भी तैयार होगया था। 18 अर जिसतै न्यू कह्ला गया था, “इसहाक तै तेरा वंश कुह्णावैगा,” वोए अपणे एकलौते बेट्रे ताहीं बलिदान चढ़ाण लागया। 19 क्यूँके उसनै मान लिया, के परमेसवर सामर्थी सै के इसहाक ताहीं मरे होया म्ह तै जिन्दा कर सकै सै। यो इसाए था के उननै इसहाक ताहीं मौत के मुँह तै उल्टा पा लिया हो, उदाहरण की रीत पै वो उस ताहीं फेर मिल्या। 20 बिश्वास ए तै इसहाक नै अपणे दो बेट्रे याकूब अर एसाव ताहीं आण आळी बात्तां कै बारे म्ह आशीर्वाद दिया। 21 बिश्वास ए तै याकूब नै मरदे बखत यूसुफ के दोन्नु बेट्याँ म्ह तै एक-एक ताहीं आशीर्वाद दिया, अर अपणी लाठी का सहारा लेके प्रभु की आराधना करी। 22 बिश्वास ए तै यूसुफ नै, जिब वो मरण पै था, तो आत्मबिश्वास तै कह्ला, के इस्राएल के माणस मिस्र देश छोड़ देंगे, हुकम देकै जिब वो मिस्र देश छोड़ के जान्दे, तो उसकी हाड्डियाँ ले जान्दे। 23 तब मिस्र के राजा नै यो हुकम दिया था के सारे इस्राएली छोरे पैदा होण पै मारे जावेंगे, तो बिश्वास के कारण ए तै मूसा नबी के माँ-बाप नै उस ताहीं पैदा होए पाच्छे तीन महिन्ने ताहीं ल्हकोए राख्या, क्यूँके उननै देखा के बाळक भोत सुथरा सै, अर वे राजा के हुकम मानण तै डरे कोनी थे। 24 मिस्र देश के फिरौन की बेट्री नै मूसा ताहीं अपणालिया था, जिब मूसा बड़ा होया, बिश्वास तै वो न्ही चाहवै था, के माणस उस ताहीं राजकुमारी के बेट्रे कै रूप म्ह बुलावै। 25 ज्यांतै के उस ताहीं पाप म्ह माड़े-से दिन के सुख भोगण तै परमेसवर के माणसां कै गेल्या दुख भोगणा घणा बढ़िया लागया। 26 उसनै मसीह कै कारण बदनाम होण ताहीं मिस्र देश के भण्डार तै बड़ड़ा धन समझया, क्यूँके वो जो करण लागरया था, उस ताहीं वो जाणे था, के सुर्ग म्ह उसका ईनाम मिलेगा। 27 बिश्वास ए तै राजा के छो तै ना डरकै उसनै मिस्र देश ताहीं छोड़ दिया, क्यूँके वो समझ गया था, के उसनै इसा लागया, के मान्नी उसनै परमेसवर ताहीं देख लिया हो, जो अदृश्य सै। 28 बिश्वास ए तै मूसा नबी नै फसहर अर लहू छिड़कण का तरीका मान्या, जिसतै के जेट्टा का विनाशक दूत इस्राएलियाँ के जेट्टे बेट्टा पै हाथ न्ही गरे। 29 बिश्वास ए तै इस्राएल के माणस लाल समुन्दर के पार इसे उतरगे, जिस तरियां सूक्खी धरती पर तै, अर जिब मिस्र देश नै उस्से तरियां ए करणा चाह्ला तो समुन्दर उल्टा अपणी जगहां पै आ गया अर बाढ़ आ गयी अर सब डूब मरे। 30 क्यूँके इस्राएल के माणस परमेसवर पै बिश्वास करे थे, इस करके वे यरीहो नगर की चारदीवारी के च्यार ओड़ सात दिनां तक लगातार चालते रहे, तो चारदीवारी पड़गी। 31 बिश्वास ए तै राहाब बेश्या परमेसवर का हुकम ना मानण आळा कै गेल्या नाश न्ही होई, उसनै इस्राएली जासूसां का स्वागत करया जो यरीहो नगर नै छुप के देखण आये थे। 32 इब और के कहूँ? क्यूँके बखत कोनी रहया के गिदोन का, अर बाराक का अर शिमशोन का, अर यिफतह जिंसा माणसां के बारे म्ह, अर दाऊद अर शमूएल का, अर नबियाँ का जिक्र करँ। 33 इसे बिश्वास कै जरिये राज्य जीत्ते, धर्म के काम करे, वादा करी होई चीज पाई, शेर उन ताहीं खान्ही सका। 34 आग की ज्वाला ताहीं शीळा करया, तलवार की धार तै बच लिकड़े, एक बार कमजोर होण पै फेर तै ठाड्डे बणा दिया, वे लड़ाई म्ह वीर लिकड़े, उननै अपणे दुश्मनां की पलटन ताहीं खदेड़ दिया। 35 लुगाईयाँ नै अपणे मरे होया ताहीं दुबारा जिन्दा पाया, कितने तो मार खांदे-खांदे मरगे अर वे अपणा बिश्वास न्ही छोड़णा चाहवै थे, ताके वे जेळ तै रिहा करे जा सकै, ज्यांतै के घणे मरण के बाद फेर तै जिन्दा हो जावै, अर वे एक बढ़िया जिन्दगी पा सकै। 36 घणखरयां नै मखौल म्ह उड़ाया गया, अर कई नै कोड़े खाणे पड़े, बल्के कई नै बेलां तै जुड़के, जेळ म्ह गेरया गया। 37 कईयाँ पै पत्थर बरसाए गए, आरै तै चीरे गये, कईयाँ ताहीं तलवार तै मौत के घाट उतार दिया गया, वे गरीब थे, उन ताहीं

यातनाए भी दी गई, अर उनके गैल बुरा व्यवहार करया गया, वे भेड्डां अर बकरियाँ की खाल ओढ़ के आस्सै-पास्सै भटकदे रहे। 38 अर जंगलां, अर पहाड़ां, अर गुफायां म्ह, अर धरती की दरारां म्ह भटकदे होंडें। या बुरी दुनिया इन बिश्वासियाँ जोगगी कोनी थी। 39 बिश्वास ए कै जरिये इन सारया कै बारे म्ह परमेसवर नै उनके तारीफ करी सै, तोभी वादा करी होई उस चीज नै वो पा न्ही सके जो परमेसवर नै उन ताहीं वादा करया था। 40 क्यूँके परमेसवर कै धोरे सिर्फ उनके खात्तर न्ही, बल्के म्हारे खात्तर भी एक घणी बढ़िया तरकीब सै, परमेसवर उन ताहीं सिध्द बणाणा चाहवै सै, पर सिर्फ म्हारे साथ मिलकै।

**12** इस बजह तै जब घणखरे माणसां के बिश्वास की गवाही जो उनकी जिन्दगी म्ह सै, म्हारे बारें म्ह बड़े बाढ़ळ की तरियां घेरे होए सै, तो आओ, हरेक रोकणआळी चीज अर उलझाण आळे पाप ताहीं दूर करकै, अर राह पै हमनै चालणा सै, धीरज तै चाल्ला। 2 अर बिश्वास के कर्ता अर सिध्द करण आळे यीशु की ओड़ लखान्दे रहवां, उस आनन्द कै खात्तर जो बिश्वास म्ह मिलण आळा था, शर्म की कुछ परवाह न्ही करकै क्रूस का दुख सहया, अर परमेसवर कै सिंहासन कै सोळी ओड़ महिमामय जगहाँ जा बेठ्या। 3 यीशु के उदाहरण कै बारें म्ह सोच्यो, जिसनै अपने बिरोध म्ह पापियाँ का इतणा बिरोध सह लिया ताके थम निराश होके हिम्मत ना छोड़्यो। 4 पाप के बिरुध्द अपने संघर्ष म्ह थमनै उसतै इसी मुठभेड़ न्ही करी के थारा लहू बढ़ा हो, 5 अर थम उस उपदेश ताहीं, जो थारे ताहीं बेट्टा की तरियां दिया जावै सै, भूल गये सो: “हे मेरे बेट्टे, प्रभु की ताड़ना नै हल्की बात ना जाण, अर जब वो तन्ने घुड़के तो हिम्मत ना छोड़्यो। 6 क्यूँके प्रभु जिसतै प्यार करे सै, उसकी ताड़ना भी करे सै, अर जिस ताहीं बेट्टा बणा लेवै सै, उसके कोड़े भी मारै सै, ताके अपने बाळकां नै सुधार सकै।” 7 थम दुख नै पिता की ताड़ना समझके सह ल्यो, परमेसवर थारे ताहीं बेट्टा जाणके थारे गेल्या सलूक करे सै वो कौण सा बेट्टा सै, जिसकी ताड़ना पिता न्ही करदा? 8 जै वा ताड़ना जिसके सब भागी होवै सै, अर थारी कोनी होई, तो थम परमेसवर की ऊलाद कोनी। 9 फेर जब के म्हारा शारीरिक पिता भी म्हारी ताड़ना करया करे था अर हमनै उसका आदर-मान करया, तो यो और भी जरूरी सै के अपनी आत्मायाँ के पिता के ओड़ तै अनुशासन स्वीकार करा सां, ताके म्हारे धोरे अनन्त जीवन हो। 10 म्हारे धन्यवादी पिता तो, अपनी समझके मुताबिक थोड़े-से बखत के खात्तर म्हारी ताड़ना करे सै, पर वो तो म्हारै फेयदे के खात्तर करे सै, के हम भी उसके समान पवित्र बन जावां। 11 इस बखत ताड़ना दी जावै सै, उस बखत ताड़ना आच्छी कोनी लागै, बल्के वा दुख की बात दिखाई देवै सै। तोभी जो उस ताहीं सहन्दे-सहन्दे पक्के होगे सै, बाद म्ह उननै चैन कै गेल्या धर्म का ईनाम मिले सै। 12 इन सारी बातां के कारण सब मजबूत बणो अर उत्साहित होओ, 13 अर अपने पायां कै

खात्तर सीध्दी राही बणाओ के लंगड़ा भटक ना जावै पर भला-चंगा हो जावै। 14 सारया तै मेळ-मिलाप राख्यो, अर पवित्र होण खात्तर हरेक ढाळ की कोशिश म्ह रहों, जिसके बिना कोए प्रभु ताहीं कदे भी न्ही देखैगा। 15 सावधान रहो, इसा ना हो के कोए परमेसवर कै अनुग्रह तै दूर रह जावै या कोए कड़वी जड़ फूटके दर्द देवे, अर उसके जरिये घणखरे माणस परमेसवर के सच्चे रास्ते तै भटक जावै सै। 16 इसा ना हो के कोए माणस जा, या अब्राहम के पोते एसाव की तरियां उस म्ह कोए बुराई ना होवै, क्यूँके वो जेठ्ठा बेट्टा था, उसनै खास उत्तराधिकारी होण का हक था, पर उसनै अपने जन्म सिध्द होण के पद का सम्मान न्ही करया, इस करके उसनै अपने छोटे भाई याकूब ताहीं एक बर के खाणे के बदले म्ह अपना जन्म सिध्द होण का पद बेच दिया। 17 थमनै बेरा सै के बाद म्ह जब उसनै आशीष पाणी चाही तो उस ताहीं मना कर दिया गया, अर आँसू बहा-बहाके आशीष के मांगण पै भी वो पैहले जो कुछ भी करया था, उस ताहीं बदलण खात्तर कुछ भी न्ही कर सका। 18 थम आग की लपटे, अन्धेरे, काळी घटा जिसा असली पहाड़ पै न्ही आये सों, जिसा के इस्राएल के माणस सीने पहाड़ पै आये थे, जब परमेसवर नै उन ताहीं अपने नियम दिए थे। 19 थम तुरही की आवाज कै धोरे कोनी सों, अर बोल्लण आळे के इसे शब्द कै धोरे न्ही आए, जिसके सुनणआळे तै बिनती करी के इब म्हारै तै और बात ना करी जावै। 20 उननै इसा इस करके कहा, क्यूँके वे इस हुकम नै बर्दाश्त न्ही कर सकै, के परमेसवर नै उनते कहा था, “जै कोए पशु भी पहाड़ ताहीं छुवै तो उसपै पत्थर बरसाये जावै।” 21 अर वो दर्शन इसा डरावणा था के मूसा नबी नै भी कहा, “मै घणा डरूँ अर काप्पू सूँ।” 22 पर थम सिय्योन कै पहाड़ पै आये सों, जित्त सुर्गाय यरुशलेम सै, जो जिन्दे परमेसवर का नगर सै, उसके धोरे अर लाखों सुर्गदूत खुशी उत्सव मनावै सै। 23 थम उन परमेसवर के खास बाळकां की सभा अर कलीसिया म्ह आये सों, जिनके नाम सुर्ग म्ह लिखे होए सै, परमेसवर के धोरे जो सब का न्यायी सै, सुर्ग म्ह धर्मी माणसां की आत्मायाँ खात्तर जो इब सिध्द करे गये सै। 24 थम यीशु कै धोरे आए सों, जो परमेसवर अर माणसां के बीच म्ह करार बणाया, अर छिड़काव का लहू जो माफी के बारें म्ह बोल्लै सै, ना के न्याय के बारें म्ह, जो हाबिल कै लहू तै घणी बढ़िया बात कहवै सै। 25 सावधान रहो, परमेसवर के हुकम मान्नी, जो थारे तै बात करण लागरया सै, क्यूँके इस्राएल के माणस जब धरती पै मूसा नबी की चेतावनी पाके बच पाए, क्यूँके उननै मूसा नबी की बात कोनी मान्नी थी, तो हम सुर्ग पै तै चेतावनी देण आळे परमेसवर तै मुँह मोड़के उसके छो तै किस तरियां बच सकांगे? 26 जब परमेसवर सीने पहाड़ पै तै बोल्यो, तो उसके शब्द नै धरती ताहीं भी हला दिया, पर इब उसने यो वादा करा सै, “एक बर फेर मै ना सिर्फ धरती ताहीं बल्के अकास ताहीं भी हला देऊँगा।” 27 अर यो बोल “एक बर

फेर” इस बात तार्हीं दिखवै सै के बणाई होई चीज हलाई, अर हटा दी जावैगी, ताके जो चीज हलाई न्ही जान्दी, वे पक्की तरियां बणी रहवैं। 28 हमनै जो राज्य मिला सै वो न्ही हिलाया जा सकता, इस कारण हमनै उसका धन्यवादी होणा चाहिए, जिसकै जरिये हम भगति, अर भय सुधा परमेसवर की इसी आराधना कर सकां सां जिसतै वो राज्जी होवै सै, 29 क्यूँके म्हारा परमेसवर राख करण आळी आग सै।

**13** एक-दुसरे तै भाण-भाई की तरियां प्यार करो। 2 अजनबी की भी सेवा पाणी करो, क्यूँके इसके जरिये कई माणसां नै अनजाणे म्ह सुर्गदूतां का आदर-मान करया सै। 3 कैदियां का इस ढाळ बेरा लेओ के मान्नी उनके गैल थम भी कैद सो, अर जिन तार्हीं पीड़ित करया जावै सै, जिसा के थम अपणी देह म्ह दर्द महसूस करो सों। 4 ब्याह सारया म्ह आदर की बात समझी जावै, अर ब्याह होण के बाद एक-दुसरे के प्रति वफादार रहों, क्यूँके परमेसवर जार, अर बिगानी लुगाई के धोरे जाणीयां का न्याय करैगा। 5 अपणी जिन्दगी नै धन के लालच तै मुक्त राक्खों, अर जो थारे धोरे सै उससे पै सन्तोष करो, क्यूँके उसनै आप्णे ए कहा सै, “मै तन्नै कदे भी न्ही छोडूँगा, अर ना कदे भी त्यागूँगा।” 6 ज्यातै हम बिना डरे कहां सां, “प्रभु मेरा मददगार सै, मै न्ही डरूँगा, माणस मेरा के करै सकै सै।” 7 जो थारे अगुवें थे, अर जिन नै थारे तार्हीं परमेसवर का वचन सुणाया सै, उननै याद राक्खो, अर गौर करो के किस तरियां जीणा अर मरणा सै, परमेसवर म्ह एके तरियां का विश्वास दिखाओ जो उननै दिखाया। 8 यीशु मसीह काल अर आज अर युगानुयुग एक सा सै, वो कदे न्ही बदलता। (aiōn g165) 9 क्यूँके यीशु मसीह कदे न्ही बदलता, इस करके थम नई अर अलग शिक्षा ना अपणाओ। क्यूँके थारे मनां खात्तर आच्छा सै, के वे अनुग्रह के जरिये मजबूत बणै, ना के उन खाण-पीण आळी चिज्जां के जरिये, उन माणसां नै कोए फायदा न्ही होन्दा जो इसे काम करै सै। 10 म्हारे धोरे एक वेदी सै जिस म्ह तै तम्बू के याजक नै खाण का कोए हक कोनी, जो तम्बू की सेवा करै सै। 11 क्यूँके पैहले करार के मुताबिक हर साल जिन जानवरां का लहू महायाजक पापबलि कै खात्तर घणी पवित्र जगहां म्ह पापां की माफी खात्तर ले जावै सै, उनकी देह छावणी के बाहरणै जळाई जावै सै। 12 इस्से के कारण, यीशु नै भी माणसां तार्हीं अपणे ए लहू के जरिये पवित्र करण के खात्तर यरुशलेम नगर के बाहरणै दुख सहया अर मारा गया। 13 आओ हम यहूदी नियम-कायदा नै छोडकै यीशु म्ह विश्वास करां, अर उसके साथ दुख ठावां। 14 क्यूँके इस दुनिया म्ह म्हारा कोए स्थाई घर कोनी, बल्के हम एक आण आळे नगर की टोह म्ह सां। 15 इस करके हम प्रभु यीशु के जरिये हम अपणे होठुं तै परमेसवर की स्तुति करणा जारी राक्खां, वो म्हारा बलिदान सै, यानिके उन होठा का फळ जो उसके नाम का अंगीकार करै सै, परमेसवर तार्हीं सारी हाण चढ़ाया करै। 16 भलाई करणा अर उदारता दिखाणा ना भूलो,

क्यूँके परमेसवर इसे बलिदानां तै राज्जी होवै सै। 17 अपणे अगुवां का हुकम मान्नी अर उनके अधीन रहो, क्यूँके वे थमनै देक्खण लागरे सै, ताके थम भटक ना जाओ, अर उन तार्हीं अपणी सेवा के बारे म्ह परमेसवर तार्हीं लेखा देणा सै, वे यो काम राज्जी होकै करै, यो काम उदास्सी कै साथ कोनी करणा, क्यूँके इस हालत म्ह थमनै किमे फायदा कोनी। 18 म्हारे खात्तर प्रार्थना करदे रहो, क्यूँके हमनै भरोस्सा सै के म्हारी अन्तरात्मा शुद्ध सै: हम हर बखत भले काम करणा चाहवां सां। 19 प्रार्थना करण कै खात्तर मै थमनै और भी समझाऊं सूं के मै तावळा थारे धोरे दुबारा आ सकूँ। 20 अर इब शान्तिदाता परमेसवर, जिसनै म्हारे प्रभु यीशु तार्हीं मुर्दा म्ह तै जिन्दा करया, वो थारे तार्हीं सब कुछ दे, जो उसकी इच्छा पूरी करण खात्तर चाहिये सै, परमेसवर यीशु मसीह की शक्ति के जरिये वो सब थारे म्ह पूरा करै, जो उस तार्हीं खुशी दे सकै सै, यीशु मसीह भेड्डां का महान् रुखाळा सै, उसनै अपणे लहू के जरिये सदा के करार नै स्थापित करया सै, (aiōnios g166) 21 उस तार्हीं सदा महिमा मिलती रहवै। आमीन। (aiōn g165) 22 हे विश्वासी भाईयो, मै थारे तै बिनती करूँ सूं, के उत्साहित करण आळे इन सन्देशां तार्हीं धीरज तै सह ल्यो, क्यूँके मननै थारे तार्हीं थोड़े-से शब्दां म्ह लिख्या सै। 23 थमनै यो बेरा लागया हो के तीमथियुस, म्हारा भाई जेळ की कैद तै छुटगया सै, अर जै वो तावळा आ गया तो मै उसके गेल्या थारे तै भेंट करूँगा। 24 अपणे सारे अगुवां अर सारे पवित्र माणसां तार्हीं नमस्कार कहो। इटली देश के विश्वासी थमनै नमस्कार कहवै सै। 25 थम सारया पै परमेसवर का अनुग्रह होँदा रहवैं। आमीन।

# याकूब

**1** मैं याकूब, परमेसवर अर प्रभु यीशु मसीह का दास सूं, मेरी ओड़ तै थम सारया नै मेरा नमस्कार। मैं या चिट्ठी इस्राएल के उन यहूदी मसीह बिश्वासियाँ नै लिखूँ सूं, जिनके बाराह गोत्र सारी दुनिया म्ह तित्तर-बितर होकै रहण लागरे सै। 2 हे मेरे बिश्वासी भाईयो, जिब थम कई ढाळ की मुसीबतां का सामना करो सो, तो इसनै पूरे आनन्द की बात समझो, 3 क्यूँके थम जाणो सों, के थारे बिश्वास कै परखे जाण तै धीरज बढै सै। 4 हरेक बात म्ह धीरज धरणा सीखों, ताके थम आत्मिकता म्ह पूरे सिध्द हो जाओ, अर थारे म्ह किसे बात की कमी ना रहवे। 5 पर थारे म्ह तै जै किसे नै बुद्धि की कमी सै, तो परमेसवर तै माँग, जो बिना उल्हाणा दिये, सारया नै बड़ी उदारता तै देवे सै, अर उस ताहीं दी जावैगी। 6 पर वो बिना शंका के बिश्वास तै माँग, अर कुछ शक ना करै, क्यूँके शक करण आळा माणस टिक्या न्ही रहन्दा जो समुन्दर की उस लैहर की तरियां सै जो हवा के चाल्लण तै उच्छळे सै। 7 शक करण आळा माणस या बात बिल्कुल ना सोचवै, कै उसनै प्रभु तै कुछ मिलैगा, 8 वो माणस दोगला सै अर अपणी किसे बात म्ह टिकता कोनी। 9 जो बिश्वासी भाई गरीब सै, उननै खुश होणा चाहिए, क्यूँके परमेसवर उनकी इज्जत करै सै, 10 अर धनवान अपणे ऊँच्चे पद पै घमण्ड ना करै, क्यूँके वो घास के फूल की ढाळ सूख जावैगा। 11 सूरज निकड़दे ए घणा घाम पड़े सै, अर घास नै सुक्खा देवै सै, अर उसका फूल झड़ जावै सै, अर उसकी खूबसूरती जान्दी रहै सै। इस ढाळ धनवान भी अपणे काम करदे-करदे माट्टी म्ह मिल ज्या जावैगा। 12 धन्य सै वो माणस जो परखे जाण पै खरे उतरै सै, क्यूँके परखे जाणके बाद ए जीवन का वो मुकुट पावेंगें, जिसका वादा परमेसवर नै उन माणसां तै करया सै, जो परमेसवर तै प्यार करै सै। 13 जिब किसे की परख हो सै, तो वो या ना कहवै के परमेसवर मन्नै परखण लागरया सै, क्यूँके परमेसवर बुरी बातां की परख म्ह कोनी पड़ता, अर ना वो किसे की परख आप करै सै। 14 पर हरेक माणस अपणी ए लालसा म्ह पड़कै अर फँसकै परख्या ज्या सै। 15 जिब बुरी इच्छा भोत घणी बढ ज्या सै, तो पाप नै जन्म देवै सै, अर पाप जिब भोत घणा बढ जावै सै, तो अनन्त मौत नै जन्म देवै सै। 16 हे मेरे प्यारे बिश्वासी भाईयो, धोक्खे म्ह ना रहों। 17 क्यूँके हरेक आच्छा वरदान अर हरेक उत्तम दान परमेसवर की ओड़ तै ए सै, जो सिध्द सै, जिसनै आसमान की ज्योतियाँ बणाई सै, अर वो इनकी छाया की तरियां कदे बदलता कोनी। 18 उसनै अपणी ए इच्छा तै, म्हारै ताहीं सच के वचन कै जरिये जन्म दिया, ताके हम उसकी बणाई होई रचना म्ह सब तै खास हो, जिस तरियां किसान खातर फसल का पैहला हिस्सा नाज होवै सै। 19 हे मेरे प्यारे बिश्वासी भाईयो, या बात थम जाण ल्यो, हरेक माणस सुणण कै खातर तैयार अर बोल्लण

म्ह उतावळा ना हो, अर अपणे छो नै काबू म्ह करण आळा हो। 20 क्यूँके माणस जिब छो म्ह हो सै तो वो धार्मिकता के काम न्ही कर सकता, जो परमेसवर उसतै करवाणा चाहवै सै। 21 इस करकै सारे मन की गंदगी अर नफरत नै दूर करकै, परमेसवर के उस वचन नै नम्रता तै मान ल्यो, जो मन म्ह बोया गया सै, अर जो थारे प्राणा का उद्धार कर सकै सै। 22 पर परमेसवर के वचन पै चाल्लण आळे बणो, अर सिर्फ सुणण आळे ए न्ही, जो अपणे-आपनै धोक्खा देवै सै। 23 क्यूँके जो कोए परमेसवर के वचन का सुणण आळा हो, अर उसपै चाल्लण आळा ना हो, तो वो उस माणस कै समान सै, जो अपणा मुँह शीशे म्ह देखवै सै। 24 इस करकै के वो अपणे-आपनै देखकै चाल्या जावै सै, पर जिब्वे भूल जावै सै, के मै किसा था। 25 पर जो माणस ध्यान तै परमेसवर के सिध्द नियम-कायदा नै पढ़ता रहवै सै, जो हरेक माणसां नै पापां तै आजादी देवै सै, परमेसवर उसनै आशीर्वाद देवैगा, क्यूँके वो सुणकै भूलता कोनी, पर उसाए करै सै। 26 जै कोए अपणे-आपनै परमेसवर का भगत समझै, अर अपणी जीभ पै लगाम ना लगावै, पर अपणे मन नै धोक्खा दे, तो उसकी भगति बेकार सै। 27 म्हारे पिता परमेसवर की नजर म्ह सच्ची अर शुद्ध भगति या सै, के अनास्थां अर विधवाया के क्लेश म्ह उसकी सुधि ले, अर अपणे-आपनै दुनिया तै बेदाग राखवै।

**2** हे मेरे बिश्वासी भाईयो, थम म्हारे महिमामय प्रभु यीशु मसीह के चेल्लें सों, इस करकै थारे म्ह भेद-भाव की भावना ना हो। 2 जै एक माणस सोन्ने के छल्ले अर सुथरे लत्ते पहरे होए थारी मण्डली म्ह आवै, अर एक कंगाल भी मैल्ले कुचेले लत्ते पहरे होए आवै, 3 अर थम उस सुथरे लत्ते आळे नै इज्जत देकै कहो, “तू ओड़ै खास जगहां बैठ,” अर उस कंगाल तै कहो, “तू ओड़ै खड्या रहै,” या “मेरे पायां धोरे बैठ।” 4 तो के थमनै भेद-भाव कोनी करया, अर बुरे विचार तै न्याय करण आळे न्ही बणे? 5 हे मेरे प्यारे बिश्वासी भाईयो, सुणो। के परमेसवर नै इस दुनिया के कंगालां ताहीं न्ही छाट्या, के बिश्वास म्ह धनी हो जाओ, अर उस राज्य के अधिकारी हो जाओ, जिसका वादा उसनै उनतै करया सै, जो उसतै प्यार करै सै? 6 पर थमनै उस कंगाल की बेजती करी सै। के धनी माणस ए थारे पै जुल्म न्ही करदे, अर के वे थमनै कोट-कचेहड़ी म्ह न्ही घसीट-घसीट के ले जान्दे? 7 ये वे धनी माणस ए सै, जो प्रभु यीशु के महिमामय नाम की, जिसके थम कहवाओ सों, बेजती करै सै। 8 तोभी जै थम पवित्र ग्रन्थ के इस वचन कै मुताबिक के “तू अपणे पड़ोसी तै अपणे समान प्यार कर” साच्ये उस राजसी नियम नै पूरा करो सों, तो आच्छा ए करो सों। 9 पर जै थम भेद-भाव करो सों तो पाप करो सों, अर मूसा के नियम-कायदे थमनै कसूरवार बतावै सै। 10 क्यूँके जो कोए मूसा के सारे नियम-कायदे नै पुगावै सै, पर एके बात म्ह चूक जावै, तो वो सारी बातां म्ह कसूरवार बण लिया सै। 11 इस करकै के जिसनै यो कह्या, “तू

जारी ना करिये” उससे नै यो भी कह्या, “तू हत्या ना करिये,” एक छोटी सी पतवार तै, एक माँझी एक बड़े जहाज नै भी मोड़ सकै सै। 5 उससे तरियां जीभ भी एक छोटा सा अंग सै, अर वा बड़ी-बड़ी बात करण की डींग मारै सै। देखखों, छोटी सी चिंगारी तै कितने बड़े बण म्ह आग लाग ज्या सै। 6 हाँ, जीभ एक आग के समान सै, या म्हारे देह का एक इसा खतरनाक हिस्सा सै, जो माणस तै अधर्म के काम करवा देवै सै, अर उसकी पूरी जिन्दगी नै बरबाद कर देवै सै, या म्हारे जीवन नै नरक की आग के समान खतम कर सकै सै। (Geenna g1067) 7 हरेक ढाळ के जंगळी पशु, पंछी, रेंगण आळे जन्तु, अर पाणी के जीव, तो माणस के बस म्ह हो सकै सै, अर बस म्ह हो भी गये। 8 पर जीभ नै कोए भी बस म्ह नही कर सकता, या एक इसी खतरनाक बला सै, जो कदे रुकती कोन्या, जो साँप के समान, जहर तै भरी होई सै। 9 जीभ तै ए हम पिता परमेसवर अर प्रभु की बड़ाई करा सां, अर इस्से तै जो परमेसवर के रूप म्ह बणाये गये माणसां नै श्राप देवां सां। 10 एके मुँह तै आशीष अर श्राप दोनु लिकड़ै सै। हे मेरे बिश्वासी भाईयो, इसा नही होणा चाहिए। 11 धरती के एके चोवै तै मिठ्ठा अर खारा पाणी दोनु नही लिकड़ सकदे। 12 हे मेरे बिश्वासी भाईयो, के अंजीर के पेड़ म्ह जैतून, या अंगूर की डाली म्ह अंजीर लाग सकै सै? उससे तरियां खारे चोवै तै मिठ्ठा पाणी नही लिकड़ सकता। 13 जै थम समझदार अर परमेसवर की बातां नै समझण आळे माणस सां, तो इस बात नै नरमाई अर समझदारी तै एक आच्छा जीवन जी के, साबित करो। 14 पर जै थारे मन म्ह घणी जळण अर मतलबीपण सै, तो अपने ज्ञान का ज्यादा दिखावा ना करो, क्यूँके इसा करण तै थम सच नै छुपाओ सां। 15 इसा ज्ञान परमेसवर की ओड़ तै नही, बल्के वो ज्ञान दुनियावी, शारीरिक अर शैतान की ओड़ तै सै। 16 क्यूँके जड़ै जळण अर मतलबीपण होवै सै, ओड़ै बखेड़ा अर हरेक ढाळ के बुरे काम भी होवै सै। 17 पर जो ज्ञान परमेसवर देवै सै, वो पैहला तो पवित्र होवै सै, फेर शांतिप्रिय, सहनशील, विनम्र, खियास राक्खण आळा, भले काम अर दया तै भरया होया परोपकारी अर बिना भेद-भाव का, अर बिना कपट का होवै सै। 18 मेळ-मिलाप करण आळा, किसान की तरियां सै, जो शान्ति का बीज बोवै सै, अर धार्मिकता की फसल काटै सै।

**4** थारे म्ह लड़ाई झगड़े का कारण के सै? के थारे भित्त अर बुरी लालसा तै नही, जो थारे म्ह लड़ै-भीड़ै सै? 2 थम लालसा राक्खो सां, पर थमनै मिलता कोनी, ज्यातै थम हत्या करण का भी इरादा राक्खों सां। थम जळण करो सां, अर कुछ पान्दे कोनी, इस करके थम लड़ो अर झगड़ो सां। थमनै इस करके नही मिलदा क्यूँके थम परमेसवर तै माँगते कोनी। 3 हालाकि थम माँगो सां, फेर भी थमनै मिलता कोनी, क्यूँके भुंडी इच्छा तै माँगो सां, ताके अपने ऐसो-आराम म्ह उड़ा घो। 4 हे बेईमान माणसां, के थम नही जानते, दुनिया की चिज्जां तै प्यार करणा, परमेसवर तै बैर करणा सै। इस करके जो कोए संसार का साथी बणणा चाहवै सै, वो अपने-आपनै परमेसवर

**3** हे मेरे बिश्वासी भाईयो, थारे म्ह तै कलीसिया म्ह घणे उपदेशक ना बणै, क्यूँके थम जाणो सां के हम जो उपदेशक सां, म्हारा न्याय दुसरयां तै भी घणा सख्ताई तै करया जावैगा। 2 हम सब घणीए बार चूक जावां सा, पर जो कोए मुँह तै गलत बात नही बोलता, वोए तो सिध्द माणस सै, अर वोए सारी देह पै भी लगाम लगा सकै सै। 3 जिब हम बस म्ह करण खात्तर घोड्या के मुँह पै लगाम लगावा सां, तो हम उस घोड़े नै भी काबू कर सकां सां। 4 चाहे हवा कितनी भी तेज क्यूँ ना हो,

का बैरी बनावै सै। 5 के थम पवित्र ग्रन्थ म्ह लिखी होई इस बात नै बेकार समझौं सों, जिस म्ह लिख्या सै, “जिस पवित्र आत्मा ताहीं परमेसवर नै म्हारै भित्तर बसाया सै, वो बड़ी लालसा करै सै, के हम परमेसवर तै प्यार करां।” 6 पर परमेसवर तो और भी अनुग्रह करै सै, ताके हम बुरी इच्छा तै लड़ सकां, इस कारण पवित्र शास्त्र म्ह यो लिख्या सै, “परमेसवर घमण्ड करण आळा का बिरोध करै सै, पर दीन माणसां पै अनुग्रह करै सै।” 7 इस करके परमेसवर के अधीन हो जाओ, अर शैतान का बिरोध करो, तो वो थारे धोरै तै भाग ज्यागा। 8 परमेसवर के धोरै आओ तो वो भी थारे धोरै आवैगा। हे पापियों, अपने जीवन तै पाप दूर करो, अर हे दोगले माणसों अपने मन नै पवित्र करो। 9 अपने पापां के कारण दुखी होओ, अर शोक करो, रोओ। थारी हॉसी शोक म्ह अर थारा आनन्द उदासी म्ह बदल जावै। 10 प्रभु के स्याम्ही नरम बणो तो वो थमनै आदर मान देवैगा। 11 हे विश्वासी भाईयो, एक-दुसरे की बदनामी ना करया करो। जो अपने विश्वासी भाई की बदनामी करै सै या उसपै दोष लगावै सै, वो मूसा के नियम-कायदा का बिरोध करै सै, अर जै तू मूसा के नियम-कायदा का बिरोध करै सै, तो तू नियम-कायदा पै चाल्लण आळा कोनी, पर उसपै न्याय करण आळा बणग्या। 12 मूसा के नियम-कायदे देण आळा अर न्याय करण आळा एके सै, जो परमेसवर सै, जो बचाण अर नाश करण म्ह दोनुआ का हक राक्खै सै, पर तन्नै किसे पै इल्जाम लगाण का कोए हक कोनी। 13 थम जो या कहो सों, “आज या तड़के हम किसे और नगर म्ह जाके ओड़े एक साल बितावागें, अर व्यापार करके फायदा कमावागें।” 14 पर थम यो न्ही जाणदे के कल के होवैगा? सुण तो ल्यो, थारा जीवन सै ए के? थम तो धुंध की तरियां सों, जो थोड़ी देर दिक्खै सै फेर खू ज्या सै। 15 इसकी बजाए थमनै या कहणा चाहिए, “जै प्रभु चाहवै तो हम जिन्दा रहवागें, अर यो काम भी करागें।” 16 पर इब थम अपने-आप पै घमण्ड करो सों, यो घमण्ड पाप सै। 17 इस करके जो कोए भलाई करणा जाणै सै, अर कोनी करदा, उसके खात्तर यो पाप सै।

**5** हे साहूकारों, सुण तो ल्यो, थम अपने आण आळे दुखां पै किल्की मारके रोओ। 2 थारा धन खराब होग्या अर थारे लत्ता नै कीड़े खाँगे सै। 3 थारे सोन्ने चाँदी की कोए किम्मत कोनी रही, जिस सोन्ना चाँदी ताहीं थमनै कठा करया सै, वाए थारी गवाही देंगे, अर थारी देह नै राख कर देगी। थमनै अन्त के युग म्ह धन कठा करया सै। 4 देखखों जिन मजदूरों नै थारे खेत काट्टे, उनकी वा मजदूरी जो थमनै धोक्खा देके राखली सै। वे मजदूर चिल्लावै सै, अर उनकी दुहाई सेनाओं के प्रभु के कान्ना तक पहुँच गयी सै। 5 थम धरती पै ऐसो-आराम म्ह लागे रहै, अर बड़ड़ा ए सुख भोग्या, अर इसा करते-करते थम जानवरां की तरियां बणगे सों, जिन ताहीं काट्टण तै पैहले मोट्टा ताजा करया जावै सै, उरसे तरियां थम न्ही जाणते के थम भी अपने-

आप ताहीं परमेसवर की सजा खात्तर तैयार करण लागे सों। 6 जो धर्मो जन थारा सामना न्ही कर सकै थे, थमनै उन ताहीं कसूरवार बणाके मार दिया। 7 इस करके हे विश्वासी भाईयो, प्रभु के आण तक धीरज धरो। जिस तरियां जमीदार धरती की कीमती फसल की आस धरके पैहली अर आखरी बारिस होण तक धीरज धरै सै। 8 थम भी धीरज धरो, अर अपनी आस नै ना खोओ, क्यूँके प्रभु का आणा लोवै सै। 9 हे विश्वासी भाईयो, एक-दुसरे पै कुड़कुड़ाओ ना, न्ही तो परमेसवर भी थमनै दण्ड देवैगा, क्यूँके लखाओ, न्याय करण आळा आण खात्तर घणा लोवै सै। 10 हे विश्वासी भाईयो, जिन नबियाँ नै प्रभु के नाम तै बात करी, उननै दुख उठाण अर धीरज धरण का एक आदर्श समझौं। 11 हम धीरज धरण आळे नै धन्य कहां सां। थमनै अय्यूब नामक माणस के धीरज के बारे म्ह तो सुणया ए सै, अर किस तरियां प्रभु नै उस ताहीं प्रतिफळ दिया, जिसतै थमनै प्रभु ताहीं जाण भी लिया के किस तरियां प्रभु करुणा अर दया करै सै। 12 पर हे मेरे विश्वासी भाईयो, सारा तै बड्डी बात या सै के कसम ना खाईयो, ना सुर्ग की, ना धरती की, ना किसे और चीज की, पर थारी बात हॉ की हॉ ना की ना हो, ताके परमेसवर थमनै दण्ड ना देवै। 13 जै थारे म्ह तै कोए दुखी सै, तो वो प्रार्थना करै। जै आनन्दित सै, तो परमेसवर की बड़ई के भजन गावै। 14 जै थारे म्ह तै कोए रोगी सै, तो कलीसिया के अगुवां नै बुलावै, अर वे प्रभु के नाम तै उसपै तेल मल के उसके खात्तर प्रार्थना करै, 15 अर विश्वासी की प्रार्थना के जरिये रोगी बच ज्यागा अर प्रभु उस ताहीं ठीक करेगा, अर उसनै जै पाप भी करे हो, तो उनकी भी माफी हो ज्यागी। 16 इस करके थम एक-दुसरे के बिरुध किये गये, अपने-अपने पापां नै मान ल्यो, अर एक-दुसरे खात्तर प्रार्थना करो, जिसतै ठीक हो जाओ: धर्मो जन की प्रार्थना के असर तै सब कुछ हो सकै सै। 17 एलियाह नबी भी तो म्हारै समान दुख-सुख भोगी माणस था, अर उसनै मन लगाके प्रार्थना करी, के मिह ना बरसै, अर साढ़े तीन साल तक धरती पै मिह कोनी बरसा। 18 फेर उसनै प्रार्थना करी, तो अकास तै बरसा होई, अर धरती पै फसल भी होई। 19 हे मेरे विश्वासी भाईयो, जै थारे म्ह तै कोए सच की राह तै भटक जावै अर दुसरा कोए उसनै बोहड़ के उस राह पै ले आवै सै, 20 तो वो यो सच जाण लेवै के जो कोए भटके होए पापी नै पाप छोड़ण म्ह उसकी मदद करेगा, पाप छोड़ण आळे के अनेक पाप माफ हो जावेंगे अर उसकी जिन्दगी अनन्त मृत्यु तै बचावैगा।

# 1 पतरस

1 या चिट्ठी पतरस की ओड़ तै सै, जो यीशु मसीह का प्रेरित सै, मै या चिट्ठी परमेसवर के चुणे होए माणसां के खात्तर लिखण लागरया सूं, जो परदेशी होके पुन्तुस, गलातिया, कप्पदूकिया, आसिया अर बिथुनिया परदेसां म्ह तित्तर-बितर होके रहवै सै। 2 परमेसवर पिता नै थारे ताहीं अपने माणस बणाण खात्तर, भोत पैहले चुण लिया था, ताके थमनै पवित्र आत्मा के काम के जरिये पवित्र बणावै, यो उसनै इस खात्तर करया ताके थम यीशु मसीह का कहणा मान्नी, अर उसके लहू तै शुद्ध हो जाओ। हम प्रार्थना करा सां के परमेसवर थमनै अनुग्रह अर शान्ति भोत-ए घणी दे। 3 म्हारे मसीह यीशु के पिता अर परमेसवर का धन्यवाद हो, जिसनै म्हारे पै बड़ी दया करके म्हारे ताहीं नई जिन्दगी दी सै, क्यूँके परमेसवर नै यीशु मसीह ताहीं मुर्दा म्ह तै जिन्दा करया, उसनै म्हारे ताहीं बड़े बिश्वास के साथ जीण कै लायक बणाया, ताके हम उन चिज्जां की आस राक्खां जिसका देण का उसनै वादा करया सै। 4 हम उस वसियत नै जो परमेसवर नै म्हारे खात्तर तैयार करी सै, उस ताहीं लेण की हम बाट देख्खां सां, उसनै म्हारे खात्तर उस ताहीं सुर्ग म्ह राख्खा सै, जित्त वा कदे गळ नही सकदी, खराब नही हो सकदी, अर नाश नही हो सकदी। 5 परमेसवर नै अपनी महान शक्ति तै थारे ताहीं सम्भाळ कै राख्खा सै, क्यूँके थम मसीह पै बिश्वास करो सों, जिस दिन मसीह बोहड़के आवैगा, उस दिन तक मसीह थमनै सम्भाळ कै राक्खेगा, फेर थम जाणोगे के परमेसवर नै थारे ताहीं पाप अर मौत तै बचा के राख्खा सै। 6 थमनै इन सारी बातं तै खुश होणा चाहिए भलाए थम कुछ बखत खात्तर कई ढाळ की मुसीबतां के कारण दुखी सो। 7 ये मुसीबत इस्से खात्तर आवै सै, ताके देख्खा जा सकै, के परमेसवर पै थारा पक्का बिश्वास सै के नही। थारा मसीह यीशु पै बिश्वास करणा सोन्ने तै भी घणा कीमती सै, जिस तरियां नाशवान सोन्ना आग म्ह परख्खा अर शुद्ध करया जावै सै, उस्से तरियां जै थारा बिश्वास घणी मुसीबतां म्ह भी बणया रहवै सै, तो जिब प्रभु यीशु मसीह बोहड़ के आवैगें तो थारे ताहीं बड़ाई महिमा अर आदर मिलैगा। 8 थमनै मसीह ताहीं कदे नही देख्खा, उसतै थम बिन देख्खे प्यार करो सो, अर इब तो उसपै बिन देख्खे भी बिश्वास करके इसे राज्जी अर मग्न होवो सो, जिस ताहीं बताण खात्तर म्हारे धौरे शब्द कोनी। 9 थम इस खात्तर खुश सों, क्यूँके परमेसवर नै थारे ताहीं पाप की सजा तै बचा लिया सै, अर योए मसीह पै बिश्वास करण का ईनाम सै। 10 इस्से उद्धार कै बारे म्ह उन नबियाँ नै घणी खोज अर जाँच-पड़ताळ करी, जिननै उस अनुग्रह कै बारे म्ह, जो थारे पै होण आळा था, भविष्यवाणी करी थी। 11 मसीह का आत्मा जो उन म्ह था अर उन ताहीं बताण लागरया था, के मसीह किसा दुख ठावैगा अर उसके पाच्छे उस बारे म्ह उस ताहीं महिमा मिलैगी, इस कारण उननै यो बेरा पाड़ण खात्तर उसकी खोज करी,

मसीह कौण होवैगा, अर यो कद होवैगा। 12 पर परमेसवर नै इन नबियाँ ताहीं बताया था, के यो सन्देश उन खात्तर नही बल्के थारे खात्तर सै, यो सन्देश मसीह यीशु के बारे म्ह खुशखबरी सै, जिसके बारे म्ह थम इब सुणो सों। परमेसवर नै सुर्ग तै पवित्र आत्मा ताहीं भेज्या ताके वो माणसां नै सुसमाचार सुणाण म्ह मदद कर सकै, यो इतणा अदभुत सै, के सुर्गदूत भी इन चिज्जां नै होन्दे होए देख्खा चाहवै सै। 13 इस खात्तर गौर तै सोच्वों के थम के करण आळे सों, अर अपने-आप पै काबू राक्खों अर परमेसवर तै उद्धार पाण का भरोस्सा राक्खों जो अनुग्रह तै मिलै सै, अर वो थमनै जिब देवैगा जिब मसीह यीशु सुर्ग तै बोहड़के आवैगा। 14 परमेसवर के आज्ञाकारी बणो जिस तरियां आच्छे बाळक अपने पिता का हुकम मान्ने सै, अर पुराणी जिन्दगी के मुताबिक मत जिओ, जिब थम बुरी लालसा नै पूरी करो थे। 15 पर जिसा थारा बुलाण आळा पवित्र सै, उस्से तरियां ए थम भी अपने सारे चाल-चलण म्ह पवित्र बणो। 16 क्यूँके पवित्र ग्रन्थ म्ह लिख्खा सै, “पवित्र बणो, क्यूँके मै पवित्र सूं।” 17 अर जिब के थम हे पिता कहके परमेसवर तै प्रार्थना करो सो, जो बिना पक्षपात, हरेक के काम के मुताबिक न्याय करे सै, तो इब जो थम, जिब इस धरती पै परदेशियाँ की तरियां जीण लागरे सों, तो थम उसके प्रति बड़े आदर रखते होए अपनी जिन्दगी जीणी चाहिए। 18 क्यूँके थमनै बेरा सै, के थारा निकम्मा चाल-चलण जो बाप-दादां तै चल्या आवै सै, उस बेकार जिन्दगी तै थम बचगे सों, अर थारा छुटकारा चाँदी-सोन्ने यानिके नाश होण आळी चिज्जां के जरिये नही होया। 19 पर बेकसूर अर बेदाग मेम्ने, यानिके मसीह के कीमती लहू के जरिये होया। 20 दुनिया बणाण तै पैहल्याए परमेसवर नै मसीह यीशु ताहीं उद्धारकर्ता करके चुण लिया था, पर इब वो इन आखरी दिनां म्ह इस खात्तर आया के थारी मदद कर सकै। 21 जो मसीह नै करया उसकी बजह तै थम परमेसवर पै बिश्वास करो सो, अर अपनी आस अर बिश्वास परमेसवर पै राक्खो सो, क्यूँके उसनै मसीह ताहीं मुर्दा म्ह तै जिन्दा करया, अर उस ताहीं बड़ी महिमा दी। 22 क्यूँके थम सच मानण के जरिये शुद्ध करे गये सों, इस खात्तर थमनै बिश्वासी भाईयाँ तै सच्चे दिल तै प्यार करणा चाहिए, अर तन-मन लाके एक-दुसरे तै प्यार करो। 23 थम एक-दुसरे तै इस खात्तर प्यार करो, क्यूँके थमनै परमेसवर तै नई जिन्दगी पाई सै, थमनै या जिन्दगी उसतै नही पाई जो नाशवान सै, पर उसतै पाई सै जो सदा के खात्तर सै। या नई जिन्दगी हमनै परमेसवर के वचन तै मिली सै, जो जीवित अर सदा रहण आळा सै। (aiōn g165) 24 क्यूँके पवित्र ग्रन्थ यो कहवै सै, “हरेक जीव घास के बरगा सै, अर उनकी शोभा जंगळी फूल्लां के समान सै। घास सूख जावै सै, अर फूल झड़ जावै सै। 25 पर प्रभु का वचन युगानुयुग स्थिर रहवैगा।” यो वोए सुसमाचार का वचन सै जो थारे ताहीं सुणाया गया था। (aiōn g165)

**2** इस करके सारी ढाळ का बैरभाव अर छळ अर कपट अर जलण अर बुराई नै दूर करके, 2 नये जन्मे बच्चे की तरियां जो हमेशा माँ के निर्मल दूध की लालसा करै सै, उससे तरियां थम भी परमेसवर के वचन ताहीं सुणण की लालसा करो, ताके थारा परमेसवर पै बिश्वास मजबूत हो सकै, अर थारा उद्धार हो जावै। 3 क्यूँके पवित्र ग्रन्थ कहवै सै, के थमने चख के जाण लिया सै के प्रभु कितना भला सै। 4 थम प्रभु यीशु मसीह के धोरै आए हो, वो उस खास पत्थर की ढाळ सै जो नीम म्ह लगाया जावै सै, पर वो जिन्दा पत्थर सै। भोत सारे माणसां नै उस ताहीं त्याग दिया, पर परमेसवर नै उस ताहीं चुण्या, अर उस ताहीं कीमती बणाया, अर थम जो बिश्वासी लोग प्रभु यीशु के धोरै आए हो, ताके थम भी उसके जरिये जिन्दे पत्थरां की ढाळ हो जाओ, जो परमेसवर की आत्मिक आराधना का घर बणण म्ह काम आ सकै। 5 उसने थारे ताहीं भी पवित्र याजक बणाया, जिस तरियां याजक परमेसवर ताहीं भेट चढ़ावै सै, उससे तरियां थम भी अपने दिल नै भेट के रूप म्ह चढ़ा द्यो, अर याए भेट परमेसवर नै आच्छी लागै सै, क्यूँके थम यीशु मसीह के कहलाओ सां। 6 यो उससे तरियां सै, जिसा परमेसवर पवित्र ग्रन्थ म्ह कहवै सै: “देखों, मनै किसे ताहीं यरुशलैम नगर म्ह कोणे के पत्थर की तरियां राख्या सै, वो उस पत्थर की तरियां सै, जो नीम पै धरया जावै सै, अर जो कोए उसपै बिश्वास करैगा, वो किसे तरियां तै शर्मिन्दा कोनी होवैगा।” 7 यो पत्थर थारे खातर कीमती सै, जो मसीह यीशु पै बिश्वास करो सां, पर पवित्र ग्रन्थ उन माणसां के बारे म्ह जो बिश्वास न्ही करदे कहवै सै, “जिस पत्थर ताहीं राजमिस्त्रियाँ नै निकम्मा ठहराया था, वोए कोणे का पत्थर हो गया।”, 8 पवित्र ग्रन्थ यो भी कहवै सै, के “इस पत्थर तै लोगां के ठोक्कर लागैगी, या वा चट्टान सै जिसतै लोग ठोक्कर खाके गिर जावेंगे,” वे इस खातर गिरै सै, क्यूँके उननै परमेसवर के वचन पै बिश्वास कोनी करया, परमेसवर नै उन खातर याए योजना बणाई सै। 9 पर थारे म्ह इसा ना हो, क्यूँके थम परमेसवर के चुणे होए माणस सो, थम परमेसवर के याजक सां, जो के राजा सै, थम परमेसवर के समर्पित माणस सां, अर थम जो परमेसवर के कुहावै सां, उसनै थारे ताहीं अन्धकार म्ह तै रोशनी म्ह बुलाया सै, ताके थम परमेसवर के उन अनोक्खे कामां के बारे म्ह माणसां ताहीं बता सको। 10 पैहले थम परमेसवर के माणस न्ही थे, पर इब परमेसवर के माणस सो, पैहले थम परमेसवर की दया नै कोनी जाणो थे, पर इब जाणो सां, क्यूँके उसनै अपनी दया पैहल्या तै थारे ताहीं दिखाई सै। 11 हे प्यारे बिश्वासी भाईयो, मै थारे तै बिनती करुँ सुं, के थम अपने-आपनै दुनिया म्ह परदेशी अर मुसाफर जाणके उन दुनियावाी अभिलाषायां तै जो आत्मा तै युद्ध करै सै, बचे रहो। 12 वे लोग जो परमेसवर पै बिश्वास न्ही करदे, वे भी थारे आस्सै-पास्सै ए रहवै सै, अर वे भी कह सकै सै, के थम बुरा काम करण लागरे हो। थमनै इसी आच्छी

जिन्दगी जीणी चाहिए, ताके वो थारे भले कामां नै देखके परमेसवर की महिमा उस दिन कर सकै जिब मसीह बोहड़ के आवैगा। 13 प्रभु नै महिमा देण खातर थम उन सारे माणसां का हुकम मान्णो जो इस दुनिया के शासक सै, जिस तरियां राजा, जो के सब पै प्रधान शासक सै। 14 अर राज्यपालों के भी अधीन रहों, क्यूँके राजा उन बुरे काम करणीया नै दण्ड देण अर आच्छे काम करणीया नै सम्मानित करण खातर इस्तमाल करै सै। 15 परमेसवर चाहवै सै के थम भले काम करो ताके थम उन बेकूफ माणसां नै जो परमेसवर नै न्ही जाणदे, अर थारे पै झूठे दोष लगावै सै, उन ताहीं रोक सको। 16 थारे खातर भी इसा कोए कोनी जो थारे ताहीं रोक सकै, जो थम करणा चाहवो सां, क्यूँके यीशु मसीह के जरिये थम आजाद करे गये सां, पर इस बात नै थम बुरे काम करण का बहाना ना बणाओ, पर अपने कामां के जरिये दिखाओ के थम परमेसवर के सच्चे दास सां। 17 सब का आदर करो, बिश्वासी भाईयाँ तै प्यार करो, परमेसवर तै डरो, राजा का आदर करो 18 हे सेवको थम जो घर म्ह काम करो सां, अर बिश्वासी भी सां, अपने मालिकां का कहणा मान्णो अर सदा उनका आदर करो, हरेक ढाळ के मालिक के साथ इसाए बरताव करो, चाहे वो भले हो, नम्र हो, या फेर चाहे वे बुरे हो। 19 क्यूँके जै हम दुख ठान्दे, फेर भी जिब म्हारी कोए गलती भी ना हो, तोभी हम इस खातर सह लेवां सां, क्यूँके हमनै बेरा सै, के परमेसवर सब कुछ जाणै सै, परमेसवर इस्तै ए खुश होवै सै। 20 क्यूँके जै थमनै अपराध करके घूँसे खाए, अर धीरज राख्या, तो इस म्ह के बड़ाई की बात सै? पर जै भला काम करके दुख ठाया हो अर धीरज राख्या हो, तो यो परमेसवर नै भावै सै। 21 अर थम इस्से के खातर बुलाए भी गये सो, क्यूँके मसीह भी थारे खातर दुख ठाके थारे ताहीं एक बढ़िया नमूना दे गया सै, ताके थम भी उसके नक्शे-कदम पै चाल्लों। 22 पवित्र ग्रन्थ म्ह मसीह के बारे म्ह न्यू लिख्या सै, के “ना तो उसने पाप करया अर ना उसके मुँह तै छळ-कपट की कोए बात लिकड़ी।” 23 वो गाळी सुणके गाळी कोनी देवे था, अर दुख ठाके किसे ताहीं भी धमकी कोनी देवे था, पर अपने-आप ताहीं परमेसवर के हाथ म्ह सौंप दिया, जो धार्मिकता तै न्याय करै सै। 24 वो आप ए म्हारे पापां नै अपनी देह पै लिये होए क्रूस पै चढ़ गया, जिसतै हम पापां के खातर मरके धार्मिकता के खातर जीवन बितावां, उससे के मार खाण तै थम चंगे होए। 25 क्यूँके थम पैहल्या भटकी होड़ भेड़ा के बरगे थे, पर इब अपने जीवन के रुखाळे अर पाळी के धोरै बोहड़ आए सां।

**3** हे बिरबानियों, थम भी अपने धणी के अधीन रहो, अर जै थारे पिता परमेसवर के वचन पै बिश्वास करण तै मना करै सै, तो जिस तरियां थम उनतै बरताव करो सां, उसकी बजह तै थारे बिना कहे वे बिश्वास करेंगें, वो मसीह पै जिब बिश्वास करेंगें, जिब वो थारा शुद्ध अर भक्तिमय जीवन नै देखेंगें। 3 बाहरली की खूबसूरती के बारे म्ह चिन्ता ना करै, जिस तरियां खूबसूरती

तै बाळ गूँथणा, म्हँगे गहणे, या सुथरे लत्तें पैहरणा। 4 पर थारा भीतरी माणसपण, नम्रता अर दीनता जिसे अविनाशी गुणा तै सजा हो, क्यूँके परमेसवर की निगांह म्ह इसका मोल बडुडा सै। 5 पैहलुडे बखत म्ह पवित्र बिरबानी भी, जो परमेसवर पै बिश्वास अर आस राक्खै थी, वे अपणे-अपनै नै इस्से तरियां तै सिंगारै थी, अर अपणे-अपणे धणी का हुकम मान्ने थी। 6 जिस तरियां सारा अब्राहम कै हुकम म्ह रहवै थी, अर उसनै स्वामी कह्वा करै थी। इस्से ढाळ थम भी जै दुसरयां की भलाई करे, अर थमनै किसे बात का डर ना हो, तो थम सारा की बेटियाँ की तरियां होओगी। 7 इस्से तरियां ए हे पतियाँ, थम अपणी पत्नियाँ कै साथ मेळ-मिलाप कै साथ रहों, अर सोच्चों के उनकी मदद किस तरियां करी जा सकै सै, थमनै यो बेरा होणा चाहिए के बिरबानी थारे तै कमजोर सै, इस करके थमनै उनका आदर करणा चाहिए, क्यूँके थम दोन्नु उस वरदान के साझेदार सों, जिसा के परमेसवर नै थारे ताहीं दिया सै, जो के अनन्त जीवन सै, यो इस खातर करो ताके जिब थम परमेसवर तै प्रार्थना करो तो वो थारी सुणै। 8 आखरी म्ह मै कहणा चाहूँ सूँ, के थम एक मन हो जाओ, एक-दुसरे तै भाई-भाण की तरियां प्यार करो, एक-दुसरे के बाबत दयालु रहो, अर नरम बणो। 9 बुराई कै बदले बुराई ना करो अर ना गाळी कै बदले गाळी द्यो, पर इसकै उल्ट आशीष ए द्यो, क्यूँके परमेसवर नै थारे ताहीं इस खातर बणाया सै, के थम दुसरयां कै खातर आशीष बण सको, जै थम इसा करोगे, तो परमेसवर थारे ताहीं भी आशीष देवैगा। 10 क्यूँके पवित्र ग्रन्थ कहवै सै, के “जै कोए इन्सान जिन्दगी का आनन्द ठाणा चाहवै सै, अर आच्छे दिन देखणा चाहवै सै, तो वो ध्यान राक्खे के बुरी बातें अर जो बात सच न्ही उन ताहीं ना बोल्लो। 11 जो बुरे काम सै, उन ताहीं करणा छोड़ दे, इसकी बजाए वो भले काम करै, अर एक-दुसरे के साथ शान्ति तै रहण का पूरा जतन करै। 12 क्यूँके प्रभु की आँख धर्मियाँ पै लागी रहवै सै, अर उसके कान उनकी बिनती की ओड़ लागे रहवै सै, पर प्रभु बुराई करण आळे तै दूर रहवै सै।” 13 जै थम सदा भले काम करो तो कोए थमनै नुकसान न्ही पुहुचा सकदा। 14 जै थम धार्मिकता कै कारण दुख भी ठाओ, तो थम धन्य सो, पर माणसां के डराण तै ना डरो, अर ना घबराओ, 15 पर अपणे-अपणे मन म्ह मसीह के प्रति आदर राक्खों, अर उस ताहीं अपना प्रभु जाणो। जो कोए थारे तै थारी आस के बारे म्ह बुड़्झै, जो हम बिश्वासियाँ की सै, तो उस ताहीं जवाब देण कै खातर सारी हाण त्यार रहो, पर नम्रता अर आदर कै गैल उस ताहीं जवाब द्यो। जो सही सै वोए करो, जै माणस थारे बारे म्ह बुरा बोल्लै सै, तो वो खुद शर्मिन्दा होवेंगे, जिब वो थारे आच्छे चाल-चलण नै देक्खेंगे, क्यूँके मसीह कै गैल थारा गहरा रिश्ता सै। 17 कई बार परमेसवर म्हारे ताहीं दुख अर मुसीबतां तै गुजारै सै, भलाए हम भला काम करदे हो, पर यो म्हारे खातर आच्छा सै, बजाए इसकै के हम बुरे कामां के कारण दुख अर मुसीबत

ठावां। 18 मसीह नै भी म्हारे पापां खातर एके बार अपणी जान दे दी, यानी के एक धर्मी नै सारे अधर्मियाँ खातर दुख ठाया, ताके वो थमनै परमेसवर तक ले जावै, उसकी शारीरिक मौत तो होई पर परमेसवर की आत्मा के जरिये वो जिन्दा करया गया। 19 तब उसकी आत्मा नै उन आत्मायाँ ताहीं सुसमाचार सुणाया, अर प्रचार करया जो उस जगहां पै परमेसवर के जरिये कैद करी गई थी, जित्त मरे होए लोगां की आत्मा रहवै सै। 20 ये वो आत्मा सै, जिननै परमेसवर का भोत पैहले कहणा न्ही मान्या। जिब नूह जहाज बणाण लागरया था, तो परमेसवर धीरज तै देखण लागरया था, के ये लोग माफी माँगै सै के न्ही, पर पाणी नै पूरी दुनिया ताहीं नाश करया सिर्फ आठ माणस जो जहाज म्ह बचे थे। 21 उस्से पाणी का उदाहरण भी, यानिके बपतिस्मा, यीशु मसीह कै जी उठण कै जरिये, इब थमनै बचावै सै, इसतै देह का मैल दूर करण का मतलब न्ही सै, पर शुद्ध अन्तरात्मा तै परमेसवर कै पाच्छे हो जाणा सै। 22 वो सुर्ग पै जाके परमेसवर कै सोळी ओड़ बैठ गया, अर सुर्गदूत अर अधिकारी अर सामर्थी उसके अधीन करे गये सै।

**4** इस करके मसीह नै दुख ठाया जिब उसनै देह रूप धारण करया, थारा भी रविया उस्से तरियां दुख उठाण का होणा चाहिए, जिसा उसका था, क्यूँके जै थमनै मसीह खातर दुख ठाण की सोच ली सै, तो थमनै पाप ना करण की भी सोच ली सै, ताके आगै तै कदे थम पाप ना करो। 2 उस कारण वो इन्सान अपणी बाकी की जिन्दगी, इस दुनिया म्ह पापमय अभिलाषायां नै पूरी करण कै खातर न्ही इस्तमाल करदा, पर वो, वो करै सै जो परमेसवर उस ताहीं करण कै खातर कहवै सै। 3 पैहले थमनै भोत सारा बखत वो काम करण म्ह बेकार कर दिया जिस म्ह गैर बिश्वासी खुशी मनावे सै, जिस तरियां लुचपण की बुरी अभिलाषाओ, मतवाळापण, लीलाक्रीड़ा, दारु-बाजी, जारी अर घृणित मूर्तिपूजा जिसे कामां तै परमेसवर नफरत करै सै। 4 इस कारण थारे पुराणे मित्तर अचम्भा करै सै, के थम इसे अंधाधुंध लुचपण म्ह उनका साथ न्ही देंदे, अर वे इब थमनै गाळी देवै सै। 5 पर वे उसनै जो जिन्दयां अर मरे होए माणसां का न्याय करण नै त्यार सै, लेक्खा देवेंगे। 6 योए कारण सै के सुसमाचार उन माणसां ताहीं सुणाया गया, जो इब मर चुके सै, हालाकि वे सब माणसां की तरियां मरण कै जोग्गे ए थे, इब वे आत्मा म्ह परमेसवर के साथ हमेशा कै खातर रहवै सै। 7 सारी बात्तां का अन्त तावळा होणाआळा सै, इस करके सावधान रह अर शान्त मन राख ताके तू प्रार्थना कर सकै। 8 सारया म्ह बढ़िया बात या सै के एक-दुसरे तै घणा प्यार करो, क्यूँके जै थम माणसां तै प्यार करोगे तो थम उन ताहीं माफ करण खातर तैयार रहोगे, जो थारा बुरा करै सै। 9 बिना कुड़कुड़ाए एक-दुसरे की मेहमान-नवाजी करो। 10 हरेक इन्सान ताहीं परमेसवर के जरिये काबलियत मिली सै अर वो उस काबलियत नै दुसरे लोगां की मदद करण खातर इस्तमाल

करै, वो परमेसवर के आच्छे सेवक की तरियां उसके अनुग्रह के जरिये दिए गए वरदानां का बढ़िया इस्तमाल करै। 11 जै थारे धोरै प्रचार करण का वरदान सै, तो थमनै परमेसवर के वचन का प्रचार करणा चाहिए, जै थारे धोरै दुसरयां की मदद करण का वरदान सै, तो उस शक्ति तै करो जो परमेसवर नै थारे ताहीं दी सै, फेर जो भी काम करोगे, यीशु मसीह के जरिये परमेसवर नै महिमा मिलैगी, सारी महिमा अर सामर्थ युगानुयुग उरसे का सै। आमीन। (aiōn g165) 12 हे प्यारे विश्वासी भाईयो, उन दुखां के खात्तर अचम्भा ना करो जो थम सहण लागरे सों, क्यूँके थम मसीह के कुहाओ सों, ये चीज इस खात्तर होण लागरी सै, क्यूँके सचमुच थम यीशु पै विश्वास करो सों, तो इसा ना समझो के अनोक्खी बात थारे ए गैल होण लागरी सै। 13 इस बात खात्तर खुश होओ, के थम मसीह के दुख म्ह साझेदारी हो सके, उस बजह तै जिब मसीह बोहड़ के आवैगा, अपणी महिमा लोगां नै दिखाण खात्तर, तो थम खुशी तै भर जाओगे। 14 फेर जै मसीह के नाम के खात्तर थारी बुराई करी जावै सै तो थम धन्य सो, क्यूँके परमेसवर की महिमामय आत्मा सै जो थारे म्ह रहवै सै। 15 जै दुख ठाओ सों, तो यो दुख खूनी, चोर, किसे बुरे काम, या किसे और के काम म्ह दखलंदाजी करण के कारण न्ही होणा चाहिए। 16 पर जै मसीह होण के कारण दुख पावै, तो शर्मिन्दा ना होइयो, पर इस बात के खात्तर परमेसवर की महिमा करो, क्यूँके थम उसके कुहाओ सों। 17 क्यूँके वो बखत आण पोंहच्या सै, के पैहल्या परमेसवर के माणसां का न्याय करया जावैगा, अर जिब के न्याय की शरूआत म्हारे ए तै होगी, तो उनका के अन्त होगा जो परमेसवर के सुसमाचार नै न्ही मानते? 18 जिसा पवित्र ग्रन्थ कहवै सै, के “जै धर्मी माणस ए मुश्किल तै उद्धार पावैगा, तो भगतिहीन अर पापी का के ठिकाणा?” 19 ज्यांतै जो परमेसवर की मर्जी के मुताबिक दुख ठावै सै, उननै परमेसवर पै सदा विश्वास करते रहणा चाहिए, जिसनै उन ताहीं बणाया सै। परमेसवर नै जो भी वादा करया सै, उस ताहीं वो हमेशा पूरा करै सै, इस खात्तर हमनै हमेशा भलाई करदे रहणा चाहिए।

**5** थारे म्ह जो कलीसिया के अगुवें सै, मै थारे ताहीं कुछ बताणा चाहूँ सूँ, क्यूँके मै थारी तरियां बुजुर्ग सूँ, मन्ने खुद वे दुख देखे सै, जो मसीह नै भोत पैहले सहे सै, जिब वो बोहड़ के आवैगा तो मै भी उसकी महिमा म्ह शामिल होऊँगा। 2 जिस तरियां एक पाळी भेड्या की रुखाळी करै सै, उरसे तरियां थमनै भी उन लोगां की रुखाळी करणी चाहिए, जिन ताहीं परमेसवर नै थारे ताहीं सौप्या सै, अर यो मजबूरी म्ह न्ही पर खुद की इच्छा तै राज्जी होकै करो, क्यूँके परमेसवर यो चाहवै सै के थम इसाए करो, पर इसा काम पईसा के खात्तर न्ही पर परमेसवर अर माणसां की सेवा करण खात्तर करो। 3 उन माणसां पै हक ना जमाओ, जो थारे ताहीं सौपे गये सै, पर उनके खात्तर बढ़िया मिसाल बणो। 4 जिब प्रभु यीशु मसीह जो के पाळीयाँ का

प्रधान बोहड़ के आवैगा, तो थारे ताहीं वो महिमा का मुकुट दिया जावैगा जिसकी चमक कदे न्ही जावैगी। 5 इस्से ढाळ हे जवानों, थम भी कलीसिया के अगुवां का कहणा मानो, बल्के थम सारे के सारे दीनता तै एक-दुसरे की सेवा करते रहो, क्यूँके हम पवित्र ग्रन्थ म्ह पढ़ा सां, के “परमेसवर घमण्डियाँ का बिरोध करै सै, पर दीन पै अनुग्रह करै सै।” 6 इस करके परमेसवर के स्याम्ही दीन बणो, जो थमनै बचा सकै, ताके वो थमनै सही बखत आण पै बढ़ा सकै। 7 अपणी सारी चिन्ता परमेसवर ताहीं दे घो, क्यूँके उसनै थारा ध्यान सै। 8 सावधान रहो, अर जागदे रहो, क्यूँके थारा बिरोधी शैतान गरजनआळे शेर की ढाळ इस टाह म्ह रहवै सै, के किसनै पाड़ खावै, ताके थम परमेसवर की राह ना चाल सको। 9 विश्वास म्ह मजबूत होकै, अर न्यू जाणके उसका सामना करो, के थारे भोत-से विश्वासी भाई जो दुनिया म्ह इसेए दुख सहण लागरे सै। 10 इब परमेसवर जो सारे अनुग्रह का दात्ता सै, जिसनै थारे ताहीं मसीह म्ह अपणी अनन्त महिमा के खात्तर बुलाया, थारे कुछ बखत तक दुख ठाण के पाच्छे आप ए थमनै सिध्द अर स्थिर अर मजबूत करैगा। (aiōnios g166) 11 उरसे का साम्राज्य युगानुयुग रहवै। आमीन। (aiōn g165) 12 मन्ने या छोटी चिट्ठी लिखके सिलवानुस के हाथ थारे धोरै भेजी सै, जिस ताहीं मै मसीह म्ह विश्वास जोगगा भाई समझूँ सूँ, मेरे लिखण का यो मकसद सै के मै थारे ताहीं उत्साहित कर सकूँ, अर थारे ताहीं विश्वास दिला सकूँ, के जो थम अनुभव करण लागरे सों, वो असलियत म्ह परमेसवर की करुणा का हिस्सा सै, थम उस कृपा म्ह बणे रहों। 13 जो विश्वासी बेबीलोन नगर म्ह सै, उन ताहीं भी परमेसवर नै चुणया सै, जिस तरियां थारे ताहीं चुणया, उनका अर मरकुस जो मेरे बेटे की तरियां सै, उसका थारे ताहीं नमस्कार। 14 आप्पस म्ह एक-दुसरे ताहीं गळे मिलकै प्यार तै नमस्कार करो। थम सारया ताहीं, जो मसीह म्ह हो, थमनै शान्ति मिलदी रहवै।

## 2 पतरस

1 या चिट्ठी शमौन पतरस की ओड़ तै सै, जो यीशु मसीह का दास अर प्रेरित सै, उन माणसां के नाम सै, जिन नै म्हारै परमेसवर अर उद्धारकर्ता यीशु मसीह की धार्मिकता के जरिये म्हारी तरियां बेसकिमती बिश्वास पाया सै। 2 मै प्रार्थना करूँ सूँ, के परमेसवर थारे ताहीं ज्यादा तै ज्यादा अनुग्रह अर शान्ति दे, जिस तरियां थम परमेसवर के ज्ञान अर म्हारै प्रभु यीशु मसीह म्ह बढण लागरे सों। 3 परमेसवर जिसनै अपनी शक्ति के जरिये म्हारे ताहीं वो सब दिया सै, जो हमनै भगतिमय जिन्दगी जीण खात्तर चाहिए, यो इस खात्तर मुमकिन सै, क्यूँके हम परमेसवर नै जाना सां, अर उसनै अपनी महिमा अर सद्गुणा के मुताबिक अपने माणस होण खात्तर बुलाया सै। 4 अर उसकी महिमा अर भलाई के कारण उसनै म्हारै ताहीं बड़े महान अर कीमती वादे करे सै, ताके इनके जरिये थम इस दुनिया की बुरी लालसा तै बच जाओ, जिन ताहीं वे लोग करणा चाहवै सै, जो मसीह पै बिश्वास न्ही करदे, पर थम ईश्वरीय सुभाव के गैल-साइड़ी हो जाओ। 5 इस कारण थम सिर्फ मसीह पै बिश्वास करण आळे न्ही, पर हमेशा दुसरयां की भलाई करण म्ह लागू रहों, अर सिर्फ भलाई ए न्ही बल्के बुध्दिमानी तै बरताव करण आळे भी बणो। 6 थम सिर्फ बुध्दिमानी तै ए बरताव करण आळे न्ही बल्के अपने-आप पै काबू राखण आळे भी बणो, अर अपने-आप पै काबू राखण आळे ए न्ही बल्के दुखां नै धीरज तै सहण आळे भी बणो, अर दुखां नै धीरज तै सहण आळे ए न्ही बल्के भगति म्ह जिन्दगी बिताण आळे भी बणो। 7 ना सिर्फ थम परमेसवर नै भावण आळी जिन्दगी जिओ, बल्के बिश्वासियां तै भी अपने परिवार के माणस की तरियां प्यार करो, एक-दुसरे ताहीं अपने परिवार के माणस की तरियां प्यार करण आळे ए न्ही बल्के सब नै प्यार करण आळे भी बणो। 8 जै थारे म्ह ये गुण मौजूद सै अर जै थारे म्ह इनकी बढ़ोतरी होण लागरी सै तो इनके कारण थम म्हारे प्रभु यीशु मसीह के सम्पूर्ण ज्ञान म्ह ना तो निकम्मे अर ना बिना फल के होओगे। 9 जै कोए इन्सान इसी जिन्दगी न्ही बितान्दा, तो वो उस इन्सान की तरियां सै, जो सही तै न्ही देख पान्दा, अर वो आन्धा सै। वो भूल जावै सै के परमेसवर नै उसके पाप माफ कर दिये, जो उसनै मसीह पै बिश्वास करण तै पैहले करे सै। 10 इस कारण हे बिश्वासी भाईयो, आच्छा करण की कोशिश करदे रहों, ताके थम अपने-आपनै अर दुसरे माणसां नै दिखा सको, के परमेसवर नै थारे ताहीं चुण्या सै, अर बुलाया सै। जै थम इसाए करदे रहों, तो थम कदे भी परमेसवर तै अलग न्ही होओगे। 11 बल्के इस तरियां तै थम म्हारै प्रभु अर उद्धारकर्ता यीशु मसीह के अनन्त राज्य म्ह बड़े आदर के गैल बड़ण पाओगे। (aiōnios g166) 12 ज्यांतै हालाकि थम ये बात जाणो सो, अर जो सच्चा वचन थारे ताहीं मिल्या सै उस म्ह बणे रहो सो, तोभी मै थारे ताहीं ये बात याद

दुवाण खात्तर सारी हाण त्यार रहूँगा। 13 मै यो जाणु सूँ के जिब तक मै जिन्दा सूँ, यो सही सै, के मै उन बात्तां के बारे म्ह थारे तै बात करदा रहूँ, ताके थम इन बात्तां नै कदे भूल ना जाओ। 14 क्यूँके मै जाणु सूँ के मै तावळा मरण आळा सूँ, अर प्रभु यीशु मसीह नै मेरे ताहीं इस बारे म्ह बता दिया सै। 15 ज्यांतै मै इसी कोशिश करूँगा, के मेरे इस दुनिया तै जाये पाछे, थम इन सारी बात्तां नै सारी हाण याद कर सको। 16 क्यूँके जिब हमनै थारे ताहीं, अपने प्रभु यीशु मसीह की सामर्थ अर बोहड़ण की खबर दी थी, तो हमनै श्याणपत तै गद्दी होई कहाँनियां का सहारा कोनी लिया, बल्के हमनै आप ए उसके प्रताप ताहीं देखा था। 17 क्यूँके जिब उसनै परमेसवर पिता तै आदर अर महिमा पाई जो के प्रतापमय महिमा सै, हमनै उस ताहीं यो कहन्दे सुणा, “यो मेरा प्यारा बेटा सै, जिसतै मै राज्जी सूँ।” फेर हम उसके गेल्या पवित्र पहाड़ पै थे, अर सुर्ग तै योए बोल आन्दे सुण्या। 19 हम जाना सां के जो वचन नबियां नै मसीह के बारे म्ह लिख्या सै, वो सच सै, थम इन वचनां नै गौर तै सुणो, जिस तरियां अन्धकार म्ह दीवै का चाँदणा, माणसां नै राह दिखावै सै, उससे तरियां ये वचन भी सच्चाई नै जाणण म्ह थारी मदद करेगें, थम इन वचनां नै ध्यान तै सुणते रहो, जिब तक के यीशु मसीह बोहड़के ना आ जावै। उसका आणा एक नये दिन की सुबह की तरियां सै, जो उजाळा लेके आवै सै, अर वो सुबह के तारे की तरियां होगा। उस बखत उसका चाँदणा थारे मन म्ह चमकेगा, अर परमेसवर नै साफ तौर पै थारे पै जाहिर करेगा। 20 पर सबतै पैहले यो जाण ल्यो के पवित्र ग्रन्थ की कोए भी भविष्यवाणी, खुद नबियां का अपना विचार कोनी 21 क्यूँके कोए भी भविष्यवाणी माणस की मर्जा तै कदे न्ही होई, पर भगतजन पवित्र आत्मा के जरिये उभारे जाके परमेसवर की ओड़ तै बोल्लै थे।

2 जिस तरियां इसाएली माणसां म्ह झूठे नबी थे, उससे ढाळ थारे म्ह भी झूठे शिक्षक होंगे, वे थारे ताहीं चुपके तै झूठी शिक्षा सिखावेंगे, जिसकी बजह तै लोग मसीह पै बिश्वास न्ही करेगें, वे झूठे शिक्षक मसीह ताहीं अपना प्रभु न्ही मानेगें, जिसनै उन ताहीं मोल लिया सै, अर पाप की शक्ति तै आजाद करया सै, इस तरियां वे चाणचक अपने-आप ताहीं नाश कर लेवेंगे। 2 घणखरे जो कहवेंगे के हम बिश्वासी सां, वे उनकी ढाळ लुचपण के सुभाव नै अपनावेंगे, अर उनके कारण जो लोग बिश्वासी कोनी सच के राह की बुराई करेगें। 3 ये शिक्षक लालची होंगे, अर थारे तै धन पाण के खात्तर मनघडन्त कहाँनी सुणाके थारे ताहीं धोक्खा देवेंगे, परमेसवर नै भोत पैहले फैसला ले लिया था, के वो उन ताहीं दण्ड देवैगा, अर वो यो करण आळा सै, वो सच म्ह उन ताहीं नाश करण आळा सै। 4 क्यूँके जिब परमेसवर नै उन सुर्गदूतां ताहीं जिननै पाप करया था, उन ताहीं माफ न्ही करया, पर उन ताहीं नरक म्ह भेजके अँधेरे कुण्डां म्ह गेर दिया ताके न्याय के दिन ताहीं कैदी रहवै। (Tartarō g5020)

5 थम यो भी जाणो सों, के जो लोग भोत पैहले जिन्दा थे, उन म्ह परमेसवर का भय न्ही था, परमेसवर नै उनकी बुराईयाँ ताहीं नजरअंदाज कोनी करया, जो उननै करी थी, पर उन ताहीं बाढ़ के जरिये नाश कर दिया, उन म्ह तै परमेसवर नै आठ माणसां ताहीं बचाया जिस म्ह नूह भी था, जिसनै धार्मिकता का प्रचार करया। 6 थम यो भी जाणो सों, के जो लोग भोत पैहल्या सदोम अर अमोरा के नगर म्ह रहवै थे, परमेसवर नै उन ताहीं भी दण्ड दिया, क्यूँके उननै भोत बुरे काम करे थे, अर उन ताहीं आग म्ह भस्म करके राख बणा दिया। इसा करण के जरिये उसनै दिखा दिया, के उन माणसां का के होगा जो उसका कहणा न्ही मानते। 7 सदोम नगर का नाश करण तै पैहले उसनै, लूत जो के एक धर्मी माणस था, उस ताहीं उस नगर तै लिकाड़के उस ताहीं बचा लिया। लूत दुखी था क्यूँके सदोम नगर के लोग परमेसवर का कोए भी हुकम कोनी मान्ने थे, अर वे भोत बुरे काम करै थे। 8 वो उन बुरे माणसां के बीच म्ह रहवै था, अर हरेक दिन उनके बुरे काम्मां नै देखखै था जो वे करै थे, अर बुरी बातां नै सुणै था जो वे बोल्लै थे, अर ये सारी बात उस ताहीं दुखी करै थी, क्यूँके वो धर्मी माणस था। 9 वे सारी बात जो परमेसवर नै पुराणे बखत म्ह करी सै, वे ये दिखावै सै, के परमेसवर पवित्र माणसां नै मुसीबतां तै किस तरियां बचावै सै, अर न्याय होण के दिन तक बुरे माणसां नै लगातार दण्ड दिया जावै। 10 परमेसवर बुरे माणसां नै दण्ड देवैगा, खास करके उन झूठे शिक्षकां नै जो अशुद्ध अभिलाषायां कै पाच्छे देह कै मुताबिक चाल्दे, अर प्रभुता नै तुच्छ जाणै सै। वे ढीठ, अर जिद्दी सै, अर सुर्गीय चिज्जां के बारें म्ह आच्छा-भुंदा कहण तै न्ही डरदे। 11 तोभी सुर्गदूत जो झूठे शिक्षकां तै अर सामर्थ म्ह उनतै बड़े सै, प्रभु कै स्यामी जिब उन झूठे शिक्षकां पै दोष लगावै सै तो वे अपमानजनक बात कहके उनकी बुराई न्ही करदे। 12 पर ये झूठे शिक्षक जंगली-जानवरान की तरियां सै, ये जानवर न्ही जाणते के किस तरियां सोचणा सै, अर उनका मकसद पकड़े जाणा अर मरणा सै। ये लोग भी वोए काम करै सै जो इनके मन म्ह आवै सै, अर उन चिज्जां के बारें म्ह बुराई करै सै, जिसके बारें म्ह वे न्ही समझते, वे नाश हो जावैगै। 13 दुसरयां का बुरा करण कै बदले उन्हे का बुरा होवैगा। उननै दिन-दोफारी मह भोग-विलास करणा आच्छा लागै सै। ये थारे पै कलंक अर दोष सै, जिब वे थारे गेल्या प्रीति भोज म्ह शामिल होवै सै, तो अपणे छलावे का आनन्द ले सै। 14 वो हरेक जनानी नै देखके उसके साथ जारी करणा चाहवै सै, अर पाप करण का मौक्का टोहवै सै, ये उन माणसां ताहीं धोक्खा देवै सै जो परमेसवर पै पक्का बिश्वास कोनी राखदे, अर उन ताहीं पाप करण खात्तर उकसावै सै, उनकी सदा बढ़दी रहण आळी लालसा के कारण परमेसवर उन ताहीं दण्ड देवैगा। 15 उननै वो करणा छोड़ दिया सै, जो सही सै, अर उननै बओर के बेटे बिलाम की तरियां बुरे काम करणे शरु कर दिए, जो उसनै भोत पैहले करे थे, क्यूँके

उसनै बुरे काम्मां तै पईसा कमाणा चाह्वा। 16 पर परमेसवर नै बिलाम नबी की गधी के जरिये उस ताहीं डांटा-फटकारा जो बुरे काम वो करण जावै था, हालाकि गधी जो बोल न्ही सकै थी, उसनै बिलाम नबी तै इन्सान की वाणी म्ह बात करी, जिब वो राजा तै मिलण जाण लागरया था, तो गधी नै बिलाम नबी ताहीं उसके बावळेपण तै रोक्या। 17 ये झूठे शिक्षक उस बेकार पाणी के चोवे की तरियां सै जो सूख लिया सै, अर ये उस बाढ़क की तरियां भी सै जिस ताहीं बारिस तै पैहले हवा उड़ा ले जावै सै, परमेसवर नै उन खात्तर, अनन्त अन्धकार म्ह जगहां राक्खी सै। (questioned) 18 जिब वे माणसां नै सिखावै सै तो वो बेकार के अर घमण्डी शब्दां नै इस्तमाल करै सै, वे माणसां नै समझावै सै के वो बुरे काम कर सकै सै जो उनकी देह करणा चाहवै सै, अर उन माणसां तै भी दुबारा धोक्खें तै पाप करवाणा चाहवै सै, जो बुरी जिन्दगी तै बाळ-बाळ बचे सै। 19 ये झूठे शिक्षक माणसां ताहीं कहवै सै के थम सारे काम करण खात्तर आजाद सों, जो थम करणा चाहों सों, पर वो खुद गुलाम की तरियां सै, क्यूँके उनका पापी सुभाव उन ताहीं बुरे काम करवावै सै, थम हर उस चीज के गुलाम सों जो थमनै काब्बू करै सै। 20 माणस इस दुनिया की बुराईयाँ तै भाज्जै सै जिब वो मसीह यीशु नै अपना उद्धारकर्ता मान लेवै सै, पर वे फेर तै बुरे काम करण लागै सै, अर वे बुरी चीज उन ताहीं काब्बू म्ह राक्खै सै, इब उनकी दशा जो के मसीह नै छोड़ देण तै सै, वो पैहल्दी दशा तै भी भुंड़ी सै, जिब उननै मसीह पै बिश्वास करया था। 21 मेरे कहण का मतलब यो सै, के परमेसवर उन माणसां ताहीं घणा दण्ड देवैगा जो मसीह ताहीं छोड़ देवै सै, उन माणसां तै ज्यादा जो उस ताहीं कदे न्ही अपनादे, उन खात्तर यो ठीक होन्दा के वो कदे न्ही जाणते के धार्मिकता का जीवन किस तरियां जीणा सै, उन ताहीं बेरा सै के सही के सै, पर वो परमेसवर के हुकम नै कोनी मानते जो हम प्रेरितां नै उन ताहीं सिखावे सै। 22 उनपै ये दो कहावत सही बेट्टे सै, के कुत्ता अपना उलटी नै चाटै सै, अर नुहाई होई सुरी कीचड़ म्ह लोट्टण कै खात्तर फेर चली जावै सै।

**3** हे प्यारे बिश्वासी भाईयो, इब मै थारे ताहीं दुसरी चिट्ठी लिक्खूँ सूँ, अर मै दोन्नु चिट्ठियाँ म्ह थारे ताहीं कुछ चीज याद दुआ के थमनै सही ढंग तै सोच्वण खात्तर उत्साहित करण की कोशिश करण लागरया सूँ, जो थमनै पैहले तै सीख ली सै। 2 मै यो इस करके करण लागरया सूँ, क्यूँके मै थमनै उन नबियाँ के शब्द याद दुवाणा चाहूँ सूँ, जो उननै भोत पैहले कहे अर प्रभु यीशु मसीह जो म्हारा उद्धारकर्ता सै, उसकी शिक्षा जो थमनै उन प्रेरितां तै सीखी जो थारे धौरे आए थे। 3 यो जाण ल्यो के आखरी के दिनां म्ह मसीह के आण तै पैहल्या भोत-से इसे माणस होवैगे जो थारा मजाक उड़ावैगे, क्यूँके थम बिश्वास करो सों के मसीह बोहड़ के आवैगा, अर वे बुरे तै बुरा काम करैगें जो उन ताहीं खुश करै सै। 4 अर कहवैगें, “उसके आण का वादा कित्त गया? क्यूँके जिब तै उनके पूर्वज सो ग्ये सै, सारा किमे

उस्से तरियां ए सै जिस तरियां सृष्टि की शरुआत तै था?" 5 वो नाश करदे। 17 ज्यातै हे प्यारे बिश्वासी भाईयो, थम जाणो सों, इस करकै कहवैगें क्यूँके वो भूलणा चाहवै सै, के परमेसवर के वचन कै जरिये अकास पुराणे बखत तै विद्यमान सै। उसनै धरती ताहीं भी पाणी म्ह तै बनाया अर पाणी तै न्यारा करया। 6 यो उनके मजाक का ए नतिज्जा था, के बाद म्ह उसनै एक बड़ी बाढ़ के जरिये इस दुनिया ताहीं पाणी म्ह डूबो के नाश कर दिया। 7 पर परमेसवर नै इब के बखत का अकास अर धरती उस्से वचन कै जरिये ज्यातै राख राखे सै, के जळाए जावै, अर ये भगतिहीन माणसां के न्याय अर नाश होण कै दिन ताहीं इसेए धरे रहवैगें। 8 हे प्यारे बिश्वासी भाईयो, या बात थारे तै लुकही ना रहवै के प्रभु कै उरै एक दिन हजार साल कै बराबर सै, अर हजार साल एक दिन कै बराबर सै, उसके खातर दोन्नु एकके सै। 9 प्रभु अपणे वादे कै बारै म्ह वार न्ही करदा, जिसी देर कुछ माणस समझै सै, पर थारे बारै म्ह धीरज धरे सै, अर न्ही चाहन्दा के कोए नाश हो, बल्के यो, के सारया ताहीं मन पलटन का मौक्का मिलै। 10 पर मसीह जरूर बोहड़ के आवैगा, उस दिन अकास म्ह बड़ा गरजण होगा अर अकास गायब हो जावैगा, जो कुछ अकास म्ह सै जिस तरियां सूरज, चाँद अर तारे ये सब आग म्ह पूरी तरियां जळ जावैगें, उस दिन परमेसवर सब जाहिर करैगा, अर इस दुनिया म्ह होण लागरे सारे काम्मां का भी न्याय करैगा। 11 जिब के ये सारी चीज इस तरियां तै पिंघळ के खतम होण आळी सै, तो थारे ताहीं पवित्र चाल-चलण अर भगति म्ह किस ढाळ का माणस होणा चाहिये, 12 जिब थम उस दिन की बात देखो सों जिब परमेसवर इस दुनिया का न्याय करण आवैगा, तो उस दिन ताहीं तावळा ल्याण खातर पूरी कोशिश करो, उस दिन आग अकास ताहीं जळा कै भस्म कर देवैगी अर जो कुछ अकास म्ह सै उस ताहीं गर्मी पिंघळा देवैगी। 13 पर उसके वादे कै मुताबिक हम एक नये अकास अर नयी धरती की आस देख्खां सां, जिस म्ह परमेसवर की धार्मिकता वास करैगी। 14 जिब के थम इन बात्तां नै पूरा होण की बात देखो सों तो थम इसी जिन्दगी जिओ जो परमेसवर नै पसन्द सै यानी थम एक-दुसरे के साथ शान्ति तै उसके स्याम्ही बेदाग अर बेकसूर रहो। 15 यो जाण ल्यो के, क्यूँ म्हारा प्रभु धीरजवान सै? क्यूँके वो माणसां नै कुछ और बखत देणा चाहवै सै, ताके वो पाप करणा छोड़ दे, अर वो उन ताहीं बचा सकै, जिब म्हारा संगी बिश्वासी भाई पौलुस जिसतै हम प्यार करं सां, उसनै परमेसवर के ज्ञान के जरिये थारे ताहीं लिख्या सै, उसनै भी थारे ताहीं येए बात बताई सै, जो मन्ने थारे ताहीं बताई सै। 16 उस्से तरियां ए उसनै अपणी सारी चिट्टियाँ म्ह भी जो बिश्वासियाँ ताहीं लिखी सै इन बात्तां का जिक्र करया सै, जिन म्ह कुछ बात इसी सै जिनका समझणा ओक्खा सै, अर अनपढ़ अर चंचल माणस उनके मतलबां नै गलत तरिकके तै बतावै सै जिसा वो पवित्र ग्रन्थ की दुसरे वचनां का गलत मतलब लिकाड़ै सै, इसा करकै वो परमेसवर नै मजबूर करै ताके वो उन ताहीं

# 1 यूहन्ना

**1** हम उस जीवन देण आळे वचन कै बारें म्ह लिखण लागरे सां, जो शरु तै था, जिस ताहीं हमनै सुणया, अर जिस ताहीं हमनै अपणी आँखां तै देख्या, बल्के जिस ताहीं हमनै ध्यान तै देख्या अर हाथ्यां तै छुआ। **2** (यो जीवन दुनिया म्ह आया अर हमनै इस ताहीं देख्या, अर हम उसके गवाह सां, अर थमनै उस अनन्त जीवन की खबर देवां सां, जो पिता कै गैल था अर म्हारै पै जाहिर होया)। (aiōnios g166) **3** जो किमे हमनै यीशु मसीह के बारें म्ह देख्या अर सुणया सै उसकी खबर थमनै भी देवा सां, इस करके के थम भी म्हारै गैल संगति करो; अर म्हारी या संगति पिता अर उसके बेट्टे यीशु मसीह कै गैल सै। **4** अर ये बात हम इस करके लिखा सां ताके थम खुशी तै भर जाओ। **5** जो खबर हमनै यीशु मसीह तै सुणी अर थमनै सुणावां सां, वो या सै के परमेसवर चाँदणे के समान पवित्र सै, अर उस म्ह कुछ भी अन्धकार के समान कोए बुराई कोनी। **6** जै हम कहवां, के परमेसवर कै गैल म्हारी संगति सै पर फेर भी अन्धकार म्ह चाल्लां, तो हम झूठे सां अर सच की राह पै कोनी चाल्दे; **7** पर जिसा परमेसवर चाँदणे के समान सै, उसैए हम भी चान्दणा म्ह चाल्लां, तो एक-दुसरे तै संगति राक्खा सां, अर उसके बेट्टे यीशु मसीह का लहू हमनै सारे पाप तै शुद्ध करै सै। **8** जै हम कहवां के म्हारै म्ह कोए भी पाप कोनी, तो अपणे-आपनै धोक्खा देवा सां, अर म्हारै म्ह सच्चाई कोनी। **9** जै हम अपणे पाप नै परमेसवर के स्याम्ही मान ल्या, तो वो म्हारै पाप नै माफ करण म्ह भरोसेमन्द अर धर्मी सै, अर वो हमनै सारे अधर्म तै शुद्ध करै सै। **10** जै हम कहवां के हमनै पाप न्ही करया, तो परमेसवर नै झूठा बणावा सां, अर हम उसके वचन के मुताबिक जीवन कोनी जिन्दे।

**2** हे मेरै प्यारे बाळकों, मै ये बात थारे ताहीं इस करके लिखूँ सूँ, के थम पाप ना करो; अर जै कोए पाप करै, तो परमेसवर पिता कै थारे म्हारा एक मददगार सै, यीशु मसीह जो धर्मी सै, जो म्हारै पापां की माफी खात्तर पिता तै बिनती करै सै। **2** यीशु मसीह ए म्हारै पापां कै खात्तर प्रायश्चित्त बलि सै, अर सिर्फ म्हारे ए न्ही बल्के सारी दुनिया के माणसां के पापां खात्तर भी। **3** जै हम परमेसवर के हुकम का पालन करांगे, उरसे तै हमनै बेरा लाग्गैगा के हम उस ताहीं जाणगे सां। **4** जो कोए या कहवै सै, “मै उसनै जाण ग्या सूँ,” अर उसके हुकम नै न्ही मानता, यो वो माणस झूठा सै, उस म्ह सच कोन्या; **5** पर जो कोए परमेसवर कै वचन नै मान्ने सै, उस म्ह सचमुच परमेसवर का प्यार सिध्द होया सै, परमेसवर म्ह म्हारे बणे रहण का सबूत योए सै, इरसे तै हम जाणा सां के हम उस म्ह सां। **6** जो कोए या कहवै सै के मै मसीह यीशु म्ह बण्या रहूँ सूँ, तो उसके खात्तर जरूरी सै, के जिसा मसीह यीशु जिया उसाए वो भी जीवै। **7** हे प्यारे विश्वासी भाईयो, मै थमनै कोए नया हुकम न्ही, पर

वोए पुराणा हुकम लिखूँ सूँ, जो शरु तै था, यो वाए हुकम सै, जिस ताहीं थमनै मसीह म्ह विश्वास करते बखत सुणया था। **8** फेर भी मै थमनै नया हुकम लिखूँ सूँ, उस हुकम की सच्चाई मसीह म्ह थी, अर वाए थारे म्ह भी सै; क्यूँके अन्धकार मिटता जावै सै, अर सच का चान्दणा इब चमकण लाग्या सै। **9** जो कोए या कहवै सै, के मै चाँदणे म्ह रहूँ सूँ, पर अपणे विश्वासी भाई तै बेर राक्खे सै, तो वो इब ताहीं अन्धकार म्ह ए रहण लागरया सै। **10** जो कोए अपणे विश्वासी भाई तै प्यार करै सै, वो चान्दणा म्ह रहवै सै, अर उस म्ह इसा कुछ कोनी के दुसरयां नै पाप करवावै। **11** पर जो कोए अपणे विश्वासी भाई तै बेर राक्खे सै, वो अन्धकार म्ह रहवै सै अर अन्धेरे म्ह चाल्ले सै, अर न्ही जाण्दा के किन्त जावै सै, क्यूँके अन्धकार नै उसकी आँख आँधी कर दी सै। **12** हे बाळकों, मै थमनै इस करके लिखूँ सूँ के यीशु कै नाम तै थारे पाप माफ होए सै। **13** हे बुजुर्गों, मै थमनै इस करके लिखूँ सूँ के जो शरु तै सै, थम उसनै जाणो सों। हे गबरूओ, मै थमनै इस करके लिखूँ सूँ के थमनै उस शैतान पै जीत पाई सै। हे लड़को, मन्ने थारे ताहीं इस करके लिख्या सै के थम पिता परमेसवर नै जाणगे सों। **14** हे बुजुर्गों, मन्ने थारे ताहीं इस करके लिख्या सै, के जो शरु तै सै, थम पिता परमेसवर नै जाणगे सों। हे गबरूओं, मन्ने थारे ताहीं इस करके लिख्या सै, के थम ताकतवर बणो, अर परमेसवर का वचन थारे म्ह बणा रहवै सै, अर थमनै उस शैतान पै जीत पाई सै। **15** थम ना तो दुनिया तै अर ना दुनियावी चिज्जां तै प्यार राक्खो। जै कोए दुनिया तै प्यार राक्खे सै, तो उस म्ह पिता परमेसवर का प्यार कोन्या। **16** क्यूँके जो किमे दुनिया म्ह सै, यानी देह की अभिलाषा, आँखां की अभिलाषा अर रोजी रोटी का घमण्ड, वो पिता परमेसवर की ओड़ तै कोनी पर दुनिया की ए ओड़ तै सै। **17** दुनिया अर उसकी अभिलाषा दोनु मिटते ज्या सै, पर जो परमेसवर की मर्जी पै चाल्ले सै वो सदा बण्या रहवैगा। (aiōn g165) **18** हे बाळकों, यो मसीह के आण का आखरी बखत सै; अर जिसा थमनै सुणया सै, के मसीह का बिरोधी भी आण आळा सै, उसके मुताबिक इब भी घणेए मसीह बिरोधी उठ खड़े होए सै; इसतै हम जाणगे सां, के यो आखरी बखत सै। **19** मसीह बिरोधी लिकड़ै तो म्हारी कलीसिया म्ह ए तै सै, पर वे म्हारै थे ए कोनी; जै वे म्हारै होन्दे, तो हमनै छोड़ के ना जान्दे; उनका म्हारै ताहीं छोड़ के जाणा ए यो साबित करे सै, के उन म्ह तै कोए भी म्हारा कोनी था। **20** पर थारे ताहीं तो पवित्र आत्मा मसीह के जरिये मिला सै, इस करके थम सारी सच्चाई नै जाणो सों। **21** मन्ने थारे ताहीं इस करके न्ही लिख्या, के थम सच्चाई नै न्ही जाणदे, पर इस करके कै थम उस ताहीं जाणो सों, क्यूँके कोए भी झूठ, सच की ओड़ तै कोनी लिकड़ता। **22** झूठा कोण सै? सिर्फ वो जो यीशु नै मसीह होण तै नाटे सै; अर मसीह का बिरोधी वोए सै, जो पिता परमेसवर का अर बेट्टे का इन्कार करै सै। **23** जो कोए बेट्टे नै (मानण) तै नाटे सै उसकै

धोरे पिता परमेसवर भी कोनी जो बेटे नै मान ले सै, उसकै धोरे पिता परमेसवर भी सै। 24 जो संदेश थमनै शरु तै सुण्या सै, जिब थमनै मसीह पै बिश्वास करया, जै वो थारे म्ह बण्या रहवै, तो थम भी बेटे म्ह अर पिता परमेसवर म्ह बणै रहोगे। 25 परमेसवर नै म्हारे तै वादा करया सै, के वो हमनै अनन्त जीवन देवेगा। (aiōnios g166) 26 मै थारे ताहीं उन माणसां के बारें म्ह चेतावनी देऊ सूं, जो थमनै झूठी शिक्षा तै भरमावै सै; 27 अर थारे म्ह पवित्र आत्मा जो मसीह की ओड़ तै मिला सै, वो थारे म्ह रहवै सै; इस करके जो जरूरी कोनी, के कोए थमनै उस सच्चाई के बारें म्ह सिखावै, बल्के पवित्र आत्मा थारे ताहीं उन बातां की सारी सच्चाई बतावै सै, अर पवित्र आत्मा जो थारे ताहीं सिखावैगा, वो बिल्कुल सच सै, अर थारे तै झूठ कोनी बोल्लैगा, इस करके मसीह म्ह बणे रहौ, जिसा थारे ताहीं पवित्र आत्मा नै सिखाया सै। 28 हे बाळकों, मसीह म्ह बणे रहौ, के जिब वो दुबारा आवैगा, तो म्हारी हिम्मत बणी रहवै, ताके मसीह के आण पै उसकै स्याम्ही शर्मिन्दा ना होआ। 29 जै थम जाणो सों, के मसीह धर्मा सै, अर जो कोए धर्म का काम करै सै, वो परमेसवर की ऊलाद सै।

**3** सोच्चों तो सही के पिता परमेसवर नै म्हारे तै किसा प्यार करया, के हम पिता परमेसवर की ऊलाद कुहवाए; अर हम सां भी। पर इस कारण दुनिया के माणस हमनै कोनी जाणते, के हम परमेसवर की ऊलाद सां, क्यूँके वे पिता परमेसवर नै भी कोनी जाणते। 2 हे मेरे प्यारे बिश्वासी भाईयो, इब हम परमेसवर की ऊलाद सां अर इब ताहीं यो तय न्ही होया, के आण आळे बखत म्ह हम के बणागें! इतणा जाणा सां के जिब यीशु मसीह आवैगा तो हम उसकै समान होवांगे, क्यूँके हम मसीह नै उसेए दिक्खांगें जिसा वो सै। 3 अर जो कोए मसीह पै या आस राक्खै सै, वो अपणे-आपनै उसाए पवित्र करै सै, जिसा वो पवित्र सै। 4 जो कोए बार-बार पाप करै सै, वो नियम-कायदा का बिरोध करै सै। अर हुकम ना मानना ए पाप सै। 5 थम जाणो सों के मसीह इस खात्तर आया, ताके पाप नै दूर करै; अर उसके म्ह कोए भी पाप कोनी। 6 जो कोए उस म्ह बण्या रहै सै, वो बार-बार पाप न्ही करदा: जो कोए बार-बार पाप करै सै, वे कोनी जाणते के मसीह कौण सै, अर ना ए उसके गैल कोए उनका रिश्ता सै। 7 हे बाळकों, किसे के बहकावै म्ह ना आइयो। जो धर्म के काम करै सै, वोए मसीह के समान धर्मा सै। 8 जो कोए पाप करदा रहवै सै, वो शैतान की ओड़ तै सै, क्यूँके शैतान शरु तै ए पाप करदा आया सै। परमेसवर का बेटा इस खात्तर आया के शैतान के काम्मां का नाश करै। 9 जो परमेसवर की ऊलाद सै, वो बार-बार पाप न्ही करदा; क्यूँके मसीह का सुभाव उस म्ह बण्या रहवै सै, अर वो पाप कर ए न्ही सकता, क्यूँके वो परमेसवर की ऊलाद सै। 10 परमेसवर की अर शैतान की ऊलाद की पिच्छाण इस्से तै हो ज्या सै: कोए भी माणस, जिसका जीवन धार्मिकता का कोनी, वो परमेसवर की ओड़ तै

कोनी, अर ना ए वो, जिसनै अपणे भाई तै प्यार न्ही करया। 11 जो खबर थमनै शरु तै सुणी, वो या सै के हम एक-दुसरे तै प्यार करां; 12 अर आदम के बेटे कैन की ढाळ ना बणो, जो उस शैतान की ओड़ तै था, अर जिसनै अपणे भाई ताहीं मार दिया। अर उस ताहीं क्यूँ मारया? क्यूँके उसके खुद के काम बुरे थे, अर उसके भाई के काम धर्म के थे। 13 हे बिश्वासी भाईयो, जै दुनिया के माणस थारे तै बैर करै सै तो अचम्भा ना करो। 14 हम जाणा सां, के हम मौत के मुँह तै लिक्ड़के जीवन म्ह दाखल होवा सां; क्यूँके हम बिश्वासी भाईयाँ तै प्यार राक्खा सां। जो प्यार न्ही राखदा वो मृत्यु के सिकन्जे म्ह रहवै सै। 15 जो कोए अपणे बिश्वासी भाई तै बैर राक्खै सै, वो हत्यारा सै; अर थम जाणो सों के हत्यारे म्ह अनन्त जीवन न्ही रहन्दा। (aiōnios g166) 16 प्यार के सै? इस्से तै हमनै जाण लिया के यीशु मसीह नै म्हारे खात्तर अपणी जान दे दी; इस करके हमनै भी अपणे बिश्वासी भाईयाँ के खात्तर जान देणी चाहिए। 17 पर जिस किसे के धोरे दुनिया की दौलत हो अर वो अपणे बिश्वासी भाई नै कंगाल देखके उसपै तरस ना खावै, तो उस म्ह परमेसवर का प्यार किस तरियां बण्या रहै सके सै? 18 हे प्यारे बाळकों, म्हारे बोल्लण तै ए न्ही, पर काम अर सच्चाई म्ह भी म्हारा प्यार दिखणा चाहिए। 19 जिब हम दुसरयां तै प्यार करां सां, तो हम जाण लेवां सां, के हम सच के सां; अर जिस बात म्ह म्हारा मन हमनै दोष देवै सै, उसके बारे म्ह हम परमेसवर के आगै अपणे-अपणे मन नै होसला दे सकां सां; 20 जै बुरे काम की बजह तै म्हारा मन हमनै दोषी बणावै तोभी हम परमेसवर के स्याम्ही जा सकां सां, क्यूँके परमेसवर म्हारे मन तै बड़ा अर सब कुछ जाणणा आळा सै। 21 हे प्यारे बिश्वासी भाईयो, जै म्हारा मन हमनै दोष ना दे, तो हमनै परमेसवर के आगै जाण म्ह होसला मिलै सै। 22 अर जो कुछ हम परमेसवर तै माँग्या सां, वो हमनै उसतै मिलै सै, क्यूँके हम उसके हुकम नै मान्ना सां अर जो उसनै आच्छा लाग्गै सै, वोए हम करा सां। 23 उसका हुकम यो सै के हम उसके बेटे यीशु मसीह पै बिश्वास करा, अर जिसा उसनै म्हारे ताहीं हुकम दिया सै उससे के मुताबिक हम आप्पस म्ह प्यार करां। 24 जो परमेसवर के हुकम नै मान्ना सै, वो परमेसवर म्ह वास करे सै, अर वो उन म्ह वास करे सै: अर इस्से तै, हम जाणा सां, के वो म्हारे म्ह रहवै सै उस पवित्र आत्मा के जरिये जो उसनै म्हारे ताहीं दिया सै।

**4** हे प्यारे बिश्वासी भाईयो, हरेक आत्मा का बिश्वास ना करो, बल्के आत्मायाँ नै परखो के वो परमेसवर की ओड़ तै सै के न्ही; क्यूँके घणखरे झूठे नबी दुनिया म्ह उठ खड़े होए सै। 2 परमेसवर की आत्मा थम इस रीति तै पिच्छाण सको सों: जो आत्मा मान ले सै के यीशु मसीह देह धारण करके आया सै, वो परमेसवर की ओड़ तै सै। 3 अर जो आत्मा यीशु नै न्ही मानती, वो परमेसवर की ओड़ तै न्ही सै; अर वोए तो मसीह के बिरोधी की आत्मा सै, जिसका जिक्क थमनै सुण्या सै के वो आण आळा

सै, अर इब भी दुनिया म्ह सै। 4 हे प्यारे बाळकों, थम परमेसवर के लोग सों, अर थमनै झूठे नबियाँ पै जीत पाई सै; क्यूँके पवित्र आत्मा जो थारे म्ह बसै सै, वो शैतान तै बडुडा सै, जो इस दुनिया म्ह सै। 5 झूठे नबी दुनिया के लोग सै, इस कारण वे दुनिया की बात बोल्ले सै, अर लोग उनकी सुणै सै। 6 हम परमेसवर के लोग सां। जो परमेसवर नै जाणै सै, वो म्हारी सुणै सै; जो परमेसवर नै न्ही जाणता वो म्हारी न्ही सुणदा। इस ढाळ हम सच की आत्मा अर भ्रम की आत्मा नै पिच्छाण लेवां सां। 7 हे प्यारे बिश्वासी भाईयो, हम आप्स म्ह प्यार करां; क्यूँके प्यार परमेसवर की ओड़ तै सै, जो कोए प्यार करै सै, वो परमेसवर की उलाद सै, अर वो परमेसवर नै जाणै सै। 8 जो दुसरयां तै प्यार न्ही करते, वो परमेसवर नै न्ही जाणदा, क्यूँके परमेसवर प्यार सै। 9 जो प्यार परमेसवर म्हारै तै करै सै, वो इसतै जाहिर होया के परमेसवर नै अपणे इकलौते बेट्टे ताहीं दुनिया म्ह भेज्जा सै, ताके हम उसके जरिये सच्चे जीवन नै पावां। 10 प्यार वो न्ही जो हमनै परमेसवर तै करया सै, बल्के प्यार वो सै जो उसनै म्हारै तै करया, के म्हारे पापां के प्रायश्चित्त के खात्तर अपणे बेट्टे ताहीं भेज्जा। 11 हे प्यारे बिश्वासी भाईयो, जिब परमेसवर नै म्हारै ताहीं इसा प्यार करया, तो हमनै भी आप्स म्ह प्यार करणा चाहिए। 12 परमेसवर ताहीं भी किसे नै न्ही देख्या; जै हम आप्स म्ह प्यार करां, तो परमेसवर म्हारै म्ह बसा रहवै सै अर उसका प्यार म्हारै म्ह सिध्द होगया। 13 इससे तै हम जाणा सां के हम उस म्ह बणे रह्हा सां, अर वो म्हारै म्ह; क्यूँके उसनै अपणे पवित्र आत्मा म्ह तै म्हारै ताहीं दिया सै। 14 हमनै देख भी लिया अर गवाही देवा सां के पिता परमेसवर नै बेट्टे ताहीं दुनिया का उद्धारकर्ता बणाके भेज्जा सै। 15 जो कोए या मान ले सै के यीशु परमेसवर का बेट्टा सै, परमेसवर उस माणस म्ह वास करै सै, अर वो परमेसवर म्ह। 16 हम जाणगे सां, अर हमनै बिश्वास सै के परमेसवर म्हारै तै प्यार करै सै। परमेसवर प्यार सै, अर जो प्यार म्ह बण्या रहवै सै, वो परमेसवर म्ह वास करै सै, अर परमेसवर उस म्ह वास करै सै। 17 इससे तै प्यार म्हारै म्ह सिध्द होया, के न्याय के दिन हमनै यो होसला मिलै, के परमेसवर हमनै दण्ड न्ही देगा। जिसा मसीह दुनिया म्ह रहन्दे होए परमेसवर म्ह वास करै था, उसाए हम भी परमेसवर म्ह वास करां सां। 18 प्यार म्ह डर न्ही होंदा, बल्के सिध्द प्यार डर नै दूर करदे सै; क्यूँके डर का सम्बन्ध दण्ड तै होवै सै, अर जो डरै सै वो प्यार म्ह सिध्द न्ही होया। 19 हम इस करके प्यार करा सां, के पैहले उसनै म्हारै तै प्यार करया। 20 जै कोए कहवै, “मै परमेसवर तै प्यार करहूँ सुं,” पर अपणे बिश्वासी भाई तै बैर राक्खै तो वो झूठा सै; क्यूँके जो अपणे बिश्वासी भाई तै जिस ताहीं उसनै देख्या सै प्यार न्ही कर सकता, तो वो परमेसवर तै भी जिस ताहीं उसनै न्ही देख्या प्यार न्ही कर सकता। 21 परमेसवर तै हमनै यो हुकम मिल्या सै, के जो कोए परमेसवर तै प्यार राक्खै सै वो अपणे भाई तै भी प्यार राक्खै।

5 जिसका यो बिश्वास सै, के यीशु ही मसीह सै, वो परमेसवर पिता की उलाद सै; अर जो कोए परमेसवर तै प्यार करै सै, वो उसके माणसां तै भी प्यार करैगा। 2 जिब हम परमेसवर तै प्यार करां सां अर उसके हुकम नै मान्ना सां, तो इससे तै हम जाणा सां, के हम परमेसवर अर उसके माणसां तै प्यार करां सां। 3 परमेसवर तै प्यार करण का मतलब यो सै के हम उसके हुकमां नै मान्ने; अर उसके हुकम मुश्किल कोन्या। 4 क्यूँके जो परमेसवर पिता की उलाद सै, उसनै दुनिया पै जीत हासिल करी सै; अर वा जीत दुनिया ताहीं हरा देवै सै, वो म्हारा बिश्वास ए सै। 5 दुनिया पै जीत पावैण आळा कौण सै? सिर्फ वो जिसका यो बिश्वास सै के यीशु ए परमेसवर का बेट्टा सै। 6 मसीह यीशु ए सै, जिसनै बपतिस्मा लिया अर म्हारै खात्तर सूळी पै अपणा लहू भी बहाया। 7 गवाही देण आळे तीन सै। 8 आत्मा, पाणी अर लहू; ये तीन्नु एके बात पै सहमत सै। 9 जिब हम माणसां की गवाही मान ल्यां सां, तो परमेसवर की गवाही तो उसतै बढकै सै; अर परमेसवर की गवाही या सै के उसनै अपणे बेट्टे कै बारें म्ह गवाही दी सै। 10 जो परमेसवर कै बेट्टे पै बिश्वास करै सै, वो अपणे मन म्ह ए बिश्वास राक्खै सै। जिसनै परमेसवर पै बिश्वास न्ही करया उसनै परमेसवर ताहीं झूठा बताया, क्यूँके उसनै उस गवाही पै बिश्वास न्ही करया जो परमेसवर नै अपणे बेट्टे कै बारें म्ह दी सै। 11 अर वा गवाही या सै के परमेसवर के बेट्टे के जरिये हमनै अनन्त जीवन पाया सै, अर यो जीवन उसके बेट्टे म्ह सै। (aiōnios g166) 12 उसके बेट्टे तै म्हारा गहरा रिश्ता सै, उसके धोरे अनन्त जीवन सै; अर जिसका परमेसवर के बेट्टे तै रिश्ता कोनी, उसके धोरे अनन्त जीवन भी कोनी। 13 मै या चिट्ठी थारे ताहीं लिखूँ सुं, जो परमेसवर के बेट्टे के नाम पै बिश्वास करो सों, ताके थम जाणो के अनन्त जीवन थारा सै। (aiōnios g166) 14 हमनै परमेसवर कै स्याम्ही यो होसला मिलै सै, वो होसला यो सै, के जो हम उसकी इच्छा के मुताबिक माँग्या सां, तो वो म्हारी सुणै सै। 15 जिब हम जाणा सां, के जो कुछ परमेसवर तै माँग्या सै, वो म्हारी सुणै सै, तो यो भी जाणा सां, के जो कुछ हमनै परमेसवर तै माँग्या, वो पाया सै। 16 जै कोए अपणे बिश्वासी भाई नै इसा पाप करते देख्खै, जिसका नतिज्जा मौत ना हो, तो बिनती करै, अर परमेसवर उस ताहीं उन खात्तर, जिन नै इसा पाप करया सै, जिसका कारण मौत ना हो, जीवन देगा। जिस पाप का नतिज्जा मृत्यु सै; मै इसके बारें म्ह बिनती करण खात्तर न्ही कहन्दा 17 सारी ढाळ के बुरे काम तो पाप सै, पर इसा पाप भी सै जिसका नतिज्जा मृत्यु कोनी। 18 हम जाणा सां, के जो कोए परमेसवर उलाद सै, वो बार-बार पाप न्ही करते; क्यूँके परमेसवर का बेट्टा यीशु मसीह उसनै पाप तै बचाई राक्खैगा, अर शैतान उसनै छू भी न्ही पांदा। 19 हम जाणा सां, के हम परमेसवर तै सां, अर सारी दुनिया उस शैतान के बस म्ह पड़ी सै। 20 हम यो भी जाणा सां, के परमेसवर का बेट्टा यीशु मसीह आ ग्या सै, उसनै

म्हारे ताहीं उस सच्चे परमेसवर नै पिच्छाणण की समझ दी सै;  
के म्हारा परमेसवर का करीबी रिश्ता सै, क्यूँके म्हारा उसके बेटे  
कै गेल्या करीबी रिश्ता सै। सच्चा परमेसवर अर अनन्त जीवन  
योए सै। (aiōnios g166) 21 हे बाळकों हरेक उस चीज तै दूर रहों  
जो थमनै परमेसवर तै दूर करै सै।

## 2 यूहन्ना

1 या चिट्ठी मुझ यूहन्ना की ओड़ तै सै, जो कलीसिया का अगुवां सै, मै उस परमेसवर के जरिये चुणी गई बिरबान्नी अर उसके बाळकां के नाम या चिट्ठी लिखण लागरया सूं, जिनतै मै सच्चा प्यार करूँ सूं, अर सिर्फ मै ए न्ही बल्के वे सारे भी प्यार करै सै, जो सच्चाई नै जाणै सै। 2 हम थारे तै प्यार करा सां, क्यूँके सच्ची शिक्षा म्हारे म्ह रहवै सै, अर म्हारे साथ सदा रहवैगी। (aiōn g165) 3 परमेसवर पिता, अर उसके बेटे यीशु मसीह की ओड़ तै अनुग्रह, दया, शान्ति, ये सब उनकै साथ रहवैगी, जो इस सच्चाई नै मान्ने सै, अर एक-दुसरे तै प्यार करै सै। 4 मै घणा राज्जी होया के मन्ने तेरे कई बाळकां ताहीं उस हुकम के मुताबिक, जो म्हारै पिता की ओड़ तै मिल्या था, सच पै चाल्दे होए पाया। 5 इब हे नारी, मै तेरे तै बिनती करूँ सूं, के हमनै एक-दुसरे तै प्यार करणा चाहिए, यो कोए नया हुकम कोनी, बल्के यो वो हुकम सै जिसनै हम उस बखत तै जाणा सां, जिब हमनै मसीह कै पाच्छै चालणा शरु करया था। 6 अर सच्चा प्यार यो सै, के हम परमेसवर के हुकमां के मुताबिक चाल्लां, जिस दिन तै थमनै मसीह कै पाच्छै चालणा शरु करया था, उस दिन तै थम जाणो सां, के परमेसवर नै म्हारे ताहीं हुकम दिया सै, के हम सदा एक-दुसरे तै प्यार करा। 7 मै ज्यांतै कहुँ सूं, क्यूँके भोत-से लोग झूठी शिक्षा तै दुसरयां नै धोक्खा देण आळे, इस दुनिया म्ह अलग-अलग जगहां तै लिकड़ आए सै, वे कहवै सै, के मसीह इस दुनिया म्ह इन्सान का रूप धारण करके न्ही आया, जै कोए माणस ये बात कहवै सै तो वो माणस यीशु मसीह का बिरोधी सै, वो दुसरयां ताहीं भरमाण आळा सै। 8 थमनै चौक्कस रहणा चाहिए, के ये लोग थमनै धोक्खा न्ही देण पावै, ताके परमेसवर की सेवा करण म्ह जो मेहनत थमनै करी सै, वा बेकार ना जावै, पर परमेसवर थारी उस मेहनत का थमनै ईनाम देवैगा। 9 जै कोए माणस, मसीह नै जो शिक्षाएँ दी सै उसका पालन न्ही करदा, अर अपणी ओड़ तै उन शिक्षा म्ह कुछ और जोडै सै, तो उसकी परमेसवर कै गैल साझेदारी कोनी, पर जो कोए उसकी दी गई शिक्षा का पालन करदा रह सै, उसकी पिता परमेसवर अर उसके बेटे यीशु मसीह कै गैल साझेदारी सै। 10 जै कोए थारे धोरे आवे अर वा शिक्षा दे जो मसीह की शिक्षा तै न्यारी सै, तो उस ताहीं थम ना तो घर म्ह आण द्यो अर ना नमस्कार करो। 11 क्यूँके जो कोए इसे माणस नै नमस्कार करै सै, वो उसके भुन्डे काम्मां म्ह साइझी होवै सै। 12 मन्ने घणीए बात थारे ताहीं बताणी सै, पर मै उन बातां नै इस चिट्ठी म्ह लिखणा कोनी चाहन्दा, अर उम्मीद सै के मै थारे धोरे आऊँगा, अर आम्ही-स्याम्ही थारे तै बात करूँगा, अर फेर हम आच्छी ढाळ खुशी मनावोंगे। 13 परमेसवर के जरिये चुणी गई बेब्बे के बाळकां का, थारे ताहीं नमस्कार।

# 3 यूहन्ना

करागें। मै प्रार्थना करूँ सूँ, के परमेसवर थमने शान्ति देवै। ओड़ै के मित्तरां तै नाम ले-लेकै म्हारी ओड़ तै नमस्कार कह दिये।

**1** या चिट्ठी मुझ यूहन्ना की ओड़ तै, जो कलीसिया का अगुवां सै, प्यारे मित्तर गयुस कै नाम सै, जिसतै मै सच्चा प्यार करूँ सूँ। **2** हे प्यारे मित्तर, मेरी या प्रार्थना सै, के जिसा तू आत्मिक बढ़ोतरी करण लाग रह्या सै, उस्से तरियां तू सारी बाततां म्ह बढ़ोतरी करै अर भला चंगा रहवै। **3** क्यूँके जिब कुछ बिश्वासी भाईयाँ नै आणकै मेरे ताहीं बताया के तू ईमानदारी तै परमेसवर की सच्ची राह पै चाल्लण लागरया सै, तो मै भोत-ए राज्जी होया। **4** मन्ने इसतै बढ़कै किसे और बात की खुशी कोनी के जिब मै सुणु सूँ, के वे लोग जो मेरे बाळकां की तरियां सै, वे परमेसवर की सच्ची राह पै चाल्लण लागरे सै। **5** हे प्यारे मित्तर, तू म्हारे बिश्वासी भाईयाँ की मदद के खात्तर ईमानदारी तै भोत कुछ करण लागरया सै, तन्नै उनकी भी मदद करी जिन ताहीं तू न्ही जाणदा। **6** जिनकी तन्नै मदद करी थी, उन म्ह तै कई माणसां नै, उरै की कलीसिया के बिश्वासी भाईयाँ ताहीं बताया, के तू अपणे बिश्वासी भाईयाँ तै कितना प्यार करै सै, इब मै थमनै करूँ सूँ के तू इसे माणसां की हमेशा मदद करदा रहे, जिब वे दुसरी जगहां सफर खात्तर जावै सै, क्यूँके योए परमेसवर नै आच्छा लागै सै। **7** क्यूँके ये लोग हरेक जगहां सफर करै सै, ताके मसीह का वचन सुणा सकै, अर गैर यहूदियाँ तै कुछ मदद न्ही लेंदे। **8** इस करकै हमनै अपणे घर म्ह, इसे माणसां का स्वागत करकै उनकी सेवा-पाणी करणी चाहिए, अर उनकी हरेक जरूरत पूरी करणी चाहिए, ताके हम माणसां म्ह सच्चा सन्देश फैलाण म्ह उनके साइडीदार हो सका। **9** मन्ने पैहले थारी कलीसिया के बिश्वासियाँ ताहीं एक चिट्ठी लिखी थी, पर दियुत्रिफेस नै मेरी हिदायत मानण तै इन्कार कर दिया क्यूँके वो खुद हमेशा कलीसिया का अगुवां बणणा चाहवै था। **10** इस करकै जिब मै आऊँगा तो, थारे स्याम्ही उसके जरिये करे गये सारी बाततां नै स्पष्ट कर देऊँगा, यानी सारे बुरे-बुरे शब्दां का इस्तमाल करदे होए जो उसनै म्हारे पै दोष लगाए, इतणाए न्ही बल्के वो ना ए तो किसे शिक्षक ताहीं स्वीकार करै सै, अर ना ए कलीसिया के किसे बिश्वासी ताहीं इसा करण देवै सै, जो स्वीकार करणा चाहवै सै, उन ताहीं वो कलीसिया तै बाहर कर देवै सै। **11** हे प्यारे मित्तर, बुराई करण आळे न्ही, पर भलाई करण आळे बणो। जो भलाई करै सै, वो परमेसवर की ओड़ तै सै, पर जो बुराई करै सै, वो परमेसवर ताहीं कोनी जाणदा। **12** कलीसिया म्ह हर कोए कहवै सै, के देमेत्रियुस एक आच्छा माणस सै, क्यूँके उसका बरताव परमेसवर के सच्चे सन्देश के मुताबिक सै, अर तू भी जाणै सै के जो हम कहवा सां वो सच सै। **13** मन्ने तेरे ताहीं भोत कुछ बताणा तो था, पर मै उन बाततां नै इस चिट्ठी म्ह लिखणा कोनी चाहन्दा। **14** पर मन्ने उम्मीद सै, के तेरे तै तावळा-ए मिलूँगा, फेर हम आम्ही-स्याम्ही बात

# यहूदा

1 या चिट्ठी मुझ यहूदा की ओड़ तै सै, मै, मसीह यीशु का दास अर याकूब का छोटा भाई सूं। मै या चिट्ठी उन माणसां ताहीं लिखण लागरया सूं, जिन ताहीं परमेसवर नै अपणे पै बिश्वास करण खात्तर बुलाया सै। पिता परमेसवर थारे तै प्यार करै सै, अर मसीह यीशु म्ह थारे ताहीं सुरक्षित राक्खै सै। 2 मै प्रार्थना करूं सूं, के परमेसवर थारे ताहीं दया, शान्ति अर प्यार भोत-ए घणा देवै। 3 हे प्यारे बिश्वासी भाईयो, जिब मै उस नई जिन्दगी के बारे म्ह लिखण म्ह घणी मेहनत करण लागरया था, जो म्हारे ताहीं मसीह यीशु के जरिये परमेसवर तै मिले सै, अर जिस म्ह हम सब साझीदार सां। तो मन्ने महसूस होया के मै इस चिट्ठी के जरिये थमनै उत्साहित करूं, ताके थम अपणे बिश्वास की बढ़ोतरी खात्तर और भी मेहनत करो, परमेसवर नै यो बिश्वास सारे माणसां ताहीं सदा खात्तर एके बार दे दिया सै, अर यो बदल्या न्ही जा सकदा। 4 क्यूँके परमेसवर का कहणा ना मानण आळे भोत-सं झट्टी शिक्षा देण आळे लोग चुपचाप म्हारे बिना जाणे म्हारे म्ह आ मिले सै, ये वो लोग सै जिनके बारे म्ह परमेसवर नै सदियाँ पैहले पवित्र ग्रन्थ म्ह कह्ला था, के उन ताहीं परमेसवर दण्ड देवैगा। वे परमेसवर के अनुग्रह के सन्देस नै बिगाड़ के उस ताहीं भोग-विलास म्ह बदल देवै सै। यीशु मसीह जो म्हारा एकमात्र मालिक अर प्रभु सै, वे उसका इन्कार करै सै। 5 हालाकि थमनै सारी बातां का बेरा सै, फेर भी मै थमनै वे बात याद दुवाणा चाहूं सूं, जिब प्रभु नै इस्राएली माणसां ताहीं मिस्र देश की गुलामी तै छुड़ाया था, तो उसकै बाद उन म्ह बिश्वास ना करणीया का प्रभु नै जंगल-बियाबान म्ह नाश कर दिया। 6 यो भी याद राक्खों के परमेसवर नै उन सुगंदूतां ताहीं भी दण्ड दिया, जिननै अपणी प्रभुता बणाए न्ही राक्खी, बल्के अपणी खुद की रहण की जगहां जो के सुगंध थी छोड़ दी, परमेसवर नै उन ताहीं भी भीषण दिन के न्याय खात्तर अन्धेरै म्ह, जो सदा काल के खात्तर सै, बेल्लां तै बाँधके राख्या सै, जिन ताहीं कोए तोड़ न्ही सकदा। (aidios g126) 7 उरसे तरियां उन माणसां के बारे म्ह जो सदोम अर अमोरा नगर अर उसकै लोवै-धोवै के नगर के माणसां कै गैल के बणी थी। वे माणस जा र होगे थे, अर अप्राकृतिक यौन-सम्बन्धां के पाच्छे लागे थे, तो परमेसवर नै उन ताहीं आग तै भस्म कर दिया, जो उनके गैल होया वा दुसरयां खात्तर चेतावनी सै, क्यूँके वे भी अनन्त आग के जरिये दण्ड पावेंगे। (aiōnios g166) 8 इन बातां के बारे म्ह बेरा होन्दे होए, परमेसवर का कहणा ना मानण आळे लोग इरसे तरियां तै पाप करै सै, उनका कहणा सै, के वे दर्शन देखे सै, वे अपणी-अपणी देह नै अशुद्ध करे सै, अर वे परमेसवर की प्रभुता नै अस्वीकार करे सै, अर सुगंदूतां की बुराई करै सै। 9 पर परमेसवर के प्रधान सुगंदूत मीकाईल नै, जिब शैतान तै मूसा नबी की लाश के बारे म्ह वाद-विवाद करया,

तो मीकाईल सुगंदूत नै भी उसते आच्छा-भुंडा कहके खोट लाग की हिम्मत कोनी करी, पर सिर्फ इतनाए कह्ला, के “प्रभु तन्ने फटकारै।” 10 पर परमेसवर का कहणा ना मानण आळे ये लोग उन बातां की आलोचना बुरे शब्दां तै करै सै, जिन ताहीं वे जाणदे ए कोनी, अर जिन बातां नै वे जाणै सै, उन ताहीं वे बिना सोच्चे-समझे जंगली-जानवरों की तरियां करे सै, इसे काम्मां खात्तर परमेसवर उन ताहीं दण्ड देवैगा। 11 धिक्कार सै उनपै! जो कैन की तरियां बुरी जिन्दगी जीवै सै, जिसनै अपणे भाई का खून इस करके करया था, क्यूँके परमेसवर नै उसकी भेट स्वीकार कोनी करी, अर उसके भाई की कर ली थी, अर वो उस बिलाम की तरियां सै, जिसनै परमेसवर के माणसां ताहीं पाप करण खात्तर उकसाया, ताके वो धन ले सके जिसकी पेशकस उस ताहीं करी गई थी, अर जो कोरह की ढाल मूसा नबी के अधिकार का बिरोध करण के कारण नाश होगे। 12 जिब थम परमेसवर के प्यार नै, याद करण के खात्तर प्रीति भोज म्ह कठे होओ सों, तो वे भी थारे म्ह शामिल हो जावै सै, तब वे उस समुन्दर म्ह लुकही होए पत्थर की चट्टान की तरियां सै, जो थारे ताहीं डूबो सके सै। वे उस पाळी की तरियां सै जो सिर्फ अपणा पेट भरे सै, अर वे बिना पाणी के बादल सै, जिन ताहीं हवा उड़ा ले जावै सै, वे पतझड़ के इसे दरखत सै, जिन म्ह कदे फळ कोनी लागदे, अर ये जड़ तै उखड़गे सै। 13 ये समुन्दर की तेज झाल के हिलोरे सै, जो अपणी गंदगी का झाग उछाळै सै, ये लोग शर्मनाक काम करै सै, ये उन राह तै भटके होए तारां की ढाल सै, जो किसे नै सही राह न्ही दिखा सकदे, जिनके खात्तर परमेसवर नै सदा खात्तर घोर अन्धकार की जगहां तय कर राक्खी सै, जड़ै वो सदा खात्तर रहवेंगे। (aiōn g165) 14 हनोक नै भी जो आदम की सातवीं पीढ़ी म्ह तै था, इन माणसां कै बाबत या भविष्यवाणी करी थी, “देक्खों, प्रभु अपणे लाखां पवित्र सुगंदूतां कै गेल्या आवैगा, 15 तो उन सब माणसां का न्याय करेगा, अर बुरे माणसां नै उनके बुरे काम्मां का अर दुष्ट माणसां नै जिननै परमेसवर के बिरोध म्ह कड़वे शब्द इस्तमाल करे थे, उन ताहीं कसूरवार ठहरावैगा।” 16 ये तो बेसबरे, बड़बड़ाण आळे, अर अपणी मर्जिया कै मुताबिक लगातार बुरे काम करै सै, अर अपणे मुँह तै घमण्ड की बात बोल्लै सै, वे अपणे फायदे के खात्तर चापलूसी की बात करै सै। 17 पर हे प्यारे भाईयो, थम इन बातां नै याद राक्खो, जो म्हारे प्रभु यीशु मसीह के प्रेरित भोत पैहल्याए कहगे सै। 18 वे थमनै कह्ला करै थे, “के प्रभु यीशु मसीह के बोहड़ण तै पैहले इसे माणस भी होवेंगे जो प्रभु का मजाक उड़ावेंगे, वे इसे माणस सै, जो अपणी बुरी अभिलाषायां कै मुताबिक जिन्दगी जिवेंगे।” 19 ये वे माणस सै, जो थारे म्ह फूट गैरे सै, अर जिन म्ह पवित्र आत्मा न्ही सै उनकी बुरी अभिलाषा, उन ताहीं अपणे बस म्ह राक्खै सै। 20 हे प्यारे बिश्वासी भाईयो, थम लगातार एक-दुसरे की बढ़ोतरी करते जाओ, अर आप्पस म्ह एक-दुसरे नै सच्ची शिक्षा जिसपै

थम बिश्वास करो सों, उसतै उत्साहित करदे रहों, अर जिस तरियां पवित्र आत्मा थारे ताहीं अगुवाई करै सै थम प्रार्थना करदे रहों। 21 थमनै यो जाणकै जीवन जीणा चाहिए, के परमेसवर थारे तै प्यार करै सै, अर थम उस दिन की बात देखदे रहो जिस दिन म्हारा प्रभु यीशु मसीह बोहड़कै आवैगा ताके थमनै अनन्त जीवन मिलै, क्युँके उसनै म्हारे पै दया करी सै। (aiōnios g166)

22 उन माणसां पै दया करो जिनका बिश्वास डामाडोल होरया सै। 23 घणखरे माणसां नै न्याय की आग तै झपट्टा मारकै लिकाड़ो, अर दुसरे माणसां के प्रति दयालु रहों, पर इसकै साथ चौक्कस भी रहों, उस लत्ते तै भी नफरत करो जो पाप तै भरे काम्मां तै कलंकित हो गया सै। 24 वो एकमात्र सच्चा परमेसवर सै, जो थमनै ठोक्कर खाण तै बचा सके सै, अर वो थमनै बेकसूर अर मगन करकै अपणे महिमा म्ह अपणे स्याम्ही खड्या करैगा। जो प्रभु यीशु मसीह नै म्हारे खात्तर करया, उसकै जरिये परमेसवर नै म्हारे ताहीं बचाया सै। 25 म्हारा प्रभु यीशु मसीह माणसां म्ह, परमेसवर की तारीफ करण का कारण बणा, ताके वो पिच्छाण सकै, के शरुआत तै, इब अर सदा कै खात्तर शक्ति अर अधिकार उस्से का सै। आमीन। (aiōn g165)

# प्रकाशित वाक्य

1 परमेसवर नै यीशु मसीह ताहीं वो गुप्त बातें दिखाई जो भोत तावळी होण आळी सै, ताके वो अपने दास्सां पै इन बातां नै जाहिर करै, उसके बाद मसीह नै सुर्गदूत भेज्या, ताके अपने दास यूहन्ना ताहीं ये बात दिखावै। 2 यूहन्ना नै वो सब कुछ लिख लिया, जो उस ताहीं दिखाया गया था, यानी वो वचन जो परमेसवर की ओड़ तै आया था, अर जो कुछ भी मसीह यीशु नै कह्या था। 3 धन्य सै वे जो इस भविष्यवाणी के वचन नै पढ़ै सै, अर वे जो सुणै सै अर इस म्ह लिक्खी होई बातां नै मान्ने सै, क्यूँके ये बात तावळी होण आळी सै। 4 ये चिट्ठियाँ यूहन्ना की ओड़ तै आसिया परदेस की सात कलीसियाओं के नाम सै। परमेसवर पिता की ओड़ तै थमने अनुग्रह अर शान्ति मिलै, जो सै, अर जो था, अर जो आण आळा सै, अर इन सात आत्मायाँ की ओड़ तै जो उसके सिंहासन के स्याम्ही सै। 5 अर यीशु मसीह जो विश्वास जोगगा गवाह अर मरे होया म्ह तै जी उठण आळा म्ह तै जेद्दा अर धरती के राजयां का हाकिम सै, उसकी की ओड़ तै थारे ताहीं अनुग्रह अर शान्ति मिल्दी रहवै। वो म्हारे तै प्यार करै सै, अर उसनै अपने लहू के जरिये म्हारे ताहीं पाप तै छुटाया सै। 6 उसनै म्हारे ताहीं वे माणस बना दिये सै, जिनका परमेसवर राजा सै, अर उसनै म्हारे ताहीं परमेसवर जो उसका पिता सै, उसका याजक बना दिया सै, उससे की महिमा अर पराक्रम युगानुयुग रहवै। आमीन। (aiōn g165) 7 लखाओ, वो बादकां के गेल्या आण आळा सै, अर हरेक आँख उसनै देखैगी, बल्के जिननै उस ताहीं बेधा था, वे भी उस ताहीं देखेंगे, अर धरती के सारे कुल उसके कारण छात्ती पीटेंगे, जिन उस ताहीं देखेंगे। हाँ। आमीन। 8 प्रभु परमेसवर यो कहवै सै, के वो जो सै, अर जो था, अर जो आण आळा सै, जो सब तै शक्तिशाली सै, “मै अल्फा अर ओमेगा सूँ।” 9 मै यूहन्ना, जो थारा विश्वासी भाई अर मसीह के खात्तर दुख सहण म्ह अर परमेसवर के राज्य म्ह, अर धीरज तै दुख सहण म्ह साइड़ी सूँ, जो दुख उन माणसां पै आया सै, जिनका उसके साथ रिश्ता सै, मै पतमुस नाम के टापू पै भेज दिया गया, क्यूँके मन्ने परमेसवर के वचन का प्रचार करया था, अर मसीह यीशु के सच्चे सन्देश ताहीं सुणाया था। 10 प्रभु के दिन, पवित्र आत्मा मेरे पै आ गया, अर मन्ने अपने पाछे तुरही बरगा बड़ड़ा शब्द सुण्या। 11 उसनै उसतै कह्या, के “जो कुछ तू देखवै सै, उसनै किताब म्ह लिखके सात्तु कलीसियाओं के धोरै भेजदे, जो इन नगरां म्ह सै, यानिके इफिसुस, स्मुरना, पिरगमुन, थुआतीरा, सरदीस, फिलदिलफिया, अर लौदीकिया ताहीं।” 12 फेर मन्ने उस ताहीं, जो मेरे तै बोल्लण लागरया था, देखण के खात्तर अपना मुँह फेरया, अर पाछे घूमके मन्ने सोन्ने की सात दीवट देख्खी, 13 अर उन दीवटां के बिचाळे माणस के बेटे के बरगा एक आदमी देख्या, जो पायां ताहीं के लत्ते पहरे, अर छात्ती पै सोन्ने का

पटुका बाँधे होइ था। 14 उसके सिर के बाळ धोळी ऊन बल्के बर्फ की ढाळ जमा धोळे थे, अर उसकी आँख आग की तरियां धधकण लागरी थी। 15 अर उसके पैर भट्टी म्ह तपा के चमकाए होए पीत्तळ के जिसे थे, अर उसका बोल घणे पाणी के गरजण जिसा था। 16 वो अपने सोळे हाथ म्ह सात तारे लिए होइ था, अर उसके मुँह म्ह तै पैन्नी दोधारी तलवार लिक्कै थी। उसका मुँह इस ढाळ बळे था, जिस ढाळ सूरज करड़ी धूप के बखत चमके सै। 17 जिन मन्ने उस ताहीं देख्या, तो उसके पायां पै मुर्दा की ढाळ पड़ग्या। उसनै मेरे पै अपना सोळा हाथ, धरके कह्या, “मतना डरै, मै पैहलड़ा अर आखरी अर जिन्दा सूँ।” 18 मै मरग्या था, अर इब देख मै युगानुयुग जीऊँ सूँ, अर मौत अर पाताळ लोक की ताळी मेरे धोरै सै। (aiōn g165, Hadēs g86) 19 इस करके जो बात तन्ने देख्खी सै अर जो बात होण लागरी सै अर जो बात इसके पाछे होण आळी सै, उन सारियां नै लिख ले। 20 इब मै उन सात तारां का भेद जिन ताहीं तन्ने मेरे सोळे हाथ म्ह देख्या था अर उन सोन्ने की दीवटां का भेद तन्ने बताऊँ सूँ, वे सात तारे सात्तु कलीसियाओं के धोरै भेज्जे गये सुर्गदूत सै, अर वे सात दीवट, सात कलीसिया सै।

2 उसनै मेरे ताहीं यो भी कह्या के इफिसुस नगर की कलीसिया के सुर्गदूत नै न्यू लिख के, “जो सात्तु तारे अपने सोळे हाथ म्ह लिए होइ सै, अर सोन्ने की सात्तु दीवटां के बिचाळे हॉडे सै, वो न्यू कहवै सै” 2 के मै तेरे काम, अर मेहनत, अर तेरा धीरज जाणु सूँ, अर मै जाणु सूँ, के तू बुरे माणसां की शिक्षा नै सह नही सकदा, अर जो अपने-आपनै प्रेरित कहवै सै, अर सै नही, उन ताहीं तन्ने परख के झूठा पाया। 3 अर तू धीरज धरै सै, अर मेरे नाम के खात्तर दुख ठा-ठाके भी तन्ने मेरी सेवा करणा नही छोड्या। 4 पर मन्ने तेरे खिलाफ म्ह न्यू कहणा सै, के तेरे म्ह वो प्यार नही रह्या जो तू पैहले मेरे तै करै था। 5 यो याद कर के तन्ने शरु म्ह मेरे तै किसा प्यार करया था, अर इब उसा प्यार नही करदा, तू पाप करणा छोड़ दे, अर जिसा तन्ने शरु म्ह मेरे तै प्यार करया था उसाए प्यार कर, अर जै तू पाप करणा नही छोड़ेगा, तो मै तेरे धोरै आके तेरी दीवट नै उस जगहां तै हटा दियुँगा। 6 पर हाँ, तेरे म्ह या बात तो सै, के तू नीकुलइयों के काम्मां तै नफरत करै सै, जिनतै मै भी नफरत करूँ सूँ। 7 जिसके कान हों, वो ध्यान तै सुण ले, के परमेसवर का आत्मा कलीसिया तै के कहवै सै: वे लोग जो बुराई की ताकत पै जीत पावे सै, मै जीवन के दरखत म्ह तै जो जीवन देवे सै, जो सुर्गलोक म्ह सै, उस ताहीं उस फळ म्ह तै खाण नै दियुँगा। 8 अर उसनै मेरे ताहीं स्मुरना नगर की कलीसिया के सुर्गदूत ताहीं यो लिखण खात्तर कह्या, के, जो पैहलड़ा अर आखरी सै, जो मर लिया था अर इब जिन्दा होग्या सै, वो न्यू कहवै सै के, 9 मै तेरे क्लेश अर गरीबी नै जाणु सूँ, (पर तू साहूकार सै), अर जो माणस अपने-आप ताहीं यहूदी कहवै सै, अर सै नही, पर वो शैतान के झुण्ड म्ह तै सै, मै उनकी बुराई नै भी जाणु सूँ। 10 जो

दुख तन्मै झेलणे होंगे, उनतै मत घबरा, क्यूँके देखखो, शैतान अपणे माणसां के जरिये थारे म्ह तै कितन्याँ ताहीं जेळखान्ने म्ह गैरेगा, ताके थम परखे जाओ, अर थारे ताहीं दस दिन तक क्लेश ठाणा पडैगा। जान देण तक विश्वासी रह, तो मै थारी जीत के कारण ईनाम के तौर पै थमनै अनन्त जिन्दगी देऊँगा। 11 जिसके कान हों, वो ध्यान तै सुण ले, के परमेसवर का आत्मा कलीसिया तै के कहवै सै, वे लोग जो बुराई की ताकत पै जीत पावै सै, उसनै दुसरी मौत तै नुकसान कोनी होवैगा। 12 अर उसनै मेरे ताहीं पिरगमुन नगर की कलीसिया के सुर्गदूत ताहीं यो लिखण खात्तर कह्या, के, “जिसके धोरे दोधारी अर पैनी तलवार सै, वो न्यू कहवै सै” 13 के मन्नै न्यू तो बेरा सै, तू ओडै रहवै सै जित्त शैतान का राज सै, अर मेरे नाम पै स्थिर रहवै सै, अर मेरे पै विश्वास करण तै उन दिनां म्ह भी पाच्छे न्ही हट्या जिन म्ह मेरा विश्वास जोग्गा गवाह अन्तिपास, तेरे नगर म्ह उस जगहां पै मारया गया जित्त शैतान रहवै सै। 14 पर मन्नै तेरे खिलाफ म्ह न्यू कहणा सै, थम उन माणसां का बिरोध कोनी करदे, जो पुराणे जमानै के नबी बिलाम की तरियां झूठी शिक्षा सिखावै सै, बिलाम नै राजा बालाक ताहीं यो सिखाया, के इस्राएल के माणसां तै पाप करवाण के खात्तर के करणा चाहिए, के वे इम्तिहान म्ह पड़े, अर पाप कर बैठे। उसनै उन ताहीं मूर्तियाँ के आगै चढ़ाई होइ चिज्जां ताहीं खाणा अर अनैतिक जिन्दगी जीणा सिखाया। 15 उससे तरियां-ए तेरे उरै कितने तो इसे सै, जो नीकुलइयों की शिक्षा नै मान्नै सै। 16 इस करके पाप करणा छोड़ दे, न्ही तो मै तेरे धोरे तावळा-ए आऊँगा, अर झूठी शिक्षा देण आळे उन माणसां के खिलाफ अपणे मुँह तै लिकड़ण आळी उस तलवार तै लडूँगा, जो के मेरा वचन सै। 17 जिसके कान हों, वो ध्यान तै सुण ले, के परमेसवर का आत्मा कलीसिया तै के कहवै सै, वे लोग जो बुराई की ताकतां पै जीत पावै सै, उस ताहीं मै गुप्त मन्ना म्ह तै दियुँगा, अर उस ताहीं एक धोळा पत्थर भी दियुँगा, अर उस पत्थर पै एक नाम लिख्या होया होगा, जिस ताहीं उसके पाण आळे के सिवाए और कोए न्ही जाणैगा। 18 अर उसनै मेरे ताहीं शुआतीरा नगर की कलीसिया के सुर्गदूत ताहीं यो लिखण खात्तर कह्या, के, मै परमेसवर का बेट्टा, जिसकी आँख आग की ज्वाला की तरियां, अर जिसके पैर बढ़िया पीतल के जिसे सै, न्यू कहूँ सूँ, के 19 मै तेरे काम, तेरे प्यार, विश्वास, सेवा, अर धीरज नै जाणु सूँ, अर न्यू भी जाणु सूँ, के तेरे पाच्छेले काम पैहल्ला तै बढ़के सै, जब तन्नै मेरे पै विश्वास करया था। 20 पर मन्नै तेरे खिलाफ न्यू कहणा सै, के तू उस जनानी इजेबेल नै रहण देवै सै, जो अपणे-आपनै नबी कहवै सै, अर मेरे दास्सां नै जारी करण, अर मूर्तियाँ के आगै चढ़ाई होइ चीज नै खाणा सिखावै भकावै सै। 21 मन्नै उस ताहीं पाप छोड़ण का मौक्का दिया, पर वा अपणे जारीपणे के पाप नै छोड़णा कोनी चाहन्दी। 22 मै उस ताहीं बीमार कर दियुँगा। अर जो उसके गेल्या जारी करै सै, जै वे भी

उसके बरगे काम्मां नै जो वा करै सै करणा न्ही छोड़ेंगे, तो उननै मै भारया दण्ड दियुँगा। 23 अर मै उसके चेल्यां नै मार दियुँगा, अर फेर सारी कलीसिया नै बेरा पाट जावैगा, के हृदय अर मन जाँचण आळा मै ए सूँ, अर मै थारे म्ह तै हरेक नै उसके काम्मां के मुताबिक बदला देऊँगा। 24 पर थम जो शुआतीरा के बाकी लोग जिननै इस झूठी शिक्षा ताहीं न्ही मान्या, अर उन बात्तां नै जिन नै शैतान की गहरी बात कहवै सै, उन म्ह भाग न्ही लेते, मै न्यू कहूँ सूँ, के मै थारे ताहीं और हुकम कोनी दियुँगा, पर मै जिब तक ना आ जाऊँ मेरे पै मजबुती तै विश्वास करते रहों। 25 पर हॉ, जो थारे धोरे सै उसनै मेरे आण तक थाम्बे रहो। 26 वे लोग जो बुराई की ताकतां पै जीत पावै सै, अर मेरे काम्मां के मुताबिक आखरी ताहीं करदा रहवै, मै उसनै देश-देश के माणसां पै राज करण का हक देऊँगा। 27 मै उसनै भी राज करण का वोए हक देऊँगा जो मेरे पिता नै मेरे ताहीं दिया सै, वो उनपै बिना दया के राज करैगा, अर वो उन ताहीं चकणाचूर कर देवैगा, जिस ढाळ कुम्हार के माट्टी के बासण चकणाचूर हो जावै सै। अर मन्नै भी इसाए हक अपणे पिता तै मिल्या सै। 28 अर मै उसनै भोर का तारा देऊँगा। 29 जिसके कान हों, वो ध्यान तै सुण ले, के परमेसवर का आत्मा कलीसिया तै के कहवै सै।

**3** उसनै मेरे ताहीं यो भी कह्या के सरदीस नगर की कलीसिया के सुर्गदूत नै लिख, के “जिसके धोरे परमेसवर की सात आत्मा अर सात तारे सै, वो न्यू कहवै सै,” के मै तेरे काम्मां नै जाणु सूँ, के तू मेरा विश्वास लायक विश्वासी तो कुहावै सै, पर असल म्ह तन्नै मेरा कहणा मानना छोड़ दिया सै। 2 इस करके सावधान हो जा, अर अपणे विश्वास नै जो मेरे पै से उसनै मजबूत कर, क्यूँके तेरे म्ह थोड़ा-सा ए विश्वास बाक्की सै, ताके तेरा बचा होइ विश्वास भी ना जान्दा रहवै, मै जाणु सूँ के तेरे काम अथूरे सै, पर तेरे काम्मां तै, जो तू करण लागरया सै परमेसवर खुश कोनी। 3 इस करके याद कर, के तन्नै किस तरियां तै शिक्षा पाई अर सुणी थी, अर उस म्ह बणया रह, अर पाप करणा छोड़ दे। जै तू जागदा न्ही रहवैगा, तो मै चोर की ढाळ आ जाऊँगा अर तन्नै कदे भी न्ही बेरा पाटैगा, के मै किस बखत तेरे पै आण पडूँगा। 4 पर हॉ, तेरे धोरे सरदीस म्ह कुछ लोग सै, जो पाप के जरिये अशुद्ध कोनी होए, वे धोळे लत्ते पहरे होइ मेरे गैल हौडेंगे क्यूँके वे इस लायक सै। 5 वे लोग जो बुराई की ताकत पै जीत पावै सै, उस ताहीं इससे ढाळ धोळे लत्ते पहिराए जावेंगे, अर मै उसका नाम जीवन की किताब म्ह तै किसे तरियां तै भी न्ही काटूँगा, पर उसका नाम अपणे पिता अर उसके सुर्गदूतां के स्याम्ही मान ल्यूँगा के ये मेरे लोग सै। 6 जिसके कान हों, वो ध्यान तै सुण ले, के परमेसवर का आत्मा कलीसिया तै के कहवै सै। 7 अर उसनै मेरे ताहीं यो भी कह्या सै, के फिलदिलफिया नगर की कलीसिया के सुर्गदूत नै न्यू लिख के जो कहवै सै, मै पवित्र अर सच्चा सूँ, अर मेरे धोरे वा ताळी सै, जो राजा दाऊद की सै, जिब मै ताळी लेकै दरबाजा

खोल्लू सूं, तो उसनै कोए बन्द न्ही कर सकता, जिब मै ताळी लेके दरबाजा बन्द करूँ सूं, तो उसनै कोए खोल न्ही सकता, वो तेरे तै न्यू कहवै सै के, 8 मन्नै तेरे काम्मां का बेरा सै, देख, मै जाणु सूं के तेरे म्ह भोत कम काबलियत सै, पर तन्नै वा बात मानी सै जिसके बारे म्ह मन्नै तेरे ताहीं कह्वा था, अर तन्नै इस बात का इन्कार न्ही करया के तू मेरे पै बिश्वास करे सै, इस करके मन्नै एक दरबाजा खोलया सै, जिसनै कोए बन्द न्ही कर सकदा। 9 देख, जो शैतान के झुण्ड म्ह तै सै, अर खुद नै यहूदी कहवै सै, पर सै न्ही, बल्के झूठ बोल्लै सै, देख, मै इसा करूँगा, के वे आके तेरे पायां म्ह मोध्थे पड़ेंगे, अर न्यू जाण लेवेंगे, के मन्नै तेरे तै प्यार करया सै। 10 क्यूँके जिब तेरे ताहीं सताया जाण लागरया था, तो तन्नै मेरे वचन ताहीं धीरज तै पुगाया सै, उसकी बजह तै मै भी तन्नै इम्तिहान के उस बखत म्ह बचा के राकखूँगा, जो धरती पै रहण आळे माणसां नै परखण के खात्तर साब्ती दुनिया पै आण आळा सै। 11 मै तावळा-ए आण आळा सूं, अपणे बिश्वास म्ह मजबूत बणो, ताके कोए थमनै थारा ईनाम लेण तै रोक ना पावै। 12 वे लोग जो बुराई की ताकत पै जीत पावै सै, उन ताहीं मै अपणे परमेसवर के मन्दर म्ह खम्बा बणाऊँगा, वो फेर कदे बाहरणै न्ही लिक्डेंगे, अर मै अपणे परमेसवर का नाम, अर अपणे परमेसवर के नगर, यानिके नये यरुशलेम का नाम, जो मेरै परमेसवर की ओड़ तै सुर्ग पै तै उतरण आळा सै, अर अपणा नया नाम उसपै लिखूँगा। 13 जिसके कान हों, ध्यान तै सुण ले के परमेसवर का आत्मा कलीसिया तै के कहवै सै। 14 अर उसनै मेरे ताहीं यो भी कह्वा सै, के “लौदीकिया नगर की कलीसिया के सुर्गदूत नै न्यू लिख” के, जो आमीन, अर बिश्वास जोग्गा, अर सच्चा गवाह सै, अर परमेसवर की सृष्टि का खास कारण सै, वो न्यू कहवै सै। 15 के मै तेरे काम्मां नै जाणु सूं के तू उस पाणी की ढाळ सै, जो ना तो शीळा सै अर ना तात्ता, आच्छा था के तू इन म्ह तै एक होन्दा 16 क्यूँके तू गुणगुणा सै, अर ना शीळा अर ना तात्ता, मै तन्नै अपणे मुँह म्ह तै उगळण पै सूं। 17 तू जो कहवै सै, के मै धनी सूं, अर धनवान होगया सूं, अर मन्नै किसे चीज का घाटा न्ही, अर न्यू न्ही जाणदा, के तू निरभाग, नीच, कंगाल, आन्धा, अर उघाड़ा सै। 18 इस करके मै तन्नै राय दियुँ सूं, के आग म्ह त्याया होड़ सोन्ना मेरै तै मोल ले, के तू साहूकार हो जावै, अर धोळा लत्ता ले-ले के पहर के तन्नै अपणे उघाड़ेपण पै शर्म न्ही आवै, अर अपणी आँखां म्ह लाण के खात्तर सुरमा ले, के तू देखखण लाग्गौ। 19 मै जिस-जिसतै प्यार राकखूँ सूं, उन सारया ताहीं उल्हाणा अर ताड़ना दियुँ सूं, इस करके हिम्मत राख, अर पाप करणा छोड़ दे। 20 देख, मै दरबाजे पै खड्या होया खटखटाऊँ सूं, जै कोए मेरा बोल सुणके दरबाजा खोल्लैगा, तो मै उसके धोरे भित्तर आके उसके गेल्या खाणा खाऊँगा, अर वो मेरे गेल्या। 21 जो जीत पावै, मै उस ताहीं अपणे गेल्या अपणे सिंहासन पै बिठाऊँगा, जिसा मै भी

जीत पावै, अपणे पिता कै गेल्या उसके सिंहासन पै बैठ गया। 22 जिसके कान हों, वो ध्यान तै सुण लेवै के परमेसवर का आत्मा कलीसिया तै के कहवै सै।

**4** इन बातां कै पाच्छे जो मन्नै निगांह करी, तो के देखूँ सूं, के सुर्ग म्ह एक दरबाजा खुल्या होया सै, अर ओड़ कोए था जो मेरे तै बात करण लागरया था, अर जो बात करण लागरया था, वो वोए था जिसनै मेरे तै पैहले बात करी थी, अर जिसकी आवाज तुरही के शब्द की तरियां थी, अर उसनै मेरे तै कह्वा, के “उरै ऊपरान आ ज्या, अर मै वे बात तन्नै दिखाऊँगा, जिनका इन बातां कै पाच्छे पूरा होणा जरूरी सै।” 2 अर जिब्बे पवित्र आत्मा मेरे पै आ गया, अर मै के देखूँ सूं, के एक सिंहासन सुर्ग म्ह सै, अर उस सिंहासन पै कोए बेठ्या सै। 3 अर जो उसपै बेठ्या सै, उसकी चमक सूर्यकान्त मणि अर माणिक्य पत्थर के समान थी, अर उस सिंहासन कै चौगरदेके मेघ-धनुष था, उसकी चमक पन्ने के समान की थी। 4 अर उस सिंहासन कै चौगरदेके चौबीस सिंहासन सै, अर इन सिंहासनां पै चौबीस बुजुर्ग धोळे लत्ते पहरे होड़ बेठे सै, अर उनके सिरां पै सोन्ने के ताज सै। 5 अर उस सिंहासन म्ह तै बिजळी चमकण की अर गरजण की आवाज आण लागरी थी, अर सिंहासन कै स्याम्ही आग के सात दिवें जळण लागरे सै, जो के परमेसवर की सात आत्मा सै। 6 अर उस सिंहासन कै स्याम्ही पारस था जो के समुंदर जिसा चौड़ा था, अर शीशे जिसा साफ था, सिंहासन कै बिचाळै अर सिंहासन कै चौगरदेके चार प्राणी सै, जिनके आग्ने-पाच्छे आँखें-आँख सै। 7 पैहला प्राणी शेर के बरगा सै, अर दुसरा प्राणी का मुँह बळथ के बरगा सै, तीसरे प्राणी का मुँह माणस के बरगा सै, अर चौथा प्राणी उड़दे होड़ उकाब के बरगा सै। 8 अर च्यार प्राणियाँ के छः , छः पंख सै, उनके उप्पर अर हरेक जगहां ए आँख थी, बल्के पंखां के तळै भी, अर वे दिन-रात बिना आराम करे न्यू कहवै सै, के पवित्र, पवित्र, पवित्र प्रभु परमेसवर, जो सब तै शक्तिशाली था, अर जो था, जो सै, अर जो आण आळा सै। 9 अर जिब वे प्राणी उसकी जो सिंहासन पै बेठ्या सै, अर जो युगानुयुग जीवै सै, महिमा अर आदर अर धन्यवाद करेंगे, (aiōn g165) 10 फेर सब चौबीस बुजुर्ग सिंहासन पै बैठण आळे कै स्याम्ही पड़ जावेंगे, अर उस ताहीं जो युगानुयुग जीवै सै प्रणाम करेंगे, अर अपणे-अपणे ताज सिंहासन के स्याम्ही न्यू कहन्दे होए धर देवेंगे। (aiōn g165) 11 “हे म्हारे प्रभु अर परमेसवर, तू-ए महिमा, अर आदर, अर सामर्थ कै जोग्गा सै, क्यूँके तन्नै ए सारी चिज्जां ताहीं बणाया अर वे तेरी-ए मर्जी तै थी अर रची गई।”

**5** अर जो सिंहासन पै बेठ्या था, मन्नै उसके सोळे हाथ म्ह एक किताब देखी, जो भित्तर अर बाहरणै लिक्खी होड़ अर वा सात मोहर लाके बन्द करी गई थी। 2 फेर मन्नै एक शक्तिशाली सुर्गदूत ताहीं देख्या, जो जोर तै बोलण लागरया था, के इस किताब कै खोल्लण अर उसकी मोहर तोड़ण कै जोग्गा

कौण सै? 3 पर ना सुर्ग म्ह, ना धरती पै, ना धरती कै तळे कोए  
 उस किताब नै खोल्लण या उस ताहीं पढ़ण लायक कोए कोनी  
 लिकइया। 4 अर मै फूट-फूटके रोण लाग्या, क्यूँके उस किताब  
 ताहीं खोल्लण, या उस ताहीं पढ़ण लायक कोए न्ही मिल्या। 5  
 फेर उन बुजुर्गा म्ह तै एक नै मेरै तै कह्या, मतना रोवै, लखा,  
 यहूदा कै गोत्र का वो शेर, जो दाऊद का मूल सै, उस किताब नै  
 खोल्लण अर उसकी सात्तु मोंहर तोड़ण कै खात्तर जयवन्त  
 होया सै। 6 फेर मन्ने उस सिंहासन अर च्यारु प्राणियाँ अर उन  
 बुजुर्गा कै बिच्चाळे, मान्ने एक मारया होइ मेम्ना खड्या देख्या  
 जो पैहले मर गया था, पर इब वो जिन्दा होग्या सै, उसके सात  
 सींग अर सात आँख थी, ये परमेसवर की सात्तु आत्मा सै, जो  
 साब्ती धरती पै भेज्जी गई सै। 7 उसनै आके उसके सोळे हाथ  
 तै जो सिंहासन पै बैठ्या था, वा किताब ले ली, 8 अर जब  
 उसनै किताब ले ली, तो वे च्यारु प्राणी अर सब चौबीस बुजुर्ग  
 उस मेम्ने कै स्याम्ही झुकोगे, अर हरेक हाथ म्ह वीणा अर धूप तै  
 भरे होइ सोन्ने के कटोरे थे, ये तो पवित्र माणसां की प्रार्थना सै।  
 9 अर वे यो नया गीत गाण लागे, के तू इस किताब कै लेण,  
 अर उसकी मोहरां नै खोल्लण जोग्गा सै, क्यूँके तन्नै मरके  
 अपणे लहू तै हरेक कुल, अर भाषा, अर माणस, अर जात  
 म्ह तै परमेसवर कै खात्तर माणसां ताहीं मोल लिया सै। 10  
 अर उन ताहीं म्हारै परमेसवर कै खात्तर एक राज्य अर याजक  
 बणाया, ताके वो परमेसवर की सेवा करै, अर वे धरती पै राज्य  
 करै सै। 11 अर जब मन्ने देख्या, तो उस सिंहासन अर उन  
 प्राणियाँ अर उन बुजुर्गा कै चोगरदेके अनगिणत सुर्गदूतां का  
 बोल सुणया, जिनकी गिणती लाक्खां अर करोड़ां की थी। 12  
 अर वे ऊँच्ची आवाज म्ह गाण लागे थे, के मारया होया मेम्ना  
 ए सामर्थ, धन, ज्ञान, ताकत, आदर, महिमा, अर धन्यवाद कै  
 लायक सै। 13 फेर मन्ने सुर्ग म्ह, धरती पै, अर धरती कै तळे,  
 अर समुन्दर की सारी बणाई होइ चिज्जां नै, अर सारा किमे, जो  
 उन म्ह सै, उन ताहीं न्यू कहन्दे सुणया, के “जो सिंहासन पै  
 बैठ्या सै, उसका, अर मेम्ने का धन्यवाद हो, मेम्ना ए सामर्थ,  
 धन, ज्ञान, ताकत, आदर, महिमा के लायक सै, अर उसका  
 राज्य, युगानुयुग रहवै।” (aiōn g165) 14 अर च्यारु प्राणियाँ नै  
 आमीन कह्या, अर बुजुर्गा नै झुकके प्रणाम करया।

**6** फेर मन्ने देख्या, के मेम्ने नै उन सात्तु मोहरां म्ह तै एक  
 ताहीं खोल्या, अर उन च्यारु प्राणियाँ म्ह तै एक का गरजण  
 जिशा शब्द सुणया, के आ जाओ। 2 अर मन्ने निगांह करी,  
 अर देखखो, मन्ने एक धोळा घोड़ा दिख्या, अर उसका सवार  
 धनुष लिए होइ सै, अर उस ताहीं एक ताज पहिराया गया, अर  
 वो सुर्ग तै चाल्या अर धरती पै लिकड़ा, जो पैहले तै ए जीत  
 चुका सै, अर फेर तै वो जीत जावैगा। 3 अर जब मेम्ने नै दुसरी  
 मोंहर खोल्ली, तो मन्ने दुसरे प्राणी ताहीं न्यू कहन्दे सुणया, के  
 आ। 4 फेर एकदम तै एक और घोड़ा लिकड़या, जो लाल रंग  
 का था, उसके सवार ताहीं यो हक दिया गया, के धरती पै तै

मेळ-मिलाप ठा ले, ताके माणस एक-दुसरे नै मारै, अर उस  
 ताहीं एक बड्डी तलवार दी गई थी। 5 अर जब उसनै तीसरी  
 मोंहर खोल्ली, तो मन्ने तीसरे प्राणी ताहीं न्यू कहन्दे सुणया, के  
 “आ” अर मन्ने निगांह करी, अर देखखो, मन्ने एक काळे घोड़े  
 ताहीं लिकड़दे देख्या, अर उसके सवार कै हाथ म्ह एक ताखड़ी  
 सै। 6 अर मन्ने उन च्यारु प्राणियाँ कै बिचाळे तै एक शब्द न्यू  
 कहन्दे सुणया, के एक दीनार एक दिन की मजदूरी भोत सै, एक  
 किलो गेहूँ, या तीन किलो जौ लेण खात्तर, पर तेल अर अंगूर के  
 रस की किम्मत ना बदलिये। 7 अर जब मेम्ने नै चौथी मोंहर  
 खोल्ली, तो मन्ने चौथे प्राणी का बोल न्यू कहन्दे सुणया, के आ।  
 8 अर मन्ने निगांह करी, अर देखखो, एक पीळा-सा घोड़ा सै,  
 अर उसके सवार का नाम मौत सै: अर अधोलोक उसके पाच्छे-  
 पाच्छे आण लागरया था, अर उन ताहीं धरती पै रहण आळे चार  
 माणस (या एक चौथाई माणसां) म्ह तै एक-एक ताहीं मारण  
 का हक मिल्या, उननै तलवार, भूख, बीमारी, अर धरती के  
 जंगली-जानवरों कै जरिये माणसां ताहीं मार दिया। (Hades g86)  
 9 अर जब मेम्ने नै पाँचवी मोंहर खोल्ली, तो मन्ने वेदी कै तळे  
 उनके प्राणां ताहीं देख्या, जो परमेसवर के वचन के कारण, अर  
 उसपै विश्वास करण के कारण मारे गये थे। 10 अर उसनै जोर  
 तै रुक्का मारके परमेसवर तै कह्या, हे माल्लिक, हे पवित्र,  
 अर सच्चे प्रभु, तू इतनी बात क्यूँ देखण लागरया सै, उन बुरे  
 माणसां ताहीं दण्ड देण खात्तर, जो इस धरती पै रहण लागे  
 सै? हम तेरे तै बिनती करां सां, के तू उन माणसां तै बदला ले,  
 जिननै म्हारै ताहीं जान तै मार दिया सै। 11 अर उन म्ह तै हरेक  
 ताहीं धोळे लत्ते देके, परमेसवर नै उनतै कह्या, के और थोड़ी-देर  
 ताहीं आराम करो, जब ताहीं के थारे संगी दास, अर विश्वासी  
 भाई, जो थारी तरियां मरण आळे सै, उनकी भी गिणती पूरी ना  
 हो लेवै। 12 जब मेम्ने नै छठी मोंहर खोल्ली, तो मन्ने देख्या, के  
 एक बड़ड़ा हाल्लण होया, अर सूरज का रंग मोट्टे काळे काम्बळ  
 की ढाळ काळा पड़या, अर पूरा चाँद लहू जिशा लाल होग्या।  
 13 अर अकास के तारे धरती पै इस ढाळ पड़गे जिस तरियां  
 आँधी तै हालके अंजीर कै दरखत म्ह तै काच्चे फळ झड़ें सै। 14  
 आसमान पाटग्या अर एक किताब की ढाळ सुकड गया था, अर  
 हरेक पहाड़, अर टापू, अपणी-अपणी जगहां तै हटगे। 15 अर  
 इसका नतिज्जां यो होया के, धरती के राजा, प्रधान, सरदार,  
 साहूकार, अर सामर्थी माणस, हरेक गुलाम, अर हरेक आजाद  
 माणस, पहाड़ां की खोह म्ह, अर चट्टानां म्ह जा लुटके। 16 अर  
 पहाड़ां, अर चट्टानां तै कहण लागे, के “म्हारै ताहीं लटको ल्यो,  
 अर म्हारै ताहीं उसके मुँह तै जो सिंहासन पै बैठ्या सै, अर मेम्ने  
 कै प्रकोप तै लटको ल्यो। 17 क्यूँके उनके प्रकोप के भयानक  
 दिन जब परमेसवर अर मेम्ना उन सारया का न्याय करैगा तो  
 कोए भी उननै दण्ड तै बचा न्ही पावैगा।”

**7** उसके पाच्छे मन्ने दुनिया कै च्यारु कुणयां पै चार सुर्गदूत  
 खड़े देख्खे, उन सुर्गदूतां नै परमेसवर तै यो हक मिल्या था,

के वे दुनिया के माणसां ताहीं मरी तै मारै, चाहे वे धरती पै हो या समुन्दर पै हो, उननै हवा ताहीं धरती के च्यारु कुणयां पै तै रोक राख्या था, ताके हवा धरती, समुन्दर, या किसी भी जंगल तै ना गुजरे, 2 अर मननै एक और सुर्गदूत ताहीं पूरब दिशा की ओड़ आन्दे देख्या, उसके हाथ म्ह परमेसवर की ओड़ तै एक मॉहर थी, जो युगानुयुग जिन्दा सै, उस सुर्गदूत नै ऊँच्ची आवाज म्ह दुसरे चार सुर्गदूतां तै यो कह्या। 3 जिव ताहीं हम अपणे परमेसवर के दास्सां के माथ्यै पै मॉहर न्ही ला देवां, जद ताहीं धरती अर समुन्दर अर दरखां ताहीं नुकसान ना पोहोचाईयो। 4 अर जिव सुर्गदूतां नै मॉहर लगा ली, तो किसे नै मेरे ताहीं बताया के एक लाख चवाळीस हजार पै मॉहर लगा दी गई सै, ये सारे लोग इस्राएल के बारहां गोत्र म्ह तै सै। 5 यहूदा के गोत्र म्ह तै बारहा हजार पै मॉहर दी गई, रूबेन के गोत्र म्ह तै बारहा हजार पै, गाद के गोत्र म्ह तै बारहा हजार पै। 6 अशेर के गोत्र म्ह तै बारहा हजार पै, नप्ताली के गोत्र म्ह तै बारहा हजार पै, मनशिशह के गोत्र म्ह तै बारहा हजार पै। 7 शमौन के गोत्र म्ह तै बारहा हजार पै, लेवी के गोत्र म्ह तै बारहा हजार पै, इस्साकार के गोत्र म्ह तै बारहा हजार पै। 8 जबूलन के गोत्र म्ह तै बारहा हजार पै, यूसुफ के गोत्र म्ह तै बारहा हजार पै अर बिन्यामीन के गोत्र म्ह तै बारहा हजार पै मॉहर दी गई। 9 इसके पाछै मननै निगांह करी, अर देखो, हरेक जात, अर कुल, अर माणस अर भाषा म्ह तै एक इसी बड्डी भीड़, जिस ताहीं कोए गिण न्ही सकै था धोळें लते पैहरे, अर अपणे हाथ्यां म्ह खजूर की डाळी लिए होए सिंहासन के स्याम्ही अर मेम्ने के स्याम्ही खड़ी सै। 10 अर जोर तै रुक्का मारके कहवै सै, के उद्धार म्हारे परमेसवर जो सिंहासन पै विराजमान सै, अर मेम्ने की ओड़ तै आवै सै। 11 अर सारे सुर्गदूत, उस सिंहासन, बुजुर्गा अर च्यारु प्राणियाँ के चौगरदेकै खड़े सै, फेर वे सिंहासन के स्याम्ही मुँह के बळ पड़गे, अर परमेसवर ताहीं प्रणाम करके कह्या, म्हारे परमेसवर की बड़ाई, 12 महिमा, ज्ञान, धन्यवाद, आदर, सामर्थ, अर ताकत युगानुयुग बणी रहवै। आमीन। (aiōn g165) 13 इसपै बुजुर्गा म्ह तै एक नै मेरे तै कह्या, के तू जाणै सै, के या धोळी पोशाक पैहरे होए कौण सै? अर कित्त तै आये सै? 14 मननै उसतै कह्या, “हे माल्लिक, तन्नै ए बेरा सै।” उसनै मेरे तै कह्या, “ये वे सै, जो उस बड़े कळेश म्ह तै लिक्ड़के आये सै, इन्नै अपणे-अपणे लते मेम्ने के लहू म्ह धोके धोळे करे सै।” 15 इससे कारण वे परमेसवर के सिंहासन के स्याम्ही खड़े सै, अर परमेसवर के घर म्ह दिन-रात उसकी सेवा करै सै, अर जो सिंहासन पै बैठ्या सै, वो उन म्ह रहवैगा अर उन ताहीं बचावैगा। 16 वे इब ना तो कदे भूक्खे होवैंगे अर ना तिसाए, अर ना तो सूरज की गर्मी उन ताहीं झुलसावैगी अर ना कोए दुसरी गर्मी। 17 क्यूँके जो मेम्ना सिंहासन के बिचाळे सै वो उनकी रुखाळी करेगा, अर उन ताहीं जीवन रूपी पाणी के चोवै के धोरे ले जाया करेगा, अर परमेसवर उनकी आँखां तै सारे आँसू पुंज देवैगा।

8 अर जिव मेम्ने नै सातमी मॉहर खोल्ली, तो सुर्ग म्ह आध्धे घंटे ताहीं सन्नाटा छा गया। 2 अर मननै उन सात्तु सुर्गदूतां ताहीं जो परमेसवर के स्याम्ही खड़े रहवै सै, देख्या, अर उन ताहीं सात तुरही दी गई। 3 फेर एक और सुर्गदूत सोन्ने का धूपदान लिए होड़ आया, अर वेदी के लोवै खड्या होया, अर उस ताहीं भोत सारी धूप दी गई, ताके वो उस ताहीं सारे पवित्र माणसां की प्रार्थना के साथ उस सोन्ने की वेदी पै भेट चढ़ावे जो सिंहासन के स्याम्ही सै। 4 अर सुर्गदूतां के हाथ म्ह लिये होए उस धूपदान का धुम्मा, पवित्र माणसां की प्रार्थना के साथ परमेसवर के धोरे उप्पर पोहच गया। 5 अर सुर्गदूत नै धूपदान लेकै उस म्ह वेदी की आग भरी, अर उस ताहीं धरती पै गेर दी, अर गरजण गड़गड़ाहट, बिजली चमकी अर हाल्लण होण लाग्या। 6 फेर वे सात्तु सुर्गदूत जिनके धोरे सात तुरही थी, उन ताहीं फुककण खातर त्यार होए। 7 पैहले सुर्गदूत नै तुरही फूक्की, अर लहू तै मिले होड़ ओळे अर आग पैदा होई, अर धरती पै गेरी गई, अर धरती का एक तिहाई हिस्सा जळग्या, अर दरखां का तीसरा हिस्सा जळग्या, अर सारी हरी घास भी जळगी। 8 जिव दुसरे सुर्गदूत नै तुरही फूक्की, तो मान्नो आग जिसा जळदा होया एक बड़ड़ा पहाड़ समुन्दर म्ह गेरया गया, अर समुन्दर का एक तिहाई हिस्सा लहू म्ह होग्या। 9 अर समुन्दर की एक तिहाई बणाई होड़ चीज जो जिन्दी थी मरगी, अर जहाज के तीसरे हिस्से का नाश होग्या। 10 अर तीसरे सुर्गदूत नै तुरही फूक्की, अर एक बड़ड़ा तारा जो मशाल की ढाळ जळै था, सुर्ग तै टूट्या, अर नदियाँ के तीसरे हिस्से पै, अर पाणी के चोवां पै आण पड़्या। 11 उस तारे का नाम नागदौना सै, अर एक तिहाई हिस्से का पाणी नागदौना बरगा कड़वा होग्या, अर घणखरे माणस उस पाणी के कड़वे हो जाण तै मरगे। 12 अर चौथे सुर्गदूत नै तुरही फूक्की, अर सूरज का एक तिहाई हिस्सा, अर चाँद का एक तिहाई हिस्सा अर तारां के एक तिहाई हिस्से पै आपफत आई, ताके उनका एक तिहाई हिस्सा अन्धैरे म्ह डूब जावै, अर दिन के एक तिहाई हिस्से म्ह चाँदणा न्ही रहया, अर उस्से तरियां एक तिहाई रात भी बिना चाँदणे की हो गई। 13 जिव मननै फेर देख्या, तो अकास के बिचाळे एक उकाब ताहीं उड़दे अर ऊँच्चे शब्द तै न्यू कहन्दे सुण्या, “उन तीन सुर्गदूतां की तुरही के शब्दां के कारण, जिनका फूकणा इब्बे बाक्की सै, धरती के बासिन्द्यां पै थिक्कार सै, थिक्कार, थिक्कार।”

9 जिव पाँचमे सुर्गदूत नै तुरही फूक्की, तो मननै सुर्ग तै धरती पै एक तारा पड़दा होड़ देख्या, अर उस तारे ताहीं घणे अथाह कुण्ड की ताळी दी गई। (Abyssos g12) 2 अर उसनै घणे अथाह कुण्ड ताहीं खोल्या, अर कुण्ड म्ह तै बड्डी भट्टी जिसा धुम्मा उठ्या, अर कुण्ड के धुम्मे तै सूरज अर आसमान म्ह अन्धेरा छाग्या। (Abyssos g12) 3 अर उस धुम्मे म्ह भोत सारी दिड्डी लिक्ड़की अर वे सारी धरती पै फैलगी, अर उन ताहीं बिच्छुआ की तरियां माणसां के लड़ण की शक्ति दी गई। 4 अर उनतै कह्या

गया, के ना धरती की घास ताहीं, ना किसे हरियाली ताहीं, होया था, उसके सिर पै मेघ-धनुष था, अर उसका मुँह सूरज जिसा अर उसके पाँ आग के खम्भे बरगे थे। 2 उसनै अपना सोळा पाँ समुन्दर पै, अर ओळा पाँ धरती पै धरया, अर उसके हाथ म्ह एक छोटी सी खुली होड़ किताब थी, । 3 अर इतनी जोर तै चिल्लाय, जिस ढाळ शेर गरजै सै, अर जब वो चिल्लावै था तो गरजण के सात शब्द सुणाई दिए, जिननै मै समझ न्ही पाया। 4 अर जब सातु गरजण के शब्द सुणाई दे लिए, तो मै लिखण पै था, अर मन्नै सुर्ग तै यो शब्द सुण्या, के जो बात गरजण के उन सात शब्दां तै सुणी सै, उननै ल्हकोए राख, अर लिखै ना। 5 अर जिस सुर्गदूत ताहीं मन्नै समुन्दर अर धरती पै खड़े होड़ देख्या था, उसनै अपना सोळा हाथ कसम खाण खात्तर सुर्ग के कान्ही ठाया। 6 अर जो युगानुयुग जिन्दा रहवैगा, अर जिसनै सुर्ग अर उस म्ह बसी होई चिज्जां ताहीं, अर धरती अर उस म्ह बसी होई चिज्जां ताहीं, अर समुन्दर उस म्ह बसी होई चिज्जां ताहीं बणाया सै, उससे की कसम खाकै बोल्या, “इब तो और वार न्ही होगी।” (ai0n g165) 7 जब सातमै सुर्गदूत का तुरही फूककण का बखत होगा, तो परमेसवर की योजना पूरी हो जावैगी, जिस ताहीं उसनै अपने नबियाँ ताहीं बताया, जो उसकी सेवा करै सै, पर वो योजना दुसरे माणसां पै जाहिर कोनी करी थी। 8 अर जिस शब्द करण आळे ताहीं मन्नै सुर्ग तै बोलदे सुण्या था, वो फेर मेरै गेल्या बात करण लाग्या, के जा, जो सुर्गदूत समुन्दर अर धरती पै खड्या सै, उसके हाथ म्ह की खुली होड़ किताब ले ले। 9 अर मन्नै सुर्गदूत के धोरे जाकै कह्या, “या छोटी किताब मन्नै दे, अर उसनै मेरे तै कह्या, ‘ले इसने खा ले,’ या तेरे मुँह म्ह शहद जिसी मिठ्ठी लागैगी, पर या तेरा पेट कड़वा कर देगी।” 10 ज्यातै मै वा छोटी किताब उस सुर्गदूत के हाथ म्ह तै लेकै खाग्या, वा मेरे मुँह म्ह शहद जिसी मिठ्ठी तो लाग्गी, पर जब मै उसने खाग्या, तो मेरा पेट कड़वा होग्या। 11 फेर मेरै तै न्यू कह्या गया, “तन्नै घणेए माणसां, जात्तां, भाषा अर राजयां के बारे म्ह फेर तै भविष्यवाणी करणी होगी।”

11 घणे अथाह कुण्ड का दूत उनपै राजा था, उसका नाम इब्रानी म्ह अबद्देन, अर यूनानी म्ह अपुल्लयोन सै। (Abyssos g12) 12 पाँच महिन्ना बाद वा बिप्दा खतम हो जावैगी, लखाओ इब इनके पाछे दो बिप्दा और आण आळी सै। 13 अर जब छठमै सुर्गदूत नै तुरही फूककी तो जो सोन्ने की वेदी परमेसवर के स्याम्ही सै उसके सीनां म्ह तै मन्नै इसा शब्द सुण्या। 14 मान्नी कोए छठमै सुर्गदूत तै जिसके धोरे तुरही थी कहण लागरया सै, के “उन चार सुर्गदूतां नै जो बड़ी नदी फरात के धोरे बन्धे होड़ सै, खोल दे।” 15 अर वे च्यार सुर्गदूत जो उस घड़ी, दिन, महिन्ने, या साल के खात्तर एक तिहाई माणसां नै मारण खात्तर छोड़ कड़वा कर देगी।” 10 ज्यातै मै वा छोटी किताब उस सुर्गदूत के हाथ म्ह तै लेकै खाग्या, वा मेरे मुँह म्ह शहद जिसी मिठ्ठी तो लाग्गी, पर जब मै उसने खाग्या, तो मेरा पेट कड़वा होग्या। 11 फेर मेरै तै न्यू कह्या गया, “तन्नै घणेए माणसां, जात्तां, भाषा अर राजयां के बारे म्ह फेर तै भविष्यवाणी करणी होगी।”

**10** फेर मन्नै एक और शक्तिशाली सुर्गदूत ताहीं सुर्ग तै उतरदे देख्या, जिसनै बाढ़ळां ताहीं लत्यां के समान धारण करया

के दिनां म्ह अकास तै मिह न्ही बरसै, अर उननै यो भी हक सै, के जिब-जिब वे चाहवै जद-जद वे पाणी नै लहू म्ह बदल दे, अर धरती पै हरेक ढाळ की बिपदा ल्यावै। 7 अर जिब वे अपणी गवाही दे लेवैगें, तो वो पशु जो घणे अथाह कुण्ड म्ह तै लिकड़ैगा, उनतै लड़कै उन ताहीं जितैगा अर मार देवैगा। (Abysos g12) 8 अर उनकी लाश उस बड़े नगर के चौक म्ह पड़ी रहवैगी, जित्त उनका प्रभु भी क्रूस पै चढ़ाया गया था, जो आत्मिक तौर तै सदोम अर मिस देश कुहावै सै। 9 अर सारे माणस, सारे कुल, सारी भाषा, अर सारी जात्तां के लोग उनकी लाश साढ़े तीन दिन ताहीं देखदे रहवैगें, अर उनकी लाश कब्र म्ह धरण न्ही देवैगें। 10 अर धरती के बासिन्दे, उनके मरण तै राज्जी अर मनन होवैगें, अर एक-दुसरे के धोरे तोफे भेजजैगें, क्यूँके इन दोनु नबियाँ नै धरती के बासिन्द्यां ताहीं भोत सताया था 11 अर साढ़े तीन दिन के पाच्छे परमेसवर के कान्ही तै जीवन का साँस उन म्ह आ गया, अर वे अपने पायां के बळ खड़े होगये, अर उनके देखण आळे डरगे। 12 अर उननै सुर्ग तै एक बड़ड़ा बोल सुणाई दिया, के उरै ऊपरान आओ, न्यू सुण वे बाढ़लां पै सवार होके अपने बैरियाँ के देखदे-देखदे सुर्ग पै चढ़गे। 13 फेर उससे बखत एक बड़ड़ा भूकम्प यरुशलेम नगर म्ह होया, अर नगर का दसमां हिस्सा पड़ग्या, अर उस भूकम्प तै सात हजार माणस मरगे अर बाक्की बचे होड़ माणस डरगे, अर सुर्ग के परमेसवर की महिमा करी। 14 दुसरी बिपदा बीत ली, देखखो, तीसरी बिपदा तावळी आण आळी सै। 15 अर जिब सातमे सुर्गदूत नै तुरही फूक्की, तो सुर्ग म्ह इस बारे म्ह बड़े-बड़े शब्द होण लागे, के “दुनिया का राज्य म्हारै प्रभु का, अर उसके मसीह का होग्या सै, अर वो युगानुयुग राज्य करैगा।” (aiōn g165) 16 अर सब चौबीस बुजुर्ग जो परमेसवर के स्याम्ही अपने-अपणे सिंहासन पै बैठे थे, मुँह के बळ मोथ्थे पड़के परमेसवर की आराधना करैगें। 17 न्यू कहण लागे, “के हे सर्वशक्तिमान प्रभु परमेसवर, जो सै, अर जो था, हम तेरा धन्यवाद करा सां, के तन्ने अपणी बह्ठी सामर्थ के काम तै धरती पै राज करणा शरू करया। 18 अर दुसरी जात्तां के छो उठ्या, अर तेरा प्रकोप आण पड्या अर वो बखत आण पोंहच्या सै, के मरे होया का न्याय करया जावै, अर तेरे दास नबियाँ अर पवित्र माणसां ताहीं अर उन छोटे-बड़ा ताहीं जो तेरे नाम तै डरै सै, वो तेरी महिमा करै, अर धरती पै जो माणस दुसरे माणसां नै बिगाड़ै सै, उन ताहीं नाश करा जावै।” 19 फेर परमेसवर का जो मन्दर सुर्ग म्ह सै वो खोल्या गया, अर उसके मन्दर म्ह उसका करार का सन्दूक दिखा, बिजळियाँ, शब्द, गरजण अर भूकम्प होए अर बड़े ओळे पड़े।

**12** फेर इन बात्तां के बाद सुर्ग पै एक बड़ड़ा निशान दिखा, यानिके एक जनानी जो सूरज नै ओढ़े होड़ थी, अर चाँद उसके पायां के तळै था, अर उसके सिर पै बारहा तारां का ताज था। 2 अर वा गर्भवती थी, अर किल्की मारै थी, क्यूँके जापू

का दर्द उसके होण लाग्या था, अर वा बाळक जाम्मण के दर्द म्ह थी। 3 अर एक और निशान सुर्ग पै दिखा, अर देखखो, एक भोत बड़ड़ा लाल अजगर था जिसके सात सिर अर दस सींग थे, अर उसके सिरां पै सात राजमुकुट थे। 4 अर उसकी पुन्झड़ नै अकास के एक तिहाई हिस्से के तारे खिंचके धरती पै गेर दिए, अर वो अजगर उस जनानी के स्याम्ही जो जच्चा थी, खड्या होया, के जिब वा बाळक जणै तो उसके बाळक नै निगळ जावै। 5 अर उसके छोरा होया जो लोहे का राजदंड लिए होड़, सारी जात्तां पै राज करण पै था, अर उसका बाळक चाणचक परमेसवर के धोरे, अर उसके सिंहासन के धोरे ठा के पोहोचा दिया गया। 6 अर वा जनानी उस बण म्ह भाजगी, जित्त परमेसवर की ओड़ तै उसके खात्तर एक जगहां त्यार करी गई थी, ताके ओढ़ै एक हजार दो सौ साठ दिन ताहीं उसकी देखभाळ अर उसका पालन-पोषण करया जावै। 7 फेर सुर्ग पै लड़ाई होई, मीकाईल अर उसके सुर्गदूत अजगर तै लड़ण नै लिकड़े, अर अजगर अर उसके दूत उसतै लड़े। 8 पर अजगर हार गया अर सुर्ग तै लिकाड़ दिया गया, अर सुर्ग म्ह उनके खात्तर फेर जगहां कोनी रही। 9 अर वो बड़ा अजगर यानिके वोए पुराणा साँप, जो इब्लीस अर शैतान कुहावै सै, अर साब्ली दुनिया नै भकाण आळा सै, धरती पै गेर दिया गया, अर उसके दूत उसके गैल गेर दिए गए। 10 फेर मन्ने सुर्ग पै तै यो बड़ड़ा शब्द आन्दे होड़ सुण्या, के इब म्हारा परमेसवर माणसां ताहीं बचा लेवैगा, अर वो अपणी शक्ति का इस्तमाल करैगा, अर राजा की तरियां राज करैगा, इब उसका मसीह दुनिया पै अपणा हक जतावैगा, क्यूँके शैतान परमेसवर की हजुरी म्ह खड़ा होके, जो दिन रात उसके दास्सां पै दोष लाया करै था, वो सुर्ग तै गिरा दिया गया सै। 11 म्हारे विश्वासियाँ नै शैतान ताहीं हराया सै, अर वे मेम्ने के लहू के कारण, अर अपणी गवाही के वचन के कारण, उसपै जीते, अर उननै अपने जी ताहीं प्यारा न्ही जाण्या, उरै ताहीं के मोत भी सहण कर ली। 12 ज्यांतै, हे सुर्ग, अर उस म्ह रहण आळी आनन्दित होओ, अर हे धरती, अर समुन्दर म्ह रहण आळी, थारे पै धिक्कार सै! क्यूँके शैतान घणे छो के गेल्या थारे धोरे उतर आया सै, क्यूँके वो जाणै सै, के उसका थोड़ा-ए बखत और बच रया सै। 13 अर जिब अजगर नै देखा, के मै धरती पै गेर दिया गया सू, तो उस जनानी ताहीं जिन नै बेट्टा पैदा करया था, उसका पिच्छा करया। 14 अर उस जनानी ताहीं बड़े उकाब के दो पंख दिए गये, के अजगर के स्याम्ही तै उड़ के बण म्ह उस जगहां पोहच जावै, जित्त उसकी एक बखत, अर समयों, अर आथ्थे बखत ताहीं देख-रेख करी जावै। 15 अर अजगर नै उस जनानी के पाच्छे अपने मुँह तै नदी की तरियां पाणी बहाया, के उसनै नदी तै बहा दे। 16 पर धरती नै उस जनानी की मदद करी, अर अपणा मुँह खोल के उस नदी ताहीं जो अजगर नै अपने मुँह तै बहाई थी, पी लिया। 17 फेर अजगर नै जनानी पै गुस्सा करया, अर उसके वंशजां ताहीं, जो

परमेसवर के हुकम नै मान्ने सै, अर यीशु की गवाही देण पै अटल सै, उनतै लड़ण नै गया।

**13** अर वो समुन्दर कै बालू पै जा खड्या होया। अर मन्ने एक पशु ताहीं समुन्दर म्ह तै लिकइदे होइ देख्या, जिसके दस सींग अर सात सिर थे, उसके सीनां पै दस राजमुकुट अर उसके सिरां पै परमेसवर की बुराई के नाम लिक्खे होइ थे। 2 अर जो पशु मन्ने देख्या, वो चित्तै बरगा था, अर उसके पाँ भाल्लू जिसे, अर मुँह शेर के बरगा था, अर उस अजगर नै अपणी सामर्थ, अर अपणा सिंहासन, अर बड़ड़ा हक, उस ताहीं दे दिया। 3 अर मन्ने उसके सिरां म्ह तै एक पै इसा जानलेवा घाव लाग्या होइ देख्या, मान्ने वो मरण पै सै, फेर उसका जानलेवा घाव ठीक होग्या, अर साब्ली धरती के माणस हैरान होगे अर उस पशु के भगत बण जावेंगे। 4 अर उननै अजगर की पूजा करी, क्यूँके उसनै पशु ताहीं अपणा हक दे दिया था, अर न्यू कहकै पशु की भी पूजा करी, के इस पशु के बरगा कौण सै? कौण उसतै लड़ सकै सै? 5 उस ताहीं डींग मारण अर परमेसवर की बुराई करण का हक अर बियाळीस महिन्ने ताहीं राज करण की इजाजत दी गई। 6 पशु नै, परमेसवर अर उसके नाम, उसके रहण की जगहां यानी सुर्ग अर उन सब की, जो सुर्ग म्ह रहवै सै, उनकी बुराई करणा शरु कर दिया। 7 अर उस ताहीं न्यू हक दिया गया, के पवित्र माणसां तै लड़ै, अर उनपै जीत पावै, अर उस ताहीं हरेक कुल, अर माणस, अर भाषा, अर जात पै हक दिया गया। 8 अर धरती पै रहण आळे वे सारे उस पशु की पूजा करैगें। मतलब जिनका दुनिया की शरुआत के बाद के वे सारे माणस जिनके नाम उस मेम्ने की जीवन की किताब म्ह लिक्खे न्ही गये सै। मेम्ना वोए सै जो मारया गया सै। 9 जिसके कान हों वो ध्यान तै सुणै। 10 जिस ताहीं कैद म्ह पड़णा सै, वो कैद म्ह पड़ैगा, जो तलवार तै मारैगा, जरूरी सै के वो तलवार तै मारया जावैगा। पवित्र माणसां का धीरज दुख ठाण अर उसपै बिश्वास करण म्ह सै। 11 फेर मन्ने एक और पशु ताहीं धरती म्ह तै लिकइदे देख्या, उसके मेम्ने की ढाळ दो सींग थे, अर वो अजगर की ढाळ बोल्लै था। 12 अर यो उस पैहल्ले पशु का सारा हक उसके स्याम्ही काम म्ह ल्यावै था, अर धरती अर उसके बासिन्द्यां तै उस पैहल्ले पशु की जिसका जानलेवा घाव ठीक होग्या था, पूजा करै था। 13 अर वो बड़े-बड़े निशान दिखावै था, उरै ताहीं के माणसां के देखते-देखते सुर्ग तै धरती पै आग बरसा देवै था। 14 अर उन चमत्कारां के कारण जिन ताहीं उस पशु के स्याम्ही दिखाण का हक उस ताहीं दिया था, वो धरती के बासिन्द्यां ताहीं इस तरियां भकावै था, के धरती के बासिन्द्यां तै कहवै था, के जिस पशु के तलवार लागरी थी, वो जिन्दा होग्या सै, उसकी मूर्ति बणाओ। 15 अर उस ताहीं उस पशु की मूर्ति म्ह जी घाल्लण का हक दिया गया, के पशु की मूर्ति बोल्लण लाग्गै, अर जितने माणस उस पशु की मूर्ति की पूजा न्ही करै, उन ताहीं मरवा देवै। 16 अर उसनै छोट्टे, बड़े, साहूकार, कंगाल, आजाद,

गुलाम सारया के सोळे हाथ या उनकै माथ्थे पै छाप लगावाण खात्तर उन ताहीं मजबूर कर दिया। 17 के उस ताहीं छोड़ जिसपै छाप यानिके उस पशु का नाम, या उसके नाम का अंक हो, अर कोए लेण-देण न्ही कर सकै। 18 ज्ञान इस्से म्ह सै: जिस म्ह अकल हो वो इस पशु का अंक जोड़ ले, क्यूँके वो माणस का अंक सै, अर उसका अंक छः सौ छियासठ सै।

**14** पर उसके बाद मन्ने कुछ और भी देख्या, वो मेम्ना सिख्योन पहाड़ पै खड्या सै, अर उसके गेल्या एक लाख चवाळीस हजार माणस सै, जिनके माथ्थे पै उसका अर उसके पिता का नाम लिख्या होइ सै। 2 अर सुर्ग तै मन्ने एक इसा शब्द सुणाई दिया, जो पाणी की घणी धारा अर बड़े गरजण जिंसा शब्द था, अर जो शब्द मन्ने सुणया, वो इसा था, मान्ने वीणा बजाण आळे वीणा बजान्दे हों। 3 अर वे सिंहासन के स्याम्ही अर च्यारु प्राणियाँ अर बुजुर्ग के स्याम्ही मान्ने, एक नया गीत गाण लागरे थे, अर उन एक लाख चवाळीस हजार माणसां ताहीं छोड़ जो धरती पै तै छुड़ाए गये थे, कोए वो गीत न्ही सीख सकै था। 4 ये वे सै, जो जनानियाँ के गेल्या अशुद्ध न्ही होए, पर कुवारे सै। ये वेए सै, के जित किते मेम्ना जावै सै, वे उसके पाच्छे हो लेंवें सै। जिस तरियां लोग अपणी फसल म्ह तै पैहला फळ परमेसवर ताहीं चढ़ावै सै, उस्से तरियां वो भी परमेसवर अर मेम्ने खात्तर पैहले फळ के रूप म्ह चढ़ाए गए सै। 5 अर उनके मुँह तै झूठ न्ही लिकइया था, वे बेकसूर सै। 6 फेर मन्ने एक और सुर्गदूत ताहीं अकास के बिचाळे उड़दे होइ देख्या जिसके धोरे धरती पै के बासिन्द्यां की हरेक जात, अर कुल, अर भाषा, अर माणसां ताहीं सुणाण के खात्तर घणा सनातन सुसमाचार था। (aiōnios g166) 7 अर उसनै ऊँची आवाज म्ह कह्या, “परमेसवर तै डरो, अर उसकी महिमा करो, क्यूँके उसके न्याय करण का बखत आण पोंहच्या सै, अर उसकी आराधना करो, जिसनै सुर्ग अर धरती अर समुन्दर अर पाणी के सोते बणाए।” 8 फेर इसके पाच्छे एक और दुसरा सुर्गदूत न्यू कहन्दा होइ आया, के पड़ग्या, वो बड़ड़ा बेबीलोन नगर पड़ग्या जिसनै अपणी जारी की कोपमय मदिरा सारी जात्तां ताहीं पिलाई सै। 9 फेर इनके पाच्छे एक और सुर्गदूत जोर तै न्यू कहन्दा होइ आया, के जो कोए उस पशु अर उसकी मूर्ति की पूजा करै, अर अपणे माथ्थे या अपणे हाथ पै उसकी छाप ले। 10 तो वो परमेसवर के प्रकोप की निरी मदिरा जो उसके खुन्दक के कटोरे म्ह घाल्ली गई सै, पीवैगा अर पवित्र सुर्गदूतां के स्याम्ही, अर मेम्ने के स्याम्ही आग अर गन्धक की पीड़ा म्ह पड़ैगा। 11 अर उनकी पीड़ा का धुम्मा युगानुयुग उठदा रहवैगा, अर जो उस पशु अर उसकी मूर्ति की पूजा करै सै, अर जो उसके नाम की छाप लेवें सै, उन ताहीं दिन-रात चैन न्ही मिलैगा। (aiōn g165) 12 पवित्र माणसां का धीरज इस्से म्ह सै, के धीरज तै दुख सहन्दे रहवै अर अन्त ताहीं मजबूत बणके परमेसवर के हुकमां नै मान्ने, अर यीशु पै बिश्वास राक्खें। 13 फेर मन्ने सुर्ग तै यो शब्द सुणया, के

लिख, जो मुर्दे प्रभु मह मरें सै, वे इब तै धन्य सै, आत्मा कहवै सै, हौं, क्यूँके वे अपनी महनतां तै आराम पावैगें, अर उनके काम उनके गेल्या हो लवैगें। 14 अर मनै निगांह करी, अर देखवो, एक धोळा बाढ़ळ सै, अर उस बाढ़ळ पै माणस कै बेट्टे बरगा कोए बेठ्या सै, जिसकै सिर पै सोनै का ताज अर हाथ मह तेज दराती सै। 15 फेर एक और सुर्गदूत नै मन्दर मह तै लिक्ड़कै, उसतै जो बाढ़ळ पै बेठ्या था, जोर तै रुक्का मारकै कहा, “के अपनी दराती ल्याकै लामणी कर, क्यूँके लामणी का बखत आण पोंहच्या सै, ज्यांतै के धरती की खेती पक ली सै।” 16 इस करकै जो बाढ़ळ पै बेठ्या था, उसनै धरती पै अपनी दराती लाई, अर धरती की लामणी करी गई। 17 फेर एक और सुर्गदूत उस मन्दर मह तै लिक्ड़या, जो सुर्ग मह सै, अर उसके धारे भी तेज दराती थी। 18 फेर एक और सुर्गदूत जिस ताहीं आग पै हक था, वेदी मह तै लिक्ड़या, अर जिसकै धारे तेज दराती थी, उसतै जोर तै बोल्या, “अपणी तेज दराती ल्याकै धरती की दाखलता के गुच्छे काट ले, क्यूँके उसकी दाख पक ली सै।” 19 अर उस सुर्गदूत नै धरती पै अपनी दराती लाई, अर धरती की दाखलता का फळ काटकै, अपने परमेसवर के प्रकोप के बड़े रस के कुण्ड मह घाल दिया। 20 अर नगर कै बाहरणै उस रसकुण्ड मह अंगूर रौंदे गये, अर रसकुण्ड मह तै इतणा लहू लिक्ड़या के वो नदी मह तबदील होग्या, जो के तीन सौ किलो मीटर लम्बी अर इतनी गहरी थी, के उस मह घोड़े भी समा जावै।

**15** फेर इसके बाद मनै सुर्ग मह एक और बड़ड़ा अर अद्भुत निशान देखा, यानिके सात सुर्गदूत जिनके धारे सात आखरी बिप्टा थी, क्यूँके उनके खतम हो जाण पै परमेसवर के प्रकोप का अंत सै। 2 फेर मनै इसा लाग्या जणु मान्नो मै एक काँच के समुन्दर नै देखण लागरया सूं, जिस मह आग मिली होई थी, मनै इस समुन्दर के किनारे पै उन माणस ताहीं खड़े देखा, जिननै उस बड़े पशु ताहीं हराया था, क्यूँके उननै उसकी मूर्ति की आराधना करण तै अर उसके नाम की मोहर लगाण तै भी मना कर दिया था, उन माणसां के हाथ मह परमेसवर के जरिये दी गई वीणा थी। 3 वे परमेसवर के दास मूसा नबी का गीत, अर मेन्ने का गीत गा-गाके कहवै थे, “हे सर्वशक्तिमान प्रभु परमेसवर, तेरे काम महान, अर अनोकखे सै, हे युग-युग के राजा, तेरी चाल सही अर सच्ची सै।” 4 “हे प्रभु, कौण तेरे तै न्ही डरैगा अर तेरे नाम की महिमा न्ही करैगा? क्यूँके सिर्फ तू ए पवित्र सै। सारी जात आकै तेरे स्याम्ही मोध्थे पड़कै प्रणाम करैगी, क्यूँके तेरे न्याय के काम दिखगे सै।” 5 जिन माणसां नै गाणा बन्द कर दिया, तो मनै सुर्ग मह मन्दर ताहीं खुल्या होया देखा, जो के परमेसवर के तम्बू की तरियां था। 6 अर वे सात्तु सुर्गदूत जिनके धारे सात्तु बिप्टा थी, शुद्ध अर चमकदी होई मलमल के लत्ते पहरे होइ, छाती पै सुनहरे परणे बाँधे होइ मन्दर तै लिक्ड़ै। 7 अर उन च्यारु प्राणियाँ मह तै एक नै उन सात सुर्गदूतां ताहीं परमेसवर के, जो युगानुयुग जीवै सै,

प्रकोप तै भरे होइ सात सोनै के कटोरे दिए। (aiōn g165) 8 अर परमेसवर की महिमा अर उसकी सामर्थ के कारण मन्दर धुम्मे तै भर गया, अर जिब तक उन सात्तु सुर्गदूतां की सात्तु बिप्टा खतम न्ही होई तब तक कोए मन्दर मह न्ही जा सक्या।

**16** फेर मनै मन्दर मह किसे ताहीं जोर तै उन सात्तु सुर्गदूतां तै न्यु कहन्दे सुण्या के जाओ, परमेसवर के प्रकोप के सात्तु कटोरयां ताहीं धरती पै उंडेल द्यो। 2 इस करकै पैहल्ले सुर्गदूत नै जाकै अपना कटोरा धरती पै उंडेल दिया, अर उन माणसां का जिनपै पशु की छाप थी, अर जो उसकी मूर्ति की पूजा करै थे, उनके एक तरियां तै बुरा अर दुख देण आळा फोड़ा लिक्ड़या। 3 अर दुसरे सुर्गदूत नै अपना कटोरा समुन्दर पै उंडेल दिया, अर वो मरे होए माणसां के लहू जिसा होग्या, अर समुन्दर मह रहण आळा हरेक प्राणी मर गया। 4 अर तीसरे सुर्गदूत नै अपना कटोरा नदियाँ, अर पाणी के चोवां पै उंडेल दिया, अर वो लहू बणग्या। 5 फेर मनै पाणी के अधिकारी सुर्गदूत ताहीं न्यु कहन्दे सुण्या, के हे पवित्र, जो सै, अर जो था, तू न्यायी सै, अर तन्नै यो न्याय करया। 6 क्यूँके उननै पवित्र माणसां, अर नबियाँ का लहू बहाया था, इस करकै तन्नै उनतै लहू पियाया, क्यूँके वे इस्से जोग्गे सै। 7 दुबारा मनै वेदी तै यो शब्द सुण्या, के हौं! हे सर्वशक्तिमान प्रभु परमेसवर, तेरे फैसले सही अर सच्चे सै। 8 अर चौथे सुर्गदूत नै अपना कटोरा सूरज पै उंडेल दिया, तो सूरज ताहीं यो हक दिया गया के वो माणसां नै अपनी गर्मी तै झुलसा दे। 9 अर माणस घणी तपण तै झुळसगे, अर वे परमेसवर के नाम की, जिन ताहीं इन मुसीबतां पै हक सै, उस ताहीं श्राप देण लागे, अर ना ए पाप करणा छोड्या, ना उसकी महिमा करी। 10 अर पाँचमै सुर्गदूत नै अपना कटोरा उस पशु कै सिंहासन पै उंडेल दिया अर उसके राज्य पै अन्धेरा छाग्या, अर माणस दर्द के मारे अपनी-अपणी जीभ चबाण लागे। 11 अर अपने दर्दा अर फोड़यां के कारण सुर्ग कै परमेसवर की बुराई करी, अर अपने-अपणे बुरे काम्मां ताहीं करणा न्ही छोड्या। 12 अर छठमै सुर्गदूत नै अपना कटोरा बड़्डी नदी फरात पै उंडेल दिया, अर उसका पाणी सूख गया, ताके पूरब दिशा के राजयां के खात्तर राह त्यार हो जावै। 13 अर मनै उस अजगर कै मुँह मह तै, अर उस पशु कै मुँह मह तै, अर उस झूठे नबी कै मुँह मह तै तीन भुंडी ओपरी आत्मायाँ ताहीं मेंढकां के रूप मह लिक्ड़दे देखा। 14 ये चमत्कार दिखाण आळी भोत सी भुंडी ओपरी आत्मा सै, जो साबती दुनिया के राजयां के धारे तै लिक्ड़कै ज्यांतै जावै सै, के उन ताहीं सर्वशक्तिमान परमेसवर के उस बड़े दिन की लड़ाई कै खात्तर कठ्ठे करै। 15 अर देखखों, मेरा आणा एक चोर की ढाळ होगा जो चुपके तै आवै सै, धन्य वो सै, जो जागदा रहवै सै, अर अपने लत्यां की चौकसी करै सै, के उधाड़ा कोनी हौँडे, अर माणस उसका उधाड़ापण ना देख पावै। 16 अर उन भुंडी ओपरी आत्मायाँ नै सारे राजा ताहीं उस जगहां कठ्ठा करया, जो इब्रानी

मह हर-मगिदोन कुह्वावै सै। 17 अर सातमै सुर्गदूत नै अपणा आठमां राजा सै, अर उन सातुआ मह तै सै, जिसका विनाश तय कटोरा हवा पै उडेल दिया, अर मन्दर के सिंहासन तै यो बड़ड़ा सै। 12 अर जो दस सींग तन्नै देखे सै, वे दस राज्जे सै, जिननै शब्द होया, के, हो चुक्या। 18 फेर बिजलियाँ, अर शब्द, अर इब तार्हीं राज्य न्ही मिल्या, पर उस पशु कै गेल्या थोड़े-से बखत गरजण होए, अर एक इसा बड़ड़ा हाल्लण होया, के जिब तै खात्तर राजयां बरगा हक दिया जावैगा। 13 ये सारे एक मन माणस धरती पै बणाया गया, जद तै इसा बड़ड़ा हाल्लण कदे होवैंगे, वे अपणी-अपणी सामर्थ अर हक उस पशु तार्हीं देवैंगे। न्ही होया था। 19 अर उस बड़े नगर के तीन टुकड़े होंगे, अर 14 ये मेन्ने गैल लड़ैंगे, अर मेन्ना उनतै जीत जावैगा, क्यँके देश-देश के नगर पड़गे, क्यँके परमेसवर नै बेबीलोन नगर के वो प्रभुओं का प्रभु, अर राजयां का राजा सै: अर जो बुलाए माणसां तार्हीं दण्ड देण का अपणा वादा पूरा करया, अर यो होइ, चुणे होइ, अर बिश्वासी उसके गैल सै, वे भी जीत पावैंगे। इसा होगा जिसा मान्ने के वो अपणे छो की जळण की मदिरा 15 फेर उसनै मेरै तै कह्या, के जो पाणी तन्नै देख्या, जिनपै उननै प्याणा। 16 अर जो बेश्या बेठी सै, वो देश, माणस, जात्ति, अर भाषा सै। 16 अर जो पहाड़ां का बेरा न्ही पाटया। 21 अकास तै माणसां पै मण-मण दस सींग तन्नै देखे, वे अर पशु उस बेश्या तै बैर राक्खैंगे, के बड़े ओळे पड़े, अर इस करके के या बिपदा घणीए भारया थी, अर उस तार्हीं लाचार अर उघाड़ी कर देवैंगे, अर उसका माँस खा जावैंगे, अर उस तार्हीं आग मह जळा देवैंगे। 17 वा जनानी, जिसनै तू देखे सै, वो बड़ड़ा नगर सै, जो धरती के राजयां पै राज करै सै। यो सब बात उसके गैल होवैगी, क्यँके यो परमेसवर ही सै, जो अपणे मकसद नै पूरा करण खात्तर उनके मन नै उकसावैगा, ताके वे उसकी मनसा पूरी करै, योए कारण सै के वो अपणा हक पशु तार्हीं राज करण खात्तर दे देंगे, जिब तक के परमेसवर नै जो कह्या सै वो पूरा ना हो ले।

**17** अर जिन सात सुर्गदूतां कै धोरे वे सात कटोरे थे, उन मह तै एक नै आकै मेरै तै न्यू कह्या, के उरै आ, मै तन्नै उस बेश्या का दण्ड दिखाऊँ, जो घणेए पाणी पै बेठी सै। 2 जिसकै गेल्या धरती के राजयां नै जारी करी, अर धरती के बासिन्दे उसकी जारी की मदिरा तै मतवाले होंगे थे। 3 फेर सुर्गदूत मेरी आत्मा नै एक जंगल-बियाबान मह लेया, ओड़ै मन्ने एक जनानी तार्हीं लाल रंग के एक पशु पै बेट्ठे देख्या, वो पशु परमेसवर की बुराई करण आळे शब्दां तै ढक्या होइ था, अर इसके सात सिर अर दस सींग थे। 4 या जनानी बैजनी, अर लाल रंग के लत्ते पैहर-री थी, अर सोन्ने अर घणी कीमती मणियाँ अर मोतियाँ के गहणा तै सजी होइ थी, अर उसके हाथ्यां मह एक सोन्ने का कटोरा था जो अश्लीलता की घृणित चिज्जां तै अर उसकी जारी की भुंडी चिज्जां तै भरया होइ था। 5 अर उसके माथ्यै पै एक रहस्यमय नाम लिख्या था, “बड़ड़ा बेबीलोन धरती की बेश्यायाँ अर घृणित चिज्जां की माँ, अर सारी अश्लीलता नै जन्म देण आळी।” 6 अर मन्ने उस जनानी तार्हीं पवित्र माणसां कै लहू अर यीशु के गवाहां कै लहू पीण मह मतवाली देख्या अर उस तार्हीं देखके मै हैरान होग्या। 7 उस सुर्गदूत नै मेरै तै कह्या, “तू क्यातै हैरान होया?” मै इस जनानी, अर उस पशु का, जिसपै वा चढ़री सै, अर जिसके सात सिर अर दस सींग सै, उसका तेरे तार्हीं भेद बताऊँ सुं। 8 जो पशु तन्नै देख्या सै, यो पैहल्या तो था, पर इब न्ही सै, अर घणे अथाह कुण्ड तै लिकड़के विनाश मह पड़ेगा, अर धरती के बासिन्दे जिनके नाम दुनिया के बणण कै बखत तै जीवन की किताब मह लिक्खे न्ही गये सै, इस पशु की या हाल्लत देखके अचम्भा करैंगे, के पैहल्या था, अर इब कोनी, पर यो दुबारा आवैगा। (Abyssos g12) 9 यो समझाण कै खात्तर के एक ज्ञान्नी मन जरूरी सै: वे सातु सिर सात पहाड़ सै, जिनपै वा जनानी बेठी सै। 10 अर वे सात राजा भी सै, पाँच तो मर लिये सै, अर एक बाक्की सै, अर एक इब तार्हीं आया कोनी, अर जिब आवैगा, तो कुछ बखत तार्हीं उसका रहणा भी जरूरी सै। 11 अर जो पशु पैहल्या था, अर इब न्ही, वो खुद

**18** इसके बाद मन्ने एक और सुर्गदूत तार्हीं सुर्ग तै उतरदे देख्या, जिसकै धोरे बड़ड़ा अधिकार था, अर धरती उसके तेज तै चमक गयी। 2 उसनै जोर तै रुक्का मारके कह्या, पड़ग्या, बड़ड़ा बेबीलोन नगर पड़ग्या सै, अर भुंडी ओपरी आत्मायाँ का घर, हरेक भुंडी आत्मा का बसेरा, एक अशुद्ध अर घृणित पंछी का बसेरा होग्या। 3 यो इस कारण होवैगा क्यँके बेबीलोन नगर उस बिरबान्नी की तरियां सै, जिसकी जारी की डरावणी मदिरा कै कारण सारी जात पड़गी सै, अर धरती के राजयां नै उसके गेल्या जारी करी सै, अर धरती के व्यापारी उसके भोग-विलास के धन कै कारण साहूकार होए सै। 4 फेर मन्ने सुर्ग तै किसे और का बोल सुण्या, के हे मेरे माणसाँ, उस मह तै लिकड़ आओ, के थम उसके पापां मह साइझी न्ही होओ, अर उसकी मुसीबतां मह तै कोए मुसीबत थारे पै ना आण पड़े। 5 क्यँके उसके पाप सुर्ग तार्हीं पोंहोचगे सै, अर उसके अधर्म परमेसवर नै याद आये सै। 6 जिसा उसनै थारे तार्हीं दिया सै, उससे तरियां ए उस तार्हीं भी भर द्यो, अर उसके काम्मां कै मुताबिक उस तार्हीं दो गुणा बदला द्यो, जिस कटोरे मह उसनै भर दिया था उससे मह उसके खात्तर दो गुणा भर द्यो। 7 जितनी उसनै अपणी बड़ाई करी अर सुख-विलास करया, थम भी उसनै उतनाए दुख अर दर्द द्यो, क्यँके वा अपणे मन मह कहवै सै, मै राणी के सामान बण बेठी सुं, मै बिधवा कोनी, अर ना ए कदे बिलाप करूंगी। 8 इस करके एक ए दिन उसके अंहकार के कारण उसपै बिपदा आण पड़ैगी, यानिके मौत, दुख, अकाळ, अर वा आग मह भस्म कर दी जावैगी, क्यँके उसका न्याय करण प्रभु परमेसवर शक्तिशाळी सै। 9 अर धरती के राजा जिननै

उसके गेल्या जारी, अर भोगविलास करया, जिब उसके जळण का धुम्मा देखेंगें, तो उसके खात्तर रोवेंगें, अर छात्ती पीटेंगें। 10 अर उसके दर्द के डर नै याद करके दूर खड़े होके कहवेंगें, हाय! हाय! हे बड़े नगर, बेबीलोन, हे शक्तिशाली नगर, थोड़ी-ए देर म्ह तेरे पै दण्ड आ लेवैगा। 11 अर धरती के व्यापारी उसके खात्तर रोवेंगें अर कळपेंगें, क्यूँके इब कोए उनकी ये चीज मोल लेण आळा कोन्या रह्वा। 12 उन धौरै भोत सारी चीज थी यानिके सोन्ना, चान्दी, रत्न, मोत्ती, अर मलमल, बैजनी, रेशमी, लाल रंग लत्ते, अर हरेक ढाळ की खसबूदार लाकड़ी, अर हाथी दाँत की हरेक ढाळ की चीज, घणी कीमती लाकड़ी, पीतळ, लोहा, अर संगमरमर के सारे ढाळ के बरतन। 13 अर दालचीनी, मसाले, धूप, गन्धरस, लोबान, अंगूर का रस, तेल, मैदा, गेहूँ, गऊँ, बळध, भेड़, बकरियाँ, घोड़े, रथ, गुलाम, अर माणसां के प्राण का कोए खरीदार कोनी रह्वा। 14 व्यापारी उस ताहीं कहवेंगें, के जिन चिज्जां की तन्नै इच्छा करी थी, इब वा कोनी रही, अर एशो-आराम अर शोहरत की चीज तेरे तै दूर होई सै, अर वे कदे भी न्ही मिलैगी। 15 इन चिज्जां के व्यापारी जो उसके जरिये साहूकार होगे थे, उसके दर्द के डर नै याद करके दूर खड़े होके रोन्दे अर कळपदे होए कहवेंगें, 16 “हाय! हाय! यो बड़्ठा नगर जो मलमल, अर बैजनी, अर लाल रंग के लत्ते पहरे था, अर सोन्ने, अर रत्नां, अर मोतियाँ तै सज्या था, 17 थोड़ी-ए देर म्ह उसका इसा सारा धन नाश होगया, अर हरेक माँझी, अर पाणी म्ह सफर करणीया, किस्ती चलाणीए, अर जितने समुन्दर तै कमावें सै, सारे दूर खड़े होके।” 18 अर उस नगर के जळण का धुम्मा देखदे होए रुक्का मारके कहवेंगें, “कोण सा नगर इस बड़े नगर के जिसा सै?” 19 अर अपणे-अपणे सिरां पै धूळ गरेंगें, अर रोन्दे होए अर कळपदे होए किल्की मार-मारके कहवेंगें, के, हाय! हाय! यो बड़्ठा नगर जिसकी सम्पत्ति के जरिये समुन्दर के सारे जहाज आळे साहूकार होगे थे, इब थोड़ी-ए देर म्ह तू उजड़ गया। 20 हे थम जो सुर्ग म्ह रहण आळे, अर हे पवित्र माणसाँ, प्रेरितों, अर नबियों, जो उसके गैल होया सै, इस कारण थम खुशी मनाओ, क्यूँके परमेसवर नै बेबीलोन नगर ताहीं दण्ड देके उसतै थारा बदला लिया सै। 21 फेर एक ताकतवर सुर्गदूत नै बड्डी चाक्की के पाट जिसा पत्थर ठाया, अर न्यू कहके समुन्दर म्ह बगा दिया, के, “बड़्ठा नगर बेबीलोन इस्से ढाळ घणी ताकत तै गिराया जावैगा, अर फेर कदे भी उसका बेरा न्ही पाटैगा। 22 अर बेबीलोन नगर म्ह गायक, वीणा बजाण आळे, बाँसुरी बजाण आळे, अर तुरही फूंकण आळा का शब्द फेर कदे भी तन्नै सुणाई न्ही देवैगा, अर किसे काम का भी कोए कारीगर तन्नै कदे न्ही मिलैगा, अर चाक्की के चाल्लण का शब्द फेर कदे भी तन्नै न्ही सुणैगा। 23 अर दीवे का चाँदणा फेर कदे भी तेरे म्ह न्ही चमकेगा, अर बन्दड़ा-बन्दड़ी का शब्द फेर कदे भी तन्नै सुणाई न्ही देवैगा, क्यूँके तेरे व्यापारी धरती के प्रधान थे, अर तेरे जादू-टूणे तै सारी जात भकाई गई

थी। 24 परमेसवर बेबीलोन नगर ताहीं इस कारण सजा देवैगा, क्यूँके नबियाँ, पवित्र माणसाँ, अर धरती पै सारे घात करे होया का लहू उससे म्ह पाया गया सै।”

**19** इसके बाद मन्नै सुर्ग म्ह मान्ने भीड़ ताहीं जोर तै न्यू कहन्दे सुणया, के, हालेलूय्याह! उद्धार, महिमा, अर सामर्थ, म्हारै परमेसवर ए की सै। 2 क्यूँके उसका न्याय सच्चा अर सही सै, ज्यांतै के उसने उस बड्डी बेश्या का जो अपणी जारी तै धरती के माणसां तै पाप करवाण लागरी थी, परमेसवर नै उस ताहीं दण्ड देके अपणे दासां के लहू का बदला लिया सै। 3 फेर दुसरी बर उननै कह्वा, हालेलूय्याह! अर बेबीलोन नगर के जळण का धुम्मा युगानुयुग उठदा रहवैगा। (aiōn g165) 4 सब चौबीस बुजुर्ग अर च्यारु प्राणियाँ नै झुकके परमेसवर ताहीं प्रणाम करया, जो सिंहासन पै बैठचा था, अर कह्वा, “आमीन! हालेलूय्याह!” 5 अर सिंहासन म्ह तै मन्नै एक आवाज सुणाई दी, के, हे म्हारे परमेसवर तै सारे डरण आळे दासाँ, के छोटे, के बड़े, थम सारे उसकी जै-जै कार करो। 6 फेर मन्नै बड्डी भीड़ का शोर सुणाई दिया, यो भोत घणे पाणी अर जबरदस्त गडगड़ाहट बरगा शब्द था, हालेलूय्याह! प्रभु म्हारा परमेसवर, सर्वशक्तिमान राज्य करै सै। 7 आओ, हम खुश अर मग्न होवां, अर उसकी जै-जै कार करा, क्यूँके मेम्ने का ब्याह आण पोहोचा, अर उसकी बन्दड़ी नै अपणे-आप ताहीं त्यार कर लिया सै। 8 अर उस ताहीं शुद्ध अर चमकदार सुथरे मलमल नै पैहरण का हक दिया गया, क्यूँके उस सुथरे मलमल का मतलब पवित्र माणसां के धर्म के काम सै। 9 अर सुर्गदूत नै मेरै तै कह्वा, न्यू लिख, के, धन्य वे सै, जो मेम्ने के ब्याह के भोज म्ह न्योदे गये सै, फेर उसनै मेरै तै कह्वा, ये परमेसवर की कही गई सच्ची बात सै। 10 अर मै उसनै पूज्जण के खात्तर उसके पायां के म्ह पड़गया, उसनै मेरै तै कह्वा, “देख, इसा मतना करै, मै तेरे अर तेरे भाईयाँ की तरियां ए दास सूँ, जो यीशु की गवाही देण पै अटल सै, परमेसवर नै ए पूज, क्यूँके यीशु की गवाही भविष्यवाणी की आत्मा सै।” 11 फेर मन्नै सुर्ग ताहीं खुल्या होड़ देख्या, अर के देखवूँ सूँ, के एक धोळा घोड़ा सै, अर उसपै एक सवार सै, जो विश्वास जोग्गा, अर सच्चा कुहावै सै, अर वो धर्म के साथ न्याय अर लड़ाई करै सै। 12 उसकी आँख आग की लपट की तरियां थी, अर उसके सिर पै भोत-से मुकुट थे, अर उसके माथ्थ पै एक नाम लिख्या था, जिस ताहीं उसनै छोड़ और कोए न्ही जाणै था। 13 अर उसनै लहू म्ह डुबोया होड़ बाणा पैहरे राख्या था, अर उसका नाम परमेसवर का वचन था। 14 अर सुर्ग की पलटन धोळे घोड्या पै चढ़के अर धोळा अर शुद्ध मलमल के लत्ते पैहरे होड़ उसके पाच्छै-पाच्छै चाल्लण लागरी थी। 15 अर हरेक देश के माणसां ताहीं मारण के खात्तर, उसके मुँह तै एक पैन्ही तलवार लिंकड़े थी, अर वो लोहवै का राजदण्ड लिए होड़ उनपै राज करैगा, अर वो सर्वशक्तिमान परमेसवर के छो की जलन की मदिरा के कुण्ड म्ह अंगूरां नै रौदैगा। 16 अर उसके लत्ते अर

जाँघ पै यो नाम लिख्या था, राजयां का राजा अर प्रभुओं का प्रभु। 17 फेर मन्ने एक सुर्गदूत ताहीं सूरज पै खड्या देख्या, अर उसनै जोर तै रुक्का मारकै अकास म्ह उड़ण आळे सारे पछियाँ तै कह्या, “आओ, परमेसवर के बड़े भोज कै खातर कठ्ठे हो जाओ। 18 ताके थम राजा, प्रधान, ताकतवर माणसां का, घोड्या का, उनके सवारां का, अर सारे ढाल के आजाद, गुलाम, छोट्टे, बड़े, सारे माणसां का माँस खा सको।” 19 फेर मन्ने उस पशु जो समुन्दर म्ह तै लिक्ड्या था, धरती के राजयां अर उनकी पलटन ताहीं उस धोळे घोड़े के सवार, अर उसकी पलटन तै लड़ण कै खातर कठ्ठे देख्या। 20 अर वो पशु अर उसके गेल्या वो झूठा नबी पकड्या गया, जिसनै उसके स्याम्ही इसे चमत्कार दिखाए थे, जिनके जरिये उसनै उन ताहीं भकाया, जिन नै उस पशु की छाप ली थी, अर जो उसकी मूर्ति की पूजा करै थे, ये दोन्नु जिन्दे जी उस आग की झील म्ह जो गन्धक तै जळै सै, गेरे गये। (Limnē Pyr g3041 g4442) 21 बाक्की लोग उस घोड़े की तलवार तै, जो उसके मुँह तै लिक्डै थी, मार दिए गये, अर सारे पंछी उनके माँस तै छिकगे।

**20** फेर मन्ने एक सुर्गदूत ताहीं सुर्ग तै उतरदे देख्या, जिसके हाथ म्ह अथाह कुण्ड की ताळी, अर एक बड़ी बेल थी।

(Abysos g12) 2 अर उसनै उस अजगर, यानिके पुराणे साँप ताहीं, जो इब्लीस अर शैतान सै, पकड़के हजार साल के खातर बाँध दिया। 3 अर उस ताहीं अथाह कुण्ड म्ह गेर के मूंद दिया, अर उसपै मोहर ला दी, ताके वो हजार साल के पूरे होण तक देश-देश के माणसां ताहीं दुबारा न्ही भका सकै, यो सब होण कै बाद यो जरूरी सै, के थोड़ी देर खातर वो दुबारा खोल्या जावैगा।

(Abysos g12) 4 फेर मन्ने सिंहासन पै कई माणसां ताहीं बेठे देख्या, अर उन ताहीं न्याय करण का हक दिया गया, अर फेर मन्ने उन माणसां की आत्मा ताहीं भी देख्या, जिनके सिर यीशु की गवाही देण अर परमेसवर के वचन के कारण धड़ तै अलग करे गये थे। उननै उस पशु अर उसकी मूर्ति की पूजा कोनी करी थी, अर ना उसकी छाप अपने माथ्ये अर हाथ्यां पै ली थी, वे जिन्दा होकै मसीह के गेल्या हजार साल ताहीं राज करदे रहे। 5 जिब तक ये हजार साल पूरे न्ही होए तब तक बाकी मरे होए जिन्दा न्ही होए, यो तो पैहला पुनरुत्थान सै। 6 धन्य अर पवित्र सै वो माणस, जो इस पैहलडे पुनरुत्थान म्ह शामिल होवैगा, इस्यां पै दुसरी मौत का किमे भी हक कोन्या, पर वे परमेसवर अर मसीह के याजक होंगे, अर उसके गैल हजार साल ताहीं राज्य करैंगे। 7 अर जिब हजार साल पूरे हो लेंगे, तो शैतान कैद तै छोड़ दिया जावैगा। 8 अर उन जात्तां ताहीं जो धरती के चौगरदेकै होंगी, यानिके गोग अर मगोग जिनकी गिणती समुन्दर की बाळू के बराबर होगी, उन ताहीं भकाकै, कठ्ठे करके लड़ाई करण खातर लिक्डैगा। 9 वे साबती धरती पै फैल जावेंगी, अर पवित्र माणसां की छावणी अर प्यारे नगर नै घेर लेवेंगी, पर सुर्ग म्ह परमेसवर की आग उतरके उसकी सारी

पलटन ताहीं भस्म कर देवैगी। 10 अर उनका भकाण आळा शैतान आग अर गन्धक की उस झील म्ह गेर दिया, जिस म्ह वो पशु अर झूठा नबी भी होगा, अर वे दिन-रात युगानुयुग दर्द तै तड़पदे रहवेंगे। (aiōn g165, Limnē Pyr g3041 g4442) 11 फेर मन्ने एक बड़ड़ा धोळा सिंहासन अर उसपै बेठे होए परमेसवर ताहीं देख्या, जिसके स्याम्ही तै धरती अर अकास भाजगे, अर उसके बाद वे दिखाई न्ही दिए। 12 फेर मन्ने छोट्टे-बड़े सारे मरे होया ताहीं परमेसवर के सिंहासन कै स्याम्ही खड़े होए देख्या, अर किताबें खोल्ली गई, अर फेर एक और किताब खोल्ली गई, यानिके जीवन की किताब। मरे होया का न्याय उनके काम्मां कै मुताबिक करया गया, जिनका बयान इन किताबां म्ह लिख्या होइ था। 13 अर समुन्दर नै उन मरे होए माणसां ताहीं उगळ दिया, जो उस म्ह थे, अर मौत अर अधोलोक नै भी उन मरे होए माणसां ताहीं उगळ दिया, जो उस म्ह थे, अर हरेक का न्याय उनके काम्मां कै मुताबिक करया गया। (Hadēs g86) 14 मौत अर अधोलोक भी आग की झील म्ह गेरे गये, या आग की झील ए दुसरी मौत सै। (Hadēs g86, Limnē Pyr g3041 g4442) 15 अर जिस किसे का नाम जीवन की किताब म्ह लिख्या होया न्ही मिल्या, वो आग की झील म्ह गेर दिया गया। (Limnē Pyr g3041 g4442)

**21** फेर मन्ने नये अकास अर नयी धरती ताहीं देख्या, क्यूँके पैहला अकास अर पैहली धरती खतम हो ली थी, अर समुन्दर भी न्ही रहया। 2 फेर मन्ने पवित्र नगर नये यरुशलैम ताहीं सुर्ग पै तै, परमेसवर के धोरे तै उतरदे देख्या, अर वो नगर उस बन्दड़ी की तरियां था, जो अपने बन्दड़े खातर सिंगार करके सिंगरी हो सै। 3 फेर मन्ने सिंहासन म्ह तै किसे ताहीं जोर तै न्यु कहन्दे सुणया, के, देख, आज तै ए परमेसवर का डेरा माणसां कै बिचाळै होवैगा, वो उनकै गेल्या वास करैगा, अर वे उसके माणस होंगे, अर परमेसवर खुद उनकै गेल्या रहवैगा, अर वो उनका परमेसवर होगा। 4 अर वो उनकी आँखां तै सारे आँसू पुंज देवैगा, अर इसके बाद ना मौत, ना दुख, ना बिलाप, अर ना दर्द रहवैगा, क्यूँके पुराणी बात बीत ली सै। 5 अर जो सिंहासन पै बेठ्या था, उसनै कह्या, के देख, इब मै नई सृष्टि की रचना करण लागरया सूं, फेर उसनै कह्या, के लिख ले, क्यूँके जो कुछ कह्या जाण लागरया सै, जो मै कहण लागरया सूं, तू उसपै विश्वास कर सकै सै, क्यूँके यो पक्का होवैगा। 6 फेर उसनै मेरे तै कह्या, “सब कुछ पूरा होग्या सै, मै अल्फा अर ओमेगा, आदि अर अन्त सूं। जो तिसिए सै मै उन ताहीं उस पाणी के चौबै म्ह तै जो अनन्त जिन्दगी देवै सै उस ताहीं मुफ्त म्ह प्याऊँगा। 7 जो बुराई की ताकतां पै जीत पावै, वोए ये सारी आशीष मेरे तै पावैगा, अर मै उसका परमेसवर होऊँगा, अर वो मेरा बेटा होगा। 8 पर डरपोक, अबिश्वासी, घिनौणे, हत्यारे, जार, जादू-टूणे करणीये, मूर्ति पूजणीये, अर सारे झूठे माणसां का भाग उस झील म्ह मिलैगा, जो आग अर गन्धक तै

फेर जिन सात सुर्गदूत के धौरै आखरी सात मुसीबतां तै भरे होड़ कटोरै थे, उन म्ह तै एक मेरै धौरै आया, अर मेरै गेल्या बात करके कहा, “उरै आ मै तन्नै बन्दडी यानिके मेम्ने की घरआळी दिखाऊंगा।” 10 अर वो मन्नै आत्मा म्ह, एक बड़े अर ऊँच्चे पहाड़ पै लेग्या, अर पवित्र नगर यरुशलेम ताहीं सुर्ग पै तै परमेसवर के धौरै उतरदे दिखाया। 11 परमेसवर की महिमा उस म्ह थी, अर उसकी चमक बेसकिमती पत्थर पारस के समान अर पन्ने की ढाळ सुथरी थी। 12 अर उसकी चारदीवारी घणी ऊँच्ची थी, अर उसके बारहा फाटक अर फाटकां पै बारहा सुर्गदूत थे, अर उनपै इस्राएलियाँ के बारहा गोत्रां के नाम लिक्खे थे। 13 पूरब कान्ही तीन फाटक, उत्तर कान्ही तीन फाटक, दक्खिन कान्ही तीन फाटक, अर पश्चिम कान्ही तीन फाटक थे। 14 अर नगर की चारदीवारी की बारहा नीम थी, अर उनपै मेम्ने के बारहा प्रेरितां के बारहा नाम लिक्खे होड़ थे। 15 अर जो सुर्गदूत मेरै गेल्या बात करण लागरया था, उसके धौरै नगर, उसके फाटकां अर उसकी चारदीवारी ताहीं नाप्पण कै खातर एक सोन्ने का सरकण्डा दिया गया था। 16 अर वो नगर चकोर बस्या होड़ था, अर उसकी लम्बाई अर चौड़ाई एक सी थी, अर उसनै उस सरकण्डे तै नगर ताहीं नाप्या, तो साढ़े सात सौ कोस का लिक्कया, उसकी लम्बाई, चौड़ाई, अर ऊँचाई एक सी थी। 17 अर उसनै उसकी चारदीवारी ताहीं माणस के, यानिके सुर्गदूत के नाप तै नाप्या, तो छियासठ मीटर लिक्कड़ी। 18 अर उसकी चारदीवारी म्ह पन्ने जड़े थे, अर नगर इसे शुद्ध सोन्ने का था, जो कती शीशे बरगा साफ था। 19 अर उस नगर की नीम हरेक ढाळ के घणे महँग पत्थरां तै सजाई होड़ थी, पैहल्डी नीम पन्ने की थी, दुसरी नीलमणि की, तीसरी लालड़ी की, चौथी मरकत की। 20 पाँचमी गोमेदक की, छठी माणिक्य की, सातमी पीतमणि की, आठमी पेरोज की, नौम्मी पुखराज की, दसमी लहसनिए की, ग्यारमी धूप्रकान्त की, बाहरमी याकूत की। 21 अर बारहों फाटक, बारहा मोतियाँ के थे, एक-एक फाटक, एक-एक मोत्ती का बण्या होड़ था, अर नगर की सड़क साफ-सुथरे काँच के जिसे शुद्ध सोन्ने की थी। 22 अर मन्नै उस म्ह कोए मन्दर न्ही देख्या, क्यूँके सर्वशक्तिमान प्रभु परमेसवर, अर मेम्ना उसका मन्दर सै। 23 अर उस नगर म्ह सूरज अर चाँद के चाँदणे की जरूरत कोनी, क्यूँके परमेसवर के तेज तै उस म्ह चाँदणा होरया सै, अर मेम्ना उसका दीवा सै। 24 अर हरेक देश के माणस उसके चाँदणे म्ह चाल्लै-फिरैंगे, अर धरती के राजा अपणी शानों-शोकत उस म्ह ल्यावैंगे। 25 अर उसके फाटक दिन म्ह कदे भी न्ही मूंदे जावैंगे, अर ओड़ै रात न्ही होगी। 26 अर हरेक देश के माणस अपणी शानों-शोकत उस म्ह ल्यावैंगे। 27 पर उस नगर म्ह कोए अशुद्ध चीज, या घृणित काम करण आळा, या झूठ का गढ़नआळा किसे भी तरियां तै उस म्ह

दाखल न्ही हो पावैगा, पर सिर्फ वे लोग दाखल होवैंगे जिनके नाम मेम्ने की जीवन की किताब म्ह लिक्खे सै।

**22** फेर सुर्गदूत नै मेरै ताहीं पाणी दिखाया जो जीवन देण आळा पाणी कहलावै सै, अर वो पाणी शीशे की तरियां साफ था, अर उसका चोवां परमेसवर का सिंहासन सै, जो के मेम्ने का भी सिंहासन सै। 2 वो नदी नगर के बीचों बीच सड़क कै बिचाळे बहवै थी। अर नदी के इस पार, अर उस पार, उसके दोन्नु किनारां पै जीवन का दरखत था, जो जीवन देवै सै, उस म्ह बारहा ढाळ के फळ लागै थे, अर वो हरेक महिन्ने फळ ल्यावै था, अर उस दरखत के पत्त्यां तै हरेक देश के माणस चंगे होवै थे। 3 अर फेर कोए श्राप न्ही होगा। परमेसवर अर मेम्ने का सिंहासन उस नगर म्ह होगा, अर उसके दास उसकी सेवा करैंगे। 4 अर वे परमेसवर ताहीं आम्ही-स्याम्ही देखैंगे, अर परमेसवर का नाम उनके माथ्यां पै लिख्या होया होगा। 5 अर फेर कदे रात न्ही होगी, अर ना ए उन ताहीं दीवै अर सूरज के चाँदणे की जरूरत होगी, क्यूँके प्रभु परमेसवर उन ताहीं चाँदणा देवैगा, अर वे युगानुयुग राज करैंगे। (aiōn g165) 6 फेर सुर्गदूत नै मेरै तै कहा, “जो मै कहण लागरया सू, तू उसपै बिश्वास कर सकै सै, क्यूँके यो पक्का होवैगा, अर प्रभु जो नबियाँ की आत्मायाँ का परमेसवर सै, अपणे सुर्गदूत ताहीं ज्यातै भेज्या, के अपणे दास्सां ताहीं वे बात जिनका तावळा पूरा होणा जरूरी सै दिखावै।” 7 देख, मै तावळा आण आळा सू, धन्य सै वो, जो इस किताब की भविष्यवाणी की बाततां नै मान्ने सै। 8 मै वोए यूहन्ना सू, जो ये बात सुणै, अर देखवै था, अर जिब मन्नै सुणया, अर देख्या, तो जो सुर्गदूत मन्नै ये बात दिखावै था, मै उसके पायां म्ह प्रणाम करण के खातर मोध्या पड़ग्या। 9 अर उसनै मेरै तै कहा, “देख, इस ढाळ मतना करै, क्यूँके मै तेरा अर तेरे भाई नबियाँ का अर इस भविष्यवाणी की अर इस किताब की बाततां कै मानण आळा का जोड़ीदार दास सू, परमेसवर नै ए पूज।” 10 फेर उसनै मेरै तै कहा, “इस किताब की भविष्यवाणी की बाततां ताहीं बन्द मतना करै, क्यूँके बखत आ लिया सै। 11 जो जुल्म करै सै, वो जुल्म ए करदा रहवै, अर जो बुरा सै, वो बुरा बण्या रहवै, अर जो धर्मी सै, वो धर्मी बण्या रहवै, अर जो पवित्र सै, वो पवित्र बण्या रहवै।” 12 लखा, मै तावळा-ए आण आळा सू, अर हरेक के काम कै मुताबिक बदला देण कै खातर प्रतिफळ मेरै धोरै सै। 13 मै अल्फा अर ओमेगा, पैहला अर आखरी, आदि अर अन्त सू। 14 धन्य वे सै, जो अपणे लत्ते धो लेवै सै, क्यूँके उन ताहीं जीवन के दरखत कै लोवै आण का हक मिलैगा, अर वे फाटकां तै हो कै नगर म्ह दाखल होवैंगे। 15 पर कुत्ते, अर जादू-टूणा करणीये, जार, हत्यारे, मूर्ति पूजणीया, हरेक झूठ का चाहण आळा, अर झूठ गढ़ण आळा बाहरणै रहवैगा। 16 मुझ यीशु नै अपणे सुर्गदूत ताहीं ज्यातै भेज्या सै, ताके थारे आगमै कलीसियाओं कै बारै म्ह इन बाततां की गवाही दियु, मै दाऊद का मूल, अर

वंश, अर भीर का चमकदा होड़ तारा सूं। 17 अर आत्मा, अर बन्दड़ी दोन्नु कहवै सै, “आ!” अर सुणण आळा भी कहवै, के “आ!” अर जो तिसाया हो, वो आवै अर जो कोए चाहवै वो जीवन का पाणी मुफ्त म्ह ले। 18 मै हरेक तारीं जो इस किताब की भविष्यवाणी की बात सुणै सै, गवाही दियुं सूं, के जै कोए माणस इन बाततां म्ह किमे बधावै, तो परमेसवर उन मुसीबतां तारीं जो इस किताब म्ह लिक्खी सै, उसपै बढ़ावैगा। 19 अर जै कोए इस भविष्यवाणी की किताब की बाततां म्ह तै किमे लिकाड़ै, तो परमेसवर उस जीवन के दरखत अर पवित्र नगर म्ह तै जिसका जिक्र इस किताब म्ह सै, उसका हिस्सा लिकाड़ देवैगा। 20 जो इन बाततां की गवाही देवै सै, वो न्यू कहवै सै, “हाँ, मै तावळा आण आळा सूं, आमीन। हे प्रभु यीशु आ!” 21 प्रभु यीशु का अनुग्रह पवित्र लोगां कै गैल रहवै। आमीन।



फेर मन्ने पवित्र नगर नये यरुशलेम ताहीं सुर्ग पै तै, परमेसवर के धीरे तै उतरदे देख्या, अर वो नगर उस बन्दड़ी की तरियां था,  
जो अपणे बन्दड़े खात्तर सिंगार करके सिंगरी हो सै। फेर मन्ने सिंहासन म्ह तै किसे ताहीं जोर तै न्यू कहन्दे सुण्या, के, देख,  
आज तै ए परमेसवर का डेरा माणसां के बिचाळे होवैगा, वो उनके गेल्या वास करैगा, अर वे उसके माणस होंगे,  
अर परमेसवर खुद उनके गेल्या रहवैगा, अर वो उनका परमेसवर होगा।

प्रकाशित वाक्य 21:2-3

# Reader's Guide

हरियाणवी at [AionianBible.org/Readers-Guide](http://AionianBible.org/Readers-Guide)

The Aionian Bible republishes public domain and Creative Common Bible texts that are 100% free to copy and print. The original translation is unaltered and notes are added to help your study. The notes show the location of eleven special Greek and Hebrew Aionian Glossary words to help us better understand God's love for individuals and for all mankind, and the nature of afterlife destinies.

Who has the authority to interpret the Bible and examine the underlying Hebrew and Greek words? That is a good question! We read in 1 John 2:27, *"As for you, the anointing which you received from him remains in you, and you do not need for anyone to teach you. But as his anointing teaches you concerning all things, and is true, and is no lie, and even as it taught you, you remain in him."* Every Christian is qualified to interpret the Bible! Now that does not mean we will all agree. Each of us is still growing in our understanding of the truth. However, it does mean that there is no infallible human or tradition to answer all our questions. Instead the Holy Spirit helps each of us to know the truth and grow closer to God and each other.

The Bible is a library with 66 books in the Protestant Canon. The best way to learn God's word is to read entire books. Read the book of Genesis. Read the book of John. Read the entire Bible library. Topical studies and cross-referencing can be good. However, the safest way to understand context and meaning is to read whole Bible books. Chapter and verse numbers were added for convenience in the 16th century, but unfortunately they can cause the Bible to seem like an encyclopedia. The Aionian Bible is formatted with simple verse numbering, minimal notes, and no cross-referencing in order to encourage the reading of Bible books.

Bible reading must also begin with prayer. Any Christian is qualified to interpret the Bible with God's help. However, this freedom is also a responsibility because without the Holy Spirit we cannot interpret accurately. We read in 1 Corinthians 2:13-14, *"And we speak of these things, not with words taught by human wisdom, but with those taught by the Spirit, comparing spiritual things with spiritual things. Now the natural person does not receive the things of the Spirit of God, for they are foolishness to him, and he cannot understand them, because they are spiritually discerned."* So we cannot understand in our natural self, but we can with God's help through prayer.

The Holy Spirit is the best writer and he uses literary devices such as introductions, conclusions, paragraphs, and metaphors. He also writes various genres including historical narrative, prose, and poetry. So Bible study must spiritually discern and understand literature. Pray, read, observe, interpret, and apply. Finally, *"Do your best to present yourself approved by God, a worker who does not need to be ashamed, properly handling the word of truth."* 2 Timothy 2:15. *"God has granted to us his precious and exceedingly great promises; that through these you may become partakers of the divine nature, having escaped from the corruption that is in the world by lust. Yes, and for this very cause adding on your part all diligence, in your faith supply moral excellence; and in moral excellence, knowledge; and in knowledge, self-control; and in self-control patience; and in patience godliness; and in godliness brotherly affection; and in brotherly affection, love. For if these things are yours and abound, they make you to be not idle nor unfruitful to the knowledge of our Lord Jesus Christ,"* 2 Peter 1:4-8.

# Glossary

हरियाणवी at [AionianBible.org/Glossary](http://AionianBible.org/Glossary)

The Aionian Bible un-translates and instead transliterates eleven special words to help us better understand the extent of God's love for individuals and all mankind, and the nature of afterlife destinies. The original translation is unaltered and a note is added to 64 Old Testament and 200 New Testament verses. Compare the meanings below to the Strong's Concordance and Glossary definitions.

## **Abyssos** g12

*Greek:* proper noun, place

*Usage:* 9 times in 3 books, 6 chapters, and 9 verses

*Meaning:*

Temporary prison for special fallen angels such as Apollyon, the Beast, and Satan.

## **aidios** g126

*Greek:* adjective

*Usage:* 2 times in Romans 1:20 and Jude 6

*Meaning:*

Lasting, enduring forever, eternal.

## **aiōn** g165

*Greek:* noun

*Usage:* 127 times in 22 books, 75 chapters, and 102 verses

*Meaning:*

A lifetime or time period with a beginning and end, an era, an age, the completion of which is beyond human perception, but known only to God the creator of the aiōns, Hebrews 1:2. Never meaning simple endless or infinite chronological time in Greek usage. Read Dr. Heleen Keizer and Ramelli and Konstan for proofs.

## **aiōnios** g166

*Greek:* adjective

*Usage:* 71 times in 19 books, 44 chapters, and 69 verses

*Meaning:*

From start to finish, pertaining to the age, lifetime, entirety, complete, or even consummate. Never meaning simple endless or infinite chronological time in Koine Greek usage. Read Dr. Heleen Keizer and Ramelli and Konstan for proofs.

## **eleēsē** g1653

*Greek:* verb, aorist tense, active voice, subjunctive mood, 3rd person singular

*Usage:* 1 time in this conjugation, Romans 11:32

*Meaning:*

To have pity on, to show mercy. Typically, the subjunctive mood indicates possibility, not certainty. However, a subjunctive in a purpose clause is a resulting action as certain as the causal action. The subjunctive in a purpose clause functions as an indicative, not an optative. Thus, the grand conclusion of grace theology in Romans 11:32 must be clarified. God's mercy on all is not a possibility, but a certainty. See [ntgreek.org](http://ntgreek.org).

**Geenna** g1067

*Greek:* proper noun, place

*Usage:* 12 times in 4 books, 7 chapters, and 12 verses

*Meaning:*

Valley of Hinnom, Jerusalem's trash dump, a place of ruin, destruction, and judgment in this life, or the next, though not eternal to Jesus' audience.

**Hadēs** g86

*Greek:* proper noun, place

*Usage:* 11 times in 5 books, 9 chapters, and 11 verses

*Meaning:*

Synonymous with Sheol, though in New Testament usage Hades is the temporal place of punishment for deceased unbelieving mankind, distinct from Paradise for deceased believers.

**Limnē Pyr** g3041 g4442

*Greek:* proper noun, place

*Usage:* Phrase 5 times in the New Testament

*Meaning:*

Lake of Fire, final punishment for those not named in the Book of Life, prepared for the Devil and his angels, Matthew 25:41.

**Sheol** h7585

*Hebrew:* proper noun, place

*Usage:* 66 times in 17 books, 50 chapters, and 64 verses

*Meaning:*

The grave or temporal afterlife world of both the righteous and unrighteous, believing and unbelieving, until the general resurrection.

**Tartaroō** g5020

*Greek:* proper noun, place

*Usage:* 1 time in 2 Peter 2:4

*Meaning:*

Temporary prison for particular fallen angels awaiting final judgment.

# Glossary +

[AionianBible.org/Bibles/Haryanvi---Haryanvi-Bible/Noted](http://AionianBible.org/Bibles/Haryanvi---Haryanvi-Bible/Noted)

Glossary references are below. Strong's Hebrew and Greek number notes are added to 64 Old Testament and 200 New Testament verses. Questioned verse translations do not contain Aionian Glossary words and may wrongly imply *eternal* or *Hell*. \* The note placement is skipped or adjusted for verses with non-standard numbering.

## **Abyssos**

लूका 8:31  
रोमियों 10:7  
प्रकाशित वाक्य 9:1  
प्रकाशित वाक्य 9:2  
प्रकाशित वाक्य 9:11  
प्रकाशित वाक्य 11:7  
प्रकाशित वाक्य 17:8  
प्रकाशित वाक्य 20:1  
प्रकाशित वाक्य 20:3

## **aidios**

रोमियों 1:20  
यहूदा 1:6

## **aiōn**

मत्ती 12:32  
मत्ती 13:22  
मत्ती 13:39  
मत्ती 13:40  
मत्ती 13:49  
मत्ती 21:19  
मत्ती 24:3  
मत्ती 28:20  
मरकुस 3:29  
मरकुस 4:19  
मरकुस 10:30  
मरकुस 11:14  
लूका 1:33  
लूका 1:55  
लूका 1:70  
लूका 16:8  
लूका 18:30  
लूका 20:34  
लूका 20:35  
यूहन्ना 4:14  
यूहन्ना 6:51  
यूहन्ना 6:58  
यूहन्ना 8:35  
यूहन्ना 8:51  
यूहन्ना 8:52  
यूहन्ना 9:32  
यूहन्ना 10:28  
यूहन्ना 11:26  
यूहन्ना 12:34  
यूहन्ना 13:8  
यूहन्ना 14:16


प्रेरितों के काम 3:21  
प्रेरितों के काम 15:18  
रोमियों 1:25  
रोमियों 9:5  
रोमियों 11:36  
रोमियों 12:2  
रोमियों 16:27  
1 कुरिन्थियों 1:20  
1 कुरिन्थियों 2:6  
1 कुरिन्थियों 2:7  
1 कुरिन्थियों 2:8  
1 कुरिन्थियों 3:18  
1 कुरिन्थियों 8:13  
1 कुरिन्थियों 10:11  
2 कुरिन्थियों 4:4  
2 कुरिन्थियों 9:9  
2 कुरिन्थियों 11:31  
गलातियों 1:4  
गलातियों 1:5  
इफिसियों 1:21  
इफिसियों 2:2  
इफिसियों 2:7  
इफिसियों 3:9  
इफिसियों 3:11  
इफिसियों 3:21  
इफिसियों 6:12  
फिलिप्पियों 4:20  
कुलुस्सियों 1:26  
1 तीमुथियुस 1:17  
1 तीमुथियुस 6:17  
2 तीमुथियुस 4:10  
2 तीमुथियुस 4:18  
तीतुस 2:12  
इब्रानियों 1:2  
इब्रानियों 1:8  
इब्रानियों 5:6  
इब्रानियों 6:5  
इब्रानियों 6:20  
इब्रानियों 7:17  
इब्रानियों 7:21  
इब्रानियों 7:24  
इब्रानियों 7:28  
इब्रानियों 9:26  
इब्रानियों 11:3  
इब्रानियों 13:8  
इब्रानियों 13:21  
1 पतरस 1:23

1 पतरस 1:25  
1 पतरस 4:11  
1 पतरस 5:11  
2 पतरस 3:18  
1 यूहन्ना 2:17  
2 यूहन्ना 1:2  
यहूदा 1:13  
यहूदा 1:25  
प्रकाशित वाक्य 1:6  
प्रकाशित वाक्य 1:18  
प्रकाशित वाक्य 4:9  
प्रकाशित वाक्य 4:10  
प्रकाशित वाक्य 5:13  
प्रकाशित वाक्य 7:12  
प्रकाशित वाक्य 10:6  
प्रकाशित वाक्य 11:15  
प्रकाशित वाक्य 14:11  
प्रकाशित वाक्य 15:7  
प्रकाशित वाक्य 19:3  
प्रकाशित वाक्य 20:10  
प्रकाशित वाक्य 22:5

## **aiōnios**


मत्ती 18:8  
मत्ती 19:16  
मत्ती 19:29  
मत्ती 25:41  
मत्ती 25:46  
मरकुस 3:29  
मरकुस 10:17  
मरकुस 10:30  
लूका 10:25  
लूका 16:9  
लूका 18:18  
लूका 18:30  
यूहन्ना 3:15  
यूहन्ना 3:16  
यूहन्ना 3:36  
यूहन्ना 4:14  
यूहन्ना 4:36  
यूहन्ना 5:24  
यूहन्ना 5:39  
यूहन्ना 6:27  
यूहन्ना 6:40  
यूहन्ना 6:47  
यूहन्ना 6:54  
यूहन्ना 6:68






जिब परमेसवर नै अब्राहम तार्हीं किते जाण खातर बुलाया था, तो उसनै बिश्वास तै ए परमेसवर के हुकम तार्हीं मानकै, एक इसी जगहं लिक्ड़ गया, जो जगहं परमेसवर अब्राहम तार्हीं उसकी जायदाद के तोरे पै देण आळा था, पर वो या कोनी जाणै था के वो कित्त जावै सै, अर वो फेर भी चला गया। - इब्रानियों 11:8


# Israel's Exodus



*"When Pharaoh had let the people go, God didn't lead them by the way of the land of the Philistines, although that was near; for God said, 'Lest perhaps the people change their minds when they see war, and they return to Egypt.'" Exodus 13:17*



क्यूँकि मैं माणस का बेटा ज्याँतै कोनी आया के अपनी सेवा-पाणी करवाऊँ, पर ज्याँतै आया के खुद सेवा-पाणी करूँ, अर घणखरयां के छुटकारे के खातर अपनी जान देऊँ। - मरकुस 10:45



या चिट्ठी पौलुस की ओड़ तै सै, जो यीशु मसीह का दास सै अर परमेशवर के जरिये प्रेरित होण के खातर चुण्या गया अर उसका सुसमाचार सुणाण खातर न्यारा करया गया सै। - रोमियों 1:1

# Creation 4004 B.C.

Adam and Eve created	4004
Tubal-cain forges metal	3300
Enoch walks with God	3017
Methuselah dies at age 969	2349
God floods the Earth	2349
Tower of Babel thwarted	2247
Abraham sojourns to Canaan	1922
Jacob moves to Egypt	1706
Moses leads Exodus from Egypt	1491
Gideon judges Israel	1245
Ruth embraces the God of Israel	1168
David installed as King	1055
King Solomon builds the Temple	1018
Elijah defeats Baal's prophets	896
Jonah preaches to Nineveh	800
Assyrians conquer Israelites	721
King Josiah reforms Judah	630
Babylonians capture Judah	605
Persians conquer Babylonians	539
Cyrus frees Jews, rebuilds Temple	537
Nehemiah rebuilds the wall	454
Malachi prophecies the Messiah	416
Greeks conquer Persians	331
Seleucids conquer Greeks	312
Hebrew Bible translated to Greek	250
Maccabees defeat Seleucids	165
Romans subject Judea	63
Herod the Great rules Judea	37

(The Annals of the World, James Uusher)

## Jesus Christ born 4 B.C.

# New Heavens and Earth



- 1956 Christ returns for his people
- 1956 Jim Elliot martyrd in Ecuador
- 1830 John Williams reaches Polynesia
- 1731 Zinzendorf leads Moravian mission
- 1614 Japanese kill 40,000 Christians
- 1572 Jesuits reach Mexico
- 1517 Martin Luther leads Reformation
- 1455 Gutenberg prints first Bible
- 1323 Franciscans reach Sumatra
- 1276 Ramon Llull trains missionaries
- 1100 Crusades tarnish the church
- 1054 The Great Schism
- 997 Adalbert martyrd in Prussia
- 864 Bulgarian Prince Boris converts
- 716 Boniface reaches Germany
- 635 Alopen reaches China
- 569 Longinus reaches Alodia / Sudan
- 432 Saint Patrick reaches Ireland
- 397 Carthage ratifies Bible Canon
- 341 Ulfilas reaches Goth / Romania
- 325 Niceae proclaims God is Trinity
- 250 Denis reaches Paris, France
- 197 Tertullian writes Christian literature
- 70 Titus destroys the Jewish Temple
- 61 Paul imprisoned in Rome, Italy
- 52 Thomas reaches Malabar, India
- 39 Peter reaches Gentile Cornelius
- 33 Holy Spirit empowers the Church

(Wikipedia, Timeline of Christian missions)

## Resurrected 33 A.D.

<b>What are we?</b> ▶			Genesis 1:26 - 2:3	
<b>How are we sinful?</b> ▶			Romans 5:12-19	
<b>Where are we?</b> ◀			Innocence	
			Eternity Past	Creation 4004 B.C.
<b>Who are we?</b> ▶	God	Father	John 10:30	Genesis 1:31 God's perfect fellowship with Adam in The Garden of Eden
		Son	God's perfect fellowship	
		Holy Spirit		
	Mankind	Living	Genesis 1:1 No Creation No people	Genesis 1:31 No Fall No unholy Angels
		Deceased believing		
		Deceased unbelieving		
	Angels	Holy	Genesis 1:1 No Creation No people	Genesis 1:31 No Fall No unholy Angels
		Imprisoned		
		Fugitive		
		First Beast		
		False Prophet		
		Satan		
<b>Why are we?</b> ▶			Romans 11:25-36, Ephesian 2:7	

Mankind is created in God's image, male and female He created us

Sin entered the world through Adam and then death through sin

## When are we?



Fallen				Glory
Fall to sin No Law	Moses' Law 1500 B.C.	Christ 33 A.D.	Church Age Kingdom Age	New Heavens and Earth
1 Timothy 6:16 Living in unapproachable light				Acts 3:21 Philippians 2:11 Revelation 20:3  God's perfectly restored fellowship with all Mankind praising Christ as Lord in the Holy City
John 8:58 Pre-incarnate	John 1:14 Incarnate	Luke 23:43 Paradise		
Psalm 139:7 Everywhere	John 14:17 Living in believers			
Ephesians 2:1-5 Serving the Savior or Satan on Earth				
Luke 16:22 Blessed in Paradise				
Luke 16:23, Revelation 20:5,13 Punished in Hades until the final judgment				
Hebrews 1:14 Serving mankind at God's command				
2 Peter 2:4, Jude 6 Imprisoned in Tartarus				
			Revelation 20:13 Thalaasa	Matthew 25:41 Revelation 20:10
1 Peter 5:8, Revelation 12:10  Rebelling against Christ Accusing mankind			Revelation 19:20 Lake of Fire	Lake of Fire prepared for the Devil and his Angels
			Revelation 20:2 Abyss	

For God has bound all over to disobedience in order to show mercy to all

# Destiny

हरियाणवी at [AionianBible.org/Destiny](http://AionianBible.org/Destiny)


The Aionian Bible shows the location of eleven special Greek and Hebrew Aionian Glossary words to help us better understand God's love for individuals and for all mankind, and the nature of after-life destinies. The underlying Hebrew and Greek words typically translated as *Hell* show us that there are not just two after-life destinies, Heaven or Hell. Instead, there are a number of different locations, each with different purposes, different durations, and different inhabitants. Locations include 1) Old Testament *Sheol* and New Testament *Hadēs*, 2) *Geenna*, 3) *Tartaroō*, 4) *Abyssos*, 5) *Limnē Pyr*, 6) *Paradise*, 7) *The New Heaven*, and 8) *The New Earth*. So there is reason to review our conclusions about the destinies of redeemed mankind and fallen angels.

The key observation is that fallen angels will be present at the final judgment, 2 Peter 2:4 and Jude 6. Traditionally, we understand the separation of the Sheep and the Goats at the final judgment to divide believing from unbelieving mankind, Matthew 25:31-46 and Revelation 20:11-15. However, the presence of fallen angels alternatively suggests that Jesus is separating redeemed mankind from the fallen angels. We do know that Jesus is the helper of mankind and not the helper of the Devil, Hebrews 2. We also know that Jesus has atoned for the sins of all mankind, both believer and unbeliever alike, 1 John 2:1-2. Deceased believers are rewarded in Paradise, Luke 23:43, while unbelievers are punished in Hades as the story of Lazarus makes plain, Luke 16:19-31. Yet less commonly known, the punishment of this selfish man and all unbelievers is before the final judgment, is temporal, and is punctuated when Hades is evacuated, Revelation 20:13. So is there hope beyond Hades for unbelieving mankind? Jesus promised, "*the gates of Hades will not prevail*," Matthew 16:18. Paul asks, "*Hades where is your victory?*" 1 Corinthians 15:55. John wrote, "*Hades gives up*," Revelation 20:13.

Jesus comforts us saying, "*Do not be afraid*," because he holds the keys to *unlock* death and Hades, Revelation 1:18. Yet too often our *Good News* sounds like a warning to "*be afraid*" because Jesus holds the keys to *lock* Hades! Wow, we have it backwards! Hades will be evacuated! And to guarantee hope, once emptied, Hades is thrown into the Lake of Fire, never needed again, Revelation 20:14.

Finally, we read that anyone whose name is not written in the Book of Life is thrown into the Lake of Fire, the second death, with no exit ever mentioned or promised, Revelation 21:1-8. So are those evacuated from Hades then, "*out of the frying pan, into the fire?*" Certainly, the Lake of Fire is the destiny of the Goats. But, do not be afraid. Instead, read the Bible's explicit mention of the purpose of the Lake of Fire and the identity of the Goats, "*Then he will say also to those on the left hand, 'Depart from me, you cursed, into the consummate fire which is prepared for... the devil and his angels,'"* Matthew 25:41. Bad news for the Devil. Good news for all mankind!

Faith is not a pen to write your own name in the Book of Life. Instead, faith is the glasses to see that the love of Christ for all mankind has already written our names in Heaven. Jesus said, "*You did not choose me, but I chose you*," John 15:16. Though unbelievers will suffer regrettable punishment in Hades, redeemed mankind will never enter the Lake of Fire, prepared for the devil and his angels. And as God promised, all mankind will worship Christ together forever, Philippians 2:9-11.



इस करके थम जाओ, सारी जात्तां के माणसां ताहीं वेल्ला बणाओ; अर उननै पिता, पुत्र अर पवित्र आत्मा के नाम तै बपतिस्मा द्यो, - मती 28:19

